

此土著述(梵)

第 149 册

一五·一六一三 佛祖歷代通載三六卷(四至三六)

嘉興路大中祥符禪寺住持華亭念常集

(查四—查十、冥一—冥十、治一—治十、本一—本六)

卷四(查四)	一	卷五(查五)	二
卷六(查六)	四二	卷七(查七)	六八
卷八(查八)	九二	卷九(查九)	一二二
卷一〇(查十)	一四九	卷一一(冥一)	一八〇
卷一二(冥二)	二〇六	卷一三(冥三)	二二六
卷一四(冥四)	二四四	卷一五(冥五)	二六〇
卷一六(冥六)	二八二	卷一七(冥七)	二九九
卷一八(冥八)	三一六	卷一九(冥九)	三三五
卷二〇(冥十)	三五八	卷二一(治一)	三八〇
卷二二(治二)	四〇一	卷二三(治三)	四二三
卷二四(治四)	四四三	卷二五(治五)	四六二
卷二六(治六)	四八五	卷二七(治七)	五〇二
卷二八(治八)	五二一	卷二九(治九)	五四四
卷三〇(治十)	五七〇	卷三一(本一)	五九五
卷三二(本二)	六一八	卷三三(本三)	六四〇
卷三四(本四)	六六一	卷三五(本五)	六七九

卷三六(本六) 七〇二

一五·一六一四 百丈清規八卷(一至八)

大智壽聖禪寺住持臣楷德輝奉勅重編
大龍翔集慶寺住持臣楷大訢奉勅校正 七二一

(本七—本十、於一—於四)

文(本七) 七二二 目錄(本七) 七二九

卷一(本七) 七三三 卷二(本八) 七四二

卷三(本九) 七六五 卷四(本十) 七八六

卷五(於一) 八〇四 卷六(於二) 八二四

卷七(於三) 八四二 卷八(於四) 八五八



清刻龍藏佛說法變相圖

佛祖歷代通載卷第四

杏四

嘉興路大中祥符禪寺住持華亭念常集

周

五巳 昭王 瑕康王子王道微缺回南 冶五十一
巡狩乘膠船沉於水

年

杏四

五癸 二十五年四月八日大聖現白象瑞七支

案地乘雲而下降神大術胎中右脇而坐
 豈若虹樞現表厥命世者也

頁甲 二月八日世尊生于迦毘羅衛國藍毘尼

園波羅叉樹下從母摩耶夫人右脇而出

姓刹利父淨飯王母大清淨生時九龍吐

水金盤沐已周行七步自言吾受最後生

身天上天下唯吾獨尊相好莊嚴具三十

二大人之相諸經有別且依一文三十二

千輻輪紋三手柔軟如兜羅綿四指間網
貌猶如鸞王五指纖長六足跟充滿七

足跌相承八雙臂脩直九雙膝圓滿如伊
 尼延麻王十陰華密如象馬王十一毛
 青右旋十二髮毛上靡十三身皮金色十
 白皮潤離垢十五七處充滿十六肩項珠
 相端嚴二腭睛直十八容儀紅滿十九身
 四十二常光一尋二十三齒白齊字二舌
 覆面輪二十七梵音頻伽二面如眼睫紺
 青二十九眼暗如牛王三十面如眼睫紺
 十一眉間白毫三十二鳥瑟職吒猶如天
 蓋更有八十隨好具如般若等說

太子三歲父王携謁天神廟神像起立王
 驚嘆曰天中天

太子七歲詣師習世間書典

太子十歲與兄弟擲力以手擲象城外射

透鏡鼓九重世尊示出家太子出遊四門
 見生老病死者北門見出家人生欣樂心

二月八日夜淨居天報言太子出家時至
 遂乘馬逾城至檀特山拔劍斬髮入彌樓
 山阿藍迦處習不用處定今依六年苦行

三十成道之教也有說十二月八日出家
 諸部說異文贊疏云總會諸文而為二說
 一云諸部說十九出家三十成道本起因
 緣經亦十九歲思維無相三昧經三十成
 道智論亦十九不說成道時佛住世實八

查四

二

十年有會十九出家五年事仙人行樂行
 六年行苦行三十成道智論用此二云亦
 有諸部及大乘說二十九出家三十五成
 道增一中雜三阿含經出曜經和須密論
 並說二十九悲華經善見論說三十五成

道本起經云三十五也菩提流支引經偈
 云八年作嬰兒七年作童子四年學五明
 十年受五欲六年行苦行三十五成道四
 十五年中教化諸眾生真諦及西域記並
 同此說金光明經報恩經等同說佛壽八

十年也甲子但七十九年畧釋偈曰

言五

示正因果相二已作不夫未作不得相一顯
相二示免脫位論勝相一示摧伏他輪勝利
有二相一示安立字界及能成立相二示
語工巧勝利相○四賢方明有相四種相一
示病體善巧相○示病日善巧相三示斷
已更生善巧相○示斷

三者工巧明善諸世法○三端六義等言
一禮長者一文華二武鋒三辨舌也六義者
六番四教窮知梯壞五射能開弓弩六御
善調象馬世尊在官為太子時性自仁賢
百禮通諸風俗曰樂六十四齋悉曉曰書
射御塞門大象曰御餘如經論廣陳

用造父為御乘乎八駿日行

千里

甫刑

人

可窮矣

乃曼殊室利自連等示相也然王未如

風真穆王滿子昭王用造父為御乘乎八駿日行

千里 周史如治五十五年壽一十歲即位作

甫刑 王命甫侯呂級入為司寇增輕減

人 北山曰玉時西極有化人未及山川

可窮矣 王教之若聖藥中天臺以居之

第一四九册 佛祖歷代通載 一五二六一三

是佛弟子

世尊示成道苦行六年既滿沐於熙泥連

河受牧牛女之乳糜納吉祥之軟草詣菩

提樹王坐金剛座上三十四心示成正覺

號天人師具一切智住世垂訓四十九年

說法三時初中後善以有空言破空有執

二邊既離中道斯存俾利鈍機發脩自行

故演而伸之為八萬四千之法藏也博施

濟眾因果張馬斷惡懲善聖凡別矣群生

自茲有仗也初入麻茆度五比丘度優樓

頻羅迦葉千人出家

佛象頭山為龍鬼說法等

佛度舍利弗目捷連二百五十人出家

須達長者布金買祇陀園建寺奉佛

佛在拘耶尼國為婆陀和菩薩說苦行般

三 龍 藏

若等經

丑巳 佛在柳山為純真陀羅王等說法

寅庚 佛在穢澤為阿拙摩說法及升忉利天

母說法經九十日優闍國王思慕如來命

大目連及毘首羯摩天化為匠人詣天宮

摹佛相好以栴檀香木刻像供養既而夏

滿下降中天王及大臣及國人民同往迎

佛其像騰空向佛問訊佛為摩頂受記曰

我滅度千年以後汝往震旦廣利人天

佛還摩竭國為弗沙王說法等

佛為彌勒說脩行本起經

佛還迦毘羅國為父王說法普曜經載此

佛於欲色二界說大集等經

佛始說十六會八部般若等經

辛丑 佛始檢約徒眾勅置戒律

丙午 佛從弟阿難始出家

辛亥 阿難請佛度摩訶波闍波底比丘尼等出

家

佛說金光明并法華等經于靈山會上是

辛未 年世尊拈花示眾百萬人天皆茫然唯金

色頭陀破顏微笑世尊曰吾有正法眼藏

涅槃妙心實相無相微妙法門分付於汝

汝當護持并勅阿難副貳傳化聽吾偈曰

法本法無法無法法亦法今付無法時法

法何曾法爾時世尊說此偈已復告迦葉

吾將金縷僧伽黎傳付於汝轉授補處慈

氏母令斷絕

拈花事荆國王公對佛慧

問佛經中具載但此經多言國家

帝王之事戲之秘府世故無聞

壬申 二月十五日世尊示涅槃應世七十九年

李四

五

化緣周畢於拘尸羅國金沙跋提河間娑羅雙樹下說涅槃經及遺教經已安住常寂滅光名大涅槃右脇而卧於中夜寂然無聲闍維得舍利八斛四斗涅槃經前時後分具明時有白虹一十二道南北貫通連宵不滅穆

王問太史扈多曰是何徵也對曰西方有大聖人滅度衰相現也王曰朕常患此今既滅度更何憂耶西土諸王以香木闍維分身建塔震旦計十九處

乙亥 共王緊扈穆王有聖德治十二年王嘗游于涇上

密康公從有三女奔康公受之而不以獻王遂滅密

丁亥 懿王囂共王周室衰詩人刺之遷都治二

十五年齊王世表公荒淫王命惠之作變風刺之

壬子 孝王辟方共王弟王時外國有進二尺虎

又進四角犀治十五年

辰丙 第一祖摩訶迦葉摩竭陀國人也姓婆羅

門父飲澤母香志昔為鍛金師善明金性使其柔伏付法傳云嘗於久遠劫中毘婆尸佛入涅槃後四眾起塔塔中像面上金色有少缺壞時有貧女將金珠往金師所

請飾佛面既而因共發願願我二人為無姻夫妻由是因緣九十一劫身皆金色後生梵天天壽盡生中天摩竭陀國婆羅門家名曰迦葉波此云飲光勝尊蓋以金色為號也緣是志求出家真度諸有佛言善

來比丘須髮自除袈裟著體常於眾中稱歎第一復言吾以清淨法眼將付於汝汝可流布無令斷絕涅槃經云爾時世尊欲涅槃時迦葉不在眾會高禪師正宗記評曰昔涅槃會之初如來告諸比丘曰汝等不應作如是語我今所有無上正法悉已付囑摩訶迦葉是

青田 六

迦葉者當為汝等作大依止然正宗者聖人密相傳授不可必知其處與時也以經酌之則法華先而涅槃後也方說法華迦葉預焉及涅槃而不在其會吾謂付法之時其在二經之間耳或謂靈山拈花又曰付法於多子塔前然此未見所出吾雖稍取亦不敢果。佛告諸大弟子迦葉來時可令宣揚正法眼藏爾時迦葉在耆闍崛山

賓鉢羅窟觀勝光明即入三昧以淨天眼觀見世尊於熙連河側入般涅槃乃告其徒曰如來涅槃也何其駛哉即至雙樹間悲戀號泣佛於金棺內現雙足爾時迦葉告諸比丘佛已荼毘金剛舍利非我等事

我等宜當結集法眼無令斷絕乃說偈曰如來弟子且莫涅槃得神通者當赴結集於是得神通者悉集王舍耆闍崛山賓鉢羅窟時阿難為漏未盡不得入會後證阿羅漢果由是得入迦葉乃白眾言此阿難

比丘多聞總持有大智慧常隨如來梵行清淨所聞佛法如水傳器無有遺餘佛所讚歎聰敏第一宜可請彼集脩多羅藏大衆默然迦葉告阿難曰汝今宜宣法眼阿難聞語信受觀察衆心而宣偈言比丘諸

者四

七

眷屬離佛不在嚴猶如虛空中衆星之無月說是偈已禮衆僧足升法座而說是言如是我聞一時佛住某處說某經教乃至人天等作禮奉行時迦葉問諸比丘阿難所言不錯謬乎皆曰不異世尊所說迦葉乃告阿難言我今年不久留今將正法付囑於汝汝善守護聽吾偈言法法本來法無法無非法何於一法中有法有不法說是偈已乃持僧伽黎衣入難足山俟慈氏下生即周孝王五年丙辰歲也

甲

卯丁

秦非子

其先高陽之後始女脩大業
大費佐舜為相大廉孟戲中
行乃大廉立孫鳥身人言為殷太
武之御中滴飛廉惡來秦之先也
後至伯翳佐禹治水有功舜賜姓
嬴氏後之非子周孝王使主馬又
大蕃息封于秦號曰秦嬴至德公
居雍城秦州龍城縣也後穆公始
霸至昭襄稱王自非子下秦侯公
和秦仲莊平文直以武德宣城穆

康共桓襄惠悼厲躁懷靈簡惠出
獻孝惠文王武王昭王三十二君
六百三十
八年也

夷王燮

懿王次子周室陵遷諸侯
朝朔下臺迎之治十六年

厲王胡

夷王子暴虐無道國人叛之
擊殺于彘通周召五十年

二祖阿難王舍城人也姓刹利帝父斛飯

王實佛之從弟也梵語阿難陀此云慶喜
亦云歡喜如來成道夜生因為之名多聞
博達智慧無礙世尊以為總持第一嘗所
讚歎加以夙世有大功德受持法藏如水
傳器佛乃命為侍者後阿闍世王白言仁

者如來迦葉尊勝二師皆已涅槃而我多

故悉不能親仁者般涅槃時願垂告別阿

難許之後自念言我身危脆猶如聚沫况

復衰老豈能長久又念阿闍世王與吾有

約乃詣王官告之曰吾欲入涅槃故來辭

書

八

耳門者曰王寢不可以聞阿難曰俟王覺

時當為我說時王夢中見一寶蓋七寶嚴

飾千萬億眾圍繞瞻仰俄而風雨暴至吹

折其柄玳寶瓔珞悉墜於地心甚驚異既

寤門者具白上事王聞語已失聲踴慟哀

感天地即至毘舍離城見阿難在恒河中

流跏趺而坐王乃作禮而說偈言稽首三

界尊棄我而至此暫憑悲願力且莫般涅

槃時毘舍離王亦在河側復說偈言尊者

一何速而歸寂滅場願住須臾間而受於

供養爾時阿難見二國王咸來勸請乃說
偈言二王善嚴住勿爲苦悲戀涅槃當我
淨而無諸有故阿難復念我若偏向一國
而般涅槃諸國爭競無有是處應以平等
度諸有情遂於恒河中流將入寂滅是時

山河大地六種震動雪山中五百仙人覩
茲瑞應飛空而至禮阿難足胡跪白言我
於長老當證佛法願垂大慈度脫我等阿
難默然受請即變現伽河悉爲金地爲其
仙衆說諸大法阿難復念先所度脫弟子

本音

九

應當來集須臾五百羅漢從空而下爲諸
仙人出家受具其仙衆中有二羅漢一名
商那和脩二名末田底迦阿難知是法器
乃告之曰昔如來以大法眼付大迦葉迦
葉入定而付於我我今將滅用傳於汝汝

受吾教當聽偈言本來付有法付了言無
法各各須自悟悟了無無法阿難付法眼
藏竟踊身虛空作十八變入風奮迅三昧
分身四分一分奉切利天一分奉娑竭羅
龍宮一分奉毘舍離王一分奉阿闍世王
各建寶塔而供養之乃厲王十年癸巳歲
也

亥字世尊入滅一百年矣

傳曰百歲已前人傳雖異法味一如五
師傳教首迦葉波傳之阿難阿難傳商

那和脩商傳優波毘多優傳末田底迦
自此百年之後法踈一味水乳兩和拆
豔分金各宗異見源流派別二部斯興
一上座部二大衆部三百年来展轉分
破大衆本末別成九部大衆部一說部

說出世部鷄亂部多聞部說假部制多

山部西山住部止山住部○上座本末

成十一部說一切有部上座部犢子部

法上部賢胃部正量部密林山部化地

部法藏部飲光部經量部嗚呼正法加

絲以麻嘉謨增乳以水慕道者惑于異

端孰非曷是悲哉

申庚 共和元年王崩 王時求道濫謗百姓不言

是作亂叛王于燕在政三十七年

周召二伯行政號共和九十四年

戊甲 宣王靖厲王子初王奔燕太子匿召公家

脫既長周召二伯立之為王僖文武成
康之風諸侯復宗周時天下大旱王自
黃身六 治四十六年王臣史籀改蒼頡

古文為大篆 今跋下石跋有數字

未 鄭桓公友 厲王少子宣王之弟初封

新鄭是至幽公弟君乙為君自桓
下武莊厲昭嬰屬復靈襄悼成

盤簡定獻聲哀共滿君乙凡
二十三若二百八十八十一年

第三祖商那和脩摩突羅國人也亦名舍

那婆斯姓毘舍多父林勝母憍奢邪在胎

六年而生梵云商諾迦此云自然服即西

域九枝秀草名也若羅漢聖人降生則此

草生於淨地祖生時瑞草斯應昔如來行

化至摩突羅國見一青林枝葉茂盛語阿

難曰此林地名優留茶吾滅度後一百年

有比丘商那和脩於此地轉妙法輪後百

歲果誕祖出家證道受慶喜尊者法眼化

導有情及止此林降二火龍歸順佛教龍

因施地以建梵宮祖化緣既久思付正法

尋於吒利國得優波耄多以為給侍因問

耄多曰汝年幾邪答曰我年十七祖曰汝

身十七性十七耶答曰師髮已白為髮白

書

士

邪心白邪祖曰我但髮白非心白耳曰我身十七非性十七也和脩知是法器三載後遂為落髮受具乃告曰昔如來以無上正法眼藏付囑迦葉展轉相授而至於我我今付汝勿令斷絕汝受吾教聽吾偈言

非法亦非心無心亦無法說是心法時是法非心法說偈已即隱於罽賓國南象白山中後於三昧中見弟子毘多有五百徒眾常多懈慢祖乃往彼現龍奮迅三昧以調伏之而說偈曰通達非彼此至聖無長短汝除輕慢意疾得阿羅漢五百比丘聞偈已依教奉行皆獲無漏祖乃作十八變火光三昧用焚其身毘多收舍利葬於梵迦羅山五百比丘各持一幡迎導至彼建紀塔供養乃宣王二十二年乙未歲王無事

殺杜伯一日出畋見杜伯持弓矢射王中心墮車折脊而死事見墨子載也

庚申

幽王宮涅

宣王于瑩褒如生伯服廢太子與申后而立伯服褒如不好笑

王乃舉烽燧大談諸侯皆至又且無寇獲如大笑手悅後申侯與犬戎同伐王于驪山復舉烽燧諸侯不至遂死山在下乃扶太子直舊為王以奉周祀

位十一年

庚午

携王伯服

幽王庶子西與殺王伯服乃立國人不服未經年而廢之

東周

都于洛陽

辛未

平王宜曰

幽王太子申侯立之

東遷洛京以碎難治

五十一年

壬申

諸侯寢盛政出方伯

辛卯

世尊示滅二百年矣

庚子

第四祖優波毘多吒利國人也亦名優波

崛多又名鄔波毘多姓首陀父善意十七

出家二十證果隨方行化至摩突羅國得

度者甚衆由是魔宮震動波旬愁怖遂竭其魔力以害正法祖即入三昧觀其所由波旬復伺便密持瓔絡縻之于頰及祖出定乃取人狗蛇三屍化為華髮而慰諭波旬曰汝與我瓔絡甚是珍妙吾有華髮

以相酬奉波旬大喜引頸受之即變為三種臭屍蟲蛆壞爛波旬厭惡大生憂惱盡已神力不能移動乃升六欲天告諸天王又詣梵王求其解免彼各告言十力弟子所作神變我輩凡陋何能去之波旬曰然

則奈何梵王曰汝可歸心尊者即能除斷乃為說偈令其回向曰若因地倒還因地起離地求起終無其理波旬受教已即下天宮禮尊者足哀露懺悔多告曰汝自今去於如來正法更不作燒害否波旬曰

我誓回向佛道永斷不善相曰若然者汝可口自唱言歸依三寶魔王合掌三唱華髮悉除乃歡喜踊躍作禮尊者而說偈曰稽首三昧尊十力聖弟子我今願回向勿令有劣弱尊者在世化導證果最多每度

蓋

三

一人以一籌置於石室其室縱十八肘廣十二肘充滿其間最後有一長者子名曰香衆來禮尊者志求出家祖問曰汝身出家心出家答曰我來出家不為身心祖曰不為身心復誰出家曰夫出家者無我我故無我我故即心不生滅心不生滅即是常道諸佛亦常心無形相其體亦然祖曰汝當大悟心自通達宜依佛法僧紹隆聖種即為剃度受具足戒仍告之曰汝父嘗夢金日而生汝可名提多迦復謂曰如來

以大法眼截次第傳授以至於我今復付汝聽吾偈言心自本來心本心非有法有法有本心非心非本法付法已乃踊身虛空呈十八變然後本坐跏趺而逝多迦以室內籌用焚其軀收舍利建塔供養即平

王三十年庚子歲也

己未 王四十九年乃魯隱公元年孔子春秋編

年始于此

壬戌 桓王林 平王孫太子 在位二十三年

子桓 莊王佗 王 在位十五年

第五祖提多迦者摩伽陀國人初生之時父夢金日自屋而出照耀天地前有大山諸寶嚴飾山頂泉湧滂沱四流後遇耆多尊者為解之曰寶山者吾身也泉湧者法無盡也日從屋出者汝今入道之相也照

耀天地者汝智慧超越也尊者本名香象師因易今名馬梵語提多迦此云通真量也多迦聞師說已歡喜踊躍而唱偈言魏巍七寶山常出智慧泉迴為真法味能度諸有緣耆多尊者亦說偈曰我法傳於汝

十四

十四

當現大智慧金日從屋出照耀於天地提多迦聞師妙偈設禮奉持後至中印度彼國有八千大仙彌遮迦為首聞尊者至率眾瞻禮謂尊者曰昔與師同生梵天我遇阿私陀仙人授我仙法師逢十力弟子修習禪那自此報分殊塗已經六劫尊者曰支離累劫誠哉不虛今可捨邪歸正以入佛乘彌遮迦曰昔阿私陀仙人授我記云汝却後六劫當遇同學獲無漏果今也相遇非宿緣邪願師慈悲令我解脫尊者即

度出家命聖授戒餘仙眾始生我慢尊者
示大神通於是俱發菩提心一時出家乃
告彌遮迦曰昔如來以大法眼蔽密付迦
葉展轉相授而至於我我今付汝當護念
之乃說偈曰通達本法心無法無非法悟

了同未悟無心亦無法說偈踊身虛空作
十八變火光三昧自焚其軀彌遮迦與八
千比丘同收舍利於班茶山中起塔供養
即莊王五年己丑歲也

僖王胡齊莊王子一名鑿治五年○五霸次興庸中

子曰霸者假也用威刑而防政使仁義
而不湮秦漢皆霸道也春秋稱五霸者
乞傳曰齊桓公九合諸侯一匡天下孔
子稱為五霸之首○晉文公名天子於
河陽而朝諸侯矣○秦繆公因伐鄭而
敗諸侯過楚修德○宋襄公為鹿上之
盟諸侯於楚許之○楚莊王率
諸侯伐陳而立陳靈公諸侯皆伏矣
乙惠王閔有寵而後作亂王奔鄭鄭伯伐類

甲 殺之立王時齊桓伐楚治二十五年
子賈包茅不貢入周矣

襄王鄭惠上子子帶作乱王奔治二十三
午庚

年

未世尊入滅三百年矣此後龍猛菩薩造中
論等破除有見後提

婆等諸大論師造百論
等私闢大義了義燈明

甲 第六祖彌遮迦者中印度人也既傳法已
遊化至北天竺國見雉堞之上有金色祥
雲歎曰斯道人氣也必有大士為吾法嗣
乃入城於闐闐間有一人手持酒器逆而
問曰師何方而來欲往何所師曰從自心
來欲往無處曰識我手中物否師曰此是
觸器而負淨者曰師還識我否師曰我即
不識識即非我又謂曰汝試自稱名氏吾
當後示本因彼因說偈而答我從無量劫
至于生此國本姓頗羅墮名字婆須密師

曰我師提多迦說世尊昔遊北印度語阿難言此國中吾滅後三百年有一聖人姓頗羅墮名婆須密而於禪祖當獲第七世尊記汝汝應出家彼乃置器禮師側立而言曰我思往劫嘗作檀那獻一如來寶座

彼佛記我云汝於賢劫釋迦法中宣傳至教今符師說願加度脫師即與披剃復圓戒相乃告之曰正法眼藏今付於汝勿令斷絕乃說偈曰無心無可得說得不名法若了心非心始解心心法說偈已入師子

本四

六

奮迅三昧踊身虛空高七多羅樹却復本座化火自焚婆須密收靈骨貯七寶函建浮圖實于上級即襄王十五年甲申歲也

卯癸 項王壬臣襄王 治六年楚莊王 始霸
巳 匡王班項王 在位六年

子壬 ○有云此年世尊入滅者破邪論引誤

定王瑜匡王 治二十一年。楚子問鼎之大小輕重

老聃氏於是年九月十四日生於楚國陳郡苦縣賴鄉曲仁里魏書云老聃父姓韓名軋字元畢母曰精敷二合而娠孕八十年而生於李樹下因以為姓名耳字伯陽

身長四尺六寸額凸眉麓反唇騫鼻體尖胯濶聃耳鬢頭故諡曰聃以疑獨之道秘于心三寶之德資于用一曰慈二曰儉三曰不敢為天下先景王已卯紫氣浮關欲往流沙時有函關令尹喜知道之人也乃請言教老氏遂著道德二篇合五千言皆評大道也既而弗克至于流沙斃于槐里年八十四歲時有秦佚之弔三號而出是知天命殞于周也墓在槐里西南三十里

書四

七

渭水之陽今興平縣也佛先三百四十五

年

第七祖婆須密者北天竺國人也姓頗羅
隨常服淨水執酒器游行里閤或吟或嘯
人謂之狂及遇彌遮迦尊者宣如來往誌

自惺前緣投器出家授法行化至迦摩羅

國廣興佛事於法座前忽有一智者自稱

我名佛陀難提今與師論義師曰仁者論

即不義義即不論若擬論義終非義論難

提知師義勝心即欽伏曰我願求道露甘

露味尊者遂與剃度而授具戒復告之曰

如來正法眼藏我今付汝汝當護持乃說

偈曰心同虛空界示等虛空法證得虛空

時無是非法尊者即入慈心三昧時梵

王帝釋及諸天眾俱來作禮而說偈言賢

劫眾聖祖而當第七位尊者哀念我請為

宣佛地尊者從三昧起示眾云我所得法

而非有故若識佛地離有無故說此語已

還入三昧示涅槃相難提即於本座起七

寶塔以蓋全身即定王十七年辛未歲也

子簡王夷定王治十四年

丁。老氏仕周為守藏吏時年二十一矣

巳。老氏遷太史令時年三十四矣一云柱

下史自是五十四年不調時人目為吏

隱也王十四年魯襄元也

庚寅靈王泄心簡王生而有鬚治二十七年

戊辰二十一年十一月初四日老氏五十五歲

矣

孔子生于魯國兗州鄒邑縣平鄉晉昌里

實隱公後第九代襄公二十一年冬十一

高

六

月初四日按殷本紀孔子父姓卅梁名紂為鄒邑縣宰先娶鄒氏女生子孟皮不才後娶顏氏女名徵夫婦禱尼丘山神而生孔子生而有髮身長九尺六寸腰帶十圍垂手過膝河眸海口龍顏方頰鳳顙燕頤亂鬚虎視有中和之德衣莊而嚴色溫而勵有四十二表如世家自易姓孔氏名丘字仲尼至唐玄宗諡曰文宣王丘先殷之後裔穎考叔弗何祖焉至紂移居魯易姓叔深後孔子追昔先生姓字以子配一更姓孔氏是不忘本仁也學無常師自然英才誕秀聖德不羣世號素王大宣文教矣魯哀公十一年自衛反魯修文教於洙泗之濱祖述堯舜憲章文武之風約魯史而修春秋周平魯隱始之自己未終敬王魯

哀壬戌記二百四十二年之事明王室衰諸侯霸衰貶得失絕筆于獲麟之句也而傳有五左丘明公羊高穀梁赤鄒氏邾氏刪詩三百而詠國風雅頌正變之道也而傳者分為四詩毛韓魯齊詩以關雎首之有四明有夫婦次有父子君臣之道有三綱逆順辨其國政定尚書凡百篇始于二典次及三王典謨誓誥之文備悉明也秦火之後漢儒伏生口授裁二十餘篇正禮樂有二禮記四十九篇而以曲禮首之終于喪服之制俾夫孝弟施行安上治民廣大悉備而傳者徐生首焉周禮者六官之屬王百七十五明宗廟社稷王侯等差朝格典儀大全其式矣贊易道始于太極是生兩儀四象八卦萬物生焉作十翼書以明之謂

上繫下繫上彖下彖上象下象文言說卦
紋卦雜卦而傳者古今衆矣資學三千達
者七十有二四科十哲德行顏回閔損冉
耕仲弓言語宰予端木賜政事冉求仲由
文學言偃卜商子鯉伯魚孫伋子思皆預

其數壽七十三歲薨佛先三百九十九年

亥辛 世尊示滅四百年矣時迦濕弥羅國五百
六通依法智論造毘

婆沙
論

丁巳 景王貴王治二十五年

第八祖佛陀難提者迦摩羅國人也姓瞿

丙寅 曇氏頂有肉髻辨捷無礙初遇婆須密尊

者出家受教既而領徒行化至提迦國城
毘舍羅家見其舍有白光上騰謂徒衆曰
此家聖人口無言說真大乘器不行四衢
知觸穢耳言訖長者出致禮問何所須祖

曰我求侍者曰我有一子名伏馱密多年
已五十口未曾言是未曾履祖曰如汝所
說真吾弟子祖既見之遽起禮拜而說偈
曰父母非我親誰是最親者諸佛非我道
誰是最道者祖以偈荅曰汝言與心親父

查

干

母非可比汝行與道合諸佛心即是外求
有相佛與汝不相似次識汝本心非合亦
非離伏馱密多聞祖妙偈便行七步祖曰
此子昔曾值佛悲願廣大慮父母愛情難
捨故不言不履耳時長者遂捨令出家祖

尋授具戒復告之曰我今以如來正法眼
藏付囑於汝勿令斷絕乃說偈曰虛空無
內外心法亦如此若了虛空故是達真如
理密多承師付囑以偈讚曰我師禪祖中
當得爲第八法化衆無量悉獲阿羅漢爾

時尊者佛陀難提即現神變却復本座儼然寂滅眾興寶塔葬其全身即景王十年丙寅歲也

乙亥孔子時年二十六適周問禮於老聃聘年
己巳七十九老聃是年薨壽八十四歲

己辛四月王崩劉子單子立王子猛六月子朝

作亂十月晉納王于王城十一月猛卒
悼王敬王
弟悼王劉獻公單穆公韓宣等伐子

朝立王治四十三年

乙酉 ○冬克單逐王子朝入成周自是謂王城為西周成周為東周

壬辰十一年乃魯定元

辛丑孔子為魯司寇年已五十二矣

癸卯孔子去魯適衛

己巳孔子之宋如陳

申戊孔子微服過宋

己酉孔子厄於陳

庚戌二十八年魯哀十一年孔子自衛返魯作春秋定六經時年六十一歲矣

甲寅第九祖伏馱密多者提伽國人姓毗舍羅既受佛陀難提付囑後至中印度行化時

有長者香蓋携一子而來瞻禮尊者曰此子處胎六十年因號難生復嘗會一仙者謂此兒非凡當為法器今遇尊者可令出家祖即與落髮授戒羯磨之際祥光燭座仍感舍利三十粒現前自此精進忘疲既而師告之曰如來大法眼藏今付於汝汝護念之乃說偈曰真理本無名因名顯真理受得真實法非真亦非偽尊者付法已即入滅盡三昧而般涅槃眾以香油旃檀闍維真體收舍利建塔于那爛陀寺即敬

庚申 王三十三年甲寅歲孔子絕筆于獲麟

成王四十年魯哀十六年夏四月八日孔子

薨于曲阜四十三年吳滅矣

成元王仁敬王子治八年○越王勾踐始霸矣

西癸 貞定王介元王子在位二十八年

帝世尊示滅五百年矣

紀第十祖脇尊者中印度人也本名難生初

將誕父夢一白象背有寶座座上安一明珠

從門而入光照四眾既覺遂生後值伏

馱尊者執侍左右未嘗睡眠謂其脇不至

查四 三

席遂號脇尊焉初至華氏國憇一樹下右

手指地而告眾曰此地變金色當有聖人

入會言訖即變金色時有長者子富那夜

奢合掌前立尊者問曰汝從何來夜奢曰

我心非徃尊者曰汝何處住曰我心非止

祖曰汝不定邪曰諸佛亦然祖曰汝非諸

佛曰諸佛亦非祖因說偈曰此地變金色

預知於聖至當坐菩提樹覺華而成已夜

奢復說偈曰師坐金色地常說真實義回

光而照我今入三摩諦祖知其意即度出

家復具戒品乃告之曰如來大法眼藏今

付於汝汝護念之乃說偈曰真體自然真

因真說有理領得真真法無行亦無止付

法已即現神變入于涅槃化火自焚四眾

以衣滅盛舍利隨處興塔焉即貞王二十

七年已亥歲也

丑辛 考王嵬一名呢 貞王子 治十五年

辰丙 威烈王午 考王子 在位二十四年

巳丁 王十九年 魏斯好賢即文侯之德

丁 通鑑始于此 宋司馬光集

查四 三

庚戌 王命趙魏韓為諸侯自此號為七雄

佛祖歷代通載卷第四

音釋

狩 冬武也 田父切 万 苦老 犀 先帝切 閉 居也 居旦切

佛祖歷代通載卷第五

杏五

嘉興路大中祥符禪寺住持華亭念常集

誠

韓魏趙

雷氏曰

魏趙韓齊燕楚及秦是為七雄

韓武子 其先與周同姓後事晉封于韓自武子至王安十二君一百九十六年

魏武子

其先與周同姓武子克

或曰文侯師田子方受子夏經義客段干木過其間君禮人賢國稱仁上下和合未可圖也。有賢人孟軻行淳于髡之徒矣。惠王時有女子化為丈夫。其先畢萬事于晉。獻公封于魏。在河東郡。至悼公在絳。陽文武復魏。自畢萬至王波凡九世。通計一百年至秦始皇滅之。

趙武子

其先與秦同祖。殷飛廉二子。惡來季勝。季勝趙之先。後造父為

穆王御。封于趙城。曰姓趙氏。至敬侯都邯鄲。自後至大王嘉。為秦將。王賁虜之。凡十一世。計一百八十七年。齊燕楚秦見上注。

庚辰安王驕

一名龍威

治二十六年

辛巳二年晉分為三晉。趙魏及韓同謀滅晉三

分其地也

初。齊滅

第十一祖富那夜奢華氏國人也。姓瞿曇

氏。父寶身。既得法於脇尊者。尋詣波羅奈

國。有馬鳴大士。迎而作禮。因問曰。我欲識

佛何者。即是祖曰。汝欲識佛不識者是曰

佛。既不識焉。知是乎。祖曰。既不識佛焉。知

不是。曰。此是鋸義。祖曰。彼是木義。復問。鋸

義者何。曰。與師平出。又問。木義者何。祖曰

汝被我解。馬鳴豁然。惺悟。稽首歸依。遂求

剃度。祖謂眾曰。此大士者。昔為毘舍離國

王。其國有一類人。如馬。裸露。王運神力。分

身為蠶。彼乃得衣。王後復生中印度。馬人

感戀悲鳴。因號馬鳴焉。如來記云。吾滅度

後六百年。當有賢者。馬鳴於波羅奈國。摧

伏異道度人無量繼吾傳化今正是時即告之曰如來大法眼藏今付於汝即說偈口迷悟如隱顯明暗不相離今付隱顯法非一亦非二付法已即現神變湛然圓寂衆興寶塔以闕全身即安王十九年戊戌歲也

丙烈王喜 安王子王特天 治七年是歲日食

癸顯王扁 烈王子 在位四十八年 時蘇秦遊說六國

甲寅二年秦惠始稱王矣

甲王十二年

辛未世尊示滅六百年矣

甲午第十二祖馬鳴大士者波羅奈國人也亦名功勝以有作無作諸功德最為殊勝故名焉既受法於夜奢尊者後於華氏國轉妙法輪忽有老人坐前仆地師謂衆曰此

非庸流當有異相言訖不見俄從地踊出一金色人復化為女子右手指師而說偈曰稽首長老尊當受如來記今於此地上宣通第一義說偈已瞥然不見師曰將有魔來與吾校力有頃風雨暴至天地晦冥師曰魔之來信矣吾當除之即指空中現一大金龍奮發威神震動山嶽師儼然於坐魔事隨滅經七日有一小蟲大若螻蛄潛形坐下師以手取之示衆曰斯乃魔之所變盜聽吾法耳乃放之令去魔不能動師告之曰汝但歸依三寶即得神通遂復本形作禮懺悔師問曰汝名誰邪眷屬多少曰我名迦毘摩羅有三千眷屬師曰汝盡神力變化若何曰我化巨海極為小事師曰汝化性海得否曰何謂性海我未嘗

知師即為說性海云山河大地皆依建立
三昧六通由茲發現毘摩羅聞言遂發信
心與徒眾三千俱求剃度師乃召五百羅
漢與授具戒復告之曰如來大法眼藏今
當付汝汝聽偈言隱顯即本法明暗元不
二今付悟了法非取亦非離付法已即入
龍奮迅三昧挺身空中如日輪相然後示
滅四眾以真體藏之龍龕即顯王四十二
年甲午歲也

辛慎親王定顯王治六年王時六國皆自稱王

訂赦王延慎親王子治五十九年東西周分治為諸侯所侵王與

居人無異王徙都太子治東

十八年

子內三十年宋滅矣

長正第十三祖迦毘摩羅華氏國人也初為外

道有徒三千通諸異論後於馬鳴尊者得
法領徒至西印度彼有太子名雲自在仰
尊者名請於宮中供養祖曰如來有教沙
門不得親近國王大臣權勢之家太子曰
今我國城之北有大山馬山中有一石窟
師可禪寂于此否祖曰諾即入彼山行數
里逢一大蟒祖直進不顧遂盤繞祖身祖
因與受三歸依蟒聽訖而去祖將至石窟
復有一老人素服而出合掌問訊祖曰汝
何所止答曰我昔嘗為比丘多樂寂靜有
初學比丘數來請益而我煩於應答起嗔
恨想命終墮為蟒身住是窟中今已千載
適遇尊者獲聞戒法故來謝耳祖問曰此
山更有何人居止曰北去十里有大樹蔭
覆五百大龍其樹王名龍樹常為龍眾說

法我亦聽受耳尊者遂與徒眾詣彼龍樹
 出迎尊者曰深山孤寐龍蟠所居大德至
 尊何枉神足祖曰吾非至尊來訪賢者龍
 樹默念曰此師得決定性明道眼否是大
 聖繼真乘否祖曰汝雖心語吾以意知但
 辨出家何慮吾之不聖龍樹聞已悔謝尊
 者即與度脫及五百龍眾俱受具戒復告
 龍樹曰今以如來大法眼藏付囑於汝諦
 聽偈言非隱非顯法說是真實際悟此隱
 顯法非愚亦非知付法已即現神變化火
 焚身龍樹收五色舍利建塔瘞之即赦王
 四十六年壬辰歲也

乙○王與六國攻秦昭王怒攻西周王懼伏
 于秦盡獻其邑是年秦使將軍摎攻之
 取九鼎寶器王慚而亡已上八百六十
 七年內三百二十五年載春秋周滅
 右周合三十七君八百六十七年
 查五

秦 雷氏曰 昭襄王稷 惠文王 姓嬴氏 水德都咸陽
 治五年至始皇時建亥正通霸五十
 一年

亥世尊示滅七百年矣


孝文王戊 元年脩先王功臣褒厚親

施苑園除喪在位三月運數一年

子莊襄王楚 治三年○次年癸

丑日食

十四國諸侯 ○戰國七雄



卯乙 始皇政

始皇政 莊襄子昭四十八年正月旦日生
于邯鄲其年十三莊襄崩傳立為
秦王自號始皇欲至萬世獨稱曰朕改
年朝賀皆自二月朔衣服旌旗皆尚黑
置守尉監築長城名民曰黔首用呂不
韋趙高李斯為相蒙恬白起王翦為將
併吞六國平一天下分三十六郡自後
驕縱周遊天下因之會稽瑯琊還至必
丘忽患病七月 治三十七年 十
丙申崩于平臺矣

下今逐諸侯客李斯諫而止

辛未 滅韓

癸酉 滅趙

丙子 滅魏

戊寅 滅楚

巳卯 虜燕王喜

庚辰 滅齊

壬午 二十八年東巡郡縣上鄒嶧山及登瑯琊

刻石頌德又上泰山立石封祠祀值風雨

於松下因封五大夫又遣徐福求仙

沙門室利防等一十八人來自西域帝惡

其異俗以付獄俄有金剛神碎獄門而出

之帝懼即厚禮遣之時國事區區弗克敬

奉

亥丁 築長城

子戊 焚書

北坑儒作阿房宮第十四祖龍樹尊者西天

竺國人也亦名龍勝始於毘羅尊者得法

後至南印度彼國之人多信福業聞尊者

為說妙法遍相謂曰人有福業世間第一

徒言佛性誰能覩之尊者曰汝欲見佛性

先須除我慢彼人曰佛性大小尊者曰非

大非小非廣非狹無福無報不死不生彼

聞理勝悉回初心尊者復於座上現自在

身如滿月輪一切眾唯聞法音不覩師相

彼眾中有長者子名迦那提婆謂眾曰識此相否眾曰目所未覩安能辯識提婆曰此是尊者現佛性體相以示我等何以知之蓋以無相三昧形如滿月佛性之義廓然虛明言訖輪相即隱復居本座而說偈言身現圓月相以表諸佛體說法無其形音五用辨非聲色彼眾聞偈咸願出家以求解脫尊者即為剃髮命諸聖授具其國先有外道五千餘人作大幻術眾皆宗仰尊者悉為化之令歸三寶復造大智度論中論十二門論垂之於世後告上首弟子迦那提婆曰如來大法眼藏今當付汝聽吾偈言為明隱顯法方說解脫理於法心不證無瞋亦無喜付法訖入月輪三昧廣現神變復就本座凝然禪寂迦那提婆與諸四

眾共建寶塔以葬焉即秦始皇三十五年

己丑歲也

辰二世胡亥始皇少子希崩幸斯秘之獨趙高胡亥知之高遂矯詔殺扶蘇而立為帝

二十一年即位三年

巳癸劉季起沛項羽起江東率諸侯伐秦陳勝吳廣起天下大亂矣

午甲于望夷宮

三世子嬰扶蘇子○被趙高使婿問樂殺二世乃引墨佩之百官莫從將

上殿殿欲壞者三高知天命不與乃立子嬰即位三世殺趙高於齊宮夷其三族○後沛公入關于嬰即係頭以組白馬素車奉壘降于軹道為秦王四十六日沛公既入咸陽封官室府庫還軍霸上○項羽後入關遂殺子嬰秦遂滅矣

右秦自始皇二十六年初并天下居帝位凡十五年而漢滅之

西漢 雷氏曰漢高惠呂文景武昭昌邑宣元成哀十孺十有

四君二百十四

乙高祖邦字季姓劉氏王大德治十二年初用秦正大初元年改用夏正都長

安今京兆也豐沛中陽里人隆準龍顏

左股有七十二黑子初為泗上亭長單

父呂公妻之以女因送徒驪山到豐西

澤中放之徒中壯士願從者十人初行

山澤斬當路白蛇後人見老嫗哭曰吾

子白帝子為赤帝子斬之秦二世元年

布衣起於沛而滅秦為漢以蕭何為相

韓信為將張良為謀即漢有三傑焉共

滅項羽於烏江生於秦昭四十六年壽

六十二歲大定天下丁未夏四月崩於

長樂宮西楚霸王項羽名籍下相

項燕之孫身長八尺日有重瞳勢可援

山力能舉鼎吳中子弟皆睥之秦二世

元年從季父項梁起江東至三年滅秦

自號西楚都彭城立五年漢會諸侯於

垓下大潰破之追至烏江自刎而死矣

滅燕與項羽約洪溝為界以分天下

滅齊

使英布殺義帝于緄是年滅韓趙魏三國

餘去秦法項羽

父老約法三章殺人者死傷人及盜抵罪

一年冬十月五星聚東井十一月召諸縣

庚會諸將圍羽於垓下虞姬自刎

改咸陽為長安

孝惠盈字日滿高祖子母呂氏十七即位

能治天下遂縱酒色嫖樂甲寅八月崩

治七年始有笛帝時丘仲作之笛者濞

龍笛有七孔竹笛

起長安西市脩建倉廩

高后雉姓呂氏單父呂公女少帝幼太后

地震六月晦日食行八銖錢

秋星晝見

五年南越王自稱武帝

春星晝見

行五分錢

正月日食

文帝恒高祖次子母薄姬初呂后封諸呂

千人以立文帝性資寬惠溫純謹潔不
不華飾百姓富樂自即位後凡下二十
七詔利民太平甲申崩未治二十三年
央官葬瀟陵壽四十七

文帝三年也

庚第十五祖迦那提婆南天竺國人也姓毘

舍羅初求福業兼樂辯論後謁龍樹大士

將及門樹知是智人先遣侍者以滿鉢水

置於座前提婆見之即以一針投之而進

忻然契會樹即為說法不起於坐現月輪

相唯聞其聲不見其形師語眾曰今此瑞

者師現佛性表說法非聲色也師得法後

至毘羅國彼有長者曰梵摩淨德一日園

樹生大耳如菌味甚美唯長者與第二子

羅睺羅多取而食之取已隨長盡而復生

自餘親屬皆不能見時尊者知其宿因遂

至其家長者問其故尊者曰汝家昔曾供

養一比丘然此比丘道眼未明以虛露信

施故報為木菌唯汝與子精誠供養得以

享之餘即否矣又問長者年多少曰七十

有九尊者乃說偈曰入道不通理覆身還

信施汝年八十一此樹不生耳長者聞偈

彌加歎伏且曰弟子衰老不能事師願舍

次子隨師出家尊者曰昔如來記此子當

第二五百年為大教主今之相遇蓋符宿

因即與剃髮執侍至巴連弗城聞諸外道

欲障佛法計之既久尊者乃執長幡入彼

眾中彼問祖曰汝何不前祖曰汝何不後

又曰汝似賤人祖曰汝似良人又曰汝解

何法祖曰汝百不解又曰我欲得佛祖曰

我灼然得佛又曰汝不合得祖曰元道我

得汝實不得又曰汝既不得云何言得祖

曰汝有我故所以不得我無我我故自當得彼辭既屈乃問祖曰汝名何等祖曰我名迦那提婆彼既夙聞祖名乃悔過致謝時衆中猶互興問難尊者折以無礙之辯由是歸伏乃告上足羅睺羅多而付法眼偈曰本對傳法人爲說解脫理於法實無證無終亦無始說得已入奮迅定身放光而歸寐滅學衆興塔而供養之即前漢文帝十九年庚辰歲也

西乙 景帝 啓文帝子母竇氏三十二歲即位好黃老二子令官人皆誦之因改子

治十六年

亥辛 三年官葬陽陵壽四十八 謝七十國天下大定矣

世尊示滅八百年矣

戌 帝減管法定善令疑周亞夫功大欲獄之遂嘔血而死

香五 武帝 徹 改建元景之中子母王夫人嘗得策文曰二十七年倒巢果七 治五十四年曆國

乙 帝好仙術敬方士文成五利等鑄半兩錢食地好殺命司馬遷等造漢太初曆以正月爲歲首色尚黃數用五與

未丁 改元 光

未巳 改元 狩淮南王安衡山王賜以謀反誅戮其僮數萬人

申庚 改元 鼎用孫寬爲相衛青霍去病爲將北伐兗奴開河朔之地又平南越王東滅

辰戌 改元 鼎朝鮮爲郡縣西歷五國執昆耶王收休屠王後遣張騫西徃身毒國尋浮國

四月初作誥定之有誥始此

第 十六 祖 羅 睺 羅 多 者 迦 昆 羅 國 人 也 行

化至室羅筏城有河名曰金水其味殊美中流復現五佛影祖告衆曰此河之源凡五百里有聖者僧伽難提居於彼處佛誌一千年後當紹聖位語已領諸學衆泝流而上至彼見僧伽難提安坐入定祖與衆伺之經三七日方從定起祖問曰汝身定邪心定邪曰身心俱定祖曰身心俱定何有出入曰雖有出入不失定相如金在井金體常寂祖曰若金在井若金出井金無動靜何物出入曰言金動靜何物出入許

非我故祖曰我義已成我無我故曰我無我故復成何義祖曰我無我故故成汝義曰仁者師於何聖得是無我祖曰我師迦那提婆證是無我曰稽首提婆師而出於仁者仁者無我故我欲師仁者祖曰我已無我故汝須見我我汝若師我故知我非我我難提心意豁然即求度脫尊者曰汝心自在非我所繫語已即以右手擎金鉢舉至梵宮取彼香飯將齋大衆而大衆忽生厭惡之心尊者曰非我之咎汝等自業即命僧伽難提分坐同食衆復訝之祖曰汝不得食皆由此故當知與吾分坐者即過去娑羅樹王如來也愍物降迹汝輩亦莊嚴劫中已至三果而未證無漏者也衆曰我師神力斯可信矣彼云過去佛者即

竊疑馬羅睺羅多知衆生慢乃曰世尊在日世界平正無有丘陵江河溝洫水悉甘美草木滋茂國土豐盈無八苦行十善自雙樹示滅八百餘年世界丘墟草木枯悴人無至信正念輕微不信真如唯愛神力

查五

吉

言訖以右手漸展入地至金剛輪際取甘露水以琉璃器持至會所大衆見之即時欽慕悔過作禮於是尊者命僧伽難提而付法眼偈曰於法實無證不取亦不離法非有無相内外云何起付法已安坐歸寂四衆建塔當前漢武帝二十八年戊辰歲也

未辛 改元封

丑丁 改太初

巳辛 改天漢

己改太始

丑改征和

庚

未昭帝弗

未改元平

未改元鳳

未改元平

未改元平

未改元平

此 五 皇 起 江 充 等 根 盛 於 太 子 宮 太 子 與 皇 后 謀 斬 充 與 丞 相 劉 屈 釐 大 戰 長 安 死 者 不 啻 數 萬
昭 帝 弗 武 之 子 母 趙 婕 妤 九 歲 即 位 霍 光 受 遺 詔 以 周 公 輔 政 至 戊 申 四 月
崩 未 央 官 葬 于 平 陵 壽 二 十 二 歲
治 十 三 年 改 始 元
上 官 桀 子 安 與 霍 光 爭 權 帝 終 知 霍 光 之 忠 烈 矣
第十七祖僧伽難提者室羅筏城寶莊嚴王之子也生而能言常讚佛事七歲即厭世樂以偈告其父母曰稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多為之師積十九載未嘗退倦尊者每自念言身居王宮胡

為出家一夕天光下屬見一路坦平不覺徐行約十里許至大岩前有石窟焉乃燕窠于中父既失子即擯禪利多出國訪尋其子不知所在經十年尊者得法受記已行化至摩提國忽有涼風襲眾身心悅適

香五

志

非常而不知其然祖曰此道德之風也當有聖者出世嗣續祖燈乎言訖以神力攝諸大眾遊歷山谷食頃至一峯下謂眾曰此峯頂有紫雲如蓋聖人居此矣即與大眾徘徊久之見山舍一童子持圓鑑直造

尊者前祖問汝幾歲邪曰百歲祖曰汝年尚幼何言百歲曰我不會理正百歲耳祖曰汝善機邪曰佛言若人生百歲不會諸佛機未若生一日而得決了之祖曰汝手中當何所表曰諸佛大圓鑑內外無瑕翳

兩人同得見心眼皆相似彼父母聞子語即舍令出家祖携至本處受具戒訖名伽邪舍多他時聞風吹殿銅鈴聲祖問鈴鳴邪風鳴邪舍多曰非風非鈴我心鳴耳祖曰心復誰乎曰俱寂靜故尊者曰善哉善

哉繼吾道者非子而誰即付法偈曰心地本無生因地從緣起緣種不相妨華果亦復爾付法已右手攀樹而化大眾議曰尊者樹下歸窠其垂蔭後裔乎將奉全身於高原建塔眾力不能舉即就樹下起塔當

香五

志

前漢昭帝十三年丁未歲也

帛昌邑王

名賀哀王體之子武之孫在位二十七日狂淫戲無度罪犯一千

解壘送之昌邑廢為海昏侯誅昌邑羣臣不能輔道者二下餘人唯王吉龔遂以數諫得免

宣帝詢改本始武帝曾孫戾太子孫生而足下有毛初名病已及太

子披巫蠱事已在極祿賴丙吉救養在
於旅庭外家霍光廢昌邑秦太后就民
閏迎之即位遠方來朝號中興主壬申
十二月崩未央官壽四十三葬杜陵

治二十四年時穀一石五錢

壬子 改地節

丙辰 改元康

庚申 改神爵

改五鳳

辰戌 改甘露

梓 ○帝與自民間知民疾苦魏相丙吉為相
會以 黃霸龔遂為太守從取壽昌奏置常平
利民

世尊示滅九百年矣

時北天竺富婁叉國有大論師名憍尸迦

三子同號婆蘇槃豆此曰天親長曰阿僧

佉此云無著首暢大乘阿瑜闍國大講堂

中請聖慈尊說瑜伽論廣明五分十七地

義次曰伐蘇畔徒此云世親首學小乘造
俱舍論後從兄化演暢真宗造唯識等窮
探大義幼曰比隣持弗婆提此云獅子覺
造集論釋大有研尋異矣哉三弘中道並
譽五天妙梅檀林寧容荆棘俱求知足歸

真應期御世談玄難可詳矣

壬申 改黃龍

元帝 改初元 宣之子二十歲即位戊
子五月崩于未央宮葬渭
陵壽四十
三用儒

治十六年

戊寅 改永光

癸未 改建昭

戊戌 改竟寧

成帝 改建始 字太孫元帝子二十即位
以諸舅王鳳等為列侯更
迺為相五侯專政賢臣屏
退甲寅三月崩未央宮

在位二十六年 壽四十五

改河平

改陽朔

改鴻嘉

光祿大夫劉向傳比較
典籍往往見有佛經

改永始

第十八祖伽那舍多摩提國人也姓鬱頭

藍父天盖母方聖嘗夢大神持鑑因時有

娠凡七日而誕肌體瑩如琉璃未嘗洗沐

自然香潔幼好閒靜語非常童持鑑出遊

遇難提尊者得度領徒至大月氏國見一

婆羅門舍有異氣祖將入彼舍舍主鳩摩

羅多問曰是何徒眾曰是佛弟子彼聞佛

號心神竦然即時閉戶祖良久自扣其門

羅多曰此舍無人祖曰答無者誰羅多聞

語知是異人遽開闔延接尊者曰昔世尊

記曰吾滅後一千年有大士^七出現於月氏

國紹隆玄化今汝值吾應斯嘉運於是鳩

摩羅多發宿命智投誠出家受具訖付法

偈曰有種有心地因緣能發萌於緣不相

礙當生生不生付法已踊身虛空現十八

變化火光三昧自焚其身眾以舍利起塔

當前漢成帝二十年戊申歲也

改元延

改綏和

○都水使者劉向集列仙傳檢藏
傳則知自周以來
有之人未識爾

哀帝欣改建平 元帝庶孫定陶恭王子十
九即位六年庚申六月崩

在位六年

改元壽 景憲使西域大月氏王
令木子口換獻浮圖經

平帝衍改元始 元帝庶孫中山孝王與之
子三歲封為王元壽二年

九月即位時方九歲王莽攝政
乙丑崩未央宮葬康陵壽十四

治五年加王莽為大司馬又升為太傅號安漢公

立莽女為后○莽加宰衡

孺子嬰宣帝玄孫廣城侯顯之子莽既為太子嬰在襁褓年二歲即位莽初

行周公故事一如天子史**治三年**

改初始王莽以偽符瑞遂即位矣

新室姓王氏郡長安**雷氏曰**莽玄盆子

莽字巨君王皇后弟成帝之舅王莽之子元城人初封新都侯以女為正

帝后後篡奪即位國號大新主地皇四年為漢光武軍帥殺之

在位十五年改元建國

改天鳳

改地皇

第十九祖鳩摩羅多者大月氏國婆羅門

之子也昔為自在天人欲界第六天**見菩薩瓔珞**

忽起愛心墮生切利欲界第二天**聞憍尸迦**

說般若波羅蜜多以法勝故升于梵天色界

大查

以根刹故善說法要諸天尊為導師以繼

祖時至遂降月氏後至中天竺國有大士

闍夜多問曰我家父母素信三寶而嘗縈

疾瘵凡所營作皆不如意而我隣家父為

旃陀羅行而身常勇健所作和合彼何幸

而我何辜尊者曰何足疑乎且善惡之報

有三時焉凡人但見仁天暴壽逆吉義凶

便謂亡因果虛罪福殊不知影響相隨毫

釐靡忒縱經百千萬劫亦不磨滅時闍夜

多聞是語已頓釋所疑祖曰汝雖已信三

業而未明業從惑生惑因識有識依不覺

不覺依心心本清淨無生滅無造作無報

應無勝負寂寂然靈靈然汝若入此法門

可與諸佛同矣一切善惡有為無為皆如

夢幻闍夜多承言領旨即護宿慧懇求出

家既受具尊者告曰吾今寐滅時至汝當
紹行化迹乃付法眼偈曰性上本無生為
對求人說於法既無得何懷決不決祖曰
此是妙音如來見性清淨之句汝宜傳布
後學言訖即於坐上以指爪勢面如紅蓮

查五

九

開出大光明照耀四眾而入寐滅闇夜多

起塔當新室十四年壬午歲也

淮陽劉玄 字聖公景帝七代孫光武族兄

侯熊渠蒼梧太守利子張生聖公為王
素懦弱羞愧汗流舉手不能言二年因
牧馬于郊下因縊殺之 治二年改元更

始

劉盆子 太山人陽城王章之後憲武

東漢 雷氏云 光明章和傷
光武遂封趙王于樊崇起昔朱眉破
氏王浴陽姓劉
質桓靈獻遺殃合

配世祖光武帝秀 字文升南蔡人高祖九世
孫景帝子長沙王發生泰
陵侯買鬱林太守外郎鹿都尉四南頓
令欽之子生有赤光照室既長用嚴子
陵策復與漢室遂即位於都南後移都
洛丁巳二月崩于南宮前殿壽六十二
葬原陵 治三十三年改元建武

世尊示滅一千年 此後護法諸大菩薩
等相次出世造論矣

改中元 京師有醴泉出飲者疾愈矣

明帝莊 光武第四子十歲通春秋三十即
位大典儒學乙亥崩于東宮前殿
壽四十八
葬顯節陵

治十八年改元永平

帝夢金人身長丈六項佩日輪飛至殿庭
旦集群臣令占所夢通人傳教奏曰臣按
周書異記昭王二十四年甲寅四月八日
平旦之時暴風忽起宮殿人舍咸悉震動
夜有五色光氣入貫太微徧於四方盡作

青紅色王問太史蘇由曰是何祥也對曰西方有大聖人生也王曰於天下何如對曰此時無他後一千年聲教被及此土王使鑄石記之埋在南郊天祠前以年計之至今辛酉一千一十年也陛下所夢將必

查五

主

是乎帝信以爲然即遣中郎將蔡愔博士王遵秦憬等十有八人西訪其道至大月氏國果遇迦葉摩騰竺法蘭二三藏持優填王第四造白氎像并四十二章經愔等奉迎而歸于洛矣

教流此土十二月三十日愔等迎二沙門至于洛陽帝令模像置清涼臺及顯節陵并洛京西門以示萬姓梵漢二經安蘭臺石室詔以釋迦寶像奉安顯節陵及清涼臺供

養帝於城西雍門外立寺與騰蘭居之以白馬駝經而來遂名白馬寺騰蘭初譯四十二章經帝幸其寺騰蘭進曰寺東何館帝曰昔有阜無因而起夷之復然夜有光怪民呼爲聖冢因祀之疑洛陽神也騰曰

按天竺金藏詮所誌阿育王藏如來舍利於天下凡八萬四千所今支那震旦境中十有九處此其一也帝大驚即日駕幸聖冢而騰蘭隨往拜起忽有圓光現冢上三自現光中侍衛呼萬歲帝喜曰不遇二大

查五

主

士安知上聖遺祐哉詔塔于上受制度於騰蘭塔成九層高二百尺明年光又現有金色手出塔頂尺許如琉璃中見天香郁然帝駕幸拜瞻光隨步武旋繞自午及申而滅矣

法蘭出十地斷結經

釋○楚王英皇弟也學黃老與佛作圖識以謀反發徙丹陽自殺累及千餘人

釋道比較焚經是年正月一日五嶽諸山

道士褚善信等上表欲相比較時南嶽道

士褚善信等西嶽道士劉正念等北嶽道

士桓文度等東嶽道士焦德心等嵩嶽道

士呂惠通等諸山道士費升才祁文信等

一千三百一十人表以奏聞勅納表遣尚

書令宋庠引入長樂宮以今月十五日可

集白馬寺築壇火驗時道士等將真元五

訣符錄等五百九卷茅成子等二十七家

二百三十五卷通計七百四十八卷置之

壇上褚費之徒焚香呪已遂使火之諸子

道書皆滅灰燼褚費二人自感而死次將

梵本火然赫奕宛如鼎新更增光潔時摩

騰法師神變凌空冷然偈曰狐非師子類

燈非日月明池無巨海納丘無山嶽燦法

雲垂世界善種得開萌顯通希有法處處

化群生乃至弘宣法戒藏等神通勝事驚

心士庶投誠出家者衆時有司空陽城侯

劉善峻等一千餘人出家慕道四嶽道士

呂惠通等六百二十八人抽簪落髮夫人

王媿好等與宮媛二百三十餘人厭俗歸

真南嶽道士葬褚善信不蒙披剃既而明

帝設齋親與下髮廣施衣鉢大啓玄宗廣

度僧尼高崇十寺城外七寺安僧城內三

寺安尼寺之得名自斯而始備如佛道論

石室論云昔西域聖人之教既非衰周

暴秦之君能致然西漢二三英主有可

致之德而聖教亦不至獨現夢於顯宗

凡近古高僧皆推聖人去世登千載而後教至曾未有考著顯宗之德有必感聖人之理此予通論所以作也夫兩漢有天下傳一十四世有君德者二祖四宗而已二祖蓋立極之主固無可議若

三宗各有其美而不能亡其弊唯顯宗爲至焉有太宗恭儉之美而文雅威重過之有世宗經畧四夷之勲而無世宗淫侈之弊有中宗政治之明而崇儒尚德過之斯蓋無有三宗之長而無三宗之短是以班固傳教頌其勲德於漢爲最盛然世之學者不以班傳爲信徒見鍾離意傳謂帝性褊察好以耳目隱蔽爲明遂以此爲顯宗實錄嗚呼豈篤論哉昔仲尼平章討論五帝三王治具以

卷五

三

貽後世迨其歿遭暴秦燔毀之餘世宗僅能舉之而已至顯宗乃始躬行儒術尊養三老五更饗社禮畢帝正坐自講諸儒執經問難於是時冠帶搢紳之士園橋門而觀聽者億萬計濟濟乎洋洋乎由三代以來儒風之盛莫甚於永平時也及章和之後諸儒開館授道著籍者動逾千數蓋永平之化行猶周南麟跡之應也初雖獄訟繁劇帝臨政刻意裁斷精嚴蓋善善惡惡之實猶孔子爲司寇七日而誅少正卯暫臨夾谷而盡誅優倡此誠不可以少假仁恕也謂之褊察則過矣予謂使孔子復生必曰顯宗吾無間然矣由顯宗包舉西漢三宗之美躬行古帝王之道此所以精爽與

吾佛感通而聖教因之被于中夏與儒相表裏而廣天下以善也夫豈偶爾哉

戊甲第二十祖闍夜多者北天竺國人也智慧淵冲化導無量後至羅閱城敷揚頓教彼有學眾唯尚辨論為首者名婆脩盤頭此云

徧行常一食不卧六時禮佛清淨無欲為眾

所歸祖將欲度之先問彼眾曰此徧行頭陀能脩梵行可得佛道乎眾曰我師精進何故不可祖曰汝師與道遠矣設苦行歷於塵劫皆虛妄之本也眾曰尊者蘊何德

行而譏我師祖曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希名之曰道時徧行聞已發無漏智本五 歡喜讚歎尊者又語彼眾曰會吾語否吾五

所以然者為其求道心切夫絃急即斷故吾不贊令其住安樂地入諸佛智復告徧行曰吾適對眾抑挫仁者得無惱於衷乎曰我憶念七劫前生安樂國師於智者月淨記我非久當證斯陀含果時有大光明菩薩出世我以老故策杖禮謁師叱我曰重子輕父一何鄙哉時我自謂無過請師示之師曰汝禮大光明菩薩以杖倚壁畫佛面以此過慢遂失二果我責躬悔過以來聞諸惡言如風如響况今獲飲無上甘露而反生熱惱邪唯願大慈以妙道垂誨祖曰汝久植眾德當繼吾宗聽吾偈曰言下合無生同於法界性若能如是解通達理事竟付法已不起於坐奄然歸寂闍維收舍利建塔當後漢明帝十七年甲戌歲

也

佛祖歷代通載卷第五

音五

五

音釋

闕彼莫切
 也闕也
 園音有
 摻傾倒也
 由力周切
 居音淨
 茵音淨
 地音淨
 一音淨
 也音淨
 被慈而切
 而慈而切
 版慈而切
 面慈而切

佛祖歷代通載卷第六

杏六

嘉興路大中祥符禪寺住持華亭念常集

東漢

丙子章帝烜改建初一名烜明帝第五子十九歲壽三十一葬敬陵治十三年

一葬敬陵

庚辰帝令鄭玄等諸生作白虎通

甲申改元和徐州刺史王景上金人頌○有神鳳白鹿白鳥之瑞

亥丁改章和

巳和帝肇改永元

章第四子十歲即位乙巳崩章德前殿壽二十七葬

慎陵在位十七年

巳乙改元興

午丙殤帝隆改延平和之少子降誕百餘日即位于元興元年十二月時

鄧太后臨朝稱制次年八月崩在正位二年

未丁安帝祐改永初章帝孫清河孝王慶之子年十三即位乙丑二月因

南巡狩幸于葉崩之車葉壽三十二葬恭陵矣治十九年

寅甲改元初

丁第二十一祖婆脩盤頭者羅閱城人也姓

昆舍佉父光盖母嚴一家富而無子父母

禱于佛塔而求嗣焉一夕母夢吞明暗二

珠覺而有孕經七日有一羅漢名賢眾至

其家光盖設禮賢眾端坐受之嚴一出拜

賢眾辟席云回禮法身大士光盖罔測其

由遂取一寶珠跪獻賢眾試其真偽賢眾

即受之殊無遜謝光盖不能忍問曰我是

丈夫致禮不顧我妻何德尊者辟之賢眾

曰我受禮納珠貴福汝耳汝婦懷聖子生

當為世燈慧日故吾辟之非重女人也賢

眾又曰汝婦當生二子一名婆脩盤頭則

吾所尊者也二名芻尼此云野昔如來在

吾所尊者也二名芻尼此云野昔如來在

吾所尊者也二名芻尼此云野昔如來在

雪山脩道芻屮巢於頂上佛既成道芻屮受報為那提國王佛記云汝至第二五百年生羅閱城毘舍佉家與聖同胞今無爽矣後一月果生二子尊者婆脩盤頭年至十五禮光度羅漢出家感毘婆訶菩薩與

杏六

二

之授戒行化至那提國彼王名常自在有二子一名摩訶羅次名摩拏羅王問尊者曰羅閱城土風與此同異尊者曰彼土曾三佛出世今王國有二師化導曰二師者誰尊者曰佛記第二五百年有一神力大士出家繼聖即王之次子摩拏羅是其一也吾雖德薄敢當其一王曰誠如尊者所言當捨此子作沙門尊者曰善哉大王能遵佛旨即與受具付法偈曰泡幻同無礙如何不了悟達法在其中非今亦非古尊

者付法已踊身高半由旬屹然而住四眾仰瞻虔請復坐踟蹰而逝茶毘得舍利建塔當後漢安帝十一年丁巳歲也

申庚 改永寧
庚午 改建光

戊壬 改延光

王十八年也

北鄉侯懿章帝孫濟北王壽之子閻太后立之是年三月即位至十月而

薨治二百七十二日

順帝保改永建安帝子年十一登位梁商父子秉政甲申八月崩王

杏六

三

堂前殿壽三十葬于在位十九年

惠陵永寧初為太子

申壬 改陽嘉

子丙 改永和

午壬 改漢安

申申 改建康

乙冲帝炳改永嘉順帝于母曰虞貴人建康甲申八月即位時年二歲

梁太后昭朝梁興輔政次年三月運數一年而崩玉堂前殿壽三歲葬于懷陵

丙質帝續改本初章帝立孫渤海王鴻之子也八歲即位聰慧夙成嘗

朝會目梁興曰跋扈將軍與惡之在位一年鴻于玉堂前殿壽九歲葬靜陵

丁桓帝志改建和章帝曾孫蠡吾侯翼之子十五即立梁興輔政永康

丁未崩于德陽前殿壽三十六葬宣陵也在位二十一年

丑安息國沙門安清字世高本世子當嗣位

讓之姪父舍國出家既至洛京譯經二十

九部一百七十六卷絕筆于靈帝建寧三

年因附舟浮游次廬山之邨亭廟艤舟祠

下廟神靈甚能分風送往來之舟有乞神

竹者未許而斫神怒覆其舟致竹所處過

者雀息汗下高之舟人奉牲請福神輒降

語曰舟有沙門乃不與俱來耶高至廟下

神復降與高語舊因泣曰弟子家此湖干

里皆所轄坐宿多嗔今報形極醜又旦夕

且死必入地獄有縑千段并雜寶玩當為

建寺塔為冥福高許之徐曰能出形相勞

苦手神曰形惡奈何高曰第出之於是出

其首帳中蓋巨蟒也高梵語咒之蟒若雨

淚俄不見高舟未幾有少年跪前高又咒

之乃去舟人問誰氏子高曰廟神已脫蟒

形故來謝耳高至豫章建寺即今大安是

也由高而名蓋江淮寺塔之始

改和平是年月支國沙門支婁迦識亦云

查

四

支識至洛陽少時習語大通華言遂譯經

至中平年凡二十一部六十三卷永興元

年桓帝於宮中鑄黃金浮圖老子像覆以

百寶華蓋身奉祀之由是百姓嚮化事佛

彌盛

卯辛 改元嘉

世尊示滅一千一百年矣

己癸 改永興

未乙 改永壽

戊 改延熹

乙 第二十二祖摩拏羅者那提國常自在王

之子也年三十遇婆脩祖師出家傳法至

西印度彼國王名得度即瞿曇種族歸依

佛乘勤行精進一日於行道處現一小塔

欲取供養衆莫能舉王即大會梵行禪觀

呪術等三衆欲問所疑時尊者亦赴此會

是三衆皆莫能辨尊者即為王廣說塔之

所因阿育王造塔此不繁錄今之出現王福力之所

致也王聞是說乃曰至聖難逢世樂非久

即傳位太子投祖出家七日而證四果尊

至六

五

者深加慰誨曰汝居此國善自度人今異域有大法器吾當化令得度曰師應迹十方動念當至寧勞徃邪尊者曰然於是焚香遙語月氏國鶴勒那比丘曰汝在彼國教導鶴衆道果將證宜自知之時鶴勒那

為彼國王寶印說脩多羅偈忽覩異香成

穗王曰是何祥也曰此是西印度傳佛心

印祖師摩拏羅將至先降信香耳曰此師

神力何如答曰此師遠承佛記當於此土

廣宣玄化時王與鶴勒那俱遙作禮尊者

知已即辭得度比丘徃月氏國受王與鶴

勒那供養後鶴勒那問尊者曰我止林閒

已經九白印土以一年為一白有弟子龍子者幼而

聰慧我於三世推窮莫知其本尊者曰此

子於第五初中生妙喜國婆羅門家曾以

大教至東夏一百年矣

中戊靈帝宏改建寧章帝玄孫漢亭侯其之子

官壽三十在位二十二年寶武

子壬改熹平

丑癸是年天竺沙門竺佛朔至洛陽譯道行般

若經棄文存質深得經意至光和中同支
識譯般舟三昧經共三卷是歲安息國優
婆塞都尉安立至洛邑同清信士嚴佛調
譯經七部于時復有沙門支曜康巨康猛
詳曇果竺大力皆善方言終漢世譯經凡

三百餘部

辰辰詔刻五經文字立于太學門外

午戊改光和中

改中平○道始黃巾作叛初錄鹿張角假

稱大賢良師又稱黃巾不數年結三十六萬人皆著黃巾此中子年同起殺人造安

梅檀施於佛宇作槌撞鐘受報聰敏為衆
欽仰又問我有何緣而感鶴衆尊者曰汝
第四劫中嘗為比丘當赴會龍宮汝諸弟
子咸欲隨從汝觀五百衆中無有一人堪
任妙供時諸子曰師常說法於食等者於
法亦等今既不然何聖之有汝即命赴會
自汝捨生趣生轉化諸國其五百弟子以
福微德薄生於羽族今感汝之惠故為鶴
衆相隨鶴勒那聞語曰以何方便令彼解
脫尊者曰我有無上法寶汝當聽受化未
來際而說偈曰心隨萬境轉轉處實能幽
隨流認得性無喜復無憂時鶴衆聞偈飛
鳴而去尊者跏趺寂然奄化鶴勒那與寶
印王起塔當後漢桓帝十九年乙巳歲也

和改永康

奇六

六

於未焚燎郡縣內外大恐舉左中郎將望
甫嵩討滅之張角病死斬其尸二考皆戰
敗俱斬而嵩
傳首京師

辰○蒸稠自稱天
辰○于起兵作亂

己益州黃中馬○黃巾賊起鬻獄賣官宦者
已相自稱天子○十常侍弄權天下大亂

洪農王辯收靈帝子即位改元光熹○袁術
收關人無少長斬之又改昭寧

太原牧董卓入朝因廢帝為洪農在位一
王粲又殺之立陳留王為少帝矣

百七十日

庚獻帝協改初平靈帝中子昭寧九年九月
董卓廢皇子辨立之九歲

即在位三十年董卓自稱太師劫上迁都
長安三年王允呂布共誅

卓滅其族矣

帝初平中牟子未詳名字世稱牟子既修

經傳諸子書無大小靡不好之雖不樂兵

法然猶讀焉雖讀神仙不死之書抑而不

信以為虛誕會靈帝崩後天下擾亂獨交

州差安北方異人咸來在焉多為神仙辟

穀長生之術牟子常以五經難之道家術
士莫敢對焉先是牟子將母辟世年二十
六歸蒼梧娶妻太守聞其守學謁請署吏
時年方盛志精於學又見世亂無仕宦意
竟不就是時州郡相疑隔塞不通太守以

其博學多識使致敬荊州牟子以為榮爵
易讓使命難辭會牧弟豫章太守為中郎
將笮融所殺牧遣騎都尉劉彥將兵赴之
恐外界相疑兵不得進乃謂牟子曰弟為
逆賊所害骨肉之痛憤發肝心嘗遣劉都

尉行恐界外疑難行人不通君文武兼備
有專對才今欲相屈之零陵桂陽假塗於
通路何如牟子重違其意諾之適其母卒
遂不果行久之歎曰老子絕聖棄智脩身
保真萬物不干其志天下不易其樂天子

不得臣諸侯不得友故可貴也於是銳志於佛道兼研老子五千文舍玄妙為酒漿既五經為琴篋世俗之徒多非之者以為背五經而向異道欲爭則非道欲默則不能遂以筆墨之間略引聖賢之言證解之

查六

名曰牟子理惑云

問曰何以正言佛佛為何謂乎牟子曰佛者覺也猶名三皇神五帝聖也佛乃道德之元祖神明之宗緒佛之言覺者恍惚變化分身散體或存或亡能小能大能圓能

方能老能少能隱能彰蹈火不燒履刃不傷在污不染在禍無殃不行而到無作而光故號為佛也

問曰何謂之為道道何類也牟子曰道之言導也導人致於無為牽之無前引之無

後舉之無上抑之無下視之無形聽之無聲四表為大畹與其外毫釐為細間闕其內故謂之道

問曰孔子以五經為道教可拱而誦履而行之今子說道虛無恍惚不見其意不捐

其事何與聖人言異乎牟子曰不可以所習為重所希為輕惑於外類失於中情立事不失道德猶調絃不失宮商天道法四時人道法五常老子曰有物混成先天地生可以為天下母吾不知其名強字之曰

查九

道道之為物居家可以事親宰國可以治民獨立可以治身履而行之充乎天地廢而不用消而不離子不解之何異之有乎問曰夫至實不華至辭不飾言約而至者艱事寡而達者明故珠玉少而貴瓦礫多

而賤聖人制七經之本不過三萬言衆事備焉今佛經卷以萬計言以億數非一人力所能堪也僕以爲煩而不要矣牟子曰江海所以異於行潦者以其深廣也五嶽所以別於丘陵者以其高大也若高不絕

山阜跛羊凌其巔深不絕涓流孺子浴其淵麒麟不處苑囿之中吞舟之魚不遊數仞之溪剖三寸之珥求明月之珠探枳棘之巢求鳳凰之雛必難獲也何者小不能容大也佛經前說億載之事却道萬世之

要太素未起太始未生乾坤肇興其微不可握其纖不可入佛悉彌綸其廣大之外剖析其窈妙之內靡不紀之故其經卷以萬計言以億數多多益具衆衆益富何不要之有雖非一人所堪譬若臨河飲水飽

而自足焉知其餘哉問曰佛經衆多欲得其要而棄其餘直說其實而除其華牟子曰否夫日月俱明各有所照二十八宿各有所主百藥並生各有所愈狐裘備寒絺綌御暑舟輿異路俱致行旅孔子不以五

經之備復作春秋孝經者欲博道術恣人意耳佛經雖多其歸爲一也猶七典雖異其貴道德仁義亦一也孝所以說多者隨人行而與之若子張子游俱問一孝而仲尼答之各異攻其短也何棄之有哉

查六

問曰佛道至尊至大堯舜周孔曷不修之乎七經之中不見其辭子既耽詩書悅禮樂奚爲復好佛道喜異術豈能踰經傳美聖業哉竊爲吾子不取也牟子曰書不必孔丘之言藥不必扁鵲之方合義者從愈

病者良君子博取衆善以輔其身子貢云
天子何常師之有乎堯事尹壽舜事務成
旦學呂望丘學老聃亦俱不見於七經也
四師雖聖比之於佛猶白鹿之與麒麟燕
鳥之與鳳凰也堯舜周孔且猶與之况佛

身相好變化神力無方焉能舍而不學乎
五經事義或有所闕佛不見記何足怪疑
哉

問曰云佛有三十二相八十種好何其異
於人之甚也殆富耳之語非實之云也牟

子曰諺云少所見多所怪觀駢言馬腫
背堯眉八彩舜目重瞳臯陶鳥喙文王四
乳禹耳三漏周公背倭伏羲龍鼻仲尼反
字老子日角目玄鼻有雙柱手把十文足
蹈二五此非異於人乎佛之相好奚疑哉

查

士

查六

士

問曰孝經言身體髮膚受之父母不敢毀
傷曾子臨沒啓予手啓予足今沙門剃頭
何其違聖人之語不合孝子之道也吾子
常好論是非平曲直而反善之乎牟子曰
夫訕聖賢不仁乎不中不智也不仁不智

何以樹德德將不樹頑嚚之儔也論何容
易乎昔齊人乘船渡江其父墮水其子攘
臂摔頭顛倒使水從口出而父命得甦夫
摔頭顛倒不孝莫大然以全父之身若拱
手修孝子之常父命絕於水矣孔子曰可

與適道未可與權所謂時宜施者也且孝
經曰先王有至德要道而泰伯斷髮文身
自從吳越之俗違於身體髮膚之義然孔
子稱之其可謂至德矣仲尼不以其斷髮
毀之也由是而觀苟有大德不拘於少沙

門捐家財棄妻子不聽音視色可謂讓之至也何違聖語不合孝乎豫讓吞炭漆身聶政皮面自刑伯姬蹈火高行截容君子為勇而死義不聞譏其毀沒也沙門剃除鬚髮而比之於四人不已遠乎

問曰夫福莫踰於繼嗣不孝莫過於無後沙門棄妻子捐貨財終身不娶何違其福孝之行也自苦而無奇自拯而無異矣牟子曰夫長左者必短右大前者必狹後孟公綽為趙魏老則優不可以為滕薛大夫妻子財物世之餘也清躬無為道之妙也老子曰名與身孰親身與貨孰多又曰觀三代之遺風覽乎儒墨之道術誦詩書修禮節崇仁義視清潔鄉人傳業名譽洋溢此中士所施行恬惓者所不恤故前有隋

卷六

十一

珠後有虓虎見之走而不敢取何也先其命而後其利也許由栖巢木夷齊餓首陽聖孔稱其賢曰求仁得仁者也不聞譏其無後無貨也沙門修道德以易遊世之樂反淑賢以貸妻子之歡是不為奇孰與為

奇是不為異孰與為異哉

問曰黃帝垂衣裳製服飾箕子陳洪範貌為五事首孔子作孝經服為三德始又曰正其衣冠尊其瞻視原憲雖貧不離華冠子路遇難不忘結纓今沙門剃頭髮被赤布見人無跪起之禮儀無盤旋之容正何其違貌服之制乖搢紳之飾也牟子曰老子云上德不德是以有德下德不失德是以無德三皇之時食肉衣皮巢居穴處以崇質朴豈復須章甫之冠曲裘之飾哉然

卷六

十一

其人稱有德而敦龐正信而無為沙門之行有似之矣或曰如子之言則黃帝堯舜周孔之儔棄而不足法也牟子曰夫見博則不迷聽聰則不惑堯舜周孔修世事也佛與老子無為志也仲尼栖栖七十餘國

查六

三

許由聞禪洗耳於淵君子之道或出或處或默或語不溢其情不滯其性故其道為貴在乎所用何棄之有乎

問曰佛道言人死當更復生僕不信此言之審也牟子曰人臨死其家上屋呼之死

已復呼誰或曰呼其魂牟子曰神還則生不還則神何之乎曰成鬼神牟子曰是也魂神固不滅矣但身自朽爛耳身譬如五穀之根葉魂神如五穀之種實根葉生必當死種實豈有終已得道身滅耳老子

曰吾有大患以吾有身也若吾無身吾有何患又曰功成名遂身退天之道也或曰為道亦死不為道亦死有以異乎牟子曰所謂無一日之善而問終身之譽者也有道雖死神歸福堂為惡既死神當其殃愚夫闇於成事賢智預於未萌道與不道如金比草禍之與福如白方黑焉得不異而言何易乎

問曰孔子云未能事人焉能事鬼未知生焉知死此聖人之所紀也今佛家輒說生死之事鬼神之務此殆非聖詰之語也夫履道者當虛無淡泊歸志質朴何為乃道生死以亂志說鬼神之餘事乎牟子曰若子之言所謂見外而未識內者也孔子疾子路不問本末以此抑之耳孝經曰為之

宗廟以鬼事之春秋祭祀以時思之又曰
生事愛敬死事哀戚豈不教人事鬼神知
生死哉周公爲武王請命曰且多才多藝
能事鬼神夫何爲也佛經所說生死之趣
非此類乎老子曰既知其子復守其母沒

查六

查

身不殆又曰用其光復歸其明無遺身殃
此道生死之所趣吉凶之所住至道之要
實貴寂寞佛家豈好言乎來問不得不對
耳鐘鼓豈有自鳴者杵加而有聲矣
問曰孔子曰夷狄之有君不如諸夏之亡

也孟子譏陳相更學許行之術曰吾聞用
夏變夷未聞用夷變夏者也吾子弱冠學
堯舜周孔之道而今舍之更學夷狄之術
不已惑乎牟子曰此吾未解大道時之餘
語耳若子可謂見禮制之華而闇道德之

實闕炬燭之明未覩天庭之日也孔子所
言矯世法矣孟軻所云疾專一耳昔孔子
欲居九夷曰君子居之何陋之有及仲尼
不容於魯衛孟軻不用於齊梁豈復仕於
夷狄乎禹出西羗而聖詰瞽叟生舜而禎

嚚由余產狄國而霸秦管蔡自河洛而流
言傳曰北辰之星在天之中在人之北以
此觀之漢地未必爲天中也佛經所說上
下周極含血之類物皆屬佛焉是以吾復
尊而學之何爲當舍堯舜周孔之道金玉

查六

查

不相傷隋壁不相妨謂人爲惑特自惑乎
問曰孔子稱奢則不孫儉則固與其不孫
也寧固御孫曰儉者德之共侈者惡之大
也今佛家以空財布施爲名盡貨與人爲
貴豈有福哉牟子曰彼一時也此一時也

仲尼之言疾奢而無禮御孫之論刺莊公之刻桶非禁布施也舜耕歷山恩不及州里太公屠牛惠不逮妻子及其見用恩流入荒惠施四海饒財多貨貴其能與貧困屢空貴其履道許由不貪四海伯夷不甘

其國虞卿捐萬戶之封救窮人之急各其志也僂負羈以盤飧之惠全其所居之間宣孟以一飯之故活其不貲之軀陰施出於不意陽報皎如白日況傾家財發善意其功德巍巍如嵩泰悠悠如江海矣懷善

者應之以祚挾惡者報之以殃未有種稻而得麥施禍而獲福者也

問曰人之處世莫不好富貴而惡貧賤樂歡逸而憚勞倦黃帝養性以五肴爲上孔子食不厭精繪不厭細今沙門被赤布日

一食閉六情自畢於世若茲何聊之有牟子曰富與貴是人之所欲不以其道得之不處也貧與賤是人之所惡不以其道得之不去也老子曰五色令人目盲五音令人耳聾五味令人口爽馳騁畋獵令人心

發狂難得之貨令人行妨聖人爲腹不爲目此言豈虛哉柳下惠不以三公之位易其介段干木不以其身易魏文之富許由巢父栖木而居自謂安於帝宇夷齊餓于首陽自謂飽於文武蓋各得其志而已何

查

六

不聊之有乎

問曰若佛經深妙靡麗子胡不談之於朝廷論之於君父修之於閨門接之於朋友何復學經傳讀諸子乎牟子曰子未達其源而問其流也夫陳俎豆於壘門建旌旗

於朝堂衣狐裘以當蕤賓被締綌以御黃
鍾非不麤也乖其處非其時也故持孔子
之術入商鞅之門賈孟軻之說詣蘇張之
庭功無分寸過有丈尺矣老子曰上士聞
道勤而行之中士聞道若存若亡下士聞
道而大笑之吾懼大笑故不爲談也渴不
必待江河而飲井泉之水何所不飽是以
復治經傳耳問曰老子云智者不言言者
不智又曰大辯若訥大巧若拙君子耻其
言過行設沙門有至道奚不坐而行之何

復談是非論曲直乎僕以爲此德行之賤
也牟子曰來春當大饑今秋不食黃鍾應
寒蕤賓重裘備預雖早不免於愚老子所
云謂得道者耳未得道者何知之有乎大
道一言而天下悅豈非大辯老子不云乎

功遂身退本天之道也身既退矣七又何言哉
今之沙門未及得道何得不言老氏亦猶
言也如其無言五千何述焉若知而不言
可也既不能知又不能言愚人也故能言
不能行國之師也能行不能言國之用也

能行能言國之寶也三品各有所施何德
之賤乎唯不能言又不能行是賤也

問曰如子之言徒當學辨達修言論豈復
治情性履道德乎牟子曰何難悟之甚乎
夫言語談論各有時也蘧瑗曰國有道則

直國無道則卷而懷之甯武子曰國有道
則智國無道則愚孔子曰可與言而不與
言失人不可與言而與言失言故智愚自
有時談論各有意何爲當言論而不行哉
問曰云佛道至尊至快無爲淡泊世人學

士多譏毀之云其辭說廓落難用虛無難信何也牟子曰至味不合於衆口大音不比於衆耳作咸池設大章發蕭韶詠九成莫之和也張鄭衛之絃歌時俗之音必不期而拊手也故宋玉云客歌於郢爲下俚

之曲和者千人引商激角衆莫之應此皆悅邪聲不曉於大度者也韓非以管闕之見而謗堯舜接輿以毫釐之分而刺仲尼皆孰小而忽大者也夫聞清商而謂之角非彈絃之過聽者之不聰矣見和璧而名之石非璧之賤也視者之不明矣神蛇能斷而復續不能使人不斷也靈龜發夢於宋元不能免豫且之網大道無爲非俗所見不爲譽者貴不爲毀者賤用不用自天也行不行乃時也信不信其命也

問曰吾子以經傳理佛之說其辭富而義顯其文熾而說美得無非真誠是子之辯也牟子曰吾非辯也見博故不惑耳問曰見博其有術乎牟子曰由佛經也吾未解佛經之時惑甚於子雖誦五經適以爲華

未成實矣吾既親佛經之說覽老子之要守恬淡之性觀無爲之行還視世事猶臨天井而窺谿谷登嵩岱而見丘垤矣五經則五味佛道則五穀矣吾自聞道以來如開雲見白日炬火入冥室焉

問曰子以經傳之辭華麗之說褒讚佛行稱譽其德高者陵青雲廣者踰地圻得無踰其本過其實乎而僕譏刺頗得疹中而其病也牟子曰吁吾之所褒猶以塵埃附嵩岱收朝露投江海子之所謗猶握瓢觚

欲減江海操耕未欲損崑崙側一拳以翳日光舉土塊以塞河衝吾所褒不能使佛高子之毀不能令其下也

論曰牟子理惑三十有七篇梁僧祐律師載之弘明集可謂所從來遠矣觀其

查六

九

崇德辨惑間邪御侮發揮大教之耿光蓋閱覽博物之君子也當是時吾佛法源濫觴之初凡西域沙門至中國者由騰蘭而下不過十人所新出經三百餘卷俱小乘教若微妙大乘諸經皆所未

至牟子乃能玄鑑穎悟契佛心宗得法味若是之深比夫漢末禰衡陳元龍孔北海諸公虛負奇資終於不聞道不過爲一俗士而死矣然則牟子賢以哉惜其書不能備載聊取二十篇輔成通論

大抵世之惑也者雖世尊在世尚莫能無矧今去聖逾二千載欲天下之廓廓皆正信其可得哉雖然是書正不可不以垂世也

漢書西域傳史官范曄論曰西域風土之載前史未聞也張騫懷致遠之略班超奮封侯之志終能立功西遐羈服外域自兵威之所肅服財賂之所懷誘莫不獻方奇納愛質露頂肘行東向而朝天子故設戍已之官分任其事建都護之帥總領其權

其後甘英乃抵條支而歷安息臨海以望大秦拒五門陽關四萬餘里靡不周盡焉若其境俗性習之優薄產載物類之區品川河障嶺之基源氣節涼暑之通隔梯山棧谷繩行沙渡之道身熱首痛風灾鬼難

之域莫不備寫情形審求根實至於佛道神化興自身毒而二漢方志莫有稱焉張騫但著地多暑濕乘象而戰班超雖列其奉浮圖不殺伐而精文善法導達之功靡所傳述予聞之說也其國則殷乎中土王

實

干

燭和氣靈聖之所降集賢懿之所挺生神迹詭異則理絕人區感驗明顯則事出天外而騫超無聞者豈非道祕往運數開叔葉乎不然何誣異之甚也漢自楚王英始盛齋戒之祀桓帝又脩華蓋之飾將微義

未譯而但神明之耶詳其清心釋累之訓空有兼遣之宗道書之流也且好仁惡殺蠲救崇善所以賢達君子多愛其法焉然好大不經竒譎無已雖鄒衍談天之辨莊周蝸角之論尚未足以槩其萬一又精靈

起滅因報相尋若曉而昧者故通人多惑焉蓋導俗無方適物異會取諸同歸措夫疑說則大道通矣曄字蔚宗生晉末仕於宋凡史籍議論釋氏自曄而始

袁宏漢紀曰永平十一年浮屠者佛也西

域天竺有佛道焉佛者漢言覺將覺悟羣生也其教以脩善慈心為主不殺生專務清淨其精者號為沙門漢言息心蓋息意去欲而歸於無為也又以為人死精神不滅隨復受形生時所行善惡皆有報應故

查六

主

所貴行善脩道以鍊精神不已以至無為而得為佛也佛身長一丈六尺黃金色項中佩日月光變化無方無所不入故能化通萬物而大濟群生初明帝夢見金人長大項有日月光以問羣臣或曰西方有神

其名曰佛其形長大因遣使天竺問其道術圖其形像而還有經數千萬卷以虛無為宗包羅精麤無所不統善為宏闊遠大之言所求在一體之內所明在視聽之外世俗之人或以為虛誕然歸於玄微深遠

難得而測故王公大人觀死生報應之際莫不矍然而自失焉本朝東坡居士曰此殆中國始知有佛時語也雖淺近大略具足矣野人得鹿正爾煮食之耳其後賣與市人遂入公庖中饌之百方然庶之所以

美未有絲毫加於煮食時也袁宏漢紀論佛世罕見全篇東坡大全集所載袁宏論佛說乃唐章瓌太子注漢書楚王英傳所引用漢紀者當以此全篇為正云
戊甲 改興平

乙 殿一石二十五萬券與

丙 改建安帝東歸洛

丁 曹公遷都許昌以保為○

是年千歲寶掌

和尚至自西土

戊 沙門康猛竺大力譯四諦及興起本行等

經六部凡十一卷於洛陽

辛 曹操與袁紹將顏良戰于官渡
己 為關雲長走馬入寨刺殺顏良

丑 公於赤壁矣

第二十三祖鶴勒那者勒那梵語鶴即華言以尊者出世常

成率鶴戀 月氏國人也姓婆羅門父千勝

其

三

母金光以無子故禱于七佛金幢即夢須

彌山頂一神童持金環云我來也覺而有

孕年七歲遊行聚落觀民間淫祀乃入廟

叱之曰汝妄興禍福幻惑於人歲費牲牢

傷害斯甚言訖廟貌忽然而壞由是鄉黨

謂之聖子年二十二出家三十遇摩拏羅尊者付法眼藏行化至中印度彼國王名無畏海崇信佛道尊者為說正法次王忽見二人緋素服拜尊者王問曰此何人也師曰此是日月天子吾昔曾為說法故來

禮耳良久不見唯聞異香王曰日月國土總有多少尊者曰千釋迦佛行化世界各有迷廬日月我若廣說即不能盡王聞忻然時尊者演無上道度有緣眾以上足龍子早天有兄師子博通彊記事婆羅門厥

師既逝弟後云亡乃歸依于尊者而問曰我欲求道當何用心尊者曰汝欲求道無所用心曰既無用心誰作佛事尊者曰汝若有用即非功德汝若無作即是佛事經云我所作功德而無我所故師子聞是言

矣

三

已即入佛慧時尊者忽指東北問云是何氣象師子曰我見氣如白虹貫乎天地復有黑氣五道橫亘其中尊者曰其兆云何曰莫可知矣尊者曰吾滅後五十年北天竺國當有難起要在汝身吾將滅矣今以

法眼付囑於汝善自護持乃說偈曰認得心性時可說不思議了了無可得得時不說知師子比丘聞偈欣愜然未曉將羅何難尊者乃密示之言訖現十八變而歸寂闍維畢分舍利各欲興塔尊者復現空中而說偈曰一法一切法一切一法攝吾身非有無何分一切塔大衆聞偈遂不復分就馱都之場而建塔焉即後漢獻帝二十一年己丑歲也

丙申 ○道始作靈寶 張陵家蜀居鶴鳴山作此經又造章醮道書二十四

卷以惑百姓陵傳子衡衡傳子魯自號三
 師結冠謀叛後曹操入蜀平衆降之黃衣
 始滅三張鬼
 法自茲始
 己亥 ○正月魏王曹公薨于丕襲位三月次延
 康十月帝禪位于丕國號魏改元黃初
 封帝為山陽公四子俱列侯青龍三年山
 陽公方崩壽五十四以漢天子禮葬于禪
 陵

東漢十二君一百九十五年

三國蜀吳附魏五主王土德姓雷氏曰

魏武歸晉五主四八
 魏留歸晉五主四八
 魏武歸晉五主四八

子庚武帝操字孟德沛國人也漢相國參之
 後為漢相破黃巾定天下自撰兵

書三十卷又注孫子兵法漢封諡
 魏王壽六十六薨葬洛陽高陵諡

太祖武皇帝

文帝丕字子桓武帝子受漢禪即位丁未
 五月崩嘉福殿壽四十歲葬首陵

改黃初治七年

辛丑蜀主劉氏二雷氏曰蜀唯二主
 主都于蜀

先主備字玄德涿郡人也漢景帝孫中山
 靖王勝之後三顧茅廬舉諸葛亮

查

查

孔明為謀相關羽張飛為將立蜀三
 年崩永安宮葬惠陵壽六十三歲
 諡曰昭烈大帝改年吳姓孫氏雷氏曰
 權亮休浩四
 主六十二年

寅壬大帝權字仲謀漢將軍堅之子蓋孫武十
 正位于南郊遷都建業太元二年改
 神鳳夏四月薨壽七十一葬蔣陵

諡大帝黃武治三十一年

論曰自漢以來天下一統建安之後鼎峙

始分袁曹競逐於中原劉孫分鹿於江峽

五嶽塵擁九牧雲屯或二祀而啓帝圖或

三分而陳霸業故使魏祖挾天子而令諸

侯劉宗馮劔閣而規雍輦孫氏英略高枕

長江橫武瓜牙卧龍威力別據一域吞噬

為心各跨疆場牙嚴關塞廣延俊乂以佐

股肱厚禮賢能賓為國寶良匠妙法復此

徂來僧會適吳舍利耀靈於江左迦羅游

魏禁律劫啓於洛都歸戒自此大行圖塔
由斯特立譯人隨俗仍彼方言出經逐時
便題名目故有吳品蜀晉耀馬重疊再翻
由此而始派流失譯良在於茲且三國峙
居夫何西蜀一都獨無於代錄今大吳次

查

三五

紀而以魏朝道俗具列于左方云

甲辰

蜀後主禪

字公嗣先主子政元建興在位四十年崩于洛矣魏青龍二年

年武侯卒景元四年降于魏蜀遂滅矣

沙門維祇難此云障礙天竺國人同沙門竺律

炎至武昌郡譯經二部及祇難卒律炎復

於揚都譯經三部凡三卷時優婆塞支謙者字恭明月氏國人初遊洛邑受業于支亮亮字紀明受業于支識世稱天下博知不出三支謙博覽經籍為人習長黑瘦眼多白而睛黃時人語曰支郎眼中黃身雖

細是智囊及辟地歸吳主見而大悅拜為
博士譯經一百二十九部一百五十二卷
未明帝叡改太和字元仲聰悟能文之子也景初三年庚申崩嘉福
陳思王曹植者字子建武帝中子十歲誦

詩書十餘萬言善屬文太祖見而異之曰
汝倩人耶植曰言出成論下筆成章願面
試奈何倩人乎及長於世間藝術無不精
練邯鄲淳見而駭嘆稱為天人植每讀佛
經留連嗟玩以為至道之宗極轉讀七聲
升降曲折之響世皆諷而則之游魚山聞
有聲特異清颺哀婉因倣其聲為梵贊今
法事中有魚山梵即其遺奏也始魏武欲
立為嗣植荒酒自穢以故得免文帝頗嫉
其才抑而不用嘗求自試帝不允既而十

一年中三徙其藩植滋不得志而薨年三十一初植登魚山臨東阿喟然有終焉志遂營墓遺誠其子令薄葬植在日不甚信黃老著辨道論見意今載藏經中弘明集配吳稱帝遷建業改元黃龍

庚

庚

壬子吳改嘉禾

丑癸改青龍

丁巳改景初建丑為正月

戊午蜀改延熙○吳改赤烏

庚申齊王芳改元始字蘭鄉明帝無子養秦王詢官省事秘人皆不知年

六年歲承魏祚至嘉平治十三年為司馬懿廢之

康僧會至吳按吳書赤烏四年有康居國大丞相子姓康名僧會棄俗歸緇以遊化為任行至建康營立茅茨設像行道吳人初見謂為妖異有司奏聞主欲幽之詔至

問狀會進曰如來大師化已千年然靈骨舍利神應無方昔阿育王奉之為八萬四千塔此其遺化也權以為誇已曰舍利可得當為塔之苟無驗則國有常刑會假請七日謂其屬曰大法廢興在此一舉當加

意洗心潔齋懇求至期無驗乃辰二七又無應權趣烹之會默念佛名真慈夫豈違我哉更請展期以死祈之又七日眾懼無人色五鼓矣聞鏗然有聲起視餅中五色錯發大呼曰果吾願矣黎明進之權與公

庚

庚

卿聚觀歎曰希世之瑞也會又言舍利威神一切世間無能壞者權使力士槌之砧碎而光明自若於是建塔度人立寺以其所名佛陀里寺曰建初奉會居焉關澤字德潤會稽山陰人也家世為農澤

好學居貧無資常為人傭書自給所寫既畢即能誦由是博覽羣籍虞翻見而稱之曰闕生矯傑仲舒子雲流也仕吳官太子太傅僧會入吳吳主因問澤曰漢明何年佛教入中國何緣不及東方澤曰永平十一年佛法初至計今赤烏四年則一百七十年矣永平十四年五嶽道士褚善信等乞與西僧角法於是善信負妄而死其徒以尸歸葬南嶽凡中國人例不許出家無人流布加之罹亂歲深方至本國吳主曰孔子制述典訓教化來業老莊脩身自玩放蕩山林歸心澹泊何事佛為澤曰孔老二教法天制用不敢違天佛教

子甲諸天奉行不敢違佛以此言之優劣可見也
出宗炳明佛論

卯第二十四祖師子比丘者中印度人也姓婆羅門得法遊方至罽賓國有波利迦者本習禪觀故有禪定知見執相捨相不語之五眾尊者詰而化之四眾皆默然心服唯禪定師達磨達者聞四眾被責憤排而來尊者曰仁者習定何當來此既至于此胡云習定曰我雖來此心亦不亂定隨人習豈在處所祖曰仁者既來其習亦至既無處所豈在人習曰定習人故非人習定我雖來此其定常習祖曰人非習定定習人故當自來時其定誰習彼曰如淨明珠內外無翳定若通達必當如此祖曰定若通達一似明珠今見仁者非珠之徒彼曰其珠明徹內外悉定我心不亂猶若此淨祖曰其珠無內外仁者何能定穢物非動

壹六

三六

搖此定不是淨達磨達蒙師開悟心地朗
然尊者既攝五衆名聞遐邇方求法嗣遇
一長者引其子問尊者曰此子名斯多當
生便拳左手今既長矣而終未舒願尊者
示其宿因尊者覩之即以手接曰可還我

珠童子遽開手奉珠衆皆驚異祖曰吾前
報爲僧有童子名婆舍吾嘗赴西海齋受
親珠付之今還吾珠理固然矣長者遂舍
其子出家祖與受具以前緣故名婆舍斯
多祖即謂曰吾師密有懸記羅難非久如

來正法眼藏今轉付汝汝應保護普潤來
際偈曰正說知見時知見俱是心當心即
知見知見即于今尊者說偈已以僧伽梨
衣密付斯多俾之他國隨機演化斯多受
教直抵南天當魏齊王芳元始八年丁卯

查六

元

歲也尊者以難不可苟免獨留闕賓時本
國有外道二人一名摩目多二名都落遮
學諸幻法欲共謀亂乃盜爲釋子形象潛
入王宮且曰不成即罪歸佛子妖既自作
禍亦旋踵事既敗王果怒曰吾素歸心三

寶何乃構害一至于斯即命破毀伽藍祛
除釋衆復自秉劍至尊者所問曰師得蘊
空否尊者曰已得蘊空曰離生死否曰已
離生死王曰既離生死可施我頭祖曰身
非我有何恡於頭王即揮劍斷尊者首滿

白乳滿數尺王之右臂旋亦墮地七日而
終太子光首歎曰我父何故自取其禍時
有象白山僊人者深明因果即爲光首廣
宣宿因解其疑網事具聖青集及寶林傳中遂以師子
尊者報體而建塔焉尊者付婆舍斯多心

法信衣為正嗣外傍出達磨達四世二十
二師祖罹難時乃在魏高貴鄉公已卯歲
也

巳改嘉平

庚午嘉平二年西竺曇摩迦羅及婆芬陀至洛

陽與康僧顛等翻譯眾經四分律鈔云自
漢以來法流濫觴比丘特剪髮而已未有
律儀供會齋懺事同祠祀至曹魏之初一
同漢式迨嘉平間天竺曇摩迦羅此云及
梵僧曇無德康僧藏師地梨茶耶乃阿瑜

闍第九世弟子也藏承其後妙善律宗准
用十僧大行佛制而以戒心為日用立羯
磨受具中夏戒律之始也

未吳改太元

世尊示滅一千二百年矣

甲壬 吳王亮 字子明權之少子十歲即位改元
建興治七年後孫琳黜亮為會稽

王立兄
孫休

戊甲 高貴鄉公髦 字士彥文帝孫東海定王霖
子已卯為司馬昭弒壽二十

改正元治六年

吳改五鳳

丙改甘露○吳改太平

寅 蜀改景耀

吳王休 字子悉權弟六子孫琳廢亮在之
改永安元年治六年壽三十崩

卯 蜀賓國賊竊釋子形服作亂王怒以為釋

子不知恩遂毀伽藍罷釋氏二十四祖師

子尊者遇害而寂

庚辰 陳留王奐改景元 武帝孫燕王字之子是
年六月大將軍司馬

弒其君高貴鄉公後立常道鄉公即奐也
是為元帝咸熙二年二月讓位晉王晉王

又讓之炎受而立之是為西晉矣 治五年

己辛 沙門朱士衡於洛講道行般若經義有闕

文發足于闐求正本漢地講經自此而始

未癸蜀改炎興魏鄧艾兵至後主出降國亡

右蜀漢二主四十三年

而魏併之

中甲魏咸熙元

吳王皓

字元宗孫和之子初號明主後志

卷六

鑿人眼睛在位十七年死

主

佛祖歷代通載卷第六

音釋

屹

魚乞切 邽 居願切 艤 魚倚切

闕

胡能切 賂 力故切 棧 什版切

佛祖歷代通載卷第七

香七

嘉興路大中祥符禪寺住持華亭念常集

西晉

雷氏曰 宣景文武惠懷愨帝

高祖宣帝懿

姓司馬氏王金德都洛陽宇仰達河內溫人也高陽氏之

後祖雋 穎川太守父防 京兆尹帝乃防之次子事魏忠烈大有賢能壽七十三崩葬高原

景帝師

字元宜之長子壽四十

文帝昭

字子景之弟壽五十

武帝炎

字安世之長子克惠仁厚好莊老之書咸熙一年受魏禪降封晉

寅為陳留王遷於鄆用天子儀衛之帝自滅吳之後奢修縱恣後宮殆將萬人嘗乘華車至於所宿已西四月崩 在位二十五年 年改元大始

吳孫皓始即位改甘露元年下令徧毀神祠波及梵宇臣僚建先帝感瑞剏寺不可

毀也乃遣臣張昱往告康僧會會挫其辭理辯鋒出昱不能屈歸以會才高聞皓召至問曰佛言善惡報應可得聞乎會曰明主以孝慈治天下則赤烏翔而老人見以仁德育萬物則醴泉冽而嘉禾茁善既有應惡亦如之故為惡於隱鬼得而誅之為惡於顯人得而誅之易稱積善餘慶詩義求福不回雖儒典之格言即佛教之明訓皓曰然則周孔既明安用佛教會曰周孔不欲深言故畧示其跡佛教不止淺言故詳示其要皆為善也聖人唯恐善之不多陛下以為嫌何也皓無以酬之遂罷他日宿衛治圃得金像皓使置穢處蒙不潔以為笑樂俄得腫疾晝夜呻吟占者曰坐犯神祠禱諸廟不効官人有奉佛者曰乃不

請福於佛耶皓仰視曰佛神若是怪乎曰佛之威靈視神如天淵皓乃悟曰吾以慢像致此耳趣迎像龕而供事之仍請會說法悔罪會爲開示玄要并取本業百二十頭分二百五十事使皓行住坐卧增益善意及授之五戒少頃疾愈由是奉會爲師

崇飾寺塔

太始元年月氏國沙門曇摩羅柰晉言法護至洛陽護學究三十六國道術兼通其語及自天竺大賈梵本婆羅門經達於王門因居燉煌世號燉煌菩薩後游洛邑及之江左永嘉中隨處譯經未嘗暫停時優婆塞聶承遠執筆助翻垂四百卷及承遠卒其子道真者詢稟咨承法護筆授外道真自譯經六十餘卷時晉沙門譯法炬法

立支敏度及優婆塞衛仕度等譯出衆經外炬與立等每相叅合廣略異同編次部類凡一百四十餘卷復有沙門曇良婁至安法欽竺叔蘭白法祖支法度等各出衆經所以西晉已來宣譯漸盛

論曰吳黃武初陸績有言曰從今更六十年天下車同軌書同文及泰康改元而吳平天下一統果如績言自是才二十載至永寧之初正道虧頹羣雄嶽峙趙王勰基叛逆篡主於朝張軌繼請外

遷擅據涼土內外糜沸仍漸亂階劉淵所以平陽李雄因茲并絡懷帝蒙塵外郡愍后播越長安既道藉時興而兩都版蕩法由人顯屬二主恟惶萬姓崩離歸信靡託百官失守釋種無依時有沙

門竺法護及釋法炬等忘身利物志在宏宣匪憚苦辛闡法為務護於晉世譯經最多且晉雖不文文才實著翻傳妙典日有賞音所以禮樂衣冠晉朝始備信源道種相資而興焉

丙戌 吳改寶鼎

丁亥 大教東流二百年矣

巳丑 吳改建衡

壬辰 吳改鳳凰

乙未 改咸寧○吳改天冊

丙申 吳改天璽明年又改天紀

巳亥 ○九月會公示疾而化

庚子 改太康減 右吳四主六十年而晉併之天下統一統

壬寅 會稽育王塔緣起有劉薩訶病死入冥見

梵僧指往會稽育王塔處懺悔既甦出家

名惠達及至會稽徧求不見偶一夜聞地
下鍾聲倍加誠懇經三日忽從地涌出寶
塔高一尺四寸廣七寸佛像悉具達既見
塔精勤禮懺瑞應甚多明州塔此其始也
戊 惠帝衷改永熙字正度武太子生而不惠不辨菽麥要賈尤女南風

為后潘盧融廢珠滅大臣致天下大亂為司馬越鳩于顯陽殿壽四十八葬太陽陵

治十七年

辛亥 改元康又改永平

道家三皇經乃鮑靜所撰十四紙也彼曰
凡諸侯有此文者必為國王大夫有此文

書

正

者為人父母庶人有此文者錢財自聚婦
人有此文者必為皇后既犯國諱永康中
被誅出晉史後人改曰三洞至唐二十年
貞觀間吉州囚人劉紹妻王氏有五嶽真
仙圖及鮑靜所撰三皇經時吉州司法叅

軍吉辨因檢囚於王氏處得之申省勅令
刑部郎中紀懷業等追京下道士張惠元
成武英等勘問得在先道士鮑靜所撰
為墨本非令元等所造勅令毀除追諸道
士及百姓有此文者其年冬並集得之遂

甲寅於禮部廳前悉焚之瑞像到龜茲國已上

一千二百八十五年在西竺是年始到丘
茲凡住六十八年

永平四年天竺沙門耆域至洛陽指沙門
竺法淵曰此菩薩從羊中來指竺法興曰

此菩薩從天中來又曰比丘衣服華麗大
違戒律非佛意也望見帝都宮室曰大畧
似切利天宮然人天殊分疲民之力繕刻
如此不亦侈乎未幾而洛陽亂域辭歸天
竺數百人遮道請中食乃行域許之明日

百餘家域分身同時赴之家喜其來及發
跡洛南域徐行而追者不及即以杖畫地
曰於此訣矣是日有出長安者見域在寺
中有賈胡濕登者其夕會域宿於流沙蓋
一昔萬里沙門神迹於此為顯云初域來

交廣並有靈異既達襄陽欲寄載過江舟
人見是胡僧輕而不渡及船達岸域已前
行路見兩虎虎弭耳掉尾域以手摩其頭
虎下道而去見者皆敬焉

庚申改永康

辛酉改永寧 正月趙王倫篡位遂誅之

十六國 自永寧之後所在十六國五涼四燕二趙三秦大夏并蜀為

六十

雷氏曰張軌據涼號曰前涼九主六十

苻堅侮亡 李特據益號曰

後蜀六主四十六年桓溫戮辱

劉淵平陽號曰前趙四主二六

石勒平勦

石勒襄國號曰後趙六主三二

冉閔除討

符健長安號曰前秦五主四四

姚萇反臣

慕雋據鄴號曰前燕二主二二

滅於苻堅

姚萇長安號曰後秦三主三二

劉裕即真

乞伏金城號曰西秦四主二八

赫連使賓

呂光姑威號曰後涼四主十三

書

姚興復疆

慕容山中號曰後燕四主四二

馮跋滅焉

烏孤廣武號曰南涼三主十九

熾盤僭王

慕德廣固號曰南燕二主十一

劉裕得天

李暠燉煌號曰西涼二主二四

蒙遜威疆

蒙遜張掖號曰北涼二主三九

拓跋乃昌

赫連朔方號曰大夏二主二五

魏有天下

馮跋昌黎號曰北燕魏滅二主

二十八年是十六國雜晉魏間

壬戌 改大安

前涼張軌 字士奮 安定烏氏人 漢張耳建興年 借立為王 依晉王初 涼州刺史 初立十三年 晉武太原滅

後蜀李特

字玄休 巴西宕渠人 其先廩君之裔 自氏 羗之亂 隨流人 至蜀 自稱益州牧 號蜀改 年 建初

癸亥 蜀武帝雄

字仲儁 特第三子 母曰羅氏 年改元 建興 成和 八年 生 傷 于頭 六日 而卒 壽六十一

子 改永興

前趙劉淵

字元海 新興兗奴人 冒頓之弟 初漢祖以宗女為公主 妻劉氏 都平陽 六年 改光熙

丙寅 改光熙 蜀改晏平

丁卯 懷帝熾 改永嘉 字豐度 武帝二十五子也 生而姿奇 後無罪為劉聰

虜之壽三十歲

治六年

戊辰 趙改永鳳

庚午

趙和 字玄泰 淵之子 身長八尺 既在 矣 年 河 瑞 未 幾 為 魏 景 斬 於 光 極 甚

趙劉聰 改稱漢

字玄明 劉淵第四子 性 帝改元 光興 在位八年 時河東大蝗 食 曰 唯 不 食 黍 豆 斬 準 率 人 收 埋 之 哭 聲 出 黍 豆 竟 盡 食 矣

辛未 漢改嘉平

愨帝鄴 改建興 字彥奇 武帝孫 吳王晏之 子 初即位 時長安城中不

盈百戶 萬棘成林 官無章服 印綬 唯 桑 板署 號爾後 被劉聰虜之 使帝戎服 執 戰前 導降 封懷安侯 遇害于洛 壽十八歲

治四年

涼張寔 字安遜 在位五年 壽四十八 號昭公

吳中是年有維衛迦葉二佛石像 汎海而

至吳淞江 滬瀆口 遙見浮遊道士 巫師往

迎 並風濤 洶湧 吳縣朱膺素奉正法 乃同

數人 共迎像 於是乘流 自到 背有銘誌 登

舟其輕如羽乃奉安通玄寺供養今開元寺事載

甲戌 三日並出西方

漢星隕平陽化肉

乙亥 漢改建元

丙子 漢改麟嘉查七

東晉 雷氏曰元明成康穆哀廢簡武安恭恭東晉

丁丑 元帝睿改建武十二年主一
宣帝曾孫瑯琊王觀之子生於洛陽內

聰破洛與王導南渡據江東壬午崩內

蘇英平陵壽四十七

治六年

敘曰經云三界無常有為非火晉氏之基魏室遠系乃誅曹爽而絕其宗設帝策而陳其績金承土運曆數在躬平蜀

而降大吳升平而布寬政文既允備武亦戢戈百六奄臻王官失守天下大亂莫匪斯焉於時道俗崩離朝不謀久寄政江表法隨代興沙門信士於是攸集故就紀之別號東晉元帝者宣皇曾孫

恭王覲之子也諱睿字景文初生之辰

內有神光一室盡明白毫生於日角之

左累官都督揚州諸軍事左丞相懷愍

敗後百官分離或走江南或為俘戮長

安失據帝幽平陽江東於時忽有五查七日

並出都下勸睿宜稱晉王統攝萬機以

臨億地愍帝崩後遂即居尊立元建武

因都建鄴避愍帝諱改名建康先是泰

康二年吳舊將管恭作亂太史伍振筮

曰恭即滅矣然更三十八年揚州當有

天子至是果如其言又秦始皇時望氣者云吳金陵山五百年後當出天子始皇忌之因蒞兵鑿金陵山斷改稱抹陵與絕其王凡自政至睿五百二十六年有晉金行奄君四海又時謠曰五馬浮渡江一馬化為龍永嘉喪亂宗室中唯瑯琊西陽汝南南頓彭城五王獲濟江表而睿首基為帝將知受命上感天靈欲跨輿圖下資地勢地負其勢始皇鑿之而弗亡天降其靈劉曜殲之而莫盡爰自建武至於元熙凡十二主一百四年華戎道俗譯經律論垂六百卷而弘法之務至是特盛焉

戊改大興

前趙劉曜 字永明劉元海族子少孤貧養于元海家而承位十二年

卯巳

改光初元年

後趙石勒 字世龍上黨武鄉人其先匈奴別部也年十四至洛陽依

史上都門王行異之曰胡雖聲視有奇志將為天下之患遣人收之會勒已去後起兵據襄國一十五年壽六十勒初暴政及見圖澄鉢長青蓮之驗回心納康延及于虎慕德推賢

巳辛 涼茂 字成遜寔之弟在位四年

午壬 改永昌上憂崩

天竺沙門吉友抵建康丞相王導見之曰我輩人也太尉庾亮光祿周顛廷尉栢彞一時名公皆造門結及聲名著搢紳間嘗對王導解帶盤礴尚書卜望之適至友正容肅然有問其故對曰王公風道期人卜令軌度格物吾正當以此應之耳栢彞欲為友作目久之未得友曰屍黎密 此云可謂卓朗彞絕嘆以為盡品目之極大將軍

處仲聞友為諸公器重心未然及見不覺手足增敬周顛為僕射領選將入局過友嘆曰為朝廷選賢得如君真令人無愧耳及顛歿友慰其孤對靈作梵唄清響凌雲又咒語千餘言而去王導嘗戲之曰外國有君一人而已友笑曰使我如諸君今日豈得在此時以為名言譯孔雀經梵名屍黎密蓋讓王位出家如吳泰伯然

癸未 明帝紹改太寧 守道幾元之長子敏有機斷故能以弱制強克復大

業惜乎降年不永未致太 治三年 平崩壽二十七葬于平陵

源駿 字公遠寔之子立二十二年壽四十

第二十五祖婆舍斯多者罽賓國人也姓婆羅門父寂行母常安樂初母夢得神劔因而有孕既誕拳左手遇師子尊者顯發宿因密受心印後適南天至中印度彼國

王名迦勝設禮供養時有外道號無我尊先為王禮重嫉祖之至欲與論議幸而勝之以固其事乃於王前謂祖曰我解默論不假言說祖曰孰知勝負曰不爭勝負但取其義祖曰汝以何為義曰無心為義祖曰汝既無心安得義乎曰我說無心當名非義祖曰汝說無心當名非義我說非心當義非名曰當義非名誰能辨義祖曰汝名非義此名何名曰為辨非義是名無名祖曰名既非名義亦非義辨者是誰當辨何物如是往返五十九翻外道杜口信伏於時祖忽然面北合掌長吁曰我師師子尊者今日遇難斯可傷焉即辭王南邁達於南天潛隱山谷時彼國王名天德迎請供養王有二子一克暴而色力克勝一和

柔而長嬰疾苦祖乃爲陳因果王即頓釋
所疑又有呪術師忌祖之道乃潛置毒於
飲食中祖知而食之彼返受禍遂投祖出
家祖即與受具後六十載太子德勝即位
復信外道致難於祖太子不如密多以進

諫被囚王遽問祖曰子國素絕妖訛師所
傳者當是何宗祖曰王國昔來實無邪法
我所得者即是佛宗王曰佛滅已千二百
年師從誰得邪祖曰飲光大士親受佛印
展轉至二十四世師子尊者我從彼得王

曰子聞師子比丘不能免於刑戮何能傳
法後人祖曰我師難未起時密授我信衣
法偈以顯師承王曰其衣何在祖即於囊
中出衣示王王命焚之五色相鮮薪盡如
故王即追悔致禮師子真嗣既明乃赦太

子太子遂求出家祖問太子曰汝欲出家
當爲何事曰我若出家不爲其事祖曰不
爲何事曰不爲俗事祖曰當爲何事曰當
爲佛事祖曰太子智慧天至必諸聖降迹
即許出家六年侍奉後於王宮受具羯磨

之際大地震動頗多靈異祖乃命之曰吾
已衰朽安可久留汝當善護正法眼藏普
濟羣有聽吾偈曰聖人說知見當境無是
非我今悟本性無道亦無理不如密多聞
偈再啓祖曰法衣宜可傳授祖曰此衣爲

難故假以證明汝身無難何假其衣化被
十方人自信向不如密多聞語作禮而退
祖現於神變化三昧火自焚平地舍利可
高一尺德勝王剏浮圖而祕之當東晉明
帝太寧三年乙酉歲也

丙戌 成帝衍改咸和 字世根明帝長子五歲即位庚后臨政壽二十五
治十七年

三藏理法師名惠理西竺人也東晉咸和初來遊此土至杭州見山岩秀麗曰吾國中天竺靈鷲山之一小嶺不知何年飛來

佛在世時多為仙靈所隱今此亦復爾耶

洞舊有白猿遂呼之應聲而出人始之信飛來由是得名師即地建兩刹先靈鷲後靈隱常宴坐岩中號理公岩今瘞塔在焉

子戌 趙改太和

寅庚 後趙改建平

辰壬 燕慕容皝立

巳癸 蜀斑 字世文種兄之子初署南平將軍後立為太子種疾斑侍卒而立一

趙弘 字大雅勒之次子立一
年改元延熙壽四十二

甲子 趙石虎 勒私自立盡殺勒種改元建熙
乙未 改咸康 ○ 趙改建武

蜀期 字世運種第四子立三年改元王桓後自縊死種諸子皆為壽所殺
丙辰 ○ 後趙大旱米斗直金一斤
戊戌 蜀壽 字武考驥之子種之弟殺期自立六年改元漢興國號漢

咸康六年成帝幼冲庾冰以元舅輔政奏沙門應盡禮王者尚書令何充等議不應致拜下禮官詳議博士議與充合而門下承冰風旨為駁尚書令充僕射褚翌諸葛恢尚書馮懷戴廣等奏曰世祖武皇帝以盛明革命肅祖明皇帝聰聖玄覽豈於時沙門不易屈膝願以不變其脩善之法所以通天下之志也臣等謂宜遵承先帝故事於義為長冰固謂應盡敬下制曰夫萬方殊俗神道難辯有自來矣達觀旁通誠

當無恠况跪拜之禮何必尚然當後原先
王所以尚之之意豈直好此屈折而坐邁
盤辟哉良有以也既其有以將何以易之
然則名禮之設其無情乎且今果有佛耶
無佛耶有則其道固弘無則義將安取縱

查

查

其信然將是方外之事方外之事豈方內
所體而當矯形體違常度易禮典棄名教
是吾所甚疑也名教有由來百代所不廢
昧且丕顯後世猶殆殆之為弊其故難尋
而今當遠暮茫昧依稀未分棄禮於一朝
廢教於當世使失凡流傲逸憲度又是吾
所甚疑也縱其信然縱其有之吾將通之
於神明得之於胸懷耳軌憲宏謨固不可
廢之於正朝凡此等類皆晉民也論其才
智又常人也而當因所說之難辨假服飾

以凌度抗殊俗之傲禮直形骸於萬乘又
是吾所弗取也諸君並國器也悟言則當
測幽微論治則當重國典苟其不然吾將
何術馬充等重抗表曰臣等暗短不足以
讚揚聖旨宣暢大義伏省明詔震懼屏營
轍共尋詳有佛無佛固非臣等所能定然
攷其遺文鑽其旨要五戒之禁實助王化
賤昭昭之名行貴冥冥之潛操行德在於
忌身抱一心之精妙且與自漢世迄至于
今雖法有隆衰而弊無妖妄神道經久未
有其比也夫議有損也况必有益臣之愚
誠實願塵露之微增潤岱岳區區之况上
裨皇極今一令其拜遂壞其法脩善之俗
廢於聖世習實生常必致怨懼隱之臣心
竊所未安臣雖愚蔽詎敢以偏見疑悞聖

查

查

聽直謂世經三代人更明聖今不爲之制無虧王度而幽冥之格可無壅滯是以復陳愚誠乞垂省察冰猶以爲不可復下制曰省所陳具情旨幽昧之事誠非寓言所盡然較料其大人神常度粗復有分例用大率百王制法雖文質隨時然未有以殊俗參治恢誕雜化者也豈曩聖之不達來聖之宏通哉且五戒之才善粗擬似人倫而更與世主略其禮敬服禮重矣敬大矣爲治之綱盡於此矣萬乘之君非好尊也區城之民非好卑也而尊卑不陳王教不得不一二之則亂斯曩聖所以憲章國體宜而不惑也通才博採往往備其事脩之家可以脩之國及朝則不可斯豈不遠耶省所陳果亦未能了有之與無矣縱其了

猶未不可以參治而况都無而當以兩行耶充等三上章執奏曰臣等雖誠愚弊不通遠旨至乾乾夙夜思循王度寧苟執偏管而亂大倫直以漢魏逮晉不聞異議尊卑憲度無或暫虧也今沙門之守戒專尊然及爲其禮一而已矣至於守戒之篤亡身不恪曷敢以形骸而慢禮敬哉每見燒香祝頌必先國家欲福裕之備情無極已奉上崇順出於自然禮儀之簡蓋是專一守法是以先聖御世因而弗革也然天綱查恢恢疎而不失臣等悽悽以爲不令致拜於法無虧因其所利而惠之使賢愚莫敢不用情則上有天覆地載之施下有守一脩善之人謹復陳其愚淺願蒙省察冰議遂寢何充字次道廬江潛人魏光祿大夫

宴之孫少以文義見稱初為王敦掾敦兄
含守廬江貪污敦嘗於坐稱之曰家兄在
郡定佳廬江士人稱之充正色曰充即彼
郡人所聞異此敦默然坐客皆為不安充
宴然自若丞相庾亮嘗薦之於明帝曰何

充器局方槩有萬夫之望若能總錄朝端
為老臣副及充拜尚書令推能用功不私
樹恩世甚重之初阮裕嘗戲之曰卿志大
宇宙勇邁前古充審其故裕曰我圖數千
戶郡尚未能卿圖作佛不亦大乎卒年五
十有五其後門世事佛甚精厥孫尚之及
黠胤等並見大義闡明佛法云

癸卯 康帝嶽改建元 字世同成之母弟子二十
一即位庾亮為相專權後

崩式乾殺壽二
十三葬昌陵

治二年

甲辰 蜀勢 字子仁壽之長子身長七尺九寸
腰十四圍善俯仰立五年改元太

和後死
建康

乙巳 穆帝 聘改永和 字彭祖康之長子二歲即
於顯陽殿
葬永平陵

在位十七年

蜀改嘉寧

涼張重華 字大臨駿次子立
七年壽二十七

後趙佛圖澄諫殺太子宣

後趙改太寧即帝位尋死而國亂

前燕傷 姓慕容字子英祖名廩字奕昌
黎棘城鮮卑人其先有能之裔

世居北夷邑於燕家之野晉封燕王遷
都龍城生子軌供乃軌之次子也居鄴
十一年壽
四十二歲

天竺佛圖澄至洛自言百餘歲常服氣自
養能積日不食善誦呪役使鬼神腹旁有
孔以綿塞之夜讀書則拔綿出光照室又

每臨溪從孔中出腸胃洗濯還納腹中能聽鈴音言吉凶莫不奇驗會洛陽寇亂潛伏草野以觀時變時石勒屯葛陂多殘殺澄杖錫謁勒命試以道術澄取滿鉢水呪之俄青蓮花生鉢中光色耀目勒由此神敬延之軍中未幾劉曜求戰以決雌雄左右以為未可勒以訪澄澄曰相輪鈴音云秀支替戾岡僕谷劬禿當此羯語也秀支軍也替戾岡出也僕谷劉曜胡位也劬禿當捉也言軍出捉得劉曜又令童子潔齋三日取麻油合臙脂躬自塗於掌中舉手示童子燦然有輝童子驚曰有軍馬一人白皙以朱絲縛肘澄曰此即曜也勒遂出戰果生擒劉曜勒稱趙王行皇帝事敬澄彌篤每舉事必咨而後行勒殂弟季龍

襲其位徙都鄴城尤傾心事澄下令衣以綬錦乘雕輦朝會引見常侍御史悉助舉輿升殿太子諸公扶翼而前主者唱大和尚坐者皆起勅司空李農朝夕問候時支道林聞之曰澄公其以季龍為鷗鳥耶及晉軍侵淮泗季龍怒曰吾奉佛供僧返更致寇佛無神矣澄入見曰陛下前身為商人經罽賓寺設大會會有六應真吾其一也有聖者曰此檀越報盡為雞乃王晉地今陛下為天子豈非奉佛供僧而致耶疆場侵噬有國之常何為怨謗三寶興毒念乎季龍悔謝因問曰佛法不殺朕為天下掌生殺恐違佛戒澄曰帝王事佛在恭儉慈忍顯讚法道不為暴虐不害無辜民有為惡化之不悛者其可不罰乎但殺不可

濫刑不可不恤耳尚書張離家富事佛而
所爲不法澄曰事佛在清淨無欲君雖崇
飾寺塔而貪冒不已無益也及將去世譯
辭季龍驚曰大和尚遽棄朕國有難乎澄
曰出生入死道之常也脩短分定無由增

查

九

損但道貴行全德貴不怠苟德行無玷雖
死如生成無馬千歲尚何益哉然有可恨
者國家存心佛理建寺度僧當蒙祉福而
布政猛虐賞罰交濫特違聖教致國祚不
延也季龍號慟嗚咽澄安坐而逝後有沙
門自雍州來見澄入關以聞季龍命發塚
視之唯塊石存焉季龍大惡之歎曰石吾
姓也大和尚埋我而去其能久乎未幾石
氏果滅澄度弟子數千萬人凡居其所國
人無敢向之涕唾每相戒曰莫起惡心大

和尚知汝其道化感物如此自大教東來
至澄而盛

論曰大覺禪師有云妙道之意聖人
嘗寓之於易由生民已來淳朴未散則
三皇之教簡而素春也及情實日鑿則
五帝之教詳而文夏也時與世異情隨
法遷故三王之教密而嚴秋也至周衰
先王之法壞禮義亡迨爲秦漢則無所
不至而天下至有不忍願聞者於是我
佛世尊之教入東土示以性命之理教
以慈悲之行冬也旨哉斯言觀澄公區
區西來當石勒季龍礮礮暴虐之際而
能憫物垂軌示以立言德祥導以慈悲
之行卒使二暴革心道化融洽於戲天
有四時循環以生成萬物而聖人之教

送相扶持以化成天下厥有以哉

成 庚 趙石祗 三月即位襄國改永寧去帝號劉顯殺祗冉閔以顯為大單于

稱帝於襄國引兵攻鄴敗還魏克襄國殺顯及公卿焚宮室遷其民于鄴至辛亥 國除

魏冉閔 殺石虎子孫十八人及胡羯二萬人壬子克襄國殺劉顯後為

慕容儁所滅殺閔於遇柱山七里之內草木皆枯半年不雨祭之乃雨國除

亥 辛 前秦苻健 字建業洪第三子洛陽臨渭氏人其先有邑之裔父洪字廣世

為西戎酋長初住石虎滅洪有師十萬自稱秦王生健背有卍符字改姓苻氏

皇始四年都長安改元○苻子朗 兄英

潔不仕著書二十篇曰苻子多讚釋

世尊入滅一千三百年矣

燕改元璽

涼張祚 改和元平 符生 字長生健第一子立二年改元壽光二十三年為堅殺之

卯乙 寅甲子王

涼張玄靚立

丁 巳 改升平帝加元服

苻堅 字永固洪之子雄武智畧盡有中

燕改壽光

釋涉公本蜀人也預言多驗遊化至長安

時天大旱堅命師祈雨呪龍鉢中其雨沛

然恪加敬事師不食五穀日行五百里是

年示滅而歲復旱堅謂秘書朱彤曰涉公

若在豈使朕焦心于雲漢哉其思仰如此

秦改甘露

燕慕容暉 字景茂儁第二子僭立十年改元建熙

沙門于法開蘭公徒弟也善放光法華尤

精醫法嘗值婦人在草危急開曰此易治

耳主人宰羊欲祀神開令取肉為羹進竟

酉辛 申庚 未己

因氣針之須臾羊瘼裏兜而出或問法師
高明劄簡何以醫術經懷答曰明六度以
除四魔之病調九候以療風寒之疾自利
利人不亦可乎

哀帝丕改隆和字于齡成之長子即位修
身後斷穀服長生藥過度

梅檀瑞像中壽崩于西堂壽二
十五葬于安平陵治四年
下已上六十八年在龜茲此
一十四年在西涼府

改興寧

涼張天錫立駿之少子玄觀委政與臣
謀自立至丙子為苻堅

是年哀帝詔法師竺潛講般若於禁中嘗
著屐至殿中人聚觀歎道德高風初不省
有市朝時簡文輔政沛國劉惔嘗遇潛於
簡文座中嘲曰道人亦遊朱門乎對曰君
自見朱門貧道以為蓬戶及辭還剡山支

道寓書求買沃州小嶺歸隱潛答曰欲來
當給未聞巢由買山而隱也寧康二年卒
武帝下詔曰法深理悟虛遠風鑑清高棄
宰輔之榮襲深衣之素山居世外篤懃匪
懈方賴宣道以濟蒼生奄從遷謝用痛于

懷其賜緡錢十萬助建瑩塔潛字法深凡
中國勅葬沙門自潛而始

法師支遁字道林與謝太傅安王右軍羲
之厚善安守吳興以書抵遁畧曰思君日
積比辰尤甚知欲還剡自治為之愴然人

生如寄耳自頃風流得意事殆磨滅都盡
唯終日戚戚遲君一來以晤言消遣之一
日千載也及竺潛辭闕有詔遁繼講法於
禁中一時名士殷浩郗超孫綽桓彥表王
敬仁和克王坦之袁彥伯並與結方外交

天下想見其標致者劉系謂於白馬寺談
莊周以適性爲逍遙遁曰不然桀跖以殘
虐爲性豈亦逍遙乎於是注逍遙篇學者
宗之王濛嘗極精思作數百語詣遁曰與
君別久而君了不長何也濛慚汗曰絳鉢
之王何也郗超嘗問謝太傅曰遁談何如
嵇中散太傅曰嵇努力裁得半耳又曰何
如殷浩太傅曰臺臺論辨恐當抗衡超拔
淵源殷有慚德超後與親舊書曰林公神
理所通玄拔獨悟數百年來紹隆大法令
真理不絕一人而已太和二年廢帝海西
公在位遁抗表辭還山有詔資給敦遣諸
公祖餞于征虜亭蔡子琳者先至近道林
坐適起而謝萬亟趨其處子琳還合禱舉
萬投諸地萬曰幾損我面子琳曰吾初不

爲卿面計其爲當時所慕如此晚居山陰
講維摩許詢爲都講遁通一義衆意詢不
能難及詢設難又意遁不能通而賓主之
難相尋無窮聽者多言自得遁旨詰之輒
失著即色遊玄聖不辨知等論有遺其馬
者畜之曰吾愛其神駿耳有遺其鶴者縱
之曰冲天之物豈耳目玩哉君子多其達
及卒戴逵過其塔歎曰德音未遠而拱木
已繁計神理綿綿不與氣運俱盡也
郗超字嘉賓少有曠世之度談論義理精
微標志慕佛加好行檀大將軍桓溫辟爲
參軍時王珣同府珣爲主簿超羨珣珣身
短小府中語曰髯參軍短主簿能令公喜
能令公怒謝安王坦之詣溫府溫先令超
卧帳中聽其論事俄風動帳開安笑曰郗

查七

三

生可謂入幕之賓矣起喜隱遁聞拂衣者必為起屋具器用遺之支道林每謂其造微之功足參正始甚重之又與汰法師厚善嘗約先歿者凡幽冥報應當以相報俄而汰卒一夕見夢曰向與君約報應之事今皆不虛願君無忘修德以昇濟神明超由是循道彌篤云

秦改建元

乙丑 廢帝奕字延齡竇之母弟後大司馬桓溫廢為海西公十月卒于吳壽三十

五 改太和在治五年

大教東被三百年矣

釋道安者姓衛常山扶柳人圖澄之門學家世英儒早失覆廡為表兄所養悼年讀書一覽無忘十一出家而能日記萬言終為緇林奇表寧康初安於襄陽檀溪寺建

查

西

浮圖鑄銅像能起自行至方山而止光明燭天傾都瞻拜歡呼動山谷秦主苻堅送外國金飾倚像金縷結珠彌勒等安每講設以作證一夕像光照室視之頂有舍利焉習鑿齒襄陽高士先以書通好乃詣安自稱曰四海習鑿齒安曰彌天釋道安相得歡甚即以書抵謝東山稱安蓋非常勝士恨公不一見耳孝武帝聞安名詔曰法師以道德照臨天人使大法流行為蒼生依賴宜日食王公祿所司以時資給安固辭不受未幾苻堅攻陷襄陽得安而喜謂左右曰吾以十萬師取襄陽得一人半耳左右問為誰曰安公一人習鑿齒半人也安入關沙門萬數皆隨師姓而名安曰師莫如佛世也應沙門宜以釋為氏及增一

阿舍經至乃云四河入海無復異名四姓
出家同稱釋氏遂與經符合焉世益重之
又藍田得古鼎容二十有七斛腹有篆文
朝無識之者有以問安安曰魯襄公所鑄
也由是符堅勅三館學士有所疑皆師於

查

至

安國人語曰學不師安義不禁難時符氏
東極滄海西併龜茲南包襄陽北盡沙漠
唯建康未服堅雅意欲取而有之羣臣諫
不從太尉符融者叩頭請安為蒼生一言
安諾及堅出東苑命安升輦同載僕射權

翼進曰臣聞天子法駕侍中陪乘道安駸
形寧可參廁堅怒曰安公道德可尊朕以
天下易輿輦之榮未稱其德即詔翼扶安
登輦於是翼跪而掖之堅顧謂安曰朕將
與公南遊吳越整六師以巡狩登會稽以

觀滄海不亦樂乎對曰陛下應天御世富
有八州居中而制四海宜棲神無為與堯
舜比隆今欲以百萬之師求厥田下下之
土東南地區勢卑氣厲昔舜禹遊而不返
始皇適而不歸以貧道觀之未見其可乎
陽公懿戚石越重臣皆憂國至深其論可
聽堅曰非區域不廣也朕欲簡天心明大
運所在耳順時巡狩且有格言儻如高論
則帝王無省方之文乎安曰必欲往宜駐
蹕洛陽枕戈畜銳傳檄江南如其不服伐
之未晚堅不納太元七年堅自將步騎百
萬次壽春為晉徐州刺史謝玄所敗單騎
遁還安每疏經義必求聖證一日感龐眉
尊者降安出所製似之尊者欽歎以為盡
契佛心仍許以密助弘通安識其為賓頭

盧也因設日供祀之今供賓頭自安而始
門弟子通其業者數十人知名于是有法
遇者傳教長沙門徒數百有私飲者遇縱
而不舉安廉知之即封荆以寄遇抱荆而
泣曰董眾無狀而遠遺師憂於是俯伏躬

查

弄

受其譴太元十四年正月晦日安命其徒
具浴忽見異僧出入隙中安以生處問之
僧指西壯即雲開見樓閣如幻出曰彼兜
率天也是夕有數百小兒皆就浴而去識
者以爲應真之侶也二月八日跏趺而逝
安貌俊而姿黑博學善詞章諺曰漆道人
驚四隣左臂有肉方寸許隆起如印時號
印手菩薩著僧尼軌範及法門清式二十
四條世遵行之

論曰法源濫觴之初由佛圖澄而得安

由安而得遠公是三大士化儀軌則或
無以異至於出處操尚若相戾者何哉
大抵晉室渡江自明帝之後當代時君
雖無可稱者然而朝廷紀綱法度未始
或虧當是之際故遠公得以遂其高天

子臨潯陽而詔不出山若澄安二公失
身偏霸之朝萬一不區區俯仰曲徇其
情彼季龍苻堅其肯容之高卧山林而
不爲之屈耶此古所謂易地皆然三大
士有之矣孟軻氏稱伯夷伊尹柳下惠

查

毛

皆曰聖人者良以其道通方而善趨時
也世謂澄安之操不逮遠公吾弗信矣
孫綽字興公父楚有重望綽博學美文辭
與高陽許詢俱有高尚之志初隱稽山放
情山水作遂初賦以見志友道林問綽曰

君何如許荅曰高情遠志弟子早已伏膺
 然一詠一吟許將北面嘗作天台賦示友
 人范榮期曰卿試以擲地當作金聲榮期
 曰恐此金聲非中宮商然每至佳句輒云
 應是我輩語於吾道多有論撰具見弘明
 等集年五十八卒史臣稱綽有匪躬之節
 不徒文雅而已

許詢字玄度高陽人魏中領軍允曾孫也
 澡心學佛甚為江左諸公卿仰慕簡文帝
 高其風每月白風恬思清言妙理必造焉
 至其塵塵簡文不覺前席達且忘倦帝謂
 親友曰玄度才情故未易有劉真長為時
 譚宗而與結清言友每謂人曰吾不見玄
 度幾為輕薄令尹又嘗曰清風明月何嘗
 不思玄度

戊辰 ○王珣與弟珣捨宅為寺今虎丘是也
 庚午 ○符堅滅燕

晉司馬桓溫末年奉法有尼造之溫敬而
 不倦浴必移晷訝而私覲見尼揮刃自割
 截支分纓有頃屣出溫以情問尼曰君志
 若遂形當如之時溫方謀問鼎聞此悵然
 乃止屣遂辭不測所之

通錄
 乎簡文帝昱 字道萬元之少子神識怡暢無
 窮世之譽後崩于東堂壽五十

墓高
 平陵

改咸安 ○是年彗星現帝詔竺法曠獲
 查七
 之曠曰陛下當勤修德政以賽天譴貧
 道當盡情帝乃齋懺災遂滅

音釋

瘍

羊赤切
脉病也

滄

胡古切
水名也

僇

許交切
擊也

謠

與招切
與歌也

噬

視制切
視也

穢

先念切
雷光也

讒

詐戕切
責也

皦

胡廣切
暉也

光明

佛祖歷代通載卷第八

查八

嘉興路大中祥符禪寺住持華亭念常

集

癸酉 東晉孝武帝曜改寧康

字昌明簡文帝第三子十歲即位崇德

太后暱朝二月桓溫擁兵來朝有不臣之志三月疾遷姑執七月卒弟冲代領

查

兵盡忠王室三十五崩清暑殿薛隆平陵治二十五年

丙子 改太元 ○梅檀瑞像是年到長安住一十

七年

癸未 後秦姚萇

字景茂南安赤亭羌人其先有虞之裔父弋仲有二十四子萇幼子也初仕苻堅為陽武將軍因南伐

敗績而歸遂繼苻堅而據長安僭立八

年改建興壽六十四

西秦乞伏國仁

本西鮮卑人其先自漢北出陰山後降苻堅署為南

單于鎮勇士川苻堅既敗國仁自稱大單于王後統西秦據金城僭立四年乙酉改

建義

後涼呂光

字世明洛陽氏人也父婆婁仕苻堅官至太尉生光身長八尺

四寸且有重瞳王猛見而異之舉以為將率兵七萬西征其陣者四十餘國至龜茲獲羅什聞堅死據姑城稱涼州牧立十年

後燕慕容垂

字道明魏之弟身長七尺五寸垂手過膝因懼誅奔秦苻

堅用之苻使伐晉既敗遂據中山改國號燕立十三年壽七十一

甲申 苻丕 鎮于鄴據滑陽立一年改大安

後秦改白雀

太元九年法師惠遠以秦亂來歸于晉遠

出鴈門賈氏少為儒生博極群書尤邃周易

易莊老嘗與弟惠持造安法師席下聞出世法而悅之歎曰九流特糝糠耳遂出家

安門徒數千遠居第一座及關中擾亂安

散其徒皆諄諄規誨而遣之遠別獨不與

一言遠恠問安曰若汝吾何言哉遂自荆

州將之羅浮抵潯陽見匡山愛之廬於山

陰太守桓伊為荆精舍一昔風雷拔樹鼓

陰太守桓伊為荆精舍一昔風雷拔樹鼓

陰太守桓伊為荆精舍一昔風雷拔樹鼓

沙石蕩平基致木于土時以爲神運焉初
太尉陶侃鎮廣州有漁于海得文殊像送
寒溪寺寺嘗經火而像屋無恙其後侃鎮
武昌使人迎之十輩不能舉既而鼓力致
之舟舟輒沒遂失其像時謠曰侃唯劍雄

齊六

二

像以神標可以誠致難以力招及遠初寺
心祈之於是像冷然自至時晉室微而天
下奇才多隱居不仕若彭城劉遺民豫章
雷次宗鴈門周續之新蔡畢穎之南陽宗
炳張士民李碩等從遠遊并沙門千餘人

結白蓮社於無量壽像前建齋立誓期生
淨土及聞羅什法師入關遠望風欽敬遺
書通好詞曰去歲得姚右軍書且承德聞
仁者曩日殊域越自外境于時音譯未交
聞風而悅頃承懷寶來游則一日九馳徒

情欣雅味而無由造盡寓目望途增其勞
佇夫梅檀移植則異物同薰摩尼吐曜則
衆珎自積且滿願不專美於絕代龍樹豈
獨善於前踪今往比量衣裁願登高座爲
著之什答曰既未言面又文詞殊隔導心

之路不通得意之緣圯絕傳譯來貺粗述
德風比何如必備聞一途可以蔽百經言
末後東方當有護法菩薩勗哉仁者善弘
其事夫才有五備福戒博聞辯才深智兼
之者道隆未具者凝滯仁者備之矣所以

齊六

三

寄言通好因譯傳心豈其能盡粗酬來意
耳損所致比量衣裁欲令登法座時著當
如來意但人不稱物以爲媿耳今往常所
用鑰石雙口澡灌可以備法物數也并遺
偈一章曰既已捨染樂心得善攝否若得

不馳散深入實相否畢竟空中其心無所樂若悅禪智惠是法性無照虛誑等無實亦非停心處仁者所得法幸願示其要遠復答以偈曰木端竟何從起滅有無際一微涉動境成此頽山勢惑想更相乘觸

理自生滯因緣雖無主開塗非一世時無悟宗匠誰將握玄契來問尚悠悠相與期暮歲初中國未有涅槃常住之說且云壽命長劫遠曰佛是至極至極則無變無變之理豈有窮哉乃著法性論略曰至極以

不變為性得性以體極為宗羅什見論歎曰遠未及見經暗與理會豈不妙哉秦王姚興致書餉遠龜茲細縷雜變像以伸款敬安城侯姚嵩獻珠像并釋論曰大智論新記龍猛所作法師當冠以叙文以昭示

萬世此邦道人同所欽聞也遠以大論文廣謙讓不諾乃抄其要為二十卷而別叙之相玄輔政勸安帝沙汰僧尼詔曰沙門有能伸述經牒演說義理律行脩整可宜寄大化者聽依所習不者悉令罷道唯匡

山道德所居不在搜簡遠以書抵玄陽縱而陰奪之遂停其詔遠嘗稽考禪宗別傳之旨源流所自及祖師達磨之來遂皆符合云陶淵明隱居柴桑從遠問道深相敬仰謝靈運投名入社遠拒之不內及宗炳

資

四

著明佛論顏延之析達性論周顒駁夷夏論鄭道子著神不滅論皆稟遠是正焉至隆安中桓玄重申庾冰之義欲沙門盡敬王者朝廷承風旨多與玄合因以問遠曰此一代大事不可使朝廷失體也得八座

書今以似君君其件件詳論不敬之意以釋其疑便當行之遠答其書并著沙門不敬王者論五篇劇陳所以不拜之意立始意堅及得遠論即緩其事未幾篡位乃下書曰佛法弘大所不能測推奉主之情欲與其敬今事既在已宜體謙冲應諸道人勿復致禮也安帝避立還次潯陽詔遠見于行在輔國何無忌勸遠一出遠固辭以疾帝再詔問勞勅九江太守歲時送米資奉卜居三十年影不出山迹不入俗送客以虎溪為限弟惠持亦有高行蓮社眾數千持居第一座太尉王珣嘗問豫章刺史范甯遠公與持孰愈甯曰賢弟兄也珣曰但令如弟所未易有况復賢耶遠臨終其徒進蜜漿者遠懼違律令左右檢律未終

資

五

卷遂合掌西面而逝年八十有三有匡山集三十卷行于世

資

五

宋朝明教大師契嵩過遠影堂列六事題之其辭曰陸脩靜異教學者而送過虎溪是不以人而棄言也陶淵明耽酒于酒而與之交蓋簡小節而取其達也跋陀高僧以顯異被擯而延且譽之蓋重有識而矯嫉賢也謝靈運以心雜不取而果沒于刑蓋識其器而慎其終也盧循欲叛而執手求舊蓋自信道也桓立震威而抗對不屈蓋有大節也大凡古今人情莫不畏威而苟免忘義而避疑好名而昧實黨勢而忍孤飾行而畏累自是而非人孰有道尊一代為賢者師肯以片言而從其人乎孰有夙稟勝德為行耿潔肯交醉鄉而高其達

乎孰有屈人師之尊禮斥逐之客而申其
 賢乎孰有拒盛名之士不與於教而克全
 終乎孰有義不避禍敦睦故舊而信道乎
 孰有臨將帥之威在殺罰暴虐之際守道
 不撓而全其節乎此固遠公識量遠人獨

出於古今矣若其扶荷至教廣大聖道垂
 裕於天人者非蒙乃能盡之其聖歟賢耶
 偉乎大塊噫氣六合清風遠公之名聞也
 四海秋色神山中聳遠公之清高也人龍
 僧鳳長揖巢許遠公風軌也白雲丹壑玉

樹瑤草遠公棲處也

劉程之字仲思彭城人少孤事母以孝聞
 才藻自負不委氣于時俗雖寒餓在已威
 福當前其意湛如也司徒王謚承相桓玄
 侍中謝混太尉劉裕咸嘉其賢欲相推薦

程之力辭乃之匡山託于遠公遠曰官祿
 巍巍何以不為程之曰君臣相疑疣贅相
 虧晉室無磐石之固物情有累卵之危吾
 何為哉遠然其說大相器厚太尉亦以其
 志不可屈與群公議遺民之號旌馬時雷

次宗周續之畢穎之張秀實宗炳等同依
 遠公遠曰諸君之來豈宜忘淨土之遊乎
 有心馬當加勉勵無宜後也以程之最文
 使誌其事號蓮社誓文其辭曰維歲在攝
 提格七月戊辰朔二十八日乙未法師釋

惠遠真感幽興霜懷特發乃延命同志息
 心正信之士雷次宗劉程之等百有二十
 三人集于廬山之陰般若臺精舍阿彌陀
 佛像前率以香花敬薦而誓惟茲一會之
 衆夫緣化之理既明而三世之傳顯矣遷

感之數既符則善惡之報必矣推交臂之
潛論悟無常之期切審二報之相催知除
阻之難苟此其同志諸賢所以夕惕宵勤
仰思攸濟者也蓋神者可以感涉而不可
以迹求必感之有物則幽路咫尺苟求之

賁

七

無方則渺茫何津今幸以不謀而感僉心
西境叩篇開信亮情天發乃機象通於寢
夢欣懽百於子來於是雲圖表暉景伴神
造功由理諧事非人運茲實天啓其誠冥
運求萃者矣可不克心克念重精疊思以

疑其慮哉然景續參差功福不一雖晨期
云同而夕歸攸隔即我師友之眷良可悲
矣是以慨然胥命整衿泫堂等施一心亭
懷幽極誓茲同人俱游絕域其有警世絕
倫首登神界則無獨善於雲嶠忘兼全於

幽谷先進後升勉思彙征之道然後妙觀
大儀啓心真照識以悟新形由化革藉美
藻於中流蔭瓊柯以詠言飄靈衣於八極
沉香風以窮年體忘安而彌穆心超樂以
自怡臨三途而緬謝傲天宮而長辭紹眾

靈而繼軌指太息以爲期究茲道也豈不
弘哉

太元初苻秦盛時德星屢現太史奏外國
當有智人入輔及秦主攻襄陽得法師道
安喜以爲應安謙讓不敢當因勸秦主迎

龜茲國法師鳩摩羅什堅從之即其驍騎
將軍呂光以鐵騎七萬伐龜茲謂曰若獲
羅什馳驛送歸光軍至什謂龜茲王白純
曰國運替矣有勅敵從日下來宜供承之
勿抗其鋒純不納拒之大爲光所破遂獲

羅什光見什齒少凡人戲之妻以龜茲王
女什苦辭以為不可光飲以醇酒同閉室
中遂為所逼及光還而苻堅已敗因僭王
姑威父子相繼皆庸才不知道什蘊深解
混居其國云所宣化秦主姚萇者西戎羗

史

也苻堅之敗萇為宿將率其部屬反叛堅
與之戰不利遂為萇縊殺之于佛寺萇襲
其位都雍關改長安為常安在御八年苻
堅領鬼兵白日入宮刺中其陰出血石餘
而崩子興即位降帝號而稱天王未幾干

戈寢息風化大行嘉祥沓現及樹連理
生於殿庭咸謂智人入國之瑞乃遣姚碩
德伐涼呂隆迎羅什法師至秦主深加禮
遇待以國師大闡經論震旦宣譯至苻秦
并什法師等兩朝出經律論三藏凡八百

餘卷云

苻丕改大安 西秦改建義

北朝魏

雷氏曰

四十九年

太祖道武皇帝珪

過天女而生力微即魏之始祖神元皇帝
也帝時辟暑五臺山有梵僧來乞坐具地
帝然之遂敷坐具于其頭乃文殊化身
月方圓五百里皆屬聖基乃文殊化身
始祖生章帝慈鹿平帝緯思帝弗昭帝祿
官穆帝猗廬平文帝鬱律思帝賀傅帝祿
統那烈帝麟槐昭成帝什翼健已上十一
王未通中國。珪按世錄其先出自黃帝

之後昌意之子受封北國有大鮮卑山目
以爲號西晉之亂有拓跋廬出居樓煩晉
封爲代王於後魏書云珪即魏太祖道武
帝也太元元年據朔州東三百里築城邑
號恒安爲苻堅護將軍堅敗後乃即真號
太祖道武明元立元祖世祖太武帝立
自是又四主至世宗孝文帝遷都于洛吹
姓元氏去胡衣冠絕虜語專華風是時天
下唯二國謂之南北朝魏初未開佛及

神元與晉通勝方知致信僧至二百萬
寺院三萬餘所譯經律論一千九百餘
卷自古佛圖塔之盛
無出於此改年登國

成丙

前秦苻登

字文高堅之族孫在位九
年改元太初壽五十二

後秦改建初

入長安
稱帝

涼改大安

燕改建興

亥丁

西秦乞伏乾歸

國仁第立二十四
年後為兄殺之

子戊

西秦改太初

河南
稱王於

第二十六祖不如蜜多者南印度德勝王

之太子也既受度得法至東印度彼王名

堅固奉外道師長爪梵志暨祖將至王與

梵志同觀白氣貫于上下王曰斯何瑞也

梵志預知尊者入境恐王遷善乃曰此魔

來之兆耳何瑞之有即鳩諸徒眾議曰不

如蜜多將入都城誰能挫之弟子曰我等

各有呪術可以動天地入水火何患哉尊

者至先見宮牆有黑氣乃曰小難耳直詣

王所王曰師來何為祖曰將度衆生曰以

何法度祖曰各以其類度之時梵志聞言

不勝其怒即以幻法化大山於尊者頂上

尊者指之忽在彼衆頭上梵志等怖懼投

尊者尊者愍其愚惑再指之化山隨滅乃

為王演說法要俾趣真乘又謂王曰此國

當有聖人而繼於我是時有婆羅門子年

二十許幼失父母不知名氏或自言纓絡

故人謂之纓絡童子遊行閭里巧求度日

若常不輕之類人問汝何行急即荅云汝

何行慢或問何姓乃云與汝同姓莫知其

故後王與祖同車而出見纓絡稽首於前

尊者曰汝憶往事否曰我念遠劫中與師

同居師演摩訶般若我轉甚深修多羅今

同居師演摩訶般若我轉甚深修多羅今

日之事蓋契昔因尊者又謂王曰此童子非他即大勢至菩薩是也此聖之後復出二人一人化南印度一人緣在震旦四五年内却返此方遂以昔因故名般若多羅付法眼藏偈曰真性心地藏無頭亦無尾應緣而化物方便呼為智尊者付法已即辭王曰吾化緣已終當歸寂滅願王於最上乘毋忘外護即還本坐跏趺而逝化火自焚王收舍利塔而瘞之當東晉孝武帝太元十三年戊子歲也

丑巳後涼改麟加

癸巳梅檀瑞像此下至江南住一百七十三年

甲午前秦苻崇改延初十月為乾麟所殺國除

後秦姚興改皇初字子畧長子弁之長安立于槐里二十二年

壽五十

五歲

土

丙安帝德崇

武帝長子生而不惠至於寒暑饑飽不能辨年三十七崩于東堂葬休平陵一名儒宗十五歲即位治二十二年

後涼改龍飛

稱涼天王

後燕慕容寶

字道祐垂之第四子立二年改元永康壽四十四歲

北魏改皇始

建天子旌旗

南燕慕容德

字玄明號少子身長八尺二寸姿貌雄偉後燕寶死乃據滑蓋號燕都廣固借立七年壽七十而卒

南涼秃髮烏孤

河西鮮卑人其先與魏何出入世祖匹孤率其部自塞北遷于河西呂光遣使署為益州牧自稱大單于西平王都廣武徙樂都改

年太初僭立三年

北涼改業

據張掖次年改神璽

西涼李暠

字玄威隴西成紀人漢將軍李廣十六代孫祖奔仕張軌為將

因據河右至焉○即唐太宗稱涼立十七年八世祖也

竺僧朗京兆人也專以講說為任而踈食

布衣志耽物外自皇始移上太山薙茅居

之時聞風而造者百有餘焉道德疑懷千里哲人競湊芳聲播遠五朝天子移風貢物飛符孰能並駕

一苻堅書曰皇帝敬問太山朗和尚大聖應期靈權超逸蔭蓋十方化融無外若四海之養群生等天地之育萬物養生存死

澄神竅妙朕以虛薄生與聖會而隔萬機不獲輦駕今遣使人安車相請庶冀靈光迥蓋京邑今并奉紫金數斤供鍍形像績綾三十疋奴子三人可備洒掃至人無違幸望納受想必玄鑒見朕意焉既請已師

禮事之

二晉武帝曜書曰皇帝敬問太山朗和上叡德光時聲飛東嶽乃至思與和上同養群生至人通微想明朕意今遣使者送五

色珠像一軀光錦五十疋象牙筆五領金鉢五枚到頭受納

三後燕成武帝慕容垂書曰皇帝敬問太山朗和上澄神靈緒慈蔭巨國凡在含生孰不蒙潤朕承籍纂統方夏事膺昔蜀不

恭魏武含慨今二賊不平朕豈獲安又元戎克興狂掃暴亂至人通靈隨權指化頭兵不血刃四海混伏委心歸依久敬何已今遣使者送官絹一百疋袈裟三領綿五十斤幸為咒頭

四魏太祖道武皇帝書皇帝敬問太山朗和上承妙聖靈要須經略已命元戎上人德同海嶽神筭遐長冀助威謀克寧荒服今遣使送素絹二十端白氎五十領銀鉢三枚到頭受內

五南燕慕容德親與齊州朗和上建神通寺與師書曰敬問太山朗和上遭家多難災禍屢臻昔在建熙王室西越賴武王中興神武御世大啓東夏極拔區域遐邇蒙蘇天下幸甚天未忘災武王即宴永康之

查

查

始東傾西蕩京華播越每思靈闕屏營飲淚朕以無德生在亂兵遺民未幾繼承天祿幸和上大恩神祇蓋護使者送絹百疋并假東齊王奉高山荏二縣封給書不盡意稱朕心焉五朝御啓師悉回荅恐煩不

錄見唐弘明集

酉 改隆安○北涼改神璽 後燕改永康

戊 後燕慕容盛字道運寶之庶子立三年壽二十九卒改年建平

北魏是年即帝位改元天興道武下詔曰夫佛法之興其來遠矣濟益之功冥及存

沒神蹤遺法信可依憑勅有司于京師建飾容像脩整宮舍令信向之徒有所居止是歲作浮屠殿二所謂耆闍須彌別構禪房法座莫不嚴具焉

記 後秦改弘始

後燕改長樂字道文垂少子在位六年壽二十三歲

後涼呂纂改咸寧○北涼改天璽

子 南涼利麻孤烏孤之弟立二年改建初

是年什法師卒鳩摩羅什此翻童壽天竺人也家世勛烈父鳩摩羅炎有美節避相

位出家龜茲王聞請為國師以妹妻焉遂生什日誦千偈三萬餘言大小乘宗莫不該覽苻秦建元十三年德星現之苻堅使呂光西討及聞堅敗據姑威稱涼弗獲師面姚秦弘始三年三月庭樹生連理逍遙

園有慈變菴以表智人應入中國九月呂
隆來降十二月二十日迎師居逍遙園興
以國師禮待之甚見優寵仍命譯經論三
百餘卷資學三千拔萃有八曰道生僧肇
道融僧叡道恒僧影惠觀惠嚴等各有著

查

查

述如別傳明可謂一時之盛千載光華又
舉僧碧爲僧正以政僧事沙門惠叡精識
遠到隨什傳寫每與叡言西方辭體特重
文制其宮商體韻以入管絃爲善凡觀王
者必有贊德經偈皆其式也嘗歎曰吾著
大乘阿毘曇非迦旃延比也時無深識者
因悽然而止獨與秦王著實相論二卷秦
王機政之暇躬與什對譯尋覽舊經多所
紕繆什釐正之嘗講經草堂寺及朝臣沙
門數千衆肅容觀聽一日王謂什曰法師

才明超悟海內無雙可使法種不嗣哉遂
以宮嬪十人逼令受之什亦自謂每講有
二小兒登吾肩欲障也自是不住僧房別
立解舍諸僧有効之者什聚針盈鉢謂曰
若相効能食此者可畜室耳舉已進針

如常饒諸僧愧止初在龜茲隣國諸王會
同母請什說法必跪伏座前命什踐肩而
登座嘗與母謁大月氏國北山尊者北山
謂其母曰善護此沙彌年三十五毘尼無
缺度人如優波鞞多不爾正俊法師耳杯

查

查

渡比在彭城聞什入關歎曰吾與此子戲
別三百年矣相見杳然未期遲於來世耳
什嘗升座每曰譬如臭泥中生蓮華但取
其華勿取臭泥也居秦才九年而疾口出
三番神呪令外國弟子誦之以自救未及

致力轉覺危殆於是力疾集衆告別曰因法相逢殊未盡心方復後世惻愴可言自以闇短謬充傳譯所出經論唯十誦律未及刪繁若義契佛心焚身之日舌不焦壞言訖而逝闍維日舌果若紅蓮色而不壞云

論曰漢光武生於南陽而南陽無賤士羅什至關中而奇才畢集經稱聖賢出世皆有因中同行開士隨後下生以佐佑其化信不誣矣方魏晉以來大法草昧西域沙門至者例以神迹顯化中國雖有奇傑間出然多囿情外學迨什公之來然後大法淵源始淳學者得以盡心方等而蔑視老莊蓋什公有力於法門豈小補哉特以宿障之累致其居關中才九年所蘊十未行

一而不克壽秦王有致什之功而弗能成其美嗚呼使什公炭德梵行副其所蘊獲永天年以光大教之序雖彌勒出世尚何加焉

法師道碧以奉律精苦爲秦王所重自什公入關僧尼以萬數頗多愆濫秦王患之遂置僧正下詔曰大法東遷於今爲極僧尼寢多宜設綱領宣授遠視以濟頽緒碧法師早有學誼晚以德稱可爲國僧正給輿吏力資侍中秩傳詔羊車各二人又以

資

六

僧遷禪惠爲悅衆以法欽惠斌爲僧錄班秩有差尋加親信仗身白徒各三十人時師子國有婆羅門號聰明爲異道之宗聞什在關中獻其書至乞與僧辯論關中沙門相視缺然什謂法師道融曰予可以

當之融頌外道經書未讀乃密使人錄其書目一覽即誦剋日議論秦主與公卿大集婆羅門以能博觀爲誇融數其書并秦地經史三倍之什乘勝朝曰卿乃未聞秦有博學者乎敢輕遠來於是婆羅門愧服再拜融足下而去

法師道恒幼事後母以孝聞母亡去爲沙門後什公遊什愛其才與道標齊名秦主雅聞二人有經綸術業令尚書姚顯宣旨敦勉罷道輔政恒標抗表陳情略曰漢光

武成嚴陵之節魏文帝全管寧之高陛下天縱之聖議論每欲遠輩堯舜今乃冠巾兩道人反在光武魏文之下主復命什碧等勉諭之必欲遂其心什碧等奏章叙其事略曰惟聖人能通天下之志恒標業已

查

七

毀除頹髮者不正之衣今使處簪紳之朝非其志也且大秦龍興異才輩出如恒標等未爲卓越主又下書於是舉衆懇乞乃得寢恒歎曰名進真道之累乃與標去入琅邪山終世不出

法師僧叡幼有盛名及徙羅什受業妙悟絕倫秦主嘗問司徒姚嵩曰叡公誰可比嵩曰未見歸宿及朝會公卿大集叡風神朗徹直指以謂嵩曰四海僧望也叡講成實論什公曰此諍論中有七處破毗曇子

能辨乎叡舉以應問皆當其意什歎曰子真精識傳譯有賞音吾何恨焉

法師僧肇幼家貧爲人傭書遂博觀子史尤善莊老蓋其粗也年二十爲沙門名震三輔什公在姑臧肇走依之什與語驚曰

查

七

法中龍象也及歸關中詳定經論四方學者輻湊而至設難交攻擊迎刃而解皆出意表著般若無知論什覽之曰吾解不謝子文當相揖耳傳其論至匡山劉遺民以似遠公公撫髀歎曰以為未嘗有也復著物不遷等論皆妙盡精微秦主尤重其筆札勅傳布中外肇卒年三十有二當時惜其早世云

孟涼呂隆改神鼎

北涼沮渠蒙遜

臨松盧水胡人其先為兗奴遜後殺歆立于張掖治

三十三年壽六十六改永安

後燕慕容熙改光始

改元興

南涼僞檀

利鹿孤弟立十三年壽五十五改元弘昌

元興元年天竺弗多羅尊者至秦義學沙

查八

大

門數百人從之於中寺出十誦梵本什公翻譯及半而弗多卒會沙門曇摩流支至亦善毘尼匡山遠公聞而喜走書關中勸流支出其律足成之流支乃與什公續而終焉律儀大備自此而始

天竺尊者佛陀耶舍至姑咸聞什公受秦宮女歎曰什如好綿其可使入棘刺乎什聞耶舍為已遠來恐相失而返勸秦王迎之使至耶舍曰明旨遠降便當驛馳副檀越待士之勤脫如見禮羅什則貧道當在

北山北矣使還王欽佇不已復遣使盡禮致之耶舍乃肯來王郊迎別創精舍處之供設如王者耶舍一無所受時至分衛一糞食而已善毘婆沙論而髭赤時號赤髭毘婆沙後遊匡山為遠公所重躬自負鐵於

紫霄峯頂鑄塔以如來真身舍利藏其中
今存焉

卯癸元興二年太尉桓玄久懷篡奪及升宰輔
以震主之威下書令沙門致琴君親玄與
八座書重申何庾議沙門不敬王者以謂

查

尤

庾意在尊主而禮據未盡何出於偏信遂
淪名躰夫佛之爲化雖誕以范浩推乎視
聽之外以敬爲本此處不異蓋所期者殊
非恭敬宜廢也老子同王侯於三大原其
所重皆在於資生通運豈獨以聖人在位

而比稱二儀哉將以天地之大德曰生通
生理物在乎王者故尊其神器而禮實惟
隆豈是虛相崇重義在君御而已沙門之
所以生生資存亦日用於理命豈有受其
德而遺其禮沾其惠而廢其敬哉于時尚

書桓謙中書王謐等抗諫曰今沙門者意
深於敬不以形屈爲禮如育王禮比丘足
魏文侯之揖于木漢光武之遇于陵皆不
令屈體况沙門之人也於是亟其書咨于
遠公遠慨然惜之曰悲夫斯乃交喪之所

由千載之否運愆大法之將淪感往事之
不忘故著論五篇究叙微意庶後之君子
崇敬佛教者或詳覽焉

沙門不敬王者論在家第一

原夫佛教所明大要以出處爲異出處之

人凡有四科其弘教通物則功侔帝王化
兼治道至於感俗悟時亦無世不有但所
遇有行藏故以廢興爲隱顯耳其中可得
論者請畧而言之在家奉法則是順化之
民情未變俗迹同方內故有天屬之愛奉

主之禮禮敬有本遂因之而成教本其所
因則功由在昔是故因親以教愛使民知
有自然之恩因嚴以教敬使民知有自然
之重二者之來實由冥應不在今則宜
尋其本故以罪對為刑罰使懼而後謹以

查

干

大堂為爵賞使悅而後動此皆影響之報
而明於教以因順為通而不革其自然也
何者夫厚身存生以有封為滯累深固在
我未忘方將以情欲為苑囿聲色為游觀
沉湎世樂不能自免而特出是故教之所
檢以此為涯而不明其外耳其外未明則
大同於順化故不可受其德而遺其禮沾
其惠而廢其敬是故悅釋迎之風者輒先
奉親而獻君變俗而投簪者必待命而順
動若君親有疑則退求其志以俟同悟斯

乃佛教之所以重資生助王化於治道者
也論者立言之旨貌有所同故位夫內外
之分以明在三之志略叙經意宣寄所懷
沙門不敬王者論出家第二
出家則是方外之賓迹絕於物其為教也

達患累緣於有身不存身以息患知生
由於稟化不順化以求宗求宗不由於順
化則不重運通之資息患不由於存身則
不貴厚生之益此理之與形乖道之與俗
反者也若斯人者自擔始於落簪立志形

查

主

乎變服是故凡在出家皆遯世以求其志
變俗以達其道變俗則章服不得與世典
同禮遯世則宜高尚其迹夫然故能拯溺
俗於沉流拔幽根於重劫遠通三乘之津
廣開天人之路如令一夫全德則道洽六

親澤流天下雖不處王侯之位亦已協契皇極在宥生民矣是故內乖天屬之重而不違其孝外闕奉主之恭而不失其敬從此而觀故知超化表以尋宗則理深而義篤照太息以語仁則功末而惠淺若然者

雖將面冥山而游步猶惑恥聞其風豈况與夫順化之民尸祿之賢同其孝敬者哉沙門不敬王者論求宗不順化第三

問曰尋老氏之意以天地得一為大王侯以順體而尊終於義存於此斯沙門所以抗禮萬乘高尚其事不爵王侯而沾其惠者也

沙門不敬王者論體極不兼應第四

問歷觀前史上皇已來在位居宗者未始異其原本本不可二是故百代同典咸一

其統所謂唯天為大惟堯則之始此則非智有所不照自無外可照非照有所不盡自無理可盡以此推視聽之外廓無所寄理無所寄則宗極可明今諸沙門不悟文表之意而惑教表之文其為謬也固已全

矣若復顯然驗此乃希世之聞

答曰夫幽宗曠邈神道精微可以理尋難以事詰既涉乎教則以因時為檢雖應世之具優劣萬差至於典成在用咸即民心而通其分分至則心其智之所不知而不

查

三

闕其外者也若然則非躰極者之所不兼兼之者不可並御耳是以古之語大道者五變而形名可舉九變而賞罰可言此但方內之階差而猶不可煩說况其外者乎請復推而廣之以遠其類六合之外存而

不論者非不可論論之或乖六合之內論而不辨者非不可辨辨之或疑春秋經世先王之志辨而不議者非不可議議之或亂此三者皆其身耳目之所不至以為閑鍵而不閑視聽之外者也因此而求聖人

之意則內外之道可合而明矣常以為道法之與名教如來之與堯孔發致雖殊潛相影響出處誠異終期則同詳而辨之指歸可見理或有先合而後乖有先乖而後合先合而後乖者諸佛如來則其人也先

乖而後合者歷代君王躰極之至斯其流也何以明之經云佛有自然神妙之法化物以權廣隨所入或為靈仙轉輪聖帝或為卿相國師道士若此之倫在所變現諸王君子莫知為誰此所謂先合而後乖者

賈

三

龍藏

也或有始初大業而功化未就迹有參差故所受不同或期功於身後或顯應於當年聖王即之而成教者亦不可稱筭雖押引無方必歸塗有會此謂先乖而後合者也若命乖而後合則擬步通塗者必不自涯於一檢若命合而後乖則釋迦之與堯孔歸致不殊斷可知矣是故自乖而求合則知理會之必同自合而求乖則悟體極之多方但見形者之所不兼故或衆塗而駭之而異耳因茲而觀天地之道功盡於運化帝王之德理極於順通若以對夫獨絕之教不變之宗固不得同年而語其優劣亦以明矣

沙門不敬王者論形盡神不滅第五

問曰論旨以化盡為至極故造極者必違

化而求宗求宗不由於順化是以引歷代
君王使同之佛教令體極之至以權君統
此雅論之所託自必於大通者也求之實
當理則不然何者夫稟氣極於一生生盡
則消液而同無神雖妙物固是陰陽之化

耳既化而為生又化而為死既聚而為始
又散而為終以此而推固知神形俱化原
無異統精粗一氣始終同宅宅全則氣聚
而有靈宅毀則氣散而照滅散則反所受
於本本滅則復歸於無物反覆終窮皆自
然之數耳孰為之哉若反本則異氣數合
則同化亦為神之處形猶火之在木其生
必並其毀必滅形離則神散而罔寄木朽
則火寂而靡託理之然矣假使同異之分
昧而難明有無之說必存乎聚散聚散氣

音八

王西

變之總名萬化之生滅故莊子曰人之生
氣之聚聚則為生散則為死若死生為彼
之徒則吾又何患古之善言道者必有以
得之若果然耶至理極於一生生盡不化
義可尋矣

答曰夫神者何耶精極而為靈者也精極
則非對象之所圖故聖人以妙物為言雖
有上智猶不能定其體狀窮其幽致而談
者以常識生疑多同自亂其為誣也亦已
深矣將欲言之是乃言夫不可言今於不
可言之中復相與言依稀神也圓應無主
妙盡無名感物而動假數而行感物而非
物故物化而不滅假數而非數故數盡而
不窮有情則可以物感有識則可以數求
數有精粗故其性各異智有明闇故其照

不同推此而論則知化以情感神以化傳情為化之母神為情之根情有會物之道神有冥移之歸悟徹者及本惑理者逐物耳古之論道者亦未有所同請弘之明之莊子發玄音於大宗稱黃帝之言形有美

質

三

而不化又云火傳於薪猶神之傳於形此曲從養生之談非遠尋其類者也就如來論假令形神俱化始自天本愚智資生同稟所受問所受者為受之於形耶受之於神耶若受之於形凡在有形皆化而為神矣若受之於神是為以神傳神則丹朱與帝堯齊聖重華與瞽瞍等靈其可然乎其不可固知冥緣之合著於在昔明闇之分定於形初雖靈鈞差運猶不能變性之自然况降茲已還乎驗之於理則微言而

有徵校之以事可無惑於大通論成後有退居之賓步朗月而宵游相與共集法堂因而問曰敬尋雅論大歸可見殆無所間一日試重研究蓋所未盡亦少許處耳意以為沙門德式是變俗之殊制道家之名器施於君親固宜略於形敬今所疑者謂甫創難就之業遠期化表之功潛澤無現法之効來報玄而未應乃命王公獻供信士屈體得無坐受其德陷乎早計之累虛沾其惠同夫素食之譏耶主人良久曰請為諸賢近取其類有人於此奉宣時命遠通殊方九譯之俗問王當資以猴糧錫以輿服否荅曰然主人曰類可尋矣夫稱沙門者何耶謂其能蒙俗之幽昏啓化表之玄路方將以兼忘之道與天下同往使希

高者揖其同風激流者味其餘津若然雖
大業未就觀其超步之跡所悟固已弘矣
然則運通之功資存之益尚未耐其始擔
之心况三業之勞乎又斯人者形雖有待
情無近寄視夫四事之供若雀蚊之過乎

香八

三

其前耳濡沫之惠復馬足語哉衆賓於是
始悟冥塗以開轍為功息心以淨畢為道
乃忻然怡衿詠言而退

甲辰魏改天賜

乙巳改義熙

南燕慕容超改太上

夏赫連勃勃

字屈局兗奴右賢王去甲之後劉衛之子淵之族身長八尺五寸腰闊十圍據夏州自稱天王尚性虎暴以殺為樂立二十年

西涼改建初

丙午天竺尊者佛跋跋陀自義熙二年至長安

什公倒屣迎之以相得遲暮為恨議論多
發藥跋陀曰公所譯未出人意乃有高名
何耶什曰吾以年運已往為學者妄相粉
飾公雷同以為高可乎從容決未了之義
彌增誠敬秦太子姚弘延至東宮對什論

法什問曰法云何空荅曰衆微成色色無
自性故色即空又問既以極微破色空復
云何破一微荅曰以一微故衆微空以衆
微故一微空沙門寶雲譯出此語不省其
意皆謂跋陀所計微塵是常更申請之跋

查

毛

陀曰法不自生緣會故生緣一微故有衆
微微無自性則是空矣寧當言不破一微
乎時秦尚玄化沙門出入宮闕者數千跋
陀墮然而已偶謂弟子曰昨見天竺五舶
俱發應合至矣又其徒自言得初果僧正

道詔曰佛不許言自所得法五舶之論何

所窮詰弟子輕言誑惑於律有違義不同

屢跋陀遂渡江入匡山見遠公議論不為

遠屈遠高之遺書闕中雪其枉後於江都

謝司空寺譯華嚴經六十卷感二青衣童

子每旦自庭沼中出炷香添瓶不離座右

暮夜則潛入沼中日以為常至譯經畢遂

絕迹不見

和夏改龍升

後燕高雲

字子羽惠文熙之孫子自云高陽之後因以為姓熙死僭立一

平改國曰大燕年改正始

淵明陶潛字元亮為彭澤令解印去居柴

桑與廬山相近時訪遠公遠愛其曠達招

之入社陶性嗜酒謂許飲即來遠許之陶

入山久之以無酒攢眉而去

成南涼改嘉平

北燕馮跋

學文起少無信部人小字乞直馮鄉者因以氏馮跋善飲酒一石不亂切仕後燕因跋慕容熙立雲雲復為臣離班桃仁所弑跋乃僭稱燕于昌黎次年改太平在位二十一年

配西秦改更始

魏明元皇帝嗣

乃道成長子是年即位改元永興在位十五年壽三

十二崩西宮葬雲中金陵

沙門法果戒行精至開演法籍是歲明元

皇帝進加僧統言允愜賜封輔國宜城子

忠信侯安城公之號師皆固辭帝親幸其

夏

天

居以門巷狹小不容輿輦更廣大之瞻敬

慰問若此年八十餘卒帝三臨其喪追贈

老壽將軍趙胡靈云

成庚

法師法顯自西域還初顯於隆安二年同

惠景曇整等入西域求法渡流沙迷失路

以日準東西視人骨處進行遭熱風惡鬼
不顧至葱嶺積雪有毒龍飛砂路盤空而
進不顧皆萬仞險處梯而過者七日以繩
為梁躡而濟者水闊八十步漢張騫甘英
皆所未至也過小雪山寒甚惠景股栗而
死顯哭之慟收涕孤征又三十餘國至中
天竺去王舍城三十里入一寺問耆闍崛
山路僧曰日暮矣彼多師子且食人不可
往顯念吾欲瞻靈境幸至而晚今夕若死
吾志不酬身非所愛乃畏師子乎顯既至
日已夕遂留山中流涕琴曰我不自知至
此也坐樹下誦經夜三更師子蹲踞舐齧
顯以手循之曰欲肉醉我遲誦經畢乃可
耳於是妥尾而去明日歸老僧植杖立揖
不答徐去有少年來顯問耆年謂誰曰頭

陀大迦葉也顯追之至山有石塞岩竇不
得往至南天竺得摩訶僧祇律泥洹等經
留三年學梵字以經像附商至師子國同
侶皆無存翩然自止會有以紈扇供佛者
顯見之動東歸之思又二年達于青州太

守李嶷躬迎之護送入于京師

壬西秦熾盤乾歸之子立十
六年改元永康北涼改玄始

西域三藏曇無讖由龜茲至姑威涼王沮
渠蒙遜素奉大法讖居久之遍曉華言譯
大般涅槃大集等經六十餘萬言猶以涅

槃品數未足復還西域訪求得之至涼譯
成四十二卷凡一萬偈讖神異頗多時拓
跋珪王中山聞讖思一瞻禮遣使來迎遜
不許珪再遣高平公李順策琴遜涼王加
九錫諭之曰曇無讖道德廣大朕思一奉

見可馳驛送至遜曰臣奉事朝廷亡所負前表乞留識今復來追此臣師也有死則已欲往則不可也順曰朝廷欽王忠義故顯加殊禮今乃以一道人虧損大功不忍一朝之忿吐所不當言失朝廷待遇之意切為大王不取也遜曰如公之言誠美第恐情不副此耳遜竟不遣識於是拓跋珪銜之道進者從識求授菩薩戒識曰當自悔七日乃未既而詣識識忽怒進曰此宿障也遂精脩三年夢中感釋迦世尊為授戒法是夕十餘人同夢如進所見於是復詣識望見大喜曰善哉已感戒矣今為汝作證及固辭西歸遜怒其去已密遣親信甲路刺殺之初識出閤日謂送者曰業期至矣雖上聖不能逃非愛死而固欲相遠

查

寺

也未幾遜心愧悔白日見鬼以劍刺之而卒其國為魏所併

丑癸 夏改鳳翔

道生法師天縱妙悟初涅槃後品未至生熟讀久之曰阿闍提人自當成佛此經來

未盡耳於是文字之師交攻之誣以為邪說於律當擯生白衆誓曰若我所說不合經義願於此身即見惡報若實契佛心願舍壽時據師子座於是袖手南來入虎丘山豎石為聽徒講涅槃經至闍提有佛性處曰如我所說義契佛心不群石皆首肯之後游匡山居銷景岩聞曇無讖重譯涅槃後品至南京果言闍提皆有佛性生慰喜不自勝遂捨死奉法

寅甲 魏改神瑞

兩後秦泓與之壽三十一改永和魏改秦常

丁酉西涼李歆立三年改嘉興

戊戌夏改昌武次年改真興

紀恭帝德文改元熙安帝母弟永初元年劉裕使后兄升度踰垣發

之壽三十六葬于沛陵晉室滅矣

有人

至

治二年○是年梁誌公生

右西晉都洛陽四主三十七年而有五胡之燬東晉都建業十二主一百四年而

宋歸于

庚申西秦改建弘

西涼冠軍恂改永建二年河西王拔燬恂自殺國亡

北朝魏泰常五年光祿卿崔浩被讒帝命浩以公歸第因脩服食養性之術初嵩山道士寇謙之脩張道陵術自言嘗遇老子降命謙之繼道陵為大師授以辟穀輕身之術及科戒二十卷使之清正道教又遇

神人李譜文云老子之玄孫也授以圖籙

真經六十餘卷并出天宮靜輪之法謙之

奉其書獻于太武朝野多未之信崔浩獨

師事之從受其術且上書贊明其事太武

忻然使謁者奉玉帛牲牢祭嵩嶽迎致謙

之起天師道場於平城之南重臺五級道

徒由此而盛

宋司馬文正公曰老莊之書大旨欲同生

死輕去就而為神仙者服餌脩鍊以求輕

舉鍊草石為金銀其為術正相戾矣是以

劉歆七畧叙道家為諸子神仙為方技其

後有符水禁咒之術至謙之遂合而為一

至今循之其訛甚矣崔浩不信佛老之書

而信謙之之言其故何哉昔戚文仲祀鷓

鷓孔子以為不智如謙之者其為鷓鷓亦

大矣詩三百一言以蔽之曰思無邪君子之於擇術可不謹哉

禪師玄高居麥積山與沙門曇弘友善聞曇無毘自北山至涼妙禪觀高往親之旬日即悟無毘歎異以為勝已及無毘西歸

齊

主

有妖比丘嫉高譖於河南王世子粲曰高今聚徒將為國害粲信之欲殺高其父不許遂擯於河北居林陽堂山山蓋地仙所宅夜有鐘磬聲高門弟子百餘輩拔萃者玄紹有神力嘗指地出水以給衆如紹者

又十有一人河南王迎曇弘至問王何以擯高其人希世之瑞也王厚禮迎之高欲赴命山中草木為摧偃亂石塞路高曰吾志弘道自滯岩竇無益也路乃可行王郊迎之禮以為師後游涼沮渠蒙遜禮遇

尤勤弟子僧印自謂得阿羅漢果高假以神力使於定中見十方無盡世界及聞諸佛所說之法各各不同即於一夏尋其所見不盡方生愧懼明年魏使請高入于平城拓跋燾在位益加誠敬令太子晃師事之齊著作魏收著魏書佛老志其畧曰釋氏之學聞於前漢武帝元狩中霍去病獲昆耶王及金人率長丈餘帝以為大神列於甘泉宮燒香禮拜此則佛道流通之漸也及開西域遣張騫使大夏還云身毒天

齊

主

竺國有浮圖之教哀帝元壽中景憲受大月氏王口授浮圖經後漢明帝夢金人項有日光飛行殿庭傳毅始以佛對帝遣中郎蔡愔等使於天竺寫浮圖遺範仍與沙門迦葉摩騰竺法蘭還洛陽得四十二章

經及釋迦立像帝令畫工圖之置清涼臺及顯節陵緘經於蘭臺石室浮圖或言佛陀聲相轉也譯云淨覺言滅穢明道為聖悟也

凡其經旨大抵言生生之類皆因行業而起有過去當今未來三世神識常不滅也凡為善惡必有報應多積勝業陶冶龕鄙經無數形藻練神明乃至無生而得佛道其間階次心行等級非一皆緣淺以至深藉微而為著率在於積仁順蠲緣欲習虛靜而成通照也故其始脩心則依佛法僧謂之三歸若君子之三畏也又有五戒去殺盜媾妄言飲酒大意與仁義禮智信同奉持則生天人勝處虧犯則墮鬼畜諸苦又善惡生處凡有六道焉

諸服其道者則剃落髮須釋累辭家結師資遵律度相與和居治心脩淨行乞以自給謂之沙門或曰栴門亦聲相近也其根業各差謂之三乘聲聞緣覺及以大乘取其可乘運以至道為名也土根者以脩六

度進萬行整度億流彌歷長遠登覺境而號為佛也本號釋迦文此譯能仁謂德充道備戡濟萬物也降於天竺迦維羅衛國王之子於四月八日從母右脇而出姿相超異三十二種天降嘉瑞亦三十二而應

齊人

三十四

之以二月十五日而入涅槃此云滅度或言常樂我淨明無遷謝及苦累也又云諸佛有二義一者真實謂至極之體妙絕拘累不得以方處期不可以形量限有感斯應體常湛然二者權應謂和光六道同塵

萬類生滅隨時脩短應物形由感生體非實有權形雖謝真體不遷但時無妙感故莫得常見耳斯則明佛生非實生滅非實滅也

佛既謝往香木焚屍靈骨分碎大小如粒擊之不壞焚之不焦而有光明神驗謂之舍利弟子收奉竭香花致敬募建宮宇謂之為塔猶宗廟也故時稱為塔廟者是矣於後百年有王阿育者以神力分佛舍利役諸鬼神造八萬四千塔布於世界皆同日而就今洛陽彭城姑臧臨淄皆有育王寺蓋承其遺迹焉而影迹爪齒留於天竺中途往來者咸言見之初說教法後皆著錄綜覈深致無所漏失故三藏十二部經如九流之異統其大歸

卷六

卷五

龍藏

終以三乘為本後有羅漢菩薩相繼著論贊明經義以破外道皆傍諸藏部大義假立外問而以內法釋之傳於中國漸流廣矣漢初沙門皆衣赤布後乃易以雜色云論曰唐太宗世既脩晉書復有勸脩南北七朝史者太宗以元魏書甚詳故特不許以今攷之信然也凡佛老典教於儒者九為外學或欲兼之自非夙薰成熟願力再來莫能窺其彷彿况通其旨歸而祖述源流者乎異哉魏書佛老志不介馬而馳遷固之間御靡旌以摩荀楊之壘步驟雍容有足觀者然則魏收兼三聖人難兼之學平四作者不平之心厥書獨見信於後世顧不美哉

佛祖歷代通載卷第八

音釋

紇

戶結切

聞

於門切

鷄

也舉切

碧

利音切

骨

補爾切

憚

於股切

戡

也爾切

糞

竹切

猴

戶鈞切

也

所

憇

同

齒

痕也

沒切

鷄

鳥也

也

憚

切

憚

切

戡

切

小

佛祖歷代通載卷第九

杏九

嘉興路大中祥符禪寺住持華亭念常集

甲庚

宋

姓劉氏

雷氏曰

高以文武前明後順

高祖武皇帝裕改永初

彭城縣緱與小字寄奴

漢高弟楚元王交二十世孫彭城楚都人苗裔家馬帝仕晉為太守有雄才大畧而

清簡寡慾晉氏東遷劉氏移居晉陵受禪

晉室幸建康官六十七歲崩于西殿葬建康縣蔣山初

西秦改建弘

西涼冠軍恂改永建

壬戌 四月上殂

營陽王義符改景平

小字車兵武帝長子

今廢為營陽王年十九終治一年

文帝義隆改元嘉

小字車兒武帝第三子

厚躬勤政事江左之政未嘗有也壽四十七為浪起之殺于合殿葬長寧陵在位三年

年十

魏世祖太武帝燾改始光

明元長子壽四十五崩于永安

宮在位十九年

夏赫連昌改承光

北燕有女人化男子○魏崔浩自比張良

寅丙元嘉三年神僧杯渡初出冀州如清狂者

挈十木杯渡水必乘之因號馬嘗自孟津

乘杯絕岸至金陵時年四十許狀寒窶喜

怒不常遇盛寒輒穴冰而浴或著屐登山

或跣足市中行荷一蘆圈時造延賢寺沙

門法意遇之尤勤忽棄去行瓜步欲登舟

舟人不即應遂乘杯絕北岸廣陵村有李

氏方飯僧渡徑入以蘆圈置庭中坐席上

衆環目之渡自若座有怒者見蘆圈礙道

移之饒力不能動渡食畢挈之而去笑曰

四天王時有童子竊見圈中有四小兒皆

長數寸眉目如畫及追之失所在由此顯

迹及卒後復時時有人見之云

辰戌西秦慕末改永弘二年夏滅之

夏赫連定立二年改勝光次年魏滅之弟也

北涼改承玄○魏改神麿

己天竺求那跋陀羅至金陵文帝遣使郊迎

跋陀神情爽邁帝見之大悅命居祇桓寺

屢延入內供養僕射何尚之彭城王義康

南譙王義宣並師事之請講華嚴跋陀以

未通華言乞觀音為增智力夜夢神力士

易其頭旦起猶覺痛甚遂遍曉華言即為

衆講之時以跋陀妙大乘宗旨因踰摩訶

衍

未辛北涼改義和

北燕馮弘改大興跋之弟敬跋之子真自立七年

申壬魏改延和

九年文帝幸大莊嚴寺設大會親同四衆

地坐及齋衆疑日過午不敢下箸帝曰日

才午耳法師道生在席即曰白日麗天今

天言方中何謂過耶舉鉢便食一衆從之

帝大悅下詔留生止都下一時巨公王弘

范泰顏延之等皆造門結友生每以經文

未能達諸佛之旨而學者多滯聞見因著

善不報論頓悟成佛論二諦論佛性有常

論法身無色論佛無淨土論應有緣論皆

網羅舊說發其淵奧皎如日星又明年正

月庚子升法座詞音朗潤聽者悟悅俄塵

尾墮地隱几而化

北涼牧虔蒙遜子立六年改永和

是歲謝靈運以謀叛棄市初靈運與顏延

之齊名其文縱橫俊發過於延之深遠則弗及襲封康樂侯居會稽與隱士王弘之孔淳之放蕩為娛太守孟顛事佛精懇為靈運所輕嘗謂顛曰得道須惠業文人生天當在靈運前成佛必在靈運後顛深恨

此語及顛入朝屢為裁抑不得召用晚為臨川內史在郡游放不法為有司所糾司徒遣隨州從事鄭望生收之運即興兵叛逸遂有逆志望生追擒之送廷尉帝怜其才減死徒廣州既而復叛有旨棄市年四

十九

甲十一年天竺三藏求那跋摩初讓國出家解四阿含精貫三藏誦數百萬言屬國諸王皆從之稟受歸戒每謂諸王曰道在精通過緣即應但依慈悲勿故發害意足矣

遊閩婆國其王欲出家事跋摩群臣固請不可乃令國中曰若率土奉大和尚歸戒勿殺害賤給貧乏即從爾請於是群臣士民稽首遵命朝廷雅聞其名沙門惠觀等白於文帝請遣使致之有詔交州刺史津

遣沙門道冲等航海邀之冲至跋摩欣然附舶抵廣詔聽乘驛詣關道由始興愛其山類靈鷲為留周碁寺有寶月殿跋摩於東殿戲作定光儒童布髮像極妙夜輒有光嘗在定累日不出寺僧遣沙彌候之見

竟

四

白獅子仰躡柱而戲彌空皆青蓮花沙彌驚走大呼寺僧爭至豁無所有至金陵引對帝還勞殊勤因從容問曰寡人每欲持齋以身應物不獲所願法師遠來陋邦之幸何以教寡人對曰道在心不在事法由

已不由人且帝王所修與匹夫異匹夫身
賤名微言令不威倘不克已苦節何以爲
用帝王以四海爲家萬民爲子出一嘉言
則士庶咸悅布一善政則人臣以和刑不
天命役不勞力則風雨時若寒暑應節百
穀滋繁桑柘鬱茂以此爲持齋不殺亦大
矣安在輒半日之食全一禽之命然後爲
弘濟耶帝撫几歎曰俗迷遠理僧滯近教
如法師之言可與論天人際矣命居祇桓
寺講法華并十地品帝率公卿日集座下

法席之盛前此未聞也摩即於寺譯菩薩
善戒經等十八卷

魏改太延

十二年京尹蕭謨之請制建寺鑄像帝以
問侍中何尚之吏部羊玄保曰朕少讀經

不多比日彌復無暇因果之事味然未究
所以不敢立異者以卿輩時秀率皆信敬
耳范泰謝靈運皆言六經法度本任濟世
必求妙道當以佛經爲指南比見顏延之
折達性論宗炳難白黑論其說汪洋大明

至理若使率土之民皆敦此化則朕坐致
太平矣夫復何事昨蕭謨之請制即以相
示委卿增損必有以戒遏浮淫無傷弘獎
者乃當著爾尚之對曰橫目之俗聞不敬
信以臣庸陋獨有愚勤實懼缺薄上玷大

法更蒙獎論重有愧耳然前代群英則不
負明詔自渡江而來王道周顛庾亮王蒙
謝安郗超王坦之王恭王謚郭文謝尚戴
逵許詢及亡祖兄弟王元琳昆季范汪孫
綽張玄殷凱或宰輔冠冕或人倫羽儀或

致情天人之際或抗迹雲霞之表靡不倒
心歸依其間比對如蘭護開潛淵遁崇邃
並亞迹黃中或不測人也近世道俗較論
便爾若悉舉者夷夏漢魏奇傑輩出不可
勝數惠遠云釋迦之化無所不可適道固

自教源齊物亦爲要務竊味此言有契至
理何則百家之鄉十人持五戒則十人淳
謹千室之邑百人修十善則百人和睦傳
此風教以周寰區編戶億千則仁人百萬
夫能行一善則去一惡去一惡則息一刑

一刑息於家萬刑息於國此明詔所謂坐
致太平者是也故圖澄適趙二石滅暴靈
塔放光苻健損虐神道助化昭然可觀謨
之請制不謂全非但傷蠹道俗本在無行
僧尼然而情偽難分去取末易耳至土木

奇元

六

之工雖若靡費且植福報恩不可頓絕臣
比斟酌進退未安今日面奉德音實用忻
抃羊玄保進曰此談蓋天人之學非臣愚
所宜預聞切恐秦楚論強兵之術孫吳盡
吞併之計無取於此帝曰此非戰國之具

良如卿言尚之曰夫禮隱逸則戰士息貴
仁德則兵氣消倘以孫吳爲志動期吞併
則將無取於堯舜之道豈特釋教而已哉
帝悅謂尚之曰釋門之有卿猶孔氏之有
季路也自是帝留神釋典益重玄化及顏
延之著離識論及論檢勅法師惠嚴辨其
同異酌酢終日帝笑曰卿等殆不愧支許
矣

丙
文帝幸曲水公卿畢集帝命賦詩沙門惠
觀詩先成奏之句有奇勝之韻帝悅以示

百官皆歎服其才觀與惠巖謝靈運等詳定大涅槃經頗增損其辭因夢爲神人呵之曰乃敢妄以凡情輕瀆聖典觀等惶懼而止

時有僧惠琳者以才學得幸于帝與決政

查元

七

事時號黑衣宰相致門下車蓋常不容迹琳妄自驕蹇見公卿纔寒暄而已著白黑論毀佛叛教遂感現報膚肉糜爛歷年而死

論曰世智辨聰人情所歆慕以爲英靈者也佛世尊則以爲八難之一何哉靈運恃才傲世以謀叛伏誅惠琳毀形衣僧伽黎而竊與朝政既叛教矣復從而毀佛遂蒙惡報以死嗚呼蓋世智之爲難也明矣觀嚴二人妄以凡情輕議聖典向使不遇神

人呵之則世智之難亦幾不免大哉跋摩尚之對制之言可謂旨窮大體而識盡精微真天下之通論也

是歲文帝詔求沙門能述生法師頓悟義者刺史庾登之以釋法瑗聞召對顧問瑗伸辨詳明何尚之歎曰意謂生公之歿微言永絕今復聞象外之談所謂天未喪斯文也未幾天保寺成詔瑗主之王景文至值其講歎曰所舉皆所未聞所指皆出意表真法中龍也湘宮寺成復移瑗居之帝

臨幸聽法時以爲榮

辰庚魏太武肅即位改太平真君

午壬真君三年上詣道壇受籙

申甲是年北魏太武以戊寅平蕩中原江壯盡臣伏又爲寇謙之倚崔皓爲天師故改真

君之號迨今年崔信寇術憎釋愈甚太子晃師事法師玄高崔皓妬晃讒於太武疑之令幽死晃求哀於高高爲作金光明懺太武夢其先祖讓之曰不當以讒疑太子既寤以所夢語群臣臣下皆稱太子無

查九

八

過待之如初其相崔皓懼太子將不利於已白太武曰太子前實有謀仍結玄高以術致先帝恐陛下耳若不早誅必爲大害太武大怒收玄高惠崇害之高弟子玄暢居雲中聞高遇害日馳六百里至魏闕泣曰和上神力當爲我起於是高開眸曰大法應化隨緣盛衰盛衰在迹理恒亘然但惜汝等行如我耳或恐過之美唯玄暢南渡汝等死後法當更興善自修心母令中悔言訖即化沙門法進號呼曰聖人去世

我何用生應聲見高於雲中進頂禮乞救高曰不忘一切寧獨棄汝耶曰和尚與崇公並生何所高曰我往惡處救護衆生崇已歸安養矣言訖不見

世祖時道士寇謙之字輔真雍州人早好

仙道修張魯之術服食餌藥歷年亡效有仙人成公興求謙爲之弟子相與入華山居石室興採藥與謙之服能不飢又共入嵩山石室尋有異人將藥與謙之皆毒蟲臭物謙之懼走興歎息曰先生未仙正可

查九

九

爲帝王師耳未幾興與仙去謙守志嵩山忽遇大神乘雲駕龍導從百靈集於山頂稱太上老君謂謙之曰自天師張陵去世以來地上曠賤汝文身直理吾故授汝天師之位錫汝雲中新科二十卷自開闢以來

不傳於世汝宣吾新科清整道教除去三張偽法租米錢稅及男子合氣之術大道清虛寧有斯事專以禮度爲首加以服食閉練使玉女九疑十二人授譙之導引口訣遂得辟穀氣盛顏色鮮麗云

成內

是歲即元嘉二十三年魏太武三月西伐長安與崔皓皆信重寇譙之而奉其道皓特不喜佛每言於魏主以爲佛法虛誕爲世費害宜悉除之及魏主討蓋吳至長安入佛寺沙門飲從官酒從入其室見大有兵器出白太武武怒曰此非沙門所用必與蓋吳同謀欲爲亂耳命有司按誅合寺僧閱其財產大有釀具及州郡牧守富人所寄物以萬計又爲窟室以匿婦人皓因說帝將誅天下沙門毀諸經像帝從之寇

譙之切諫以爲不可皓不從先盡誅長安沙門焚燒經像還宮勅臺下四方命一依長安法詔曰昔後漢荒君信惑邪偽以亂天常自古九州之中未嘗有此誇誕大言不本人情赫季之世莫不眩焉由是政化

不行禮儀大壞九服之內拘爲丘墟朕承天緒欲除僞定真復義農之治其餘一切蕩除滅其蹤跡自今已後敢有事胡神及造形像泥人銅人者門誅自王公已下有私養沙門者限今年三月十五日過斯不

查九

十

首身死有司宣告經鎮將軍刺史諸有浮圖形像及一切經皆擊破焚燒沙門無少長悉坑之太子素好佛法屢諫不聽乃緩宣詔書使遠近預聞之得各爲計沙門多亡匿獲免收藏經像唯塔廟在魏境者無

復子遺

魏真君九年天師寇氏免巾以京之東南地建觀輪天宮奏曰陛下以真君御世開古未有應受符命帝然之遂受符錄建觀輪天宮令極高大不聞雞犬之音要與天神交接工力萬計經年不成其寇謙之惡疾死功遂止

庚辰真君十一年崔皓嘗見襄郭氏讀金剛經乃奪之火焚棄廁初崔皓為魏司徒自恃才畧及魏主所寵任專制朝權太武以皓

監祕書其黨閔湛者勸皓刊所撰國史于石以彰直筆皓從之於是刊石立於郊壇書魏先世事皆詳實往來見者咸以為言北人無不忿恚相與譖皓於帝以為暴陽國惡帝大怒使有司按皓罪狀皓惶惑不

齊元

士

能對執皓檻車置于城南道側使衛士路人行洩其而呼聲嗻嗻徹于道曰此吾投經溺像之報也凌遲而死時年七十矣崔寇二家悉夷五族坐及僚屬凡百二十人皓既勸魏主除蕩釋氏及經像毀廢皓行路見棄像必停車溺之及族誅尸無收者又積怨在人於是競溺皓尸至糜潰乃止

北史上見

論曰崔皓之不智司馬溫公論詳矣大抵託跋氏起自沙塞未遷都時性殘忍殺人如甘美飲食其俗習然也初太子晃被讒而玄高等數僧受誅頗見其無辜矣及罷釋氏沙門誅而坑之者豈勝道哉此雖虜人性凶亦崔皓當權用法如此既而皓被讒迹其所坐蓋作史之失在唐世不過黜

官崇投之荒裔而已假令誅之亦不過一已乃遂夷滅五族何哉蓋以無辜而施於人也深則其報之於已也必厚此天道常數而不易者也至於吾釋之經像於皓庸有傷害哉而皓每見必停車而溺之及皓未旋踵而尸亦爲人溺之至糜潰而止嗚呼皓不畏聖人之言而欺天也又如此故天復爲之速報以警動乎人世也可不戒哉可不戒哉

卯平
魏改正平

世尊示滅一千四百年矣

魏朝元會沙門曇始振錫至宮門吏白太武曰趣斬之刃下無傷又白臨殿陛矣太武抽佩劍自斬之亦不能傷劍微有痕如線令收捕投虎檻中虎皆怖伏不敢瞬左

卷九
右請以天師試之虎即虺吼太武大驚延始上殿再拜悔謝魏書佛老志云沙門惠始清河張氏子初聞羅什出經詣長安見之學習禪定於白渠北晝入城聽講夕還處靜三輔識者高之武帝滅姚氏留子義

真鎮長安及義真爲赫連屈局所敗始身被刃而無傷屈局怒召始於前以所佩劍自擊之又不能害乃懼而謝後至魏多所化導自初習定至卒五十餘年未嘗寢卧跣行足不沾泥愈加鮮白世號白足阿練若太武深加敬禮始預知終期齋潔端坐僧徒滿側泊然而寤停尸十日容色不變閱十餘年改葬貌亦如存舉世歎異及葬日送者萬餘人皆號慕哭之慟中書監高允爲傳頌其德云

魏太武以癘作二月五日卒矣

景穆帝長子先太子

魏文成帝濬改與安

景穆帝長子先太子

二十九年魏太武帝殂吳王立未幾而薨

查元 十三

高宗文成帝即位乃太武之孫也群臣勸

請興復釋氏下詔曰夫為帝王者必祇奉

明靈顯彰仁道其能惠著生民濟益群品

雖在往古猶序其風烈是以春秋喜崇明

之禮祭典載功施之族况釋教如來功濟

大千惠流塵境尋生死者歎其達觀覽文

義者貴其妙門助王政之禁律益仁智之

善性排撥群邪開演正覺故前代已來莫

不崇尚亦我國家常所尊事世祖太武皇

帝開廣邊荒德澤遐被沙門道士善行純

誠如惠始之倫無遠不至風義相感往往

如林夫山海之深寧免奸媾之儔得容假

託講寺之中致有凶黨是以先朝因按假

豐戮其有罪所司失旨一切禁斷景穆皇

帝每為慨然值軍國多事未遑修復朕承

鴻緒君臨萬邦思述先志以隆斯道今制

諸州郡眾居之所各聽建佛圖一區其有

好樂道法欲為沙門性行素篤鄉里所明

者聽出家於是天下承風朝不及夕往時

所毀圖寺絰像並還脩復有屬賓王種沙

門師賢者東游涼城至魏值罷教權假藥

術守道不改於復教日即為沙門同輩五

人高宗親為下髮命師賢為僧統明年有

旨於五級大寺為太祖已下五帝鑄釋迦

文像五尊各長丈有六尺用赤金二十五

萬斤云

出魏書
佛老志

四子武帝駿改孝建

字休龍小字道人文帝篤
一子聰明穎悟文武兩全

壽三十五崩王
燭殿在位十年

魏改興光

第二十七祖般若多羅者東印土人也既

查九

西

得法已行化至南印度彼王名香至崇奉

佛乘尊重供養度越倫等又施無價寶珠

時王有三子其季開士也尊者欲試其所

得乃以所施珠問三王子曰此珠圓明有

能及此否第一子月淨多羅第二子功德

多羅皆曰此珠七寶中尊固無踰化非尊

者道力孰能受之第三子菩提多羅曰此

是世寶未足為上於諸寶中法寶為上此

是世光未足為上於諸光中智光為上此

是世明未足為上於諸明中心明為上此

珠光明不能自照要假智光辨於此既

辨此已即知是珠既知是珠即明其寶若

明其寶寶不自寶若辨其珠珠不自珠珠

不自珠者要假智珠而辨世珠寶不自寶

者要假智寶以明法寶然則師有其道其

寶即現眾生有道心寶亦然尊者歎其辨

慧乃復問曰於諸物中何物無相曰於諸

物中不起無相又問於諸物中何物最高

曰於諸物中人我最高又問於諸物中何

物最大曰於諸物中法性最大尊者知是

查九

五

法嗣以時尚未至且默而混之及香至王

厭世眾皆號絕唯第三子菩提多羅於極

物中不起無相又問於諸物中何物最高

曰於諸物中人我最高又問於諸物中何

物最大曰於諸物中法性最大尊者知是

生諸種因事復生理果滿菩提圓華開世
界起尊者付法已即於座上起立舒左右
手各放光明二十七道五色光耀又踊身
虛空高七多羅樹化火自焚空中舍利如
雨收以建塔當宋孝武帝孝建元年甲午

歲也

正宗記云宋孝武之世也注云以達
磨梁十七年計之當在宋孝武孝建
元年傳燈
作丁酉非

孝建元年宋孝武帝舉兵誅元凶而求那
跋陀羅逃民間其後王玄謨軍梁山孝武
令軍中得跋陀者驛馳至臺俄得之送金

陵引見帝曰企德日久乃今始遇聞闕來
歸亦有恨乎曰亡所恨但念夙緣遇此遂
成熟耳帝慰之且戲曰尚念譙王乎對曰
古人不忘一飯王飯我十年乃敢遽忘耶
念當從陛下求為王長修冥福帝懷然改

容中興寺成有旨命住持帝宴東府公卿
畢集召跋陀至幡然清癯孝武望見謂謝
莊曰摩訶衍有機辯當戲之必能悟人情
跋陀趨升陛帝曰摩訶衍不負遠來唯有
一在即應聲曰貧道客食聖朝三十載恩
德厚矣所欠者一死耳帝大悅移席相促
一座盡傾

未魏改大安

孝武詔沙門道猷為新安寺鎮寺法主初
文帝問惠觀頓悟之理孰精觀以猷對有

查九

六

旨召入大內盛集名流猷敷宣有緒法義
粲然聞者開悟有攻難者猷必挫以釋之
帝拊髀稱善至是為天下法主甚允時望
丙法師寶亮居中興寺中書素祭見而異之
以書抵其師道明畧曰此見亮公非常人

也日聞所未聞不覺歲之將暮然珠生合浦魏人取以照乘玉在邯鄲秦人請以華國天下之寶不可自專當與同之也自是亮名益重晚居靈味寺講席冠京邑弟子三千餘亮英氣駸駸逼人辭鋒錯逸議者或蔽於理亮釋之莫不渙然

西丁改大明

是歲有羗人高閣反累及沙門曇標乃下詔付所司精加沙汰遂設諸條自非戒行精苦之者並令還俗詔雖嚴重竟不施行

子庚魏改和平

壬寅大明六年九月有司陳言臣聞邃拱凝居非期弘峻拳跪盤伏豈止恭敬將以昭彰四維締制六寓故雖儒法支派名墨條流至於崇親嚴上厥繇靡爽唯浮圖教特異

查九

七

於此凌滅禮度偃居尊戚失隨方之妙迹迷至化之淵美臣聞佛以謙儉自牧以忠順爲道不輕比丘逢人必拜目連大士遇長則禮寧有屈膝四輩而間禮二親稽顙者臆而直骸萬乘者耶故咸康初議元與

再述而事屈於偏黨道判於餘分今鴻源遠洗群流仰鏡九仙贖寶百神聳職而畿輦之內含弗臣之民階席之間延抗禮之客懼非所以澄一風軌詳示景則者也臣等參議以爲沙門接見皆當盡禮敬之容依其本俗則朝徽有序乘方兼遂矣制可法師僧遠聞而歎曰我剃頭爲沙門本出家求道何關於帝王即日拂衣歸于林壑是歲吳郡朱靈期者自高巖還船爲風擣至一洲洲有山因意登之十餘里聞午梵

知有寺寺七寶所成見僧數輩皆石像欲
 返有呼靈期再拜得食食味香美非世間
 有也有人云此去金陵二萬餘里嘗識杯
 渡道人否靈期曰識之其人指北躄一囊
 并瓶錫曰乃其鉢具耳今取附君并書又
 以青竹杖授之曰見杯渡即付之令一沙
 弥送至舶沙弥命靈期以竹杖置前水中
 三日而至石頭淮遂失竹杖有須渡來得
 鉢大笑曰我不見此鉢且四千年矣以擲
 雲中又接之乃去渡屢示寐已而復游於
 世復至齊諧家同吕道惠杜天期水丘熙
 三大士在焉諧大驚即再拜渡曰年大凶
 無忘修福業法意道人德高可親之以禳
 灾俄門楣上一僧呼渡仰見之即辭去後
 不復見

卯癸釋僧道京北人也十歲從師所學弘大為
 王者之敬初姚興欽重出入同輦後帝悅
 其賢躬為壽春立光山寺勅開講首曰昔
 王宮托生雙林見滅自爾已來歲逾千載
 淳源永謝澆風不追給苑丘墟廢園蕪穢
 九十五種以趣下為升高三界群生以火
 宅為淨土豈知上聖流涕大士悽惶者哉
 因即涕泗四眾為之改容

巳山

廢帝業改景和

小字法師孝武長子不仁不孝淫虐無度其嬖臣壽

寂之殺之年十七崩先華殿在位一年

魏文成帝末年疏勒國王遣使送佛袈裟
 一頂長二丈餘帝審是佛衣應有靈異置
 之猛火經日不然於是駭然心形俱肅信
 乎出北

明帝或改太始

字休炳小字崇期文帝第十一子好事鬼神嚴酷暴

宣壽三十四崩于景福殿在位七年

魏獻文帝弘 文成長于即位治六年禪位與太子自號太上皇二十三歲崩

丙午改永光

魏改天安

查元

十七

丁未大教東被四百年矣 ○魏改皇興

魏是年建永寧寺浮圖七級高三百餘尺為天下第一又鑄釋迦文像高四十三尺用赤金十萬斤黃金六百斤又造三級石浮圖

寶誌大士於是年往來皖山劔水之下髮而徒跣著錦袍俗呼為誌公面方而瑩徹如鏡手足皆鳥爪初金陵東陽民朱氏之婦上巳日聞兒啼鷹巢中梯樹得之舉以為子七歲依鍾山大沙門僧儉出家專脩

禪觀至是顯迹以剪尺拂子掛杖頭負之而行經聚落兒童譁逐之或微索酒或累日不食嘗遇食餽者從求之食者分啗之而有輕薄心誌即吐水中皆成活魚時時題詩初若不可解後皆有驗

邵碩者本康居國人大口醜目狀如狂小兒得侮慢時時從酒徒入肆酣飲後為沙門號碩公與誌取善出入經行不問夜旦意欲為之則去游益州諸縣皆以滑稽言事能發人懽笑因勸以善家家喜之將亡

謂沙門法進曰頽露骸松下然兩脚湏著屐進諾之已而化昇其尸露之明日往視失所在俄有自耶縣來者曰昨日見碩公著一屐行市中曰為我語進公小兒見欺止與我隻屐進驚問沙弥答曰昇尸時一

履墮行急不及繫也

申戊明帝詔僧瑾為天下僧正止靈根寺帝多

諱忌犯者必殺之瑾每匡諫賴免者甚眾

時京邑諸師立二諦義有三宗宗各不同

於是汝南周顒作三宗論以通其異然畏

查九

干

譏不敢傳法師智林者寂有時望以書抵

顒畧曰切聞三宗論鈎深索隱盡眾生之

情廓而通之盡諸佛之意使法燈有種勝

利無窮借使國城妻子之施何以逮此哉

傳者以為公畏譏評故欲中輟詎可特纏

疑障自發現行乎顒得書懼然悟此論遂

行于世矣

亥子元魏文皇帝宏改延興獻文長子生多祥

君之度馬太后臨朝稱制十七始親政改

姓元氏遷都洛陽斷胡服番語在位二十

九年壽三十

三崩葬長陵

釋老志曰有魏孝文者聖天子也五歲受

禪十歲服冕太和十八年遷都于洛二十

年改姓元氏文章百篇冠絕今古初登詔

詰假手有司太和以後並自運筆前後諸

帝不能及之凡下七詔大興三寶帝建康

野廬苑二浮圖岩房禪室無不嚴麗

壬子改秦豫四月上殂太子昱立十歲

後廢帝昱改元徽字德融明帝長子浮屠

五歲為揚王夫弒之在位四年

丙辰魏改承明

查九

主

丁巳順帝準改昇明字仲謀小字智觀明帝第

國事戊午三月以太傅為相國又

加九錫遂禪位於道成在位二年

魏改太和

而禪

己未齊

雷氏曰

高武辭林海陵明帝東昏

及和齊朝七主二十四年

太祖高皇帝道成姓蕭氏字紹伯小字開

孫祖整過江居晉陵遂為蘭陵人皇考承

之仕宋為漢中太守生帝龍穎鐘聲亦仕

宋立功蒼梧王屢欲害之遠生精鑿而代

年順帝之禪位也泣而彈指光祿在位四

日頽後身世世勿生天王家

改建元

是年高祖有事于鍾山因幸沙門僧遠所

居遠床坐辭以老病不能出迎高祖將詣

床下見之左右以房閣狹不容輿蓋遂駐

蹕遣使勞問卧起而去遠居山凡五十餘

年初猶有食食不繼澗飲二十餘年天下

仰其高行及終武帝致書沙門法獻曰承

遠上無常弟子夜中已知遠上此去甚得

好處諸佳非一不復增悲也一二遲見法

師方可叙瑞夢耳今為作功德所須可具

疏來

武帝願改永明

字宣遠高帝長子性儉約

好積儲庫至八億萬金銀

布帛不可稱計壽五十四

崩延昌錄在位十一年

帝前對制稱名而不坐中興寺僧鍾對帝

稱貧道武帝訝之以問中書王儉儉曰漢

魏佛法未盛傳記無載者獨宋魏始盛而

沙門多稱貧道而預坐晉庾水桓玄皆欲

屈之然竟不可行今亦稱貧道帝曰猷暢

二師道行如此猶稱名朕以稱名乃得宜

可著令以為定式初猷公慕法猛西遊自

巴蜀出河南經芮芮國至于闐欲度葱嶺

會棧道絕不得往獲佛牙一枝舍利十有

五粒并經論梵夾而還暢公精究經律博

貫子史百氏之言初華嚴未有疏暢首為

之學者得以祖述焉風詣高簡弘道輔世

有功國家莫年特聽肩輿入殿時稱黑衣

二傑焉

明教嵩禪師論曰近古高僧見天子不名
預制書則曰師曰公鍾山僧遠鑿輿及門
而床坐不迎虎溪惠遠天子臨潯陽而詔
不出山當時待其人尊其德是故聖人之

道振其徒尚德儒曰貴德何如其近於
道也後世之慕其高僧者交卿大夫尚不
得預下士之禮其出其處不若庸人之自
得况如惠遠之見天子乎僧遠之自若乎
望吾道之興吾人之脩其可得乎存其教
而不湏其人存諸何以益乎惟此未嘗不
涕下也

丙寅魏始服袞冕乘御輦

巳七魏祀負丘方澤作孔子祠

永明七年帝怒大士寶誌感眾收逮建康

奇九

三五

獄是日國人咸見大士游行市井既而檢
校仍在獄中其夕語吏曰門外有兩輿食
金鉢盛飯汝可取之果文惠太子竟陵王
送供至建康令呂文顯以聞帝悔謝迎至
禁中俄有旨屏除後宮為家人宴誌例與
眾暫出已而猶見行道于顯陽殿比丘七
輩從其後帝驚遣吏至問吏白誌久出在
省中及視之身如塗墨焉帝益神敬之後
在華林園忽重著三頂布帽亦不知自何
而得之未幾而帝崩文惠太子豫章王相
繼而殂果如其讖靈味寺沙門寶亮者欲
以衲帔遺之未及有言誌忽來牽帔而去
王仲熊問仕何所至不答直解杖頭左索
與之仲熊初不曉後果至尚書左丞焉建
武末平且出門忽褰裳走過曰門上血腥

及明帝遇害果以犢車載尸自此門出舍
閣人徐龍駒宅而帝頸血流被門限初斲
林多害宗室高士江必憂南康王問誌誌
覆香爐灰示之曰都盡無餘徐陵見時父
携之謁誌誌拊曰天上石麒麟也陵後果
顯于世

沙門曇超者居錢塘靈苑山一夕有異人
至曰此邦蒙師留蒼生之福然富陽民無
故鑿山麓斷壞群龍之室龍忿不致雨今
二百日矣欲法師一往誨龍為蒼生請福

豈有意乎超曰此檀越事吾何能為哉神
曰弟子力能吐雲不能致雨超諾之至赤
庭山為龍說法俄大雨因止臨溪縣令聞
超在辨舟迎之超即日遁還靈苑

未^辛逸士顧歡隱居不仕尚黃老南史云歡以

齊九

十四

佛道二家教異學者互相非毀乃著夷夏
論其略曰辨是與非宜據聖典道經云老
子入關之天竺維衛國王夫人曰淨妙老
子因其晝寢乘日精入淨妙口後年四月
八月剖右腋而生墮地即行七步於是佛

道興焉此出玄妙內篇佛經曰釋迦成佛
有塵沙之數或為國師道士儒林之宗出
瑞應本起試論之曰五帝三皇未聞有佛
國師道士無過老莊儒林之宗孰出周孔
右孔老非聖誰或當之然二經所說若合
符契道則佛也佛則道也其聖則符其迹
則反或和光以明近或耀靈以示遠道濟
天下故無方而不入智周萬物故無物而
不為其入不同其為必異各成其性不易
其事是以端委搢紳諸華之容剪髮曠衣

群戎之服全形守禮繼善之風毀貌易形絕惡之學豈伊同人爰及異物無盡世界聖人代興或昭五典或布三乘在鳥而鳥鳴在獸而獸吼教華而華言化夷而夷語雖舟車均於致遠而有川陸之節佛道齊

齊

孟

乎達化而有夷夏之別若謂其致既均其法可換者是車可涉川而舟可行陸乎屢見刻有沙門守株道士互爭小大交相彈射或域道以爲兩或混俗以爲一是牽異以爲同破同以爲異則乖爭之由淆亂之

本也尋夫聖道雖同而法有左右始乎無端終乎無末涖洎僊化各是一術佛號正真道稱正一一歸無死真會無生在名則迓在實則合但無生之教賒無死之化切切法可以進謙弱賒法可以退夸強佛教

文而博道教質而精精非僉人可信博非精人所能佛言華而引道言實而抑抑則明者獨進引則昧者競前佛經繁而顯道經簡而幽幽則妙門難見顯則正路易導此二法之辨也聖匠無方方圓有體器既殊用教亦異施佛是破惡之方道是興善之術興善則自然爲高破惡則勇猛爲貴佛迹光大宜以化物道迹密微宜用爲已優劣之分大略在茲歡雖同二法而意黨道教司徒素祭託爲沙門通公駁之略曰白日停光恒星隱照誕降之應事在老先固非入闕方昭斯瑞又西域之記佛經之說俗以膝行爲禮不慕尊坐爲恭道以三繞爲虔不尚踞傲爲肅豈專戎土爰及茲方襄童謁帝膝行而前趙王見周三環而

上今佛法垂化或因或革清信之士容衣不改息心之人服貌必變變本從道不遵彼俗俗風自殊無患其亂孔老釋迦其人或同觀其設教其道必異孔老教俗爲本釋氏出世爲宗幾軼既殊其歸亦異又仙

查元

至

化以變形爲尚泥洹以陶神爲先變形者白首爲緇而未能無死陶神者使塵惑日損而湛然常住泥洹之道無死之地陶神若此何謂其同時何常侍鎮之觀顧歆和同二教大不平之以書抵歡劇言道教不

足以擬釋氏歡答其書固自封執鎮之重與之書猥辱迺釋究詳淵况既和光道佛而涇渭釋李觸類長之爰至碁弈然數佛弥過精旨愈昧所謂馳走滅迹跳動息影焉可免乎輒復略諸近要以標大歸夫太

極剖判兩儀妄立五陰合興形識謬彰識以流染因結形以愛滯緣生三皇之前民多顛愚專愚則巢居穴處飲血茹毛君臣父子自相胡越猶如禽獸又比童蒙道教所不入仁義所未移及其沉欲淪波觸涯

思濟思濟則祈善祈善則聖應夫聖者何耶感物而遂通者也夫通不自通感不自感常在此通每自彼自彼而言懸鏡高堂自此而言萬像斯歸故知天竺者居娑婆之正域處淳善之嘉會故能感通於至聖

查元

至

中土於大千聖應既彼聲彼則此覩日月之明何假离朱之察聞雷霆之音奚事于野之聽故卑高殊物不嫌同道左右兩儀無害天均無害天均則雲行法教不嫌同道則兩施夷夏夫道者一也形者二也道

者真也形者俗也真既猶一俗亦猶二盡
 二得一宜一其法滅俗歸真必其違俗是
 以如來制軌玄劫同風假令孔老是佛則
 為韶光潛導匡救褊心立仁樹義將近順
 情是以全形守祀恩接六親攝生養性自
 我外物乃為盡善不為盡美蓋是有涯之
 制未鞭其後也何得擬道菩提比聖牟尼
 哉且佛教數明要而能博要而能博則精
 踈兩級精踈兩級則剛柔一致是以清津
 幽暢誠視易准夫以視為負者易以手為
 負者難將不捨其所難從其所易耶道家
 經籍簡陋多生穿鑿至如靈寶妙真採撮
 法華制用尤拙如上清黃庭所尚服食咀
 石食霞非徒法不可効道亦難同其中可
 長唯在五千之文全無為用全無為用未

能違有違有為懷靈芝何養佛家三乘所
 引九流均接九流均接則動靜斯得禪通
 之理是三中之一耳非其極也禪經微妙
 境相精深以此締真尚未能至今云道在
 無為得一而已無為得一是則棄契千載
 棄契千載不俟高唱夫明宗引會道達風
 流者若當廢學精思不亦怠哉豈道教之
 筌耶敬尋所辨非徒不解佛亦不解道也
 反亂一首聊酌啓齒

竟

天

亂曰運往兮韶韶明玄聖兮幽幽翳長夜

兮悠悠衆星兮晰晰太暉灼兮昇曜列宿
 奄兮消蔽夫輪奐兮殊材歸敷繩兮一制
 苟專迷兮不悟增上驚兮遠逝下和慟兮
 荆側豈偏尤兮楚厲良箏蔑兮詖若馬相
 責兮智慧時復有朱常侍昭之因何鎮之

書乃作難夷夏論而朱廣之作詒夷夏論並章分句解以破顧歡之蔽於淺也汝南周顒高僧惠通並著駁夷夏論歡之作遂不勝其謬矣復有法師紹正者著二教論其略曰佛明其宗道全其生守生者蔽明宗者通今道名長生不死名補天曹大乖老莊立言之旨

齊文惠太子及竟陵王子良並酷好佛竟陵著淨住子四部二十卷闡揚佛教有吳興道士孟景翼者頗有時譽太子召入玄圖衆僧大會子良使景翼禮佛景翼弗禮子良送十地經與之景翼造正一論略曰佛以一音演說法老子抱一以爲天下式一之爲妙空玄絕於有境神化贍於無窮爲萬物而無爲處一數而無數莫之名而

卷九

三五

強號爲一在佛爲實相在道爲玄牝道之大象即佛之法身以不守之守守法身以不執之執執大象但物有八萬四千行說有八萬四千法法乃至於無數行亦達於無央等級隨緣須道歸一歸一即回向正即無邪邪觀既遣億善日新三五四六隨用而施獨立不改絕學無憂曠劫諸聖共遵斯一老釋未始於常分迷者分之而未合億善徧脩徧脩成聖雖十號千稱終不能盡終不能盡豈思議哉

司徒中郎張融作門律云道之與佛逗極無二吾見道士與道人戰儒墨道人與道士辨是非昔有鴻飛天首積遠難亮越人以其爲楚人以其爲乙人自楚越鴻常一耳以示汝南周顒顒難之曰虛無法性其寂

雖同位寐之方其旨則別論所謂逗極無
二為逗極於虛無為無二於法性耶足下
所宗本一物而為鳩乙耳駢馳佛道無免
二未未知高鑿緣何識本輕而宗之其有
旨乎已上出 南史

論曰自漢西域傳范曄論釋氏大槩陳壽
三國志則置而勿言唐太宗晉書則班班
紀著沙門神異之迹未始輒有一言譬佛
况佛化自晉抵南北朝始大振於天下賢
哉魏收李延壽之作當世帝王公卿從事
吾佛者未嘗諱之而不書書之亦未嘗以
人事議佛也及顧歡傳則假乎當時群公
評議二教而罪歡曰歡雖同二法而意黨
道教嗚呼可謂良史矣陋哉歡翼之論猶
昔人寶燕石者渠信有真玉哉

查九

三

壬元魏太和十六年下詔每四月八月七月

十五日聽大州一百人為僧居中州五十

人下州二十人著之制令以為常准○祀

孔子於中書省

甲鬱林王照紫改隆昌文惠長子武帝之孫 初上淫虐鸞絃之而

立其太子之子昭文改延興奢佚無度廢
先君儲積數月而盡西昌侯鸞以太后令
廢之而自立

明帝鸞改建武字景柶太祖兄安貞王道 之子小字玄慶性多猜忌

好占吉凶利害壽四十七崩正福殿在位
五年○立太子寶卷

丙魏改國姓元

亥改永泰

卯東昏侯寶卷改永元字正歲明帝次子自 即位不與臣下相接

奢佚後宮一年之中府庫匱乏民間倍價
市金與潘妃作金步蓮花和帝刺於荆州

舉蕭衍伐之遂廢為東昏侯
壽十九而終在位二年

庚元魏宣武恪改景明孝文第五子即位深 于佛法壽二十三葬

于佛法壽二十三葬

景平陵在位十六年

道士陳顯明妄造道真步虛品經六十四

篇出珠林

辛和帝寶融改中興守智昭明帝第八子蕭

月禪位于梁梁武奉帝為巴

杏九

至

齊高帝蕭道成自戊午昇明二年四月受

宋禪相襲七主二十四年傳譯華戎道俗

二十人所出經律論傳錄等四十七部凡

三百五十卷

外國有所謂天竺沙門僧伽跋陀羅者師

資相傳云佛涅槃後優波離結集律藏訖

即於其年七月十五日受自恣竟以香花

供養律藏便下一點置律藏前年年如是

優波欲涅槃時付弟子陀寫俱陀寫俱付

弟子須俱須俱付弟子悉伽婆悉伽婆付

弟子目捷連子帝須帝須付弟子旃陀跋

闍如是師師相付至今三藏法師法師將

律藏至廣州臨上舶還本國時以律藏付

弟子僧伽跋陀羅羅以永明六年共沙門

僧倚於廣州竹林寺譯出善見毗婆沙一

部十八卷即共安居以七年庚午歲七月

望受自恣竟如前師法以香花供養律藏

即下一點當其年凡得九百七十五點點

是一年也至梁大同元年有隱士趙伯休

於廬山遇苦行律師弘度得此點記年月

伯休因問度曰自永明七年後云何不復

見點度云自彼已前皆得道聖賢手自下

點度乃凡夫止可奉持頂戴而已故不復

點也伯休因舊點推至大同元年凡一千

二十年今以此究叅諸家傳記佛世尊誕

生入滅之年並不相類大抵西域山川之
廣國土之多佛化之盛各承一宗此亦一
家之說不可廢故附著于此

壬○四月寶融禪位
于蕭衍尋移之

右蕭齊七主二十四年而禪于

蕭梁

佛祖歷代通載卷第九

音釋

也	口	瑗	鹿	麋	古	牙	切	牝	鹿	也	麋	古	牙	切	牝	鹿	也
也	愁	瓠	許	交	切	釀	醞	女	亮	切	紅	馬	飾	也	整	五	高
也	瓠	許	交	切	釀	醞	女	亮	切	紅	馬	飾	也	整	五	高	
也	瓠	許	交	切	釀	醞	女	亮	切	紅	馬	飾	也	整	五	高	
也	瓠	許	交	切	釀	醞	女	亮	切	紅	馬	飾	也	整	五	高	

佛祖歷代通載卷第十

杏十

嘉興路大中祥符禪寺住持華亭常集

梁姓蕭氏四主都建康

○雷氏云高太世教梁朝四主五十七年

壬午高祖武皇帝衍改天監

字叔連南蘭陵都

漢相何二十四代孫父順之為丹陽尹母曰張氏生帝狀貌奇偉目角龍頰項

有圓光身不映日受齊禪後酷好佛法降將侯景反叛舉兵圍帝于臺城斷食而崩于淨居殿壽八十六在位四十八年○或問曰梁武終身奉佛然因乎是疑乎有是謂也且夫人之性命善性定為苟往世之業會矣豈今之生之善革我故文中子曰齋戒修而梁國危非釋迦之罪也緣行齊廢帝之德值侯景臺城之困業理既昭惑疑遺矣

道家太清經及眾醮儀十卷乃梁時陶

弘景妄造出珠林

不

武帝詔曰大士寶誌迹拘塵垢神游冥寐

水火不能焦濡蛇虎不能侵懼語其佛理則聲聞以上談其隱淪則道仙高者豈可

以俗法常情空相疑忌自今中外任便宜化帝一日問誌曰弟子煩惑未除何以治之答曰十二帝問其旨云何答曰在書字時節刻漏中帝益不曉他日更問國祚有留難否誌指其頸示之帝曰朕享國幾何

答曰元嘉元嘉帝喜以為倍宋文之年時革命之初帝臨政刻急誌假帝神力令見先君受極苦於地下由是卹刑嘗詔畫工張僧繇寫誌像僧繇下筆輒不自定既而以指勢面門分披出十二面觀音妙相殊

屢或慈或威僧繇竟不能寫他日與帝臨江縱望有物泝流而上誌以杖引之隨杖而至乃紫梅檀也即以屬供奉官俞紹雕誌像頃刻而成神采如生帝悅以安內庭時法雲雲光二師俱有重望每講法天輒

兩華帝疑其證聖夜於便殿焚疏請誌偕
光雲三大士齋翌日誌獨赴而光雲俱未
知帝由是益異其禮又嘗與帝登鍾山之
定林寺指前獨龍岡阜曰此為陰宅則永
其後帝曰誰當得之曰先行者得之至十

卷

二

三年大士示寂帝憶其言以金二十萬易
其地建浮圖五級其上鎮以無價寶珠勅
王筠勒碑葬日車駕親臨致奠大士忽現
於雲間萬眾懽呼聲震山谷自是道俗奉
祀奇瑞顯應為天下萬一凡大士所為祕

識偈句多著南史為學者述大乘贊十篇
科誦十四篇并十二時歌皆暢道幽致其
旨與宗門冥合今盛傳于世

是歲帝妃郝氏者初生有赤光照室器皿
盡明及長性明惠善隸書讀史傳女工之

事靡不閑習宋齊間諸王求婚父曄皆不
許後以適帝生三女帝為雍州刺史而妃
薨其性酷妬及是化為巨蟒入于後宮通
夢於帝帝體將不安蟒輒激水騰涌或現
龍形光彩照灼因於露井上為殿衣服委
積置銀轆轤金瓶灌百味以祀之帝畢世
不復議立皇后云

甲

天監三年四月八日帝率道俗二萬餘人
升重雲殿親製文發願乞憑佛力永棄道
教不在崇奉略曰經云發菩提心者即是

卷十

三

佛心一切散善不得為喻弟子蕭衍比經
荒逆耽事老君累葉相承淙此邪法今捨
棄奮習歸仗正因願使未來世童男出家
廣弘經教化度含識共證菩提寧在正法
中長淪惡道不樂歸依老子暫得神仙陟

大乘心永離邪見正願諸佛證明菩薩攝
受弟子蕭衍和南

十一日勅門下曰大經中說九十六種唯
一佛道是其正道餘皆邪也朕捨道以事
諸佛正內之道公卿能入此誓者各可發

菩提心老君周公孔子等雖是如來弟子
化迹既邪止是世間之善不能革凡成聖

具載如
弘明集

是歲詔隱士何點點以巾褐入見帝帝賜
之酒特除侍中點前席持帝頃曰乃欲臣

老子耶固辭不受復詔何亂亂謂使者曰
吾年五十七矣月食四斗米不盡那復有
宦情耶帝知不可致有旨給白衣尚書祿
亂苦辭晚入虎丘之西寺講維摩經及將
終夢天女六十餘人列于前及寤猶見之

如故即具浴儼衣冠少頃而卒何氏自晉

司徒充宋司徒尚之並建大義申明佛法

累葉遵承至亂姪侍中敬容而止

戊丙五年帝注大品臣僚命法師法雲講之雲

辭疾不赴帝遣使強起之曰將冀流通非

高德無以憑也雲始從之雲最有譽當世

雅為昭明太子所敬儒釋兩優為天下第

一

魏改永平

丑八年魏主於式乾殿為諸僧及朝臣講維

卷十

四

摩詰經時魏朝專尚釋氏不事經籍中書

侍郎裴延雋上疏以為漢光武魏武帝雖

在戎馬間未嘗廢書先帝行師還都手不

釋卷良以學問多益不可輟故也陛下升

法座親講大覺凡在瞻聽塵蔽俱開然五

經治世之楷模應務之所先伏願經書互覽孔釋兼存則內外俱周真俗斯暢時洛陽中國沙門之外自西域來者三千餘人魏主別立永明寺千餘間以處之遠近承風無不事佛比及延昌州郡凡一萬三千

餘寺僧至二百萬

卯辛

十年詔法師僧旻入惠輪殿講勝鬘經帝臨聽公卿畢集有旨於莊嚴寺建八座法輪妙選奇傑番次主之時以旻為第一當講日聽者傾都堂無容足名士劉葉嘗謂

旻曰法師佛學有餘何故弘義多伸儒旨旻曰昔生公以頓悟通經次公以毘曇發論若貧道初不以儒釋限但據文義所向耳沙門道超者頻年力學慕旻公之講誓欲齊之夜夢神告之曰旻公毘婆尸佛時

辰壬

預宣法化君新發意者何能類之第自求成名不必苟齊也旻性謙冲不恃能矜物一時公卿道俗咸推仰之

魏改延昌

十一年有旨命寶亮法師授涅槃義疏帝為之序畧曰離文字以設教忘心相以通道欲使珉玉異價涇渭分流制六師而正四倒返八邪而歸一味則法雨降而焦種受榮慧日昇而長夜蒙曉發迦葉之悱憤吐真實之誠言雖復三施等於前五大陳於後三十四問參差異辯方便勸發各隨意答舉要論經不出兩途佛性開其有本之源涅槃明其歸極之旨非因非果不起不作義高萬善事絕百非空空不能測其真際玄玄不能窮其妙門自非德均平等

心合無生則金墻五室豈易入哉

己癸下詔曰夫宗廟犧牲修行佛戒蔬食斷肉

省食絕欲天下水陸不令蒐捕又勅太醫不使肉藥公家織官錦帛並斷又造斷酒肉文及著淨業賦

甲午天監十三年誌公和尚示疾

是年特進沈約卒約字休文婺州東陽人左目重瞳腰有紫誌少為書生名聞一時以風流見稱而肌體清靡時謂沈郎瘦甚為武帝所重官業具南史嘗出意撰聲律

以革古詩後世取則號曰四聲約甚精佛理著中食論理趣甚高其略曰人所以不得道者由於心神昏惑心神所以昏惑由於外物擾之擾之大者其事有三一則勢利榮名二則妖妍靡曼三則甘旨肥醲榮

香

六

名雖日用於心要無畧刻之累妖妍靡曼方之已深甘旨肥醲為累甚切萬事紘紘皆三者之枝葉耳聖人知不斷此三事求道無從可得乃為之法使簡而易從若也直云三事惑本並宜禁絕而此三事是人

情所甚惑念慮所難遣雖有禁之之旨而事難卒從譬如方舟濟河豈不欲直至彼岸河流湍急會無直濟之理不得不從流靡久而獲至非不願速事難故也禁此三事事宜有端何則食之於人不可頓息其於情性三累莫甚故推此晚食併置中前自中之後清虛無事因此無事念慮得簡在始末專在久自習於是束以八支紆以禁戒靡曼之欲無由得前榮名眾累稍隨事遣故云往古諸佛過中不食此蓋是遣

累之筌第適道之捷徑而惑者咸謂止於不食此乃迷於向方不知厥路者也又嘗著設會謂意謂如來在日衆居伽藍不置食具時至則分衛持鉢以福衆生今之僧徒一皆違廢不止不持中食甚者甘腴厨

卷十

七

饌豐美飲食或遇請召得蔬藜之具莫不輒感以為不能甘也此豈有志於道哉其論略曰出家之人本資行乞戒律炳然不許立厨帳并蓄淨人今既取足官寺行乞事廢或有持鉢登門便呼為僧徒鄙事既

為衆所鄙耻不復行乞悠悠後進求理者寡將謂乞食之業不可復行由淨飯王子轉輪之貴持鉢行乞以福施者豈不及千載之外凡庸沙門躬命僕豎自營口腹者乎行乞受請二事不殊今不復行乞又不

赴請則行乞之法於此永冥此法既冥則僧非佛種佛種既離則三寶墜地矣約有文集百餘卷行于世

紀

是年魏胡太后作永寧石窟二寺極土木之美而永寧尤盛有金像高丈八尺如中

人者又十軀為浮圖九級築基下及黃泉

其高九十丈上立剎復高十丈每夜靜鈴

鐸聲聞十餘里佛殿如太極殿三門如端

門僧房千楹玉珠錦綉駭人心目未幾雷

電火熱其塔遠近咸見烟焰中有塔升空

而沒後月餘有自東州來者云此日見塔

乘空飛海上而望海者時亦見之

輒

魏孝明帝詔

宣武太子六歲即位胡太后臨朝在位十

二年十九歲崩葬定陵改熙平

成

魏改神龜

紀會稽沙門惠皎以寶唱所撰名僧傳頗多
浮汎因著高僧傳十四卷始元漢永平十
年終于是歲凡四百五十三載二百五十
有七人附見者二百餘人開其德業大略
爲十例其自叙曰前古撰集多曰名僧然

查十

八

名者實之賓也若實行潛光則高而不名
若寡德適時則名而不高茲焉用紀高而
不名則備今錄世以爲確論

釋僧朗者常誦法華風度凝遠飲啗不常
每出一狗一猴隨之日循乞得飲膳即置

木盂中食畢舉其餘以飼猴狗善作龜藏
或時手足頭頸俱縮不見又嘗登舟初無
篙力朗坐其中猴狗馴側舟自泝流而上
法師道英初隱太行山禪宴樹枝繁結如
蓋覆之居久之棄去行龍臺澤觀游魚愛

之即解衣入水宴坐深淵七日而出又嘗
隆冬觀嚴水愛其瑩澈就卧其上信宿而
起晚居蒲州普濟寺一日講起信至真如
門奄爾氣絕衆意其逝矣有都講識之即
謂衆曰此入滅盡想耳三日乃甦矣

子庚 改普通○魏改正光

普通元年帝於禁中築圓壇將稟受歸戒
妙選德行尤異者爲之師朝議以惠約法
師望高詔至約以禮遜讓不許夏四月丁
巳帝行問道禮稟約爲師授具足戒方羯

查十

九

磨次甘露降于庭有三足烏二孔雀歷階
馴伏帝大悅賜約別號智者自是入朝必
設特榻處之而帝座其側凡太子諸王公
卿道俗從約授戒者四萬八千人沙門雖
在者亦重稟受獨法雲公曰吾既戒矣

其可以佛法爲人事耶於是議者高之
時有達禪師者得水觀三昧每入此定有
窺之者唯見清水凝渟滿室沙門道僊從
達遊得火光三昧所居之室玄夜大明焉
帝留神法門時釋子多縱率主僧懦不能
制帝患之欲自以律行僧正事詔下京城
大德無敢議者獨巖法師以爲佛法淵博
非一人能盡之執不奉詔帝訝之召入光
華殿問狀巖面陳大旨秉執有據帝不能
奪遂從之巖退謂諸僧曰上以佛法爲已
任誠當推順然衣冠家子弟十輩猶不能
俱稱父意今糅雜五方之衆而以一已好
惡繩之戒律將廢矣諸君不慮此何也法
雲公歎曰教理深致未能多謝一日之事
良可愧服

帝自受具寢處略同沙門雖宮禁每亦恣
僧游覽獨禁御座而已巖公一日昇殿登
之左右呵止之巖曰貧道定光金輪之裔
寧愧此座倘見殺不慮無受生處帝聞置
之弗非巖少時遇相者曰法師壽不過三

十一歲巖懼日誦金剛般若至期夢前人
復來告曰法師以般若力故壽倍增矣又
嘗夢維摩詰降其房與語臨別以素塵尾
遺之而去巖自是玄辯日新矣魏正光元
年孝明帝加元服命沙門道士講道於禁

卷十

十

中時道士姜斌沙門曇曇最對論帝曰佛
與老子同時否姜斌曰按開天經云老子
西入化胡佛克侍者明是同時曇曇最曰
老子當周何年而生斌曰定王三年生簡
王四年仕於周敬王四年年八十五西入

化胡最曰吾佛以周昭王二十四年誕生
穆王五十二年滅度自世尊滅度至定王
三年凡三百四十五年老子方生及敬王
元年老子西游則世尊示寐已四百二十
五年矣據此相去懸遠而言化胡無乃謬

乎斌曰佛生周昭之世有何文記最曰周
書異記漢法本內傳並有明文斌曰孔子
制法於佛迥無文記何也最曰孔子有三
備十經謂天地人也佛之文言出於中備
斌曰孔子聖人何假十乎最曰佛是衆聖
之王達一切含識先後際吉凶終始不假
卜筮自餘小聖雖曉未然必藉蓍龜方通
休咎時侍中劉騰宣勅曰姜斌論無宗旨
宜退席又問開天經何從而得是誰所說
可疾取來及取經至帝命群臣詳定真偽

卷十

七

時太尉蕭綜太傅李寔洎公卿士夫百六
十餘人覽畢劾奏曰老子止著五千文更
無他說今姜斌所據文詞鄙俚宗旨乖謬
既瀆先師又罔聖聽罪當惑衆制可將抵
以刑三載菩提流支奏解斌特流馬邑臺
謨最善大小乘有律行初在邯鄲說律感
異比丘六十餘輩降席聽戒流支每見稱
爲東方開士焉

魏書佛老志曰道家之源出於老子其自
言也先天地生以資萬類上處玉京爲神
王之宗下在紫微爲飛仙之主千變萬化
有德不德隨機應物厥迹無常授軒轅於
峩峩教帝譽於牧德大禹聞長生之訣尹
喜受道德之旨至於丹書紫字升玄飛步
之經玉石金光妙有靈洞之說不可勝紀

其為教也咸蠲去邪累凜雪精神積行樹功累德增善乃至白日升天長生世上是以秦皇漢武甘心不息勞心竭思所在追求終莫之致退恨於後故有樂大徐氏之誅然其道惑人効學非一靈帝置華蓋於

濯龍設壇場而為禮及張陵授道於鶴鳴

因傳天宮章本千有二百弟子相授其事

大行齋祠跪拜各有成法於是三元九府

百二十宮一切諸神咸所統攝又稱劫數

頗竊佛經及其劫終稱天地俱壞其書多

有禁祕非其徒不得輒觀至於化金銷玉

行符勅水奇方妙術方等千條上云羽化

飛天次稱消災滅禍故好異者往往而尊

事之初文帝入賓于晉從者云登僊伊闕

太祖好老子之言誦詠不倦天興中儀曹

李

士

郎董謚上服食仙經數十篇乃置仙人博士立仙坊煮煉百藥封西山以供其薪蒸令死罪者服之多死無驗久之太祖意少懈乃止

寅子

魏用正光曆

卯癸 鑄鐵錢民盜鑄者多物價騰踊

巳丁 魏改孝昌

未丁 改大通上幸同泰寺捨身

初祖菩提達磨大師天竺南印度國香至

王第三子也王薨師出家遇二十七祖般

若多羅付以大法因問我既得法宜化何

國多羅曰汝得法已俟吾滅度六十餘年

當往震旦國闡化曰彼有法器堪繼吾宗

千載之下有留難否多羅曰汝所化方得

菩提者不可勝數吾滅度後彼有劫難水

中文布善自降之汝至時南方不可久留
聽吾偈曰路行跨水復逢羊獨自悽悽暗
度江日下可憐雙象馬二株嫩桂火昌昌
復演八偈皆預爲識至多羅示寐師演化
本國會其姪異見王者輕毀三寶師遣其

查十

三

徒波羅提微現神力攝化歸正師以震且
緣熟即別其衆而異見王枉駕見師因告
之曰當勤修福行護持三寶吾去非晚一
九即回王泣曰對既有緣在彼非吾所留
唯願不忘父母之國事畢早回遂具大舟
實以衆寶王躬率臣僚送至海濱師同商
馭舟達于南海廣州刺史蕭昂館之以表
聞奏有詔迎見師入朝帝問朕即位以來
造寺寫經度僧不可勝數有何功德師曰
並無功德帝曰何功並無師曰人天小果

有漏之因雖有非實帝曰何謂真功德師
曰淨智妙明體自空寂如是功德不於世
求帝曰何爲聖諦第一義曰廓然無聖帝
曰對朕者誰曰不識帝不省玄旨師遲留
數日遂度江之魏止於嵩山少林寺終日

壁觀而已有僧神光者因神人發起來見
師師端坐不顧會天大雪光立雪中至積
雪過膝師憫而問曰汝久立雪中求何事
耶光曰唯願大慈開甘露門廣度群品師
曰諸佛無上妙道曠劫難逢豈小德小智
輕心慢心欲冀真乘徒勞動苦光聞誨勵
喜不自勝即以利刀自斷左臂置於師前
師曰諸佛最初求道重法忘身汝今斷臂
吾前求亦可矣光承其言即易名惠可復
問曰諸佛法印可得聞乎師曰諸佛法

印匪從人得曰我心未寧乞師與安師曰
將心來與汝安可曰覓心了不可得師曰
與汝安心竟久之為可等略辨大乘入道
四行其辭曰

夫入道多門要而言之不出二種一理入

章

古

二行入理入者謂藉教悟宗深信含生同
一真性但為客塵妄想所覆不能顯了若
捨妄歸真凝住壁觀無自無他凡聖一等
堅住不移更不隨於文教此則與理冥符
無有分別寂然無為名之理入行者有
四一報冤行二隨緣行三無所求行四稱
法行謂報冤行者凡修道人若受苦時當
念我從往昔無數劫中棄本逐末流浪諸
有多起冤憎違害無限今雖無犯是我夙
殃惡業果熟非天非人所能見與甘心忍

受都無怨恨作是觀時與理相應體冤進
道故名報冤行隨緣行者衆生無我並緣
業所轉苦樂齊受皆從緣生若得勝報榮
譽等事皆是過去夙因所感緣盡還無何
喜之有得失從緣心無增減喜風不動冥

順於道名隨緣行無所求行者世人長迷
處處貪著智者悟真安心無為萬有皆空
無所希冀三界久居猶如火宅有身皆苦
誰得而安了達此處息念無求故經云有
求皆苦無求乃樂是則無求真為道行故

李

孟

名無所求行稱法行者性淨之理因之為
法此理衆相斯空無染無著無此無彼經
云法無有我離我垢故智者信解此理應
當稱法而行法體無慳於身命財行檀捨
施心無慳惜達解三空不倚不著但為無

垢稱化衆生而不取相此爲自行亦復利人莊嚴菩提之道檀施既爾餘五亦然爲除妄想修行六度而無所行是名稱法行大同元年十月師將示寂道副左總持道育惠可等侍側曰時將至矣汝等盍各言

所得乎時道副曰如我所見不執文字不離文字而爲道用師曰汝得吾肉左總持曰我今所見如慶喜見阿闍佛國一見更不再見師曰汝得吾皮道育禪師曰四大本空五陰非有而我見處無一法可得師

曰汝得吾骨大師惠可即禮三拜復依位而立師曰汝得吾髓即頽謂可曰世尊以正法眼藏付囑大迦葉展轉傳授以至於吾吾今付汝汝當護持并授汝袈裟以爲法信可跪受其衣願聞指示師曰內傳法

印以契真心外付法衣以定宗旨後代澆薄疑慮競生謂吾西土汝乃此方憑何得法以何爲證或遇難緣但出此衣用以表信其化無礙至吾滅後二百餘年衣止不傳法周沙界潛符密契千萬有餘汝當闡

化勿輕未悟一念回機便同本有聽吾偈曰吾本來茲土傳法救迷情一花開五葉結果自然成又曰吾有楞伽經四卷亦付與汝即是如來心地要門吾自離南印來此東土見赤縣神州有大乘氣象遂逾海

李

其

越漠爲法求人際會未諧如愚若訥今得汝傳授吾意已終乃與其徒往禹門千聖寺有期城太守楊銜之問曰西天五印師承爲祖其道云何師曰明佛心宗行解相應名之曰祖銜之曰弟子素奉三寶而智

慧昏蒙願師慈悲開示宗旨師以偈答之
曰不覩惡而生嫌不觀善而動措不捨智
而近愚不拋迷而就悟達大道兮過量明
佛心兮出度不與凡聖同纏超然名之曰
祖衞之聞偈乃稽首曰願師慈忍又住世

間師曰吾化緣已畢傳法得人吾即逝矣
是日端坐而寐門人奉全身葬熊耳山定
林寺明年魏使宋雲西域回遇師于慈嶺
手携隻履翩翩獨邁雲問師今何往曰西
天去及雲歸朝具言其事門人啓墳唯空
棺隻履存焉梁武帝聞師顯化始末如此
遂親撰碑刻石于鍾山

論曰昔嵩明教著傳法正宗記稱達磨
住世凡數百年諒其已登聖果得意生
身非分段生死所拘及來此土示終葬

卷十

七

畢乃復全身以歸則其住壽固不可以
世情測也傳燈錄云師以九月二十一
日至廣州刺史以表聞奏帝遣使賫詔
迎之師以十月一日至金陵然自廣至
金陵亡慮三千餘里將命者往而復師

方啓行豈以十日之間能歷三千里乎
又謂魏孝明帝欽師異迹三屈詔命師
竟不下少林及師示寂宋雲自西域還
遇師于慈嶺孝莊帝有旨令啓墳如南
史普通八年即大通元年也孝明以是
歲四月癸丑殂師以十月至梁蓋師未
至魏時孝明已去世及其子即位未幾
爲爾朱榮所弑乃立孝莊帝由是魏國
大亂越三年而孝莊殂又五年而分割
爲東西魏然則吾祖在少林時正值其

亂及宋雲之還則孝莊去世亦五六年其國至於分割久矣烏有孝莊令塔壙之說乎奮唐史云後魏末有僧達磨航海而來既卒其年魏使宋雲於葱嶺回見之門徒發其墓但有隻履而已此乃

實錄也又謂光統律師菩提流支數下毒害師師遂不救嗚呼甚哉光統流支法門龍象詎能爾乎是皆立言者悞也雖然吾宗從上來事昭昭若揭日月而行故二祖禮三禪後依位而立當爾之

際印塵劫於睡息洞刹海於毫端直下承當全身負荷正所謂通玄峯頂不是人間入此門來不存知解者也抑烏有動靜去來彼此時分而可辯哉

魏莊帝子攸

大

獻文之孫彭城王第
三子是年二月孝明

配改中大通

為胡太后鴆之時爾朱榮立帝即位二年改元建義永安二號後復欲篡逆求九錫九月入朝帝知召榮手殺之其弟爾朱兆舉兵向洛立東海王暉改元建明十二月殺子攸空宮百日兆又以聯疎遠殺之而更立孝文之姪廣陵王恭是為節閔帝

庚戌九月上幸同泰寺舍身群臣以錢一億萬奉贖回宮十月上幸同泰寺陞座講涅槃

經十一月講般若經是年四月昭明太子薨太子諱統字維摩天監元年生於霸府三日而建康平識者以為天命所集幼聰

睿三歲受孝經論語五歲徧讀五經悉能諷誦八歲於壽光殿講孝經名儒重臣畢集座側太子詞吐華暢淵源無滯皆欽服以為聖童年十二於內省決獄剖斷平允自是數使聽訟賴活者不可勝數性慈孝

美容止讀書數行俱下過目憶誦無違帝
既留心內典躬自講說太子亦天性好佛
凡釋部經論披覽略徧於東宮別立惠義
殿專為法集之所招引名僧撰次法事儀
注及立三諦等義世容美之母薨每哭輒

查 九

慟絕水漿不入口帝勅左右宣旨曰毀不
滅性聖人所制不勝哀比於不孝有我在
那得自毀如此即可強進飲粥太子奉旨
始進粥體素肥腰帶十圍至是減削過半
帝尋委以軍國政事太子屢決無留滯引
納天下奇材賞愛無倦東宮有書凡二萬
餘卷群賢畢集文雅之盛由晉已來未之
有也嘗游後池乘綵文舸謫芙蓉以嬉姬
人蕩舟沒溺而出感疾動股恐貽帝憂不
以聞遂薨天下哭之如喪其親焉

劉勰者名士也雅為太子所重撰文心雕
龍五十篇家貧不婚娶依沙門僧裕遂博
通經論區別部類而為之序定林寺藏經
即其詮次也中書令沈約絕重其文常置
几按開凡都下寺塔及名僧碑碣皆出其

手累官通事舍人表求出家先燔須自誓
帝嘉之賜法名惠地

安定王朗改中興十月高歡起兵

乃奉太武立孫 信都討爾朱氏 平爾朱兆以朗疎遠又以恭英 毅難制乃幽之 傲安定王詔奉 孝文之孫修即位

節閔帝恭改普恭是年安定王即閔 帝皆為高歡所殺

右魏自太祖登國丙戌凡十二生 百四十九年至梁中

大通而分 東西之馬

西魏孝武修改永熙字孝則孝文 之孫廣平武

穆王懷之手高歡廢節閔而立 帝歡有不臣之跡帝欲除之歡

于王

覺舉兵內發帝恐奔長安成開
西大都督宇文泰在位三年薨
二十〇是年高歡丞
五 相建府晉陽

丑癸

大通五年義烏雙林大士者姓傅氏名翕
法號善惠年十六納劉氏女妙光為室生
二子普建普願嘗有西域沙門萬頭陀者

查十

子

見大士曰吾與汝昆婆尸佛所同發誓今
兜率宮衣鉢現在何日當歸因命臨水觀
其影見圓光寶蓋大士笑謂之曰爐鞴之
所多鈍錢良醫之門足病人度生為急何
思彼樂乎居無幾常見釋迦金粟定光三

如來放光襲其身大士喜曰吾得首楞嚴
三昧即舍田宅及賣妻子得錢五萬以設
法施會遂於松山之頂因雙檮樹初寺而
居故名雙林日自營作夜則行道有偈云
空手把鋤頭步行騎水牛人從橋上過橋

流水不流復一日於山頂繞連理雙樹行
道感七佛相隨釋迦前引維摩接後唯釋
尊頻顧大士共語由是異迹日顯是年
正月十五日遣弟子傅晔致書於朝其
辭曰

雙林樹下當來解脫善惠大士白國主救
世菩薩今欲修上中下善悉能受持其上
善畧以虛懷為本不著為宗無相為因涅
槃為果其中善畧以治身為本治國為宗
天上人間果報安樂其下善畧以護養眾

查十

三

生勝殘去殺普令百姓皆稟六齋今聞皇
帝崇法欲申論義未遂襟懷故遣弟子傅
晔告白晔投書太樂令何昌昌曰約法師
猶置啓翁是國民又非長老殊無謙卑豈
敢進達晔燒手御路昌乃馳往同泰寺詢

皓法師勸速呈二月十一日進書帝覽之
遽遣詔迎既至帝問曰從來師事何人答
曰從無所從來無所來師事亦爾昭明太
子問大士何不論義答曰菩薩所說非長
非短非廣非狹非有邊非無邊如如正理

復有何言帝曰何爲真諦答曰息而不滅
帝曰息而不滅此則有色有色故鈍如此
則居士未免流俗答曰臨財無苟得臨難
無苟免帝曰居士大識禮答曰一切諸法
不有不無大千世界所有色像莫不皆空

百川叢注不過於海無量如法不出真如
如來何故於三界九十六道中獨超其最
視一切衆生有若赤子天下非道不安非
禮不樂帝默然大士辭退異日帝於壽光
殿講金剛經聖師云大士能耳帝即召大

士大士對帝執拍板講經唱成四十九頌
逐還雙林至陳大建元年四月將示寂謂
其徒曰此身甚可厭惡衆苦所集要在護
持三業精勤六度若墮地獄卒難得脫常
須懺悔又曰吾滅已不得移寢牀七日當

有法猛上人持像及鐘來鎮于此弟子問
既歸寂後形體如何曰山頂焚之問若不
遂復何如曰勿用棺斂但累甃爲壇移尸
於上屏風周繞絳紗覆之上建浮圖隨意
安立又問諸佛滅度時皆說功德師之發

章

至

迹可得聞乎曰我從第四天來爲度汝等
次補釋迦故大品云有菩薩從兜率天來
諸根猛利疾與般若相應即吾身是也言
訖加趺而逝壽七十有三至七日上人法
猛果持織成彌勒像及九乳鐘來鎮龕所

須臾不見大士道具十餘事晉天福中錢
王發塔取靈骨十有六片皆紫金色并道
具就府城南建龍華寺塑像安置大士嘗
著心王銘一篇其辭曰

觀心空王玄妙難測無名無相大有神力
能滅千災成就萬德體性雖空能施法則
觀之無形呼之有聲為大法將心戒傳經
水中塩味色裏膠青決定是有不見其形
心王亦爾身內居停面門出入應物隨情
自在無礙所作皆成了本識心識心見佛

是心是佛是佛是心念念佛心佛心念佛
欲得早成戒心自律淨律淨心心即是佛
除此心王更無別佛欲求成佛莫染一物
心性雖空貪瞋體實入此法門端坐成佛
到彼岸已得波羅密慕道真士自觀自心

知佛在內不向外尋即心即佛即佛即心
心明識佛曉了識心離心非佛離佛非心
非佛莫測無所堪任執空滯寂于此漂沉
諸佛菩薩非此安心明心大士悟此玄音
身心性妙用無能改是故智者放心自在

莫言心王空無體性能使色身作邪作正
非有非無隱顯不定心性雖空能凡能聖
是故相勸好自防慎刹那造作還復漂沉
清淨心智如世黃金般若法藏盡在身心
無為法寶非淺非深諸佛菩薩了此本心
有緣遇者非去來今

寅甲

東魏孝靜善見改天平

孝文之孫
清河宣王

皇之子高歡迎立都略還都年
十一即位治十七年壽二十八歲

卯乙

改大同○惠約法師垂誠門人言訖合掌
而逝帝輟朝三日素服哭之葬誌公塔之

左方嘗從約授戒者四萬八千人皆服總
麻哭送至塔約嘗所乘青牛垂淚悲鳴及
雙鶴繞塔哀唳彌月而去

丙辰作皇基寺○陶弘景號山中宰相

丁東魏定州孫敬德虔事觀音為賊橫引坐

罪臨刑念救苦觀音刀三斫不傷三換刀
俱折有司以聞高歡歡為表請免死敬德
還家視像項有三痕今世謂高王經出此
也

戊李胤之得佛舍利遂大赦○東魏改元象

東魏元象元年有使西域回至葱嶺見達
磨隻履單已而西還門徒啟壙視之唯存
隻履

紀 東魏改興和

曠佛祖傳法偈按禹門太守楊銜之銘系記

查

三

云東魏靜帝興和二年庚申西魏文帝大
統六年梁武大同六年高僧雲啓往西域
求法至龜茲國遇天竺三歲那連耶舍欲
來東土傳法雲啓曰佛法未興且同止此
遂將梵本譯為華言雲啓去游印土那連

親將至西魏值時多故乃入高齊以宣帝
禮遇甚厚延居石窟寺以齊方受禪未暇
翻譯別經乃將龜茲與雲啓所譯祖偈因
緣傳居士萬天懿乃殷勤扣問深悟玄旨
遂將校勘昭玄沙門曇曜同天竺三歲吉

迦夜所譯付法藏失於次序兼無偈識寫
本進去魏朝證其差謬付法藏傳乃魏武
真君年中崔浩寇謙之邪說毀滅佛法至
文成帝和平中重興故缺梁簡文帝聞魏
有本遣使劉玄運往彼傳寫歸建康流布

江表唐貞元中金陵沙門惠炬將此祖偈
往曹溪同西天勝持三藏重共叅校并唐
初以來傳法宗師機緣集成寶林傳光化
中華嶽玄偉禪師集貞元以來出世宗師
機緣將此祖偈作其基緒編爲聖曹集開

香十

三五

平南嶽三生藏惟勁頭陀又錄光化以後
出世宗匠機緣亦以祖偈爲由集成續寶
林傳宋景德中具僧道原集傳燈錄進于
真宗勅翰林學士楊億工部員外李淮太
常丞王曙同議校勘具奏詔作序編入大
藏頒行天聖中附馬都尉李遵勗叅石門
聰禪師發明因緣聚禪學僧列此祖偈世
系事緣成廣燈錄上仁宗御製序文勅入
大藏流通建中靖國元年沙門惟白將此
祖偈以爲標本成績燈錄進上云云他宗不

知其原謂七佛偈無譯寡聞淺識一至妄
謬良可笑也

時隱士阮孝緒陳留人也家世仕宦父彥
大尉從事中郎孝緒年十三通五經大旨
十六丁家難終喪入鍾山聽講久之母有
疾緒在席心驚而歸合藥須生人參躬入
鍾山採求未獲忽一鹿在前心異之至鹿
息處果得人參藥成母疾得愈齋尚書令
王晏來候之緒惡其人穿籬而遁及晏被
誅以非黨獲免嘗以鹿林爲精舍環以林
池杜絕交游世罕得而見之御史中丞任
昉欲訪焉而不敢進乃指鹿林謂其兄曰
其室則邇其人甚遠繇是朝貴絕於造請
唯與裴子野交好天監末累召不赴天子
以爲苟立虛名以要顯譽故二何孝緒並

得遂其高馬南平元襄謂曰昔君大父舉不以來游取累吾弟獨執其志何也緒曰若庸庸盡可參馭何以異乎騷騷哉鄱陽忠烈王其姊夫也歲時之饋一無所受與劉著作同年劉卒緒曰吾其幾何即辯後

奇十

王六

事數日而亡壽五十八孝緒博極群書無一不善精力強記為學者所宗既卒門人諡曰文貞處士初漢劉歆著七畧齊王儉著七志孝緒普通四年著七錄前五曰內篇六曰佛法錄七曰仙道錄謂之外篇劉

歆七畧則以道家為諸子以神仙為方技王儉七志則先道而後佛孝緒七錄則先佛而後道蓋所宗有不同亦由其教有淺深也

七錄內外圖書總四萬四千五百二十六

卷凡天下之遺書祕記盡於此矣內佛法錄經律論等五部凡五千四百卷至隋文帝仁壽間嘉則殿書凡三十七萬卷及唐開元中祕府以甲乙丙丁四部為次列經史集四庫并唐之學者所著之書共八萬二千三百七十四卷今唐書藝文志四部著錄者凡五萬二千一百卷不著錄者二萬七千六百三十卷共七萬九千八百三十卷其間釋部特載僧俗二十五家所著之書凡三百九十五卷而已此古今書籍

查十

王

之數也

癸 東魏改武定

沙門尚圓為武陵王遣宮中鬼恠一稱南無佛陀鬼皆失所自爾安靜○是年黃門侍郎顧野王玉篇成上自天監以來事佛

長齋日止一食惟菜羹糲飯

改中大同

西卯

改太清

巳

太清三年夏四月逆賊侯景陷臺城以甲士五百人自衛帶劍上殿拜訖帝神色自

若使引向三公坐榻謂曰卿在戎日久無乃爲勞景惶懼不能對出謂左右曰吾每據鞍臨敵矢石交下了無所怖今見蕭公使人畏懼豈非天威難犯吾不復見之矣及景自稱大丞相而徵求無已帝憤之遂

寢疾然齋戒不衰日夕念佛不絕於口獨皇子侍側五月丙辰大測不能進膳久而口苦索密未至而舉手曰荷荷遂崩於淨居殿年八十有六帝日角龍顏舌文八字項有浮光身映日無影右手文成武字幼

嘗蹈空而行所居之室常若雲氣人或遇者體輒肅慄前後受命符瑞凡六十餘事及即位太極殿常有六龍各守一柱其神奇異瑞自書契以來人君皆所未有幼而好學六藝備閒棊登逸品至於陰陽緯候

卜筮占決草隸尺牘騎射並洞精微雖登大位萬機多務猶手不釋卷然燭測光常至戊夜撰通史六百卷金海三十卷五經義注講疏等合二百餘卷贊序詔誥銘誄箴頌牋奏諸文凡一百二十卷晚奉佛道

卒

天

日止一食膳無鮮腴唯豆羹糲飯而已或遇事擁不暇就食日才過中便漱口而坐製涅槃小品淨名三惠諸經義記數百卷聽覽餘暇即於重雲殿同泰寺講說名僧碩學四部聽衆常萬餘衣布衣木綿皂帳

一冠三載一被二年自五十外便斷房室
不飲酒不取音樂非宗廟祭祀大會饗宴
及諸法事未嘗舉樂動於政事每冬月四
更竟即勅把燭看事執筆觸寒手爲皴裂
然仁愛不斷親親及所近倖愆犯多縱捨

坐是政刑弭紊每決死罪常矜哀流涕然
後可奏性方正爲居小殿暗室常理衣冠
小坐暑月未嘗褰袒雖見內豎小臣如遇

嚴賓焉諡曰武皇帝廟號高祖

出南史

史官魏徵曰高祖固天攸縱聰明稽古道

亞生知學爲博物允文允武多藝多才爰
自諸生不羈之度屬昏凶肆虐天倫及禍
糾合義旅將雪家冤曰紂可伐不期而會
龍躍樊漢電擊湘郢剪離德如振槁取獨
夫如拾遺其雄才大畧固不可得而稱矣

李

手九

既懸白旗之首方應皇天之眷而布澤施
仁悅近來遠開蕩蕩之王道革靡靡之商
俗大修文學盛飾禮容鼓扇立風闡揚儒
業介胄仁義折衝樽俎聲振寰區澤周遐
裔干戈載戢凡數十年濟濟焉洋洋焉魏
晉以來未有若斯之盛也然不能息末敦
本斷雕爲樸慕名好事崇尚浮華抑揚孔
墨流連釋老幾終夜不寐或日旰不食非
弘道以利物唯飾智以驚愚且心未遺榮
虛則蒼頭之位高談脫屣終戀黃屋之尊
大人之大欲在乎飲食男女至於軒冕殿
堂非有切身之慈高祖屏除嗜欲眷戀軒
冕得其所難而滯其所易可謂神有所不
達智有所不通矣

論曰魏鄭公論梁武帝可謂天下仁人

之言也而新唐史蕭瑀傳贊亦曰梁蕭氏興江左實有功在民厥終無大惡以浸微而已故餘祉及其後裔以此驗鄭公之論益可詳矣然韓退之嘗曰梁武餓死其墓城蓋謂其屏嗜欲絕午後食至

臨終齋戒不衰在恣情豐美享用者視之近乎餓死耳猶孔子稱伯夷叔齊餓死首陽其微意乃所以成其美焉豈謂不得食而餓死哉凡謂得失成敗如魏鄭公之言乃春秋責備賢者之旨得不

為萬世之公道哉

庚簡文綱改大安 字世讚小字六通武帝弟三子侯景破臺城立帝大

安二年景又廢之

右東魏十六年 而高洋篡之

北齊 姓高氏五 雷氏曰 神武文襄文宣孝昭

晉

武成後主北齊 五帝二十九年

高祖神武帝 字歡賀六渾渤海人崩於晉陽漳水矣

文襄帝澄 字子惠高祖長子為梁將所害壽二十九歲也

文宣帝洋 字士進高祖次子承父相位朝臣使受禪使中

張亮調孝靜曰五行逆運有始有終願陛下遠法堯舜孝靜

容避遜而出齊王洋入即位降封孝靜為中山王洋惡過桀紂

復鴆靜帝在位十一年改元天保壽三十一

沙門慧文禪師當齊高之世獨步河淮法

門非世所知履地戴天莫知高厚閱中論

發明論是龍樹所說故遙稟焉是為台宗

二祖北齊尊者 九祖傳

禘

侯景 懷朔鎮人初仕高歡為將擁兵十萬專制河南十三州歡

死降梁祖後反改築祖立簡是年弒簡自立稱漢改年大始登

立太極殿御床脚陷借

元帝 字世誠小字七符武帝弟 繹改承聖 字世誠小字七符武帝弟

手

香爐云托生王宮已而母夢月墜懷中
後生帝也首封湘東王統義兵于江陵
既薨城失守即位于江陵復命陳霸先
王僧辨破侯景又為詩四絕西魏進士
襄弒之壽四十
七在位三年

西魏廢帝欽

受帝太子宇文泰立
之雖在位而制由泰

帝不勝憤欲除之泰覺遂廢
帝立恭帝即位二年不改號

世尊示滅一千五百年矣

承聖元年三藏真諦將歸天竺至廣州刺
史歐陽頴延之制止寺沙門東愷等請譯
起信俱舍等論諦有氣宇風神爽邁頴之
子紇居別墅在可洎閒諦每訪紇以坐具
數水面跏趺其上飄然往還坐具畧不露
潤或不敷具即折荷葉而濟時好事多圖
畫而奉祀之荆山居士陸法和少隱江陵
清溪山服勤沙門執弟子禮及長出游語
音巴楚容色異常以操行絕等為梁湘東

王所重即以閒散甚為諸公欽敬初侯景
始降法和知其必叛以語朱元英元英不
了其意未久景圍京城元英求策和曰取
果宜待熟景遣將任約擊湘東王法和就
乞軍禦之對壘赤沙湖賊因風縱火燒廬
法和以白羽揮風風即返約軍大潰士卒
求約不獲法和曰洲際有水刹約在其下
也可往擒之果得約抱刹仰頭出鼻法和
捨之謂王曰他日當得力約後果立効法
和所至江湖必立放生池切戒殺生湘東
王即位是為元帝以法和為郢州刺史始
法和欲大舉定魏帝不許法和笑曰吾嘗
不希釋梵天王坐處豈窺人王位耶但於
空王佛所與王有因緣如不能用則奈業
何帝敗歸齊齊宣帝喜其來封太尉賜甲

第法和乞為佛寺身居偏室日手持香爐行道禮佛燒香疑坐預期死日時至坐去尸縮三尺許題壁曰十年天子為尚可百日天子急如火周年天子遞代坐又曰二母生三天兩天共五年指婁太后也人懼

本十

三三

塗削之終不能去其神異如此

承聖二年北齊高帝詔僧稠禪師稠將啓行而峯巒振響飛走悲鳴如是者三日而止稠至京師降蹕迎候命入宮授菩薩戒盡停五方鷹犬及傷生之具禁境內屠殺

稠留禁中四十日出居外寺尋有旨罷講席俾沙門盡習禪觀稠入諫帝以為弘通教理漸誘童蒙正賴講授願勿禁也從之及宣帝即位嘗謁稠稠沐坐不迎其徒有勸迎者稠曰昔賓頭盧尊者迎阿育王起

行七步致王失國七年貧道雖寡德與帝獲福耳俄以此被譖帝銜之將復入寺按其不敬誅之稠以知之及帝入寺預出十里許候之帝恠問稠曰恐身血汚伽藍故遠來就刃耳帝懼然悔謝謂其臣楊遵曰

朕不明幾妄贖聖師即奉之如故因從容啓帝曰陛下前身羅刹也今好殺蓋餘習耳帝問何以知之稠請以盆貯水自咒之命帝臨觀果自形正羅刹之狀仍有群羅刹隨之帝大驚自是絕葷終日坐禪禮佛

本十

三三

行道如旋風焉

成甲

敬帝方智

字惠相小字法真元第九子元被西魏破江陵殺之陳霸先殺

王僧辯而立帝即位以霸先為相進封陳王明年受禪帝十六歲終在位二年

西魏恭帝廓

文帝第四子字文泰以柳刺之言廢欽立帝泰卒其子覺襲相位進封周公時年十有五歲具叔宇文護

通帝禪位于覺封帝
為宋公帝在政三年

乙亥 改紹泰

後梁 姓蕭氏 雷氏曰 宣營 藤 琮 西 魏 附 庸 後 梁

三 主 三 十 四 終

宣帝 答 字 理 孫 蘭 陵 人 武 帝 孫 昭 明 太 子 統 第 三 子 也 字 文

泰 立 之 于 江 陵 在 位 八 年 改 元 大 定 壽 四 十 四 矣

北齊勅二教角試天保六年九月下詔勅諸沙門與道士達者十人親自對校于時金陵道士陸修靜等初為梁武所棄遂奔入魏至是頗盛而齊文帝復事佛靜等忌

之詰闕請與釋子角法有旨令上統法師尅日較勝負至期大集公卿修靜等以術咒僧衣鉢及宮殿梁柱皆舉震動諸僧相顧缺然無對於是萬眾誼譁得以道流為勝修靜等雀躍魚視高自矜誇以已為神

仙輩也又言沙門現一我即現二今以小術誘之耳帝頷謂上統曰佛門豈無人哉統曰方術小技儒俗鄙之况出家人也既承天命令拒可令取下座僧對之于時有法師曇顯不知何許人居下位被酒昂兀

而坐統令二人扶上高座登而笑曰向咒衣柱而飛動者我故開門試御術耳令取稠禪師衣鉢置地使咒之靜徒併力作法逾時不能動帝勅取衣一加十輩並不能舉顯即自取置諸梁上使咒梁柱亦不能

查十

三箇

動顯又曰我先醉耳有所聞云沙門現一我當現二果爾否靜曰然顯乃翹一足曰我正現一請卿現二靜徒默無所為相顧慚縮失色獨修靜更欲以頰舌勝之即曰爾佛自言為內內即小也以道家為外外

即大也顯應聲曰然則天子居九重之內亦應小於百官耶靜氣咽無對羣臣皆呼萬歲忻躍而罷顯風度弘曠趣向叵測後不知終帝親鑿臧否於十月乙卯朔日也是月丙辰文帝詔曰法門不二真法在一

求之正路寐泊爲本祭酒道者中世假妄俗人未悟乃有祇崇翹翹是味喪昧虛宗既乖仁祀之源復違祭典之式宜從禁止無或遵風應道士自謂得神仙者可上三爵臺飛騰遠舉不能爾者並宜改迷歸正詣昭玄上統剃度出家緣是齊境道流遂絕矣杜弼字輔言中山曲陽人年十三進士甄琛問策下筆如流王澄見所答歎曰王佐才也仕高歡甚見敬使魏帝知弼深於佛理問經中佛性法性何異弼曰正是

一理帝曰說者言法性寬佛性狹如何弼曰在寬成寬在狹成狹若論性體非寬非狹帝曰既言成寬成狹何得非狹非寬弼曰若定是寬則不能成狹若定是狹亦不能爲寬以非寬非狹故能寬能狹所成雖

異能成常一帝曰善奉使稱旨既還文襄問政要弼曰天下大務莫過刑賞二端賞一人而天下喜罰一人而天下服二事得中自然盡善文襄悅曰言雖不多於理甚要子丙改太平○右西魏二十五年而禪于宇文周

後齊

叙曰元魏將季其祚分崩肅宗孝明帝崇尚佛法胡太后親臨國政一紀之內天下晏然及帝崩太后死高歡誅賊爾朱榮於鄴燒洛陽宮室奉清河郡王立于鄴凡一

十七載扶翼魏朝至太清三年武帝崩歡亦先殞世子澄襲相王位未幾而殂魏靜帝乃遜位於高洋即歡之第三子也世族武川仍都鄴下神用卓詭智愚混蕪十餘年間教法中興僧至二百餘萬寺院凡四萬餘所六主相承二十有八年為周所滅齊書著作王劭述佛曰釋氏非管窺所及率爾妄言之又引列禦寇書述商太宰問孔子聖人事又黃帝游華胥氏之國華胥氏之國在佛游神而已此之所言髣髴於佛石符姚世經譯遂廣蓋欲柔伏人心故多寓言以方便不知是何神異浩蕩之甚乎其說人身心善惡世事因緣以慈悲喜捨常樂我淨書辨至精明如日月非正覺孰能證之凡在順首莫不歸念達人則謹

其身口修其定慧平等解脫究竟菩提及僻者為之不能通理徒務費竭財力功利煩濁猶六經皆有所失未之深也已矣

五丁

右梁五十七年而禪于陳

後周字文氏王木德雷氏曰木祖

武宣靜帝後周五主二十五年

叙曰周之執祖宇文覺者即魏大丞相泰之世子也泰舉高陽王為帝遷都長安號西魏凡一十八年廢帝更立齊王為帝四年而秦蕘覺承魏禪當年被廢立弟毓為帝四年而殂乃立弟邕邕即周武帝也閱十餘年至建德初惑於道士張賓等妖言惡黑衣之讖除廢釋氏毀寺院四萬餘所僧三百萬悉令還俗洎滅齊未幾改元宣政五月而殂太子贊立自稱天元皇帝

大象二年五月崩太子衍立明年二月禪
位于隋周五主凡二十五年國除天下文
泰及大冢宰宇文護並崇重佛法與西域
三藏十餘人宣譯經論天文等凡百餘卷
云

查十

周太祖文皇帝

小字黑獺鄆郡代武川人其先出于炎

帝之後炎為黃帝賦子孫遊居朔野有裔孫普回狩得玉璽三細文曰皇帝璽回以為天授俗謂天文曰字乃遂以國號字文并以為姓後廢齊即位焉

孝閔帝覺

小字陀羅尼文帝第二子泰卒帝受魏恭帝禪

不敗年號王木德在位二年

佛祖歷代通載卷第十一

真一

嘉興路大中祥符禪寺住持華亭念常集

陳都建 雷氏曰 陳高勳先文廢宣後合為五主三十三年

丑丁高祖武皇帝 姓陳諱勳先字興國小字法生吳興長城下里人受梁敬

帝遜禪即位年五十七崩于璇璣殿在位三年

改元永定○周閔帝 字文覺從兄護殺之而立毓

叙曰有梁祚微禍難自作東魏賊侯景因

隙來奔高祖建義內之封為河南王乘寵

作亂遂陷臺城先是梁湘東王出鎮荆陝

使王僧辨陳霸先等平金陵未幾湘東王

為西魏所滅侯景既誅僧辨仍為霸先所

殺太平元年梁敬帝遜位霸先即帝位于

金陵以姓為國蓋吳興長城下里人也世

本甚微自云漢太丘長陳寔之裔身長九

尺二寸鬚長三尺垂手過膝神明高放有

大志略眾所推重既臨大寶復梁舊政崇

重釋氏金陵舊來七百餘寺侯景焚蕩幾

盡陳高祖悉皆修復翻經講道不替前朝

自創國至禎明三年凡五主三十三年國

入于隋其二十四年與周同政九載與隋

同政時天竺優禪尼國三藏法師拘那陀

羅陳言真諦十四年間隨處譯經論疏傳

等四十八部凡二百三十二卷云

真觀法師釋門龍象也時徐僕射領軍禦

世欲僧兵之師馳書勉止其言傷怛足以

發回向之心又著無性因緣論

周明帝毓 小字統萬宇文之長子周用明在位四年改元武定

文帝蒨改天嘉 字子華高祖兄昭烈王與之長子高祖與兄同經營

帝業故遺詔立之天康乙酉崩于有覺殿在位七年

○周明帝中從兄護 毒死而立弟邕

沙門稠禪師乃魏跋陀三藏之資也受具
往嵩山少林又抵覃懷王屋之栢岩寺解
二虎聞由是舉世知名齊乾明元年示寐
于龍山雲門寺

齊孝昭帝演改皇建字延安神武第六子聰敏仁孝勤于政治

一年因捕兔驚馬墜地而崩壽二十七葬靜陵

周武帝邕改保定字小字弥羅宇文之第四子登位唯布衣被無金

寶飾禁斷華綺上階聽政不施櫺棋後官嬪御不過十人在位十八年壽三十六崩于華舉葬孝陵

法師洪偃雅為文帝所重及齊使崔武子

有專對才朝廷悼之帝以偃才學兩優命
館伴武子武子加嘆而歸由是朝儀欲奪
其志斂以冠巾偃聞命即絕食以死自誓
帝以其確誠從之時稱偃四絕謂姿容德
行文章草隸臨終謂其徒曰世人為貪心

之所暗貪已則惜落一毫貪他則永無厭
足至於身死之後高其墳重其槨必謂九
泉之下還結四隣一何可歎今瞑目之後
以臍脂鄙形布施飛走及卒弟子如其誠
有文集二十卷詔藏祕閣

法師寶瓊陳宣帝命為僧統綏禦有法四

眾安之屢入重雲殿講道帝尊之為師初

梁魏間僧統盛飾杖直僭擬官府至瓊奏

罷之每出從數頭陀杖笠而已于時海東

有十二國聞瓊道德不可見遣使奉金帛

求瓊畫像其為天下敬慕如此及卒法師

曇衍繼為僧統亦有重名衍初生下四十

齒已具舉世異之

壬午

後梁世宗歸改天保字仁遠晉第三子在位二十三年

齊武成湛改太寧神武第九子淫亂無度信用嬖寵傳

位太子在位四年又改河清

年壽三十二崩

齊後主緯字仁綱武帝長子昏亂暴虐殺于崔季等忠臣在位十三年改天統

癸未乙酉

梅檀瑞像至此三百六十七年在淮南是年衛元嵩上疏減僧初周武崇佛氏天

保六年嵩上十一條省寺減僧云僧多怠

惰貪財冒利不足欽尚召百僧入內道場七日伺過不得無何乃止嵩後感惡疾而

卒世尊曰獅子身中蟲嵩何不當之矣

成河改天康○周改天和用天和曆

丁廢帝伯宗改光太十九歲而卒在位二年

大教東被五百年矣

合宗三祖惠思禪師姓李氏武津人也少以寬慈頂生肉髻耳有重輪象視牛行與世自異夢梵僧勉令出俗辭親入道及稟

具戒日唯一食不受別施聞北齊惠文聚

徒眾法清淨乃往歸依從受正法性樂苦

節營僧為業於三七日中得宿命智而習

漏未盡後於定中放身倚壁未至間霍爾

開悟法華三昧大乘法門一念明達十六

持勝背捨徐入使自通徹不由他悟示眾

曰道源不遠性海非遙但向已求莫從他

覓覓亦不得得亦非真後在大蘇弊於烽

警山侶不遑安處將四十餘僧徑趣南岳

時陳光大二年六月二十三日也至即告

真

四

曰吾至此滿十年耳先是梁僧惠海居衡

嶽寺及見師欣然讓之時稱思大和上或

問何不下山教化眾生思答曰三世諸佛

被我一口吞盡有何眾生可化嘗不豫因

念曰病由業生業由心起心緣不起外境

何狀業病與身都如雲影作是觀已身遂
輕安陳高祖微至都安置栖玄寺甚蒙咨
揖久之辭還南岳師曰寄迹茲山止十年
耳期滿當移時衆不識其旨及還大集門
學連日說法苦勸呵責聞者寒心陳大建

九年丁酉六月二十二日咸聞異香師更
攝心諦坐至盡頂煖身軟顏色如生春秋
六十有四師奉菩薩三聚淨戒至如繒纈
皮革多由損生故其服章率皆以布寒則
艾衲用犯風霜至於所被法衣都無蚕服

縱皆受法不云得成若乞若得吞綿作衣
准律結科斬捨定矣約情貪附何由縱之
唯南嶽獨斷高遵聖檢也今之列其派者
華裾茜服恣尚鮮麗得無恧乎

丑巳

宣帝項改大建

字紹世小字師利昭烈王
興次子文之弟也身長八

尺三寸大有勇力善騎射生五十一子
年五十三歲崩宣福殿在位一十四年
實一
周武天和四年帝命名儒僧道伸述三教
利病沙門道安作二教論二十篇以儒道
九流爲外教釋氏爲內教意謂上古朴素
墳典之誥未弘淳風日澆丘索之文乃著

苞綸七典統括九流咸爲治國之謀並是
脩身之具若派而分之數應爲九若總而
合之則同屬儒宗今乃一化之內令九流
爭川大道之世使小成競辨豈不上傷皇
極莫大之風下開拘放鄙蕩之弊哉及闡
譯內典奏之于朝久而無報安勤於奉母
凡薪水飲食皆自力營進其徒有代之者
安曰吾母也豈可勞人哉及周武廢教以
安宿望欲官之安以死拒絕尋以大教埋
阨號慟而卒

周武天和四年謠言黑衣武以猜為心有道士張賓之等譎詐罔上私構其黨以黑釋為國忌以黃老為國祥帝納其言信道輕釋親受符錄躬服衣冠是年己丑三月十五日召三教名士文武百官二千餘人

帝御正殿量述三教以道最先出於無名之前超乎天地之表議者紛紜弗定至二十日依前集論是非更廣帝曰儒道二教此國常遵佛教後來朕意不立僉議陳理無由除削至四月初更依前集雖極言陳無得面從也又各理伸弗克定矣遂勅司隸大夫甄鸞詳審二教至于天和五年鸞詳二教上笑道論三卷其表略曰切以佛道二教事迹不同出沒隱顯變通亦異幽微妙密未易詳度且一件相對佛

其一

六

者以因緣為宗道者以自然為義自然者無為而成因緣者積行乃證春秋傳曰君所謂可而有否焉臣獻其可以去其否臣亦何人奉勅降問敢不實荅其道德二篇可為儒林之宗疑紕繆者去其兩端請量剛定按五千文曰上士聞道勤而行之中士聞道若存若亡下士聞道則大笑之大笑不名為道臣輒率下士見為笑道論三卷合三十六條三卷者笑其三洞之名三十六條者笑其道經有三十六部戰汗上

呈心蒐失守

出弘明集

周武至五月十日大集群臣詳鸞上論以為傷靈道法不愜本圖火焚而已論具如弘明集周大夫甄鸞者寔高識君子也弗知懼大敵而勇於小敵者焉王令詳定二

教優劣直以正見剖折無使偏意在懷而著此論褒貶臧否詩曰豈弟君子求福不回其此之謂夫傷哉大矣

又上道安所著二教論二十篇帝詳審諸以問朝宰無有抗者遂寢其事其論略曰

真

七

鍊心之術名三乘內教也救形之術名九流外教也道無別教即在儒流漢書藝文志曰儒家者流蓋出于司徒之官助人君順陰陽明教化者也游文於六經之中留意於五德之際祖述堯舜憲章文武宗師

仲尼其道最高也道家者流蓋出史官清虛以自守卑弱以自持此君人者面南之術合於堯之克讓易之謙謙是其所長也陰陽家者流蓋出於羲和之官敬順昊天曆象日月敬授民時此其所長也法家者

流蓋出理官信賞辟罰以輔禮制易曰先王以明罰勸政此其所長也名家者流蓋出於禮官古者名位不同禮亦數異孔子曰必也王名乎名不正則言不順言不順則事不成此其所長也墨家者流蓋出清

廟之官茅屋採椽是以貴儉養三老五更是以墨蕪愛選士大射是以上賢宗祀嚴父是以有鬼此其所長也縱橫家者流蓋出於行人之官孔子曰誦詩三百使於四方不能專對雖多亦奚以爲又使乎使乎

言其當權受制宜受命而不受詞此其所長也雜家者流蓋出於議官兼儒墨含名法知國體之有此見王制無不貫之此其所長也農家者流蓋出於農稷之官播五穀勸耕桑以足衣食故八政曰一曰食二

曰貨此其所長也若泐而別之則應有九若總而合之則同屬儒宗其論文之作內外該括文詞峭拔義理淳簡誠可敬也

齊改武平

周改建德

其二

周廢釋建德三年五月十七日周武終成

妬忌信張賓之議欲偏廢釋教因大集自

僚命沙門與道士辯優劣預令張賓之飾

詭辭以挫釋子冀即其義負而擠之于時

法師知炫對帝抗酌辭吐精壯帝意賓不

能制即逞天威垂難辭左右叱炫聽制旨

炫安詳應對陳義益高陪位大臣莫不動

容欽歎帝不能屈明日詔下遂蕪道教罷

之

齊改隆化

周兵陷并州上走鄴傳位太子桓

周伐齊至鄴齊王緯走獲之封為溫國公

幼主恒改承化與後主俱走青州周兵執之國亡

右高齊五主二十八年宇文周并之

周武承光二年滅北齊據鄴都用韋孝寬

楊堅等春東平高氏召前脩大德並赴殿

下帝登座序廢立義其略曰六經儒教禮

義忠孝於世有宜故湏存立且真佛無相

遙敬表心佛經廣歎崇建浮圖徒廢民財

凡是經像皆毀滅之一切僧尼並令還俗

朕意如此諸大德謂理何如于時沙門大

其二

統五百餘人咸以王威震赫決諫難從關

內已除義非孤立衆各默然下勅催荅並

相頽無色俛首垂淚于時有沙門惠遠者

姓王氏乃曇始和上之門資也聲名光價

乃自惟曰佛法之寄四衆是依豈以杜言

謂能通理遂排衆出對曰陛下統臨大域
得一居尊隨俗致詞憲章三教詔云真佛
無相誠如天旨但耳日生靈賴經聞佛藉
像表真今若廢之無以興敬帝曰虛空真
佛咸自知之何假經像遠曰漢明已前經
像未至此土含生何故不知虛空是佛帝
時無答遠曰若不藉經教自知有法者三
皇以前未有文字人應自知有五常等法
當時諸人何故但識其母不識其父同於
禽獸帝又無語遠曰若以形像無情事之
無福故湏廢者則國家七廟豈是有情而
妄相尊事帝又不荅乃曰佛經外國之法
此國不須國家七廟上代所立朕亦不以
爲是將同廢之遠曰若以外國之經非此
用者仲尼所說出自魯國秦晉之地亦應

廢而不行又以七廟爲非將亦廢者則是
不尊祖考祖考不尊則昭穆失序昭穆失
序則五經無用前存儒教其義安立若是
則三教同廢將何治國帝曰魯邦之與秦
晉封域乃殊莫非王者一化故不類佛經
七廟之難帝無以通遠曰若以秦魯同遵
一化經義通行者其震且之與天竺國界
雖殊莫不同在閭浮四海之內輪王一化
何不遵佛經而令獨廢帝又無荅遠曰退
僧還家崇孝養者孔經亦云立身行道以
顯父母即是孝行何必還家帝曰父母恩
重交資色養棄親向疎未成至孝遠曰若
如是者陛下左右皆有二親何不放之乃
使長假五年不見父母帝曰朕亦依番上
下得歸侍奉遠曰佛亦聽僧冬夏隨緣脩

道春秋歸家侍養故目連乞食餉母如來
檐棺臨葬此理大通未可獨廢帝又無荅
遠抗聲曰陛下今恃王力自在廢滅佛法
是邪見人阿鼻地獄不揀貴賤陛下何得
不怖帝悖然作色大怒直視於遠曰但令
百姓得樂朕亦不辭地獄諸苦遠曰陛下
以邪法化人現種苦業當共陛下同趣阿
鼻何處有樂可得帝屈無對所圖意盛更
無所荅但云僧等且還有司錄取論僧姓
字帝已行虐師知時不濟隱居楚澤青蓮
山養道造涅槃等疏有擲筆凌空之驗武
既怒佛道二宗俱被廢滅東川寺觀凡四
萬餘區並賜王公僧道三百萬人悉充軍
民財產並收入官帝以爲得志焉傷哉
法師靜藹者聞詔下慨然曰食周之粟而

真一
忌其事謂之忠乎即詣闕奉表求見武帝
許之及引對極陳毀教禍福報應之事指
證明白帝爲改容頌業已成既行之詔不
可返因謝遣之藹退而泣曰大教阨塞吾
何忍見之遂遁入終南山帝尋欲官之遣
衛士求藹藹聞徙入太一山衛士不獲而
返藹以法滅蹄泣七日夜聲不絕撰三寶
錄二十卷假設主賓抑揚飛伏廣羅文義
弘贊大乘并錄見聞事實藏諸岩洞庶後
代之再興耳尋告弟子曰吾生無補于世
將事捨身衆號泣不許因令侍者出山藹
瀝血書偈一篇遂坐盤石留一內衣自條
其肉布於石上引腸胃掛于松枝五臟皆
外見餘筋肉手足頭面均拆都盡以刀割
心捧之而卒侍者歸山猶見捧心而坐餘

骸並無遺血但見白乳傍流凝於石次聞者靡不流涕時年四十有五云

丁酉周武承光三年既克齊改元宣政帝癘疾稍作五月一日歸長安延壽殿癘甚二十四日遷雲陽官六月一日殂子贊立于同

州○唐吏部尚書唐臨冥報記云自言外祖為隋僕射封齊公親見文帝問死還活者初死見周武帝云為我上聞大隋天子昔日與我共食倉庫玉帛亦我儲之我今為滅佛法受大極苦願帝為我助作功德也帝以庫藏不敢私費乃化天下人各一錢為追福懺罪也

成周宣帝贊字乾伯武長子即位未及年禪位太子自稱天元皇帝驕佚淫酒政元大成又敗大衆年三十一崩葬定陵在位一年釋任道琳者以學業淹博得近周武議論

二十餘日酌酢七十番周武窮極精思不能屈嘗許以復教會其崩不果至是道琳伸請尤力帝從之

己未周宣帝二月二十六日詔曰佛法弘大前古共崇詎宜沉隱舍而不行自今應王公

下逮黎庶並宜脩事知朕意焉○四月二十六日復詔曰教義幽深神奇弘大雖以廣開化儀通其脩事而崇奉之徒勿須剪髮以乖大道宜視菩薩儀範權服冠纓所司條為儀注於是琳等妙選舊沙門懿行貞粹聲望卓異者百二十人入陟岵寺仍舊住持

子庚周靜帝衍宣之長子大象即宣位隋公楊堅脩政十二月封為隋國公罷入市稅錢復佛道二教大定元年遜位于隋居于別宮隋氏奉帝為介國公服飾禮樂一如周制上書不稱表答

五辛

不稱表恭不稱部隋開皇元年五月帝年十九而崩葬之恭陵在位一月○五月天元祖以天元皇后之

周改大定正月改元二右宇文周十五年共二隋高祖文帝名堅小字那羅延本弘農華陰人也

其先漢太尉楊震之後八世孫銳任燕北平太守元壽仕魏武川司馬惠燾太原太守烈平原太守定遠真隋國公忠生帝聖相周封隋王大定元年受周禪八年廢梁九子龍首山故長安也仁壽四年大子廣弒之壽六十四葬之太陵在位二十三年

改年開皇

癸亥 寅壬 上殂太子立○設無礙會舍身

後主炀寶改元至德字元秀小字黃奴宣色禍亂非常後與張麗華孔貴嬪逃入官井隋文帝廢為長城公至仁壽四年癸亥十一月壬子終于洛陽壽五十二歲在位六年

辰甲 午丙

隋初行甲子曆

後梁琮字溫文歸太子寬仁大度博學善射即位改元廣運

後陳琮時朝隋隋乃廢琮為官奔陳琮在位二年國公在位二年而梁池矣

未丁 改禎明

右陳五主三十三年而隋併之後梁三主三十

四年併之

隋文帝開皇十年

序曰天命有隋膺斯五運帝君榮祐宅此九州所以誕育之初神光洞發若臨已後

靈瑞競臻故使天珽龜文水浮五色地開泉醴山響萬年雲慶露甘珠明石變聾聞瞽視啞語蹇行禽獸見非常之祥草木呈難紀之瑞是知昔聞七寶匪局金輪今則神異四時徧知玉燭往以赤若之歲黃屋

馭宸土制水行興廢毀之佛日火乘木運
啓嘉號於開皇高祖以周靖帝大定二年
黃龍降於舊第鄉雲見於城闔二月十三
日周以帝祚歸禪在隋景命既臨服黃繡
皂廢周官依漢三省佛日還曜法水潛通

其一

十四

其冬有周沙門賈西域梵經式百餘部膺
斯而至下勅所司訪人翻譯開皇二年仲
春之月便就宣傳季夏詔以龍首之山川
原秀巖卉木滋阜宜建都邑凡城殿門縣
園寺皆以大興爲額三寶慈化自此而興
萬國仁風緣茲遠大伽藍蔚峙法宇交臨
開士肩聯信心踵接及仁壽啓號寶塔是
興百有餘州皆陳瑞應于斯時也四海靜
浪九州無塵大度僧尼將三十萬崇緝寺
宇向有五千翻譯道俗二十四人所出經

論垂五百卷及煬帝嗣錄卜宅東都仍於
洛濱上林園置翻經館四事供養無乏于
時今叙一朝兩代三十七年祖師碩儒高
僧法匠十有五人顯大隋我教之隆盛焉
辛亥法師曇延姿度瓌異身長九尺六寸垂手

過膝目光外射才望與惠遠相將述諸經
義疏議者謂標舉綱目遠不逮延文句愜
當延不逮遠齊太祖從之問道給月俸會
周使周弘正來聘大臣舉延接伴弘正特
才氣出人上見延悠然意消及還求延畫

其二

十五

像并所著疏論而歸帝益重之進位昭玄
上統周武廢教延遁入太行山及隋受禪
即日削髮以沙門謁見文帝大悅下書復
教久之歲早有旨命延率衆祈雨雨不降
帝問故對曰事由一二帝遣京尹蘇成問

一二之意延曰陛下躬萬機之政群臣致股肱之力雖通治體然俱愆玄化欲兩不兩事由一二也帝識其意勅有司擇日於正殿設儀命延授以八戒群臣以次受訖方炎威如焚而大雨沛然傾注帝悅自是延每入朝必親手奉御饌供之臨終以表辭帝託以外護帝哭之哀甚葬日百僚縞素送之內史薛道衡文祭略曰往逢道喪玄網落紐棲心幽岩確乎不拔高位厚祿不能回其慮嚴威峻法不足懼其心經行宴坐夷險莫二戒德威儀始終如一聖皇啓運像法再興卓爾緇衣鬱爲稱首屈宸極之重申師資之義三寶由之弘護二諦藉以宣揚信足以追蹤澄什超邁安遠矣

子釋尼智僊者河東蒲坂劉氏女也少出家

有戒行長通禪觀時言吉凶成敗事莫不奇驗居般若寺會文帝生於寺方季夏盛暑乳母遽扇之帝寒甚幾絕不能啼左右大驚尼就視之曰兒天佛所祐宜勿憂也即舉之呼曰那羅延因以爲小字抱詣太

祖語曰兒來處絕倫俗家穢雜不宜留請爲養之太祖遂割宅爲小門通寺以兒委僊視育後皇妣來抱忽見兒爲龍驚墮于地僊失聲曰奚爲觸損我兒令晚得天下及帝稍長僊密告之曰汝後大貴當自東

真一

六

方來佛法時滅賴汝而興及周武廢教僊隱其家內著法衣戒行彌篤至是帝果自山東來入爲天子大典釋氏僊前此而卒帝對群臣稱阿闍黎以爲口實又云朕興由佛法而好食麻豆前身定從道人中來

少時在寺長育至今樂聞鐘磬之聲

是年關輔旱帝引民就食洛州先是律師靈藏者帝爲布衣交至是命藏陪駕既而趣向藏者極盛帝聞之手勅曰弟子是俗人天子律師是道人天子有樂離俗者任

師度之藏由是度人前後數萬間有譖之者帝曰律師化人爲善弟子禁人爲惡言雖有異意則無殊

是年李士謙卒士謙字約少喪父事母以孝聞其族長伯瑒每歎曰此子吾家顏了

也善天文術數自以少孤未嘗飲酒食肉如此積三十年雅好舉止約以戒定有謂其脩陰德士謙笑曰夫陰德其猶耳鳴唯已知之人無得而知者今吾所作仁者皆知何陰德之有取善立言客有疑佛報應

真一

七

之說士謙喻之曰積善餘慶積惡餘殃豈非休咎之徵耶佛曰輪轉五道無復窮已而賈誼亦云千變萬化未始有極至若鯨爲黃能杜宇爲鷓鴣褒君爲龍牛哀爲虎君子爲鴻小人爲猿彭生爲豕如意爲犬

黃母爲黿宣武爲蟹鄧艾爲牛徐伯爲魚羊枯前身李氏子此皆佛家變異形報之驗客人曰邢子才云世有松栢化爲樗櫟僕以爲然士謙曰此不類之談也變化皆由心業豈關木乎又問三教優劣士謙曰

佛日也道月也儒五星也客不能難而去論曰北史史官蔣沈等記李君之事詳悉如此豈非心懷佛德盡已之誠不敢欺昧後之來者歟士謙以日月星方三教然乍觀似有優劣至若照明世界運

轉生靈則一德也是三者闕一則安立不成故易曰乾道變化各正性命賢哉李君吾見其深於性命之大原也

五癸

二祖惠可大師示寂於開皇十三年三月十六日也師虎牢人少博極群書尤精玄

理及覽佛經超然自得遂出家依龍門香山寶靜禪師得度具戒年甫四十忽一日定中神告曰將證聖果無滯於此須臾頓覺頭痛如刺欲行求治空中有聲曰此換骨耳非常痛也因以告師師視其頂有五

峯隆起乃曰神既助汝可行求道吾聞天竺達磨近至少林宜往依之師至少林授機授法語載達磨章中及少林歸寂師繼闡玄化嘗至北齊遇一居士不言姓氏且曰弟子身纏風恙請師懺罪師曰將罪來

與汝懺居士良久曰覓罪了不可得師曰與汝懺罪竟宜依佛法僧住曰今見師已知是僧未審何名佛法師曰是心是佛是心是法法佛無二僧寶亦然曰今日始知罪性不在內不在外不在中間其心亦然

佛法無二也師器之即為剃髮云是吾寶也宜名僧璨授具戒畢乃告之曰達磨大師來自天竺以正法眼藏密授於吾吾今付汝并達磨信衣汝當護持無令斷絕聽吾偈曰本來緣有地因地種花生本來無有種花亦不曾生汝受吾教宜處深山未可行化當有國難曰師既預知願聞示誨師曰昔達磨傳般若多羅識記云心中雖言外頭凶吾校年代正在汝身當審前言勿羅世難然吾亦有夙累今要償之師於

鄴都隨宜行化經三十四年乃晦迹混俗
或過屠門或入酒肆有怪而問之者荅曰
我自調心非關汝事最後於莞城縣匡救
寺三門下談無上道聽者雲集有辯和法
師者於寺中講涅槃經學徒聞師說稍稍

真一

十九

引去和不勝憤興謗于邑宰翟仲侃侃惑
其說加師以非法遂怡然委順年一百有
七識真者謂師償債葬磁州淦縣東北七
十里唐德宗諡大祖禪師

丁天台智者禪師示寂於開皇十七年十一

月二十四日師諱智顛字德安姓陳氏穎
川人有晉遷都寓居荊州華容縣梁散騎
蓋陽公起第二子母徐氏夢香烟五彩縈
回在懷欲拂去之聞人語曰宿世因緣寄
託王道福德自至何以去之誕育之夜室

內洞明信宿其光乃止憶先靈瑞呼爲王
道卧必合掌坐必面西年長時口不妄敢
見像便禮逢僧必敬七歲喜往伽藍諸僧
訝其情志口授普門品初啓一徧即得二
親過絕不許更誦志學之年仕梁承聖屬

元帝淪沒北度硤州依乎舅氏尋討名師
年十有八投湘州果願寺法緒出家授以
十戒仍北度詣惠曠律師北面橫經具蒙
指誨又詣光州大蘇山南嶽禪師受業心
觀乃於北山行法華三昧始住三夕誦至

藥王品心緣苦行至是真精進句解悟便
發見共思師處靈鷲山七寶淨土聽佛說
法思爲印可嘗令代講思躬執如意在座
觀聽語學徒曰此吾徒之義兒恨其定力
少耳於是師資改觀名聞遐邇學成往辭

思思曰汝於陳國有緣往必利益思既入南嶽大師詣金陵綿歷八周語默每思林澤乃夢岩崖萬重雲日半垂其側滄海無畔見一僧搖伸手臂挽師上山以夢通告門人咸曰此天台山也因挾道南征噫淪

真一

辛

斯岩陳少主降勅徵入前後七使師乃赴都迎入太極殿之東堂講智論及金陵敗覆策杖荆湘會大業在蕃任總淮海承風佩德欲遵戒法致書累請師初陳寡德次讓名僧後舉同學三辭不免開皇十一年

十一月二十三日於揚州設千僧會為王授戒未幾王入朝師旋台嶽躬率禪門行光明懺仍立誓曰若於三寶有益者當限此餘年若其徒生願從速化不久告眾曰吾當卒此地矣誠曰宜各默然吾將去矣

言已端坐如定而卒於天台大石像前春秋六十七矣弟子章安親傳戒法焉

辛酉 改仁壽

初文帝龍潛時遇梵僧以舍利一裹授之曰檀越他日為普天慈父此大覺遺靈故

留與供養僧既去求之不知所在帝登極後嘗與法師曇遷各置舍利於掌而數之或多或少竟不能定遷曰諸佛法身過於數量非世間所測帝始作七寶箱貯之至是海內大定帝憶其事是以岐州等三十

真一

壬

州各建塔焉

是年六月十三日詔曰仰惟正覺大慈大悲救護眾生津濟庶品朕歸依三寶重興聖教思與四海之內一切人民俱發菩提共脩福業使當今現在爰及來世永作善

因同登妙果宜請沙門三十人諳解法相
兼堪宣導者各將侍者二人散官一人薰
陸香一百二十片分送舍利往前三十州
建塔每州僧三百六十人爲朕及皇太子
后妃諸王內外官僚士庶懺悔及於相州
戰場立寺七日行道任人布施限十文而
止所施之錢以供營塔若少不充役正丁
及用庫物別外州郡僧尼普爲舍利設齋
限十月十五日午時同下石函總管刺史
下至縣尉自非軍機停務七日專檢校行
道務盡誠敬副朕意焉是日帝親以七寶
箱奉三十舍利自內而出置于御座之按
與諸沙門燒香禮拜願弟子常以正法護
持三寶救度一切衆生乃取金瓶瑠璃瓶
各三十以瑠璃瓶盛金瓶置舍利於其內

薰陸爲泥塗蓋而印之諸沙門各奉而行
初入州境總管刺史夾道步引四部大衆
威儀齋肅共以寶蓋幡幢華蓋像輦佛帳
徑輿香山香鉢種種音樂盡來供養圍繞
讚唄依阿含經舍利入拘尸那城法於是

沙門對四部大衆作是唱言至尊以菩薩
大慈無邊無際哀愍衆生切於骨髓故分
布舍利共天下同作善因又引經文種種
方便訶責之教導之深至懇惻涕零及宣
讀懺悔文至舍利將入函沙門高奉寶瓶

實

手三

巡示大衆人人拭目諦視共覩光明哀變
號泣聲響震地凡是安置之處悉亦如之
帝於十月十五日午時在大興宮之大殿
西面執珪而立延請佛像及沙門三百六
十人幡蓋香花讚唄音樂自大興善寺來

居殿堂帝燒香禮拜降御東廊親率文武百僚素食齋戒及舍利入塔訖帝曰爾佛法重興必有感應其後處處表奏皆如其言見著作王邵舍利感應記

丑癸三年文中子王通既冠慨然有濟世之志

西遊長安見帝坐大極殿召見因奏太平策十有二道尊王道推霸略稽古驗今恢恢乎運天下於掌上帝大悅曰得生幾晚天不以生賜朕也下其議於公卿公卿不悅時將有蕭牆之憂通知謀之不用也作

東征之歌而歸乃續詩書正禮樂脩九經贊易道九年而六經大就門人自遠而至者河南董常太山姬義京地杜如晦趙郡李靖南陽程元扶風竇威河東薛收中山賈瓊清河房玄齡鉅廉魏徵太原王珪溫

寅

五

彥博潁川陳琳達等咸稱師北面受王佐之道餘往來受業者千餘人大業中累徵不就十三年疾病聞江都有變泫然而興曰生民厭亂久矣天其或者將啓堯舜之運吾不與焉命也遂卒門人諡曰文中子嘗為中說以擬論語其周公篇曰詩書盛而秦世滅非孔子之罪也玄虛長而晉室亂非老莊之罪也齋戒脩而梁國亡非釋迦之罪也易不云乎苟非其人道不虛行或問佛文中曰聖人也曰其教何如曰西方之教也中國則泥又曰觀皇極讜議三教於是乎一矣通弟續亦著書號東臯子文中子講道于白牛之磯弟子捧書北面環堂成列講罷程生退省于松下語及周易薛收歎曰不及伏羲氏乎何辭之多也

俄而有負苓者皤皤然委擔而息曰吾子何歎也薛收曰叟何爲者而徵吾歎負苓者曰麗朱者赤附墨者黑蓋漸而得之也今吾子所服者道而猶歎是六腑五臟不能受也吾是以問收曰收聞之師易者道之蘊也伏羲畫卦而文王繫之不逮省文矣吾是以歎負苓者曰文王焉病伏羲氏病甚者也昔者伏羲氏之未畫卦也三才其不立乎四序其不行乎百物其不生乎萬象其不森乎何營營乎而費畫也自伏羲氏泄道之密漏神之幾分張太和磔裂先氣使天下之智者詭道逆出曰我善言象而識物情陰陽相磨遠近相取作爲剛柔同異之說以駭人志於是知者不知而大朴散矣則伏羲氏始屯亂者安得羸歎

五

五

而嗟文王負其苓而行追而問之居與姓名不荅文中子聞之曰隱者也

右室論曰宋司馬文正公曰文中子云佛聖人也審如文中子之言則佛之心可見矣第今言禪者好爲隱語以相迷

大言以相勝使學者悵悵然益入於迷妄因廣文子之意作解禪頌六首果如此言雖中國亦可行矣不然則吾所不知也其卒章曰言爲百世師行爲天下法爲賢爲大聖是名佛菩薩噫文正公

繼孔孟荀楊爲大賢者也庸有不知佛哉觀其頌則文正公平生所爲皆佛菩薩之心也特禪之一法雖吾門亦標表以爲教外別傳自非積三二十年息心絕慮則莫能究其旨謂之隱語大言似

是而實非也何則東臯子猶以伏羲畫卦泄道之密漏神之機分張太和磔裂元氣使知者不知大朴散矣矧不立文字之禪直指人心於語言形迹之表詎可常程義理而求其言說耶是不獨文

真

于五

正公文中子楊孟諸賢未暇留神吾徒傳教大法師輩固有不知而興謗者故先德云千人萬人中撈摭一箇半箇而已夫豈易信也哉

闍那崛多西天竺人也帝時至長安大興

善寺奉勅譯法華等經是年示滅

仁壽初詔曰皇帝敬問章洪山之南谷智舜禪師冬月極寒味道安隱勉勗蒼生成就聖業惟慈願力朕實嘉焉今遣開府盧元壽宣朕意起禪師赴闕舜以疾辭不赴

初舜從稠禪師出家習定或時覺有妄念即以錐刺股由是塵慮不入至不得已或出一言不過戒定慧而已如是十餘年稠竒之曰汝於人事殆無心哉而今而後可與言道矣後舜入贊皇山好事者奉米麵供之舜辭去一不受或問故舜曰山居橡栗足以禦饑何煩於人其簡易如此見啗肉者必慘容戒之曰六道殊形汝無不經一切有命皆女父母一切有生皆女曩形而食其肉者是食女父母女心安忍哉聞

者悛革也

詔賞罰度支並付太子廣上疾揚素使張衡入侍上暴崩太子即位

甲子計八十九萬

煬帝廣小字阿廢高祖次子纂立于仁壽

東發河南初登有政治民後幸洛陽營建淮泗龍舟鳳舸又至江都民不堪命而群

盜肆起四海土崩後爲
宇文弒之壽五十九年

冬煬帝有事于南郊詔僧道並同俗拜道
流莫敢言諸沙門例不奉詔帝詰之曰詔
條久頒卿等固不奉命何也時法師明瞻
者對曰陛下若使准制罷道則微軀敢不

其二

三六

奉命如知大法可崇則法服之下僧無敬
俗之禮帝曰何以致拜周武瞻曰周武任
威縱暴仁德不施不足爲有國者法陛下
聖政惟仁不枉非罪是以貧道得盡忠言
帝默然而罷有司以瞻抗對將抵以罪瞻

曰所坐者瞻也願不以非律加吾徒帝壯
其不撓而不問凡敬主之議由此而絕焉
寅丙是歲三祖僧璨大師示寂師或云徐州人
初以白衣謁二祖既授衣屬周武廢教往
來司空山積十餘年人無識者隋開皇十

二年有沙彌道信禮師曰願和尚大慈乞
與解脫法門師曰誰縛汝曰無人縛師曰
何更求解脫乎信於言下大悟服勞九載
授具戒已屢驗以玄鍵知其緣熟乃付衣
說偈曰花種雖因地從地種花生若無人

下種花地盡無生并付法衣曰吾既得汝
能事已畢即優游江國歷羅浮諸山復還
舊止士民樂其歸相率致供師爲四衆說
法已於法會大樹下儼立合掌而逝十月
十五日也唐玄宗謚曰鑑智禪師著信心

其三

三

銘一篇其辭曰至道無難唯嫌揀擇但莫
憎愛洞然明白毫釐有差天地懸隔欲得
現前莫存順逆違順相爭是爲心病不識
玄旨徒勞念靜圓同太虛無欠無餘良由
取捨所以不如莫逐有緣勿住空忍一種

平懷泯然自盡止動歸止止更彌動唯滯
兩邊寧知一種一種不通兩處失功遣有
沒有從空背空多言多慮轉不相應絕言
絕慮無處不通歸根得旨隨照失功須更
反照勝却前空前空轉變皆由妄見不用
求真唯湏息見二見不住慎莫追尋才有
是非紛然失心二由一有一亦莫守一心
不生萬法無咎無咎無法不生不心能隨
境滅境逐能沉境由能境能由境能欲知
兩段元是一空一空同兩齊含萬象不見
精蘊寧有偏黨大道體寬無易無難小見
狐疑轉急轉遲執之失度必入迷路放之
自然體無去住任性合道逍遙絕惱繫念
乖真昏沉不好不好勞神何用踈親欲取
一乘勿惡六塵六塵不惡還同正覺智者

無為愚人自縛法無異法妄有愛著將心
用心豈非大錯迷生寐亂悟無好惡一切
二邊良由斟酌夢幻虛花何勞把捉得失
是非一時放却眼若不寐諸夢自除心若
不異萬法一如如如體玄兀爾忘緣萬緣
齊觀後歸自然泯其所以不可方比止動
無動動止無止兩既不成一何有爾究竟
窮極不存軌則契心平等所作皆息狐疑
淨盡正信調直一切不留無可記憶虛明
自照不勞心力非思量處識智難測真如
真
天
法界無他無自要急相應唯言不二不二
皆同無不包容十方智者皆入此宗宗非
促延一念萬年無在不在十方目前極小
同大忘絕境界極大同小不見邊表有即
是無無即是有若不如是必不須守一即

一切一切即一但能如此何慮不畢信心不二不信心言語道斷非去來今

始始平令楊宏率道士名儒入智藏寺啓會義法筵命法師惠淨與道士余永通論義永通欲先立義淨曰道流入寺義有主賓

汝安得先於是淨問老子云有物混成先天地生吾不知其名字之曰道且道體一故混耶體異故混耶若體一故混則正混之時已自成一是則一非道生若體異故混且未混之時已自成二然則二非一起

矣永通茫然不知所對無言而罷煬帝窮^乙奢極侈乘龍舟錦帆浴沐而下入于揚州天下諸侯反叛稱帝王者各據一方凡五十二處太原唐公李淵起義兵而來救駕矣

庚

壬九

唐師至江都帝以手琢案曰渠有奇相渠得之矣十一月唐師入京遙尊為大上皇立代王侑為帝紹隋室也

恭帝侑煬之孫元德太子之子十三即位以唐公為相進封唐王次年五月禪位與唐封為酈國公武德二年薨壽十五在位二年

丁改義寧

上在江都淫虐日甚甲文化及因思歸之士夜入宮弑帝及宗室皆死

神僧法喜者貌寢陋年若四十許嶺表父老咸言見時見之談晉宋間事歷歷可聽又自言嘗從東林遠公游語默不常然皆為吉凶之兆煬帝幸維楊聞其有異召之

俄一日繞宮中徧索羊頭帝惡之以付廷尉手足銀鐺禁衛嚴甚喜日丐于市飲食自若有司以聞帝命按視封鑰如故及啓戶視之唯見袈裟覆黃金骨骨皆連鎖遽以白帝勅長安王怛覈實如狀詔以香泥

樹骨塑之是夕喜以泥像起行言笑如故
遂釋其禁未幾示疾命嘗所善者去其薦
置身簣上下以熾炭炙之數日半身紅爛
即死葬之香山寺側後數歲有自海南歸
者見喜無恙其人發冢視之唯空棺爾計

是時喜已三百餘歲矣及煬帝於江都遇
弑方悟喜索羊頭之驗云

石室論曰唐牧之云昔有相士稱文帝
當有天下後果篡奪得之周末楊氏爲
八柱國公侯相繼久矣一旦以男子偷

竊位稱不三十年老壯嬰兒皆不得其
死彼知相法當曰此爲楊氏禍乃可謂
善相者牧之之論誠爲驚絕然文帝削
平天下混一海宇君臨萬國者二十四
年初置禮樂法度多爲唐所遵用仁壽

真一

三十一

間天下戶至八百七十萬以唐彊宇之
廣歷五朝至天寶末纔九百餘萬戶隋
文開統而身及太平固一代之英主也
惜其末年任一楊素而弗獲其終嗚呼
豈唯隋文而已哉凡魏晉以來苻石姚

劉二蕭陳高宇文楊氏十三朝興亡因
果循環之驗皆毫末無差吾教所以誕
敷六合有大益於天下國家者其言因
果報應之事與天道大合有以助天爲
勸沮也故鴻經廣論深切著明必欲人
人自信因即如是果亦如之莫可遁也
儒雖曰其事好還然未伸勸沮之理此
所以牧之唯詆隋文而不遠推累朝積
習循環之弊獨唐家之興則異於彼故
其運祚靈長益足以爲天下之至鑑

佛祖歷代通載卷第十

音釋

冥

主

邕 於龍切 四方有水也 櫨 來都切 柱也 棋 居家梁恭二切
 脂 乾肉也 借 子念切 巋 小而衆也 啓 審諦也
 茜 此見切 沽 胡古切 山 加下切 大 鉦 仲尺
 也 蓋 闔 於神切 城 瑒 徒朗切 珪 一也 鷓 大戾仲
 吞化 鳩 刀于切 絃 古本切 櫟 木名 切 筥 古
 也 切 篲 侃 和樂貌 塗 入船中 硤 石縣名
 也 力 殺 闕 去月 舸 各可切 廢 莫婆切 琴 音
 鄣 許各切 也 追 胡館切 造 菁 側革切 尼 也 拜 音

佛祖歷代通載卷第十三

冥二

嘉興路大中祥符禪寺住持華亭念常集

唐

姓李氏王土

雷氏曰

神大高則中唐玄
肅代德順憲穆景

德都二京 文武宣懿 信昭哀濮亡

高祖神堯皇帝淵改武德 字叔德隴西成
紀人其先武昭

王李萬之後李欽弘農太守重耳金門鎮

將熙李天錫周八杜虎西魏賜姓大野氏

官至太尉與李弼等八人佐周有功皆為

柱國號八柱也虎卒周追其功封唐國公

公生炳襲封唐公高祖父也仕隋為安州

總管生高祖於長安黨氣充庭體有三乳

性寬仁厚又襲唐公隋恭帝進封唐王既

太宗世民知隋必亡謀舉大事祖從之秋

七月恭遜位於高祖即位於長安改國號唐

在位九年壽七十一崩葬獻陵內禪太宗

太宗佛心天子也創基定業廓清方維傳

世二十九年二百九十二年自開闢以來

有天下者俱未若唐甚盛也吾教盛衰常

與帝道相望由是內外護聖賢之多典章

之備亦無出此朝故於唐頗稱全書幸名

教君子與夫吾屬後

之來者有以稽考焉

七廟制 東西直排皆西陽明始祖居中

三昭居左三穆居右次序如是

帝受隋禪百官拜舞僧但山呼拱立一面
鄂國公尉遲敬德金吾衛將軍劉文靖奏
曰僧未登聖俱是凡夫何乃高揖王侯父
母反拜孰可忍也帝令定儒釋優劣編入
朝典議訖表聞不合拜上

不定租稅法

甲申七年二月丁巳高祖釋奠於國學召名儒

僧道論義道士劉進喜問沙門惠乘曰悉

達太子六年苦行求證道果是則道能生

佛佛由道成故經曰求無上道又曰體解

大道發無上心以此驗之道宜先佛乘曰

震旦之於天竺猶環海之比鱗洲老君與

佛先後三百餘年豈昭王時佛而求敬王

之道哉進喜曰太上帝道先天地生鬱勃

洞靈之中煒燁玉清之上是佛之師也乘

曰按七籍九流經國之典宗本周易五運相生二儀斯闢妙萬物之謂神一陰一陽之謂道寧云別有大道先天地生乎道既無名曷由生佛中庸曰率性之謂道車胤曰在己爲德及物爲道豈有頂戴金冠身

宜一

二

披黃褐鬚垂素髮手執玉璋居大羅之上獨稱大道何其謬哉進喜無對已而太學博士陸德明隨方立義偏析其要帝悅曰三人者皆勅敵也然德明一舉輒蔽之可謂賢矣遂各賜之帛

配太史令庾儉恥以術官薦傳奕自代奕在隋爲黃冠甚不得志既承革政得志朝廷及爲令有道士傅仁均者頗閑曆學奕舉爲太史丞遂與之附合上疏請除罷釋教事十有一條其略曰佛在西域言妖路遠

漢譯胡經恣其假託故使不忠不孝削髮而揖君親游手游食易服而逃租賦演其妖書述其邪法僞啓三途謬彰六道恐誅愚夫詐欺庸品凡百黎庶通識者稀不究根源信其矯妄仍追既往之罪虛擬將來

之福至有躬造惡逆觸法抵刑方乃獄中禮佛口誦梵言曉夕忘疲視免其罪且死生壽夭本於自然刑德威福關之人君而愚僧矯託皆言由佛竊人主權攘造化理其爲害政良可悲也書曰惟辟作福惟辟

宜三

三

作威惟辟王食臣無有作福作威王食害于而家凶于而國自五帝三王皆未有佛法君明臣忠年祚長久至漢明始立胡祠令西域乘門自傳其法西晉已前不許中國之人髡髮出家洎符石亂華乃珥厥禁

政虐祚短皆由佛教致灾梁武齊宣充足
為戒昔褒姒一女熒惑幽王致亡其國况
今僧尼十萬刻繒泥像以耗天下者乎陛
下以十萬之眾自相夫婦十年滋產十年
教訓自可足食足兵四海免蚕食之患百

姓知威福所自則妖妄之風息而淳朴之
化還也且古今忠諫鮮不逮禍近北齊章
仇子他獻言僧尼糜損國家塔寺虛費金
帛為諸僧尼附會宰相依託妃主陽諂陰
謗子他卒死都市及周武入齊首封其墓

臣雖不敏竊希其踪疏奏不報

成丙

九年太史令傅奕前後七上疏請除罷釋
氏詞皆激切帝春秋高而優柔無斷頗信
之以其疏付群臣雜議大臣皆言佛法興
自累朝弘善遏惡冥助國家理無廢棄獨

太僕卿張道源附奕稱其奏合理宰相蕭
瑀廷斥奕曰佛聖人也奕為此議非聖人
者無法請寘嚴行奕曰禮本於事親終於
事君此則忠孝之禮著臣子之道成佛逾
城出家逃背其父以匹夫抗天子以繼體

悖所親瑀非出於空桑而反尊無父之教

臣聞非孝者無親瑀之謂矣瑀曰地獄正

為此人設也

已上見舊唐史

帝復以奕疏頒示諸僧問出家於國何益
時法師法琳者姓陳氏潁川人祖因從宦

冥三

四

寓襄陽後住長安齊法寺作破邪論二卷
博引圖史及道教經籍大略申明佛教徹
萬法之源而孔老立言特域中之治未揚
遠塗非盡究竟之理凡出家者守志明道
弘善興福啓迪昏迷利國非淺法師明槩

作決對奕謗佛僧事八條法師惠乘作辨
正論十喻九箴破道士李仲卿十異九迷
之謬琳等奉表奏上并致啓秦王而門下
典儀李師政著內德論三篇開陳佛化之
益仍自序而進之其詞曰若夫十力調御

運法舟於苦海三乘汲引坦夷途於火宅
勸善進德之廣七經所不逮戒惡防患之
深九流莫之比但窮神知化其言宏大而
可驚去惑絕塵厥軌清逸而難蹈華夷仕
庶朝野文儒各附所安鮮味斯道自非研

精以考真妄沈思而察苦空無以立匪石
之信根去若亡之疑蓋遠則淨名妙德弘
道勝而服勤近則天親龍樹悟理真而敦
悅羅什道安之篤學究玄宗而益敬僧睿
惠遠之歸信迄皓首而彌堅邁士安之滯

宮三

五

書甚宣尼之說易千金未足驚其視八音
不能改其聽聞之博而樂愈深思之深而
信彌篤皆欲罷而不能則其非妄也必矣
我皇誕膺天命弘濟區宇覆等蒼旻載均
厚地掃氛浸清八表救塗炭寧兆民五教

惟敷九功惟叙總萬古之徽猷改百王之
餘弊網羅庶善崇三寶以津梁芟夷群惡
逆四部之穉莠遵付囑之遺旨弘紹隆之
要術功德崇高昊天罔喻但縉紳之士祖
述多途各師所學異論蠡起或謂三王無
佛而年永二石有僧而政虐損化由於奉
佛益國在於廢僧苟明偏見未申通理博
考興王足證浮偽何則亡秦者胡亥時無
佛而土崩興佛者漢明世有僧而國治周
除佛寺而天亢之祚未永隋弘釋故而開

皇之命無虐盛衰由布政治亂在庶官歸咎佛僧實非通論且佛唯弘善不長惡於臣民戒本防非何損治于家國若人人守善家家奉戒則刑罰何得而廣禍福無由而作騏驥雖駿不乘無以致遠藥石徒豐未餌焉能愈疾項籍喪師非范增之無策石氏興虐豈浮圖之不仁但爲違之而暴亂未有遵之而凶虐由此觀之亦足明矣復有謂正覺爲妖神比淨居於淫祀訾而謗之無所不至聖朝勸善立伽藍以崇福迷民興謗反功德以爲尤此深訕上非徒毀佛愚竊撫心而太息所以發憤而含毫者也忝賴皇恩預霑法雨功磋所惑積稔於茲信隨聞起疑因鮮滅昔嘗苟訾而不信今則篤信而無毀近推諸已廣以量人

寒三

六

凡百輕毀而弗欽皆爲討論之未究若今探曠索隱功齊於澄什必皆深信篤敬志均於名僧矣師政學匪鈞深識不臻妙少有所聞微去其惑謹課庸短著論三篇辯惑第一明邪正之通蔽通命第二辯殃慶之倚伏空有第三破斷常之執見覈之以群言考之以衆善上顯聖朝之淨福下析淫祀之虛非徒有斯意實乏其材屬詞鄙陋援證膚淺雖竭愚勤何宣聖德庶同病於未愈者聞淺壁而深悟也如藩籬之卉或蠲疾於腹心藜藿之食儻救餒於溝壑若金丹在目玉饌盈按顧瞻菲薄良足陋矣內德論辯惑篇第一其略曰有辯聰書生謂忠正君子曰蓋聞釋迦生於天竺脩多出自西胡名號無儔於周孔功德靡稱

於典謨寔遠夷所尊敬非中夏之師儒逮
攝摩騰之入漢及康僧會之游吳顯舍利
於南國起招提於東都自茲厥後乃尚浮
圖沙門盛洙泗之衆精舍類王侯之居既
營之于垝塏又資之以膏腴擢脩幢而曜

塞

七

日擬甲第而當衢王公大臣助之以金帛
農商富族施之以田廬其福利之焉在何
尊崇之有餘也未若銷像而絕鑄鑄貨泉
可以無費毀經以禁繕寫筆紙不爲之貴
廢僧以從編戶益黍稷之餘稅壞塔以補
不足廣賑恤之仁惠欲詰闕而効愚忠上
書而獻斯計竊謂可以益國而利民矣吾
子以爲何如乎忠正君子曰是何言之過
歟余昔篤志於儒林又措心于文苑頗同
吾子之言論良由聞法之遲晚賴指南以

去惑幸失途之未遠每省過而責躬則臨
食而忘飯子若博考而深計亦將悔迷而
知返矣竊聞有太史令傳君者又甚於曩
日之惑焉內自省於昔迷則十同其五矣
請辯傳君之感言以釋吾子之邪執傳謂

佛法本出於西胡不應奉之於中國余昔
同此惑焉今則悟其不然矣夫由余出自
西戎輔秦穆而開伯業日磾生於北狄侍
漢武而除危害臣既有之師亦宜爾何必
取其同俗而捨於異方乎師以道大爲尊
無論於彼此法以善高爲勝不計於遐邇
若夫尚仁爲美去欲稱高戒積惡之餘殃
勸爲善以邀福百家之所同七經無以易
但褊淺而未深至齷齪而不周廣其恕已
及物孰與佛之弘乎其觀未知本孰與佛

之遠乎其勸善懲惡孰與佛之廣乎其明
空析有孰與佛之深乎由此觀之其道妙
矣聖人之德何以加焉豈得生於異域而
賤其道出於遠方而棄其寶夫絕群之駿
非唯中邑之產曠世之珍不必諸華之物

真三

八

漢求西域之名馬魏收南海之明珠貢犀
象之牙角採翡翠之毛羽物生遠域尚於
此而爲珍道出遐方獨奈何而可棄若藥
物出於戎夷禁呪起於胡越苟可以蠲邪
而去疾豈以遠來而不用之哉夫滅三毒
以證無爲其蠲邪也大矣除八苦而致常
樂其去疾也深矣何得拘夷夏而計親疎
乎况百億日月之下三千世界之內則中
在於彼域不在此方矣傳記詩書所未言
以爲修多不足尚余昔同此惑焉今又悟

其不然矣夫天文曆象之祕與地理山川
之卓詭經脉孔穴之診候針藥符呪之方
術詩書有所不載周孔未之明言然考之
吉凶有時而徵矣察其行用而多効矣且
又周孔未言之物蠢蠢無窮詩書不載之

法茫茫何限信乎書不盡言言不盡意何
得拘六經之局教而背三乘之通旨哉夫
能事未興於上古聖人開務於後世故棟
宇易槽巢之居文字代結繩之制飲食茹
毛之饌則先用而未珍火化粒食之功雖

真三

九

後作而非弊彼用捨之先後非理教之通
蔽豈得以詩書早播而得隆修多晚至而
當替人有幼斃藜藿長飯梁肉少爲布衣
老遇侯服豈得以藜藿先獲謂勝梁肉之
味侯服晚遇不如布衣之貴乎萬物有遷

三寶常住寂然不動感而遂通化身示隱顯之迹法體絕興亡之數非初誕於王宮不長逝於雙樹何得論生滅于赴感計脩促于來去乎傅氏譽老子而毀釋迦讚道書而非佛教余昔同此惑焉今又悟其不

然矣夫釋老之爲體一而不二矣同蠲有欲之累俱顯無爲之宗老氏明而未融釋典言臻其極道若果是佛固同是而非佛若果非道亦可非而無是理非矛盾之異人懷向背之殊既同衆狙之喜怒又似

葉公之愛畏至如柱下道德之旨漆園內外之篇雅興而難加清高而可尚竊嘗讀之無間然矣豈以信奉釋典而苟訾之哉抑又論夫死生無窮之緣報應不朽之旨釋氏之所創明黃老未之言及不知今之

道書何因類於佛典論三世以勸戒出九流之軌躅若目覩而言之則同佛而等其照若耳聞而放之則師佛而導其說同照則同不當非相師則師不可毀譽道而非佛何謬之甚哉傳云佛是妖魅之氣寺爲

淫邪之祀此其未患之甚也妖唯作孽豈弘十善之化魅必憑邪寧與八正之道妖猶畏狗魅亦懼猫何以降帝釋之高心摧天魔之神力又如圖澄羅什之侶道安惠遠之儔高德高名非醉非狂豈容捨愛辭

其二

十

祭求魍魎之邪道勤身苦節事魍魎之妖神又自昔東漢至我大唐代而禁妖言處處而斷淫祀豈容捨其財力放其士民營魍魎之堂塔入魍魎之徒衆又有宰輔冠蓋人倫羽儀王導庾亮之徒戴逵許詢

之輩置情天人之際抗迹烟霞之表並稟
教而歸依皆厝心以崇信豈容尊妖奉魅
以自屈乎良由觀妙知真使之然耳又傳
氏之先毅字武仲高才碩學世號通人辯
顯宗之祥慶證金人之真感釋道東被毅

有功焉竊揆傳令之才識未可齊於武仲
也何為毀佛謗法與其先之反乎吳尚書
令闕澤對吳主孫權曰孔老二家比方佛
法優劣遠矣何以言之孔老設教法天以
制用不敢違天諸佛說法天奉而行不敢

違佛以此言之實非比對愚謂闕子斯論
知優劣之一隅矣凡百君子可不思其言
乎夫大士高僧觀於理也深矣明主賢臣
謀於國也思矣而歷代寶之以為大訓何
哉知其窮理盡性道莫之加故也傳氏觀

字三

士

不深於名僧思未精於前哲獨師心而背
法輕絕福而興咎何其為國謀而不忠乎
為身慮而不遠乎大覺窮神而知化深觀
過患而豫防惟百齡之易盡差五福而難
常命川流而電逝業地久而天長三塗極
迤而杳杳四流無際而茫茫憑法舟而利
濟籍信翮以翱翔宜轉欲而為福何罔念
而作狂也傳云趙時梁時皆有僧反况今
天下僧尼二十萬衆此又不思之言也若
以昔有反僧而廢今之法衆豈得以古有
叛臣而棄今之名士隣有逆兒而逐已之
順子昔有亂民而不養今之黎庶乎夫普
天之下出家之衆非雲集於一邑實星分
於九土攝之以州縣限之以關河無徵發
之威權有憲章之禁約縱令三五兇險一

二聞提既無緣於烏合亦何憂於蟻聚且
又沙門入道豈懷亡命之謀女子出家寧
求帶甲之有何乃混計僧尼之數當同梟
獍之黨架虛以亂真蔽善而稱惡君子有
三畏豈當如是乎夫青衿有罪非闢尼父

之失皂服爲非豈是釋尊之欲僧干朝憲
尼犯俗刑譬誦律而穿窬如讀禮而驕倨
但以人稟頑嚚之性而不遷於善非是經
開逆亂之源而令染於惡人不皆賢法實
惟善何因怒惡而反善咎人而棄法若夫
口談夷惠而身行桀蹠耳聽桀蹠而口廢
詩禮然則人有可誅之罪法無可廢之過
但應禁非以弘法不可以人而賤道竊篤
信于妙法不苟黨於沙門至於耘稊稗以
殖嘉苗肅奸回以清大教所深願矣所深

其
士
願矣傅云道人土梟皆是貪逆之惡種此
又不思之言也夫以捨俗修道故稱道人
學道離貪逆若云貪菩提道逆生死流則
傅子與言未及斯旨觀沙門之律行也行
人所不能行止人所不能止具諸釋典可

得而究蠱動之物猶不加害况爲梟獍之
事乎嫁娶之禮尚捨不爲况爲禽獸之心
乎何乃引離欲之上人四聚塵之下物援
有道之賢俊比無知之庶類毀大慈之善
衆媿不祥之惡鳥謂道人爲逆種以梵行
比獸心害善一何甚乎反正頓如此乎余
昔每引孝經之不毀傷以譏沙門之法去
鬚髮謂其反先王之道失忠孝之義今則
悟其不然矣若夫事君親而盡節雖煞身
而稱仁虧忠孝而偷存徒全膚而非義論

美見色而致命禮防臨難而苟免何得一
槩而訶毀傷雷同而碩膚髮割股納肝傷
則甚矣剔須落髮損乃微焉立忠不顧其
命論者莫知咎求道不愛其毛何獨以爲
過湯恤烝民尚焚軀以祈澤墨敦兼愛欲

其二

十三

磨足而至頂況夫上爲君父深求福利鬚
髮之毀何足碩哉夫聖人之教有殊途而
同歸君子之道或反經而合義則泰伯其
人也廢在家之就養託採藥而不歸棄中
國之服章依剪髮以爲飾反經悖禮莫甚

於斯然而仲尼稱之曰泰伯可謂至德矣
其故何也雖迹背君親而心忠於家國形
虧百越布德全乎三讓故泰伯棄衣冠之
制而無損於至德則沙門捨縉紳之容亦
何傷乎妙道雖易服改貌違臣子之常儀

而信道歸心願君親之多福苦其身意脩
出家之衆善遺其君父延歷劫之深慶其
爲忠孝不亦多乎浪謂沙門爲不忠未之
信矣傳又云西域胡人因涅槃而生是以便
事涅槃此又未思之言也夫崇立靈像漢

寫尊形所用多塗非獨涅槃或彫或鑄則
以鐵木金銅圖之繡之亦在丹青縑素復
謂西域士女遍從此物而生并且又中國
之廟以木爲主則謂制禮君子皆從木而
育邪親不可忘故爲之宗廟佛不可忘故
立其形像以表罔極之心用申如在之敬
欽聖仰德何失之有哉失以善爲過者故
亦以惡爲功矣傳又云帝王無佛則國治
年長有佛則政虐祚短此又未思之言也
則謂能仁設教皆闡淫雪之風菩薩立言

專弘桀紂之事以實論之殊不然矣夫殷喪大寶災興妲己之言周失諸侯禍由褒姒之笑三代之亡皆此悞也三乘之教豈斯尚乎佛之爲道慈悲喜捨齊物而等怨親與安樂而救危苦古之所以得其民者

真三

古

佛既弘之矣民之所以逃其上者經甚戒之矣羲軒舜禹之德在六度而苞籠昇泥癸辛之咎總十惡以防禁向使桀遵少欲之教紂順大慈之道伊呂無以用其謀湯武焉得行其計可使鳴條免去國之禍牧

野息倒戈之亂夏后從洛汭之歌楚子違乾溪之難然則釋氏之化爲益非小延福祚於無窮遏危亡於未兆傳謂有之爲損無之爲益是何言與是何言與佛何讐而誣之至此佛何負而疾之若讐乎傳又云

未有佛法之前前皆淳和世無篡逆此又未思之言也夫九黎亂德豈非無佛之年三苗逆命非當有法之後夏殷之季何有淳和春秋之時寧無篡逆寇賊奸宄作士命於臯陶殛祝孔蠟薄伐勞於吉甫而傳

謂佛與篡逆盜法佛猶戒之豈長篡逆之亂乎一言之競佛亦防之何敗淳和之道乎惟佛之爲教也勸臣以忠勸子以孝勸國以治勸家以和弘善示天堂之樂懲非顯地獄之苦不唯一字以爲褒豈止五刑

真一

五

而作戒乃謂傷和而長亂不亦誣謗之甚哉亦何傷於佛日乎但自淪於苦海矣輕而不避良可悲夫於是書生心伏而色愧避席而謝曰僕以習俗生常違道自佚忽於所未究翫其所先迷背正法而異論受

邪言以同失今聞佛智之立遂乃知釋教之忠質豁然神悟而理據足以蕩迷而祛疾雖從邪於昔歲請歸正於茲日謹誦來戒以爲口實矣

論曰昔司馬文正公譏元魏崔浩昧於

擇術若傳令者不善擇術尤可數也方天意大啓唐祚而太宗以大權聖人示現出世爲千載道德盛明之主豈易遇哉有文中子者身任百世師儒出河汾間凡太宗一時宰輔若凌煙閣上諸公皆

北面稱師受王佐之道當是時使傳令稍知向方預出王氏之門則其施設縱非公台之任亦不失爲名卿士大夫徒以十史占候下技位貌既卑無以自逞乃以夙昔私憾謗黷大教規竊聲譽

及太宗登位天下文明諸公雍容廟堂論道經邦制禮作樂雖堯舜之運亡以加也此時奕之學素荒而伎且索矣抱慚自廢于家其無聊而斃也可知矣妙哉李君內德論熟覽之蓋天下精識讜

論也其通命一篇以儒所謂命釋所謂業原始要終合而通之尤爲警絕惜辭多未能具載云

是歲夏四月太子建成秦王世民怨隙已成將興內難而又邊境屢擾軍國務殷傳

三

六

奕妄生毀佛乞行廢教之請復云云未決及法琳等諸僧著論辨之合李黃門內德論同進之于朝帝由是悟奕等譽道毀佛爲協私大臣不獲已遂蕪汰二教而施行焉五月辛巳詔曰

釋迦闡教清淨爲先遠塵離垢除去貪欲
所以弘宣勝業修植善根開導愚迷津梁
庶品是以敷演經教檢括學徒調馭身心
捨諸染着衣服飲食咸資四輩自大覺遷
謝道法流行末代陵遲漸以虧損乃有猥

殘之侶規自尊高游墮之民苟辟徭役妄
爲剝落託號出家嗜欲無厭營求不已致
有出入閭里周旋闐闐驅策畜產聚積貨
財耕織爲生沽販爲業事同編戶迹等齊
人進違戒律之文退無禮典之訓或有躬

行劫掠身自穿窬造作奸訛交通豪猾每
罹憲網自蹈重刑瀆玷真如虧損妙法譬
夫稂莠有穢嘉苗類若淤泥混乎清水又
伽藍之地本曰淨居栖心之所理尚幽清
近代以來多立寺舍不求間曠之地唯趨

誼雜之方繕綵崎嶇麤宇殊錯拓舛隱隱
誘納奸邪或有接延郵邸隣近屠沽塵埃
滿室腥羶盈路徒長輕薄之心有虧崇敬
之義且老氏垂化本實冲虛養志無爲違
情外物全真守一是謂玄門驅馳世務尤

乖宗旨朕應期御宇興隆教法志思利益
情在護持欲使玉石區分薰蕕有辨長存
妙道永固福田正本澄源宜從沙汰諸僧
尼道士女冠有精勤練行守戒律者並令
就大寺觀居止供給衣食不令乏短其不

能精進無行業弗堪供養者並令罷道各
還桑梓所司明爲條式務依教法違制之
坐悉宜停斷京城留寺三所觀二所其餘
天下諸州各留一所餘悉毀之六月四日
秦王以府兵平內難高祖以秦王爲皇太

真三

七

子付以軍國政事是月癸亥大赦天下停
前沙汰二教詔甲子高祖遜于位稱太上
皇太子即位于東宮是為太宗

次丁

太宗文皇帝世民改貞觀

高祖次子厥性仁賢輕財重義

隋末起義兵高祖謂之曰破家忘軀由汝
化家為國亦由汝為肇興唐室皆太宗

之功也武德九年太子建成齊王元吉
死八月受禪即位制禮作樂選賢任良
與公卿大臣論議政事吞蝗以整年穀
之凶其敏德如此用魏徵李靖房玄齡
杜如晦等諸賢為相尉遲敬德劉文靖
為將即位二十三年

帝對群臣太息曰今大亂之後其難治乎

魏徵對曰大亂之治譬饑人之易食帝曰

古不云乎善人為邦百年而後勝殘去殺
徵曰此不為聖哲之論聖哲之治其應如
響蓋不其難僕射封德彝曰不然三代之
澆詭日滋秦任法律漢雜霸道皆欲治而
不能非能治而不欲徵書生好虛論徒亂

五三

○放官女三千

國家不足聽徵曰五帝三王不易民而教
行帝道而帝行王道而王願所行何如耳
黃帝戰蚩尤七十而戰勝其亂因致無為
九黎害德顓頊征之既克而治桀為亂湯
放之紂無道武伐之湯武身及太平若人
漸澆詭不復撲今當為鬼為魅尚安得而
化之哉德彛不能對然後以為不可帝雅
以徵對為然他日帝嘗召傅奕賜之食而
謂曰佛道微妙聖迹可師且報應顯然屢
有徵驗汝獨不悟其理何也奕曰佛是西
方桀黠欺誅夷狄及流入中國尊尚其教
皆邪僻織人模寫莊老玄言飾其妖妄無
補於國家有害於百姓帝惡其言不荅自
是終身不齒

七月蝗害稼帝在苑中掇蝗而言曰民以穀爲命而汝害之是害吾民也百姓有過在予一人汝而有靈當食朕身無害吾民將吞之左右恐致疾遽求代帝曰所貴移灾朕躬何疾之避遂吞之由是終帝世蝗

冥三

九

不爲害冬十二月癸酉詔曰有隋失道九服沸騰朕親總元戎致茲明罰其有桀犬嬰此湯羅銜鬚義憤終乎握節各徇所奉咸有可嘉日往月來逝川斯遠切恐九泉之下尚淪鼎鑊八難之間永纏氷炭愀然疚懷無忘興寢所以樹立福田濟其營魄可於建義以來交兵之處爲義士凶徒殞身戎陣者各建寺刹招延勝侶望法鼓所振變灾火於青蓮清梵所聞易苦海於甘露所司量定處所并立寺名支配僧徒及

庚寅 ○禁答背法

見舊史

修院宇具於事條以聞稱朕矜哀之意仍命虞世南李伯樂褚遂良顏師古岑文本許敬宗朱子奢等爲碑銘以紀功業上

十月天下斷獄死罪二十有九人東南薄海西極于嶺北窮玄塞戶不夜閉旅不賚糧取給於路米斗三錢天下大治蠻夷君長衣冠帶刀宿衛帝喜謂群臣曰此魏徵勸朕仁義之効也惜不令封德彝見之因

追念初平天下時手誅千餘人不及享太平即以御服施諸寺命僧禮懺薦擢焉

卯壬 詔僧尼拜父母

己癸 ○縱死囚四百還家
七年三藏法師玄奘游天竺求法達于王

舍城奘生洛州緱氏陳氏隋季出家具戒博貫經籍每慨前代譯經多所訛畧志游西土訪求異本以叅訂焉以三年冬抗表辭帝制不許即私遁自涼州出玉關抵高昌高昌王麴文泰奉奘行資護送達于罽

塞一

干

賓從僧伽論師决俱舍因明大毗婆沙等論至大林國從婆羅門學中論及異道典籍時婆羅門七百餘歲至僕底國從伏光法師學對法宗顯理門等論至那伽羅國從月胄論師學衆事分毗婆沙至祿勒那

國從闍那屈多三藏學經部毗婆沙及薩婆多部辨真等論至麴闍國從毗邪犀那三藏學二毗婆沙王有勝兵十萬雄冠西域奘與胡商八十許人渡疏伽河彼俗以人祀天奘與諸商被執以奘風度特異將

戮以祭俄大風作塵沙漲天晝日晦暝彼衆震懼以奘爲聖人遂釋之至中天竺遇大乘居士爲奘開瑜伽師地即入王舍城彼預聞奘至具禮郊迎之安置那蘭陀寺寺七寶所成僧以萬數奘見上方戒賢論

師時春秋一百有六道德爲西土宗師號正法藏國主以十城租賦奉之奘啓以求法意賢咨嗟流涕曰吾頃疾病且死忽夢又殊大士謂吾曰汝未應厭世後三年震旦有大沙門從汝受道自爾已來今三稔

塞

主

矣於是慰喜交集有同宿契焉奘見王王給象車從者三十輩日供上饌饌有龍腦香乳蘇蜜及大人米米香聞百步然國產不多唯君長與后及主法上德與焉奘寓其國從正法藏窮探大乘秘奧日益智證

云

和九年十月法師玄琬卒于延興寺遺表陳
聖帝明王賞罰三寶不濫痛愍沙門犯法
不應與民同科乞付所屬以僧律治之并
上安養論三德論各一卷帝嘉納有詔傷

悼遣皇太子臨吊敕有司給葬具唐敕葬
沙門由琬而始

十一月詔曰三乘結轍濟度為先八正歸
依慈悲為主流智慧之海膏澤群生剪刀煩
惱之林津梁品物任真體道理叶至仁妙

果勝因事符積善朕欽若金輪恭膺寶命
至德之訓無遠不思大聖之規無幽不察
欲使人免蓋纏家臻仁壽比綠喪亂僧徒
減少華臺寶塔窺戶無人紺髮青蓮櫛風
沐雨眷言凋毀良用撫然其天下諸州有

寺之處宜度僧尼數以三千為限其州有
大小地有華夷當處所度多少有司詳定
務取德業精明其往因減省還俗及私度
白衣之徒若行業可稱通在取限必無人
可取亦任其闕數比聞多有僧徒溺於流

俗或假託鬼神妄傳妖怪或謬稱醫巫左
道求利或灼鑽膚體駭俗驚愚或造詣官
曹囑致賕賄凡此等類大虧聖教朕情在
護持必無寬貸自今宜令所司依附六律
申丙 叅以金科明為條制十年皇太子問張士

寅二

壬三

衡曰事佛營福其應如何對曰事佛在清
淨仁恕如貪憍驕虐雖傾財事之無損於
禍且善惡必報若影赴形聖人之言備矣
為君明為臣忠為子孝則福祚永反是則
禍至矣時太子有逆志故士衡因對以箴

之

丁帝幸洛京下詔曰老君垂範義在清虛釋迦貽則理存因果求其教也汲引之迹殊途論其宗也弘益之風各致然大道之興肇于遂古源出無名之始事高有形之外

況是國家先宗宜居釋氏之右自今已後齋供行位至於稱謂道士女冠可在僧尼之前庶敦返本之俗暢於九有貽於萬葉京邑沙門各陳極諫有司不納時有沙門智實者洛下賢僧也丰度雋穎內外兼明

携諸宿德隨駕表奏於關口其畧曰僧某等言年迫桑榆始逢太平之世貌同蒲柳方值聖明之君竊聞父有諍子君有諍臣實等雖在出家仍在臣子之列有犯無隱敢不陳之伏見詔書國家本繫出自柱下

宗祖之風形於前典須告天下無德而稱

今道士在僧尼之上奉以周旋豈敢拒詔

尋其老君垂範治國治家所佩服章初無改易不立觀宇不領門人處柱下以全真隱龍德而養性今道士等不遵其法所着

冠服並是黃中之徒實非老子之裔行三張之鬼術棄五千之玄言反同張陵謾行章醮從漢以來常以鬼道化於浮俗妄托老君之後即是左道之苗若在僧尼之上誠恐國家同流有損國化遂以道經及漢

魏諸史佛先道後之事具陳如左帝壯其志於教遣宰相岑文本諭旨遣之實固執不奉詔帝震怒杖實于朝堂民其服流之嶺表而卒年三十有八初實得罪有譏其不量進退者實曰吾固知已行之詔不可

易所以爭者欲後世知大唐有僧耳聞者
莫不歎惜

佛祖歷代通載卷第十三

音釋

髡古老切 眇明也 誅思聿切 洙時俱切
 塚塚兩切 犀先帝切 箭羊朱切 洎秦山
 入兒水相也 蠟之力切 穰音犀 箭穿木戶也 痃居又切
 櫛側悉切 梳異名 雋祖究切 穰成之禾也 痃病也

真三

平四

佛祖歷代通載卷第十三

真三

嘉興路大中祥符禪寺住持華亭念常集

咸十二年尚書虞世南卒帝手勅魏王泰曰

虞世南與我猶一體也拾遺補過無日暫

忘當代名臣人倫準的吾有小失必犯顏

真三

而諍之今其云亡石渠東觀之中無復人

矣痛惜豈可言耶未幾帝賦往代興亡詩

一篇輒歎惜曰鍾子期死伯牙不復鼓琴

朕此詩將何所示令褚遂良持詣世南靈

帳讀畢焚之冀其神識感悟焉明年夢世

南進讜言有如平生因下詔曰故禮部尚

書文懿公虞世南德行純備文為辭宗夙

夜盡心志存忠益奄從物化忽移時序昨

因夜夢倏覩斯人兼進讜言有若平生之

日追懷遺美良用悲悼宜資冥福申朕思

舊之情可即其家齋五百僧造佛像一軀

出舊唐史本紀

秋八月詔三學秀異於弘文殿論議道士

蔡子晃問法師惠淨曰法華稱序品第一

未審序第何分淨曰如來入定放光現瑞

儼遠開近為破二之鴻基啓一真之由致

此其序也第者為居一者為始故曰序品

第一是難曰第者弟也為弟則不宜稱一

言一則不應稱弟兩言矛盾何以會通淨

曰向不云第者為居一者為始先生不省

名義安能難人是忙亂曲為之詞淨乘勝

劉折遂蒙慚而退淨雅與房玄齡厚善尤

為太常褚亮所敬亮嘗謂人曰淨俯視安

遠碩茂生肇真當世獨步也及天竺三藏

波頗那羅譯大莊嚴論詔淨筆授并敕趙

郡王孝恭詹事杜正倫同監護

文已十三年方士秦世英譖法師惠琳著論訕

毀皇宗有旨捕琳琳知之變服自繫詣闕

請謹制旨曰據爾論有念觀世音者臨刑

不傷今詳罪犯當坐大辟賜假七日爾可

真三

勤念之貴臨刑自免琳奉制一無所念至

期詔問所念觀音感應如何對曰隋季失

德四海沸騰陛下廓清寰宇道洽生靈琳

自七日已來不念觀音唯念陛下帝訝其

言遣御史韋琮問琳所以念朕之狀對曰

觀音至聖垂形六道上天下地皆為師救

陛下御臨宸極萬國懽心文治至平靈鑒

無外聖與觀音齊等所以唯念陛下且琳

挺志蓋弘宣釋氏之法以助皇化翼民懼

報應畏刑罰而遠惡也琳何求而敢訕謗

哉陛下察琳忠於所事則所謂臨刑自免

若唯讒是信則琳伏尸無地琮奏其語有

旨免刑流于益州法師著辨正論八卷為

秦世英被誅矣講死于蜀百年闕未興

漢 ○定嫂叔甥舅服

華嚴法師法順卒順生杜氏亦稱杜順如

晦族長也長安萬年人以陳永定二年生

少為隋文帝所重給月俸供之有病者師

對之危坐少頃即愈或生而聾者順召之

與言耳即聰或生而啞者順就與之語即

真三

三

能言或狂而顛者順使人領住向之禪定

少選彼即拜謝而去又嘗臨溪隨侍者懼

不可濟順率同涉水即斷流其神迹類如

此而順憤然初不以介意尤邃華嚴宗旨

帝素敬重之嘗引入宮禁導迎善氣妃主

戚里諸貴奉之有如生佛集華嚴法界觀門弟子智儼尊者傳其教

傳奕感報於十四年秋卒暴而亡冥報記曰奕初與傅仁均薛蹟同司太史仁均先死蹟昔欠仁均錢五千未償後夢仁均索

討蹟問先所欠錢當付與誰仁均曰付與望人又問望人者誰曰傅奕也是夕馮長命少府亦夢同焉又多見先亡者問佛經之虛實彼曰實也曰傅奕毀法當受何報彼曰配越州望人長命入殿庭告蹟蹟亦

言如之時有唐臨在側蹟送錢與奕及告其夢不數日奕果暴亡或爲望犁中人也相國蕭瑀字時文梁明帝子也九歲封新安王國除入隋晉王妃實瑀姊官右千牛嘗疾不肯呼醫自信天命嘆曰吾更餘年

則從此遁矣及晉主踐祚姊爲后聞其言召責之以其不安小官後病損拜內史侍郎以直言事頗爲煬帝憎隋亂瑀出爲河池郡守唐高祖入關以書招之因挈郡歸封宋公委以樞要帝不名呼爲蕭郎瑀家

世貴胄自武帝以來皆奉佛清修瑀及其孫勉精嚴尤甚太宗即位屢入相既而房杜得君事任稍分瑀不能無少望嘗乞度爲僧帝許之瑀尋度不能而止事兩朝凡五入相位年七十四薨瑀性忠鯁雅薄福

其三

四

貴善屬文通儒柳顧董皆高其才唐史稱之曰梁蕭氏興江左實有功在民厥終無大惡以寢微而亡故餘祉及其後裔自瑀逮邁八葉宰相名德相望與唐盛衰世家之盛古未有也

丑字

十五年五月戊辰帝幸宏福寺召大德道懿等五人賜坐諭以剏寺為專一追崇穆太后言發涕零懿及左右皆哽咽遂巡自製疏施絹二百疋自稱皇帝菩薩戒弟子令回向羅頤謂道懿等曰頃以老子是朕

先宗故令名位在前卿等應恨恨也道懿曰陛下尊祖宗降成式懿等蒙荷國恩安閑學道詔旨初下咸皆懽悅詎敢有恨帝曰尊祖重親有生之大本故先老子以別親疎之序非不留心於佛也自有國以來

未嘗剏立道觀凡有功德並歸僧舍雖徃日操戈臨陣亦未始縱威濫殺今所在戰場皆立佛寺至於太原舊第亦以奉佛朕存心如此卿等想未諭也道懿等遽起趨謝帝曰少坐此是朕意不述則人不知天

寅三

時向熱寺宇未備今所施可別造經寮令眾僧寬展行道

五

寅壬

十六年三歲玄奘法師發王舍城入祇羅國國主郊迎之已而問曰而國有聖人出世作小秦王破陣樂試為我言其為人奘粗陳帝神武削平天下躬行堯舜之治其王大驚東向稽首曰我當朝覲與師偕行也奘因出所撰制惡見論似之王欽嘆曰此論一出可謂日光既昇螢火奪明矣即以青象名馬助奘馱經而還

卯癸

○圖功臣於凌烟閣

八月四日原州松昌鴻池谷忽有五石皆青質白文成字曰高皇海出多子李元王八十年太平天子李世民千年太子李治書燕山人士樂大國主尚汪譚獎文仁邁

千古大王五王六王七王十風毛才子七
佛八菩薩及上果佛田天子文武貞觀昌
大聖延四方上不治示孝仙戈八爲善原
州奏于朝宇初若不甚顯及群公擬定遂
粲然明著十一月辛卯有事于南郊詔遣
使以玉帛詣原州鴻池谷祭之曰嗣天子
諱祚繼鴻業君臨寓縣宿興旰食無忘於
政道德齊禮愧於前脩天有成命表瑞徵
符文字粲然曆數惟永旣旌高廟之業又
錫眇身之祚迨於皇太子治亦降貞符具
紀李氏于石言仰瞻霄漢空名大造甫惟
寡薄彌增寅懼敢因大禮重薦玉帛上謝
冥靈之貺以伸祗慄之誠

十九年正月丙子法師玄奘實經像歸于
京師留守房玄齡館于宏福寺以表聞帝

冥三

六

壬辰奘如東都二月己亥見于儀鸞殿帝
曰師去何不相報對曰當去時表三上以
誠願微淺不蒙諒許無任慕道之至乃輒
私行專擅之罪惟深愧懼帝曰師出家與
俗殊隔能委命求法惠利蒼生朕甚嘉焉
固不煩爲愧但念山川阻遠方俗異心恠
師能達也對曰奘聞乘疾風者造天地而
非遠馭龍舟者涉江海而不難自陛下握
乾符清四海德籠九域仁被八區淳風扇
炎景之南聖威震葱嶺之外所以戎夷君
長每見翔雲之鳥自東來者猶疑發於上
國歛衽而敬之况玄奘圓頂方袍親承化
育者耶既賴天威故得往還無難帝曰此
長者之言朕何敢當因廣問雪嶺以西印
度之境玉燭和氣物產風俗八王故迹七

佛遺蹤並博望之所不傳班馬無得而載者矣既親游其地記憶無遺隨問而對皆有條理帝大悅曰師所經一百餘國可盡掇其山川風俗撰大唐西域記以遺後來不亦美乎矣奉詔將罷帝謂侍臣曰昔符

其三

堅稱道安爲神器舉國遵敬朕觀法師詞吐溫雅風節貞峻非徒不愧古人實過之遠甚司徒長孫無忌曰誠如明詔道安雖高行博識然弘法之功固不如法師躬趨聖域討論衆妙究探宗極者矣時車駕將

問罪高麗聞法師之還期暫引見及對談論不覺日暮帝曰匆匆言不盡懷欲共法師東行省方觀俗指揮之暇別更談叙可乎對曰玄奘遠歸兼有病疾不堪陪駕帝曰師向能孤游絕域今此行如跬步耳尚

何辭對曰陛下東征六軍奉衛伐亂誅姦必有牧野之功昆陽之捷玄奘無所裨助虛負道路之費且兵刃交戰佛制沙門不得觀視惟陛下矜察帝嘉納而止奘因奏西域所獲梵本經論凡六百五十七部乞

就嵩山少林寺爲國宣譯帝曰朕頃爲穆太后初宏福寺極爲虛靜可就彼翻譯所須並與玄齡平章奘因進曰百姓無知見奘遠歸妄有窺看不徒妨廢法務兼慮不測之患願得監門官以防釁隙帝悅曰此

言可謂保身之計當爲處分及罷即別有旨差官監護

二十二年七月辛卯法師玄奘表上新譯菩薩藏經六門陀羅尼經顯揚聖教論大乘雜集論凡五部五十八卷請帝爲聖教序

降手勅曰省書具悉雅意法師夙標高行
早出塵表泛寶舟而登彼岸搜妙道而關
度門弘闡大猷蕩除衆罪朕學淺心拙在
物猶迷况佛道幽微豈能仰讚側請爲序
非已所聞共重表請曰伏奉墨敕猥垂獎

真三

八

諭祗奉綸言精守振越玄奘行業空疎謬
叅緇侶幸屬九瀛有截四海無虞憑皇靈
以遠征恃國威而訪道窮遐冒險雖勵思
誠纂異懷荒實資朝化所獲經論蒙遣翻
譯見成卷軸未有銓序伏惟陛下睿思雲

敷天華景爛理苞繫表調逸咸英跨千古
以飛聲掩百王而騰實切以神力無方非
神思不足銓其理聖教玄遠非聖藻何以
序其源故乃冒犯威嚴敢希題目宸睽冲
邈不蒙矜許撫躬累息相頌失圖共聞日

月麗天既分輝於戶牖江河紀地亦流潤
於巖崖雲和廣樂不秘響於龔曠金玉奇
珍豈艷彩於愚瞽敢緣此理重有千祈伏
乞雷雨曲垂天文俯照配兩儀而同久與
二曜而俱縣然則鷲嶺微言假神筆而弘

遠鷄園奧典託英詞而宣揚豈止區區梵
衆獨荷恩榮蠢蠢迷生方超塵累而已制
許之

未丁 ○作翠微宮於終南山

是歲帝得秘識云唐三世而後女主武王

真三

九

代有天下遂密召太史令李淳風訪其事
對曰臣據術推之其兆已成今在陛下宮
中矣逾三十年當有天下誅唐子孫殆盡
帝曰疑似者殺之何如對曰天命不可易
且真王者不死徒使疑似之戮淫及無辜

今既在宮已是陛下眷屬更三十年又當衰老老則心慈雖受終易姓於陛下子孫或不甚損今若戮之即當復生少壯嚴毒况又立誓則陛下子孫必無遺類帝善其言而止

申戊

二十二年六月帝在玉華宮召法師玄奘至乃曰朕在京苦暑故就此宮泉石既涼氣力稍佳然憶法師故茲相屈涉塗當大勞也奘謝曰四海黎庶依陛下而生聖躬不安則率土煌灼伏聞鑿輿至此御膳順宜凡預含靈孰不舞蹈願陛下永保崇高與天地無極玄奘庸薄猥蒙齒召銜荷而來不覺爲勞帝以法師德業冲博儀表絕倫欲令罷道共康庶政因曰昔三五帝王靡不以六合務廣萬機事殷不能遍理故

周憑十亂舜託五臣翼亮朝猷弼諧邦國彼盛明之后且爾况朕寡昧而不寄衆哲哉意欲法師脫緇服掛纁衣升鉉路以陳謀坐槐庭而論道師意何如對曰玄奘微生伏奉明詔稱三五之君不能獨治寄諸

賢哲共而成之此陛下盛德含光謙讓之詞在理則不爾也何哉使臣能至治桀紂桓靈之君豈無臣耶以此而言不必由也伏惟陛下聖哲之治一人紀綱萬事咸得其緒况撫運已來天地休平中外寧晏皆

其三

十

陛下不荒不矜不麗不侈兢兢業業雖休勿休居安思危爲善承天之所致也餘何預焉請粗陳其梗槩陛下經緯八紘驅駕豪傑戡定禍亂崇闡雍熙聰明文思之德體元合極之姿皆天之所授無假於人一

也敦本棄末崇儒尚德移澆風於季俗反
淳政於上古賦尊薄制刑用輕典九州四
海稟識懷生俱沐恩波咸遂安逸此又聖
心自化無假於人二也至道旁通深仁遠
洽東逾日域西邁崑丘南盡炎州北窮玄
塞彫題鼻飲之俗卉服左衽之人靡不候
風瞻雨稽顙屈膝獻琛貢寶充委夷邸此
又天威所感無假於人三也獫狁爲患其
來自乂五帝所不止三王莫能制遂使渭
河爲被髮之野鄠鄠爲鳴鏑之場中國陵

遲匈奴得逞殷周以來不能攘弭至漢武
窮兵衛霍盡力雖收枝葉根本猶存自是
而後無聞良策陛下御圖一征斯珍傾巢
倒穴無復子遺瀚海燕然之域盡入提封
單于弓騎之人俱充臣妾若言由人則虞

其三

十一

舜已來賢輔多矣何因不獲故知有道斯
得無假於人四也高麗小蕃失禮上國煬
帝總天下之師三自征伐攻城無傷半堞
掠卒不獲一人虛喪六軍狼狽而返陛下
暫行提數萬騎摧駐蹕之強陣破遼蓋之
堅城振旅凱旋俘馘三十餘萬用兵御將
其道不殊隋以之亡唐以之得故知由主
無假於人五也天地交泰日月光華和氣
氤氳慶雲紛郁五靈見質一角呈奇白狼
白狐朱鴈朱草昭章雜沓無量億千不可
徧舉皆應德而至無假於人六也明詔乃
欲比喻前王寄切十亂切爲陛下不取總
復須才今亦伊呂多矣玄奘庸陋何足以
預之至於守戒緇門闡揚遺法此其誠願
伏乞天慈終而不奪帝大悅曰師所陳並

上玄垂祐及宗廟之靈卿士之力朕安能
自致哉師既欲敷揚妙道亦不固違高志
中書令褚遂良曰今四海廓清九域寧晏
皆陛下聖德實如法師之言帝笑曰不如
此玠裘豈一狐之腋大厦必衆材共成何

有君能獨濟法師欲自全雅操故濫相光
飾耳因問比譯何經對曰瑜伽師地論帝
曰明何等此對曰此彌勒大士所造明十
七地義曰何謂十七地奘曰六識相應地
有尋有伺地無尋唯伺地無尋無伺地三
摩四多地有心地無心地聞所成地思所
成地修所成地聲聞地獨覺地菩薩地有
餘依地無餘依地是爲十七及標舉綱目
陳列大義帝深愛焉遣使取論入宮凡一
百卷帝自詳覽觀其詞義宏奧非向所聞

謂侍臣曰朕觀法師新譯經論猶瞻天瞰
海莫極高深頃既軍國務殷未暇委尋今
而後知宗源杳曠碩儒道九流猶汀滢之
方溟渤耳因敕有司揀秘書手寫新譯經
論各九部令宣賜九道總管展轉流布冀

率土之內同稟未聞之法

司徒長孫無忌中書令褚遂良奏曰佛教
冲玄天人莫測言本則甚深語門則難入
伏惟陛下至道照明輝光昱日澤露邀界
化溢中區擁護五乘建立三寶致法師當
叔葉而秀質間千載而挺生陟重險以求
經履危塗而訪道見玠異俗具獲真文歸
國翻宣若庵摩之始說精文與義猶金口
之新開皆陛下聖德所感臣等愚瞽預此
見聞苦海波瀾舟航有寄况天慈廣遠使

其三

三

布之九州蠢蠢黔黎俱飡妙法臣等偉劫
忻逢不勝慶幸

六月帝撰大唐三藏聖教序成御慶福殿
百官倍位宣法師玄奘升殿賜座勅弘文
館學士上官儀以序對羣臣宣讀霞煥錦

卷

十三

舒極褒揚之美其辭曰蓋聞二儀有像顯
覆載以含生四時無形潛寒暑以化物是
以窺天鑑地庸愚皆識其端明陰洞陽賢
哲罕窮其數然而天地包乎陰陽而易識
者以其有象也陰陽處乎天地而難窮者

以其無形也故知像顯可徵雖愚不惑形
潛莫覩在智猶迷况乎佛道冲虛乘幽控
寂宏濟萬品典御十方舉威靈而無上抑
神力而無下大則彌於宇宙細則攝於毫
釐無滅無生歷萬劫而不古若隱若顯運

百福而長今妙道凝玄遵之莫知其際法
流湛寂揖之莫測其原固知蠢蠢凡愚區
區庸鄙投其旨趣能無疑惑者哉然則大
教之興基於西土騰漢庭而皎夢照東域
而流慈昔者分形分迹之時言未馳而成

化當常現常之世民仰德而知遵及乎晦
迹歸真遷儀越世金容掩色不鏡三千之
光麗像開圖空端四八之相於是微言廣
被拯含類於三塗遺訓遐宣導羣生於十
地然而真教難仰莫能一其旨歸曲學易

遵邪正於馬紛糾所以空有之論或習俗
而是非大小之乘乍沿時而隆替有玄奘
法師者法門之領袖也幼懷貞敏早悟三
空之心長契神情先包四忍之行松風水
月未足比其清華仙露明珠詎能方其朗

潤故以智通無累神測未形超六塵而迥
出曩千古而無對疑心內境悲正法以陵
遲棲慮玄門慨深文之訛闕思欲分條析
理廣彼前聞截偽續真開茲後學是以翹
心淨土徃游西域乘危遠邁仗策孤征積

其三

十四

雪晨飛塗開地驚沙夕起空外迷天萬
里山川撥煙霞而進影百重寒暑躡霜露
而前蹤誠重勞輕求深願達周游西宇十
有七年窮歷異邦詢求正教雙林八水味
道飡風鹿苑鷲峯瞻奇仰異承至言於先

聖受真教於上賢探曠妙門精窮奧義一
乘五律之道馳驟於心田八藏三篋之文
波騰於口海爰自所歷之國總將三藏要
文凡六百五十七部譯布中夏宣揚勝業
引慈雲於西極注法雨於東垂聖教闢而

復全蒼生罪而還福濕火宅之乾焰共拔
迷途朗愛水之昏波同臻彼岸是知惡因
業墜善以緣升升墜之端唯人所託譬夫
桂生高嶺雲露方得泫其華蓮出綠波飛
塵不能汚其葉非蓮性自潔而桂質本貞

良由所附者高則微物不能累所憑者淨
則濁類不能沾夫以卉木無知猶資善而
成善况乎人倫有識不緣慶而求慶方冀
茲經流施將日月而無窮斯福遐敷與乾
坤而永大於是御筆親書綴于新經之首

其二

十五

法師奉表謝曰六爻探曠局於生滅之場
百物正名未涉真如之境遠惟義冊觀奧
不測其神遊想軒圖歷選普歸其美恭惟
陛下玉毫降質金輪御天廓先王之九州
掩百千之日月廣歷代之區域納恒沙之

法界遂使給孤精舍盡入提封貝葉靈文咸歸用府玄英往因振錫聊謁岷山經途萬里恃天威如咫尺步匪乘千葉詣雙樹如食頃搜揚三藏盡龍宮之所儲研究一乘窮鷲嶺之遺旨並已載於白馬還獻紫宸

尋蒙下詔勅使翻譯玄英識垂龍樹謬忝傳燈之榮才異馬鳴深愧馮瓶之敏所譯經論紕舛尤多遂荷天威留神製序文超象繫之表理括衆妙之門忽以微生親聞梵響踊躍歡喜如聞授記無任感荷之極

手勅荅曰朕才謝珪璋言慚博達至於內典尤所未聞昨製序文深慚鄙拙穢翰墨於金簡標瓦礫於珠林忽得表書謬承褒讚循躬省慮彌益厚顏善不足稱虛勞致謝

時皇太子親聖序遂撰述聖記法師進啓奉謝帝復覽新譯菩薩藏經愛其辭旨微妙因詔皇太子撰菩薩藏經後序其辭曰蓋聞義皇至曠精粹止於龜文軒后幽通雅奧窮於鳥篆考丹書而索隱殊昧實際

之源徵錄錯以研幾蓋非常樂之道猶且事光圖史振薰風於八埏德洽生靈激堯波於萬代伏惟陛下轉輪垂拱而化漸鷄園勝殿旋旒而神交鷲嶺總調御於徽號匪文思之所窺極般若於綸言豈象繫之

其二

十六

所擬由是教覃溟表咸傳八解之音訓泐寰中皆踐四禪之軌遂使三千世界盡懷生而可封百億須彌入提封而作鎮尼蓮德水邇帝里之滄池舍衛庵園接上林之茂苑雖復法性空寂隨感必通真乘深妙

無幽不闡所以大權御極導法流而靡窮
能仁撫運拂劫石而無盡體均相具不可
思議校美前王馬可同年而語矣爰自開
闡地限流沙震旦未融靈文尚隱漢皇精
感託夢想於玄宵晉后翹誠降脩多於白

馬有同蠡酌豈達四海之涯取譬管窺寧
窮七曜之奧洎乎皇靈避暢威加鐵圍之
表至聖發明德被金剛之際恒沙國土普
襲衣冠開解脫門踐真實路龍宮梵說之
偈畢萃清臺貌吼貝葉之文咸歸冊府灑

茲甘露普潤芽莖乘此惠雲徧霑翺走豈
非皈依之勝業聖政之靈感者乎菩薩藏
經者大覺義宗之要旨也佛修此道已證
無生菩薩受持咸登不退六波羅密關鍵
所資四無量心根力斯備蓋彼岸之津涉

其三
正覺之梯航者馬貞觀年中身毒歸化越
熱坡而頒朔跨懸渡而輸琛文軌既同道
路無壅法師玄奘振錫尋真出自玉關長
驅柰苑於天竺力士生處訪獲此經歸而
奏上降旨翻譯於是畢功余以問安之暇

澄心妙法之寶奉述天旨微表讚揚式命
有司綴于卷末帝自是情信日篤平章法
義不輟於口與法師相得之深無時暫閒
凡衣服卧具頻詔換易如家人焉

八月丙申賜奘百金磨衲并寶剃刀奘奉

表謝略曰忍辱之服彩合流霞智慧之刀
銛逾切玉謹當衣以降煩惱之魔佩以斷
塵勞之網帝自伐遼而還氣力不逮平昔
有憂生之慮既遇法師留神大教稍遂平
復因問欲植法門之益何所宜先奘對曰

衆生寢惑非慧莫啓慧芽抽植法爲之資
弘法須人即度僧爲最帝悅

九月乙卯詔曰隋季失御天下分崩四海
塗炭八埏鼎沸朕屬當戡亂親履兵鋒亟
犯風霜宿于馬上項加藥餌猶未痊除比

日以來方遂平復豈非福善之致耶京城

及天下諸州寺各度僧五人時天下寺三
千七百餘所

度僧九一萬
七千餘人

十月車駕還京師勅有司於北闕紫微殿
西南勅弘法院留樊居禁中晝則陪御談

論夜分就院譯經

十二月皇太子爲文德皇后勅大慈恩寺
成詔選京城宿望五十大德各度侍者六
人入居新寺是月丙辰太子備寶車五十
乘迎諸大德并綵亭寶刹數百具奉安新

卷三

六

獲梵夾諸經及瑞像舍利等勅太常九部
樂及長安萬年音樂京城諸寺花幡導引
入寺帝御安福門樓執爐致敬經像過盡
始罷皇情大悅

百已 二十三年四月帝幸翠微宮法師玄奘陪

駕每談叙淵奧帝必攘袂曰與法師相值
恨晚耳未盡弘法之意夏五月不豫詔太
尉長孫無忌中書令褚遂良入卧内囑曰
公等忠烈著在朕心昔漢武託霍光劉備
囑諸葛亮朕之後事一以委卿太子仁孝

必須盡誠輔導永保社稷無忌等叩頭流
涕帝復執太子手曰無忌遂良在國家事
汝無憂矣是年崩于含風殿年五十有三
唐史贊曰甚矣至治之君不世出也禹有
天下傳十有六王而少康有中興之業湯

有天下傳二十八王而其甚盛者號稱三
宗武王有天下傳三十六王而成康之治
與宣之功其餘無所稱焉雖詩書所載有
時闕略然三代千有七百餘年傳七十餘
君其卓然著見於後世者此六七君而已

卷三

十九

嗚呼可謂難得也唐有天下傳世二十其
可稱者三君玄宗憲宗皆不克其終盛哉
太宗之烈也其除隋之亂比迹湯武致治
之美庶幾成康自古功德兼隆由漢以來
未之有也至其牽於多愛復立浮圖好大
喜功勤兵於遠此中材庸主之所常爲然
春秋之法常責備於賢者是以後世君子
之欲成人之美者莫不歎息於斯焉

論曰君子謂立言之難其實非難特爲
好惡所欺耳如歐陽文忠公作太宗本

紀贊雖筆高語奇傑出諸又至貶太宗
復立浮圖好大喜功勤兵於遠類中材
庸主所爲而不取予謂文忠責備之深
而爲好惡所欺也方貞觀之世天下昆
蟲草木咸被其澤至於日月霜露所至

之國皆款關而脩職貢獨高麗莫離支
叛道阻命太宗身任千載道德英雄之
主其肯坐視之留爲子孫憂而不少假
經略乎蓋其威德之盛其勢之必然非
好大喜功之謂也昔黃帝平蚩尤七十
戰而勝其亂高宗伐鬼方三年而後克
太宗舉偏師而陰山平臨駐蹕而高麗
服然黃帝高宗經孔子而未嘗少貶文
忠特以爲太宗之疵庸詎非責備之過
與以太宗盛德大業如此猶曲貶之將

恐後之君子懷免貶之難而無意於功名也文忠徒欲高尚其事而不知此亦自蹈好大之失矣至於復立浮圖乃所以和順道德而齊天地鬼神之心以開濟天下後世之人為無窮之益也文忠

塞

下

以為不當則是太宗暗於取捨矣使太宗果暗於此則當時房杜王魏之流亦因循尸祿而暗於取捨者耶或曰文忠慕韓愈為人故不得不爾嗚呼文忠何忍哉慕人毀佛而兼棄太宗之道德是不為好惡所欺耶孔子立名教者也老氏則非毀之及孔子刪禮則曰吾聞諸老聃云然孔子亦以人而廢言乎亦若世情之好惡耶况真佛也者即聖凡本有之體毀之乃所以自毀之也詎傷於

真佛哉嘗聞文忠一夕夢為勇士數輩攝至太宗之庭太宗怒而責曰吾文武勳烈如此不能逃子之貶何也文忠震懼而寤後欲追改之而業已進書頒行矣遂不克改嘗慨然曰平懷最難此殆

非偶然而云耳

塞三

下

佛祖歷代通載卷第十一

音釋

蹕 止北行也 戇 責也 詰戰切
 瞰 苦視也 與春同切
 翺 小飛也 許絳切
 銷 失聲也 丁狄切

佛祖歷代通載卷第十四

真四

嘉興路大中祥符禪寺住持華亭念常集

唐

高宗治改永徽

字為善小名雉奴太宗第九子年五十六崩葬乾陵

在位三十四年一云三十六年或云三十年

○復以周公為光聖孔子為先師

真四

世尊示滅一千六百年矣

四祖道信大師示寂師姓司馬世居河內後徙蘄州生而超異幼慕空宗諸解脫門宛如夙習既紹祖位攝心無寐脇不至席者僅六十年隋大業末領眾至吉州值羣

盜圍城七旬不解萬眾惶怖師憫之教誦摩訶般若既而賊眾望雉堞間若有神兵乃相謂曰城中必有異人遂即引去武德中始居破頭山學徒奔湊嘗一日於黃梅道中逢一小兒骨相秀異師曰汝何姓荅

曰姓即有不是常姓師曰是何姓荅曰是佛性師曰汝無性耶荅曰性即空故師默識其為法器令侍者詣其母求之出家母以夙緣故了無難色以至傳衣付法偈曰華種有生性曰地華生生大緣與信合當生生不生遂以學徒委之一日告眾曰吾嘗游廬山登絕頂望破頭山見紫雲如蓋下有白氣橫分六道汝等會否眾皆默然忍大師曰莫是和上他後橫出一枝佛法否師曰善貞觀末太宗嚮師道味欲瞻風彩詔赴京師師上表遜謝前後三返竟以疾辭第四度命使者曰如果不起即取首來使至山諭旨師乃引頸就刃神色怡然使異之回以狀聞帝彌加歎慕就賜珍繒以遂其志及是忽垂誠門人曰一切諸法

悉皆解脫汝等各自護念流化未來言訖
安坐而逝壽七十有二塔于本山明年四
月八日塔戶無故自開儀相如生爾後門
人不敢復閉代宗諡大賢禪師云

壬 鳳塔成太宗二十二年上在春宮日天陰

冥四

二

掌疼問及左右對曰應是太子洞玄下針
處于是思報昊天追崇福業命有司擇地
爲母文德順聖皇后建慈恩寺凡十餘院
一千八百九十七間度僧三百員勅共三
歲爲上座盛事如碑所載至今永徽三年

帝用七宮亡者衣物財帛而建此塔於慈
恩寺其基四面各一百四十尺倣西域制
度而有五級并象輪露盤高一百八十尺
層層中心皆葬舍利不啻萬顆上層以石
爲室南面立碑載二聖所製三藏聖教序

記乃尚書右僕射河南公褚遂良筆也○
西域之制以塔爲方墳然有四類輪王二級
聲聞四級獨覺十二級菩薩如來十三級
各有所表也

癸 四年禪師惠寬卒生楊氏父爲道士號三

洞先生姊信相生而知道終日凝然禪寂
寬五六歲日與信相譚論俱非世事家世
奉道寬獨不喜父詬厲使拜天尊寬不得
已跪之鐵像蹶然崩壞舉族驚異曰錄每
與信相所論言句先是龍懷寺禪師曇相

冥四

三

臨終語弟子會曰吾報緣當生廣漢綿竹
峰頂楊氏家後七年汝來見吾言訖而逝
其後會頗忘之一夕夢相責以負約會驚
寤遂造峯頂而扣其扉寬曰扣扉者誰會
遽曰弟子會也寬笑曰何以知吾而稱子

會曰得師聲猶昔日聲也遂相見其父出
所錄每與信相譚論示之蓋大莊嚴等論
會即奉寬再歸龍懷寺落髮由是神異日
顯俗呼聖和上其姊信相亦隨出家嘗曰
淨惠寺異僧入定滿寺紅焰巨然而人未

識之信相曰此火聚尊者入火光三昧耳
曰入其寺入水觀一室湛然唯水不見其
形異僧欽歎以為得果時亦號聖尼寬十
世為大僧今十生記存焉累朝賜諡不一
甲寅五年中天竺國摩訶菩提寺遣僧致法師

玄奘書并獻方物其辭曰微妙吉祥世尊
金剎座側摩訶菩提寺諸多聞眾所共圍
繞上座惠天致書摩訶支那國於無量經
律論妙盡精微木叉阿遮利耶敬問無量
少病少惱我惠天必芻今造佛大神變讚

頌及諸經論比量智等今附芻芻法長將
往此無量多聞長老德阿遮利耶智光亦
同前致問鄔波索迦日援稽首和南今共
寄白氎一雙示不空心路遠莫恠其少願
領彼須經論錄名附來當為抄送木叉

阿遮利耶願知及法長辭還奘荅長老智
光書其畧曰往年使還承正法藏大師無
常奉問推割不能已已嗚呼苦海舟沉人
天眼滅遷奪之痛何可述歟昔大覺潛輝
迦葉紹宗洪業商那遷逝鞠多闡其嘉猷

實四

四

今法將歸真法師次任其事惟願清辭妙
辨共四海而弘流福智莊嚴與五山而永
久玄奘所將經論已翻瑜伽師地論等大
小三十餘部即日大唐天子聖躬萬福率
土安民以輪王之慈敷法王之化所出經

論並蒙神筆製序令所司抄寫國內流行
爰及鄰邦亦俱遵奉雖居像季之末而教
法光榮邕邕穆穆亦不異室羅笈逝多林
之化也伏願照知頃信度河失經一馱今
錄名于後有便請為附來并有片物供養

願垂納受是歲特旨度沙彌窺基為大僧

入大慈恩寺叅譯經正義基姓尉遲代郡

人郭國公敬德之姪右金吾衛將軍敬宗之子母裴嘉掌月輪

吞之而孕誕夕神光盈室甫六歲能著書

初法師樊公於西域得一童子敏悟絕倫

因携之詣宗宗呼基出拜樊使誦所著兵

書且數千言樊數目童子及基誦畢樊給

之曰此古書耳宗未之信樊令西域童子

覆誦之不差一字宗大怒以基竊古書罔

已將殺之樊就丐出家基曰聽我御葷色

真四

五

晚膳即從出家不然寧伏劍死不為餓死
樊愛其俊而計之遂從入道每覽疏記過
目成誦義亦頓解善大小乘既叅譯經從
樊受瑜伽唯識宗旨著論凡百部時號百
本論師然性豪侈每出必治三車亦號三

車法師

知乙

六年五月法師玄奘譯曰明論沙門神泰

等各造義疏釋之法師栖玄者以其論示

尚藥奉御吕才才深藝之士也頗毀其文

作曰明注解破義圖輕薄者聽信之秋七

月譯經法師惠立致書左僕射于志寧斥

其謬辭曰聞諸佛之立教文言與遠旨義

幽深等圓穹之寥廓類滄波之浩瀚談真

如之性相居十地而尚迷說小草之曰緣

處無生而猶昧况有縈纏八邪之網沉淪

四倒之流而欲窺究宗旨辨彰其理者無乃惑哉切見大慈恩寺翻經法師窺基早樹智力夙成行潔珪璋操逾松杞遂能躬游聖域詢稟微言擅三歲於曾懷包四舍於掌握嗣清徽於曩哲扇遺範於當今實

季俗之舟航信緇林之龜鑑者之所翻聖教已三百餘軸中有小論題曰日明詮論難之旨歸序摧邪之軌式雖未為玄門之要妙亦非造次之所知近聞尚藥呂奉御以常人之資竊衆師之說造日明圖釋宗旨義不能精悟好起異端苟覓聲譽妄為穿鑿排衆德之正說任我慢之愜心媒術公卿之前囂誼閭巷之側不慙頽厚靡勸神勞數易炎涼心猶未已然奉御於俗事少間遂謂真宗可了何異鼯鼠見金龜之

真四

六

堪陟乃言崑閩之不難蛛螫觀棘林之易羅遂謂扶桑之可網不量涯分無以異斯况大音希聲大辯若訥所以淨名契理杜口毘耶尼父德高恂恂鄉黨未聞誇矜自媒而獲搢紳之推仰也立致書其事稍息

冬十月丁酉太常博士柳宣以其事寢作歸敬書并偈撤譯經大德求畢其說於是法師明濬荅還述頌并書極大尊嚴而訓呂才妄舉柳宣得書即劾呂才列奏其事有旨集公卿學士領才詣慈恩寺見法師受辭悔謝而退

丙辰 改顯慶正月丙寅立代王弘為皇太子是日於慈恩寺齋僧五千員勅黃門侍郎薛元超主其事因問法師玄奘前代翻經之式對曰漢魏既遠未可詳論晉宋已來翻

經皆有監閱詳緝之官故苻堅時曇摩難提譯經黃門趙整執筆姚興時羅什譯經興及姚嵩執筆後魏菩提流支譯經侍中崔光筆授以至梁陳周隋之代並亦如之貞觀初年波頗那羅譯經先帝勅趙郡王

英四

七

孝恭詹事杜正倫監護今特闕如又大慈恩寺壯麗輪奐今古罕儔尚未建碑貧道懷此二事願聞之於上也元超奏其語制可是月王申朝會中書令崔敦禮宣勅曰大慈恩寺法師玄奘新翻經論文義須精宜令左僕射于志寧吏部尚書來濟禮部尚書許敬宗黃門侍郎薛元超中書侍郎李義府杜正倫時爲看閱或不穩處隨事潤色朝罷遣內給事王君德報法師曰承須友人助翻經已爲處分于志寧等其慈

恩寺碑朕望自作不知師意如何且令相報裝奉旨即率衆詣闕抗表陳請未幾高宗親製大慈恩寺碑文成遣長孫無忌徧示群公其辭曰蓋聞乾坤締構之初品物權輿之始莫不載形厚土藉覆穹蒼然則

二曜輝天靡測盈虛之像四溟紀地豈究波瀾之極况乎法門虛寂出生不滅之前聖教牢籠示有無形之外故以道光塵劫化洽生靈緬惟王官發迹蓮披起步之花神沼騰光樹曲高堤之榦演德音於鹿苑會

多士於龍宮福已罪之群生興將滅之人代能使下愚抱道骨碎寒林之野土哲欽風身沒雪山之偈絲流法雨清火宅以辭炎輪昇慧日皎重冥而歸晝朕逖覽緇史詳觀道義福永劫者其唯釋教歟文德皇

太后憑柯瓊樹疏派泉源德照塗山道光
媯汭流芬彤管彰懿則於八紘垂訓紫宮
扇徽猷於萬古遽而乾精掩月永戢貞輝
坤維絕紐長淪茂毓撫奩鏡而增感望陟
屺以何追仲由興歎於千鍾虞丘致哀於

寓

八

三失朕之罔極實有切於終身故載懷興
緝荆斯金地却背邠郊點千莊之樹錦前
臨終嶽吐百仞之峯蓮左面八川皎池光
而今鏡右隣九達飛羽盖以連雲抑天府
之輿區信上京之勝地迹其彫軒架迥綺

閣凌虛丹空曉鳥煥日宮之泛麗素天初
兔鑿月殿而澄輝薰徑秋蘭疎亭佩紫芳
岩冬桂窰戶鼓丹燈皎繁花焰轉心中之
鶴幡標迥刹綵縈天外之虹飛陞參差含
文露而栖玉輕簾舒卷網靨面而編珠霞

班低岫之紅池漠泛烟之翠鳴珮與宵鐘
合韻和風共晨梵今音豈直香積天宮遠
慚輪奐閬風仙闈遙愧彫華而已哉有玄
奘法師者實真如之冠冕也器宇凝邃若
清風之肅長松緝思繁蔚如綺霞之輝迥

漢騰今照古之智挺自生知蘊寂懷真之
誠發乎齟齬孤標一代邁生遠以照前迥
秀千齡架澄什而光後以爲淳風替古澆
俗移今悲巨夜之長昏痛微言之永翳遂
投迹異域廣食祕教乘杯雲漢之外振錫

其四

九

烟霞之表滔天巨海浸驚浪而羈滄巨地
嚴霜犯悽氛而獨逝平郊散叙衣單雪嶺
之風曠野低輪肌弊流沙之日遐征月路
影對宵而暫雙遠邁危峯形臨朝而永隻
思窮妙境探蹟至真心罄玄津研幾秘術

通昔賢之所不達悟先典之所未聞遂得
金牒東流續將絕之教寶偈西徙補已闕
之文時瞻靈基栖心此地弘宣與旨業重
翠於祗林遠闢攸關波再清於定水朕之
虔心八正肅志雙林冀延景福式資冥助

奉願皇太后逍遙六度神游丹闕之前偃
息四洲蒐升紫極之境悲夫玉燭易往促
四序於炎涼金箭難留馳六龍於晷漏恐
波遷樹在移溟海以變桑田地是勢非淪
高岸而爲幽谷於是敬刻貞石式旌真境

銘不錄

三月庚申百僚奉表美揚聖製別詔禮部
尚書許敬宗送碑文示法師玄奘甲子奘
率徒詣闕奉表謝曰造化之功既播物而
成教聖人之道亦因辭而見情然則畫卦

垂文空談形於器宇設爻分象實未越於
寰域羲皇之德尚見稱於前古姬后之風
亦獨高於後代豈若開物成務闡八正以
摛章詮道立言證三明而導俗理窮天地
之表情該日月之外校其優劣斯爲盛矣

共惟陛下金輪在運玉曆乘時化洽四洲
仁覃九有道包前聖功茂乃神縱多能於
生知資率由於天至始悲奮鏡即躬招提
俄樹勝幢乃敷文律若乃天華欵發睿藻
波騰吞筆海而孕龍宮掩詞林而包鶴樹

冥四

十

內該八藏外覈六經與而能典宏而且密
使祇園遺迹託寶思而彌高奈苑餘芳假
瓊章而不朽豈直抑揚夢境昭晰迷途諒
以鎔範四天牢籠三界者矣奘以其文宜
得聖筆自寫因抗表勸請制不許再表遂

許之

四月八日熒率京城僧尼備幢幡寶蓋香
花梵儀扣芳林門迎御製碑勅太常九部
樂弁長安萬年二縣樂戲及戚里侯王耆
耄送之是日以雨不克十四日遂迎之舊

史本紀云帝御安福門樓觀法師玄奘迎
御製大慈恩寺碑導從以天竺法儀其徒
甚盛帝望之大悅

五月法師玄奘寢疾勅尚藥奉御蔣孝章
針醫上官琮專視病又遣北門使者伺氣

候通報消息奘曰陳先朝以釋氏名位次
道流之下先帝晚年許為改正又永徽初
勅僧尼罪犯情難知者同俗法推鞠奘慮
疾病委頓永隔天顏附內使以聞即日
勅使報曰所陳但佛道名位先朝處分

其四

事須平章其同俗勅即為除落師宜安意
將息奘疾尋愈

十一月會天后難月命入官祈福及分難
神光滿宮自庭燭天曰號佛光王即中初
帝嘗謂奘曰若生男子即聽出家至是奘

奉表請許佛光王出家紹隆三寶制可

二月幸洛陽詔奘陪駕五月奘辭還陳留
改葬父母勅有司給葬具

六月召法師惠立與道士張惠先辨二教
先後大臣臨證惠先義負

金陵牛頭山法融禪師者潤州延陵人也
姓韋氏年十九學通經史尋閱大部般若
曉達真空忽一日歎曰儒道世典非究竟
法般若正觀出世舟航遂隱茅山投師落
髮後入牛頭山幽棲寺北岩之石室有百

鳥銜花之異唐貞觀中四祖遙觀氣象知
彼山有奇異之人乃躬自尋訪問寺僧此
間有道人否曰出家兒那箇不是道人祖
曰阿那箇是道人僧無對別僧云此去山
中十里許有一懶融見人不起亦不合掌

莫是道人祖遂入山見師端坐自苦曾無
所顧祖問曰在此作什麼師曰觀心祖曰
觀是何人心是何物師無對起曰師自何
來嘗識道信大師否曰即貧道是也融再
拜請示心法祖曰夫百千法門同歸方寸

河沙妙德盡在心源一切戒定慧門神通
變化悉自具足不離汝心一切煩惱業障
本自空寂一切因果皆如幻夢無三界可
出無菩提可求人與非人性相平等大道
虛曠絕思絕慮如是之法汝今已得更無

欠少與佛何殊汝但任心自在莫作觀行
亦莫息心莫起貪嗔莫懷愁慮蕩蕩無礙
任意縱橫不作諸善不造眾惡行住坐卧
觸目遇緣皆是佛之妙用快樂無憂故名
為道融曰心既具足復誰是佛又誰為心

祖曰非心不問佛問佛非不心融曰既不
許作觀行於境起時如何對治祖曰境緣
無好醜好醜起於心心若不強名妄情何
由起妄情既不起真心任徧知汝但隨心
自在無復對治即名常住法身無有變易

吾受璨大師頓宗法門今以付汝汝諦受
吾言可止此山當有五大士紹汝玄化祖
付法已歸于雙峯師至顯慶二年閏正月
二十三日終於建初寺壽六十四臘四十
一窆于雞籠山會送者萬餘人廣如傳燈

具載

年戊

夏四月追僧道各二七人入宮論議道士李榮以本際立義法師義褒徵曰既標本際爲道本於際耶際本於道耶榮曰予得褒曰若道本於際際爲道本則亦可際本

其四

十三

於道道爲際源榮曰亦通耳褒曰若本際與道乎得相返則亦可自然與道乎相法也榮曰道法自然自然不法道褒曰若爾則道本於際本際不本於道矣榮意前言之失不復主義以他語嘲褒褒正色曰對

萬乘之前立論申明邪正以簡帝心豈以他辭塵瀆天聰榮慚服帝嘉之令引榮退席揖黃願對褒談論極莫而罷

是歲法師玄奘抗表辭入嵩山少林寺專意譯經降御杞報曰省表知欲晦迹岩泉

追遁遠而架往託慮禪寂軌澄什以標今仰揖風規是所欽尚朕業空學寡靡究高深然以淺識薄聞未見其可法師津梁三界汲引四生智皎心燈定凝意水非情塵之所翳豈識浪之能驚道德可居可必太

華疊嶺空寂可舍豈獨少室重巒幸戢來言勿復重請則市朝大隱不獨貴於前賢見聞弘益更可珎於即代奘進啓奉謝略曰昔季重蒙魏君之禮唯叙睽離惠遠辱晉后之書才令給米未覩辭燕空寂可舍

之旨誨示大隱市朝之情故知人主之懷窮直罄俗綜有該無超羲軒而更高駕曹馬而逾遠者矣時奘公道震天下謀欲禁止舊經唯弘新典有禪師法冲者善楞伽宗旨雅爲房梁公所重曰見奘而諫之曰

聞君將廢罷舊經不許弘宣此未可也
法師頃依舊經入道今若棄舊崇新則法
師亦當返初復依新經出家可乎契悟而
止

紀四年帝在合璧宮追僧道論義法師會隱

真四

十四

立五蘊義法師神泰立九斷知義道士李
榮黃壽不知名義茫如夢海雖事往返而
廓落無歸遂勅道士立義於是李榮立道
生萬物義法師惠立問曰先生立道生萬
物未審此道是有知耶是無如耶榮曰人

法地地法天天法道既為天地之法豈曰
無知立曰必若有知則合唯生於善何故
亦生於惡既善惡升沉蔽雜混生則無知
矣請試劇陳之如上古未開闢時何不早
生今日聖明子育黔黎與之榮樂乃先誕

共工蚩尤桀紂幽厲之徒而殘賤斯民耶
人臣之中何不唯生稷契夔龍之輩而使
飛廉惡來斬尚新莽之儔諛諂其君致邦
國傾亂耶羽族之中何不唯生鸞鳳嘉禽
而更生梟獍惡鳥乎毛群之中何不唯生

麒麟驊騮復生豺狼豪蝟乎以至草木等
類美惡不同既混糅俱生不別善惡則道
無知不能生物云何得稱天地取法而生
萬物乎據佛世尊窮理盡性之教則天地
萬物是業衆生以業力故所感不同以善

真四

十五

業勝者則琉璃為地黃金為道瓊樹蔭陌
玉葉垂亭甘露充食綺衣為座惡業多者
沙壤為地瓦礫為衢稗飯充饑麻衣蔽體
泥行兩宿霜積暑耕皆自業所感無人使
之吾子心迷不識妄言道生一向可憫榮

愕然不知所對惠立乘機拂弄榮亦杜默
遂赧然下座揖黃壽前席立老子名義法
師會隱以老子國家先宗既難其名恐有
觸犯即奏曰黃壽身預黃冠不知諱忌城
狐社鼠猶事依憑國家遠承龍德之後陛

下老氏子孫豈有對人子孫而公談祖諱
至如五千言中大有好義壽不能標列而
說聖人之名計罪論別死有餘及帝肯首
曰固當別立義壽既遭沮挫慚汗失圖雖
事言對而次序乖越及罷帝曰朕觀二家

之論宗旨未明明法師惠立驟對曰二
家之論宗旨未明實如明詔何則衆僧立
義道士不識其源既恥無辭遂譎論謗語
至如會隱立五蘊義黃願以蔭名來難且
蔭以覆蓋為宗蘊以積聚為義如色有十

一聚在色名之下識有八種積在一名之
中舉總以收稱為蘊義若以蔭名見難義
理全乖又神泰立九斷知義道士生來未
聞此名論座雖登不知發問之處無以遮
慳遂浪作餘語由是宗旨不明冲瀆天聰

過在道士然佛法大宗因緣為最故云未
嘗有一法不從因緣生且如目見殿柱須
具五緣一識心不亂二眼根不壞三藉以
光明四有境現前五中間無障必具此緣
方得見柱若曦光已沒龍燭未明縱有朱

其四

六

楹何由可見又如嘉穀陽和之月假水土
人工則能萌芽夏盛甕中冬藏地陷緣不
具故畢竟不生工人亦然內則業感為因
外則父母為緣身方得生父母亦違終無
生理乃至羽毛萬彙悉亦如之故經云深

入緣起斷諸邪見由佛智慧窮法實相是稱無上正覺為人天師外道之輩則不如是或計諸法自然即同此方莊老或言無因或云宿作並是邪宗不明法本又對御說依他遍計圓成三性之義及辭出官少

選敕內給事王君德傳宣曰師等因緣義甚好何不早論詣道士李榮等傳勅曰何不學佛經於是榮等羞縮爲之氣塞

是歲帝勅獎三藏于玉華宮譯般若經至龍朔三年冬十月二十三日纔畢凡六百

卷進上帝嘉歎曰朕以軍國務殷不及委讀今觀佛經之大若其瞻天望海莫測高深以儒道九流方之如河滢之類溟渤也而世云三教齊致者是妄談耳

中庚 屈僧拜俗詔帝初崇三寶後復憍慢四月

真高

十七

十五日下詔令沙門致敬君親恐爽恒情至十六日勅付有司詳議是月二十一日大莊嚴寺威秀等上不拜表至二十五日沙門道宣等上雍州牧沛王倫不拜表二十七宣等又上榮國夫人楊氏不拜俗

啓及上叙佛教隆替事狀大意是前朝代興替然後引經不拜俗文梵網經云出家人法不向國王禮拜不向父母禮拜六親不敬鬼神不禮涅槃經第六卷云出家人不禮敬在家人四分律云佛令諸比丘相

次禮拜不應禮拜一切白衣佛本行經五十三卷云輸頭檀王與諸眷屬百官次第禮佛足以佛言王今可禮優波璃弁諸比丘足王聞佛教即從座起頂禮五百比丘足新出家者次第而禮薩遮尼乾子經云若

謗聲聞辟支佛法及大乘法毀訾留難者
犯根本罪僧道宣尋白朝宰羣公伏見詔
書令僧致敬君父事理深遠非淺情能測
夫以出家之迹列聖齊規真俗之科百王
同軌干木在魏高抗而謁文侯子陵居漢
長揖而尋光武彼稱小道尚懷高蹈之門
豈此沙門不垂閑放之美者矣

沙門威秀等謹錄佛經沙門不合跪拜父
母有損無益其文如左梵網如前順正理
云國君不求比丘禮拜畧曰玄教東漸六
百餘載上代皇王無不依經敬仰也僧威
秀等言竊聞真俗異區系門割有生之戀
幽顯殊服田衣無拜首之容理固越情道
仍舛物伏惟陛下匡振遠猷提獎幽槩既
已崇之於國亦以行之於家是使捨俗無

真尚

大

習俗之儀出家絕居家之敬護法斯在提
福莫先自然教有可甄人知自勉不勝誠
懇之至謹奉表以聞于時上表者衆不煩
具錄備如弘明集○至五月十五日大集
文武百僚於中臺將議其事京邑沙門道
宣等三百餘人競陳狀啓紛爭不定有司
各以表聞一右司成令狐德業等五百三
十九人表請不合拜一右兼司平太常閻
立本等三百五十四人表請合拜帝覽已
下詔朕商確群議深研幽蹟然箕穎之風
高尚其事遐想前代固亦有之今於君處
勿須致拜其父母所慈育彌深祇伏斯曠
更將安設自今已後即宜跪拜主者施行
又至六月八日京邑老人程士顯等上表
畧曰且高尚之風人主猶有抗禮豈惟臣

下反受跪拜之儀俯仰撫循無由啓處意
顏國無兩敬大開方外之迹僧奉內教便
得立身行道不任私懷之至謹奉表以聞
拜俗之條從茲泯定矣

辛酉改龍翔

癸亥帝苦風疾委政武后

癸酉

九

佛祖歷代通載卷第十五

真五

嘉興路本祥符禪寺住持華亭念常集

子甲改麟德武后專恣

二月初五日法師玄奘寢疾命弟子大乘光錄所譯經論凡一千三百三十有五卷

真五

造彌勒像十俱胝及疾革口誦色蘊不可得受想行識不可得眼界不可得乃至意識界不可得無明不可得乃至菩提不可得不可得亦不可得復命左右同聲三唱南謨慈氏如來應正等覺願與舍識速奉

慈顏南謨慈氏如來所居內院願捨壽必生其中遂右脇安卧而逝春秋六十有三
是名白虹四道自址亘南貫井宿直慈恩寺塔訃聞于朝帝哭之甚哀顧左右曰朕夫國寶矣輟朝三日自終及葬五降御札

哀錄遺典勤恤喪事俄異僧奉梅檀末香至請依天竺法用塗法師之體大乘光等以掩龕日久不欲開其僧曰別奉進肯倘見拒即具奏遂啓龕而顏色如生香氣馥郁其僧塗畢恍然不見識者以為堯率

內院人也夏四月勅準佛世尊故事斂以金棺銀槨塔于滄東門弟子神泰栖玄會隱惠立明濬義褒大乘光等皆法門龍象焉道造偽經天皇甲子西京諸觀道士郭行真等東明觀李榮姬義玄劉道合會聖

觀田仁惠郭蓋宗等將隱沒道書重更修改私竊佛經改換文句人法名數三乘六道五陰十二八十八界三十七品大小法門並偷安道經并改長安經為太上靈寶元陽經改餘佛經別號勝牟尼經或云太

平經等及改酒脯祭祀用乾棗香水以惑後人妖妄作矣沙門道世表聞以辯真偽其畧曰竊聞白馬東遊三藏創茲而起青牛西逝二篇自此而興或闡玄玄以化民或明空空而救物檢之圖牒指掌可知所

三五

二

以發唱顯宗終乎此世釋教翻譯時代炳然文史備彰黎民不惑至如道家玄籍斯則不然唯老子二篇李聃親闡自餘經制皆雜凡情何者前漢王褒造洞玄經後漢張陵造靈寶經及章醮等二十四卷吳葛孝先造上清經晉世王浮造化胡經又鮑靖造三皇經齊朝陳顯明造六十四真步虛經梁陶弘景造太清經及衆醮儀十卷周武張賓之焦子順馬翼李暹挑攬佛經一千餘卷隋輔惠祥改涅槃經爲長安經

笑道論曰道家妄註諸子三百五十卷爲道經又按漢明帝時褚善信等總將道經諸子書等三十七部七百四十四卷晉葛洪神仙傳云老教所有度世消災之法凡九百三十卷符書等七十卷宋太始七年

陸修靜答明帝云道家經書并藥方符圖等一千二百二十八卷云一千九十卷已行於世一百三十八卷猶在天宮又檢玄都目錄妄取藝文志書名矯注八百八十四卷爲道經今玄都經目云依中陸氏所

三五

三

上之目乃有六千三百六十三卷云二千四十卷見有其本四千三百二十三卷並未見據此前數目有無不同虛妄明矣增加卷目添足篇章依傍佛經改頭換尾或言名山唱出或云仙洞飛來何乃黃領獨

知英賢不覩書史無聞典籍不記請問道士後世之經爲是老子別陳爲是天尊更說縱其說也應有時方師資說處代年邦月復是如何如其有據容可不行若也妄言理須焚翦伏願當今明朝云云由是郭

行直等捨邪歸正啓願文具如佛道論

丙寅改乾封○尊老君爲玄元皇帝○米斗五

錢

如大教東被六百年矣○用麟德曆

南山律師道宣卒師京兆錢氏父吏部尚

書申母夢月輪貫懷而孕又夢梵僧語之曰所孕者梁僧祐律師也處胎彌十二月而生九歲徧覽羣書十二善習文墨十五師日嚴頽公十六誦法華兩旬而徹十七落髮二十依首師進具戒三衣唯布常坐

一食武德四年再依首師學律性好禪那期修正定頽曰戒淨定明慧方有據始聽未間持犯焉識七年徙居終南紵麻蘭若始製行事鈔正觀四年行般舟三昧于清宮精舍經九十日龍化人形禮覲聽法沙彌

染心顧盼其女龍怒欲害之念師教誡頓息惡心攝毒吐井白師勿飲此水及徃視之其井涌沸又於雲際寺行此三昧前後二十會常感天童爲之給侍十九年偕焚公翻經弘福筆受潤文推爲上首永徽元

星

四

年復居紵麻乾封二年春天人告師曰師報緣將盡當生彌勒內宮十月三十日衆見空中旛華交列異香天樂天人同聲請師歸觀彌勒上聞之詔天下寺院圖形奉祀穆宗製讚曰代有覺人爲如來使龍鬼

歸降天神奉事聲飛五天辭驚萬里金烏

西沉佛日東舉稽首歸依肇律宗主懿宗

朝謚澄照師所撰刪定僧戒本一卷今刪

定比丘尼戒本卷一注僧戒本三戒疏四注

羯磨經卷二羯磨疏四行事鈔卷二比丘尼鈔

卷三拾毘尼義鈔三亡物輕重儀章服儀歸

敬儀正行懺悔儀新學教誠儀卷各一法華

義苑三十卷釋迦方誌卷二佛道論衡四續

高僧傳三十卷後續僧傳卷十廣弘明集三十

三寶感通記卷三天人感通傳卷一大唐內典

錄卷十

戊辰改總章○詔僧道會于百福殿定奪化胡

經真偽百官臨證僧法明者預選入方三

教首座議論紛紜明察其非是即排眾出

曰老子化胡成佛之際為作華言化之耶

頁五

五

為作胡語誘之若作華言則胡人未善必
作胡語既傳此土須假翻譯未審道流所
謂化胡經者於何朝代翻譯筆授證義當
復為誰於是舉眾愕然無能應者公卿列
辟咸服其切當忻躍而罷有敕搜聚天下

化胡經焚棄不在道經之數既而洛京恒
道觀桓彥道等奉表乞留詔曰三聖重光
玄元統叙豈忘老教偏意釋宗朕志款還
淳情存去偽理乖事舛者雖在親而亦除
義符名當者雖有究而必錄自今道經諸

部有記及化胡事者並宜削除有司條為
罪制

百祭午庶
改咸亨

上稱天皇后稱天后

是歲讓和上四月八日生有白氣六道貫

天太史奏聞有德之象當應空門帝曰在何方位史曰安康分野有項金州太守韓偕具表奏聞帝曰道人之德國之善慶勅偕親詣撫恤兼厚賜養育之費一家蒙之後長出家果傳六祖心印住于南嶽光大

教門也

戊甲
改上元

乙亥
是年五祖弘忍大師示寂師蘄州黃梅周氏子生而岐嶷兒時有異僧歎曰是子闢七種相不逮如來後遇信大師得法嗣化

於破頭山咸亨中有盧居士者名惠能自遠來叅師問汝自何來曰嶺南師曰欲求何事曰唯求作佛祖曰嶺南人無佛性若為得佛曰人即有南北佛性豈然師知其異乃訶之曰著槽廠去能禮足而退便入

冥五

六

碓坊服勞於杵臼之間經旬月祖知付法時至遂告眾曰正法難解不可徒記吾言將為已任汝等各自隨意述一偈若語意冥符衣法皆付時會七百餘眾神秀居第一座學通內外眾所推仰秀亦自負無出

其右者不復思惟乃於廊壁間書一偈曰身是菩提樹心如明鏡臺時時勤拂拭莫遣惹塵埃祖因行次見偈心知秀之所為曰給曰後代依此修行亦得道果眾聆此語人各諷誦他日能在碓房聞偈乃問同

侶此誰為之同侶告以和上將欲付法各令述偈此乃秀上座所為能曰美則美矣了則未了同侶共訶其謬妄能至莫命童子引至廊間能自執燭令童子於秀偈側寫偈曰菩提本無樹明鏡亦非臺本來無一

物何假拂塵埃祖復見此默念必能之所
爲因故爲之語曰此誰作亦未見性衆以
師弗許皆莫之顧即於是夕潛使人自碓
坊喚能至告曰諸佛出世爲一大事因緣
隨機大小而引化之遂有十地三乘頓漸

五

七

等法以爲教門然以微妙祕密圓明真實
正法眼藏付于上首迦葉展轉傳授二十
八世至菩提達磨大師屈于此土得可祖
承襲以至于吾吾今授汝并所傳袈裟用
以表信汝善護持勿令斷絕聽吾偈曰有

情來下種因地果還生無情既無種無性
亦無生能受畢乃曰法則既受衣付何人
師曰昔達磨初至人未之信故傳此衣以
明得法今信心已熟衣乃爭端止於汝身
勿復傳也且當遠隱俟時行化所謂授衣

之人命如懸絲能曰當隱何所祖曰逢懷
且止遇會即截能禮足捧衣而出通夕南
邁衆皆未知祖由是三日不上堂衆疑之
因致問祖曰吾道行矣又問衣法誰傳祖
曰能者傳之衆意盧居士名能必此人也

共力推尋能已不在至有相率而物色追
之者祖既付法已復經四載而寂塔于東
山代宗諡大滿禪師法雨之塔

舊唐史云後魏未有僧達磨者本天竺王
子以讓國出家得禪宗妙法云自釋迦相

傳有衣鉢爲記世相傳授達磨將衣鉢航
海而來初至梁國武帝問以有爲之事達
磨不悅乃至魏隱于嵩山少林寺遇毒而
卒其年魏使於葱嶺回見之門徒發其墓
但有隻履而已達磨傳惠可嘗斷臂以

求其法可傳僧璨璨傳道信信傳弘忍忍
姓周氏黃梅人與信並住東山寺世謂其
法為東山法門

論曰舊史叙諸祖雖簡略然大要與寶林
傳燈之說皆合至謂達磨遇毒而卒及魏

庚五

八

使復於葱嶺見之則毒與卒果有之乎世
稱五祖前身蓋栽松道者往見四祖將付
以衣法俄惜之曰汝耄矣雖嗣化能復幾
何倘再來可也五祖因託質周氏無父而
生母幾受禍僅死而免四祖果忍死以遲

其來昇以大法噫五祖出入死生正游戲
耳自非果位上聖孰能與於此哉

子丙
改儀鳳

北印度佛陀波利尊者至五臺清涼山逢
一叟問曰爾來何為利曰求禮覲文殊叟

曰帶佛頂尊勝呪來否利曰未也叟曰此
土衆生滋惡而出家者犯四棄尤多不持
此呪隨行遠來奚益能回取之以流此土
可乎波利作禮而返以開曜元年取其呪
至於長安有旨命日照三藏翻譯帝聞此

呪靈驗特異祕之禁掖波利屢奏請布中
外高宗不得已從之利即辭入五臺後不
知終時南天竺有菩提流志習頭陀行從
耶舍瞿沙受道為西域宗師名震中夏帝
聞風而悅之因使西域有詔敦請

庚五

九

卯己
改調露

辰庚
改永隆

巳辛
改開曜

午壬
改永淳

是歲慈恩法師窺基卒世壽五十有一有

詔傷悼御製畫像贊勅葬樊川北渠近樊公之塋基貌豐碩長八尺氣槩萬夫項上有玉枕十指紋皆盤折如印見者龍言伏然心慈善誨人晚節祈生內院循戒彌篤嘗造玉文殊像及金寫大般若經皆瑞應初

南山宣律師以弘律名震五天感天厨供饌每薄基三車之玩甚不爲禮基嘗訪宣其日過午而天饌不至及基辭去天神乃降宣責以後時天曰適見大乘菩薩在此翊衛嚴甚故無自而入宣聞之大驚於是

避邇增敬焉先是樊公親授西域戒賢師瑜伽師地唯識宗而基盡領其妙恢廓源流天下後世尊之目爲三乘法相顯理宗謂之慈恩教
隱士孫恩邈卒年百餘善莊老及陰陽推

步醫藥之術尤重釋典世稱孫真人焉

未改弘道十一月上崩遺詔軍國大事取天

后處分太子顯即位

法師玄暉卒暉字道世或云名道世以避太宗偏諱故以字行三學洞貫嘗慨教藏

及古今圖史之博而學者難以備究因撰法苑珠林凡一百卷各開門類識者重其精博云

高帝於是年崩中宗即位數月天后廢爲廬陵王幽于房州天后臨朝稱制是爲則

五

十

天明年七月沙門十輩詣闕上大雲經盛稱則天當即宸極則天大悅賜十沙門紫方袍銀龜袋頒經于天下郡國各建大雲寺九月則天革唐命改國號周自稱聖神皇

甲甲

中宗顯政元嗣聖二月改文明正月立韋

天下與韋主禎何不可二月天后廢上為
盧陵王立其弟豫王旦為帝居於別殿天
后臨朝

則天武后翌政元光宅水一云順聖壘并用文
水人也父武士驥官

至工部尚書荆州都督封應國公天后嘗
為尼於感業寺時年十四天皇幸寺見而

悅之選為昭儀進號宸妃帝崩后攝政立
諸武為王甲辰大定及天后疾狄黎公仁

傑等迎盧陵王登位明年乙巳崩于上
陽壽八十一附之乾陵在位二十一年

改垂拱○制母齊縵古者母止菴年而已

喪服篇云天無二日世無二主國無二君

家無二尊以一制菴年禮也自天皇上元

元年天后表請父在為母三年下詔依行
至今垂拱始編入格

貞觀五年欲建明堂勅孔穎達等十人定

議制度不成乃止天皇永徽三年宣問無

成丙

歸政於帝帝固辭后乃臨朝○始建明堂

貞觀五年欲建明堂勅孔穎達等十人定

議制度不成乃止天皇永徽三年宣問無

真五

土

式樣群儒執議不定又止乾封三年下詔

又令群儒取議復不克定而止焉至天后

垂拱二年又取議群儒創制垂拱四年正

月五日功畢其制凡高二百九十四尺東

西南北各三百尺而有三層下設四方中

十二辰上設二十四氣鑄鍊為槽二十四

步為辟雍之水造舟為梁以通道路與前

代制度有別夏曰世室殷曰垂屋周曰明

堂也

是年有慶山始出唐五行志曰垂拱二年

九月雍州新豐縣有大風雷電震吼涌出

一山高二十丈有池周三百畝池有龍鳳

之形禾麥之異天后以為休應故名曰慶

山

改永昌

庚寅

改天授○二月辛酉后策貢士於洛城殿
殿試始此○九月改元建國號曰周至朔

同日用周正

改如意又改長壽

改延載

改證聖九月又改天冊萬歲

是歲則天加號天冊金輪聖神皇帝作七
寶復聞于闐國梵本華嚴大經即遣使奉
玉帛往求之并請彼國善梵學者一人隨
經以來於是于闐主以實義難提此云妙
喜學妙

華嚴宗旨遣赴命則天見之大悅詔入大
遍空寺同三藏菩提流志法師神測玄景
復禮等翻譯華嚴則天時幸其寺親施供
饌馬至聖曆二年十月八日功畢成八十
卷

皇

十三

天冊萬歲元年詔沙彌康法藏於大原寺
開示華嚴宗旨方緒經題感白光昱然自
口而出須臾成蓋停空久之萬眾懽呼嘆
異都講僧恒奏其事則天悅有旨命京城
十大德為藏授滿分戒賜號賢首詔入大

遍空寺參譯經

是歲詔高嶽惠安禪師入禁中問道與神
秀禪師同被欽重則天嘗問安甲子幾何
對曰不記曰何以不記安曰生死之身有
若循環環無起盡焉用記為况識心流注
無有間斷見漚起者乃妄想耳從初識至
動相滅時亦只如此何年月而可記乎則
天嘆美久之時安春秋百餘而天下之人
稱為老安國師

兩改萬歲登封又改通天萬歲

丁酉改神功

戊戌改聖曆迎中宗于房陵立為太子姚玄崇相

五月戊辰義淨三藏自西域還夾梵本經論四百餘部及金剛座真容舍利三百餘

實五

十三

粒則天降蹕上東門迎勞安置佛授記寺未幾詔入大遍空寺同實義難提等譯經證義明年十月譯新華嚴經成實義難提等奉表奏上則天親製序引御太極殿宣示百官其護法弘通無出天后之德矣法

師姓張齊州范陽人家世珪璋十五有西行志三十七歲方遂雅懷是年乃旋也

癸巳天后重眉八字○慶山佛現勅建寺宇○

李白生

子庚攻久視○十月復夏正

詔歛天下僧錢日一文聚作大像於白馬改宰相狄仁傑上疏諫曰為政之本必先人事陛下矜念群生迷謬弱喪無歸欲令像法兼行觀相生善然今之伽藍制過宮室窮奢極壯刻繪盡功寶技殫於綴嚴瓌材極於輪奐工不役鬼物不天來既皆出於民將何以堪之且生之有時用之無度編戶所奉常若不充痛切肌膚不辭捶楚游僧一說矯陳禍福剪髮解衣仍慚其少亦有離間骨肉事均路人身自納妻謂無彼我皆託佛法掛誤愚人里陌動有經坊闌闌尤多精舍化誘諄切倍於官徵法事供需嚴逾制勅膏腴物業水磴庄園富有其多不知馱數逃丁辟罪駢集法門且一夫不耕猶受其弊浮食者眾又劫人財臣

每念之實切悲痛昔梁武簡文捨施無算
及三維浪沸五嶺烟騰列刹盈衢莫救危
亡之禍緇衣蔽路豈有勤主之功况吐風
塵屢擾征役稍繁遽與此務力所未堪伏惟
功德無量何必興建大像以勞費為名乎

實五

十四

雖歛僧錢百未及一尊容既廣不可露居
覆以百層尚憂未遍臣今兼採衆議咸以
為如來設教以慈悲為主普濟群品是其用
心豈以勞人而存虛飾哉疏奏則天不納
論曰法師支遁曰沙門之於世也猶虛

舟之寄大壑耳其來不以事退亦乘閑
四海之內竟自無宅邦亂則振錫孤游
道洽則忻然共萃蓋謂吾徒於天下固
無事人也至末法敗道之徒苟安衣食
者於狄梁公之論殆不可待而諱焉嗚

呼是豈真沙門者所為哉疏謂如來設
教以普濟群品為心詎以勞人而存虛
飾此不獨匡則天之失抑有以輔吾佛
之正教也與夫後世泛然排佛老以苟
名者雲泥矣

五改大足又改長安

則天將建大像御史張廷珪復上疏諫曰
夫佛者以覺知為義因心而成不可以諸
相見也經云若以色見我以音聲求我是
人行邪道不能見如來此真如之果不可

實五

十五

以外求也陛下信心歸依發弘誓願壯其
塔廟廣其尊容已徧於天下久矣蓋有為
住相布施非寂上第一希有之法何以知
之經云若人滿三千大千世界七寶以用
布施其福甚多不如有人於此經中受持

四句偈等爲人演說其福勝彼如佛所說則陛下傾四海之財竭萬夫之力窮山之木以爲塔寺極冶之金以爲尊像勞則多矣費則甚矣其所獲福乃不若禪房之匹夫菩薩所作福德不應貪著蓋有爲之法不足高也況此營建事因土木或開發盤礴峻築基階或塞穴洞通轉採斫碾壓虫螿動盈巨億豈佛標坐夏之義憫蠢動而不忍害其生乎又役鬼不可惟人是營通計工匠率多貧屢朝區暮役勞筋苦骨簞食瓢飲晨炊星飯飢渴所致疾疹交集豈佛標徒行之義愍畜產而不忍苦其力乎又營築之役僧尼是稅雖展轉乞丐窮乏尤多州縣徵輸星火逼迫或謀計靡所或鬻賣以充怨聲載路和氣不洽豈佛標喜

捨之義愍愚蒙而不忍奪其產乎且邊朔未寧軍裝日急天下虛竭海內勞弊伏惟陛下慎之重之思菩薩之行爲利益一切衆生應如是布施則其福德若東西南北四維上下虛空不可思量矣何必勤於住

相彫蒼生之業崇不急之務哉臣以時政言之則宜先邊境畜府庫養人力以佛教論之則宜救危苦滅諸相崇無爲伏惟察臣之言行佛之行務以理爲尚無以人廢言疏奏則天大悅御長生殿召見廷珪賜

璽

共

以金帛

是歲詔賢首法師法藏於東都佛授記寺講新華嚴經至華嚴世界感大地震動逾時乃息即日召對長生殿問帝網十重玄門海印三昧參合六相總別同異成壞之

義藏敷宣有緒玄旨通貫則天驟聞茫然
 驚異伸請再三藏就指殿隅金師子為曉
 譬之至所謂一毛頭師子百億毛頭師子
 則天豁然領解由是集其語目為金師子
 章初雲華寺儼尊者傳杜順華嚴宗旨藏
 執侍儼盡傳其教及儼去世藏以巾幘說
 法於是京城耆德連名抗表乞度為僧凡
 藏落髮受具皆則天特旨又嘗為則天以
 十圓鏡置八隅上下皆使相向中安佛像
 然燭照之則鏡鏡現像互相攝入及觀之

者交羅齊現以表刹海十界普容無盡之
 旨藏沒清涼國師澄觀宗其教天下學者
 宗之目為一念圓融具德宗謂之賢首教

寅壬 ○初試武舉
 是年則天鑄像之費將具納言李嶠上疏

諫曰臣聞佛法慈愍菩薩護持唯志利益
 羣生非假修崇土木伏聞造像稅非戶口
 錢出僧尼非假州縣祇承不能濟辦且天
 下編戶貧弱者眾或傭力客作以濟糶糧
 或賣田貼舍以供王役今造像錢數已有

一十七萬緡若以散施廣濟貧窮人與一
 千尚濟一十七萬戶拯飢寒之弊省勞役
 之勤順諸佛慈悲之心廣人主亭毒之意
 則人神胥悅功德無量則天不納是冬像
 成率百僚禮祀

27. 中宗改神龍 高宗第七子母曰則天皇后
 納秋仁傑諫正月張柬之桓
 彥範等五王以兵誅姦臣而迎帝即位遷
 則天于上陽宮冬崩二月復國號曰唐○
 老君為玄元皇帝景隆四年韋后安樂公
 主於餅中進毒上崩壽五十五奉相王旦
 位即
 正月流房融于高州夏四月融於廣州遇

梵僧般刺密諦賈楞嚴梵夾至刺史請就
制止道場宣譯融筆授及譯經十卷畢般
刺復携梵本歸于天竺

是月中宗降御札召曹溪六祖惠能入京
其辭曰朕請安秀二師官中供養萬機之

暇每究一乘二師並推讓云南方有能禪
師密授忍大師衣法可就彼問今遺內侍
薛簡馳詔迎請願師慈念速赴上京師以
表辭疾願終林麓薛簡曰京城禪德皆云
欲得會道當須坐禪集定若不因禪定而

得解脫者未之有也未審師所說法如何
師曰道由心悟豈在坐耶經云若見如來
若坐若卧是行邪道何則無所從來亦無
所去若無生滅是如來清淨禪諸法空寂
是如來清淨坐究竟無證豈况坐耶簡曰

案

弟子回朝主上必問願師慈悲指示心要
令得見性明道祖曰道無明暗明暗是代
謝之義明明無盡亦是有盡簡曰明喻智
慧暗况煩惱學道人儻不以智慧照破煩
惱生死憑何出離師曰若以智慧照煩惱

者此是二乘小兒羊車等機上智大根悉
不如是簡曰何謂大乘見解師曰明與無
明其性無二無二之性即是實性實性者
處凡愚而不滅在聖賢而不增住煩惱而
不亂居禪定而不寂不斷不常不來不去

不在中間及其內外不生不滅性相如如
常住不遷名之曰道簡曰師說不生不滅
何異外道師曰外道將滅止生以生顯滅
滅猶不滅生說無生我說本自不生今亦
無滅所以不因外道汝欲知心要但一切

善惡都莫思量自然得入清淨心體湛然
常住妙用恒沙簡禮辭歸闕表上師語帝
咨美久之尋遣使賜袈裟瓶鉢等諭天子
嚮慕之意

大通禪師神秀入寂中書令張說製碑曰

真五

十六

譏夫總四大者成乎身矣立萬始者主乎
心矣身是虛哉即身見空始同妙用心非
實也觀心若幻乃等真如名數入焉妙本
乖言說出焉真宗隱故如來有意傳要道
力持至德萬劫而遙付法印一念而頓授

佛身誰其弘之實大通禪師其人也禪師
尊稱大通諱神秀本姓李陳留尉氏人也
心洞九流懸解先覺身長八尺秀眉大耳
應王霸之像合聖賢之度少爲書生游問
江表老莊玄旨書易大義三乘經論四分

律儀說通誥音叅吳晉爛乎如襲孔翠
玲然如振金玉既獨鑒潛發多聞旁施逮
知天命之年自拔人間之世企聞蘄州有
忍禪師禪門之法胤也自菩提達磨天竺
東來以法傳惠可傳僧璨璨傳道信信

傳弘忍繼明踵迹相承五光乃不遠遐阻
翻飛謁詣虛受與沃心懸會高悟與真乘
同轍縷指忘識湛見本心住寂滅境行無
是處有師而成即然燈佛所無依而說是
空王法門服勤六年不捨晝夜大師歎曰

東山之法盡在秀矣命之洗足引之並座
於是涕辭而去退藏於密儀鳳中始隸玉
泉名在僧錄寺東七里地坦山雄目之曰
此正楞伽孤峯度門蘭若蔭松藉草吾將
老焉雲從龍風從虎大道出賢人觀岐陽

之地就去成都華陰之山學來如市未云多也後進得以拂三有超四禪升堂七十七味道三千不是過也爾其開法大略則忘念以息想極力以攝心其入也品均凡聖其到也行無前後趣定之前萬緣盡閉發

冥五

三

慧之後一切皆如特奉楞伽逆爲心要過此以往未之或知久視年中禪師春秋高矣詔請而來趺坐觀君肩輿上殿屈萬乘而稽首洒九重而宴居傳聖道者不吐面有盛德者無臣禮遂稱兩京法主三帝國師仰佛日之再中慶優曇之一現然處都邑婉其祕旨每帝王分座后妃臨席鴛鴦四匝龍象三繞時熾炭待礦故對默而心降時訖飢投味故告約而意領一雨普霑於衆緣萬籟各吹於本分非夫安住無畏

應變無方者孰能至爾乎聖敬日崇朝恩代積當陽初會之所置寺曰度門尉氏先人之宅置寺曰報恩軾問名鄉表德非擬局獸誼輦長懷虛壑累乞還山既聽中駐久矣衰憊無他患苦魄散神全形遺力謝

神龍二年二月二十八日夜中碩命趺坐泊如化域禪師武德八年受具于天宮寺至是年丙午復終于此寺蓋僧鵬八十矣生於隋末百有餘歲未嘗自言故人莫審其數也三界火心四部水指棟崩梁壞雷

冥五

三

動雨泣凡諸寶身生是金口故其喪也如執親焉詔使弔哀王侯歸賵三月二日冊謚大通展飾終之義禮也時厥五日假安闕塞緩及葬之期懷也宸駕臨訣至午橋王公悲送至伊水羽儀陳設至山龕仲秋

既望還詔乃下帝諾先許冥遂夙心大常卿
鼓吹導引城門郎監護喪葬是日天子出
龍門泣金觀登高駐蹕目盡迴輿自伊及
江扶道哀候幡花百輦香雲千里維十月
哉生晷明即舊居後岡安神起塔國錢嚴

飾賜逾百萬巨鐘蓋先帝所鑄群經乃後
皇所錫金榜御題花幡內造塔寺尊重遠
稱標絕初禪師形解東洛相見南荆白霧
積晦於禪山素蓮寄生於坐樹則雙林變
色泗水逆流至人違代同符異感百日卒

哭也在龍華寺設大會八千人度二十七人
二祥練縞也成就西明道場數如前會萬
回菩薩乞施後宮寶衣盈箱珍價敵國親
舉寵貴侑供巡香其廣福博因存沒如此
日月逾邁榮落相推於戲法子永戀宗極

痛慈舟之遽失恨涌塔之遲闢石城之歎
也不孤廬山之碑馬可作竊比夫子貢之
論夫子也生於天地不知天地之高厚飲
於河海不知河海之廣深強名其迹以慰
其心銘曰頌珠內隱匪指莫効心境外塵

匪磨莫照海藏安靜風識牽樂不入度門
孰探法要倬哉禪伯獨立天下功收密詣
解却名假詣無所得解亦都捨月影空如
現於悟者無量善衆爲父爲師露清熱惱
光射昏疑冀將住世萬壽無期奈何過隙

其五

三十一

一朝去之嗟我門人憂心斷續進憶瞻仰
退思付囑盡不離定空非滅覺念茲在茲
敢告無學時岐王範及徵君盧鴻一皆勒
碑製碣舊唐史有傳稱沙門被王者禮敬
古未之有

未丁 改景隆

神僧萬回入宮賜號法雲公館于集賢院
給二美人奉事未幾忽求闕鄉河水左右
倉皇莫能得又曰第穴堂前地可得也既
得之回飲水畢湛然而逝賜號國公圖形

集賢院初回幼能三千里致兄書朝往暮
歸因號萬回高宗聞其名詔入宮度為沙
門則天在位延之禁中賜錦衣令宮人給
侍莊惠太子始生則天抱之示回回曰此
西域樹精養之宜兄弟及安樂公主怙韋

后将謀逆回遇之望塵唾曰血腥不可近
未幾安樂果誅玄宗在蕃嘗私謁回回拊
其背曰五十年太平天子睿宗為相王每
將出回必告市人曰天子來少頃而相王
至其神異類如此示寂于長安醴泉里壽

七十四矣

矣五

五

論曰法雲公嘗有偈曰明暗兩忘開佛
眼不繫一法出蓮轂真空不壞靈智性
妙用嘗存無作功聖智本來成佛道寂
光非照自圓通熟味厥旨蓋大乘了悟

之言也而法雲特以小乘神異顯化至
於佛菩薩出世宏正法眼必涵光混世
未始泄露密機直至臨終方有付囑然
則法雲章章顯異抑聖賢之權與

是年七月庚辰下詔曰釋典玄宗理均迹

異拯人化俗教別功齊自今每緣法事聚
集僧尼道士女冠寺宜齊行並集初太宗
以老子為皇宗升於釋氏之上至則天朝
復在釋氏之下今此已往遂為永式令齊
班並集云

國師惠安卒誠其徒曰吾氣盡將尸置林中恣野火焚之偶神僧萬回至與安握手言論其徒側聆俱莫之省至八日合戶偃身而寂春秋一百二十八其徒奉命昇尸林中果野火至閣維之得舍利八十粒五粒最巨而紫紅色光燄奪目詔留禁中云是歲再詔于闐國三藏實義難提至帝降蹕迎勞備兩街法儀旌幢鼓吹迓之載以青象安置薦福寺難提風神宏曠儀韻秀整善大小乘通華梵語

戊泗洲大士僧伽詔入宮供養度惠儼惠岸木叉三人爲侍者帝親書所居寺額曰普光王未幾遷止薦福寺明年京畿旱有旨命大士致雨僧伽以瓶水散洒即有濃雲自所居而涌大雨傾注又明年二月示寂

壽八十有三神采如生敕就薦福寺塑身建塔即穢氣滿城帝炷香祝之許送歸淮言訖異香郁然傾都歎異遂奉全身歸泗洲普光王寺建塔帝嘗問法雲公萬回曰僧伽何如人對曰觀音大士化身耳神化

事迹具如蔣穎叔所著傳大師自西國來唐高宗時至長安洛陽行化歷吳楚問手執楊枝混于緇流或問師何姓即荅曰我姓何又問師是何國人師曰我何國人尋於泗上欲構伽藍因宿州民賀跋氏捨所居師曰此本爲佛宇令掘地果得古碑云香積寺即齊李龍建所創又獲金像衆謂然燈如來師曰普光王佛也因以爲寺額云乾符中諡證聖大師

是歲召律師道岸入言爲妃主授歸戒因

留禁中別日帝至諸師皆辟席岸獨逡巡
長揖而已帝高其量圖形於林光宮御製
讚曰戒珠皎潔惠流清淨身局五篇心融
八定學妙真宗貫通實性維持法務綱紀
德政律箴異芳傳芳像教因而光盛時以

為榮焉

真五

垂

八月乙卯以高宗舊第興聖寺有柿樹天
授中枯死至是忽重榮因大赦天下賜百
官封爵普度僧尼道士凡數萬

九月詔三藏菩提流志於北苑白蓮池甘

露亭譯大寶積經勅中書陸象先尚書郭
元振宰相張說潤文經成凡五十九會總
一百二十卷

感集
是年三月勅東都留守韋安石賚詔起嵩
山沙門一行赴闕行辭疾不赴遁入荊州

當陽山舊唐史云行姓張氏初名遂剡國
公公瑾之孫武功令擅之子少聰敏覽觀
子史嘗詣道士尹崇借太玄經讀之數日
而還崇曰此經精微吾尋積年尚未曉子
宜研究無忽也行曰已究其義因出所撰

大衍玄圖并義決崇覽之大驚因與談其
淵奧退謂人曰此後生顏子也由此知名
於世初武三思慕其學行就請結交行遁
匿辟之尋出家徧歷天下訪求異術至天
台國清寺見別院古松數十門有流水行
立門屏聞僧於庭中布算聲而語其徒曰
今日當有弟子自遠來求吾算法已合到
門豈無人導引乎即除一算曰門前水當
西流弟子亦至矣行返顧溪水果已西流
遂承其言遽趨入再拜咨求其法彼盡授

與之遂洞曆象陰陽推步之學回入嵩山
 依普寂禪師叅決禪門宗旨及遁當陽山
 又從律師惠悟學毗尼凡經籍一覽畢世
 不忘

其五

其六

佛祖歷代通載卷第十五

音釋

汩力周切 護音膜 一落 斃余石切 憤側草
古文源 尋藥也 視免 斃獸也 憤側草
 焮戶鈎切 軾尺弋切 懷音傀 又切 訣於竟於二
也知角切 明視也 閔亡云切 地名 音目 文

佛祖歷代通載卷第十六

冥六

嘉興路忒祥符禪寺持華亭念常集

唐

成睿宗且改景雲高宗第八子初封豫王武后廢中宗而立為帝者七

年而廢封相王壽五十五立隆基為太子任宋璟姚崇為政帝嫁太平公主侍

冥

功專橫在位三年

壬戌初改太極又改延和又改先天七月傳位太子

先天元年三十三祖惠能大師示寂姓盧

氏其先范陽人父行瑫武德中左官于南

海之新州遂占籍焉三歲喪父其母守志

掬養及長家貧師樵采以給一日負薪至

市中聞客讀金剛經悚然問客曰此何法

得於何人客曰此名金剛經得於黃梅忍

大師歸告於母以為法尋師直抵黃梅忍

大師一見默識之後傳衣法今隱於懷集

四會之間儀鳳元年正月八日屆於南海

及返曹溪雨大法雨一日示眾曰諸善知

識各各淨心聽吾說法汝等諸人自心是

佛更莫狐疑外無一物而能建立皆是本

心生萬種法故經云心生種種法生心滅

種種法滅若欲成就種智須達一相三昧

一行三昧若於一切處而不住相於諸法

中不生憎愛亦無取舍不念利益成壞等

事安閒恬靜虛融淡泊此名一相三昧若

於一切處行住坐卧純一直心不動道場

即成淨土名一行三昧若人具二三昧如

地有種能含藏長養成就其實一相一行

亦復如是現今說法猶如時雨普潤大地

汝等佛性譬如種子遇茲沾洽悉得發生

承吾言者決獲菩提依吾行者定證妙果

師說法度人往來學者嘗逾千數明年七月辭歸新州故宅國恩寺其徒泣曰師歸當復來不師曰葉落歸根來時無口又問師之法眼何人傳受師曰有道者得無心者通至國恩寺以八月三日示衆曰吾受

冥

二

忍大師衣法今為汝等說法不付其衣蓋汝等信根已熟決定無疑堪任大事聽吾偈曰心地含諸種普雨悉皆萌頓悟花情已菩提果自成復謂衆曰其法無二其心亦然其道清淨亦無諸相汝等不用觀靜

及空其心此心本淨無可取舍各自努力隨緣好去吾涅槃時至珍重即跏趺而逝於是山林變白鳥獸哀鳴綵雲香霧連日不開既時廣州都督韋擣率韶新二郡官吏迎奉全身歸於曹溪寶林寺建塔真身

今尚存焉舊唐史曰一則天聞神秀名詔至都有輿入殿親加跪禮敕當陽山初度門寺以旌其德時王公已下及京城士庶聞風爭來謁見望塵拜伏日以萬數初神秀與惠能同師弘忍而行業相埒及忍卒

能住韶州廣果寺韶陽山中舊多虎豹一夕去盡遠近驚歎咸歸伏焉秀嘗奏則天請召能赴闕能固辭秀復自作書重邀之能謂使者曰吾形貌矬陋壯士見之恐不敬吾法又先師以吾南中有緣亦不可違

冥

三

及中宗召之竟不度嶺而卒天下散傳其法謂秀為北宗能為南宗

丑

玄宗隆基改開元

唐宗第三子雙楊貴妃為道士曰太真帝初用

姚崇宋璟為相治平晚年鮑酒淫伏用李林甫楊國忠為相安祿山為將致亂幾致亡國二十九即位壽至七十八歲至上元元年前葬泰陵

甲 二年十月十七日永嘉玄覺禪師示寂姓

戴氏卅歲出家博貫三藏精天台止觀圓妙法門與東陽策禪師偕謁六祖師至振錫繞祖三匝祖曰夫沙門者具三千威儀八萬細行大德自何方而來生大我慢師

曰生死事大無常迅速祖曰何不體取無生了無速乎師曰體即無生了本無速祖曰如是如是師乃具威儀參禮須臾告辭祖曰返太速乎師曰本自無動豈有速耶祖曰誰知非動師曰仁者自生分別祖曰

汝甚明得無生之意師曰無生豈有意耶祖曰無意誰當分別曰分別亦非意祖曰善哉善哉少留一宿時謂一宿覺及回學徒奔萃著證道歌一篇梵僧傳歸天竺彼皆欽仰目為東土大乘經又著禪宗悟修

圓旨十篇及觀心十門並盛傳于世

乙 三月八日玄宗遣禮部郎中張洽賈詔詣當陽山起沙門一行赴闕行以再命不許辭赴之有旨安置光泰殿帝數訪以安國撫民之要行啓陳無隱未幾永穆公主出

降詔依太平公主故事優厚發遣行諫以為高宗末年唯有一女所以特加優禮而太平竟以驕僭得罪不應引以為例帝納其言遽追勅但依常禮其忠諫多類此或謂行優於憶誦帝一日命出官籍示之行

冥六

四

閱畢令內侍執本對帝復之不差一字帝驚異頗謂左右曰聖人也自是頻召咨質佛心之要行雍容啓沃聖眷日隆天下之人以帝從之問道稱為天師焉

丙 嵩嶽元珪禪師示寂師居嶽之龐塢一日

有異人峨冠盛服擁衛而至珪曰善來仁者胡為而至彼厲聲曰師寧識我耶珪曰吾觀佛與衆生等吾一目之豈分別耶曰我此嶽神也能生殺於人師安得一目我哉珪曰吾本不生汝安能殺吾視身與空等視吾與汝等汝能壞空與汝乎使果能之吾則不生不滅也况汝不能焉能生殺我耶神稽首曰我聰明正直過於餘神詎知師有廣大智慧願授以正戒令我度世珪曰汝既乞戒即既戒矣所以者何戒外無戒又奚戒哉神曰此理也我聞茫昧上求師戒我身願為門弟子珪即張座秉爐正几曰付汝五戒若能即曰能不爾即曰否神曰謹奉教曰汝能不媯乎神曰亦娶也曰非謂此也謂無羅欲也神曰能曰汝

冥六

五

能不盜乎神曰無乏我也安有盜取哉曰非謂此也謂饗而福媯不供而禍善神曰能曰汝能不殺乎神曰實司其柄焉得不殺曰非謂此也謂有濫悞疑混也神曰能曰汝能不妄乎神曰我惟正直焉有妄哉曰非謂此也謂先後不合天心也神曰能曰汝不遭酒敗乎曰能曰如是為佛戒也以有心奉持而無心拘執以有心為物而無心想身能如是則先天地生而不為精後天地死而不為老終日變化而不為動畢竟寂滅而不為休悟此則雖娶非妻也雖饗非取也雖柄非權也雖作非故也雖醉非媯也是謂無心而已無心則無戒無戒則無心無佛無衆生無汝亦無我無汝則孰為戒哉神曰我神通去佛幾何曰

汝神通則十句五不能佛則十句七能三不能神竦然辟席曰可得聞乎珪曰汝能戾上帝東天行而西七曜乎弗能也珪曰汝能奪地祗融五嶽而結四海乎弗能也珪曰是謂五不能也佛能空一切相成

萬法智而不能即滅定業佛能知群有性窮億劫事而不能化導無緣佛能度無量有情而不能盡衆生界是謂三不能也然定業亦不牢久無緣亦謂一期衆生界本無增減廓無一人能主有法有法無主是謂無法無法無主是謂無心如我解佛亦無神通也但能以無心通達一切法耳神曰我誠淺昧未聞空義師所授戒我當奉行今願報慈德効我所能師曰吾觀身無物觀法無常了然更有何欲神曰師必命

第六

六

我為世間事展我神功使已發心未發信心不信心等人目我神蹤知有佛有神有能有不能有自然有非自然者師曰吾無用是為曰佛亦使龍神護法師寧隳叛佛耶願隨意示誨師不得已曰東岩寺之

障莽然無樹北岫有之然而皆非屏擁汝能移北樹於東嶺乎神曰既聞命矣恐昏夜必有喧動願師無駭即作禮辭去使門人送而且觀之見儀衛逶迤如王者之狀嵐靄烟霞紛綸間錯幢幡環佩凌空隱沒是夕果有暴風迅雷奔雲震電棟宇搖蕩宿鳥驚呼師謂衆曰無怖神與我契矣拂旦和霽則北山之松盡移東嶺森然行植焉師誠其徒曰吾沒後無令外知若為口實人將妖我矣師伊闕人姓李氏幼歲出

家具戒得法于老安國師壽七十有三云
論曰荆國王文公嘗問張文定公曰去
孔子百年而有孟軻此後追孔孟者為
誰何吾道之寡寡乎文定沉吟久之曰
有人第恐過之耳曰誰耶文定曰南嶽

冥

七

讓嵩山珪馬祖石頭丹霞無業若此類
孔孟之教嚮勒不住故歸釋氏矣文公
深肯之其後張公無盡聞之歎曰達人
之論也然嵩山蓋祖庭之旁出者也其
感應超絕說法沛然如此則南嶽而下

的傳正續宗師世教嚮勒不住端可見
矣二三公之讜論渠不信夫

是歲天竺三藏法師無畏至京師帝嗣位
之初一夕夢梵僧謁見風度瑗異及寤追
憶不已因追畫工授以形段圖於殿壁及

畏至入對帝熟視蓋夢中所見僧也竦然
異之館於西明寺寧薛諸王皆降禮欽重
其後秋旱帝庶知無畏能致龍遣內使傳
詔請兩畏難之奏以旱數當然若苦召龍
恐暴物帝再遣諭盲人苦秋暑雖暴風疾

雨適足快意畏諾之有司設壇儀華綵光
顯畏笑曰是可以致雨耶命撤去之獨持
漉鉢水以小刀攬之誦咒語百餘番即有
微物如蚪龍從鉢矯首水面頃之復沉畏
咒遣之白氣自鉢騰涌語詔使曰速歸雨
即至矣詔使馳出回顧有雲如練自講堂
盤旋而上頃刻風雷震電詔使趨入奏御
衣巾已透濕於是震風凌雨飄蕩廬舍士
民悚懼彌日而息又嘗霖霖逾時詔畏止
之畏於寺捏泥媪五軀向之作梵語若斥

罵者即刺而齋其神驗類如此帝敬之若神未幾通華言譯虛空蔽毗盧遮那蘇息地羯羅等經十餘部禪師一行三藏寶月等參預其事畏性簡靜好禪觀每勸學者習之累表求還帝堅留不許

真

八

是歲廣州節度宋璟入曹溪禮祖塔誓曰弟子願畢世外護大法祈一祥瑞表信言訖微風飄香氣氤襲人俄而甘雨傾注唯徧一寺之內璟忻躍而去未幾召入與姚元崇相繼執政世稱姚宋為中興賢相

辛酉朝廷以麟德曆暑日蝕比不驗詔禪師一行改撰新曆行受詔推大衍數立術以應之較經史所書氣朔日名度數可考者皆合而著之久之道士邢和璞謂太史令尹惜曰一行其聖人乎昔洛下閎造大初曆

嘗記曰八百年後當差一日必有聖人出世糾正之今年期差滿而一行推大衍數以糾數家之謬閎之言不誣矣惜亦以為然行復欲知黃道進退而太史無黃道儀表請勅置之制可

壬戌帝注孝經并製序

是歲沙門智昇上釋教經律論目錄凡二十卷銓次大藏經典及聖賢論撰凡五千四十八卷自是遂為定數

癸亥

十一年十月癸酉禪師一行製黃道儀成

寬六

九

帝自為之銘詔安武成殿庭以示百官其儀準圓天之像具列宿赤道及周天度數注水激輪令其自轉一晝夜而天運周外絡二輪綴以日月令得運行每天東行一周日西行一度月行十三度以十九分度

之二十九轉日有餘日月會三百六十五轉而日周天以木匱為地平令儀半在地下晦明朔望遲速有準立木人二於地平其一前置鼓以候刻至一刻則自擊之其一前置鍾以候辰至一辰亦自撞之皆於地中略施輪軸關鎖交錯相持當時稱其妙以為神功無幾銅鐵漸澁不能自轉遂藏之於集賢院

是歲改政事堂曰中書門下省

○有登州文登縣郭行妻王氏生女鶴喙

將喪自言酬先世嘗齋之報以此示人

子甲沙門牛雲者少不慧因詣臺山禮文殊初至東臺見老人問曰胡為而來曰願見大聖求聰慧耳老人曰文殊居壯臺尔往見之雲奉教趨壯臺老人亦在彼矣雲意其

即文殊也遂拜之老人曰汝沙門也不應禮俗士雲拜不已老人憐之為入定觀雲前身蓋牛也以嘗馳經故獲比丘報老人起定為雲言之復云汝性昏迷育中有淤肉在當為汝鏹去之因戒雲閉目無輒開

雲如約頗覺老人以鏹鋤其胸然不甚楚少頃心懷開豁頓異往時及開眸見老人現身為文殊妙相端嚴謂雲曰與汝聰明竟雲喜躍作禮及起身而文殊隱雲自是總持辨悟為時導師以夙因故牛雲稱焉

實丙

日本國沙門榮叡普照等至於揚州奉僧伽黎十領其上綴以山川異物之狀蓋其國主附之以施中國高行沙門於時律師鑒真受其衣歎外國人有佛種性欲往化之會叡照等亦勸請遂附舶而東為惡風

飄入魚蛇等海以真律行高皆脫禍既至日本彼王預知枉駕迎勞館于毗盧遮那殿未幾請真授歸戒夫人羣臣皆以次稟授日本自是始有律教

三藏菩提流志卒春秋一百五十有六流

志南印土國王之子以讓位出家高宗聞名有詔要之以垂拱中至京師凡四十年如華嚴寶積經等皆出其手帝及重臣敬之如生佛葬日特給鹵簿羽儀塔于龍門之西原賜謚曰開元一切徧知三藏名德之盛古未有焉

時嵩山破竈墮和上者不稱名氏言行叵測初見老安國師契悟心要隱居嵩山有廟靈甚殿中唯安一竈遠近祭祀烹宰無虛日師領徒入廟以杖擊竈三下云咄

第六

十一

此竈泥瓦合成聖從何來靈從何起恁麼烹宰物命又擊三下竈乃傾破墮落須臾有一人青衣峨冠設拜師前曰我本廟竈神久受業報今蒙師說無生法得脫此處當生天上特來禮謝師曰是汝本有之性

非吾強言神再拜而去少選徒衆問師某等久在和上左右未蒙指示竈神得何徑旨便得生天師曰我只向伊道是泥瓦合成別無道理為伊衆無語師良久云會麼衆云不會師曰本有之性為什麼不會衆僧乃禮拜師曰破也破也墮也墮也於是其衆皆悟玄旨後有義豐禪師舉問安國師國師歎曰此子會盡物我一如可謂如朗月處空無不見者只是難湊伊語脉豐曰未審什麼人湊他語脉安曰不知者又

僧問物物無形時如何師曰禮即唯汝非我不禮即唯我非汝其僧禮謝師曰本有之物物非物也所以道若能轉物即同如來有僧從牛頭處來師曰來自何人法會僧進前叉手繞師一匝而出師曰牛頭會

下不可有此人僧乃回上邊叉手而立師云果然果然僧却問應物不由他時如何師曰爭得不由他僧云恁麼即順正歸原去也師曰歸原何順曰若非和上幾錯招愆師曰猶是未見四祖時道理見後道將來僧乃繞師一匝而出師曰順正之道今古如然又僧侍立次師曰祖祖佛佛只說如人本性本心此外別無道理會取會取僧禮謝師以拂子打之曰一處如是千處亦然師後不知終

是年十一月己丑禪師一行寢疾于華嚴寺舊唐史云帝一夕夢游其寺見一室繩床竹窓氣象蕭索及旦行以疾聞帝遣中使候問使還奏行居處之狀與所夢冥合帝歎久之有旨命京城十大德為行結壇

祈福既而行疾少間詔陪駕幸新豐未幾行疾革帝親候問遂沐浴端坐而逝春秋四十有五帝哭之哀甚輟朝三日有詔傷悼聽停龕三七日與中外瞻禮行容貌如生而鬢髮日長帝親製碑書之於石出內庫錢五十萬建塔銅人原謚曰大惠禪師帝嘗從容問國祚幾何有留難不行曰鑿輿有萬里之行社稷終吉帝驚問故不答退以小金盒進之曰至萬里即開帝一日發盒視之蓋當歸少許及祿山亂駕幸成

都至萬里橋忽悟未幾果歸昭宗初封吉王而唐以昭宗而滅故云終吉有里媪素供行而媪一子坐殺人將之刑媪悲泣請救行憐之令弟子捕生物得稚豕七行日藏其一於甕中為梵語咒之七日壯斗盡

其六

十三

沒朝廷震驚大史奏將有變請避正殿禳之帝密以問行對曰此無他蓋妖魔也凡嗔心壞一切善慈心降一切魔若賜赦天下則妖不能為帝然之遂大赦媪子由是得免行日出一豕則一星現至七日而斗

復如故其祕術多此類著易論十二卷大衍論二十卷開元大衍曆五十二卷七政長曆三卷釋氏系錄大衍玄圖心機筭術括遁甲十六局六壬連珠譌六壬髓經天一太一經太一局遁甲經各一卷五音地

里經十五卷宰相李吉甫奉詔撰一行傳一卷並見唐藝文志十六年詔特進張說曆官陳玄景等編次一行所撰大衍曆施用三月駕幸溫湯道由一行塔所帝為駐蹕徘徊令品官詣塔告以出豫之意賜帛五十疋令時塔前松栢其為聖眷如此宋史官歐陽文忠曰自太初至麟德曆凡二十三家與天雖近而未密至一行則密矣其倚數立法固無以易也後世雖有改作者皆依倣而已沙門道泓者生黃州與侍郎張敬之厚善能言吉凶亡不明驗嘗為中書張說視宅戒曰無穿東北壬隅也他日見說曰宅氣索然云何與說共視隅有三坎丈餘泓驚曰公富貴一世而已諸子將不終說懼將平之泓曰客土無氣與土

脉不連辟身瘡痛補佗肉無益也其後說諸子皆污祿山以斥死果如其言

論曰歐陽文忠公雅嫉吾釋未始略有假借獨於唐志尊一行大衍之作而宋景文於方技篇削一行玄奘等傳而獨

真六

古

著道泓地理之說或者以為唐浮圖行業無足為二公取者故止於是而已夫豈然哉蓋大衍所以統天時地理則切於人事是宜史筆取也若吾釋之盛莫甚於唐凡三百年間以道德為天下宗師者不可悉數歐宋以為奉異方之教故諱之而不書猶春秋時雖老聃郊子之賢返不若江人黃人得書於經豈亦老氏不足取哉蓋國經之典凡禮樂刑政所及貴賤必書若吾浮圖大絕世累

頽脫塵表者與刑政何與焉宜其不參於世典也由是言之歐宋黜吾釋其微意乃所以尊之也盛哉一行前膺洛下閎八百年之識當時則明天子跪之稱為聖人及其製作施於後世緼天地貫

幽明歷數百年而其從益驗果聖與賢

耶善弗得而知矣

已已初以上生日為千秋節○用大衍曆

是年太師燕國公張說薨說為唐宗臣朝廷大述作多出其手為文屬思精壯尤善

真六

十五

釋典嘗謫岳州而詩益悽婉時人謂得江山之助天下不稱姓而曰燕公著石刻般若心經序曰萬行起於心心人之主三乘歸於一一法之宗知心無所得是真得見一無不通是玄通如來說五蘊皆空人本

空也如來說諸法空相法亦空也知法照空見空捨法二者知見復非空耶是故定之與慧俱空法中入此門者爲明門行此路者爲超路非夫行深般若者孰能證於此乎駙馬都尉榮陽鄭萬鈞深藝之士也學有傳僻書成草聖乃揮洒手翰鐫刻心經樹聖善之寶坊啓未來之華業佛以無依相而說法本不生我以無得心而傳今則無滅道存文字意齊天壤國老張說聞而嘉焉讚揚佛事題之樂石又製法池院二法堂贊并序曰法池西三歸院二法堂茲院長老初上禪師所造也禪師姓彭氏名知至性篤孝執親之喪七日不食微言密行志道探玄究易老莊太一之旨善正書擅鍾王品格其點畫婉秀毫縷必見如

折槁荷磨文石筋理酒麩固非人力之所致也中朝名士山數高尚法流開勝遠近慕焉及晚年專意於禪頌平生事業脫若遺塵矣常歎帝王父母許我出家雨露生成恩惟一揆依如來教勅是功德萬一乎獻福二宮潛祐七祖將與一切咸登道場於是三歸堂以長安元年辛丑子月望日癸卯立善法堂以開元元年癸丑丑月望日戊辰建禪師母弟仁婉弟子啓疑及沙彌令哲左右斯業實有力焉而作贊曰敬告諸佛子一心清淨觀欲求真道當從十六信根入是佛虛空相是法微妙光定慧不相離是僧和合義人空法亦空二空亦復空住心三空寶是名三歸處至哉初上人建立善法堂彩翠三世佛莊嚴清淨眼能

運無礙心普入於一切見若不染色知若不取識是名真實見亦名解脫知佛觀離生滅諸法等如是

申壬

是歲定五服制蓋出自古至天后請母三年及盧氏駁議有異開元五年盧履冰上

言衆議紛然自是卿士之家孝服有異今

二十年蕭嵩等改修五禮勅下依行五服

禮者一三年服爲父曰斬衰哀情至切斬

截其心爲母曰齊衰次其父也然二十七

箇月終矣十二月小祥二十五日大祥二

十七月禫服更加一月心喪服之終也齊

斬服以縗麻臣孝於君亦爾二期年服十

三箇月爲祖父等三大功九月爲叔伯等

四小功五月堂兄弟等五總麻三月三從

兄弟等內外族等餘如五服注疏全之

冥六

七

八月壬申朔一歲金剛智告其徒曰白月

圓時吾逝矣至時遶毗盧像頂梵夾退歸

寢室跏趺而逝賜謚灌頂國師敕中書杜

鴻漸撰紀德碑智西域人本王種出家從

龍智阿闍黎傳密教及來東土初達南海

廣州節度聞於朝有旨驛馳赴闕入見帝

大悅館於大慈恩寺未幾夏旱詔智祈雨

智結壇圖七俱胝像約開眸即雨閱三日

像果開眸有物自壇布雲彌空斯須而雨

帝特降詔褒美明年辭游鴈門不允遂遷

薦福寺爲人語默與居容止凝粹喜愠不

形于色見者莫測其涯所至必結灌頂道

場弟子不空傳其教初不空事智智授以

梵本悉曇章及聲明論不逾旬而誦之智

奇其駿引入金剛道場以擲花驗之智以

為勝已不空因求瑜伽五部智未之許不
空擬入天竺求之智一夕夢京城佛像皆
東行及寤以詰不空空啓以西游意智曰
汝有授道之資吾何靳哉即授以五部及
毗盧遮那經蘇息軌範及智沒不空奉遺
教游天竺增廣其學

是歲禪師義福卒舊唐史云福得法於神
秀禪師初止藍田化感寺處方丈之室二
十餘年未嘗出宇之外嘗隨駕幸東都蒲
號二州刺史及官吏士民皆賁幡花迎之
所在塗路充塞及卒有旨賜號大智禪師
葬伊闕之上送者數萬人中書嚴挺之為
製碑初神秀雖德行為禪門之傑得帝王
欽重而未嘗聚徒開堂傳法至義福普寐
始於京城傳教二十餘年人皆仰之

五十六

六

桓州刺史韋濟奏方士張果有長年秘術
自言數百歲矣則天嘗召之果佯死不赴
今復見之帝聞遣中書侍郎徐嶠賈璽書
迎之果至帝聞其變化不測而疑之時邢
和璞者善筭能知人壽天帝令筭果懽然
莫知其甲子又有師夜光者善視鬼帝召
果與之密坐令夜光視之夜光不能見帝
聞飲葶汁無苦者真竒士會天寒以葶汁
賜之果飲三危醺然如醉顧左右曰非佳
酒也傾之取鏡視齒則盡焦黑命左右取
鐵如意擊齒墮盡更出神藥傳其斷寢頃
之齒復粲然如故帝始信之將妻以公主
果預知苦辭獲免後懇辭歸山下制曰恒
州張果先生游方之外者也迹造高尚深
入窈冥早渾光塵應詔城闕莫詳甲子之

數且謂羲皇上人問以道樞盡會宗極今特行朝禮爰昇寵命可銀青光祿大夫號通玄先生其年果入恒山後不知終

乙亥二十三年三歲無畏卒春秋九十有九詔鴻臚丞李現監護喪事塔于龍門之西山

冥六

九

廣化寺葺其全身畏本釋種甘露飯王之後以讓國出家道德名稱為天竺之冠所至講法必有異相初在烏茶國演遮那經須臾衆會咸見空中有毗盧遮那四金字各尋丈排列久之而沒又嘗過龍河一駝駝負經沒水畏懼失經遽隨之入水於是龍王邀之入宮講法不許彼請堅至為留三宿而出所載梵夾不濕一字其神異多類此是歲三歲不空於師子國從普賢阿闍黎

求開十八會金剛灌頂及大悲胎藏建壇之法其王一日調象俄而羣象逸莫敢禦之者不空遽於衢路安坐及狂象奔至見不空皆頓止跪伏少頃而去由是舉國神敬之

論曰自大教東流諸僧間以神異助化是皆功行成熟契徹心源自覺本智現量獲聖絕非呪力幻術所致也殆自東晉戶利密已降宣譯祕呪要其大歸不過祀鬼神驅邪妄為人攘災釋患而已其間往往不無假名比丘自外國來挾術驚愚有所謂羅漢法者正么膺邪術下劣之技亦猶道家雷公法之類也茲豈高道巨德弘禪主教者齒哉及開元中西域金剛智無畏不空三大士始傳

密教以立言德祥開佑至尊即其神功
顯効幾與造化之力均焉故三大士雖
宏密教抑本智現量護聖與嘗慨資治
通鑑稱貞觀中有僧自西域來善呪術
能令人立死復呪之使蘇太宗擇飛騎

冥六

辛

中壯者試之皆如其言因以問傅奕奕
曰此邪術也臣聞邪不干正請使呪臣
必不能行帝命僧呪奕奕初無所覺須
臾僧忽僵仆若為物所繫遂不復蘇此
恐好事者曲為之辭何則若使果有是
則僧非真僧呪非真呪正謂邪術耳固
不足以張吾教之疵也矧萬萬無此理
向使彼能自西域遠至長安厥術能死
人而復蘇乃不暇自衛其身對常人無
故而僵死雖兒童莫之信也又當是時

三大士者雖俱未至若京城大德僧惠
乘玄琬法琳明瞻諸公其肯坐視絕域
偽僧破壞教門不請峻治乃留帝命傅
奕辨耶佛制戒律雖春暎生草猶不許
比丘踐之恐害其生况說斷人命呪傳

于世乎故予謂好事者曲為之辭斷可
見矣

佛祖歷代通載卷第十六

冥六

壬

音釋

嬖補佛切賤而瑫他牢切戾音戾垂音垂科當
復幸曰音辟 璽音璽 醺許軍切醉
切發 露余林切音濕 醺許軍切醉
也 和悅也

佛祖歷代通載卷第十七

冥七

嘉興路大中祥符禪寺持華亭念常集

冥七 ○始建置州學

二十六年沙門法秀者夢異僧勸置袈裟五百領施回向寺僧既覺歎異遂乞丐造

冥七

之然徧訪所謂回向寺者咸無得焉一日

道逢一僧逆而問曰託置袈裟今成未秀

曰成矣僧曰吾導汝入回向寺汝可裹糧

載燧從吾以往秀曰諾翌日隨之入終南

山行二日至深絕處所見唯雲物掩苒崑

洞崎嶇進遇石壇共止其上僧命秀鑽燧

出火炷香望層霄拜之忽雲開見崖半有

朱門高聳剎旛飛揚秀忻然與之攀躋而

上漸聞午梵清圓鐘磬交作須臾望見其

寺有額曰回向其僧即趨而入命闡者授

秀館因具儀謁上方老宿次見諸僧皆奇

偉雍穆相勞問明日秀出袈裟遍寺施之

老宿謝畢携秀入一空房呼侍者取尺八

俄頃侍者持玉簫至老宿曰此唐天子舊

居之室也向在此好聲樂故降為人主久

當復歸秀止再宿不得留老宿授與玉簫

并袈裟囑曰持歸獻唐天子即遣僧送秀

出寺行未遠回望而雲霧四合秀慨歎而

還詣闕表上所寄帝覽之因取玉簫調弄

宛如夙御焉其後燕沉香亭詔李白為辭

帝吹玉簫楊妃起舞歡甚疑飄搖而仙去

帝吹玉簫楊妃起舞歡甚疑飄搖而仙去

帝吹玉簫楊妃起舞歡甚疑飄搖而仙去

帝吹玉簫楊妃起舞歡甚疑飄搖而仙去

帝吹玉簫楊妃起舞歡甚疑飄搖而仙去

帝吹玉簫楊妃起舞歡甚疑飄搖而仙去

識其爲大賢館之齋中每旦唯服棗十顆
栢葉餅如七大者一枚終日濡毫臨紙未
嘗接人事如是三稔遷馬氏古佛堂側築
土室以居晝日危坐而已閱十年忽囊負
經書而去行二十里偶一虎當途馴伏玄

冥七

二

撫之曰吾將著論釋華嚴經能爲擇棲止
處不即以經囊負其背而隨之至神福山
原下土龕之前蹲駐玄取其囊置龕中虎
即妥尾而去其龕瑩潔廣六七肘圓轉上
下稱之蓋天設以畀有道非人力所爲也

長者著論之夕心窮玄奧口出白光以代
燈燭于時忽有二女子容華絕世皆可筭
年衣布衣俱以白巾幪首曰爲長者汲泉
炷香奉紙墨每於卯辰之間輒具淨饌置
長者前齋畢徹器則引去莫測所之如是

五載至長者著論畢遂滅迹不見長者美
髭髯朗眉目丹唇紫肥冠樺皮衣麻衣長
裙博袖散腰徒跣而行放曠人天靡所拘
執嘗一日出山遇里人高會燕樂長者就
語之曰汝等好住吾將歸矣衆驚其去有

送入山者至龕而謝遣之即於是夕煙雲
疑布崑谷震蕩有二白鶴翔空哀喚其餘
飛走悲鳴滿山翌日里人共往候之則已
端坐示寂于龕中壽九十有五華嚴論四
十卷決疑論四卷會釋二卷十門玄義排

冥七

三

科釋略及緣生解迷十明論各一卷十玄
六相普賢行願華嚴緣觀偈贊詩賦等里
人聚於方山逝多蘭若大曆中沙門超廣
始獲之遂行于世

十二月青原行思禪師示寂吉州安城人

也姓劉氏幼年出家初見六祖問當何所
務即不落階級祖曰汝曾作什麼師曰聖
諦亦不爲祖曰落何階級師曰聖諦尚不
爲何階級之有祖深器之及居青原有沙
彌希遷者見師師云子何方而來曰曹溪

師曰將得什麼來曰未到曹溪亦不失師
曰恁麼則用去曹溪作什麼曰若不到曹
溪爭知不失遷問曹溪還識和尚不師曰
汝今識吾不曰識又爭識得師曰衆角雖
多一麟足矣他日又問遷汝什麼處來曰

曹溪師乃豎起拂子云曹溪還有這箇麼
曰非但曹溪西天亦無師曰子莫曾到西
天不曰若到即有也師曰未更道曰和
尚也須道取一半莫全靠學人師曰不辭
向汝道恐已後無人承當又令遷往南岳

和尚處下書曰汝達書了速回吾與汝箇
鉢斧子住山遷至彼未呈書便問不重已
靈不求諸聖時如何讓曰子問太高生何
不向下問遷曰寧可永劫沉輪不慕諸聖
解脫讓便休遷回師問子返甚速書達不

遷曰信亦不通書亦不達師曰作麼生遷
舉前話了便云去時蒙和上許鉢斧子便
請師垂下一足遷禮謝辭往石頭即石頭
和上是也及是師既歸寂門人咸尊爲七
祖焉

冥七

四

時京都興唐寺禪師普寂卒舊唐史云寂
生河東馬氏少時徧尋高僧學經律師事
神秀凡六年秀奇之盡以道授之秀入京
因薦與則天得度爲僧秀歿天下好釋氏
者咸師事之中宗聞其高行特下令代

神秀統其法衆開元十三年有旨移寂於都城居止時王公士庶爭來禮謁寂嚴重少言來者難見其和悅之容遠近尤以此重之及卒凡京城士庶曾謁見者皆制弟子之服有勅賜號大照禪師葬日河東尹

裴寬及其妻子並衰麻列于門徒之次士庶傾城哭送市易幾廢

午壬 改天寶

九月太子詹事嚴挺之卒少有風操累登顯用皆著聲績天下引領望其爲相帝亦知其賢欲遂相之晚爲李林甫所抑鬱鬱不得逞至是預爲墓誌曰天寶元年挺之自絳州刺史抗疏陳乞天恩允從許養疾歸間兼授太子詹事前後歷三十五官每承聖恩常忝獎擢不盡驅策驚蹇何階仰

冥七
五
峇鴻造春秋七十無所展用爲上士所悲其年九月寢疾于洛陽之私第以某月某日葬于太照和上塔次之西禮也盡忠事君叨載國史勉拙從事或布人謠陵谷可以自紀文章焉用爲飾初挺之師事大照

禪師惠義深明釋典及遺葬大照塔次示不忘其德見舊唐史

未癸

帝遣中使楊庭光入司空山采常春藤光因詣無相寺問本淨禪師曰弟子慕道斯久願和上慈悲略垂開示師曰天下禪宗碩學咸會京城天使足可啓決貧道猥山傍水無所用心楊再拜師曰天使休禮貧道天使爲求佛耶問道耶曰弟子昏昧未審佛之與道其義云何曰若欲求佛即心是佛若欲會道無心是道曰云何即心是

佛曰佛因心悟心以佛彰若悟無心佛亦不有曰云何無心是道曰道本無心無心名道若了無心無心即道庭光跪受回闕具以山中所遇聞奏即勅庭光賚詔起師以是冬十二月到京安置白蓮亭明年正

月上元日追兩街名僧須學赴內道場共師闡揚佛理有遠禪師者問如禪師所見以何爲道師曰無心是道遠曰道因心有何得言無心是道師曰道本無名因心名道心名若有道不虛然窮心既無道憑何立二俱虛妄總是假名遠曰禪師見有身心是道以否師曰山僧身心本來是道遠曰適言無心是道今又言身心本來是道豈不相違師曰無心是道心泯道無心道一如故言無心是道身心本來是道道亦

本冥是身心六身心本既是空道亦窮源無有遠曰觀禪師形體甚小却會此理師曰汝只見山僧相不見山僧無相遠曰請禪師於相上說出無相師曰淨名經云四大無主身亦無我無我所見與道相應大德若

以四大有主是我若有我見窮劫不可會道也遠慚汗而退如遠者又七人往復論道師皆縱口詞辯傾注帝及四衆莫不稱善而罷

三年南嶽懷讓禪師示寂元和中名儒張

正甫製其碑曰天寶三載觀音大師終於衡岳春秋六十八僧騰四十八元和十年故大師弟子道一之門人曰惟寬懷暉感塵劫遽遷塔樹已拱懼絕故老之口將貽後學之憂丕若貽謀思揚祖德乃列景行

託於廢文強名無跡以慰平罔極之思曰
自騰蘭演教于此土也殆將千歲達磨傳
心至六葉也分爲二宗不階初入頓入佛
慧曹溪教旨於是乎傳弘而信之觀音其
人也大師諱懷讓京兆杜氏其先因家安

其七

七

康卽爲郡人髫年後發聰悟絕衆群言所
涉一覽無遺居常而未或好弄在醜而不
可褻近嘗嘿觀止水因而顧影形儀頤若
宛在鏡中三反厥像如初沛然而心乎獨
得還步未輟聞於空中曰佛法津梁俟子

而大旣應付囑爾盍勉之乃深割愛線亟
從剃落以荆土律藏之微密也大士智京
在焉攝衣從之旣進而儀法峻整冠於等
輩以嵩嶽禪之泉海也長安長老在焉稽
首咨之旣授而身心自在超出塵垢厭離

文字思會宗元周法界以冥搜指曹溪而
遐舉能大師方弘法施學者如歸涉其藩
闡者十三焉躋其堂室者又十一焉師以
後學弱齡分於末席虛中而若無所受善
閉而唯恐有聞能公異焉置之座右會一

音吹萬有衍方寸彌大千同焉而友暢異
焉而脗合同受祕印因爲宗師乃陟武當
窮棲十霜竭來衡岳終焉是託般若勝槩
有觀音道場宴居斯宇因以爲號或徵言
析理辯士順風而杜其口或杖屨將撰山

靈借留而現於夢遠自梁益近從荆吳雲
趨影附風動川至靈山聖會古今一時至
矣哉未始聞也一公見性同德弘教鍾陵
鬱爲名家再揚木鐸而施及寬暉繼傳心
燈共鎮國土乃追琢琬琰揭于故山揚其

耿光以示來劫其受法弟子亦序列于左
式明我教之有開焉

百乙○立楊太真爲貴妃矣○道士吳筠是年
詔見于大同殿帝問道要對曰深於道者
無如老子五千文其餘徒喪紙劄耳復問

冥七

神仙治鍊法對曰此野人事積歲月求之
非人主宜留意筠每陳皆名教世務以微
言諷天子天下重之沙門嫉其見遇而高
力士素事佛共短筠於帝筠知不得留辭
還山下詔爲立道館後徙茅山由會稽剡

中卒初筠見惡於力士而斥故其文深詆
釋氏議者譏其背向時浙西觀察使陳少
游大惡筠所爲因命法師神邕著論折之
邕著翻迷論以訂其妄筠論遂廢給事中
竇紹見邕論歎曰邕可謂塵外摩尼論中

師子

成內五月制天下度僧尼並令祠部給牒今謂
之祠部者自此而始也

是歲不空三藏自西域還詔入內結壇爲
帝灌頂賜號智藏國師時方士羅思遠者

以術得幸有旨令與不空驗優劣他日會
于便殿思遠持如意向之言論次不空就
取如意授諸地令思遠舉之思遠饒力不
能舉帝擬自取不空笑曰三郎彼如意影
耳即舉手中如意示之思遠欽服而罷不

冥七

九

空凡祈禱必張綉座手持木神誦呪擲之
神自立于座四衆環視必見其神目吻瞬
動所禱雖造化之功可奪朝野奉之如佛

丁馬是年鳳凰現
卯世尊示滅一千七百年矣

任潤州鶴林寺徑山大師玄素卒左補闕李華製碑其畧曰嗚呼菩提位中六十一夏父母之生八十五年赴哀泣者可思量否至有浮江而莫望寺而哭十里花雨四天香雲幡幢蓋網光蔽日月以其月二十一

日四衆等號捧全身建塔于黃鶴山西原象法也州伯邑宰執喪師之禮率申哀慕江湖震悼叢於寺內移居高松互偃涅槃之夕倚桐雙枯虎狼哀號聲破山谷人祇慘慟天地晦冥及發隱登原風雨如掃慈

鳥覆野靈鶴徊翔有情無情德至皆感門人法鏡法海親奉徵言繕崇龕座菩薩戒弟子故吏部侍郎齊翰故刑部尚書張均故江東採訪使劉日正故廣東都督梁昇故潤州刺史徐嶠韋昭理故給事中韓延

賞故御史中丞李丹道流人望莫盛於此弟子嘗聞道於徑山猶樂正子春之於夫子也洗心瞻仰天漢彌高鏡公門人悟甚深者大理評事楊詣過去聖賢諸功德藏志之所至無不聞知魯史從告况乎傳信

其文曰濁金清鏡在爾銷鍊磨之瑩之功至乃見膏漬注然光明外遍陽升律應草木皆變啓迪瘖瞽唯吾大師息言成教捨法與悲辰極不動風波自移境由心寂道與人隨杳然玄默湛入無爲性本非垢云

真七

十

何淨除身心宴寂大極淪胥內光無盡萬境同如甘露正味琉璃妙器遍施大千無同無異度未度者化周緣備道樹忽枯涅槃時至我無生滅隨世因緣吉祥殿上應化諸天寂寂靈塔滔滔逝川恒沙劫壞智

月常圓

已癸西蕃寇圍涼州帝命三藏不空祈陰兵救之空誦仁王密語數番有神介胄而至帝親見之問曰神謂誰空曰北方毘沙門天王長子也空誦密語遣之數日涼州捷報

有神兵至威武雄盛賊畏懼卷甲而去帝悅詔天下軍壘皆立毘沙門天王祠

干甲左溪玄朗法師卒朗如意中得度就會稽叩宗法師商畧律部依恭禪師研究心法行頭陀教初南岳惠文禪師悟法華宗旨

以授惠思禪師思授天台智顛顛授章安灌頂頂授縉雲智威威授東陽惠威朗奉事東陽盡傳其道重山深林怖畏之地獨處岩穴凡三十年宴坐左溪因以為號每曰泉石可以洗昏蒙雲松可以遺身世吾

六其七

十一

以此始亦以此終建立精舍約而不陋跪懺其間奉觀音上聖願生兜率親近彌勒心不離定口不嘗藥或衣弊食絕布紙而綻掬泉而齋如繒續之温如滑甘之飽或問萬行俱空云何苦行答曰本無苦樂妄習為因眾生妄除我苦隨盡又問山水自利如聚落何對曰名香挺根於海岸如來成道於雪山未聞籠中比夫寥廓也一日告門人曰吾五印道成萬行無得戒為心本爾等師之言訖而逝春秋八十有二弟子神邕玄淨法燈消辯湛然等數十人傳其教補闕李華誌其碑陰畧曰禪師誨人匪勸講不待衆一辭多羅四十餘載一尼師壇終身不易食不重味居必偏廈非披閱聖教不空然一燭非瞻禮尊儀不虛行

一步其微細修心皆循律法之制是以遠方沙門隣境耆宿擁室填門若冬暘夏陰不召而自至也其後翰林梁肅深得台教之旨趣嘗著天台法門議曰修釋氏之訓者務三而已曰戒定慧斯道也始於發心成於妙覺經緯於三乘導達於萬行而能事備矣昔法王出世由一道清淨用一音演法機感不同所聞益異故五時五味半滿權實偏圓小大之義播於諸部粲然殊流要其所歸無越一實故經曰雖說種種道其實爲佛乘又曰開方便門示真實相喻之以衆流入海標之以不二法門自他兩得同諸秘密此教之所由作也洎鶴林滅而法網散神足隱而宗塗異各權所得互爲矛盾更作其中或三昧示生四依出

宜七

十三

現應機不等持論亦別故攝論地持成實唯識之類分路並作非有非空之談莫能一貫既而去聖茲遠其風東扇說法者桎梏於文字莫之自解習禪者虛無其性相不可牽復是此者非彼未證者謂證慧解之道流以亡反身口之事蕩而無章於是法門之大統或幾乎息矣既而教不終否至人利見惠聞惠思或躍相繼法雷之震未普故木鐸重授於天台大師大師像身子善現之超悟備帝堯大舜之休相贊龍樹之遺論從南嶽之妙解然後用三種止觀成一事之因緣括萬法於一心開十乘於八教戒定慧之說空假中之觀坦然明白可舉而行是故教無遺法法無棄人人無廢心心無擇行行有所證證有其宗大

師教門所以爲盛故其在世也光照天下
爲帝王師範其去世也往來上界爲慈氏
輔佐卷舒於普門示現降德爲如來所使
階位境智蓋無得而稱焉於戲應跡雖往
微言不墜習之者猶足以抗折百家昭示

其七

十三

三藏又况聞而能思思而能修修而能信
信而不已者歟斯人也雖曰未證吾必謂
之近矣今之人正信者鮮啓禪關者或以
無佛無法何罪何善之化化中人已下馳
騁愛欲之徒出入衣冠之類以爲斯言且

不逆耳故從其門者若飛蛾之赴明燭破
塊之落空谷殊不知坐致焦爛而莫能自
出雖欲益之而實損之與夫衆魔外道爲
害一揆由是觀之此宗之大訓此教之旁
濟其於天下爲不侔矣自智者傳法五世

至今湛然大師中興其道爲予言之如此
故錄之以繫于篇

是歲魯山令元德秀卒德秀字紫芝河南
人少孤事母孝舉進士不忍去左右自負
其母至京師母亡廬墓側刺血寫佛經數

千言絕筆感異香芬馥彌日而息食不鹽
酪藉無茵席調南和尉德秀不及親在而
娶不肯婚人以爲不可絕嗣荅曰兄有子
先人得祀吾何娶爲初兄子襁褓喪親無
資得乳媪德秀自乳之數日涌流能食乃

止家吾貧求爲魯山令歲滿筭餘一縑駕
柴車還愛陸渾佳山水乃定居家無僕妾
歲饑或日一甕嗜酒陶然鼓琴以自娛房
瑄每見德秀歎息曰見紫芝眉宇使人名
利之心都盡蘇源明嘗語人曰吾不幸生

衰俗所不耻者識元紫芝也及卒家唯枕履簞瓢而已族弟元結哭之慟或曰子哭過哀禮與結曰若知禮之過而不知情之至大夫弱無固壯無專老無在死無餘人情所耽溺喜愛可惡者大夫無之生六十

寒七

古

年未嘗識女色視錦綉未嘗求足苟辭佚色未嘗有十畝之地十尺之舍十歲之僮未嘗完布帛而衣具五味而食吾哀之以誠荒媼貪佞綺紈梁肉之徒耳

論曰凡諸史雜傳俱未有卓行篇唐史

特設此題載元魯山數人而已觀魯山行已之操及其弟元結所稱儼然一高僧耳真唐史數千人中遂嶄然傑出顧不美哉舊史稱其居母喪刺血寫佛經數千言絕筆感異香芬馥彌日而息而

新史削之夫魯山居喪所為出乎至誠宋景文何嫌而削之若謂惡求福於佛佛固未嘗邀魯山魯山自為之而不疑何佛之嫌若以身體髮膚受之父母不應毀則乳亦婦人之事非男子有也魯

山尚能出乳以食兄之子獨不當以血為母寫經何也景文深存名教然君子百行殊塗同歸奚必斬斬然以儒釋歎哉

未〇安祿山請以蕃將三十二人代漢將十一月反兵十五萬發范陽陷東都

寒七

古

兩肅宗亨改至德元載玄宗第三子祿山及玄宗幸蜀權立太子

於鳳翔即位李泌為相郭子儀李光弼為平安祿山史思明之亂帝年五十

二崩葬建陵在位七年

五月逆賊安祿山陷長安玄宗幸蜀或謂車駕入蜀之初有守臣與祿山偕反者其

人曾為闔守有畫像在路次玄宗忽見之不勝大怒命侍臣以劍斬像首其人時在陝西不覺其首無故忽墮于地及是駕至成都渡萬里橋悟一行金盒當歸之誠於是洗然忘憂云

秋七月皇太子即位于靈武是為肅宗旬日諸鎮節度兵至者數十萬乃以房琯為相兼元帥討賊未幾為祿山所敗于時寇難方剋或言宜憑福祐帝納之引沙門百餘人行宮結道場朝夕誦唄帝一夕夢沙門身金色誦寶勝如來名以問左右或對曰賀蘭白草谷有新羅僧名無漏者常誦此佛頗有神異帝益訝之有旨追見無漏固辭不赴尋敕節度郭子儀諭旨無漏乃來見于行在帝悅曰真夢中所見僧也既

而三藏不空亦見于行宮帝併留之託以祈禳

丁酉正月安祿山子慶緒使李猪兒弑祿山而自立九月副元帥郭子儀破安慶緒復京師十月帝至自靈武十二月太上皇至自

西蜀○未幾於內禁立道場講誦讚唄甚嚴宰相張鎰諫曰天子之福要在養人以一函宇善風俗未聞區區佛事能致太平願陛下以無為為心不以小乘擾聖慮帝不納尋敕五嶽各建寺廟選高行沙門主

其七

其六

之聽白衣能誦經五百帙者度為僧或納錢百緡請牒剝落亦賜明經出身及兩京平又於關輔諸州納錢度僧道萬餘人進成納自此而始改乾元復稱年○史思明殺安慶緒復反

是歲新羅僧無漏示寂于右閣門合掌凌空而立去地尺所左右以聞帝驚異降蹕臨視得遺表乞歸葬舊谷有詔護送舊居建塔至懷遠縣下院輒舉不動遂以香泥塑全身留之下院

亥巳
是歲遣使詣韶州曹溪迎六祖能大師衣鉢入內供養詔南陽惠忠禪師赴關忠越州諸暨人自受曹溪心印居南陽黨字谷中凡四十年足不下山門嘗示衆曰禪宗學者應遵佛語一乘了義契自心源不了

義者互不相許如師子身豕夫爲人師若涉名利別開異端則自他何益如世大匠斤斧不傷其手香象所負非驢所堪及是赴詔初安置于福寺一日帝問如何是十身調御忠起身而立曰會麼帝曰不會忠

寒

七

頤左右云與老僧過淨瓶來帝又問如何是無諍三昧荅曰檀越踏毘盧頂上行帝曰此意如何忠曰陛下莫認自己清淨法身帝益不曉於是齋沐別致十問其一曰見性已後用布施作福否忠對無相而施

合見性二曰日久作何行業合得此道忠荅無功而修合此道三曰或有病難將何道理修行抵擬忠對無功而修了業本空得不動轉四曰臨終時作麼生得清涼自在無疑忠以努力自信道爲對五曰煩惱

起時將何止息忠以本心湛然煩惱回歸妙用六曰見性已去用持戒念佛求淨土否忠對性即是佛性即是淨土七曰捨此陰了當生何處忠以無舍無生自在生爲對八曰臨終時有花臺寶座來迎可赴否

忠以不取相爲對九曰作麼生得神通似佛國忠以見性如貧得寶如民得王對十曰只依此本性修定得作佛否忠對定得作佛佛亦無相無得乃爲真得前十對皆廣有其辭今約科目爲對耳帝由是疑心

玄旨三月巳丑詔天下州郡各置放生池冬十月昇州刺史顏真卿撰有唐天下放生池碑銘并序曰皇唐七葉我乾元大聖光天文武孝感皇帝陛下以至聖之姿屬艱虞之運無少康一旅之衆當祿山強暴之初乾鞏勞謙勵精爲理推誠而萬邦胥悅克已而天下歸仁恩信侔於四時英威達于八表功庸格天地孝感通神明故得迴紇奚霫契丹大食循蠻之屬扶服萬里決命而爭先朔方河東平盧河西隴右安

冥七

六

西黔中嶺南河南之師虓闕五年推鋒而効死摧元惡如拉朽舉兩京若拾遺慶緒遁逃已蒙赤族之戮思明跣伏行就沸鼎之誅拯已墜之皇綱據再安之宗社迎上皇於西蜀申子道於中京一日三朝大明

天子之孝問安侍膳不改家人之禮蒸蒸然翼翼然真帝皇之上儀誥誓所不及已歷選內禪生人以來振古及隋未有如我皇帝者也而猶媼煦萬類憂勤四生乃以乾元二年歲次巳亥春三月巳丑端命左驍衛右郎將史元琮中使張廷玉奉明詔布德音始于洋州之興道泊山南劔南黔中荆南嶺南浙西諸道迄于昇州之江寧秦淮太平橋臨江帝郭上下五里各置放生池凡八十一所蓋所以宣皇明而廣慈

愛也易不云乎信及豚魚書不云乎洎鳥獸魚鱉咸若若之聰明睿智神武而不殺者非陛下而誰昔殷湯克仁猶存一面之網漢武垂惠纔致銜珠之吝雖流水救涸寶勝稱名蓋事止於當時尚介祉於終古

冥七

十九

豈我今日動者植者水居陸居舉天下以爲池罄域中而蒙福乘陀羅尼加持之力竭煩惱海生死之津揆之前古曾何髣髴微臣職忝方面生丁感羨受恩寢深無以上報謹緣臯陶溪斯歌虞頌魯之義述天

下放生池碑銘一章雖不甲雍容聖明萬分之一亦臣之精懇也碑銘不錄

庚子 改上元

丑半 尚書左丞王維卒維字摩詰臨終無病遺親故書數幅停筆而化工草隸善畫名盛

於開元天寶間豪英貴人虛左以迎之寧薛諸王待以師友盡思入神至山水平遠雲勢石色繪工以爲天機所到非由學致也客有以按樂圖示者無題識維曰此霓裳第三疊取初拍也客未然引工按曲乃信與弟縉皆篤志奉佛食不葷血衣不文綵別墅在輞川地奇勝有華子岡欵湖竹里館柳浪茱萸泝辛夷塢與裴迪游其間賦詩相酌爲樂喪妻不娶孤居三十年母喪表請以輞川第施爲佛祠

壬寅

改寶應四月庚戌楚州龍興寺尼真如恍若有人接之升天見天帝帝授以十三寶謂真如曰中國有灾宜以第一寶鎮之甲子楚州刺史崔旆奉表獻于朝其一曰玄黃天符

形如笏長八寸闊二寸黃玉也有文云辟兵後 二曰玉雞

毛文悉備 三曰穀璧徑六寸粟粒 四曰西

白玉也 五曰碧色寶圓而先 六

曰如意珠形如卵 七曰紅靺鞨大如八 八曰

琅玕珠二枚長二寸 九曰玉玦如環四分 十

曰玉印物則鹿形著 十一曰皇后採桑

其

于

鈎長六寸形如著屈其 十二曰雷公斧長

寸關 十三曰其名帝覽之大悅以置日中

則白氣屬天名之曰定國寶帝以獻自楚

州即皇太子始封之國又聞中原有灾宜

以第二寶鎮之遂詔皇太子攝政事大赦

天下

五月太上皇崩年七十有八帝自春至夏

多不豫及太上皇崩哀感號慟致疾相距

十四日而崩年五十四皇太子即位是為

代宗

佛祖歷代通載卷第十七

音釋

苒而琰切 七呼罵切 妥湯果切 筭古奚切

啖力骨切 鈿徒鶴切 瑄古滿切 蕪雞聲切

泌步必切 鎬胡道切 霽似玉切 煦高亮切

泝普旦切 玕古寒切 玕古寒切 煦温也

寒

王

佛祖歷代通載卷第十八

實八

嘉興路大中祥符禪寺住持華亭念常集

唐

卯癸

代宗豫改年廣德

肅宗長子玄皇諸孫百餘人代居長為嫡孫即位後用元載為相而黜李泌及誅元載復用楊綰年五十三崩於農內殿葬元陵在

位十年

七年

乙巳

改年永泰○九月鑄金銅佛像於光順門

率百僚拜祀之十月吐蕃寇逼京師內出

仁王經輦送西明諸寺置百尺高座講之

寇平○帝夢六祖惠能大師請衣鉢歸于

曹溪翌日遣中使送還是時寇難屢逼帝

寢以為憂宰相王縉曰國家慶祚靈長福

報所憑雖多難無足道者祿山思明毒流

方煽而皆有子禍僕固懷恩臨敵而踣群

戎來寇未及戰輒去非人事也帝由是篤

意佛道修祠祀詔天下官司無箠辱僧尼

禁中講誦仁王護國經詔命不空三藏重

譯舊本帝親為之序官不空特進鴻臚卿

是年詔法師良賁於大明宮之桃園造新

仁王經疏成賁以表進呈略曰洗心滌慮

扣寂求音發明啓自天宮加被仰憑佛力

咸約經論演暢真宗亦猶集群王於荆山

約百川於溟海火生於木並兩曜而俱明

識轉於如體一相而等照成道者法也載

法者經也廣度群有同於大通足菩提心

如陛下意帝覽之稱善改大曆元年

千丙

道義禪師是年建金閣寺勅十節使助之

以二稅七月始作孟蘭盆會于禁中設高

祖太宗已下七聖位備鑾輿建巨幡各以

帝號標其上自太廟迎入內道場饒吹鼓

舞旌幢燭天是日立仗百僚於光順門迎
拜導從自是歲以爲常癸未太廟二宮生
靈芝帝賦詩美之百僚皆屬和

訂○大教東被七百年矣

七月宰相杜鴻漸出撫巴蜀至益州遣使

冥八

二

詣白崖山請禪師無住入城問法曰弟子
聞今和上說無憶無念莫妄三句法門未
審此三句是一是三無住曰無憶名戒無
念名定無妄名慧然一心不生則具戒定
慧非一非三也曰後句妄字莫非從心否

無住曰從汝者是曰有據否無住曰法句
經云若起精進心是妄非精進若能心不
妄精進無有涯又問師還以三句接人否
對曰初心學人還令息念澄停識浪清水
影現悟無念體寂滅現前無念亦不立也

時庭樹鷓鴣鳴公曰師還聞否曰聞鷓鴣去矣
又問師今聞否曰聞公曰鷓鴣去無聲云何
言聞無住顧四衆曰正法難聞各宜諦聽
聞與不聞非關聞性本來不生今亦不滅
有聲之時是聲塵自生無聲之時是聲塵

自滅而此聞性不隨聲生不隨聲滅悟此
聞性則免聲塵流轉乃至色香味觸亦復
如之當知聞無生滅聞無去來公與僚屬
喜躍稱善又問弟子頃著起信論疏二卷
得名解佛法否曰夫造疏皆用心思量分

冥八

三

別但可著成傳益初學據論云知一切法
從本以來離言說相離文字相離心緣相
畢竟平等無有變異唯是一心故名真如
今相公著言說相著名字相著心緣相既
著種種相何由體解佛法公稽首曰師今

從理確論合心地法門實不思議然何由
得不生不滅契解脫去答曰見境心不起
名不生不生即不滅既無生滅即不被前
塵所縛當處解脫公曰何謂識心見性答
曰一切學道人隨念流浪蓋爲不識真心

不見本性真心者念生亦不順生念滅亦
不依寂不來不去不定不亂不取不舍不
沉不浮無爲無相活鱖鱖平常自在此心
體畢竟不可得無可知覺觸目皆如無非
見性也鴻漸由是棲心禪悅嘗有詩云長

顏追禪理安能揖化源晚以疾辭宰相釋
位三日而薨臨終沐浴儼朝服加僧伽黎
剃鬚髮而逝遺命依沙門法葬

論曰無住說法簡當明妙雅合首楞嚴所
謂聞無生滅之旨宜乎聞者悟悅而信解

也鴻漸靈武策立功臣家世奉佛其臨終
剔髮鬚服僧衣遂與宋朝王文正公旦肖
馬雖文正公巨德元勳完名高節卓冠名
臣之表非鴻漸所能彷彿然暮年付囑諸
子及其友楊文公大年丁寧曲折文公談

苑著之甚詳茲可想見知佛之深而見道
之明也嗚呼吾宗直指當人見聞覺知一
段大事本爾現成奈何人自棄昧徃徃終
身役役爲他閒事長無明者天下碌碌皆
是若二公能自回頭存心後世打徹大事

吳

四

夫豈易得也哉

戊
清涼國師澄觀字大休會稽人姓夏侯氏
生於開元戊寅身長九尺四寸垂手過膝
口四十齒目光夜發晝乃不昫天寶七年
出家至肅宗二年丁酉受具是年奉詔入

內勅譯華嚴初至德中即以十事自勵曰
體不捐沙門之表心不違如來之制坐不
背法界之經性不染情碍之境足不履尼
寺之塵脇不觸居士之榻目不視非儀之
綵舌不味過午之饋手不釋圓明之珠宿

不離衣鉢之側從牛頭忠徑山欽問西來
宗旨授華嚴圓教於京都說禪師至是大
曆三年代宗詔入內與大辯正三藏譯經
爲潤文大德既而辭入五臺大華嚴寺重
思華嚴以五地聖人栖身佛境心體真如

猶於後得智起世俗心學世間解繇是博
覽六藝圖史九流異學華夏訓詁竺經梵
字及四圍五明聖教世典等書靡不該洽
至建中四年下筆著疏先求瑞應一夕夢
金容當陽山峙光相顯顯因以手捧咽面

案八

五

門既覺而喜以謂獲光明徧照之徵自是
落筆無停思乃以信解行證分華嚴爲四
科理無不包觀每慨舊疏未盡經旨唯賢
首國師頗涉淵源遂宗承之製疏凡歷四
年而文成又夢身爲龍矯首南臺尾蟠北

臺宛轉凌虛鱗鬣耀日須臾變百千數蜿
蜒青真分散四方而去識者以爲流通之
像也初爲衆講之感景雲凝停講堂庭前
之空中又爲僧叡等著隨疏演義四十卷
隨文手鏡一百卷云

是年帝召國師惠忠入內引太白山人見
之帝曰此人頗有見解請師驗之忠曰汝
蘊何能山人曰忝識山識地識字善算曰
山人所居之山是雄山是雌山山人茫然
不能對忠曰識地否曰識忠指殿上地問

曰此是何地答曰容弟子算方知忠曰識字否曰識忠於地上畫一畫曰此甚字山人曰是一字忠曰土上一畫是王字何謂一字耶又問能算否曰能忠曰三七是多少山人曰國師玩弟子三七豈非二十一

忠曰卻是山人弄貧道三七是十何謂二十一復問更有何能答曰弟子縱有亦不敢向國師開口忠曰縱汝有能亦俱未是師卻謂帝曰問山不識山問地不識地問字不識字問算不解算陛下何處得此懵

漢來帝謂山人曰朕有國位不足爲寶師乃國寶也山人曰陛下真識寶者矣

是歲詔徑山道欽禪師至闕下帝親加瞻禮一日師在內庭見帝起立帝曰師何以起欽曰檀越何得向四威儀中見貧道帝

真八

六

三二〇

龍藏

悅謂忠國師曰朕欲賜欽師一名忠欣然奉詔遂賜號國一禪師後辭歸本山馬祖大師令門人智藏問十二時中以何爲境師曰待汝回去時有信藏曰只今便回師曰傳語卻須問取曹溪又僧問如何是祖

師西來意師曰汝問不當曰如何得當師曰待吾滅後卻向汝說至貞元八年示寂賜諡大覺禪師

馬巴

牛頭惠忠禪師示寂師得法於威師爲牛頭宗第六祖平生一衲不易器用唯一鐺

嘗有供僧穀二廩盜者窺伺虎爲守縣令張遜者入山頂謁問師有何徒弟曰有三五人遜曰可得見否師敲牀三下有三虎哮吼而出遜驚怖而退及移居莊嚴寺將建法堂有古樹群鵲巢其上師謂巢曰此

地建堂汝可速去言訖群鵲遷巢他樹及
築基有二神人定其四角潛資夜役不日
而成由是學徒雲集師有安心偈曰人法
雙淨善惡兩忘直心真實菩提道場至是
將終石室前掛鐵樹掛衣藤無故枯死師

笑入

七

集衆布薩記淨髮浴身是夕有瑞雲覆其
院空中復有天樂之聲詰旦怡然坐化俄
頃風雨暴作震折林木有白虹貫于岩壑
成漢云西域大耳三藏至京師自云得他心慧
眼帝令入光宅寺請國師惠忠誠驗忠問

汝得他心通耶對曰不敢忠曰汝道老僧
即今在什麼處三藏云和上是一國之師
何得往天津橋看弄猢猻又問老僧即今
在什麼處三藏曰和上是一國之師何得
去西川看競渡忠第三問語亦如前三藏

良久問知去處忠叱曰這野狐精他心通
在什麼處三藏無對

論曰四祖下融大師橫說豎說猶未知向
上關楨子此黃蘗運公語也以黃蘗大機
大用逸格手段作如是說則其然矣異時
學人相似語言以爲禪之者凡貶剝諸方
徃徃猶不止於此嗚呼世謂學不躡等矧
吾宗單傳心印用以了生死者其可以躡
等乎觀牛頭諸祖道盛一時於死生之際
感驗昭著有生而百鳥啣花虎狼給侍者

有滅而鳥獸哀鳴逾月乃止者有異香經
旬而歇者有山林變白溪澗絕流者有空
中神幡從西而來遶山數匝者有所居舊
院林木變白七日而復者及是忠禪師所
感皆不思議事出於造化之表自非神德

妙行蔽天地而不耻關百聖而不慚者曷以臻此邪如大耳三藏分證小果得五神通及見國師初二度國師以有所緣心則灼見其處及第三度國師入甚深秘密大寐定門大耳於是茫然不知然則證果有

實八

階級大道有淺深端不誣矣或謂巫咸相壺子棋擬國師者自性圓通與夫區區術數爲可同年而語哉

是年大廣智三藏不空示疾誠門人曰普賢行願出無邊法門汝等勤而行之宜觀

菩提心本尊大印直詮阿字了法無生證大覺身又命弟子趙遷執筆授所撰涅槃軌範以貽後世使準此送終以表辭帝詔遣內使賜湯藥勞問就加開府儀同三司肅國公食邑三千戶辭讓數四不允不空

歎曰吾以法濟世不意垂死濫汗封爵乃以先師金剛智所付法物因中使李憲誠進之遂沐浴更衣吉祥安卧而寐闍維頂骨不壞中含舍利光彩奪目御使嚴郢撰紀德碑太常徐浩書之于石其辭曰

和上諱不空西域人也氏族不聞於中夏故不書玄宗燭知至道特見高仰迄肅宗代宗三朝皆爲灌頂國師以玄言德祥開佑至尊代宗初以特進大鴻臚褒表之及示疾不起又就卧內加開府儀同三司肅

實八

九

國公皆牢讓不允特賜法號曰大廣智三藏大曆五年夏六月癸未滅度于京師大興善寺代宗爲之廢朝三日贈司空追諡大辯正廣智三藏和上茶毘目詔遣中謁者齋祝文祀祭申如之敬睿詞深切加

薦令芳禮冠群倫舉無與比明年九月詔以舍利起塔于舊居寺院和上性聰朗博觀前佛法藏要旨緇門燭立邈蕩蕩其無雙稽夫真言字儀之憲度灌頂升壇之軌迹即時成佛之速應聲儲祉之妙天麗且

彌地普而深固非末學所能詳也敢不駢見序其大歸昔金剛薩埵親於毘盧遮那佛前受瑜伽最上乘義後數百年傳於龍猛菩薩龍猛又數百年傳於龍智阿闍黎龍智傳金剛智阿闍黎金剛智東來傳於

和上和上又西遊天竺師子等國詣龍智阿闍黎揚摧十八會法法化相承自毘盧遮那如來至於和上凡六葉矣每齋戒留中道迎善氣登禮皆答福應較然溫樹不言莫可紀已西域隘巷狂象奔突以慈眼

視之不旋踵而象伏不起南海半渡天吳鼓駭以定力對之未移晷而海靜無浪其生也母氏有毫光照燭之瑞其沒也精舍有池水竭涸之異凡僧夏五十享年七十自成童至于晚暮常飾供具坐道場浴蘭

焚香入佛知見五十餘年晨夜寒暑未嘗有傾歎懈倦之色過人絕遠乃如是者後學陞堂誦說有師法者非一而沙門惠朗受補處之記得傳燈之旨繼明佛日紹六為七至矣哉於戲法子永懷梁木將絕本

其八

行託子勒崇昔承徵言今見几杖光儀眇漢壇宇清愴綦書昭銘小子何讓銘曰嗚呼大士起我三宗道為帝師秩為儀同昔在廣成軒后順風威逾三千復有肅公瑜加上乘真語密契六葉授受傳燈相繼述

者牒之爛然有第陸伏狂象水息天吳慈
心制暴慧力降愚寂然感通其可測乎兩
楹夢奠雙樹變色司空寵終辨正旌德天
使祖祭宸衷悽惻詔起寶塔舊庭之隅下
藏舍利二飾浮圖跡殊生滅法離有無刊

石為碣傳之大都

亥辛

越州律師曇一卒補闕梁肅製其碑曰釋
氏先律師諱曇一字覺胤報年八十僧夏
六十一以大曆六年十二月七日滅度于
越州開元寺遷座起塔于秦望山之陽製

緣會葬者以千百數大師南陽張氏曾祖
隋太常恒始家會稽之山陰大師延鍾粹
氣聰悟夙發幼學五經因探禹穴至雲門
寺遂依沙門諒公出家景龍中剃度尋受
具戒天縱辯慧益以軌儀翕然已為人望

亥八

十

矣開元初西遊長安觀音亮律師見而奇
之授以毘尼之學又依崇聖寺壇子法師
學俱舍唯識從印度大沙門無畏受菩薩
戒探道觀輿出類拔萃期月之間名動京
師大師崖岸峻峙機神坦邁體識詳雅應

用虛明得三藏之隱蹟究諸宗之源底加
以素解玄儒旁總曆緯長老聞風而悅服
公卿下榻以賓禮由是與少保充國公陸
公象先賀賓客知章李北海邕徐中書安
貞褚諫議庭誨為儒釋之遊莫逆之友其
導世皆先之以文行弘之以戒定入蘭室
而馨香自發臨水鏡而毫髮必鑑不知其
所由然矣開元二十六年復歸會稽謂人
曰三世佛法戒為根本本之不修道遠乎
哉故設教以尸羅為主取鄴郡律疏合終

南事鈔括其同異詳發正義學徒賴焉大凡北際河朔南越荆閩四分之宗自我而盛烈炬之破昏黑群流之赴澗潭適來之時行化也如彼有爲而生乘化而息草木潛潤慈雲無心適去之時處順也如此人

世遷轉道存運往瞻望不見寂寥空山哀哉銘曰越水滂滂崇山回合大師化滅式建靈塔緬慕上士誕修淨法有威有儀不窪不雜德溥化洽雲從海納勒銘垂後千萬億劫

是歲淮南節度使揚州牧御史大夫張延賞狀舒州三祖行實請諡于朝夏四月天子賜諡曰鑑智禪師刺史獨孤及製賜諡碑曰按前志禪師號僧粲不知何許人出見于周隋間傳教於惠可大師樞衣鄴中

得道於司空山謂身相非真故示有瘡疾五八謂法無我故居不擇地以衆生病爲病故所至必說法度人以一相不在內外中間故必言不以文字其教大略以寂照妙用攝群品流注生滅觀四維上下不見法不十二

見身不見心乃至心離名字身等空界法同夢幻無得無證然後謂之解脫禪師率是道也上膺付囑下極昏疑大雲垂蔭國土皆化謂南方教所未至我是以有羅浮之行其來不來也其去無去也既而以袈

裳與法俱付悟者道存影謝遺骨此山今二百歲矣皇帝即位後五年歲次庚戌某剖符是州登禪師遺居周覽塵跡明徵故事其茶毘起塔之制實天寶景戌中別駕前河南尹趙郡李公常經始之碑版之文

隋內史侍郎河東薛公道衡唐相國河南房公瑄繼論撰之而尊道之典易名之禮則朝廷方以多故而未遑也長老比丘釋湛然誦經於靈塔之下與澗松俱老痛先師名氏未經邦國焉與禪衆寺大律師澄

真六

十三

俊同寅叶恭丞以爲請會是歲嵩山大比丘釋惠融至自廣陵勝業寺大比丘釋開悟至自廬江俱慕我禪師後七葉之遺訓日相與歎塔之不命號之不崇懼象法之根本墜于地也願申無邊衆生之弘誓以

紆罔極揚州牧御史大夫張公延賞以狀聞於是六年夏四月上霈然降輿廢繼絕之詔冊諡禪師曰鑑智塔曰覺寂以大德僧七人掃洒供養天書錫命輝煥崖谷衆庶踴躍謂大乘中興是以大比丘衆議立

石于塔東南隅紀心法興廢之所以然某以謂初中國之有佛教自漢孝明始也歷魏晉宋齊及梁武言第一義諦者不過布施持戒天下感於報應而人未知禪世與道交相喪至菩提達磨大師始示人以諸

佛心要人疑而未思慧可大師傳而持之人思而未修迨禪師三葉其風寢廣真如法味日漸月漬萬木之根莖枝葉悉沐我雨然後空王之密箴二祖之微言始行於世間浹於人心當時聞道於禪師者其淺

者知有爲無非妄想深者見佛性於言下如燈照物朝爲凡夫夕爲聖賢雙峯大師道信其人也其後信公以傳弘忍忍傳惠能神秀秀公傳普寂寂公之門徒萬人陞堂者六十有三得自在慧者一曰弘正正

公之廊廡龍象又倍焉或化嵩洛或之荆
吳自是心教之被於世也與六籍侔盛於
戲微禪師吾其二乘矣後代何迷焉庸詎
知禪師之下生不爲諸佛故現比丘身以
救濁劫乎亦猶堯舜既往周公制禮仲尼

真六

十四

述之游夏弘之使高堂后蒼徐孟戴慶之
徒可得而祖焉夫以聖賢所振爲木鐸其
揆一也諸公以爲司馬子長立夫子世家
謝臨川撰惠遠法師碑銘今將令千載之
後知先師之全身禪門之權輿王命之追

崇在此山也則揚其風紀其時宜在法流
其嘗味禪師之道也久故不讓其銘曰人
之靜性與生偕植智誘於外淦爲妄識如
浪斯鼓與風動息淫駭貪怒爲刃爲賊生
死有涯緣起無極如來憫之爲闢度門即

妄了真以證覺源啓迪心印貽我後昆間
生禪師俾以教尊二十八世迭付微言如
如禪師應期弘宣世溷法滅獨與道全童
蒙來求我以意傳攝相歸性法身乃圓性
身本空我爲說焉如如禪師道既棄世將

二十紀朝經乃屆皇明昭賁億兆摸拜凡
今後學入佛境界於取非取誰縛誰解萬
有千歲此法無壞

子王魯郡公顏真卿撰撫州寶應寺律藏院戒
壇記曰如來以身口意業難調伏也淨尸

真八

十五

羅以息其內行住坐卧四威儀攝善心也
明布薩以昭其外故曰波羅提木又是汝
之師則僑陳如之善來迦葉波之尚法諸
聲聞三歸約衆十四年以八敬度尼羯磨
相承其致一也漢靈帝建寧元年有北天

竺五葉門支法領等始於長安譯出四分戒本兼羯磨與大僧受戒至曹魏有天竺十尼自遠而來爲尼受具後秦姚興弘始十一年有梵僧佛陀耶舍譯出四分律本而關中先行僧祇江南盛行十誦至元魏

法聰律師始闡四分之宗聰傳道覆覆傳惠光光傳雲暉碩碩傳隱樂洪雲雲傳遵遵傳智首首傳道宣宣傳法勵滿意意傳法成成傳大亮道省亮傳雲一道岸超惠澄澄傳惠欽皆口相授受臻於壺興欽俗

姓徐洪州建昌人也蓋漢孺子之後年十二尋師於臨川楮山後五歲削髮隸于高安龍崗寺遂受戒有唐義淨則譯經上足曰洪州之靈傑其秉宣羯磨者曰兩京滌法銳欽智度冲深神用高爽行無權實

身絕開遮闡律藏而日月光明騁辯才而龍象蹴踏江嶺之外凜然風生開元末北游京師克福先大德常誦涅槃經而講之兼明俱舍論維摩金剛經又登講座其下日有二三千人由是名動輦轂屬祿山作

亂杖錫南歸居于西山洪井雙嶺之間慕高僧觀顯之遺蹤於寺比剏置蘭若山泉之美頗極幽絕欽雖堅持律儀而志在弘濟好讀周易左傳下筆成章著律儀輔演十卷嘗撰本州龍興寺戒壇碑頗見稱於

真六

十六

作者三年真卿添刺撫州東南四里有宋侍中臨川內史謝靈運翻涅槃經古臺基局儼然軒陛摧圮高行頭陀僧智清者首事修葺安居住持明年秋七月真卿續秩將滿有觀察使尚書御史大夫趙國魏公

願以我皇帝降誕之辰奏爲寶應寺仍請
山林高行僧三七人冬十月二十三日聖
恩允許於是昂新輪奐其興也勃焉乃請
止觀大師法源法泉襄陽乘覺清涼善弘
羅浮圓覺佛跡本俞餘杭惠達洎常州海
通海岸等同住熏修以資景福僉以爲學
徒雖增毘尼未立明年三月乃請欽登壇
而董木鐸焉仍俾龍崗道幹天台法裔招
提智融白馬法胤衡嶽智覺同德義盈香
城巖選龍興巖智開元明徹等同秉法事

間幅員千里像法於變皆欽化道之力焉
臨川在嶺隅未嘗弘律於是二衆三百餘
人請法裔敷演而依止之後有上都資聖
寺高德曰還本律主偉茲能辯深嗟嘆而
讚美之謂於寺東南置普通無礙禪院內
立鎮國觀音道場讀善弘居之以開悟心
要雲一上足曰智融精持本事如會尊衆
乃命智晃等於普通道場東置律巖院剏
立戒壇以行欽公之來儀且施肇紀之不
朽經營未幾壇殿蔚興肅乎渡海浮囊分
毫絕羅剎之請嚴身瓔珞照耀有摩尼之
光則入佛位而披伽黎者名香普熏神足
無極半月可勝紀而無絕乎有唐大曆辛
亥歲行撫州刺史魯郡開國公顏真卿書
而志之

甲九年道士史華以術得幸因請立刃梯與沙門角法有旨兩街選僧剋日校勝負沙門崇惠者不知何許人常誦首楞嚴呪表請挫之帝率百僚臨觀史華履刃梯而上命惠登之惠躡刃而昇往復無傷惠承勝命聚薪于庭舉烈焰惠入火聚呼史華令入華慚汗不敢正視帝大悅而罷賜崇惠號護國三歲後不知終沙門圓澤者寓東都惠林寺與隱士李源厚善惠林即源舊第也父愷守東都為祿山所害源以故不仕常居寺中與澤談喙終日偶相率游我嵩山源欲自荊州泝峽以往澤欲由長安斜谷源以為久絕人事不欲復入京師澤不能強遂自荊州舟次南浦見婦人錦襜負甕而汲者澤望而泣曰所不欲由此者

為是源驚問故澤曰婦人孕三稔矣遲吾為之子不逢則已今既見之無可逃者公當以符呪助我令速生三日浴兒顏公臨顧以一笑為信後十三年於杭州天竺寺外當與公相見源悲哀具浴至暮而澤亡婦乳三日源往視之兒見源果軒渠而笑即具以語其家葬訖源返寺中後如期自洛之吳赴其約至期於葛洪井畔聞有牧童扣牛角而歌曰三生石上舊精魂賞月吟風莫要論慚愧情人遠相訪此身雖異性常存源曰澤公健否荅曰李君真信七然世緣未盡且勿相近惟勤修不惰乃復相見又歌曰身前身後事茫茫欲話因緣恐斷腸吳越江山尋已徧却回烟棹上瞿塘遂隱不見源復歸惠林至長慶初年八

十矣御史中丞李德裕表薦曰源天與至孝絕心祿仕五十餘年常守沉默理契深要一辭開析百慮洗然抱此真節棄於清世臣竊爲陛下惜之穆宗下詔以源守諫議大夫不赴尋以壽終

宋

十九

乙 郊國師惠忠將終耽源問百年後有人問極則事作麼生忠曰幸自可憐生須要護身符子作麼乃入辭代宗代宗曰師滅度後弟子將何所記忠曰告檀越造取一所無縫塔帝曰請師塔樣忠良久曰會麼帝曰

不會忠曰貧道去後有侍者應真卻知此事以十二月九日右脇而寤門弟子奉全身於黨子谷建塔賜諡大證禪師帝尋名應真入內舉前語問之真良久曰聖上會麼帝曰不會真述偈曰湘之南潭之北中

有黃金充一國無影樹下合同舡瑠璃殿上無知識代宗嘗在便殿指天下觀軍容使魚朝恩謂忠曰朝恩亦解此子佛法朝恩即問忠曰何者是無明無明從何而起忠曰佛法衰相今現帝曰何也忠曰奴也

解問佛法豈非衰相今現朝恩色大怒忠曰即此是無明無明從此起朝恩復抗聲曰有人言師今是佛得否忠曰朝廷有人言汝是天子果否朝恩伏地曰死罪死罪朝恩實非天子忠曰我不是佛所以二尊

不並化朝恩曰師長作凡夫無成佛時耶忠曰我向後必當作佛汝姓什麼朝恩曰姓魚忠曰我向後作佛不名惠忠汝向後若作天子改卻姓莫不姓魚否朝恩伏地曰死罪死罪朝恩此去實不敢向師論佛

法忠謂帝曰幾怕殺此奴

巳丁

十二年宰相元載王縉有罪載伏誅籍其家鍾乳五百兩胡榭八百斛他物稱是縉貶括州刺史縉素奉佛不茹葷晚節尤謹妻死以第為佛祠初帝未知重佛每從容

真八

二十

問縉所以然縉必開陳福業報應帝意向之由是宮中祀佛梵唄齋熏無少懈群臣承風旨言死生報應故人事置而不修議者以縉與杜鴻漸泥佛太過云

午戌

○米斗三文○猫鼠同乳

未巳

三月上崩太子即位

十四年天柱山崇惠禪師示寂師彭州人得法於牛頭威禪師後居天柱寺僧問達磨未來此土還有佛法也無師曰未來時且置即今事作麼生曰某甲不會師曰萬

古長空一朝風月良久又曰闍黎會麼自己分上作麼生于他達磨來與未來作麼他家來大似賣卜漢相似見汝不會為汝錐破卦文才生吉凶在汝分上一切自看僧問如何是解卜底人曰汝才出門時便

不中也問宗門中請師舉唱荅曰石牛長吼真空外木馬嘶時月隱山問如何是西來意曰白猿抱子歸青嶂蜂蝶啣花綠蔭間及是遷化肉身不壞數百年猶在

申庚

德宗适改年建中

代宗長子詔天下勿上祥瑞放馴象出宮女用

真八

二十一

盧杞為相致朱泚之亂幸奉天壽六十
四崩葬崇陵在位二十五年○立諭為
皇太子○始
定秋夏二稅

沙門惠超於五臺乾明寺錄出大廣智三藏不空所譯大乘瑜伽金剛性海曼殊室利千臂千鉢大教王經其序文曰大唐開

元二十一年歲次癸酉正月一日於薦福寺道場內金剛三藏與僧惠超授大乘瑜伽金剛五頂五智尊千臂千手千鉢千佛釋迦曼殊室利菩薩祕密菩提三摩地法遂於其後受是法已不空三藏奉事經千

八載至開元二十八載歲次庚辰四月十五聞奏開元聖上皇於薦福御道場內至五月五日奉詔譯經卯時焚燒香火起首翻譯三藏演梵本惠超筆授大乘瑜伽千臂千鉢曼殊室利經法教十二月十五日

纔訖天寶元年二月十九日三藏將此梵本及五天竺阿闍黎書並付與梵僧目叉難陀婆伽令送此經梵本并書將與五印土南天竺國師子國本師寶覺阿闍黎經今不回後於大曆九年十月再至大興善

寺大師大廣智三藏和上邊復伸咨決大教瑜伽心地祕密法門復將千鉢曼殊經本至建中元年四月十五日到五臺山乾元菩提寺遂將舊翻唐言梵音經本於寺校證至五月五日惠超重與抄寫出一切

如來大教王經瑜伽祕密金剛三摩地三密聖教法門述經祕義諸佛出世應物隨意志求者智鏡玄通念之者無憂不入根緣感赴必籍此經登菩提山除去邪執契傳二密得究瑜伽要祕法門窮理微妙身

真八

主

口意業用智修持戒定慧學顯現通達證如來地以信爲首乘般若舟速超彼岸今述曼殊之德靈迹歎伽聖覺無方神力潛運以多塵劫悲願不住菩提一主無二尊現爲菩薩自茲金色世界來其忍土清涼

之山道引羣品而即現燈現雲及萬菩薩
信生竒特現光現相人皆發明正智為利
益三世蒼生有趣悉證菩提也

或王
○括富商錢出萬緡者官借其餘以供軍

亥祭
○稅間架

佛祖歷代通載卷第十八

音釋

煽 尸戰切 熾也 适 古活切 疾也 鯨 布活切 尾長身

佛祖歷代通載卷第十九

真九

嘉興路大中祥符禪寺住持華亭念常集

唐

甲改興元○是年壽州毛罕妻子毛債猪頭象耳騾足魚腮人身鐵杖自鞭金田掃

寒九

地償盜常住錢債也南嶽明瓚禪師者不知何許人也初宰相李泌乾元中辭入衡嶽瓚隱居上封泌往謁之瓚誦經其聲先悲悽而後悅豫泌隱知音因謂曰將非避隱者有雲霄意乎瓚唾之曰莫相賊莫相賊泌色不為動瓚久之見泌立候不懈乃曰飯未泌曰未也瓚撥火出芋食與語久之辭去瓚撫其背曰好做十年宰相至是泌感事為帝言其高行有詔徵之使者至石窟宣麻命曰尊者起謝恩瓚寒涕垂頤

凝坐畧不以介意使者難其淳正不之迫回奏其事帝咨羨之數四不已瓚著歌一篇其辭曰兀然無事無改換無事何須論一段真心無散亂他事不須斷過去已過去未來猶莫算兀然無事坐何曾有人喚

向外覓功夫總是癡頑漢糧不蓄一粒逢飯但知噉世間多事人相趁渾不及我不樂生天亦不愛福田饑來喫飯困來即眠愚人笑我智乃知焉不是癡鈍本體如然要去即去要住即住身披一破衲腳著娘生袴多言復多語由來轉相悞若欲度眾生無過且自度莫謗天真佛真佛不可見妙性及靈臺何曾受熏鍊心是無事心面是娘生面切石可移動箇中無改變無事本無事何須讀文字削除人我本真合箇

中意種種勞筋骨不如林下睡兀兀舉頭
見日高乞飯從頭律將功用功展轉昏蒙
取即不得不取自通吾有一言絕慮忘緣
巧說不得只用心傳更有一語無過真與
細如毫末大無方所本自圓成不勞機杼

真九

二

世事悠悠不如山丘青松蔽日碧澗長流
山雲當幙夜月為鈎卧藤蘿下塊石枕頭
不奉天子豈羨王侯生死無慮更復何憂
水月無形我常只寧萬法皆爾本自無生
兀然無事坐春來草自青

荆溪湛然禪師臨終告其徒曰大道無方
無體生歟死歟其旨一貫吾歸骨此山報
盡今夕聊與汝等談道而决夫一念無相
謂之空無法不備謂之假不一不異謂之
中在凡為三因在聖為三德夔姪則初後

同相涉海則淺深異流自利利人在斯而
已爾其志之言訖而化翰林梁肅題其碑
陰曰聖人不興必有命世者出焉自智者
以法付灌頂頂再世而至左溪朗道若昧
待公而發乘此寶乘煥然中興其受業身

通者三十有九人而縉紳先生高位崇名

屈體受教者數十師嚴道尊遐邇歸仁自

丑非命世亞聖曷以臻此改貞元

丙二年翰林梁肅修天台止觀論成著止觀

統例曰夫止觀何為也導萬化之理而復

真九

三

於實際者也實際者何也性之本也物之
所以不能復者昏與動使之然也照昏者
謂之明駐動者謂之靜明與靜止觀之體
也在因謂之止觀在果謂之智定因謂之
行果謂之成行者行此者也成者證此者

也原夫聖人有以見惑足以喪志動足以失方於是乎止而觀之靜而明之使其動而能靜靜而能明因相待以成法即絕待以照本御大車以禦正乘大事而總權消息乎不二之場鼓舞於說三之域至微以盡性至順而體神語其近則一毫之善可通也語其遠則重玄之門可闕也用至圓以圓之物無偏也用至實以實之物無妄也聖人舉其言所以示也廣其目所以告也優而柔之使自求之擬而議之使自至

之此止觀所由作也夫三諦者何也一之謂也空假中者何也一之目也空假也者相對之義中道也者得一之名此思議之說非至一之旨也至一即三至三即一非相舍而然也非相生而然也非數義也非

強名也自然之理也言而傳之者迹也理謂之本迹謂之末本也者聖人所至之地也末也者聖人所示之教也由本以垂迹則為小為大為通為別為頓為漸為顯為秘為權為實為定為不定循迹以返本則

為一為大為圓為實為無住為中為妙為第一義是一三之蘊也所謂空也者通萬法而為言者也假也者立萬法而為言者也中也者妙萬法而為言者也破一切惑莫盛乎空建一切法莫盛乎假究竟一切

真九

四

性莫大乎中舉中則無法非中自假則何法非假舉空則無法不空成之謂之三德修之謂之三觀舉其要則聖人極深研幾窮理盡性之說乎昧者使明塞者使通通則悟悟則至至則常常則盡矣明則照照

則化化則成成則一矣聖人有以彌綸萬法而不差旁薄萬劫而不違燾載恒沙而不有復歸無物而不無寓名之曰佛強號之曰覺究其肯解脫自在莫大極妙之德乎夫三觀成功者如此所謂圓頓者非漸次非不定指論十章之義也十章者恢演始末通道之關也五畧者舉其弘綱截流之津也十境者發動之機立觀之諦也十乘者妙用所修發行之門也始於正觀而終於見境者義備故也闕其餘者非修之

要也乘者何也載物運者也十者何也成載之事也知其境之妙不行而至者德之上也乘一而已豈藉夫九哉九者非他相生之說未至者之所踐也故發心者發無所發安心者安無所安徧破者徧無所破

爰至餘乘皆不得已而說也至於別其義例判為章目推而廣之不為繁統而簡之不為少如連環不可解也如貫珠不可雜也如懸鏡不可揜也如通川不可遏也議家多門非諍論也按經正義非虛說也辯

四教淺深事有源也成一事因緣埋無遺也噫止觀其救世明道之書乎非夫聖智超絕卓爾獨立其孰能為乎非夫聰明深達得意思象其孰能知乎今之人乃專用章句文字從而釋之又何疎漏耶或稱不

思議境與不思議事皆極聖之域等覺至人猶所未盡若凡夫生滅心行三惑浩然於言說之中推上妙之理是猶醯鷄而說大鵬夏虫之議層冰其不可見明矣今止觀之說文字萬數廣尋果地無益初學豈

如暗然自修功至自至何必以早計為事乎是大不然凡所謂上聖之域豈隔闕遠負與凡境杳絕與是惟一性而已得之謂悟失之謂迷一理而已迷而為凡悟而為聖迷者自隔理不隔也失者自失性不失

也止觀之作所以離異同而究聖神使群生正性而順理者也正性順理所以行覺路而至妙境也不知此教者則學何所入功何所施智何所發譬如無目昧于日月之光行於重險之處顛踣墮落可勝已乎

噫去聖久遠賢人不出庸昏之徒含識而已致使魔邪詭惑諸黨並熾空有云云為坑為窞有膠於文句不敢動者有流於滌浪不能住者有太遠而甘心不至者有太近而我身即是者有枯木而稱定者有竅

冥九

六

號而稱慧者有奔走非道而言權者有假於鬼神而言通者有放心而言廣者有罕言而為密者有齒舌潛傳而為口訣者凡此之類自立為祖繼祖為家及經非聖昧者不覺仲尼有言道之不明也我知之矣

由物累也悲夫隋開皇十八年智者去世至皇朝建中垂二百載以斯文相傳凡五家師其始曰灌頂其次曰縉雲威又其次曰東陽小威又其次曰左溪朗公其五曰荆溪然公須於同門中慧解第一能奉師訓集成此書蓋不以文辭為本故也或失則繁或得則野當二威之際緘授而已其道不行天寶中左溪始弘解說而知者蓋寡荆溪廣以傳記數十萬言網羅遺法勤矣備矣荆溪滅後知其說者適三四人古

人云生而知之者上也學而知之者次也困而不學又其次也夫生而知之者蓋性德者也學而知之者天機深者也若其嗜欲深耳目塞雖學而不知斯為下矣今夫學者內病於蔽外役於煩沒世不能通其

冥九

七

文數年不能得其益是則業文為之屢校桔足也芴句為之簸糠眯目也以不能之師教不領之弟子止觀所以未光大於時也予常戚戚於是整其宏綱撮其機要其理之所存教之所急或易置之或引伸之

其義之透其辭之鄙或雜除之或潤色之大凡浮疎之患十愈其九廣略之宜三存其一於是祛鄙滯導蒙懂貽諸他人則吾豈敢若同見同行且不以止觀罪我亦無隱乎爾建中上元甲子首事筆削三年歲

在析木之津功畢云爾

辰戌般若三藏新譯大乘理趣六波羅蜜經成代宗皇帝親製叙文曰大朴既散有為遂作名利牽乎德巧智喪乎真愛惡攻乎性情因緣堅其染習內則百慮無節外則六

根競誘天理滅而莫知道源迷而忘返淪溺苦海劫盡還初惟至人了萬物之宗越三界之表廓獨立而不改徧諸有而常然故能開導群迷濟拔流品六波羅蜜經者衆法之津梁度門之圓極也昔日月燈明如來為菩薩說歷劫曠遠真偈寂寥文殊師利於耆闍會中與彌勒菩薩語及其事成一切種智會無量義因唯佛能知唯佛能說教必有主其在茲乎是以釋迦如來為法而生俟時而現三身不異故處代而

常離萬行無修故隨方而自在運慈悲之力開攝護之門因其六塵示之六度導於法分全證法身結習紛綸乘理而悟是真般若之旨也故有慈氏善問大音讚言天垂寶花雲集仙蓋甘露流液光明燭幽使

冥九

八

迷方淺深皆得自然之慧恒沙億衆能通般若之知嘗試論之先儒有言誠者自成而道自導也夫誠已於內則不勉而中不思而得誠物於外則不言而應不爲而成其內者證法之身其外者大悲之力德產之致密化育之功也夫春風吹發萬類咸滋旭日升晝群陰盡釋乾坤易簡之道是則大同神明幽贊之情孰云區別殊途一致其理固然朕虔奉丕圖保乂烝庶思建皇極以升大猷遐想靈蹤期於叶契舍城妙

說久祕梵文徒懷瀉瓶未啓遺夾微言不昧將或起予於是罽賓沙門般若受旨宣揚光宅沙門利言爲之翻譯時大德則資聖寺道液醴泉寺超悟慈恩寺應真莊嚴寺圓照光宅寺道岸等法門領袖人中龍

象證明正義輝潤玄文知釋迦之寶城識衆尊之滿字以貞元四年歲次戊辰十二月二十八日於西明寺譯成上進凡一十卷神龍翊衛如從金口之傳梵衆護持無異毫光之現朕齋心滌慮仰味宗源聞

冥九

九

所未聞寔為希有聊因暇日三復斯經雖法海甚深波流不讓舉其梗槩昭悟將來二月江西馬祖大師道一示寂師漢州什邡人姓馬氏容貌豐偉牛行虎視引舌過準足有二輪文遇懷讓禪師密契心法始

自建陽遷臨川次南康所至聚徒說法初
建禪林大曆中始居豫章開元寺嘗示衆
曰汝等諸人各信自心是佛此心即佛達
磨大師自南天竺國來此中華傳上乘一
心之法令汝等開悟又引楞伽經文以印

衆生心地恐汝顛倒不自信此一心之法
各各有之故楞伽經云佛語心為宗無門
為法門又云夫求法者應無所求心外無
別佛佛外無別心不取善不取惡淨穢兩
邊都不依怙達罪性空念念不可得無自

性故故云三界唯心森羅及萬像一法之
所印凡所見色即是見心心不自心因色
故有但隨時言說即事即理都無所礙菩
提道果亦復如是於心所生即名為色知
色空故生即無生着了此意乃可隨時著

衣喫飯長養聖胎任運過時復有何事汝
受吾教聽吾偈曰心地隨時說菩提亦只
寧事理俱無礙當生即不生師於開元示
寂先是師嘗經由豫章泐潭之石門愛其
山水奇勝洞壑平坦顧謂其從曰吾朽質
之日歸骨于此至是門弟子奉靈骨舍利
建道場于石門相國權德輿為之碑宣宗
賜謚大寂禪師得法弟子凡百三十有九
人各為一方宗主轉化無窮禪宗至此大
盛于世

真九

十

大珠惠海禪師者建州人初叅馬祖祖問
從何處來曰越州大雲寺來祖曰來此擬
須何事曰來求佛法祖曰自家寶藏不顧
拋家散走作什麼我這裏一物也無求什
麼佛法師遂禮拜問那箇是惠海自家寶

藏祖曰即今謂我者是汝寶藏一切具足更無欠少使用自在何假向外求覓師於言下自識本心不由知覺禮謝畢服勞久之後以受業師年老歸奉養乃晦迹藏用外現癡訥撰頓悟入道要門一卷為好事

竊出及馬祖見之即告眾曰越州有大珠圓明光透自在無遮障處也眾中有知師本姓朱者遂共尋訪師由是道望顯著說法波翻海湧浩然無礙有頓悟門及廣語行于世

庚午
迎佛骨

六年石頭希遷禪師示寂師得法於清原天寶中居衡山南寺寺東有石其狀如臺乃結庵其上時號石頭和尚南嶽鬼神多見身聽法師皆與之授戒大曆中江西主

真九

士

大寂湖南主石頭徃來憧憧並湊二大士之門嘗示眾曰吾之法門先佛傳授不論禪定精進唯達佛之知見即心即佛心佛眾生菩提煩惱名異躰一汝等當知自己心靈體離斷常性非垢淨湛然圓滿凡聖

齊同應用無方離心意識三界六道唯自心現水月鏡像豈有生滅汝等知之無所不備師初閱肇論云會萬物為已者其唯聖人乎遂豁然曰聖人無已靡所不已因著叅同契其辭曰竺土大仙心東西密相

付人根有利鈍道無南北祖靈源明皎潔枝派暗流注執事元是迷契理亦非悟門門一切境回互不回互回而更相涉不爾依位住色本殊質像聲元無樂苦暗合上中言明明清濁句四大性自復如子得其

母火熱風動搖水濕地堅固眼色耳音聲
鼻香舌鹹醋然依一一法依根葉分布本
未須歸宗尊卑用其語當明中有暗勿以
暗相遇當暗中有明勿以明相觀明暗各
相對比如前後步萬物自有功當言用及

慶事存函蓋合理應箭鋒柱承言須會宗
勿自立規矩觸目不會道運足焉知路進
步非遠近迷隔山河固謹白叅玄人光陰
莫虛度

酉祭 ○張滂請稅茶得錢四十萬緡茶稅之始

也

子丙 十二年宣河東節度使禮部尚書李詵備
禮迎法師澄觀入京觀至有旨命同屬賓
三藏般若翻譯烏茶國所進華嚴後分梵
夾帝親預譯場一日不至即差僧寂光依

第九

十一

僧欲云皇帝國事因緣如法僧事與欲清
淨觀承睿旨翻宣既就進之帝命開示華
嚴宗旨群臣大集觀陞高座曰我皇御宇
德合乾坤光宅萬方重譯來貢東風入律
西天輸越海之誠南印御書北闕獻朝宗

之敬特回明詔再譯真詮光闡大猷增輝
新理澄觀顧多天幸欽屬盛明奉詔譯場
承旨幽贊抃躍兢惕三復竭愚露滴天池
喜含百川之味塵培華岳無增萬仞之高
極虛空之可度體無邊涯大也竭滄溟而

可飲法門無盡方也碎塵刹而可數用無
能測廣也離覺所覺朗萬法之幽邃佛也
芬敷萬行榮耀衆德華也圓茲行德飾彼
十身嚴也貫攝玄微以成真光之彩經也
總斯七字為一部之宏綱將契本性非行

莫階故說普賢無邊勝行行起解絕智證
圓明無礙融通現前受用帝大悅賜觀紫
方袍號教授和尚其後相國齊抗鄭餘慶
高郢請撰華嚴綱要三卷相國李吉甫侍
郎歸登駙馬杜琮請述正要一卷又為南

真九

十三

康王韋臯相國武元衡著法界觀玄鏡一
卷僕射高崇文請著鏡燈說文一卷司徒
嚴綬司空鄭元刺史陸長源請撰三聖圓
融觀一卷節度使薛華觀察使孟簡中書
錢徽拾遺白居易給事杜羔等請製七處

九會華嚴界圖心鏡說文十卷又與僧錄
靈邃大師十八首座十寺三學上流製華
嚴圓覺四分中觀等經律論關脉三十餘
部皆古錦純金隨器任用云

卯巳
十五年清涼受鎮國太師號進加天下大

僧錄四月帝誕節敕有司備儀輦迎教授
和上澄觀入內殿闡揚華嚴宗旨觀陞高
座曰大哉真界萬法資始包空有而絕相
入言象而無迹妙有得之而不有真空得
之而不空生滅得之而真常緣起得之而

交映我佛得之妙踐真覺廓淨塵習寂寥
於萬化之域動用於一虛之中融身刹以
相含沆聲光而邀燭我皇得之靈鑒虛極
保合太和聖文掩於百王淳風扇於萬國
敷玄化以覺夢垂天真以性情是知不有

太虛曷展無涯之照不有真界豈淨等空
之心華嚴教者即窮斯旨趣盡其源流故
恢廓宏遠包納冲邃不可得而思議矣指
其源也情塵有經智海無外妄惑非取重
玄不空四句之火莫焚萬法之門皆入冥

二際於不一動千變而非多事理交涉而兩忘性相融通而無盡若秦鏡之互照猶帝珠之相含重重交光歷歷齊現故得圓至功於頃刻見佛境於塵毛諸佛心內衆生新新作佛衆生心中諸佛念念證真一

實九

古

字法門海墨書而不盡一毫之善空界盡而無窮語其定也真一心於無心即萬動而常寂海湛真智光含性空星羅法身影落心水圓音非叩而長演果海離念而心傳萬行忘照而齊修漸頓無得而雙入雖

四心廣被八難頓超而一極唱高二乘絕聽當其器也百城詢友一道棲神明正為南方盡南矣益我為友人皆友焉遇三毒而三德圓入一塵而一心淨千化不變其慮萬境順通于道契文殊之妙智宛是初

心入普賢之玄門曾無別體失其旨也徒修因於曠劫得其門也等諸佛於一朝諦觀一塵法界在掌理深智遠識昧辭單塵黷聖聰退座而已帝時默湛海印朗然大覺顧謂群臣曰朕之師言雅而簡辭典而

富扇真風於第一義天能以聖法清涼朕心仍以清涼賜為國師之號朕思從來執身心我人及諸法定相斯為甚倒群臣再拜稽首頂奉明命由是中外台輔重臣咸以八戒禮而師之

實九

十五

是歲廬山東林律大德熙怡卒許堯佐製其碑曰大師熙姓曹氏桂陽人也舊勲前烈垂休積慶史氏詳之矣夫真如不遠其要在乎無垢妙理不深其要在乎見性本於真實暢其虛無俾聆芳咀潤孜孜請益

則大師之教也。大師體識深靜，風度端敏，受具戒於南嶽，脩律儀於東林，常趺坐一室，而四方學者差肩繼踵，發此柔軟，納其歸依。弄言玉振，微文冰釋，故崇德雅美，臨壇持法，垂五十年。嘗以至德初，隸東林寺。

居耶舍塔院，數逾二紀，而信心長者懷甘奉贄，紛然並進。監厨守箴，不遑祇受。既而悉歸精舍，頌于衆僧。大師率同門人布衣糲食而已。故推已以見，相因相而歸空，搜閱精微，鑽研旨要，嘗苦背悶，而針石不能及也。故於中夜累歎，有神人撫背，殊形駭物。斯須乃去，自茲窮討經論，切磋心要，加以律儀，端靜受持，勤至感通之應，故難盡書。至於山鹿歸仁，林鳥效祉，大師之室，不足駭也。大曆五年，躋五老峰，望彭蠡，臨瀑。

布乃剏凌雲精舍，為經行之地。旁引泉竇，以滌塵迷。近躡松壑，以求清涼。丹崖雲岫，勢若屏牖。然趨風望景，攀危輦重翼，如而至者，難以數記。積十餘年，乃至大林精廬，淬法刃，然慧炬，俾夫恂恂圍繞者，割其縛。

導其迷，洗然而自得。貞元中，歸東林戒壇院，以吾道已成，吾教已行。十五年秋七月，召門弟子曰：吾隨化還，須臾寂滅。僧臘五十，報齡七十一。大師精貫六藝，旁達百氏，嘗與故太師魯國公顏真卿、故丞相趙公

實光

士

憬，故御史大夫盧公群，今吏部侍郎楊公於陵，為叅禪之侶。幽鍵洞發，玄言兩得。門人法粲等十餘人，傳其教焉。高僧傳誌，熙怡異迹尤多。而堯佐之文美雅，故錄其文而不載其傳。

原

十六年逸士劉軻游廬山之黃石岩遇高僧異之因為記曰古老有言太極之氣積成山嶽洩為川瀆然則匪阜之境其大者乎庚辰歲山客劉軻來拾恠異自麓至頂却下半里餘次于黃石岩岩中有棲禪子

不知其幾臆乃蹟其輕重頗見其宅心之地及問其往年但以手指松桂曰毫髮我植今環人臂鳥飛兔走吾復何齒矧卯戌之昏旦霜炎之凍灰生落之榮頽去留之泐泐雖云云自彼而於我蔑如也於戲苟

非岩房峭絕僧行孤峙則入境兩失其宜也復何言哉觀夫雲烟雜乎履舄嵐靄生於襟袖群形浩擾併人眸子每烟雨初霽山光澄練泠泠仙語如在耳右况又聳凌競上冥冥焉知不能與洪崖接袂浮丘連

頁九

七

駕盈縮造化吐納顛氣絕慚顏於厚面遠喧卑於臊穢乎不得而然者蓋鈎也餌也名為利鈎利為名餌吞鈎食餌手足羈鎖彼馬得跳躍於此乎夫禪子脫去桎梏四支宣展動與雲無心靜將石何機物我一

致端邪徑塞僕所謂非斯人不能住斯境也禪師生且春姓黃氏名常進以師久住遂以其姓易其岩名為南嶽雲峯律師法證示寐師族郭氏色厲而仁行峻而周道廣而不尤功高而不有毅然居山之北峯

以為儀表世之所謂賢人大臣者至南方咸用嚴事由其內者聞大師之言律儀莫不震動悼懼如聽擔命由其外者聞大師之稱道要莫不悽欷忻踴如獲肆宥故時推人師則專其首詔求教宗則冠其位凡

度學者五萬人壽七十有八僧臘五十七
河東柳子厚銘其塔復為之碑曰乾元元
年某月日皇帝曰予欲俾慈仁怡愉洽于
生人惟浮圖道允迪乃命五嶽求厥元德
以儀于下惟茲嶽上于尚書其首曰雪峯

大師法證凡蒞事五十年貞元十七年乃
沒其徒曰詮曰遠曰振曰巽曰素凡三千
餘人其長老咸來言曰吾師執行峻特器
宇弘大有來受律者吾師示以尊嚴整齊
明列義類而人知其所不為有來求道者

吾師示以高廣通達一其空有而人知其
所必至元臣碩老稽首受教髻童毀齒踴
躍執役故從吾師之命而度者凡五萬人
吾師冬不煖裘飢不豐食每歲會其類讀
群經俾聖言必出有以見其大又率其伍

伐木輦土作佛塔廟洎經典俾像法益廣
有以見其用將沒告門人曰吾自始學至
去世未嘗有作焉然後知其勤無不虛靜
無不為生而知未始來沒而知未始往也
其道備矣願刻山石知教之所以大其詞

曰師之教尊嚴有耀恭天子之詔維大中
以告後學是効師之德簡峻淵默柔惠以
直渙焉而不積同焉而皆得茲道惟則師
之功勤勞以庸維奧秘必通以興祠官遐
邇攸從師之族由號而郭世德有奕從佛
於釋師之壽七十有八惟終始同闕不冒
遺烈厥徒蒸蒸惟大教是膺惟憲言是懲
溥博恢弘如川之增如雲之興如嶽之不
崩終古其承之

狂○雪下一丈○丹霞出家年六十四矣

未隱士陸羽字鴻漸初爲沙門得之水濱畜之既長以易自筮得蹇之漸曰鴻漸于陸其羽可用以爲儀乃以陸爲姓氏名而字之師教以旁行書荅曰終鮮兄弟而絕後嗣得爲孝乎逃去爲優人天寶中太

真九

十九

守李齊物異之授以書貌俊陋口吃而辨上元中隱苕溪與沙門道標皎然善自號桑苧翁闔門著書名拜太子文學不就嗜茶著茶經三卷言茶之原之法之具尤備天下益知飲茶矣時鬻茶者至陶羽形置突間祀之爲茶神初開元中有逸人王休者居太白山每至冬取溪水敲其精榮者煮茗共客飲之時覺林寺僧志崇取茶三等以驚雷笑白奉以萱草帶供佛以紫茸香待客赴茶者至以油囊盛餘滴以歸復

有常伯熊者因盧仝茶詩深信飲茶之益乃取羽之論復廣著茶功御史李季卿宣慰江南知伯熊善煮茶名之伯熊執器而前季卿爲再舉杯時又有舉羽者名之羽野服挈具而入季卿不爲禮羽愧之更著毀茶論其後尚茶成風致回紇入朝驅馬市茶焉是歲東都聖善寺大師疑公卒翰林白居易作八漸偈吊之其序曰居易嘗求心要於師師賜教焉曰觀曰覺曰定曰慧曰門曰通曰濟曰捨由是入於耳貫於心嗚呼今師之報身則化師之八言不化至我八言實無生忍觀之漸門也故自觀至捨次而贊之廣一言爲一偈謂之八漸偈蓋欲以發揮師之心教且明居易不敢失墜也

既而升于堂禮于床跪而唱泣而去偈曰
觀以心中眼觀心外相從何而有從
何而喪觀之又觀則辨真妄覺惟直
常在爲妄所蒙真妄苟辨覺生其中不離
妄有而得真空定真若不滅妄即不

冥

干

起六根之源湛如止水是爲禪定乃脫生
死慧專之以定定猶有繫濟之以慧
慧則無滯如珠在盤盤走珠慧明定
慧相合合而後明照彼萬物物無遺形如
大圓鏡有應無情通慧至乃明明則

不昧明至乃通通則無礙無礙者何變化
自在濟通力不常應念而變二相非
有隨求而見是大慈悲以一濟萬捨
衆苦既濟大悲亦捨苦既非真悲亦是假
是故衆生實無度者

幽州盤山寶積禪師僧問如何是道師曰
出僧曰學人未領旨在師曰去師上堂示
衆曰心若無事萬象不生意絕玄機纖塵
何立道本無體因道而立名道本無名因
名而得號若言即心即佛今時未入玄微

若言非心非佛猶是指蹤之極則向上一
路千聖不傳學者勞形如猿捉影夫大道
無中復誰先後長空絕際何用稱量空既
如斯道復何說夫心月孤圓光吞萬象光
非照境境亦非存光境俱亡復是何物禪

冥

主

德譬如擲劍揮空莫論及之不及斯乃空
輪無迹劒刃無虧若能如是心心無知全
心即佛全佛即人人佛無異始爲道矣禪
德可中學道似地擎山不知山之孤峻如
石含玉不知王之無瑕若如此者是名出

家故導師云法本不相礙三際亦復然無
爲無事人猶是金鎖難所以靈源獨耀道
絕無生大智非明真空無迹真如凡聖皆
是夢言佛及涅槃並爲增語禪德且須自
看無人替代三界無法何處求心四大本

空佛依何住璿機不動寐爾無言覲面相
呈更無餘事珍重師將順世告衆曰有人
貌得吾真否衆皆將寫得真呈師師皆打
之弟子普化出曰某甲貌得師曰何不
呈似老僧普化乃打筋斗而出師曰這漢

向後如風狂接人去在師既奄化勅諡凝
寐大師真際之塔

是歲監察御史柳宗元送濬上人歸淮南
序曰金仙氏之道蓋本於孝敬而後積以
衆德歸於空無其敷演教戒於中國者離

爲異門曰禪曰法曰律以誘掖迷濁世用
宗奉其有修整觀行尊嚴法容以儀範於
後學者以爲持律之宗焉上人窮討祕義
發明上乘奉威儀三千雖造次必備嘗以
此道宣於江湖之人江湖之人悅其風而

受賜攀慈航望彼岸者蓋千百計天子聞
之徵至闕下御大明秘殿以問焉道揚本
教頗甚稱旨京師士衆方且翹然仰大雲
之澤以植德本而上人不勝顧復之恩退
懷省侍之禮懇迫上乞遂無以奪由是杖

真九

字三

錫東顧振衣晨往右司員外郎劉公深明
世典通達釋教與上人爲方外游始榮其
至今惜其去於是合郎署之友詩以貺之
退使孺子執簡而序之因繫其詞曰上人
專於律行恒久彌固其儀形後學者歎誨

於生靈觸類蒙福其積泉德者歟觀于高堂視遠如邇其本孝敬者歟若然者是将心歸空無捨筏登地固何從而識之乎古之贈禮必以輕先重故鄭商之槁先乘韋魯侯之贈後吳鼎今饒詩之重比目衆吳鼎也故乘韋之比得序而生之且曰由禮而不敢讓焉

甲甲南嶽般舟和上卒柳子厚作第二碑其詞曰佛法至于衡山及津大師始修起律教由其壇場而出者爲得正法其大弟子曰日悟和上盡得師之道以補其處爲浮圖者宗世家于零陵蔣姓也和上心大而行密體卑而道尊以爲由定發慧必用毘尼爲之室字遂執業於東林恩大師究觀秘義乃歸傳教不覩文字懸判深微登壇蒞

事度比丘衆歲凡千人者三十有七而道不恩以爲去凡即聖必以三昧爲之軌道遂服勤於紫霄遠大師修明要奧得以觀佛活入性海洞開真源道場專精長跪右遶不倚凡七日者百有二十而志不

衰初開元中詔定制度師乃居本郡龍興寺肅宗制天下名山置大德七人茲嶽尤重推擇居首師乃即崇嶺是作精室闢林莽剝岩巒殿舍宏大廊廡修直不命而敲力不祈而薦貨凡南方人顙念佛三昧者必由於是命曰般舟臺焉和上生十三年而始出家又九年而受具戒又十年而處壇場又三十七年而當貞元二十年正月二十七日化于茲室嗚呼無得而修故念爲實相不取於法故律爲大乘壞衣不飾

揣食不味覆薦服役凡出於生物者擯而勿用不自知其慈攝取調御凡歸於正真者動而成群不自知其教萬行方厲一性恒如寐用之涯不可得也有弟子曰景秀嗣居法會欲廣其師之德延于罔極故申

明陳辭俾刊之茲碑銘曰像教南被及津而尊威儀有嚴載闢其門吾師是嗣增濬道源度衆逾廣大明羣昏乃興毘尼微密是論八萬總結彰於一言聲聞熙熙遐邇邇來奔如木既拔有植其根乃法般舟奧妙

斯存百億冥會觀于化元同道祈祈功庸以敦如水期壅流之無垠帝求人師登我先覺赫美明命表茲靈嶽于彼南阜齋宮爰作負揭致貨時靡要約袒奮程力不呼而諾是刈是鑿既塗既斲層架孔碩以延

後學出不牛馬服不絮帛匪安其躬亦非其食勤而不勞在用恒寐縱而不傲在捨恒得洪融混合孰究其跡懿茲遺光式是嘉則容貌往矣軌儀無極其徒追思賡薦茲石

配順宗誦改永貞

德宗長子好浮圖教禮清涼為國師性寬仁愛尤善

文謙壽四十六崩咸寧殿葬豐陵居攝一年

是歲九月太尉中書令韋臯薨臯初生厥父飯僧祈福忽有應真尊者至齋畢乳媪抱兒求咒願尊者起謂衆曰此兒諸葛武

侯也它日有美政於蜀宜以武字之言訖恍然不見其後臯游官出處節義功名大槩與武侯相類治蜀二十有一年封南康群王有德在民四川至今奉祀之雅好釋氏法嘉州石像初成臯為之記畧曰頭圍

十尺目廣二丈其餘相好一一稱是世美其簡而雅又嘗訓鸚鵡念佛鸚鵡斃以來門故事闍維之得舍利阜爲之記曰元精以五氣授萬類雖鱗介毛羽必有感清英純粹者矣或炳耀离火或稟其蒼精皆應

冥九

三五

乎人文以奉若時政則有革彼禽類習乎能言了空相於不念留真骨於已斃殆非元聖示現感於人心同夫異緣用一真化前歲有獻鸚鵡鳥者曰此鳥聲容可觀音中華夏有河東裴氏者志樂金仙之道聞西方有珍禽群嬉和鳴演暢法音以此鳥名載梵經智殊常類意佛身所化常狎而敬之始告以六齋之禁比及辰後非時之食終夕不視固可以矯激流俗端嚴梵倫或教持佛名號曰當由有念以至無念則

仰首奮翅若承善聽其後或俾之念佛則默然而不荅或謂之不念即唱言阿彌陀歷試如一曾無爽異余謂其以有念爲緣生無念爲實際緣生不荅以爲緣起也實際雖言言本空也每虛室戒曙發和雅音

穆如笙篳靜鼓天風下上其音念念相續聞之者莫不洗然而嘉善矣嗚呼生有辰乎緣其盡乎以今年七月悴爾不憚七日而甚馴養者知將盡乃鳴磬而告曰將西歸乎爲爾擊磬爾其存念每一擊磬一稱彌陀佛洎十擊磬而十念成歛翼委足不震不仆揜然而絕按釋典十念成往生西方又云得佛慧者歿有舍利知其說者固不隔殊類哉遂命以闍維之法焚之餘燼之末果有舍利十餘粒炯爾耀目榮然在

掌識者驚視聞者駭聽咸曰苟可以誘迷利世安往而非菩薩之化歟時有高僧惠觀嘗詣三學山巡禮聖迹聞說此鳥涕淚悲泣請以舍利於靈山用陶甃建塔旌異之余謂此禽存而有道歿而有徵古之所

真九

三六

以通聖賢階至化者女媧蛇軀以嗣帝中行鳥身而建侯紀乎冊書其誰曰語怪而况此鳥有弘於道流聖證昭昭故可默已是用不愧直書于辭是歲八月順宗遜于位皇太子立是為憲宗初順宗嘗在東宮

問佛光如滿禪師曰佛從何方來滅向何方去既言常住世今佛在何處答曰佛從無為來滅向無為去法身等虛空常住無心處有念歸無念有住歸無住來為眾生來去為眾生去清淨真如海湛然體常住

智者善思惟更勿生疑慮帝又問曰佛向王宮生滅向雙林滅住世四十九又言無法說山河及大海天地及日月時至皆歸盡誰言不生滅疑情猶若斯智者善分別滿復答曰佛體本無為迷情妄分別法身

等虛空未曾有生滅有緣佛出世無緣佛入滅處處化眾生猶如水中月非常亦非斷非生亦非滅生亦未曾生滅亦未曾滅了見無心處自然無法說帝聞大悅又嘗問心要於清涼國師國師答之其畧曰至

真九

三七

道本乎其心心法本乎無住無住心體靈知不昧性相寂然包含德用該攝內外能深能廣非有非空不生不滅無終無始求之而不得棄之而不離迷現量則惑苦紛然悟真性則空明廓徹雖即心即佛唯證

者方知然有證有知則慧日沉沒於有地
 若無照無悟則昏雲掩蔽於空門若一念
 不生則前後際斷照體獨立物我皆知直
 造心源無智無得不取不捨無對無修然
 迷悟相依真妄相待若求真去妄如棄影
 勞形若體妄即真似處陰影滅若無心忘
 照則萬慮都捐若任運寂知則衆行爰啓
 放曠任其去性靜鑑覺其源流語默不失
 玄微動靜未離法界言止則雙亡知寂論
 觀則雙照寂知語證則不可示人說理則
 非證不了是以悟寂無寂真知無知以知
 寂不二之一心契空有雙亡之中道

佛祖歷代通載第十九

音釋

芋或虞切 蕪草盛也 蕪託計切 芡音方云什 憧昌容切
 意往來 烏恩亦切 為履鞞也 款欣衣切 燠於六切
 不定兒 恩為履鞞也 款悲泣也 燠於六切
 麓山足也 恩戶困切 患匹胡切 燠於六切
 帶音靴于篇鳥也 質入切 恩也 患也 燠也

佛祖歷代通載卷第二十

冥十

嘉興路大中祥符禪寺住持華亭念常集

唐

成憲宗純改元和順宗長子以北突厥承權

官為統師者天下安寧咸謂中興之主

冥十

服丹藥致性燥急後為中官陳弘志弒

之壽四十三歲葬于景陵時有名賢柳

子厚韓退之元微之劉禹

錫白居易等在位十五年

信州戴湖大義禪師者衢州須江人也姓

徐氏李翱嘗問師大悲用千手眼作麼師

云今上用公作麼有一僧乞置塔李尚書

問云教中不許將屍塔下過又作麼生無

對僧却來問師師云他得大闡提上詔入

內於麟德殿論議有一法師問如何是四

諦師云聖上一帝三帝何在又問欲界無

禪禪居色界此土憑何而立禪師云法師

只知欲界無禪不知禪界無欲法師云如

何是禪師以手點空法師無對帝云法師

講無窮經論只這一點尚不柰何師却問

諸碩德曰行住坐卧畢竟以何為道有對

曰知者是道師曰不可以知知不可以識

識安得知者是道乎有對無分別是道師

曰善能分別諸法相於第一義而不動安

得無分別是道乎有對四禪八定是道師

曰佛身無為不墮諸數安在四禪八定是

道邪眾皆杜口師又舉順帝問尸利禪師

大地眾生如何見性成佛尸利云佛性猶

如水中月可見不可取因謂帝曰佛性非

見必見水中月如何攫取帝乃問何者是

佛性師對曰不離陛下所問帝默契真宗

益加欽重師於元和十三年正月七日歸

寒壽七十四勅謚惠覺禪師見性之塔時
寒山子者不知其氏族鄉里隱於台州唐
興縣寒岩故父老以寒山子稱之爲人癯
野好冠樺皮冠著木屐裘衲縷縷狀若風
狂笑歌自若其所居近天台國清寺寺僧

寒山

二

豐于者亦非常人也每自薪水力於杵臼
以給衆用與寒山子爲方外友先是豐于
行赤城道中聞兒啼草萊間視之見孩童
十餘歲問其出處初無言對心異之引歸
寺令掃除以其得之於野因名拾得既長

頭陀苦行精敏絕倫甚爲豐于寒山所器
與之偕遊三人者相得懽甚寺僧皆訝之
然中心疑而莫之省也拾得日常滌器異
有殘脯著以筒留餌寒山二子皆能詩或
時戲村保寓事感懷輒有詩以見意或書

石壁或樹葉間或酒肆中語皆超邁絕塵
雖古名流未能髣髴也自述云元非隱逸
士自號山林人在魯蒙白憤且愛褻踈中
道有巢許操耻爲堯舜臣獼猴罩帽子非
學辟風塵又曰欲得安居處寒山可長保

微風吹幽松近聽聲愈好下有班白人喃
喃誦黃老十年歸不得忘却來時道又曰
有身與無身是我復非我如此審思量迂
延倚岩坐足間青草生頂上紅塵墮以見
世間人靈床施酒果又曰玉堂掛珠簾中

寒山

三

有嬋娟子顏貌勝神仙容華若桃李東家
春露合西舍秋風起更足三十年還如甘
蔗滓其句語若此者甚夥拾得嘗掌供獻
至食時對佛而食又於橋陳如像前訶斥
之曰小根敗種何爲者耶寺僧深怪之不

使直供又伽藍神粥飯多爲烏鳶所殘拾得杖擊神而甥罵曰汝食猶不能護焉能護伽藍乎神徧夢寺僧曰拾得鞭我至旦互以語及一一皆同志是衆駭之豐干出雲遊貞元末間丘胤出守台州欲之官俄

病頭風名醫莫差豐干偶至其家自謂善療此疾間丘聞而見之干命水巽濡之須臾所苦頓除因是大喜甚加敬焉問所從來曰天台國清曰彼有賢達者不曰有之然不可以世故求也寒山拾得師利普賢

示迹二子混于國清公若之官當就見不宜後也間丘南來上事未久入寺訪豐干遺迹但見茆宇蕭條庖伏舍側復入寺謁二大士寺僧引至後厨間丘拜謁二大士起走曰饒舌彌陀汝不識禮我何爲遽返

寒岩次日間丘令遺贈寒山見使至罵曰賊賊遂隱入岩石拾得亦潛去後不知終于荊州城東天皇道悟禪師協律郎符載撰碑其略云姓張氏婺州東陽人十四出家依明州大德祝髮二十五受戒於杭州竹

林寺初叅國一服勤五年大曆十一年隱于大梅山建中初謁江西馬祖二年叅石頭乃大悟遂隱當陽紫陵山後於荆南城東有天皇寺頃因火廢僧靈鑑將謀修復乃曰苟得悟禪師爲化主必能福我時江

萃

四

陵尹右僕射裴公稽首問法致禮迎至師素不迎送客無貴賤皆坐而揖之裴愈加敬石頭之道貽盛于此師患背痛臨終大衆問疾師募召典座近前師曰會麼對曰不會師拈枕头拋於地上即便告寂壽六

十坐三十五夏法嗣三世曰惠真曰幽間
曰文貫實元和二年四月十三日也

元和十三年四月十三日天王道悟禪師
入寂唐正議大夫戶部侍郎平章事荆南
節度使丘玄素撰碑云道悟渚官人姓崔

氏子玉之後胤也年十五於長沙寺墨翥
律師出家二十三詣嵩山受戒三十三叅
石頭頰沐指示曾未投機次謁忠國師三
十四與國師侍者應真南還謁馬祖祖曰
識取自心本來是佛不屬漸次不假修持

體自如如萬德圓滿師於言下大悟祖囑
曰汝若住持莫離舊處師蒙旨已便反荆
州去郭不遠結草為廬後因節使顧問左
右申其端緒節使親臨訪道見其路隘車
馬難通極目荒榛曾未修削覩茲發怒令

人擒師拋於水中旌旆才歸乃見遍衙火
發內外洪燄莫可近之唯聞空中聲曰我
是天王神我是天王神節使回心設拜烟
燄都息宛然如初遂往江邊見師在水都
不濕衣節使重申懺悔迎請在衙供養於

府西造寺額號天王師常云快活快活及
臨終時叫苦苦又云闍羅王來取我也院
主問曰和尚當時被節度使拋向水中神
色不動如今何得恁麼地師舉枕子云汝
道當時是如今是院主無對便入滅壽八

十二夏六十三嗣法一人曰崇信即龍潭
也○論曰

寂音尊者曰荆州天王寺道悟禪師如
傳燈所載則曰道悟得法於石頭所居
寺曰天皇發州東陽人姓張氏年十四
出家依明州大德披剃年二十五杭州
竹林寺受具首謁徑山國一禪師服勤
五年大曆中抵鍾陵謁馬大師經二夏

乃造石頭元觀達觀類禪師所集壽五
宗派則曰道悟嗣馬祖引唐玄素所
撰碑文幾千言其略曰師年十五於
人姓崔氏即子師出家二十有五長
沙寺禮曇鸞律師石師扣門年無所契
律德得入長安親忠國師三十四與侍者
悟乃入長安親忠國師三十四與侍者
他日莫不還馮馬大師大悟於言下祝曰

十年戊戌臘月初十日歸寂
素所載曰有傳法一人崇信佳澧州龍
潭南出讓禪師碑名圭峯裴相堅
孫數人于後有道悟六人首曰雲門
宗趣狀列馬祖之嗣安以雲門
悟其下注曰兼稟一山安以雲門
濟二宗鏡者可獲一笑出林間
夢堂重校五家宗派序云景德間兵僧
道原集傳燈錄三十卷自曹溪下列為

兩派一曰南嶽讓出馬大師分一曰青
原思出石頭遷自兩派下又分五宗
馬大出師出八十四員善識內有百丈
海玄出號臨濟大祐二仰山寂故號
濟玄故號臨濟大祐二仰山寂故號
為仰宗入十濟宗內又有悟得
龍潭信得德山繼得雪王悟得
出雲門偃得德山繼得雪王悟得
出藥山儼出清涼益號次玄沙備出
出葢山儼出清涼益號次玄沙備出

真十 六

得幽巖間得文貫三世便絕唯藥山得
雲巖嚴今傳燈却收雲門法眼一宗歸
曹洞宗誤矣綠同時道悟有兩人也
石陵城西天馬祖元和一十人四月十
江陵化後議大祖元和一十人四月十
子王化正議大祖元和一十人四月十
三言其畧云馬祖曰他日莫離舊處
千言其畧云馬祖曰他日莫離舊處
故復還州東陽人也江陵城東天馬祖元和一十人四月十
悟者發還州東陽人也江陵城東天馬祖元和一十人四月十

和二年丁亥化出處甚詳但緣道原採集
碑所載日非一親往計尋不遇宛轉
傳燈之拾而得其差誤為知自景德
至人拈下四海以傳燈為據雖利
位立宗者不能加究辨子每相無
居士張公及呂夏卿二君會議宗
一宗事嘗曰石頭得藥山得曹洞
下出箇周金剛呵風罵兩佛祖不

嬰其鋒疑自天皇處或有差誤
者亦嘗疑之云道悟似有兩無
士後於達觀禪師處得唐符載所
天皇道悟塔觀又禪師得唐符載
王道悟塔觀又禪師得唐符載所
德山活不問今出石頭下因甚示
用殺活不問今出石頭下因甚示
明白方信吾法以人符不記證之
圭峯曰裝相國宗趣狀人符不記證之
人首曰裝相國宗趣狀人符不記證之

今妄以雲門臨濟二宗競者可數一於
畧書梗概以傳明達者庶知五家之正
而已

江西北蘭讓禪師湖塘亮長老問伏承師
兄盡得先師真誓請瞻禮師以兩手撥膏
開示之亮便禮拜師云莫禮莫禮亮云師

其十

七

兄錯也某甲不禮師兄師云汝禮先師真
亮云因什麼教某甲莫禮師云何曾錯

元已和四年上問侍臣政之寬猛孰先宰相
權德輿對曰唐家承隋苛雲以仁厚為先
太宗皇帝見明堂圖即禁鞭背刑列聖所

循皆尚德教故天寶大盜竊發俄而夷滅
蓋本朝之化感人心之深帝曰誠如公言
德輿善辨論開陳古今本末以覺悟人主
為輔相寬和不為察察名文章雅正瞻縉
當時公卿侯王功德卓異者皆所為銘紀

雖動止無外飾其醜藉風流自然可慕貞
元元和間為縉紳羽儀

德輿嘗著草水禪師宴坐記曰信州南嶽
有清淨宴坐之地而禪師在焉師所由來
莫得而詳初州人析薪者遇之于野中其
形塊然與草木俱咨於州長乃延就茲地
三十年矣州人不知其所以然也遂以草
衣號焉足不蹈地口不嘗味日無晝夜時
無寒暑寂默之境一繩床而已萬有竄然
此身不動其內則以三世五蘊皆從妄作

然後以有法諦觀十二緣於正智中得真
常真我方寸之地湛然虛無身及智慧二
俱清淨微言軟語有時而聞涉其境之遠
近隨其根之上下如雨潤萬物風行空中
履其門闥皆獲趣入若非幹玄機於無際

窮實相之源底則四時攻於外百疾生於
內夫古所謂遺物離人而立於獨者禪師
得之嗚呼世人感物以游心心遷於物則
利害生焉吉凶形焉牽縻躓瑣蕩而不復
至人則反靜於動復性於情天壽仁鄙之

冥十

殊由此作也斯蓋世諦之一說耳於禪師
之道其猶禘禘耶建中二年予吏役道于
上饒時左司郎崔公出為郡佐探禪師之
味也熟為予詳言之拂拭纓塵携手接足
洗我以善得於儀形且以為楞嚴妙旨毘
耶之密用皆在是矣又焉知此地之宴坐
不為它方之說法乎故粗書聞見以志于
石

冥帝問國師澄觀曰華嚴所詮何謂法界奏
曰法界者一切衆生之身心本體也從本

以來靈明廓徹廣大虛寂唯一真境而已
無有形貌而森羅大千無有邊際而含容
萬有昭昭於心目之間而相不可覩是見
於色塵之內而理不可分非徹法之慧目
離念之明智不能見自心如此之靈通也

故世尊初成正覺歎曰奇哉我今普見一
切衆生具有如來智慧德相但以妄想執
著而不能證得於是稱法界性說華嚴經
全以真空簡情事理融攝周遍凝寂帝天
縱聖明一聽玄談廓然自得於是勅有司

冥十

九

備禮鑄印遷國師統冠天下緇徒號僧統
清涼國師

時禪者無著入五臺山求見文殊大士至
金剛窟前炷香作禮瞑坐少頃聞有叱牛
者著遽開眸見山翁野貌瓌異牽牛臨溪

而飲著起揖山翁曰爾來何為曰願見文殊大士翁曰大士未可見汝飯未著曰未也翁牽牛歸著躡迹隨之俄入一寺翁呼均提有童子應聲出迎翁縱牛引著升堂堂宇皆金壁所成翁踞床指綉墩命著坐

童子俄進玻璃盃貯物如酥酪揖與對飲著納其味頓覺心神卓朗翁曰近自何來著曰南方翁曰南方佛法如何住持著曰末法比丘少奉戒律翁曰多少衆曰或三百或五百著問此間佛法如何住持翁曰龍蛇混雜凡聖同居曰衆幾何翁曰前三後三三遂談緒及暮著欲留翁不許著戀戀不即去翁投杖起叱童子引著出之著不得留行未遠問童子適何寺童子曰般若寺也著悽然悟彼翁者即文殊也不

可再見即稽首童子足下願丐一言為別童子隱身而歌曰面上無嗔供養具口裏無嗔吐妙香心內無嗔是珍寶無垢無染即真常著因駐錫五臺往往頻與文殊會語云師嘉禾語溪朱氏子七歲依本邑常樂寺今崇福寺

有詔移京兆章敬寺懷惲禪師入居上寺玄徒輻湊惲示衆曰至理忘言時人不悉強習它事以為功能不知自性元非境所是箇微妙大解脫門所有鑑覺不染不礙如是光明未曾休廢曩劫至今固無變易

冥十

十

猶如日輪遠近斯照雖及衆色不與一切和合靈燭妙明非假鍛鍊為不了故取於物象但如捏性妄起空華徒自疲勞枉經劫數若能返照無第二人舉措施為無虧實相號栢岩姓謝晉亂誓服緇褐權德輿作記餘如傳燈錄

居士龐蘊字道玄衡陽人世業儒貞元物
謁石頭和尚玄言妙契一日石頭問子自
見吾以來日用事作麼生對曰若問日用
事即無開口處乃呈一頌曰日用事無別
唯吾自偶諧頭頭非取捨處處勿張乖朱

紫誰爲號丘山絕點埃神通并妙用運水
及般戢石頭然之後參馬祖問不與萬法
爲侶者是什麼人祖曰待汝一口吸盡西
江水即向汝道居士於言下大悟自爾玄
機妙句竦動諸方與丹霞最友善一日訪

百靈和尚路次相遇靈問昔日石頭得意
句還曾舉向人麼士云曾舉來靈云舉向
阿誰來士以手自指云龐公靈云直是妙
德空生也讚歎居士不及士却問師得力
句是誰知靈便戴笠子而去士云善爲道

第十

十一

路靈一去更不回首又訪則川和尚川云
還記得初見石頭時道理否士云猶得阿
師重舉在川云情知久參事悞士云阿師
老耄不啻龐公川云二彼同時又爭幾許
士云龐公鮮健差勝阿師川云不是勝我
只是反箇幞頭士云恰與師相似川大笑
而已因摘茶次士云法界不容身師還見
我否川云不是老僧洎荅公話士云有問
有荅蓋是尋常川乃摘茶不聽士云莫恠
適來容易借問川不顧士云這無禮儀漢
待一一舉似明眼人在川乃拋却茶籃便
歸方丈又訪松山和尚喫茶次士舉起索
子云人人盡有分因什麼道不得山云只
爲人人有分所以道不得士云阿兄因什
麼却道得山云不可無言也士云灼然灼

然山便喫茶士云阿兄喫茶何不揖客山云誰士云龐公山云何須更揖後丹霞聞之乃云若不是松山幾被箇老翁作亂一上士聞之乃令傳語丹霞云何不會取未舉橐子時又訪齊峯和尚峯云俗人頻來僧舍討什麼士回顧兩邊云誰恁麼道誰恁麼道齊峯乃咄之士云卻在這裏峯云莫是當陽道底士云背後底聳峯回首云看看士云草賊大敗峯無語又訪石林和尚林豎拂子云不落丹霞機試道一句士奪卻拂子乃豎起拳林云正是丹霞機士云與我不落看林云丹霞啞龐公患聾士云恰是又一日林云有箇借問居士莫惜言句士云便請林云元來惜言句士云這箇問訊不覺落他便宜林乃掩耳士云

真十

士

作家作家一日丹霞訪居士見女子靈照取菜次霞問居士在否女子放下籃子歛手而立又問居士在否女子便提籃子去時居襄陽靈照常隨製竹漉籬售之以供朝夕居士將終命靈照視日及中即報靈

照還報曰日中矣而有蝕也居士出觀日次靈照即登父座合掌端坐而逝居士笑曰我女鋒捷矣於是居士更延七日襄州牧于公枉駕候問居士談笑良久居士顧謂公曰但願空諸所有慎勿實諸所無

好住世間猶如影響言訖枕公膝而逝

辰壬永州司馬柳宗元製南嶽彌陀和尚碑其詞曰在代宗時有僧法照為國師乃言其師南嶽大長老有異德天子南嚮而禮焉度其道不可徵乃名其居曰般舟道場用

尊其位公始居山西南岩石之下人遺之食則食不遺則食土泥茹草木其取衣類是南極海裔此自幽都來求厥道或值之崖谷羸形垢面躬負薪樵以爲僕役而媒之乃公也凡化人立中道而教之權俾得

冥十

十三

以疾至故示專念書塗巷刻谿谷丕勤誘掖以援于下不求而道備不言而物成皆負布帛斬木石委之岩戶不拒不營祠宇既具以泊于德宗申詔褒立是爲彌陀寺施之餘則施與餓疾者不尸其功公始學

成都唐公次資川詵公詵公學於東山忍公皆有道至荊州進學玉泉真公真公授公以衡山俾爲教魁人從而化者以萬計初法照居廬山由正定趣安樂國見蒙惡衣侍佛者佛告曰此衡山承遠也出而求

教肖焉乃從而學傳之天下由公之訓公爲僧凡五十六年其壽九十一貞元十八年七月十九日終于寺葬于寺之南岡刻石于寺大門之右銘曰一氣回薄茫無窮其上無初下無終離而爲合蔽爲通始末

或異今焉同虛無混冥道乃融聖人無迹示教功公之率衆峻以容公之立誠放其中服庇草木蔽穹窿仰攀俯取食以充形游無極交大雄天子稽首師順風四方奔趨雲之從經始尋尺成靈官始自蜀道至

臨洪咨謀徃復窮真宗弟子傳教國師公化流萬億代所崇奉公寓形于南岡幼曰弘願惟孝恭立之茲石書玄蹤

是歲永州修淨土院成司馬柳宗元爲之記曰中州之西數萬里有國曰身毒釋迦

牟尼如來示現之地彼佛言西方過十萬億國土有世界曰極樂佛號無量壽如來其國無有三毒八難衆寶以爲飾其人無有十纏九惱群聖以爲友有能誠心大願歸心是土者苟念力具足則生彼國然後

冥十

十四

出三界之外其於佛道無退轉者其言無所欺也晉時廬山遠法師作念佛三昧詠大勸于時其後天台顓大師著釋淨土十疑論宏宣其教周密微妙迷者咸賴焉蓋其留異迹而去者甚衆永州龍興寺前刺

史李承旺及僧法林置淨土堂于寺之西偏常奉斯事逮今餘二十年廣隅毀頓圖像崩墜會巽上人居其宇下始復理焉上人者修最上乘解第一義無體空析色之迹而造乎真源通假有借無之名而入於

實相境與智合事與理并故雖往生之因亦相用不捨誓葺茲宇以開後學有信士圖爲佛像法相甚具焉今刺史馮公作大門以表其泣餘遂周延四阿環以廊廡續二大士之像繒蓋幢幡以成就之嗚呼有

能求無生之生者知舟筏之存乎是遂以天台十疑論書于墻宇使觀者起信焉

法師智誓者悟解絕倫多所撰著然寡徒侶因棄講居衡嶽寺每覽所撰必一唱三歎以爲吾達解如此而不遇賞音偶一日

冥十

十五

有着宿至借誓著述而閱之乃曰汝識至高頗符佛意今寡徒衆蓋闕人緣耳佛猶不能度無緣况初心者乎可辦食布施飛走卻後二十年當自有衆言訖恍然不見誓遂如其教鬻衣單易米炊之散郊外感

群鳥大集搏飯而去誓祝之曰食吾飯者願爲法侶後二十年誓往鄴城開講座下有衆千餘人果皆少年比丘

是歲道樹禪師卒師初叅神秀禪師得旨結茅于壽州三峯山有野人服色素朴言

譚詭異或時化現佛菩薩聲聞天仙等形或放異光或出聲響天幻百端師之徒衆常爲驚怖皆莫能測如此凡十年方滅迹不見師告衆曰野人作無限伎倆眩惑於人只消老僧不見不聞伊伎倆有窮吾不見不聞無盡繇是遠近聞之靡不欽服所謂見恠不恠其恠自敗云

○吳元濟反拒官軍

是歲正月百丈懷海禪師示寂春秋九十有五師福州長樂人卅歲離塵三學該鍊

屬馬祖闡化江西師傾心依附與西堂智藏禪師同號入室時馬祖之門會學千二百大士爲角立焉及祖遷化師往新吳百丈山居未期月而玄學之徒四方輻湊師雖臘高凡作息必與衆同均嘗謂一日不

作則一日不食僧問如何是大乘頓悟法門師曰汝等先歇諸緣休息萬事善與不善世出世間一切諸法莫記憶莫緣念捨身心令其自在心如木石無有辨別心無所行心地若空慧日自現如雲開日出

集字

十六

相似名爲解脫人對一切境心無靜亂不攝不散一切聲色無有滯礙是非好醜是理非理諸知見總盡不被繫縛處心自在名初發心菩薩便登佛地若垢淨心盡不住繫縛不住解脫無一切有爲無爲縛脫

平等心量處於生死其心自在畢竟不與
虛幻塵勞蘊界生死諸入和合迥然無寄
一切不拘去留無礙往來生死如門開相
似若遇種種苦樂不稱意事心無退屈不
念名聞衣食不貪功德利益不爲世法之

所滯心雖親受苦樂不干于懷簷食接命
補破禦寒兀兀如愚如聾相似稍有親令
於生死中廣學知解求福求智於理無益
即被解境風漂卻歸生死海裏佛是無求
人求之即乖理是無求理求之即失若取

於無求復同於有求此法無實無虛若能
一生心如木石相似不爲陰界五欲八風
之所漂溺即生死因斷去住自由僧問如
今受戒身心清淨已具諸善得解脫否答
曰少分解脫未得心解脫問云何是心解

冥十

十七

脫答曰不求佛不求知解垢淨情盡亦不
守無求爲是不住盡處亦不畏地獄苦不
愛天堂樂一切法不拘始名爲解脫無礙
汝莫言有少分戒善將爲便了有河沙無
漏戒定慧門都未涉一毫在努力猛作莫

待耳聾眼暗頭白面皺老苦及身眼中流
淚心裏悵惶未有去處到恁麼時整理手
脚不得也縱有福智多聞都用不著爲緣
念諸境不知返照復不見佛道一生所有
惡業悉現於前變爲好境隨所見重處受

生都無自由分龍畜良賤亦總未定問如
何得自由答曰如今對五欲八風情無取
捨垢淨俱亡如日月在空不緣而照亦如
香象截流而過更無疑滯此人天堂地獄
所不能攝也凡讀經看教皆須宛轉切就

自己但是一切言教只明如今覺性自己俱不被一切有無諸法境轉是名導師能照破一切有無境法是名金剛即有自由獨立分若不能恁麼縱令誦得十二韋陀經只成增上慢卻是謗佛不是修行讀經

看教若准世間是好善事若向明眼人邊數此是壅塞人十地之人脫不去流入生死河但不用求覓知解語言義句離一切差聲乎有無諸法透過三句外自然與佛無差既自是佛何患佛不解語只恐不是佛被一

切有無諸法轉不得自由是以理未立先有福智載去如賤使貴不如於理先立後有福智臨時作得主握土為金變海水為酥酪破須彌山為微塵於一義作無量義於無量義作一義師每說法竟大眾下堂

乃召之大眾回首師云是什麼諸方目為百丈下堂句

師以禪宗肇自少室至曹溪以來多居律寺說法住持未有規度乃初意別立禪居凡具道眼有可尊之德者號曰長老既為化主即處於方丈不立佛殿唯樹法堂表佛祖的傳受當代為尊也學眾無多少無高下並入僧堂依臘次安排設長連牀施椀架掛搭道具卧必斜枕床唇以其坐禪既久畧偃息而已除入室請益任學者勤

惰或上或下不拘常准其闔院大眾朝參夕聚長老上堂陞座主事徒眾鴈立側聆主賓問酬激揚宗要齋粥二時隨眾均遍行普請法上下均力也置十務寮舍每用主領一人營眾事令各司其局或有假號

竊形混于清泉并別置喧撓之事即組那
檢舉抽下本位掛搭擯令出院或彼有所
犯即以拄杖杖之集衆燒衣鉢道具遣逐
由偏門而出以示恥辱焉其大要如此其
後叢林日盛當代宗師從而廣之今所謂

率

十九

禪苑清規者備矣

是年河東柳子厚製南嶽大明律師碑其
詞曰儒以禮立仁義無之則壞佛以律持
定慧去之則喪是以離禮於仁義者不可
與言儒異律於定慧者不可與言佛達是

道者惟大明師師姓歐陽氏號曰惠開唐
開元二十一年始生天寶十一載始為浮
圖大曆十一年始登壇為大律師貞元十
五年十一月十日卒元和九年正月其弟
子懷信道嵩尼無染等命高道僧靈輿為

行狀列其行事願刊之茲碑宗元今擬其
大者言曰師先因官世家潭州為大族勳
烈爵位今不言大浮圖也凡浮圖之道衰
其徒必小律而去經大明恐焉於是從峻
洎偏以究戒律而大法以立又從秀洎昱

以通經教而與義以修由是二道出入隱
顯後學以不惑來求以有得廣德三年始
立大明寺于衡山詔選居寺僧二十一人
師為之首乾元三年又命衡山立毘尼藏
詔講律僧七人師應其數凡其衣服器用
動有師法言語行止皆為物軌執巾區奉
杖屨為侍者數百剪髻髮被教戒為學者
數萬得衆若獨居尊若卑晦而光介而大
浩浩焉無以加也其塔在祝融峯西趾下
碑在塔東詞曰儒以禮行覺以律興一歸

真源無大小乘大明之律是定是慧丕窮
經教為法出世化人無量垂裕無際詔尊
碩德威儀有繼道徧大洲微音勿替祝融
西麓洞庭南裔金石刻辭彌億千歲
子厚復題其碑陰曰凡葬大浮圖無窳穴

其十

二十

其於用碑不宜然昔之公室禮得用碑以
葬其後子孫因宜不去遂銘德行用圖久
於世及秦刻山石號其功德亦謂之碑而
其用遂行然則雖浮圖亦宜也凡葬大浮
圖其徒廣則能為碑晉宋尚法故為碑者

多法梁尚禪故碑多禪法不周施禪不大
行而律存焉故近世碑多律凡葬大浮圖
未嘗有比丘尼主碑事今惟無染實來滌
淚以求其志益堅又能言其師他德尤備
故書之碑陰而師凡主戒事二十二年宰

相齊公映李公泌趙公憬尚書曹王臯裴
公胄侍郎令孤公峘或師或友齊親執經
受大義為弟子又言師始為童時夢大人
縞冠素舄來告曰居南嶽大吾道者必爾
也已而信然將終夜有光明笙磬之聲眾

咸見聞若是類甚眾以儒者所不道而無
染動以為請故末傳焉無染韋氏女世顯
貴今主衡山戒法

南海經畧馬總以曹溪六祖未有謚請于
朝天子賜謚曰大鑑總乃命河東柳宗元

其十

三十

撰賜謚碑其詞曰扶風公廉問嶺南三年
以佛氏第六祖未有稱號疏聞於上詔謚
大鑑禪師塔曰靈照之塔元和十年十月
十三日下尚書祠部符到都府公命部吏
洎州司功掾告于其祠幢蓋鐘鼓增山盈

谷萬人咸會若聞鬼神其時學者千有餘人莫不欣踴奮勵如師復生則又感悼涕慕如師始亡因言曰自有生物則好鬪奪相賊殺喪其本實詩乖淫流莫克返于初孔子無大位沒以餘言持世更楊墨黃老

益雜其術分裂而吾浮圖說後出推離還源合所謂生而靜者梁氏好作有為師達磨譏之空術益顯六傳至大鑑大鑑始以能勞苦服役一聽其言言希以究師用感動遂受信具遁隱南海上人無聞知又十

六年度其可行乃居曹溪為人師會學去來常數千人其道以無為為有以空洞為實以廣大不蕩為歸其教人始以性善終以性善不假耘耔本其靜矣中宗聞名使幸臣再徵不能致取其言以為心術其說具

在今布天下凡言禪皆本曹溪大鑑去世百有六年凡治廣部而以名聞者以十數莫能揭其號今乃始告天子得大謚豐佐吾道其可無辭公始立朝以儒重刺虔州都護安南由海中大蠻夷連身毒之西浮

舶聽命咸被公德受旂纛節鉞來蒞南海屬國如林不殺不怒而人畏無疆允克光于有仁昭列大鑑莫如公宜其徒之老乃易石于宇下使來謁辭其辭曰達磨乾乾傳佛語心六承其授大鑑是臨勞動專默

第十

十三

終揖于深抱其信器行海之陰其道爰施在溪之曹龐合猥附不夷其高傳告咸陳唯道之懷生而性善在物而具荒流奔軼乃萬其趣匪思愈亂匪覺滋誤由師內鑑咸獲於素不植乎根不耘乎苗中一外融

有粹孔昭在帝中宗聘言于朝陰翊王度
俾人逍遙越百有六祀號謚不紀由扶風
公告今天子尚書既復大行乃誅光于南
土其法再起厥徒萬億同悼齊喜惟師教
所被洎扶風公所履咸戴天子天子休命

嘉公德羨溢于海夷浮圖是視師以仁傳
公以仁理謁辭圖堅永胤不已

宋紹興二年東坡居士過曹溪題曰釋迦
以文教其譯于中國必託於儒之能言者
然後傳遠故大乘諸經至首楞嚴則委曲

精盡勝妙獨出以房融筆授故也柳子厚
南遷始究佛法作曹溪南嶽諸碑妙絕古
今而南華今無石刻長老重辨師儒釋兼
通道學純備以謂自唐至今頌述祖師者
多矣未有通亮典則如子厚者蓋推本其

言與孟軻氏合其可不使學者日見而誦
之乃具石請于書其文

中丙 臺山隱峯禪師自衡嶽之五臺道由淮右
屬吳元濟阻兵蔡州遠拒王命官軍與賊
交鋒未決勝負師曰吾當少解其患乃震

錫空中飛身而過兩軍將士仰觀歎異聞
心頓息以是官軍得成其功焉師姓鄧氏
幼若不慧父母聽其出家既具戒叅馬祖
言下契旨一日推車次祖展脚在路上師
曰請收足祖曰已展不收師曰已進不退

遂推車碾過祖脚損歸法堂執斧子曰適
來碾損老僧脚底出來師便出於祖前引
頭就之祖乃置斧其後遍歷諸方所至輒
有奇詭反之以神異頗顯恐成惑眾乃入
臺山金剛窟前將示寐問於眾曰諸方遷

庚子

壬三

化坐去卧去吾皆見之還有立化者否衆曰有之師曰還有倒化者否衆曰未嘗有也師乃倒殖而化亭亭然其衣亦皆順體衆為昇尸茶毘屹然不動遠近瞻禮歎異師有妹為尼時亦在彼乃附近而咄之曰

老兄平日惱亂諸方不循法律死更熒惑於人乃以手推之憤然而踣於是閣維收舍利塔于五臺云

歸宗智常禪師目有重瞳遂用藥手按摩久而目皆俱赤世號拭眼歸宗江州刺史

李渤問曰教中謂須彌納芥子渤則不疑芥子納須彌莫是妄談否師云人傳史君讀萬卷書是否渤曰然師曰摩頂至踵如椰子大萬卷書向什麼處著渤俛首而已又問一大藏教明得什麼邊事師舉拳示

寒

王四

之云會廢渤云不會師云這箇措大拳頭也不識渤云請師指示師曰會則途中受用不會則世諦流布師嘗示衆曰從上古德不是無知解他高尚之士不同常流今時不能自成自空度時光諸子莫錯用

心無人替汝亦無汝用心處莫就他覓從前只是依他作解發言皆滯光不透脫只為目前有物僧問如何是玄旨師云無人能解僧云向者如何師云有向即乖僧云豈無方便令學人得入師云觀音妙智力

能救世間苦僧云如何是觀音妙智力師敲頂蓋三下云還聞麼僧云聞師云我何不聞僧無語師以棒趁下復一日上堂云吾今欲說禪諸子總近前大眾近前師云汝聽觀音行善應諸方所僧云如何是觀

音行師乃彈指云諸人還聞否僧云聞師云一隊漢向這裏覓箇什麼以棒趁下大笑歸方丈師沒有賢者贊其像曰知見一何高拭眼避天位回觀洗耳人千古未為愧

其

千五

供奉吳元卿者敏悟絕人憲宗殊喜之一日在昭陽宮見群芳敷榮賞玩徘徊倏聞空中有聲曰虛幻之相開謝不停能壞善根仁者安可嗜之元卿猛省志脫塵俗帝一日游宮問曰卿何不樂對曰臣幼不食葷志願從釋帝曰朕視卿若昆弟但富貴欲出人表者不違卿唯出家不可既浹旬而容見瘦頽帝憫而詔曰如卿願任選日遠近奏來元卿荷恩致謝尋得鄉報母患乞歸寧帝厚賜津遣元卿至家會韜光法

師勉之謁烏窠禪師啓曰弟子七歲蔬食十一受五戒今年二十有二為出家故休官願和尚授與僧相烏窠曰今時為僧鮮有精苦者行多浮濫元卿曰本淨非琢磨元明不隨照曰汝若了淨智妙圓體自空寂即真出家何假外相汝當為在家菩薩戒施俱修如孫許之流也元卿曰理雖如此然非本志倘蒙攝受則誓遵師教如是三請皆不諾韜光為勸請曰官使未嘗娶亦不畜侍女禪師若不攝受其誰能度之烏窠乃與披剃具戒法號會通晝夜精進誦大乘經習安般三昧忽一日因辭遊方烏窠曰汝將何往曰會通為法出家以和尚不垂慈誨今往諸方學佛法去窠於身上拈起布毛吹之通遂悟玄旨時號布毛

侍者云

實十

二十六

佛祖歷代通載卷第二十

音釋

欖 古換切 其俱切 旆 蒲蓋切 闕 兩逼切
 王名也 少肉也 旗 旗也 門 限也
 鞞 居衣切 韋 小囊也 旺 大也 與 似與
 在口也 小與也 一吏也 日切 似與
 中洲 大戶官也 掾 與弱也 公 也
 也 魚乞切 屹 山魚乞切 詠 水
 也 山魚乞切

佛祖歷代通載卷第二十一

治一

嘉興路大中祥符禪寺住持華亭念常集

重巽法師自湘西赴其舛父中丞之請柳子厚贈之以序曰或問宗元曰悉矣子之得於巽上人也其道果何如哉對曰吾自

治一

幼學佛求其道積三十年世之言者罕能通其說於零陵吾獨有得焉且佛之言吾不可得而聞之矣其存於世者獨遺其書不於其書而求之則無以得其言言且不可得况其意乎今是上人窮其書得其言

諭其意推而大之逾萬言而不煩總而括之立片詞而不遺與夫世之枘章句徵文字言至虛之極則蕩而失守辨群有之夥則泥而皆存者其不以遠乎以吾所聞知凡世之善言佛者於吾則惠誠師荆則海

雲師楚之南則重巽師師之言存則佛之道不遠矣惠誠師已死今之言佛者加少其由儒而通者鄭中書洎孟常州中書見上人執經而師受且曰於中道吾得以益達常州之言曰從佛法生得佛法分皆以

師友命之今連師中丞公具舟來迎飾館而俟欲其道之行於遠也夫豈徒然哉以中丞公之直清嚴重中書之辯博常州之敏達且猶宗重其道况若吾之昧昧者乎夫衆人之和由大人之唱洞庭之南竟南

海其土汪汪也求道之多半天下一唱而大行於遠者是行有之則和焉者將若居蟄之有雷不可止也於是書以爲巽上人赴中丞舛父召序
馬郎婦不知出處方唐隆盛佛教大行而

陝右俗習騎射人性沉鷙樂於格鬪蔑聞
三寶之名不識爲善儀則婦憐其慙乃之
其所人見少婦單子風韻超然姿貌都雅
幸其無侍衛無羈屬欲求爲眷曰我無父
母又鮮兄弟亦欲有歸然不好世財但有

治一

二

聰明賢善男子能誦得我所持經則吾願
事之男子衆爭求觀之婦授以普門品曰
能一夕通此則歸之至明發誦徹者二十
餘輩婦曰女子一身家世貞潔豈以一人
而配若等耶可更別誦因授以金剛般若
所約如故至旦通者猶十數婦更授以法
華經七軸約三日通徹此者支配之至期
獨馬氏子得通婦曰君既能過衆人可白
汝父母具媒妁娉禮然後可以姻蓋生人
之大節豈同猥巷不檢者乎馬氏如約具

禮迎之方至而婦謂曰適以應接體中不
佳且別室俟少安與君相見未晚也馬氏
子喜頓之他房客未散而婦命終已而壞
爛顧無如之何遂卜地葬之未數日有老
僧紫伽黎姿貌古野仗錫來儀自謂向女

子之親詣馬氏問其所由馬氏引至葬所
隨觀者甚衆僧以錫撥開見其尸已化唯
金鎖子骨僧就河浴之挑於錫上謂衆曰
此聖者憫汝等障重纏愛故垂方便化汝
宜思善因免墮苦海忽然飛空而去衆見

治一

三

悲泣瞻拜自是陝右奉佛者衆由婦之化
也

是歲撫州景雲寺律師上弘卒江州司馬
白居易製碑曰元和十一年春廬山東林
寺僧道深懷縱如建冲契等凡二十輩與

白黑衆千餘人俱實持故景雲大德弘公
行狀一通贄錢十萬來詣潯陽請司馬白
居易作先師碑會有故不果十二年夏作
石墳成復來請會有病不果十三年冬作
石塔成又來請始從之既而僧返山衆返

聚落錢返寺府翌日而文成明年而碑立
其詞云我聞乾竺古先生出世法法要有
三曰戒定慧戒生定定生慧慧生八萬四
千法門是三者迭相爲用若次第言則定
爲慧因戒爲定根根植則苗茂因樹則果

滿無因求滿猶夢果也無根求茂猶握苗
也佛雖以一切種智攝三界必先用戒菩
薩以六波羅蜜化四生不能捨律律之用
可思量不可思量如來十弟子中稱優波
離善持律波離滅有南山大師得之南山

滅有景雲大師得之師諱上弘生饒氏曾
祖君雅祖公悅父知恭臨川城南人童而
有知故生十五歲發出家心始從舅氏剃
落壯而有立故二十五歲立菩提願從南
岳大圓律師具戒樂所由生故大曆中不

去父母之邦隸於本州景雲寺修道德應
無所住故貞元中離我所徙居洪州龍
興寺說法親近善知識故與匡山法真天
台靈祐荆門法裔興果神湊建昌惠進等
五長老交游佛法厲王臣故與姜相國公

治

四

輔顏太師真卿洎本道庶訪使楊君憑韋
君丹四君子友善提振禁戒故講四分律
而從善遠罪者無其數隨順化緣故坐甘
露戒壇而擔衆生盟者二十年荷擔大事
故前後登方等施尸羅者十有八會救拔

衆生故娑婆男女由我得度者萬五千五百七十二人示生無常故元和十年十一日巳亥遷化於東林精舍示滅有所故是月丙寅歸全身于南崗石墳住世七十七歲安居六十五夏自生至滅隨迹示教行

止語默無非佛事夫施於人也博則反諸已也厚故門人鄉人報之如不及繇是藝松成林琢石爲塔塔有碑碑有銘銘曰佛滅度後薈蔔香衰醍醐味漓孰反是香孰復是味景雲大師景雲之生一匡苾芻中

興毗尼景雲之滅衆將安仰法將疇依昔景雲來行道者隨入室者歸今景雲去升堂者思入室者悲廬峰之西虎溪之南石塔巍巍有紀事者以真實辭書於塔碑

戊元和十三年禪師元浩卒浩弘台教翰林

治一

五

梁肅嘗請撰涅槃經疏浩許之是夕感異夢喜以爲瑞應即下筆自述所證其畧曰予聞先覺云大寶流輝之不變曰常在宥布和之盛典曰教率土知化之歸宗曰行交感人心之至極曰證然則以道行御其

時以法性合其運當應物之際與顯晦同其光恢揚至化自他昭著者實播厥鴻名欽恭文思協和至極四德克彰者實存乎妙體格變群家歷觀諸行至典克修庶績有成者實賴乎本宗信以授人大明宗極厥旨厥幾有補於將來者實存乎妙用綜博群玄以立成訓風行十方率用歸順者實存乎妙教矣議者以浩疏比王輔嗣易而與清涼華嚴疏抗衡焉是年正月丁亥詔迎鳳翔法門寺佛骨入

於京師帝御安福門迎拜留禁中供養三日乃送諸寺王公士庶奔走膜拜具釋部威儀及太常長安萬年音樂旌幢鼓吹騰沓係路刑部侍郎韓愈上表曰佛者夷狄之一法耳自後漢時流入中國上古未嘗

有也昔黃帝在位百年年百二十歲少昊在位八十年年一百歲顓頊在位七十九年年九十八歲帝嚳在位七十年年一百五歲帝堯在位九十八年年一百一十八歲帝舜及禹年皆百歲此時天下太平百姓安樂壽考然而中國未有佛也其後湯亦百歲湯孫大戊在位七十五年武丁在位五十九年書史不言其壽推其年數蓋不減百歲周文王年九十七歲武王年九十三歲穆王在位百年此時佛法亦未至

治一

六

中國非因事佛而致然也漢明帝時始有佛法明帝在位才十八年其後亂亡相繼運祚不長宋齊梁陳元魏已下事佛漸謹年代尤促惟梁武在位四十八年前後三捨身事佛宗廟之祭不用牲牢盡日一食止於菜果後為侯景所逼餓死臺城國亦尋滅事佛求福反更得既由此觀之佛不足信亦可知矣高祖始受隋禪則議除之當時群臣識見不遠不能深知先王之道古今之宜推闡聖明以救其弊其事遂止臣常恨焉伏惟睿聖文武皇帝陛下神聖英武數千百年已來未有倫比即位之初不許度人為僧尼道士不許別立寺觀臣當時以為高祖之志必行於陛下今縱未能即行豈可縱之令盛也今陛下令群僧

迎佛骨於鳳翔御樓以觀昇入大內又令諸寺迭加供養臣雖至愚必知陛下不惑於佛作此崇奉而祈福祥也直以豐年人樂徇人心為京都士庶設詭異之觀戲玩之具耳安有聖明若此而肯信此等事哉

治

七

然百姓愚冥易惑難曉苟見陛下如此將謂真心信佛皆云天子大聖尚一心信向百姓微賤於佛豈合更惜身命以至灼頂燔指十百為群解衣散錢自朝至莫更相倣效唯恐後時老幼奔波棄其生業若不即加禁遏更歷諸寺必有斷臂斲身以為供養者傷風敗俗傳笑四方非細事也佛本夷狄之人與中國語言不通衣服殊制口不道先王之法言身不服先王之法服不知君臣之義父子之情假如其身尚在

奉其國命來朝京師陛下容而接之不過宣政一見禮賓一設賜衣一襲衛而出之於境不令惑於衆也況其身死已久枯朽之骨凶穢之餘豈以入宮禁孔子曰敬鬼神而遠之古之諸侯吊於其國必令巫

祝先以楮芻菰除不祥然後進吊今無故取朽穢之物親臨觀之巫祝不先桃茢不用群臣不言其非御史不舉其失臣實耻之乞以此骨付之水火永絕根本斷天下之疑絕後代之惑使天下之人知大聖之

所作為出於尋常萬萬也佛如有靈能作禍祟凡有殃咎宜加臣身上天鑒臨臣不怨悔表入

帝大怒持以示宰相將抵以死裴度崔群曰愈言訐誣罪之誠宜然非內懷至忠安

能及此願少寬假以來諫諍帝曰愈言我奉佛太過猶可容至謂東漢奉佛已後天子咸天促言何乖刺耶愈人臣狂妄敢爾於是戚里諸王舊臣皆為愈哀請遂貶潮州刺史

卷二

八

元和十四年潮州刺史韓愈到郡之初以表哀謝勸帝東封太山久而無報因祀神海上登靈山遇禪師大顛而問愈曰子之來官於南聞以其言之直也今子之貌辭然似有不懌何也對曰愈之用於朝而享祿厚矣一旦以忠言不用奪刑部侍郎竄逐八千里之海上播越嶺海喪吾女孥及至潮陽颶風鱷魚患禍不測毒霧瘴氛日夕發作愈少多病髮白齒豁今復憂煎黜於無人之地其生詎可保乎愈之來也道

出廣陵廟而禱之幸蒙其力而卒以無恙以主上有中興之功已奏章道之使定樂章告神明東巡太山奏功皇天儻其有意於此則庶幾召愈述作功德歌詩而薦之郊廟焉愈早夜待之而未至萬萬一於速

歸愈安能有懌乎大顛曰子直言於朝也忠於君而不顧其身耶抑尚顧其身而強言之以徇名耶忠於尹而不顧其身言用則為君之榮言不用而已有放逐是其職耳何介介於曾中哉若尚顧其身而強言

卷一

九

也則言用而獲忠直之名享報言之利不用而逐亦事之必至也苟患乎逐則盍勿言而已且吾聞之為人臣者不擇地而安不重勢而行今子遇逐而不懌趨時而求徇殆非人臣之善也且子之死生禍福豈

不懸諸天乎子姑自內修而外任命可也
彼廣陵其能福汝耶主上今繼天寶之後
姦臣負國而討之不暇糧餽雲合殺人盈
野僅能克乎而瘡痍未瘳方此之際而子
又欲封禪告功以騷動天下而屬意在乎

已之欲歸子奚忍於是耶且夫以窮自亂
而祭其鬼是不知命也動天下而不顧以
便已是不知仁也強言以干忠遇困而抑
鬱是不知義也以亂為治而告皇天是不
知禮也而子何以為之且子之遭黜也其

所言者何事乎愈曰主上迎佛骨於鳳翔
而復昇入大內愈以為佛者夷狄之一法
耳自後漢時流入中國上古未嘗有也昔
者黃帝克舜禹湯文武之際天下無佛是
以年祚永久晉宋梁魏事佛彌謹而世莫

不天且亂愈恐主上之感於此是以不顧
其身而斥之大顛曰若是則子之言謬矣
且佛也者覆天人之大器也其道則妙萬
物而為言其言則盡幽明性命之理其教
則捨惡而趨善去偽而歸真其視天下猶

父之於子也而子毀之是猶子而刃父也
蓋吾聞之善觀人者觀其道之所存而不
較其所居之地桀紂之君跖蹻之臣皆中
國人也然不可法者以其無道也舜生於
東夷文王於西夷由余生於戎季札出於

注

十

蠻彼二聖二賢者豈可謂之夷狄而不法
乎今子不觀佛之道而徒以為夷狄何言
之陋也子必以為上古未有佛而不法耶
則孔子孟軻生於衰周而蚩尤瞽叟生於
上古矣豈可捨衰周之聖賢而法上古之

凶頑哉子以五帝三王之代為未有佛而長壽也則外丙二年仲壬四年何其夭耶以漢陳之間而人主夭且亂也則漢明為一代之英主梁武壽至八十有六豈必皆夭且亂耶愈攘袂厲色而言曰爾之所謂

佛者口不道先王之法言而妄倡乎輪回生死之說身不踐仁義忠信之行而詐造乎報應禍福之故無君臣之義無父子之親使其徒不耕而食不蚕而衣以殘賊先王之道愈安得默而不斥之乎大顛曰甚

矣子之不達也有人於此終日數十而不知二五則人必以為狂矣子之終日言仁義忠信而不知佛之言常樂我淨誠無以異也得非數十而不知二五乎且子計嘗誦佛書矣其疑與先王異者可道之乎曰

愈何暇讀彼之書大顛曰子未嘗讀彼之書則安知不談先王之法言耶且子無乃自以嘗讀孔子之書而遂疑彼之非乎抑聞人以為非而遂非之乎苟自以嘗讀孔子之書而遂疑彼之非是舜犬也聞人以

為非而遂非之是妾婦也昔者舜館畜犬馬犬之旦暮所見者唯舜一日免過而吠之非愛舜而惡免也以所常見者唯舜而未嘗見免也今子常以孔子為學而未嘗讀佛之書遂從而恠之是舜犬之說也吾

聞之女子嫁也母送之曰往之汝家必敬必戒無違夫子然則從人者妾婦之事安可從人之非而不考其所以非之者乎夫輪回生死非妄造也此天地之至數幽明之妙理也以物理觀之則凡有形於天地

卷一 十一

之間者未嘗不往復生死相與循環也草木之根莖著於地因陽之煦而生則為枝為葉為花為實氣之散則萎然而槁矣及陽之復煦又生焉性識根莖也枝葉花實者人之體也則其往復又何恠焉孔子曰

原始要終故知死生之說夫終則復始夫行也况於人而不死而復生乎莊周曰萬物出於機入於機賈誼曰化為異類兮又何足患此皆輪回之說不俟於佛而明也焉得謂之妄乎且子以禍福報應為佛之

詐造此尤足以見子之非也夫積善積惡隨作隨應其主張皆氣焰熏蒸神理自然之應耳易曰積善之家必餘慶積不善之家必餘殃又曰鬼神害盈而福謙曾子曰戒之戒之出乎爾者反乎爾者也此

治

士

報應之說也唯佛能隱惻乎天下之禍福是以彰明較著言其必至之理使不自陷乎此耳豈詐造哉又言佛無君臣之義父子之親此固非子之所及也事固有在方之內者有在方之外者方之內者衆人所

共守之方之外者非天下之至神莫之能及也故聖人之為言也有與衆人共守而言之者有盡天下之至神而言之者彼各有所當也孔子之言道也極之則無思無為窅然不動感而遂通此非衆人所共守

之言也衆人而不思不為則天下之理幾乎息矣此不可不察也佛之與人子言必依於孝與人臣言必依於忠此衆人所共守之言也及其言之至則有至於無心非唯無心也則有至於無我非唯無我也則

又至於無生無生矣則陰陽之序不能亂而天地之數不能役也則其於君臣父子固有在矣此豈可為單見淺聞者道哉子又疑佛之徒不耕不蚕而衣食且儒者亦不耕不蚕何也愈曰儒者之道其君用之

治

三

則安富尊榮其子弟從之則孝悌忠信是以不耕不蚕而不為素食也大顛曰然則佛之徒亦有所益於人故也今子徒見末世未有如佛者蚕食於人而獨不思今之未能如孔孟者亦蚕食於人乎今吾告汝

以佛之理蓋無方者也無體者也妙之又妙者也其比則天也有人於此終日譽天而天不加榮終日詬天而天不加損然則譽之詬之者皆過也夫自漢至於今歷年如此其久也天下事物變革如此其多也

君臣士民如此其衆也天地神明如此其不可誣也而佛之說乃行於中無敢議而去之者此必有以蔽天地而不耻闕百聖而不慚妙理存乎其間然後至此也子盍深思之乎愈曰吾非訾佛以立異蓋吾所

謂道者博愛之謂仁行而宜之之謂義由是而之焉之謂道足乎已無待於外之謂德仁與義為定名道與德為虛位此孔子之道而皆不同也大顛曰子之不知佛者為其不知孔子也使子而知孔子則佛之義亦明矣子之所謂仁與義為定名道與德為虛位者皆孔子之所棄也愈曰何謂也大顛曰孔子不云志於道據於德依於仁游於藝蓋道也者百行之首也仁不足名之周公之語六德曰知仁信義中和蓋

德也者仁義之原而仁義也者德之一偏也豈以道德而為虛位哉子貢以博施濟衆為仁孔子變色曰何事於仁必也聖乎是仁不足以為聖也烏知孔子之所謂哉今吾教汝以學者必先考乎道之遠者焉

治一

古

道之遠則吾之志不能測者矣則必親夫人之賢於我者之所向而從之彼之人賢於我者以此為是矣而我反見其非則是我必有所未盡知者也是故深思彼之所是而力求之則庶幾乎有所發也今子自

恃通四海異方之學而文章旁礴孰如姚秦之羅什乎子之知來藏往孰如晉之佛圖澄乎子之盡萬物不動其心孰如梁之寶誌乎愈默然良久曰不如也大顛曰子之才既不如彼矣彼之所從事者而子反

以為非然則豈有高才而不知子之所知者耶今子屑屑於形器之內奔走乎聲色利欲之間少不如志則憤鬱悲躁若將不容其生何以異於蚊虻爭穢壤於積糞之間哉於是愈瞠目而不收氣喪而不揚反

求其所荅恇然有若自失逡巡謂大顛曰言盡於此乎大顛曰吾之所以告子者蓋就子之所能而為之言非至乎至者也曰愈也不肖欲幸聞其至者可乎大顛曰去爾欲誠爾心寧爾神盡爾性窮物之理極

治一

古

天之命然後可聞也爾去吾不復言矣愈趨而出秋八月己未帝與宰臣語次崔群以殘暑尚煩目同列將退帝曰數日一見卿等時雖餘熱朕不為勞久之因語及愈有可怜者而皇甫鎛素薄愈為人即奏曰

愈終踈狂可且內移帝納之遂授袁州刺史復造大顛之廬施衣二襲而請別曰愈也將去師矣幸聞一言卒以相愈大顛曰吾聞易信人者必其守易改易譽人者必其謗易戮子聞吾言而易信之矣庸知復聞異端不復以我爲非哉遂不告愈知其不可聞乃去至袁州尚書孟簡知愈與大顛游以書抵愈嘉其改迷信向愈卷書稱大顛頗聰明識道理實能外形骸以理自勝不爲事物侵亂因與之往還也近世黃山谷謂愈見大顛之後文章理勝而排佛之詞亦少沮云

論曰舊史稱退之性慢訐當時達官皆薄其爲人及與李紳同列紳耻居其下數上疏訟其短今新史則以退之排佛

老之功比孟子嘉祐中有西蜀龍先生者忿其言太過遂摘退之言行悖戾先儒者條攻之一曰老氏不可毀二曰愈讀墨子及孟玷孔若此類二十篇行于世及觀外傳見大顛之說凡退之平生蹈僞於此踈脫盡矣歐陽文忠公嘗歎曰雖退之復生不能自解免得不謂天下至言哉而荆國王文公亦曰人有樂孟子拒楊墨也而以排佛老爲已功嗚呼莊子所謂夏虫者其斯人之謂乎道

治一 去

歲也聖人時也執一時而疑歲者終不聞道夫春起於冬而以冬爲終終天下之道術者其釋氏乎不至於是者皆所謂夏虫也文公蓋宋朝巨儒其論退之如此則外傳之說可不信夫

大顛禪師者潮陽人叅南嶽石頭和上一日石頭問何者是禪師云揚眉動目石頭云除却揚眉動目外將汝本來面目呈看師云請和上除却揚眉動目外鑑某甲石頭云我除竟師云將呈和上了也石頭云

汝既將呈我心如何師云不異和上石頭云非關汝事師云本無物石頭云汝亦無物師云無物即是真物石頭云真物不可得汝心現量如此大須護持師後歸住潮陽靈山嘗示衆曰夫學道人須識自家本

心多見時輩只認揚眉動目一語一點

頭印可以爲心要此實未了吾今爲汝分明說出各須聽取但除一切妄運想念現量即真汝心此心與塵境及守靜時全無交涉即心是佛不待修治何故應機隨照

冷冷自用窮其用處了不可得喚作妙用乃是本心大須護持不可容易侍郎韓愈嘗問如何是道師良久時三平爲侍者乃擊禪床師云作什麼三平云先以定動後以智拔退之喜曰愈問道於師却於侍者得箇入處遂辭而去

是年十月五日刺史柳宗元卒宗元字子厚河東人少精敏無不通達爲文章卓偉精緻一時輩行推仰第博學宏詞累監察御史裏行善王赫文赫文得罪貶永州司

馬既居閒益自刻苦務記覽爲詞章泛濫停蓄爲深博無涯涘而自肆於山水之間凡十年起爲柳州刺史友人劉禹錫者得播州宗元曰播非人所居而禹錫親在堂吾不忍其窮即具表欲以柳州授禹錫而

自往播會大臣亦為禹錫請因改連州柳人以男女質錢過時不贖則沒為奴婢宗元設方計悉贖歸之南方士人走數千里從宗元游經指授者為文詞皆有師法世號柳州卒年四十七臨終徧與友人書

託以後事文集三十三卷韓愈嘗評曰雄深雅健似司馬子長崔蔡不足多也既沒柳人懷之其神降於州之後堂因廟於羅池血食至今存焉

庚子正月帝服金丹燥悶內豎畏誅而深宮秘

邃故有不測之禍資治通鑑曰憲宗聰明果決得於天性選任忠良延納善謀師老財屈異論輻輳而不為之疑盜發都邑屠害元戎而不為之懼卒能取靈夏清劔南誅浙西俘澤潞平淮南復齊魯於是天下

治一

大

深根固蒂之盜皆狼顧鼠拱納質効地稽顙入朝百年之憂一旦廓然矣然怠於防微變生肘腋悲夫

是年有沙門北山和尚諱神清字靈叟而於王朝高談著述法華玄箋十卷釋氏年

誌三十卷律疏要訣并俱舍訣等共百餘

卷語錄十卷內外該括可為世範受業於

綿州開元寺終於梓州惠義寺於戲

辛丑穆宗恒憲宗第三子登祚仁賢壽三改長

壬寅慶春時雪太和公主嫁回鶻

是年白居易由中書舍人出為杭州刺史聞鳥窠和尚道德枉駕見之時鳥窠因長松槃屈如蓋遂棲止其上居易問曰禪師住處甚危險師曰太守危險尤甚曰弟子位鎮江山何險之有師曰薪火相交識浪

不停得非險乎又問如何是佛法大意師
曰諸惡莫作衆善奉行居易曰三歲孩兒
也解恁麼道師曰三歲孩兒雖說得八十
翁翁行不得居易歛歎而去自是數從之
問道

治

尤

是歲穆宗遣左街僧錄靈阜賁詔起汾陽
無業禪師赴闕阜至宣詔畢稽首無業足
下白曰主上此度恩旨不同願師起赴無
以他詞固辟也業笑曰貧道何德累煩人
主汝可先行吾即往矣遂沐浴淨髮至中
夕告門人惠愔等曰汝曹見聞覺知之性
與太虛同壽不生不滅一切境界本自空
寂無一法可得迷者爲不了故即被境惑
一爲境惑流轉不窮汝等當知心性本自
有之非因造作猶如金剛不可破壞一切

諸法如影如響無有實者故經云唯有一
事實餘二則非真常了一切空無一法當
情是諸佛用心處汝等勤而行之言訖端
坐而逝阜回奏其事帝歛歎久之嘗有僧
問十二分教流於此土得道果者非止一

二云何祖師西來別唱玄宗直指人心見
性成佛只如上代高僧並淹貫九流洞明
三藏如生肇融獻等豈得不知佛法耶師
曰諸佛不曾出世亦無一法與人但隨病施
方遂有十二分教如將蜜果換苦葫蘆洵

汝諸人業根都無實事神通變化及百千
三昧門化彼天魔外道福智二嚴爲破執
有滯空之見若不會道及祖師意論什麼
生肇融獻如今天下解禪解道如河沙數
說佛說心有百千億纖塵不去未免輪回

思念不忘盡從沉墜如斯之類尚不識業果妄謂上流並他先德但言觸目無非佛事舉足皆是道場原其所習不如一箇五戒十善凡夫觀其發言嫌他二乘十地菩薩且醍醐上味爲世珍奇遇斯等人翻成

治一

干

毒藥南山尚不許呼爲大乘學語之流爭鋒唇吻之間鼓論不根之事並他先德誠實苦哉只如野逸高人猶解枕流漱石棄其榮祿亦有安國理民之謀徵而不起况我禪宗途路且別看他古德道人得意之

後茅茨石室向折脚鐺子裏煮飯喫過三十二年名利不干懷財寶不系念大志人世隱跡岩叢君王命而不來諸侯請而不赴豈同時輩貪名愛利汨沒世途如短取人有少希求而忘大果十地諸聖玄通

佛理豈不如一个博地凡夫實無此理他說法如雲如雨猶被佛呵見性如隔羅縠只爲情存聖量見在因果未能逾越聖情過諸影迹先賢古德碩學高人博達古今洞明教網蓋爲識學詮文水乳難辨不明

治

主

自理念靜求真嗟乎得人身者如爪甲上土失人身者如大地土良可傷惜設悟理之者有一知半解不知是悟中之則入理之門便謂永脫世累輕忽上流致使心漏不盡理地不明空到老死無成虛延歲月且聰明不敵生死乾慧未免輪回共兄弟論實不論虛只這口食身衣盡是欺賢罔聖求得將來他心慧眼觀之如飲膿血相似總須償他始得阿那個是有道果自然感得他信施來學般若菩薩不得自謾如

水凌上行劔刃上走隨命終時一毫凡聖
情量不盡纖塵思念不忘隨念受生輕重
五陰向驢胎馬腹裏託質泥犁鑊湯裏煮
爍一遍了從前記持憶想見解智慧都虛
一時失却依前再為螻蟻徒頭又作蚊蝻

雖是善因而招惡果且圖个什麼兄弟只
為貪欲成性二十五有向脚跟下繫著無
成辦之期祖師觀此土衆生有大乘根性
惟傳心印指示迷情得之者即不揀凡之
與聖愚之與知且多虛不如少實大丈夫

兒如今直下休去歇去頓息萬緣越生死
流迥出常格靈光獨照物累不拘巍巍堂
堂三界獨步何必身長丈六紫磨金輝項
佩圓光廣長舌相以色見我是行邪道設
有眷屬莊嚴不求自得山河大地不礙眼

光得大總持一聞千悟都不希求一食之
直汝等諸人儻不如是祖師來至此土非
常有損有益有益者千萬人中撈漉一个
半个堪為法器有損者如前已明從他依
三乘教法修行不妨却得四果三賢進修

之分所以先德云了即業障本來空未了
應須償宿債師憲宗穆宗兩朝凡三詔不
赴既沒賜諡大達禪師

澧州龍潭崇信禪師本渚宮賣餅家子也
史失其姓少時英異初悟禪師居天皇寺

治一

五

八莫之測師家於寺巷日常以十餅饋之
悟受之每食畢常留一餅曰吾惠汝以蔭
子孫一日退而省其私曰餅是我持去何
以反遺我邪寧別有旨乎遂告問焉悟曰
是汝持來復汝何咎師聞頗曉玄旨因祈

出家悟曰汝昔崇福善今信吾言可名崇信由是服勤左右一日問曰某自到來不蒙指示心要悟曰自汝到來吾未嘗不指汝心要曰何處指示悟曰汝擎茶來吾為汝接汝行食來吾為汝受汝和南時吾便

低首何處不指示心要師低頭良久悟曰見即直下便見擬思即差師當下開解乃復問如何保任悟曰任性逍遙隨緣放曠但盡凡心無別聖解師後詣澧陽龍潭棲止僧問髻中珠誰人得師曰不賞翫者僧

曰安著何處曰有處即道來李翱問如何是真如般若曰我無真如般若翺曰幸遇和上師曰此猶是分外之言德山問荅具本傳

癸卯 長慶三年 ○六月新都觀泥像 ○八月帝幸典慶

官遇持鉢僧 施絹三百疋 甲辰四年正月帝崩

是年杭州永福寺刊石壁法華經成相國元禎為之記其辭曰按沙門釋惠皎自狀其事云永福寺一名孤山寺在杭州錢塘

湖心孤山上石壁法華經在寺之中始以元和十二年嚴休復為刺史時惠皎萌厥心卒以長慶四年白居易為刺史時成厥事上下其石六尺有五寸長短其石五十七尺有六寸座周於下蓋周於石砌周於堂凡買工鑿經六萬九千有一百五十錢十經之數既畢又立石為二碑其一碑凡輸錢於經者由十而上皆得名於碑其輸錢之貴者有若杭州刺史嚴休復中書舍人杭州刺史白居易刑部侍郎湖州刺史

崔玄亮刑部郎中睦州刺史韋文悟處州
刺史韋行立杭州刺史張聿御史中丞蘇
州刺史李又御史大夫越州刺史元禎右
司郎中處州刺史陳岵九刺史之外縉紳
之由杭者若宣慰使庫部郎中知制誥賈

鍊以降鮮不附於經石之列必以輪錢先
後爲次第不以貴賤老幼多少爲後先其
一碑僧之徒思得聲名人文其事以自廣
予以長慶二年相先帝無狀譴於同州明
年徙於會稽路出於杭杭民競相觀覩白
恠問之皆云非觀宰相蓋欲觀曩所聞之
元白耳由是僧之徒悞以予爲名聲人相
與日夜攻刺史白乞予文予觀僧之徒所
以經於石文於碑蓋欲爲不朽且欲自大
其本術今夫碑既文經既石而又九諸侯

治二

二十四

相率貢錢於所事由近而言之亦可謂來
異宗而成不朽矣由遠而言即不知幾萬
歲而外天與地相軋陰與陽相蕩火與風
相射名與形相滅則四海九州皆空中一
微塵耳又安知其朽不朽哉然而羊叔子

識枯樹中舊環張僧繇世爲畫師歷陽之
氣至今爲城郭狗一叱而異世卒不可化
鍛之予學數息則易成此又性與物相游
而終不能兩相忘矣又安知夫六萬九千
之文刻石永永因衆姓合成獨不能爲千
萬劫含藏之不朽耶由是思之則僧之徒
得計矣至於佛書之奧妙僧當爲余言余
不當爲僧言况斯文止紀於刻石故不及
講貫其義云中書令王智興請於四洲置
僧尼方等戒壇於誕聖節度僧制可旣而

浙西觀察使李德裕奏曰智興為戒壇泗
 州募願度者每名輸錢二千則不復勘詰
 普皆剃落自淮而右戶三男則一男剃髮
 規免徭役所度無筭臣閱渡江日數百人
 蘇常齊民十固八九儻不禁遏前至誕月

治

玉

江淮失丁男數十萬不為細事也帝不納
 先是憲宗屢有敕不許天下私度民為僧
 尼道士至是智興冒禁陳請於是細民淆
 混奔趨剃落智興因致貲數十萬緡大為
 清論鄙之

時福州古靈神讚禪師初叅百丈却回本
 寺受業師嘗在窓下看經蜂子投窓求出
 讚見之曰世界如許廣闊不肯出鑽它故
 紙驢年去其師因置經問曰汝行脚遇何
 人而發言如此讚曰昨蒙百丈和上指个

歌處其師於是集衆請陸堂說法讚舉百
 丈門風曰靈光獨耀迥脫根塵體露真常
 不拘文字心性無染本自圓成但離妄緣
 即如如佛其師於言下有省

佛祖歷代通載卷第二十一

音釋

灼之若切 贊脂利切 績子狄切 毳古老切 罽戶果切
 不禪也 孛怒乎切 懌羊石切 藁未稈切 罽未稈切 罽未稈切
 也鐵塊 孛符也 懌胡古切 藁山也 罽思未切 罽思未切
 也切 輟胡切 錮加切 悟多故切 錮思未切 錮思未切 錮思未切
 也切 錮胡切 錮加切 錮多故切 錮思未切 錮思未切 錮思未切

佛祖歷代通載卷第二十二

治二

嘉興路大中祥符禪寺住持華亭念常集

唐

乙敬宗湛

穆宗長子母太后王氏游戲無度
抑匿羣小性復偏急為克明弑之
年十八崩塋莊陵在位二年改寶曆

治二

八月遣中使詣天台採求靈藥詔道士劉

從政入宮資質仙事署光祿卿別號升

玄先生

丙三月命道士孫準製長生藥署準為翰林

待詔

四月帝畋獵夜歸與宦官酣飲擊毬俄燭

滅遇弑年十八大臣裴度等迎皇太弟

江王立之是為文宗

五月下詔革兩朝淫侈不法之務捕道士

孫準等二十八人及佞僧惟真民服流

于嶺表

丁文宗昂

穆宗次子虛懷聽納而不能堅決
用李訓鄭注欲盡誅仕宦仇士良
等陰覺縱兵殺宰相王涯等二十
餘人帝三十二歲崩在位十四年改太

和

戊十月江西觀察使沈傳師奏帝誕月請於

洪州起方等戒壇度僧資福制曰不度

僧尼累有勅命傳師忝為方面違禁申

請宜罰俸料一月

澧州藥山禪師惟儼卒大儒唐仲為之碑

曰上嗣位明年澧陽郡藥山釋氏大師以

十二月六日終于修心之所後八年門人

狀先師之行西來京師告于崇敬寺大德

求所以發揮先師之耿光垂於不朽崇敬

大德於余為從母兄也嘗參徑山得其心

要自興善寬敬示寂之後四方從道之人

質疑傳妙罔不詣崇敬者嘗謂伸曰吾道之明於藥山猶爾教之闡於洙泗智炬雖滅法雷猶響豈可使明德不照至行堙沒哉惟大師生南康信曹自爲童時未嘗處羣兒戲弄中往往獨坐如念如思年十七

治二

二

即南度大庾抵潮之西山得惠照禪師乃落髮服緇執禮以事大曆中受具於衡岳希琛律師釋禮矩儀動如夙習一朝乃言曰大丈夫當離法自靜焉能屑屑事細行於衣巾耶是時南嶽有遷江西有寂中岳

有洪皆悟心契乃知大圭之質豈俟磨礱照乘之珎難悔符彩自是寂以大乘法聞四方學徒至於指心傳要衆所不能達者師必默識懸解不違如愚居寂之室垂二十年寂曰汝之所得可謂浹於心術布於

四體欲益而無所益欲知而無所知渾然天和合於本無吾無有以教矣佛以開示羣盲爲大功德滅衆惡爲大德爾當以功德者濟羣迷宜作梯航無久滯此由是陟羅浮涉清涼歷三峽遊九江貞元初因憇

藥山喟然嘆曰吾生寄世若萍蓬耳又何効其飄轉耶既披蓁結庵才庇跣座鄉人知者因齋携飲食奔走而往師曰吾無德於人何以勞人乎哉並謝而不受鄉人跪曰願聞日費之具曰米一升足矣自是嘗

治二

三

以山蔬數本佐食一食訖就座轉法華華嚴涅槃晝夜若一終始如是殆三十年矣遊方求益之徒知教之在此後數歲而僧徒暮居禪室梁棟鱗差其衆不可勝數至於沃煩正覆道源成流有以見寂公先知

之明矣忽一旦謂其徒曰乘郵而行及暮而息未有久行而不息者吾至所詣矣吾將有息矣靈源自清混之者相能滅諸相是無有色窮本絕外汝其悉之語畢隱几而化春秋八十四僧臘六十夏入室弟子

冲虚等迁座建塔于禪居之東遵本教也始師嘗以大練布爲衣以竹器爲躄自薙其髮自具其食雖門人數百童侍甚廣未嘗易其力玆羞百品鮮果駢羅未嘗易其食冬裘重煖夏服輕踈未嘗易其衣華室靖深香榻嚴潔未嘗易其處麋鹿環繞猛獸伏前未嘗易其觀貴賤迭來頂謁床下未嘗易其禮非夫罄萬有契真空離攀緣之病本性清淨乎物表焉能遺形骸忘嗜欲久而如一者耶其他碩臣重官歸依修

禮於師之道未有及其門閫者故不列之於篇銘曰一物在中觸境而搖我示其源不境不跳西方聖人實言其要其要既得可言其妙我源自濟我真自靈大包萬有細出無形曹溪所傳徒藏于密身世俱空

曾何有物自見曰明是爲至精出沒在我誰曰死生刻之琬琰立之岩岫作碎者伸期於不朽

李翱作復性書其一曰人之所以爲聖人者性也人之所以惑其性者情也喜怒哀

治二

四

懼愛惡欲七者情之所爲也情既昏性斯匿矣非性之過也七者循環而交來故性不能統也水之渾也其流不清火之煙也其光不明非水火清明之過沙不渾流斯清矣煙不鬱光斯明矣情不作性斯統矣

性者天之命也聖人得之不惑者也聖人者豈無情耶聖人者寂然不動不往而到不言而信不耀而光制作參乎天地變化合於陰陽雖有情也未嘗有情也然則百姓者豈其無性耶百姓之性與聖人之性

弗差也雖然情之所昏交相攻未始有窮故雖終身而不自睹其性焉火之潛於山石林木之中非不火也江河淮濟之末流而泉於山非不水也石不敲木弗磨則不能澆其山林而燥萬物泉之源弗疏則弗

能爲江爲河爲淮爲濟東匯大壑浩浩湯湯爲弗測之深情之動弗息則弗能復其性而燭天地爲不極之明是故誠者聖人之性也寂然不動廣大清明照乎天地感而遂通天下之故行止語默無不處極也

復其性者賢人循之而不已者也不已則能歸其源矣聖人知人之性皆可以循之其不息而至於聖也故制禮以節之作樂以和之安於仁樂之本也動而中禮之本也故在車則聞和鸞之聲行步則聞佩玉

之音無故不廢琴瑟視言行循禮法而動所以教人忘嗜欲而歸性命之道也道者至誠而不息也至誠而不息則虛虛而不息則明明而不息則照天地而無遺非他也此盡性命之道也哀哉人人可以及於

此莫之止而不爲也不亦惑耶昔者聖人以傳於顏子顏子得之拳拳不失不遠而復其心三月不違仁子曰回也其庶乎屢空其所以未到聖人者一息耳非力不能也短命而死故也其餘升堂者蓋皆傳也

一氣之所春一雨之所膏而得之者各有淺深不必均也曾子之死也曰吾何求焉吾得正而斃焉斯已矣斯正性命之言也子思仲尼之孫得祖之道述中庸四十九篇以傳于孟軻孟軻曰我四十不動心軻之門人達者公孫丑萬章之徒蓋傳之矣遭秦焚書中庸之弗焚者一篇有焉於是此道廢闕其教授者唯節文章句威儀擊劔之術相師焉性命之源則吾弗能傳矣道之極於剝也必復吾自大歲讀書但爲辭句之學志于道者四年矣與人言之未嘗有是我者也南觀濤江入于越而吳興陸參存焉與之言陸參曰子之言尼父之心也東方有聖人焉不出乎此也西方有聖人焉亦不出乎此也唯子行之不息而

治二

六

已矣嗚呼性命之書雖存學者莫能明是故皆入於莊列老釋不知者謂夫子之徒不足以窮性命之道信之者皆是也有問於我我以吾之所知傳焉遂書於書以開誠明之源而闕絕廢棄不揚之道幾可以傳於是命曰復性書以治乎心以傳乎人於戲夫子復生不廢吾言矣其二曰或問曰人之昏也久矣將復其性者必有漸也敢問其方曰弗慮弗思情則不生情既不生乃爲正思正思者無思無慮也易曰天下何思何慮又曰閑邪存其誠詩曰思無邪曰已矣乎曰未也此齋戒其心者也猶未離於靜焉有靜必動有動必靜動靜不息是乃情也易曰吉凶悔吝生乎動者也馬能復其性耶曰如之何曰方靜之時知

心無思者是齋戒也知本無有思動靜皆
離寂然不動是至誠也中庸曰誠則明矣
易曰天下之動貞夫一者也問曰不慮不
思之時物格于外情應于內如之何而可
止也以情止情其可乎曰情者性之邪也

治三

七

知其為邪本無其心寂然不已邪思自心
惟性明照邪也何所生如以情止情是乃
大情也情之相止其有已乎易曰顏氏之
子其殆庶幾乎其不善未嘗不知知之未
嘗復行也易曰不遠復無祇悔元吉問曰

本無有思動靜皆離然則靜之來也其不
聞乎物之形也其不見乎曰不覩不聞是
非人也視聽昭昭而不起聞見者斯可矣
無不知也無不為也其心寂然光照天地
是誠之明也大學曰致知在格物易曰無

思也無為也寂然不動感而遂通天下之
故非天下之至神其孰能與於此曰致問
致知在格物何謂也曰物者萬物也格者
來至也物至之時其心昭昭然辨焉而不
著於物者是致知也是知之至也知至故

意誠意誠故心正心正故身修身修故家
齊家齊而國理國理而天下平此所以能
參天地者也易曰與天地相似故不違智
周乎萬物而道齊天下故不過旁行而不
流樂天之命故不憂安土敦乎仁故能愛

範圍天地之化而不過曲成萬物而不遺
通乎晝夜之道而知故神無方而易無體
一陰一陽之謂道此之謂也曰生為我說
中庸曰不出乎前矣曰我未明也敢問何
謂天命之謂性曰人生而靜天之性也性

者天之命也率性之謂道曰何謂也曰率
循也循其源而反其性者道也道也者至
誠也至誠天之道也誠者定也不動也修
道之謂教何謂也曰教也者人之道也擇
善而固執之者也修是道而歸其本者明

治三

八

也教也者則可以教天下矣顏子其人也
道也者不可須臾離也可離非道也說者
曰其心不可須臾動焉故也動則遠矣非
道矣變化無方未始離於不動故也是故
君子戒謹乎其所不覩恐懼乎其所不聞

莫見乎隱莫顯乎微故君子謹其獨也說
者曰不覩之覩見莫大焉不聞之聞聞莫
甚焉其心不動是弗覩之覩弗聞之聞也
其復之不遠矣故謹其獨謹其獨者守其
中也問曰昔之解中庸者與生之言皆不

同何也曰彼以事解我以心通者也曰彼
亦通於心乎曰吾不知之問人之性猶聖
人之性嗜欲愛惡之心何自而生耶曰情
者妄也邪也曰邪與妄則無所因矣妄情
滅息本性清明周流六虛所以謂之能復

其性也易曰乾道變化各正性命語曰朝
聞道夕死可也誠正性命故也曰情之所
昏性即滅矣何以謂之猶聖人之性也曰
水之清澈其渾之者沙泥也其渾也性情
豈遂無有耶久而不動沙泥自沉清明之

治三

九

性鑒乎天地非自外来也故其渾也性本
不失及其復也性亦不生人之性亦猶水
也問曰人之性本皆善而邪情昏焉敢問
聖人之性將復為嗜欲所渾乎曰不復渾
矣情本邪也妄也邪妄所翳性不能復聖

人既復其性矣知情之所爲邪邪既爲明
所覺矣則無邪邪何由生乎曰敢問死何
所之耶曰聖人之所不明書于策者也易
曰原始要終故知死生之說精氣爲物遊
魂爲變是故知鬼神之情狀斯盡之矣子
曰未知生焉知死則原其始反其終可以
盡其生之道生之道既盡則死之說不學
而通矣此非所急也子修之不息其自知
之吾不可以章章然言非書矣其三曰晝
而作夕而休者凡人也作乎非作者與物
皆作休乎非休者與物皆休吾則不類於
凡人晝無所作夕無所休作非吾作也作
有物休非吾休也休有物休耶作耶二皆
離而不存予之所存者終不亡且離矣人
之不力於道者昏不思也天地之間萬物

生焉人之與萬物一也其所以異於鳥獸
垂魚者豈非道德之性全乎哉受一氣而
成形一爲物而一爲人得之甚難也生乎
世又非深長之年也以非深長之年行甚
難得之身而不專專於大道肆其心之所
爲其所以異於鳥獸垂魚者亡矣昏而不
思其昏也終不明矣吾之年三十有九矣
思十九年時如朝日也思九年時亦如朝
日也人之受命其長者不過七十八十年
九十百年者希矣當百年之時而視乎九
十時也與吾此日之思於前也遠近其能
大相懸也其又能遠於朝日之時耶然則
人之生也雖享百年若雷電之驚相激也
若風之飄而旋也可知矣况百千人無一
及百年之年哉故吾之終日志於道猶懼

治三

十

未及也彼肆其心之所為者獨何人耶

已 雲代蔚三州山谷間
石化為麩民取食之

蘇州重玄寺刊石壁經成刺史白居易為之碑曰碑在石壁東次石壁在廣德法華院西南隅院在重玄寺西若干步寺在蘇

州城北若干里以華言唐文刻釋氏經典自經品衆佛號以降字加金馬夫開示悟入諸佛知見以義度無邊以圓教垂無窮莫尊於妙法蓮華經凡六萬九千五百五言證無生忍造不二門住不可思議脫莫

極於維摩詰經凡一萬七千九十二言攝四生九類入無餘涅槃實無得度者莫出於金剛般若波羅密經凡五千二百八十七言穰罪集福淨一切惡道莫急於佛頂尊勝陀羅尼經凡三千一十言應念順願

治二

十一

願生極樂土莫急於阿彌陀經凡一千八百言用正見觀真相莫出於觀普賢菩薩行法經凡六千九百九十言詮自性認本覺莫過於實相法密經凡三千二百五言空法塵依佛智莫過於般若波羅密多心

經凡二百五十八言是八種經具十二部合一十一萬六千八百五十七言三乘之要旨萬佛之祕藏盡矣是石壁積四重高三尋長十有五丈厚尺有咫有石蓮敷覆其上下有石神固護其前後火水不能燒漂風日不能搖消所謂施無上法盡未來際者也唐長慶二年冬作太和三年春成律德沙門清晃矢厥謀清海繼厥志門弟子南容成之道則終之寺僧契元捨藝而書之郡守居易施辭而讚之讚曰佛滅度

後世界空虛惟是經典與衆生俱設復有人書貝葉上藏檀龕中非堅非久如臘印空假使有人刺血爲墨剥膚爲紙即人知滅如筆書水噫畫水不若文石印臘不若字金其功不朽其義甚深故吾謂石經功

德契如來付囑之心

是歲丹霞天然禪師將終命左右具浴浴畢乃頂笠策杖受履垂一足未及地而化春秋八十有六師本儒生行應舉偶一禪者問仁今何往曰選官去禪者曰選官何如選佛曰選佛當何所詣禪者曰江西馬祖出世即選佛之場也師遂見馬祖以手托幞頭額祖顧視良久曰南嶽石頭是汝之師師抵南嶽亦以前意授之石頭曰著槽廠去乃禮謝入行者堂執務後因普請

治二

十二

錘草次師獨沐頭跪於石頭之前石頭欣然與之落髮尋爲說戒即掩耳而去便返江西再見馬祖未叅禮便入僧堂騎聖僧頸而坐衆驚異以白馬祖祖入堂見之曰我子天然師即下地禮拜曰謝師賜與法

名久之徧歷諸方後於天津橋橫卧留守鄭公出呵之不起吏問故曰無事僧鄭竒之日給米麪洛下翕然敬向居鄧州丹霞至數百衆嘗示衆曰阿你渾家切須保護一靈之物此不是你造作名邈得更說什麼薦不薦吾往日見石頭和上亦只教保護此事不是你譚話得阿你渾家各有一坐具地更疑什麼禪可是你解得底物豈有佛可成佛之一字永不喜聞阿你自看善巧方便慈悲喜捨不從外得不著方寸

善巧是文殊方便是普賢你更擬趁逐什
麼物不用經不落空去今時學者紛紛擾
擾皆是參禪問道吾此間無道可修無法
可證一飲一啄各自有分不用疑慮在在
處處有恁麼底若識得釋迦即是凡夫阿

治二

圭

你須自看取 盲引衆盲相將入火坑夜
暗裏雙陸賽彩若爲生無事珍重師嘗著
玩珠吟二篇其一曰識得衣中寶無明醉
自醒百骸俱潰散一物鎮長靈智境渾非
體神珠不定形悟則三身佛迷疑萬卷經

在心心可測歷耳耳難聽罔象先天地玄
泉出杳冥本剛非鍛鍊元淨莫澄渟槃礴
輪朝日玲瓏映曉星瑞光流不滅真氣觸
還生鑿照崆峒寂羅籠法界明到凡功不
減超聖果非盈龍女心親獻闍王口自呈

護鷲人却活黃雀意猶輕解語非關舌能
言不是聲絕邊彌汗漫無際等空平演教
非爲說聞名忽認名兩邊俱莫立中道不
須行見月休觀指還家罷問程識心心即
佛何佛更堪成

時有凌行婆者嘗謁浮杯和上與喫茶次
婆問盡力道不得底句還分付阿誰曰浮
杯無剩語婆云我不恁麼道曰你作麼生
道婆歛手哭曰蒼天中更寬苦杯無語婆
云語不知偏正爲人即禍生後有僧舉似

南泉泉云苦哉浮杯却被老婆摧折婆聞
南泉語乃笑曰王老師猶少機關在有澄
一禪者見婆問怎生是南泉猶少機關在
婆乃哭曰可悲可痛一罔措婆云會麼一
合掌而立婆云伎死禪和如麻似粟後澄

一舉似趙州州云我若見這臭老婆問教口唾在一云未審和上怎生問他州以棒打云似這伎死禪和不大更待何時連打數棒婆聞趙州恁麼道乃曰趙州自合喫婆手裏棒在後有僧舉似趙州州哭云可

治二

十四

悲可痛婆聞趙州此語乃合掌曰趙州眼放光明照破四天下後趙州令僧去問怎生是趙州眼婆乃豎起拳頭趙州聞之乃以一偈寄云當機直面提直面當機疾報你凌行婆哭聲何得失婆亦以一偈荅曰

哭聲師已曉已曉復誰知當時摩竭國幾喪目前機

步文宗喜食蛤蜊一日御饌中有蛤蜊劈不張者忽變菩薩像帝驚異有旨送興善寺令眾僧瞻禮因問侍臣此何祥也或

對太一山有惟政禪師深明佛法詔問之帝召政而問焉對曰物無虛應此殆啓陛下信心耳經云應以菩薩形得度者即現菩薩形而為說法帝曰菩薩形今見矣未聞其說法何也對曰陛下見

此以為常耶非常耶信耶弗信耶帝曰非常之瑞朕為不信政曰陛下聞其說法矣何謂未聞帝大悅詔天下寺並立觀音像奉祀焉

丑十月帝誕節召法師知玄與道士於麟德

治三

十五

殿論道

卯四月丁巳宰相李訓上疏請罷內道場沙汰僧尼濫偽者制可是日詔下方毀大內靈像俄暴風聿起舍元殿鴟吻俱落發三金吾仗舍內外城門樓觀俱壞光化門墻

亦崩士民震恐帝以訓所請忤天意亟詔
停前沙汰詔復立大內聖像風遂頓息見
舊史五行志是歲冬十一月宰相李訓鄭
注謀誅宦官不克事敗訓注皆死之

是歲南泉普願禪師

鄭州新鄭人也姓王氏

將示寂

第一座問曰和尚百年後向什麼處去師
云山下作一頭水牯牛去座云某甲隨和
上去還得不師云汝若隨吾則須銜一莖
草來乃集門人告之曰星翳燈幻其來久
矣勿謂吾有去來也言訖而逝師得法於

馬祖後歸池陽自架禪室以居凡三十年
不下南泉會宣城觀察使陸公亘請下山
伸弟子之禮由是學徒雲集陸嘗問弟子
從六合來彼中還更有身否泉云分明記
取舉似作家陸云和上大不思議到處世

界現成泉云適來總是大夫分上事陸他
日又云弟子薄會佛法泉云十二時中作
麼生陸云寸絲不挂泉云猶是階下漢泉
又云不見道有道君王不納有智之臣一
日見人雙陸大夫拈起骰子云恁麼不恁

麼只恁麼信彩去時如何泉拈起骰子云
臭骨頭十八嘗示衆曰道箇如如早是變
了也今時師僧直須向異類中行又曰我
於一切處而無所行他拘我不得喚作徧
行三昧普現色身又曰如今不可不奉戒

治二

十六

我不是渠渠不是我作得伊如狸奴白牯
行履却快活你若一念異即難爲修行才
一念異便有勝劣二根亦是情見隨他因
果更有什麼自由分又曰老僧十八上解
作活計有人解作活計者麼出來共你商

量須是住山人始得珍重無事各自修行
 大眾不去師復云如聖果也大可畏沒量
 大人尚不柰何我且不是渠渠且不是我
 他經論家說法身為極則喚作理盡三昧
 似老僧向前被人教返本還源去幾恁麼
 會禍事兄弟近日禪師太多資人癡鈍箇
 不可得不道全無於中還少若有出來共
 你商量如空劫時還有修行人否有無作
 麼不道阿你尋常巧唇薄舌及乎問著總
 皆不道何不出來莫論佛出世事兄弟今

時人擔佛著肩頭上行聞老僧言心不是
 佛智不是道便聚頭擬推老僧無你推處
 你若束得虛空作棒打得老僧著一任汝
 推師與趙州門風天下惟仰以為絕唱
 大和九年九月十一日潭州道吾山圓智

禪師告寂豫章海昏人也姓張氏幼依槃
 和尚受教登戒預藥山法會密契心印一
 日藥山問子去何處來曰遊山來山曰不
 離此室速道將來曰山上烏兒白似雪澗
 底遊魚忙不徹師與雲石侍立次藥山曰
 智不到處切忌道著道著即頭角生智頭
 陀怎麼生師便出去雲岩問藥山曰智師
 兄為什麼不祇對和上山曰我今日背痛
 是他却會汝去問取雲岩即來問師曰師
 兄適來為什麼不祇對和上師曰汝却去

問取和上僧問云居切忌道著意怎麼生
 最毒底語云居云此語最毒僧云如何是
 一棒打殺龍蛇雲岩臨迂化時遣人送
 辭書到師展書覽之曰雲岩不知有悔當
 時不向伊道然雖如是要且不違藥山之
 子立賢云古人恁麼道還有也未又云雲
 岩當時不會且道什麼處是伊不會處

爲山問師什麼處去來師曰看病來曰有
幾人病師曰有病底有不病底曰不病底
莫是智頭陀否師曰病與不病總不干他
事急道急道僧問萬里無雲未是本來天
如何是本來天師曰今日好曬麥問無神

通菩薩爲什麼足迹難尋師曰同道方知
曰和上知否師曰不知曰爲什麼不知師
曰汝不識我語石霜問師百年後有人問
極則事作麼生向他道師喚沙彌沙彌應
諾師曰添却淨瓶水著師良久却問石霜
適來問什麼石霜再舉師便起去石霜異
日又問和上一片骨敲著似銅鳴向什麼
處去也師喚侍者侍者應諾師曰驢年去
師示疾有苦僧衆慰問法候師曰有受非
償子知之乎衆皆愀然將行謂衆曰吾當

西邁理無東移言訖告寂壽六十有七闍
維得靈骨數片建塔于石霜山之陽勅諭
修一大師塔曰寶相

改開成○元年左街僧錄內供奉三教談
論引駕大德安國寺上座賜紫大達法師

端甫卒史館修撰裴休製碑曰玄秘塔者
大法師端甫靈骨之所歸也於戲爲丈夫
者在家則張仁義禮樂輔天子以扶世道
俗出家則運慈悲定慧佐如來以闡教利
生捨此無以爲丈夫也背此無以爲達道
也和上其出家之雄乎天水趙氏世爲秦
人初母張夫人夢梵僧謂曰當生貴子即
出囊中舍利使吞之从誕所夢僧白晝入
其室摩其頂曰必當大弘教法言訖而滅
既成人高頰高目大頤方口長六尺五寸

其音如鐘夫將欲荷如來之菩提鑿生靈之耳目固必有殊相奇表與始十歲依崇福寺道悟禪師爲沙彌十七正度爲比丘隸安國寺具威儀於西明照律師稟持犯於崇福寺昇律師傳涅槃唯識大義於安

治二

九

國寺素法師復夢梵僧告曰三藏大教盡貯汝腹矣自是經律論無敵於天下囊括川注逢原委會滔滔然莫能知其畔岸矣夫將欲伐株杌於情田雨露於法種者固必有勇智宏辨與無何謁文殊於清涼

衆聖皆現演大經於太原傾都畢會德宗皇帝聞其名徵之一見大悅常出入禁中與儒道論議賜紫方袍歲時錫施異於他等復詔侍皇太子於東朝順宗皇帝深仰其風親之若昆弟相與卧起恩禮特隆憲

宗皇帝數幸其寺待之若賓友常承顧問注納偏厚而和上符彩超邁詞理響捷迎合上旨皆契真乘雖造次應對未嘗不以闡揚爲務由是天子益知佛爲大聖人其教有大不可思議事當是時朝廷方削平

區夏縛吳幹蜀瀦蔡蕩鄆而天子端拱無事詔和上率緇屬迎真骨於靈山開法場於祕殿爲人請福親奉香火既而刑不殘兵不黷赤子無愁聲江海無驚浪蓋參用真乘以毗大政之明効也夫將欲顯大不思議之道輔大有爲之君固必有冥符玄契與掌內殿法儀錄左街僧事以標表清衆者十一年講涅槃唯識經論位處當仁傳授宗乘以開誘道俗凡一百六十座運三密於瑜伽契無生於悉地日持諸部十

餘萬徧指淨土爲息肩之地嚴金經爲報法之恩前後供施數十百萬悉以崇飾殿宇窮極雕繪而方丈匡床靜慮自得貴臣盛族皆所依慕豪俠工賈莫不瞻嚮薦金玉以致誠仰端嚴而禮足日有千數不可

注

干

彈書而上即衆生以觀佛離四相以修善心下如地坦無丘陵王公輿臺皆以誠接議者以謂成就常不輕行者唯和上而已夫將欲駕橫海之大航拯羣迷於彼岸者固必有奇功妙道與以開成元年六月一日向西右脇而滅當暑而尊容若生竟夕而異香彌鬱其年七月六日遷於長樂之南原遺命茶毗得舍利三百餘粒方熾而神光月皎既燼而靈骨珠圓賜諡大達塔曰玄祕俗壽六十七僧臘四十八弟子

比丘比丘尼約千餘輩或講論玄言或紀綱大寺修禪秉律分作人師五十其徒皆爲達者於戲和上果出家之雄乎不然何至德殊祥如此其盛也承襲弟子自約義正正言等克荷先業虔守遺風大懼微猷

有時埋沒而閭門劉公法緣窵深道契彌固亦以爲請願播清塵休嘗游其藩備其事隨喜讚歎蓋無愧辭銘曰賢劫千佛第四能仁哀我生靈出經破塵教網高張孰分有大法師如從親聞經律論藏戒之慧

注二

三

學深淺同源先後相覺異宗偏義執正孰駁有大法師爲作霜電趣真則滯涉僞則流象狂猿輕鈎檻莫收柅制刀斷尚生瘡旣有大法師絕念而遊巨唐放運大雄垂教千載冥符三乘迭耀寵重恩顧顯闡讚

道有大法師逢時感名空門正闢法宇方
開崢嶸棟宇一旦而摧水月鏡像無心去
來徒令後學瞻仰徘徊

○慧星現
長八丈

咸開成三年三月六日僧統清涼國師澄觀

將示寂謂其徒海岸等曰吾聞偶運無功
先聖悼歎復質無行古人耻之無昭穆動
靜無綸緒往復勿穿鑿異端勿順非辨偽
勿迷陷邪心勿固牢鬪諍大明不能破長
夜之昏慈母不能保身後之子當取信於

佛無取信於人真離玄微非言說所顯要
以深心體解朗然現前對境無心逢緣不
動則不孤我矣言訖而逝師生歷九朝為
七帝門師春秋一百有二僧臘八十有三
身長九尺四寸垂手過膝目夜發光晝視

不瞬才供二筆聲韻如鐘文宗以祖聖崇
仰特輟朝三日重臣縞素奉全身塔于終
南山未幾有梵僧到闕表稱於葱嶺見二
使者凌空而過以况止而問之荅曰北印
度文殊堂神也東取華嚴菩薩大牙歸國

供養有旨啓塔果失一牙唯三十九存焉
遂閣維舍利光明瑩潤舌如紅蓮色賜諡
仍號清涼國師妙覺之塔相國裴休奉勅
撰碑其銘曰寶月清涼寂照法界以沙門
相藏世間解澄湛含虛氣清鐘鼎雪沃刺

造三

至

溪霞橫維嶺真室窅靈嶽崔嵬虛融天
地峻拔風雷離微休命實際龐鴻奉若時
政革彼幽蒙烟乎禹質元聖孕靈德雲冉
冉疑眸幻形谷嚮入耳性不可為青蓮出
水深不可闕才受尸羅奉持止作原始要

終克諧適莫鳳藻瓊奇遺演秘密深翰風
生供盈二筆欲造玄關咽金一像逮竟將
流龍飛遷颺疏新五頂光銜二京躍出法
界功齊百城萬行分披華開古錦啓迪羣
吐與甘露飲燮黃金偈懷生保又聖主師

資聿興遐裔貝葉翻宣譯場獨步譚柄一
揮幾回天顧王庭闡法傾河湧泉屬辭縱
辨玄玄玄紫衲命衣清涼國號不有我
師孰知吾道九州傳命然無盡燈一人拜
錫統天下僧帝網冲融潛通萬戶歷天不

周同時顯晤卷舒自在來往無蹤大士知
見允執厥中西域供牙梵倫遽至秦啓石
驗嘉風益熾勅俾圖真相即無相海印大
龍蟠居方丈哲人去矣資何所叅即事之
理塔鎖終南

治三
勅寫國師真奉安大興唐寺文宗皇帝

製黃曰朕觀法界曠聞無垠應緣成事允
用虛根清涼國師體象啓門奄有法界我
祖聿尊教融海岳恩廓乾坤首相二疏拔
擢幽昏間氣斯來拱承佛日四海光疑九

州慶溢啟金仙門奪古賢席大手名曹橫
經請益仍師臣休保余遐曆爰抒頌毫式
揚茂實真空罔盡機就而駕白月虛秋清
風適夏妙有不遷緣息而化邈爾為儀煥
平精舍

製製象碁昔神農以日月星辰為象唐相國
牛僧孺用車馬將士卒加砲代之
為機矣

是年正月六日圭峰宗密禪師示寂相國
裴休撰傳法碑師姓何氏果州西充人釋
迦如來三十九代法孫也釋迦住世八十

年爲無量天人聲聞菩薩說種種法最後以法眼付大迦葉令祖祖相傳別行于世顧此法衆生之本源諸佛之所證超一切理離一切相不可以言語智識有無隱顯推求而得但心心相印印相契使自證知光明受用而已自迦葉至達磨達磨東來至曹溪凡三十三世曹溪傳荷澤荷澤傳磁州如如傳荆南張張傳遂州圓圓傳禪師師於荷澤爲五世於迦葉爲三十八世其宗系如此師豪家少通儒學一日謁遂州未及與語退遊徒中見其儼然在定忻躍慕之遂剃染受道嘗赴齋次受經得圓覺十二章誦未終忽然大悟歸以告其師師印可乃謁東京照照曰菩薩人也誰其識之次謁清涼觀觀曰毗盧華嚴能從

我游者其汝乎及因漢上僧授華嚴新疏遂講華嚴久之著圓覺華嚴涅槃金剛唯識起信法界觀等經疏鈔及禮懺修證圖傳纂略文集諸宗禪語爲禪藏并書偈議論凡九十餘卷或以師不守禪行而廣講經論遊名邑大都以興建爲務乃爲多聞之所役豈聲利之所未忘乎曰嘻夫一心者萬法之總也分而爲戒定慧開而爲六度散而爲萬行萬行未嘗非一心一心未嘗違萬行禪者六度之一耳何能總諸法哉且如來以法眼付迦葉不以法行故自心而證者爲法隨行而起者爲役得未必嘗同也然則一心者萬法之所生而不屬於萬法得之者則於法自在矣見之者則於教無礙矣本非法不可以法說本非教

不可以教傳豈可以軌迹而尋哉自迦葉
至富那夜奢凡十祖皆羅漢所度亦羅漢
至馬鳴龍樹提婆天親始開摩訶衍著論
釋經摧滅外道爲菩薩唱首而尊者闍夜
獨以戒力爲威神尊者摩羅獨以苦行爲

法二

法五

道迹其他諸祖或廣行法教或專心禪定
或蟬蛻而去或化火而滅或攀樹以示終
或受害而償債是乃法必同而行不必同
也且循轍迹者非善行守規墨者非善巧
不迅疾無以爲大牛不超過無以爲大士

故禪師之爲道也以知見爲妙門以寂靜
爲正味慈忍爲甲冑慧斷爲劔矛破內魔
之高壘陷外賊之堅陣鎮撫邪雜解釋縲
籠遇窮子則叱而使歸其家見貧女則呵
而使照其室窮子不歸貧女不富吾師耻

之三乘不興四分不振吾師耻之忠孝不
並化荷擔不勝任吾師耻之故皇皇於濟
拔汲汲於開誘不以一行自高不以一德
自聳人有歸依者不俟請而往也有求益
者不俟憤則啓矣雖童幼不簡於應接雖

傲很不怠於扣勵其以闡教度生助國家
之化也如此故親師之法者貪則施暴則
斂剝則隨戾則順昏則開憤則奮自榮者
謙自堅者化循私者公溺情者義故士俗
有變活業絕血食持戒法而爲近住者有
出而修政理以救疾苦爲道者有退而奉
父母以豐供養爲行者其餘憧憧而來欣
欣而去揚袂而至實腹而歸所在不可勝
紀真如來付囑之菩薩衆生不請之良友
其四依之一乎其十地之人乎吾不識其

境界庭宇之廣狹議者又焉知大道之所
趣哉閱世六十二僧臘三十四宣宗追諡
定慧禪師門弟子僧尼四衆凡數千人

庚申 ○ 正月上疾命太子監國上崩仇士良立穎王為太弟即位李德裕相

廿二

一

佛祖歷代通載卷第三十二

佛祖歷代通載卷第二十三

治三

嘉興路太中祥符禪寺住持華亭念常集

武帝炎政會昌

穆宗第五子母韋太后仇士良臨死謂同類口天子

其性躁急喜怒不常年二十四而崩在位六年

治三

帝自幼稚不喜釋氏是年正月即位七月

桂州馬生三足駒至秋九月召道士趙

歸真等八十一人入禁中於三殿修金

錄道場冬十月帝幸三殿升九仙玄壇

親受法錄左拾遺王折諫云王業之初

不宜崇信太過帝不納

是年十月潭州雲岩禪師卒鐘陵建昌

人姓王氏少出家於石門初參百丈未悟

立旨侍左右二十年文化乃謁藥山服勤

已久山問師作什麼曰擔屎山曰那箇

曰在山曰汝來去為誰曰替他東西山曰

何不教並行曰和上莫謗他山曰不合與

麼道曰如何道山曰還曾擔麼師於言下

契會一日藥山問聞汝解美師子是否曰

是山曰美得幾出曰美得六出山曰我亦

美得曰和上美得幾出山曰我美得一出

師曰一即六六即一後到瀉山瀉問曰承

長老在藥山美師子是否曰是瀉曰長美

耶還有置時曰要美即美要置即置瀉曰

置時師子在什麼處師曰置也置也道吾

問大悲千手眼如何曰如無燈時把得枕

子怎麼生道吾曰我會也我會也師曰怎

麼生會吾曰通身是手眼洞山問就師乞

眼睛師曰汝底與阿誰去也曰良价無師

曰有汝向什麼處著洞山無語曰乞眼睛

底是眼否价曰非眼師咄之師於是月二十六日沐身竟喚主事僧令備齋來日有上座發去至二十七日並無人去及夜師歸寐壽六十茶毘得舍利千餘粒塔曰淨勝勅諡無住大師

三

二

夏六月以衡山道士劉玄靜為光祿大夫充崇玄館學士令與趙歸真居禁中修法錄左輔關劉玄謨上疏切諫貶玄謨為河南戶曹

三年正月制曰齋月斷屠出於釋典國家刑業猶近梁隋卿相大夫或緣茲弊自今惟正月萬物生植之初宜斷屠三日列聖忌各斷一日餘不須禁三月以道士趙歸真為左右街道門教授先生時帝銳意求仙師事歸真歸真乘寵每對必排毀釋氏

非中國之教靈害生靈宜盡除去帝深然之歸真復請與釋氏辨論有旨退僧道於麟德殿談論法師知玄登論座辨捷精壯道流不能屈玄因奏王者本禮樂一憲度則天下治吐納服食蓋山林匹夫獨擅之

事願陛下不足留神帝色不平侍臣諷玄賦詩以自釋玄立進五篇有鶴背傾危龍背滑君王且住一千年之句帝知其刺特放還桑梓

論曰昔周武廢教沙門犯顏抗爭殆

治三

三

數十人雖不能格武之惑然足見吾法中之有人也及唐高祖議沙汰而惠垂玄琬智實法林等皇皇論爭引義慷慨亦不失法王真子之識凡自大曆而後祖道既興吾門雄傑多趨

禪林至是武宗議廢教而主法者才知立一人而已雖武宗盛意不可解佛運數否莫可逃凡釋子者處變故之際無一辭可紀佛法尊博如天亦吾徒失學之罪也

子甲正月作望仙樓於禁中時集道士於其上咨質仙事時趙歸真特被殊寵諫官數上疏論之帝謂宰相曰諫官論趙歸真此意要卿等知朕官中無事屏去聲色要此人道話耳李德裕對曰臣不敢言前代得失

弟歸真曾在敬宗朝出入掖庭以此羣情不願陛下復親近之帝曰朕於彼時已識此人但不知其名呼為趙練師在敬宗時亦無甚惡朕與之言滌煩耳至於軍國政事唯與卿等論之豈問道士繇是宰相不

復諫而歸真遂以涉物論遂舉羅浮山道士鄧元超有長生術帝遣中使迎之及元超至與劉玄靖及歸真等膠固排毀釋氏於是拆寺之請行焉

四月敕祠部檢括天下僧尼寺凡四萬四千六百所僧尼凡二十六萬五千餘人

五月庚子勅併省天下佛寺中書門下關奏據令式諸上州國忌官吏行香於寺其上州各留一寺凡有列聖尊容並令移於寺內其下州寺並廢兩京左右街請留十

治三

四

寺寺僧十人勅曰上州合留寺工作精巧者各一所如破落悉宜除毀其行香日官吏宜赴道觀上都東都各留四寺寺僧三十人中書門下又奏曰天下廢寺鐘磬銅像委鹽鐵使鑄錢其鐵像委本州鑄為農

具金銀鍮石等像銷付度支衣冠士庶之家所有金銀等像勅出後限一月納官

八月制曰朕聞三代以前未有言佛漢魏之後像教寢興由是季時傳此異俗因緣染習募衍滋多以至於蠹耗國家而漸不覺以至於誘惑人情而衆益迷洎於九有山原兩京城闕僧徒日廣佛寺日崇勞人力於上木之功奪人利於金寶之飾移君親於師資之際違配偶於戒律之間壞法害人無逾此道且一夫不田有受其饑者

今天下僧尼不可勝數皆待農而食待蚕而衣寺宇招提莫知紀極皆雲架藻飾僭擬官居晉宋齊梁物力凋弊風俗澆詐莫不由是而致也况我高祖太宗以武定禍亂以文理天下執此兩端而以經邦豈以

治三

五

西方區區之教與我抗衡我貞觀開元亦嘗釐革剷除未盡流衍轉滋朕博覽前言旁求輿議弊之可革斷在不疑而中外誠臣協予正意條流至當宜在必行懲千古之蠹源成百王之典法即人利衆予何讓

焉其天下所拆寺還俗僧尼收充稅戶於戲前古未行似將有待及今盡去豈謂無時驅游惰不業之徒幾五十萬廢丹牘無用之室凡六萬區自此清淨訓人慕無爲之理簡易齊政成一俗之功將使六合黔黎同歸皇化尚以革弊之始日用不知下制明廷宜體予意

丑三月帝不豫自徵方士服金丹受法錄至是發背躁悶失常遂至大漸旬日不能言而崩年三十三舊史贊曰昭肅削浮圖之

法懲游惰之民志欲矯步舟梯求珠赤水
徒見蕭衍姚興之曲學不悟始皇漢武之
妄求蓋受惑左道之言故偏斥異方之教
况身毒西來之法向欲千年蚩蚩之民習
以成俗畏其教甚於國法樂其徒不異登

仙如文身斷髮之鄉似吐火吞舟之戲詎
可正以咸韶而律以章甫加以竿融何充
之倭代不乏人雖荀卿孟子之賢未容抗
論一朝隳殘金像燔棄胡書結怨於膜拜
之流犯怒於匹夫之口哲王之舉不駭物

情前代存而勿論實為中道欲革斯弊將
俟河清昭肅頌稱明斷然聽斯蔽矣已上並見
史著

論曰舊史武宗紀著除羅釋氏始末
甚詳當時黃冠乘寵傾害吾教然亦

治三

六

大臣李德裕輔成其事也新史曰武
宗毅然除去浮屠之法甚銳而躬受
道家法錄服藥以求長年以此知其
非明智之不惑者特好惡不同耳噫
嘻武宗非明智不惑豈特於釋老好

惡不同哉其偏信李德裕專權用事

朋黨相傾雖僅有伐叛之勞未見成
功而朝野積怨已甚使更久權則與

李林甫又何異乎古曰上流之罪

之罪天似其罰異矣武報應傳曰正

聞人語謂是為遂油衰葉之內俄
而空有朱衣執版宜曰塚尉何在
二吏出應曰在矣朱衣曰錄海西居
便者至也朱史曰計程十八日方至
朱衣曰何稽吏曰李炎坐殿聖教滅
箕一紀當與海西居同錄其魂而至
矣時有賈容白東來俱尋不見是年
武宗果卒併錄之
丙寅
○三
四
月上崩于幼皇太林即位
月出李德裕荆南節度使

丁宣宗忱

憲宗第十三子始封光王讓位與姪文宗武宗後武宗不道捶亡沉

於宮廟宦者仇公武潛收救之俾髮髮

為僧後復受江陵少尹武宗疾大漸立

光王為皇太子即位於極前帝以派落

與佛備知稼穡勤于庶政視前昏暴廣

三月詔曰會昌季年併省寺宇雖云異方

治三 七

之教有資為理之源中國之人久行其道

釐革過當事體乖謬其靈山聖境應會昌

五年所廢寺宇諸宿舊僧可仍舊修葺住

持

是年尚書白居易卒年七十有五贈尚書

左僕射上以詩吊之居易被遇憲宗時事

無不言瀟剔抉摩多見聽可然為當路所

忌遂擯斥所蘊不得施乃放意文酒能順

適所遇託釋氏死生之說若忘形骸者後

復進用又皆幼君偃蹇益不合居官輒病

去遂無立功名意與弟行簡及從祖弟敏

中友愛東都所居履道里疏沼種樹架石

樓香山鑿八節灘號醉吟先生自為之傳

晚節好佛尤甚至經月不食葷稱香山居

士與胡杲等九人宴集皆高年不仕者人

慕之繪為九老圖居易於文章精切然最

工於詩當時士人爭傳誦之其始生方七

月能展書姆指之無兩字雖式之百數不

差九歲暗識音律其篤於才章蓋天稟然

既卒以其所居第施為佛寺宣宗思其賢

不已因擢其弟敏中為相居易掌足疾肖

彌陀佛像而禱之自為之記曰我本師釋

迦如來說言從是西方過十萬億佛土有

世界號極樂以無八苦四惡道故也其國

號淨土以無三毒五濁業故也其佛號阿

彌陀以壽無量願無量功德相好光明無量故也諦觀此娑婆世界衆生無賢愚無貴賤無幼艾有起心歸佛者舉手合掌必向西方有怖厄苦惱開口發聲必先念阿彌陀又範金合土刻石綉紋乃至印水聚

治三

八

沙童子戲者莫不率以阿彌陀佛爲上首不知其然而然由是而觀是彼如來有大誓願於此衆生衆生有大因緣於彼國土明矣不然南北東西過去現在未來佛多矣何獨如是哉何獨如是哉唐中大夫太

子少傅白居易當衰莫之歲中風痺之疾乃捨俸錢三十萬命工人杜敬宗按阿彌陀無量壽二經畫西方世界一部高九尺廣丈有三尺阿彌陀尊佛坐中央觀音勢至二大士侍左右人天瞻仰眷屬圍繞樓

臺伎樂水樹花鳥七寶嚴飾五綵張施爛爛煌煌功德成就弟子居易焚香稽首跪於佛前起慈悲心發弘誓願願此功德回施一切衆生一切衆生有如我老者如我病者願離苦得樂斷惡修善不越南部便

觀西方白毫大光應念來感青蓮上品隨願往生從現在身盡未來際常得親近而供養也欲重宣此義而說讚曰極樂世界清淨土無諸惡道及衆苦願如我身老病者同生無量壽佛所

治三

九

成九月詔曰潮州司馬李德裕早籍門第幼踐清華累居將相之榮唯以姦傾爲業當會昌之際極公台之崇騁諛佞以得君遂恣橫而持政專權生事妬賢害忠動多詭異之謀潛懷僭越之志秉直者必棄向善

者盡排誣忠良造朋黨之名肆姦偽生加諸之豐計有逾於指鹿罪實見於欺天屬者方處鈞衡曾無嫌避委國史於愛婿之手寵秘文於弱子之身洎叅信書亦見親昵恭推元和實錄乃不刊之書擅敢改張

罔有畏忌奪他人之懿績爲私門之令猷附李榮之曲情成吳細之怨獄擢爾之髮數罪未窮載窺罔上之由益見無君之意朕務全本體久爲含容雖黜降其官榮尚蓋藏其醜狀而睥睨未已兢惕無聞積惡既張公議難抑可崖州司戶未幾德裕慚忿而卒乃見夢哀訴於宰相令狐綯乞歸葬其尸識者謂之強魂雖死不哀云

論曰唐李習之曰史官紀事不得實乃取行狀謚牒凡爲狀者皆門生故

吏苟言虛美尤不足信予觀李德裕故吏鄭亞所爲會昌一品制集序鋪張德裕勲業與新史本傳無異而舊史武宗紀則著德裕之惡與詔詞皆合然則新史取信故吏之說寧不悞

後來者乎

湖南觀察使裴休躬謁華林善覺禪師休問師還有侍者否覺云有二兩箇休云在什麼處覺乃喚大空小空時二虎自庵後而出休觀之大驚覺語虎曰且去有客在二

治三

十

虎哮吼而去休問師作何行業感得如斯覺良久云會麼休云不會覺云山僧常念觀音休歎異而去覺隱居常持錫夜出林巖間七步一振錫一稱觀音名號嘗有僧來叅方展坐具覺曰且緩緩僧曰和尚見

箇什麼覺云可惜許磕破鐘樓其僧有省

已○正月五色雲○復河湟瓜沙伊肅等十

中現佛真身

游方晚趨江西叅馬祖值祖歸寮乃見百

丈問馬祖平日機緣丈舉再叅馬祖掛拂

話師於言下大悟曰子他日嗣馬祖去師

曰不然今日因師舉得見馬祖大機之用

若嗣馬祖喪我兒孫丈曰如是如是見與

師齊滅師半德見過於師乃堪傳受師自

是混迹于衆後於豫章遇觀察使裴休道

緣契合遂出世說法嘗示衆曰汝等諸人

欲何所求遂以棒趁去而衆不散因謂之

曰汝曹盡是噇酒糟漢恁麼行脚取笑於

人但見八百一千便去不可只圖熱鬧也

治三

士

老漢行脚時或遇草根下有一箇漢便從

頂上一錐看他若知痛痒可以布袋盛米

供養他可中總似你如此容易何處更有

今日事汝等既稱行脚亦須著些精神還

知道大唐國裏無禪師時有僧出云只如

諸方尊宿聚徒闡化又作麼生師曰不道

無禪只是無師豈不見馬大師座下出八

十四人坐大道場得大師正眼者止三兩

人而已歸宗和上是其一也出家人須知

有從上來事分且如四祖下牛頭融大師

橫說豎說猶不知向上關捩子有此眼腦

方辨得邪正宗熏且當人事宜不能體會

得但知學語言念向肚皮裏安著到處稱

我會禪還替得汝生死麼輕忽老宿入地

獄如箭我才見入門來便識得你了也還

知麼急須努力莫容易事持片衣口食空
過一生明眼人笑汝久後總被俗人笑將
去在宜自看遠近是阿誰分上事若會即
便會不會即散去大中三年終於黃蘗勅
諡斷際禪師塔曰廣業

庚午詔京兆薦福寺弘辨禪師入內帝問曰禪

宗何有南北之名對曰禪門本無南北昔
如來以正法眼付大迦葉展轉相傳至三
十一世此土弘忍大師有二弟子一名惠
能受衣法居嶺南一名神秀在北揚化得

法雖一時開導發悟有頓漸之異故曰南
頓北漸非禪宗本有南北之號也帝曰何
名戒定慧對曰防非止惡名戒六根涉境
心不隨緣名定心境俱空照鑒無惑爲慧
帝曰何名方便對曰方便者隱實覆相權

巧之門也法三被接中下曲施誘迪謂之方便
設爲上根言捨方便但說無上道者斯亦
方便之談以至祖師立言忘功絕謂亦無
出方便之迹帝曰何爲佛心對曰佛者覺
也謂人有智慧覺照爲佛心心者佛之別

名則有百千異號體唯其一本無形狀非
青黃赤白男女等相在天非天在人非人
而現天現人能男能女非始非終無生無
滅故號靈覺之性如陛下日應萬機即是
階下佛心假使千佛共傳應無別有所得
也帝曰如今有人念佛如何對曰如來出
世爲天人師隨根器而說爲上根者關最
上乘頓悟至理中下根者未能頓曉是以
佛爲韋提希開十六觀門令念佛生於極
樂故經云是心是佛是心作佛心外無佛

佛外無心帝曰復有人持經持呪求佛如
何對曰如來種種說法皆為最上一乘如
百千眾流莫不朝宗于海如是差別諸緣
皆歸薩婆若海帝曰祖師既傳心印金剛
經云無所得法如何對曰佛之一化實無

法三

士三

一法與人但示眾生各各自性同一法藏
當時然燈如來但印釋迦本法而無所得
方契然燈本意故經云無我無人無眾生
無壽者是法平等修一切善不著於相帝
曰禪師既會祖意還禮佛看經否對曰沙
門禮佛看經蓋是住持常法有四報焉依
佛戒修身參尋知識漸修梵行履踐如來
所行之迹帝曰何為頓見何為漸修對曰
頓相自性與佛無二然有無始染習故假
漸修對治今順性起用如人喫飯非一口

便飽是日辨對七列方罷帝悅賜號圓智

未詳禪師江州刺史崔黯復廬山東林寺黯自

為之碑其略曰佛之心以空化執智化也
以福利化欲仁化也以緣業化妄術化也
以地獄化愚劫化也故中下之人聞其說
利而畏之所謂救溺以手救火以水其於
生人恩亦弘矣然用其法不用其心以至
於甚則失其道蠢於物失其道者迷其徒
蠢於物者覆其宗皆非佛之以手以水之
意也為國家者取其有益於人去其蠢物

之病則通矣唐有天下一十四帝視其甚
理而汰之而執事之人不以歸牛返本以
結人心其道甚桀幾為一致今天子取其
益生人稍復其教通而流之以濟中下於
是江州奉例詔予時為刺史前訪茲地松

門于樹嵐光熏天蜩蟬湍鳴松籟冷然可
別愛而不剪利以時往至是即善而復之
又曰嘗觀晉史見遠公之事及得其書其
辨若注其言若鋒足以見其當時取今之
所謂遠公者也吾聞嶺南之山峻而不山

治三

十四

嶺北之山山而不秀而廬山為山山與秀
兩有之五老窺湖懸泉墜天杭香藥靈鳥
閑獸善烟嵐之中恍有絳節白鶴使人觀
之而不能回眸也且金陵六代代促俗薄
臣以功危主以疑慘尋陽為四方之中有
江山之美遠公豈非得計於此而視於時
風耶然鷲者搏羶襲者居素前入不暇自
歎者多則遠師固為賢矣是山也以遠師
更清遠師也以是山更名暢佛之法如以
曹溪以天台為號者不可一二故寺以山

山以遠三相挾而為天下具美矣

西蔡馮山靈祐禪師示衆師嘗示衆曰夫道人
之心質直無偽無背無面無詐妄心行一
切時視聽尋常更無委曲亦不閉眼塞耳
但不附物即得役上諸聖只是說濁邊過

患若無如許多惡覺情見想習之事譬如
秋水澄淨清淨無為澹泞無礙喚作道人
亦名無事人時有僧問頓悟之人還更有
修不師云若真悟得本他自知時修與不
修是兩頭語如今初心雖從緣得一念頓

治三

十五

悟自理猶有無始曠劫習氣未能頓淨須
教渠淨除現業流識即是修也不道別有
法教渠修行趣向從聞入理聞理深妙心
自圓明不居惑地雖有百千妙義抑揚當
時此乃得坐披衣自解作活計時相國鄭

愚爲之碑曰天下之言道術者多矣各用
所宗爲是而五常教化人事之外於精神
性命之際史氏以爲道家之言故老嚴之
類是也其書具存然至於盪情累外生死
出於有無之間超然獨得言象不可以擬

議勝妙不可以意况則浮屠氏之言禪者
庶幾乎盡也有口無所用其辨巧歷無所
用其數愈得者愈失愈是者愈非我則我
矣不知我者誰氏知則知矣不知知者何
以無其無不能盡空其空不能了是者無

所不是得者無所不得山林不必寐城郭
不必誼無春夏秋冬四時之行無得失是
非去來之迹非盡無也冥於順也遇所即
而安故不介於時當其處無必故不局於
物其大旨如此其徒雖千百得者無一二

近代言之者必有宗宗必有師師必有傳
然非聰明瓌宏傑達之器不能得其傳當
其傳是皆鴻龐偉絕之度也今長沙郡西
北有山名大瀉蟠木窮谷不知其徧幾千
百里爲羆豹虎兕之宅雖夷人射獵虞迹

樵亡不敢田從也師始僧號靈祐生福唐
笠首屨足背闕來游庵於翳蒼非食不出
栖栖風雨默坐而已恬然晝夜物不能害
非夫外死生忘憂患冥順大和者孰能於
是哉昔孔門殆庶之士以單瓢樂陋巷夫

治三

去

子猶稱詠之以其有生之厚也且生死於
人得喪之大者也既無得於生必無得於
死既無得於得必無得於失故於其間得
失是非所不容措委化而已其爲道術天
下之能事畢矣凡涉語是非之端辨之益

惑無補於學者今不論也師既以茲爲事其徒稍稍從之則與之結構廬室與之伐去陰黑以至於千有餘人自爲飲食紀綱而於師言無所是非其有問者隨語而荅不強所不能也數十年言佛者天下以爲稱首武宗毀寺逐僧遂空其所師遽裹首爲民惟恐出蚩蚩之輩有識者益貴重之後湖南觀察使裴公休酷好佛事值宣宗釋武宗之禁固請迎而出之乘之以已與親爲其徒列又議重削其鬚髮師始不欲戲其徒曰爾以鬚髮爲佛耶其徒愈強之不得已笑而從之復到其所居爲同慶寺而歸諸徒復來其事如初師皆幻視無所爲意忽一日笑報其徒示若有疾以大中七年正月九日歸寂年八十三即窆於大

治三

七

瀉之南阜後十有一年其徒以師之道上聞始加諡號及墳塔以厚其終噫人生萬類之最靈者而以精神爲本自童孺至老白首始於飲食漸於功利養是非嫉妬晝夜纏縛又其念慮未嘗時餉歷息煎熬形器起如冤讐行坐則思想偃卧則魂夢以耽滯之利欲役老朽之筋骸食飯既耗齒髮已弊猶拔白餌藥以從其事外以夸人內以欺已曾不知息陰休影捐慮安神求須臾之暇以至溘馬而盡親友不翅如行路利養悉委之他人愧負積於神明辱殆流於後嗣滯滯汗湯不能自止斯皆自心而發不可不制以道術道術之妙莫有及此佛經之說益以神聖然其歸趣悉臻無有僧事千百不可梗槩各言宗教自相

矛盾故褐衣圓頂未必皆是若予者洗心於是逾三十載適師之徒有審虔者以師之圖形自大滌來知予學佛求為讚說觀其圖狀果前所謂鴻龐絕待之度者也既與其贊則又欲碑師之道於精廬之前予笑而諾之遂因其說以自警觸故其立言不專以褒大滌之事云

○詔修天下祖塔未經賜號諡者所在以聞太常考行頒賜

亥○勅法師辨章為三教首座

是年潭州道林沙門疏言詣太原府訪求藏經高士李節餞以序曰業儒之人喜排釋氏其論必曰禹湯文武周公孔子之代皆無有釋釋氏之興衰亂之所奉也宜一掃絕剗革之使不得滋釋氏源於漢流於晉瀾湯於宋魏齊梁陳隋唐孝和聖真之

治三

大

間論者之言粗矣抑能知其然未知其所然也吾請言之昔有一夫膚脂而色凝氣烈而神清未嘗謁醫未嘗禱鬼恬然保順罔有札瘥之患固善也即一夫不幸而有寒暑風濕之病背癢而足蹙耳聵而目瞋於是功熨之術用焉禳禱之事紛焉是二夫豈特相反耶蓋病與不病勢異耳嗟乎三代之前世康矣三代之季世病矣三代之前禹湯文武德義播之周公孔子典教持之道風雖衰漸漬猶存詐不勝信惡知避善於是有擊壤之歌由庚之詩人人而樂也三代之季道風大衰力詐以覆信扇澆而散朴善以柔退惡以強用廢井田則豪竇相乘矣貪封略則攻戰亟用矣務實帑則聚斂之臣升矣務勝下則培剋之吏

貴矣上所以御其下者欺之下所以奉其上者苟之上下相仇激爲怨俗於是汨羅之客有負石之夫人人愁怨也夫釋氏之教以清淨恬虛爲禪定以柔謙退讓爲忍辱故怨爭可得而息也以菲薄勤苦爲

治三

九

修行以窮達壽夭爲因果故陋賤可得而安也故其喻云必煩惱乃見佛性則本衰代之風激之也夫衰代之風舉無可樂者也不有釋氏以救之尚安所寄其心乎論者不責衰代之俗而尤釋氏之興則是抱

疾之夫而責其醫禱攻療者也徒知釋因衰代之興不知衰代清釋氏之救也何以言之耶夫俗既病夫人既愁矣不有釋氏使安其分勇者將奮而思鬪智者將靜而思謀則阡陌之人將紛紛而羣起矣今釋

氏歸之分而不責於人故賢智雋朗之士皆息心焉其不達此者愚人也惟上所役焉故罹衰亂之俗可得而安賴此也若之何而剪去之執論者不思釋氏扶世助化之大益而疾其雕鏤綵繪之小費吾故曰

能知其然不知其所以然者也會昌季年武宗大剪釋氏中其徒且數萬之民隸具其居容貌於土木者沉諸水言詞於紙素者烈諸火分命御史乘驛走天下察敢隱匿者罪之由是天下名祠珍宇毀撤如掃

天子建號之初雪釋氏之不可廢也詔徐復之而自湖以南遠人畏法不能酌朝廷之體前時焚撤書像殆無遺者故雖明命復許制立莫能得其書道林寺湖西之勝游也有釋䟽言警辨有謀獨曰太原府國

家舊都多釋祠我聞其帥司空范陽公天下仁人我弟往來購釋氏遺文以惠湘川之人宜其聽我而助成之矣即辭而止游既上謁軍門范陽公果諾之因四求散逸不成蘊秩者至釋祠不見毀而副剩者又

遊

于

命講丐以補繕闕漏者月未幾凡得釋經五千四十八卷以大中十年秋八月輦自河東而歸於湘焉嘻釋氏之助世既言之矣向非我君洞鑒理源其何能復立之耶既立之且亡其書非有疏言遠識而誠堅孰克弘之耶吾喜疏言奉君之令演釋之宗不憚寒暑之勤德及遠人爲叙其事且贈以詩詩曰湘水信信兮俗擴且很利殺業偷兮吏莫之馴繫釋氏兮易暴使仁釋何在兮釋在斯文湘水滔滔兮四望何已

猿狖騰擎子雲樹靡靡月沉浦兮烟冥山
檣席卷子櫓床閑偃仰兮嘯詠鼓長波兮
何時還湘川超忽兮落日晚晚松覆秋庭
兮蘭被春晚上人去兮幾千里何日同游
兮湘川水

貞

詔羅浮軒轅先生左拾遺王譜等上跡諫之詔荅曰朕以躬親庶務萬機事繁訪聞羅浮處士軒轅集善能攝生年齡不老乃遣使迎之冀其有少保理也朕每觀前史見秦皇漢武之事常以之爲戒卿等職在

治三

主

諫司閱示來章深納誠意復謂宰相曰爲吾諭於諫官雖少翁樂大復生亦不能相惑第聞軒轅生高士欲與一言耳未幾軒轅集至帝問曰先生遐壽而長年可致否對曰屏聲色去滋味一哀樂廣惠澤則與

天地合體日月齊明是為長年不假外求也帝敬重之

卯巳 韋寅於洪州勸觀音寺躬請岬山惠宗禪師開山住持今為官議

八月帝崩年五十矣帝性明敏用法無私恭謹節儉惠愛民物從諫如流天下稱為

小太宗每宰相奏事畢忽恬然曰可以間語因問間閫細事或譚官中游宴一刻許復正容曰卿等善為之常恐卿輩負朕後日難相見乃起入宮令狐綯嘗謂人曰吾十年秉政蒙承恩遇然每於廷英奏事未嘗不汗霑衣也

舊唐史贊曰臣聞黎老言大中故事獻文皇帝器識深遠久歷艱難備知人間疾苦自寶歷已來中人擅權事多假借京師豪右大擾窮民洎大中臨御一之日權豪斂

迹二之日姦臣畏法三之日闍寺讟氣由是刑政不濫賢能效用百揆四嶽穆若清風十餘年間頌聲載路帝宮中衣綈濯之衣常膳不過數器非母后侑膳輒不舉樂歲或小飢憂形于色雖左右近習未嘗見

怠墮之容與羣臣言儼然煦接如對賓僚或有所陳聞虛襟聽納故事人主行幸黃門先以龍腦爵金籍地獻文悉命去之官人有疾醫視之既瘳即抽金賜之誠曰勿令敕使知謂朕私於侍者其恭儉好善類

治三

主

如此季年風毒召羅浮山人軒轅集訪以治身之要集亦有道之士也未嘗輒語詭異帝益重之及堅請還山帝曰先生捨我亟去國有灾者朕有天下竟得幾年集索筆橫書四十而去乃十四年也興替宜運

其若是與而帝道皇猷始終無闕雖漢之
文景不足過也惜乎簡籍遺落舊事十無
三四吮墨揮翰有所憮然

資治通鑑曰宣宗少歷艱難長年踐祚人
之情僞靡不周知盡心民事精勤治道賞
簡而當罰嚴而必故方內樂業殊俗順軌
求之漢世其孝宣之流亞歟

論曰唐新舊史唯宣宗朝事實相反
持甚唯舊史與資治通鑑皆合新史
賤之謂宣宗以察爲明無復仁恩之

意嗚呼斯言莫知何謂也大凡人君
寬厚長者必責以優游無斷至於精
勤治道則謂以察爲明然則從而可
乎孟子曰盡信書不如無書蓋誠然
也

補怛洛伽山觀音示現之地有唐大中間
天竺僧來即洞中燻畫十指親親妙相與
說妙法授以七寶色石靈跡始著其後日
本國僧惠鑿自五臺得菩薩画像欲還本
國舟至洞輒不往乃以像舍于土人張氏

之門張氏屢親神異經捐所居爲觀音院

昌國志云梁貞明二年始建寺郡將聞之遣慕賓迎其像

到城與民祈福已而有僧名即衆求嘉休

高户刻之彌月像成而僧不見今之所設

是也史越王作重修寺記云宋元豐三年王舜封使

三韓至此黑風驟起巨龜負舟向山禱告

大士現相舟穩還朝以聞朝廷頒金帛移

寺建於梅嶺山之陽賜額寶陀祈禱雨暘

輒應迄今

元朝降香賜田重新寺宇以福邦家永延

佛祖歷代通載卷第二十四

治四

嘉興路大中祥符禪寺住持華亭念常集

唐

懿宗

宣宗長子好聲樂莊宴委政群僚復迎佛骨而曰生見之死無恨年三十六崩葬簡

改咸通

治四

杭州大慈山寰中禪師蒲坂人也姓盧氏

頂骨圓聳其聲如鍾出家於并州童子寺

受心印於百丈禪師結茅於南岳一日南

泉至問如何是庵中主師云蒼天蒼天泉

云蒼天且置如何是庵中主師云會即便

會莫切切泉拂袖而出趙州問般若以何

為體師云般若以何為體趙州大笑而出

師明日見趙州掃地問般若以何為體趙

州置葦拊掌大笑師便歸方丈師後住浙

江大慈山上堂示眾云山僧不解答話只

能識病又云說得一丈不如行取一尺說
得一尺不如行取一寸問道者眾山素缺
水師擬飛錫夜夢神人告之曰勿它之詰
朝見二虎以爪跑地泉自涌出味甘如飴
有僧自岳至乃曰童子泉涸矣移來在此

故東坡題詩云亭亭石塔東岡上此老初
來百神仰虎移泉眼趣行脚龍作浪花供
撫掌至今遊人濯濯罷卧聽空塔環玦響
故知此老如此泉莫作人間去來想咸通
三年二月十五日不疾而逝壽八十三膺

五十四僖宗謚性空大師定慧之塔

制署法師知玄為悟達國師總教門事

明州德山宣鑑禪師劔南人姓周氏博貫

三藏嘗講金剛經時以周金剛名之俄慨

然曰窮諸玄辯若一毫置於太虛竭世樞

機似一滴投於巨浸學與無學吾知之矣
乃盡棄其習謁龍潭信禪師問久嚮龍潭
及到來潭又不見龍亦不現信曰子親到
龍潭是夕師立侍更深信曰何不下去師
曰暗信點紙燭與師師接得信即吹滅師

法四

二

豁然大悟曰今後更不疑天下老和尚舌
頭也即日便辭信語其徒曰可中有箇漢
牙如劍樹口似血盆一棒打不回頭他時
向孤峯上立吾道去在師居澧陽垂三十
年大中初武陵太守薛延望翔德山精舍

延請居之大闡宗風上堂示眾云於已無
事則勿妄求妄求而得亦非得也汝但無
心於事無事於心則虛而靈寂而妙若毛
端許言之本末者皆為自欺毫釐繫念三
塗業因瞥爾情生萬劫羈鎖聖名凡號盡

是塵聲殊相劣形皆為幻色汝欲求之得
無累乎及其狀之又成大患終而無益僧
問如何是菩提師打云出去莫向這裏倚
如何是佛師云佛是西天老比丘雪峯問
從上宗乘以何法示人師云我宗無語句

亦無一法與人至是將終謂眾曰捫空追
響勞汝心神夢覺覺非竟有何事言訖端
坐而逝閱世八十有六騰六十有五時咸
通六年十二月三日也敕謚見性大師具傳

法四

三

炳鎮州臨濟義玄禪師曹州南華人姓邢氏
叅黃蘗運禪師問如何是佛法的大意
聲未絕運便打如是三度致問三度被打
遂辭下山運指往高安大愚處去師至大
愚問黃蘗近日有何言句師曰某申三度

問佛法的的大意三度被打不知有過無過愚云黃蘗恁麼老婆心更問有過無過師於是大悟云元來黃蘗佛法無多子愚搗住曰尿床鬼子適來問有過無過而今却道黃蘗佛法無多子汝見箇甚麼師於

大愚肋下築三拳愚托開云汝師黃蘗非干我事師由是再回黃蘗師資契會大機大用卓冠一時後還鄉徇趙人之請住于城南臨濟禪苑學徒奔湊師示衆曰赤肉團上有一無位真人常從汝等諸人面門出入未證據者看時有僧問如何是無位真人師下禪床搗住云道道其僧擬議師托開云無位真人是什麼乾屎橛師問樂普云從上來一人行棒一人行喝阿那個親對曰總不親師曰親處作麼生普便喝

師乃打師問木口和上如何是露地白牛木口曰吽師曰啞木口曰老兄作麼生師曰遮畜生大覺到參師舉拂子大覺敷坐具師擲下拂子大覺收坐具入僧堂衆僧曰遮莫是和上親故不禮拜又不喫棒師

聞令喚新到僧大覺遂出師曰大衆道汝未參長老覺云不審便自歸衆麻谷到參敷坐具問十二面觀音阿那面正師下繩床一手收坐具一手搗麻谷云十二面觀音向什麼處去也麻谷轉身擬坐繩床

治四

四

師拈拄杖打麻谷接卻相捉入方丈師上堂云大衆夫爲法者不避喪身失命我於黃蘗和上處三度喫棒如蒿枝拂相似如今更思一頓喫誰爲我下得手時有僧曰某甲下得手和上合喫多少師與拄杖其

僧擬接師便打僧問如何是第一句師曰
三要印開朱點窄未容擬議主賓分曰如
何是第二句師曰妙解豈容無著問漚和
爭負截流機曰如何是第三句師曰看取
棚頭弄傀儡抽牽全藉裏頭人師又曰夫

一句語須具三玄門一玄門須具三要有
權有用汝等諸人作麼生會師唐咸通七
年丙戌四月十日將示滅乃說傳法偈曰
汭流不止問如何真照無邊說似他離相
離名如不稟吹毛用了急須磨羯畢坐逝

救謚慧照大師塔曰澄靈具如傳燈

子戊 湖南長沙景岑禪師號招賢初住廐苑其
後居無定所但徇緣接物嘗示眾曰我若
一向舉揚宗教法堂裏須草深一丈我不
得已向汝諸人道盡十方世界是沙門眼

治

五

盡十方世界是沙門全身盡十方世界是
自己光明盡十方世界在自己光明裏盡
十方世界無一人不是自己我常向汝道
三世諸佛共十方法界眾生是摩訶般若
光光未發時汝諸人向什麼處委光未發
時尚無佛無眾生消息何處有山河國土
來時有僧問如何是沙門眼師云長長出
不得又云成佛成祖出不得六道輪回出
不得僧云未審出箇什麼不得師云晝見
日夜見星僧云學人不會師乃云妙高山
色青又青僧云如何是佛師云眾生色身
是僧云河沙諸佛體皆同如何有種種名
字師云從眼根返源名為文殊耳根返源
名為觀音從心返源名為普賢文殊是佛
妙觀察智觀音是佛無緣大悲普賢是佛

無為妙行三聖是佛之妙用佛是三聖之
真體用則有河沙假名體則總名一薄伽
梵僧云色即是空空即是色此理如何師
偈云碍處非牆壁通處勿虛空若人如是
解心色本來同問如何是佛性師偈云佛

性堂堂顯現住相有情難見若悟衆生無
我我面何殊佛面問如何是上人行履
處師云如死人眼問上上人相見時如何
師云如死人手問善財無量劫來爲什麼
游普賢身中世界不遍師云汝從無量劫

來還曾游得徧不問如何是普賢身師云
舍元殿裏更問長安問亡僧向什麼處去
師有偈云不識金剛體卻喚作生緣十方
真寐滅誰在復誰行師因臨濟示衆赤肉
團上有一無位真人乃有偈曰萬法一如

不用揀一如誰揀誰不揀即今生死本苦
提三世如來同箇眼仰山問人人盡有這
箇事只是用不得師云恰是倩汝用仰云
作麼生用師乃踏倒仰山山曰直下似箇
大虫世因名岑大虫

治四

六

丑己

洞山良价禪師示寂師會稽人姓俞氏幼
出家年二十一往高嶽受具首謁南泉值
馬祖忌日設齋泉問衆曰今日設齋未審
馬祖還來否衆無對師乃出對曰待有伴
即來泉聞之讚曰此子雖後生卻堪雕琢

師曰和上莫壓良爲賤次謁滌山問曰頃
聞忠國師有無情說法良价未究其微滌
曰我這裏亦有只是難得其人曰便請和
上道滌曰父母所生口終不敢道曰還有
與和上同時慕道者不滌曰此去石室相

連有雲岩道人若能撥草瞻風必爲子之所重師到雲岩問無情說法什麼人得聞岩曰無情說法無情得聞曰和上還聞不岩曰我若聞汝即不得聞吾說法也曰若恁麼即良价不聞和上說法岩曰我說汝

浴四

七

尚不聞何況無情說法耶師乃述偈曰也大奇也大奇無情說法不思議若將耳聽終難會眼處聞聲方始知遂辭雲岩問什麼處去曰雖離和上未卜所止岩曰早晚卻來曰待和上有住處即來岩曰自此一

去難得相見師曰難得不相見又問岩曰和上百年後忽有人問還邈得師真如何祇對岩曰但向伊道即這是師良久岩曰承當這箇事大須細審師猶涉疑後因過水觀影大悟前旨因有偈曰切忌從他覓

迢迢與我踈我今獨自往處處得逢渠渠今正是我我今不是渠應須恁麼會方得契如如大中末於新豐山接誘學徒其後盛化於高安之洞山嘗因雲岩忌日修齋僧問和上見南泉發跡爲什麼與雲岩設齋曰我不重先師道德亦不爲佛法只重不爲我說破又僧問和上還肯先師也無曰半肯半不肯曰爲什麼不全肯曰若全肯即孤負先師也師謂衆曰知有佛向上人方有語話分時有僧問如何是佛向上

人師曰非常師問僧世間何物最苦僧曰地獄最苦師曰不然在此衣線下不明大事最苦師問僧名什麼曰某甲師曰阿那箇是汝主人公曰見祇對次師曰苦哉苦哉今時人例皆如此只是認得驢前馬後

將爲自己佛法平沉此之是也客中辯主
尚未分明如何辯得主中主僧云如何是
主中主師云闍黎自道取曰某甲道得即
是客中主如何是主中主師曰恁麼道即
易相續也大難師將示寐謂衆曰吾有閑

治四

名在誰爲吾除得衆皆無對有沙彌請
和上法號師曰吾閑名已謝問和上違和
還有不病者不曰有僧曰不病者還看和
上不曰老僧看他有分曰和上爭得看他
師曰老僧看他時不見有病又曰離此殼
漏子向什麼處與吾相見衆無對遂剃髮
披衣令撞鐘湛然而寐時學徒千餘人號
慟移時師忽開眸曰夫出家人心不附物
是真修行勞生息死於悲何有乃召主事
僧令辨愚癡齋一中蓋責其徒戀情也至

七日食具方備師隨衆齋畢復謂衆曰僧
家無事大率臨行之際勿須誼動明日浴
罷端坐長往壽六十三臘四十二諡悟本
禪師塔曰寐覺

是歲五月帝幸安國寺賜國師知玄寶座

高二丈材用沉香塗髮縷龍鳳葩蔕金鈿
之上施復座陳經几其前四隅立瑞鳥神
人高數尺磴道以陛前被綉囊錦襜玕麗
絕甚時宮中日齋萬僧帝自爲贊唄宰相
蕭倣諫以爲天竺法割愛取滅非帝王躬

治四

九

踐今筆梵言口梵音不若徵謬賞濫罰振
殃祈福况佛者可以悟取不可以相求懿
宗雖不納然嘉美其言玄姓陳氏世號陳
菩薩三學洞貫名蓋一時異跡尤多及僖
宗避巢賊幸成都遣御史郭遵賈璽書徵

赴行在帝素重其名引對大悅賜號悟達國師留行宮久之辭歸九龍忽定中見菩薩降其室摩玄頂演深妙音而慰安之言訖即隱俄一珠入玄左股隆起楚甚上有晁錯二字玄知夙債也即右脇安卧而逝著述凡二十餘萬言行于世弟子僧徹徹弟子覺暉俱有重名三世爲僧統或謂玄前身蓋漢川三學山知鉉法師鉉在世嘗講十地品感地變金色及終感病與玄絕類

咸通十一年相國裴休薨休字公美孟州人兒時與兄弟偕隱晝講經夜著書終年不出戶有饋食者諸生薦之休不食曰蔬食猶不足今一啗肉後何以繼擢進士第累更內任嘗出刺洪州一日入龍興寺觀

壁畫歎曰容儀可觀高僧何在時有數僧對不愜休曰此間莫有禪者麼僧云近一僧至似禪者休命召乃黃檗運禪師時未顯名休以前問扣之運高聲曰裴休休應諾運曰在什麼處休豁然從此契又遂迎入府第旦夕問法及移鎮宛陵亦命與俱由是深徹法源復與圭峯密禪師道緣尤密大中時執政六年次歷諸鎮節度薨年七十有四休能文章書楷道媚有體法爲人醞藉操守嚴正進止雍閑宣宗嘗曰休真儒者居常不御酒肉著釋氏文數萬言十其圭峯禪源諸詮序曰禪師集禪源諸詮爲禪藏而都序之休曰未嘗有也自如來現世隨機立教菩薩間生隨病指藥故一代時教開深淺之三門一真如心演性相

之別法馬龍二士皆弘調御之說而空性異宗能秀二師俱傳達磨之心而頓漸殊稟天台專依三觀牛頭無有一法江西舉體全真荷澤直指知見其他空有相破真妄相攻反奪順取密指顯說故西域中夏其宗實繁良以病有千源藥生多品投機隨器不得一同雖俱爲證悟之門盡是正真之道然諸宗門下通少局多故數十年來師法益壞以承稟爲門戶各自開張以經綸爲戈矛互相攻擊情隨函矢而迂變法逐人我以高低是非紛拏莫能辨析則向者世尊菩薩諸方教宗適足以起諍後人增煩惱病何利益之有哉圭峯禪師久而歎曰予丁此時不可默矣於是以前來三種教義印禪宗三種法門融瓶槃釵釧

爲一金攪酥酪醍醐爲一味振綱領而舉者皆順據會要而來者同趨尚恐學者之難明也又復直示宗源之本末真妄之和合空性之隱顯法義之差殊頓漸之同異遮表之回互權實之淺深通局之是非莫不提耳而告之指掌而示之頓呻以吼之柔而以誘之乳而藥之恐性命之天殤也保而護之念水火之漂焚也揮而散之悲鬪諍之牢固也大明不能破長夜之昏慈父不能保身後之子若吾師者捧佛日而委曲回照疑障盡除順佛心而橫亘大悲窮劫蒙益是則世尊爲闡教之主吾師爲會教之人本末相符遠近相照可謂畢一代時教之能事矣或曰自如來滅後未嘗大都而通之今一旦違宗趣而不守廢闕

防而不據無乃乖秘藏密契之道乎答曰
佛於法華經涅槃會上亦以融爲一味但
昧者不覺故涅槃經云迦葉菩薩曰諸佛
有露語而無密藏世尊讚歎曰如來之言
開發顯露清淨無翳愚人不解謂之秘藏

智者了達則不名藏此其證也故王道興
則外戶不閉而守在夷狄佛道備則諸法
總持而防在外魔不當復執情攘臂於其
間也嗚呼後學當取信於佛無取信於人
當取證於本法無取證於末習能如是則

可以報主峯之劬勞德矣

咸通十四年三月庚午詔兩街僧於鳳翔
法門寺迎佛骨於是金銀爲刹珠玉爲
帳孔鸞周飾之小者尋丈高者倍之刻檀
爲簷柱陛城塗黃金每一刹數百人舉之

治四

五

香輿前後係道綴玉瑟瑟幡蓋殊綵以爲
幢旌費不貲限以四月八日至京師綵觀
夾道天子御安福門樓迎拜引入內道場
三日後出京城諸寺詔賜兩街僧金帛京
師耆老及見元和事者悉厚賜所過鄉聚

皆哀土爲刹相望於途光景晝見京城高
貴相與集大衢作僧臺縵闕注水銀爲池
金玉爲樹集衆門羅像設考鼓鳴螺繼日
夜下詔曰朕以寡德續承洪業十有四年
頃值寇興王師未息朕憂勤在位愛育生

靈遂尊崇釋教至重立門迎請真身爲百
姓祈福今觀觀之衆隘塞路歧載念狃牢
寢興在慮嗟我黎人陷于刑辟况漸當暑
毒繫於縲絏京畿及天下諸州府見禁囚
遞減死一等明年四月詔送佛骨歸于鳳

翔都人者羞辭錢皆鳴咽流涕

新史贊曰人之惑怪神也甚哉若佛者特西域一槁人耳裸頂露足以乞食自資癯辱其身屏營山樊行一槩之苦本無求於人徒屬稍稍從之然其言荒茫漫靡夷幻

治四

十三

變現善推不驗無實之事以鬼神死生貫爲一條據之不疑掙嗜欲棄親屬大抵與黃老相出入至漢十四葉書入中國蹟夫生人之情以耳目不際爲奇以不可知爲神以物理之外爲畏以變化無方爲聖以生而死死而復生回復償報歆艷其間爲或然以賤近貴遠爲喜鞮譯差舛不可研詰華人之謫誕者又攘莊周列禦寇之說佐其高層累架騰直出其表以無上不可加爲勝妄相夸協而唱其風於是自天子

逮庶人皆震動而奉祀之初宰相王縉以緣業事佐代宗始作內道場晝夜梵唄異攘寇戎大作孟蘭肖祖宗像分供寺塔爲賤臣嘻笑至憲宗遂迎佛骨於鳳翔內之宮中韓愈指言其弊帝怒竄愈瀕死憲亦

弗克天年幸福而禍無乃左乎懿宗不君精爽奪迷復蹈前車而覆之興衰無知之場丐庇百解之蔽以死自誓無有顧籍流涕拜伏雖事宗廟上帝無以進焉屈萬乘之貴自等於古胡數千載而遠以身爲殉嗚乎運瘳祚殫天告之矣懿不三月而殂唐德之不競厥有來哉

論曰甚矣宋景文公詆毀吾先師之厚也屢欲直其辭而爲之解朝及得大顛對退之之論李節贈疏言之叙凡予所

欲言者彼既言矣故不別論且憲懿二宗誠為崇奉太過至於高祖沙汰三教詔下而位移武宗大滅釋氏未逾歲而被禍此亦不得不懼也雖然真佛也者聖凡之大本也體與太虛等徧用與衆

治四

十四

庶同功無為而無所不為無在而無所不在然則心外見佛而過奉之者非正見也昧乎大本而故毀之者即自毀也景文斥其奉之之弊而匿其毀之之失豈良史之謂哉

僖宗儼懿第五子十一即位年二十七崩

葬靖陵改乾符

○是歲并州民生子二頭四手

○濮賊王仙

芝聚眾於長垣

○高駢破王仙芝作亂南詔黃巢應之

是歲十一月兩日並出而鬪

改廣明 ○田令孜奏 ○巢賊入長安國需天子西走 ○大齊建元金統

○李克用奔遼

改中和 ○元入蜀

之權夏綏

節度使

澧州夾山善會禪師廣州峴亭人也姓廖氏九歲於潭州龍牙山出家依年受戒往江陵聽習經論該練三學遂參禪會勵力參承初住京口一夕道吾策杖而至遇師上堂僧問如何是法身師曰法身無相曰

治四

十五

如何是法眼師曰法眼無瑕師又曰目前無法意在目前不是目前法非耳目所到道吾乃笑師乃生疑問吾何笑吾曰和上一等出世未有師可往浙中華亭縣參船子和上去師曰訪得獲否道吾曰彼師上

無片瓦遮頭下無卓錫之地師遂易服直
詣華亭會船子鼓櫂而至師資道契微朕
不留語見船十章師比欲遁世忘機尋以學者
交湊廬室星布曉夕叅依唐咸通十一年
庚寅海衆卜于夾山遷成院宇師上堂示

衆曰夫有祖以來時人錯會相承至今以
佛祖句爲人師範如此卻成狂人無智人
去他只指示汝無法本是道道無一法無
佛可成無道可得無法可捨故云目前無
法意在目前他不是目前法若向佛祖邊

學此人未有眼目皆屬所依之法不得自
在本只爲生死茫茫識性無自由分千里
萬里求善知識須有正眼永脫虛謬之見
定取目前生死爲復實有爲復實無若有
人定得許汝出頭上根之人言下明道中

下根器波波浪走何不向生死中定當取
何處更疑佛疑祖替汝生死有智人笑汝
偈曰勞持生死法唯向佛邊求目前迷正
理撥火覓浮漚僧問從上立祖意教意和
上此間爲什麼言無師曰三年不食飯目

前無飢人曰既無飢人某甲爲什麼不悟
師曰只爲悟迷卻闍黎師說頌曰明明無
悟法悟法卻迷人長舒兩脚睡無僞亦無
真僧問如何是夾山境師曰猿抱子歸青
嶂裏鳥啼花落碧岩前師再闍玄樞迨于

治四

六

一紀唐中和元年辛丑十一月七日召主
事曰吾與衆僧話道累歲佛法深旨各應
自知吾今幻質時盡即去汝等善保護如
吾在日勿得雷同世人輒生惆悵言訖至
于夜奄然而逝其月二十九日塔于本山

壽七十七臘五十七敕謚傳明大師塔曰永濟

壬寅八月巢所署同州防禦使朱溫來降賜名全忠四月李克用等與巢戰于渭橋敗之復京師
庚申七月李師悅追黃巢於狼虎谷其甥林言斬巢首降

乙巳光啓三月帝歸于京師十二月中宣田

敗績帝奔于鳳翔沙陀之兵入于京師
亂大劉拔焚蕩遂為丘墟焉自是天下崩裂

丁未是歲岩頭谿禪師示寂師泉州人姓柯氏少落髮抵長安受具游講席習經律次與

雪峯欽山結伴優游禪苑初造臨濟值濟迂化見仰山才入門提起坐具云和上仰山擬取拂子舉之師曰不妨好手次見德山執坐具上法堂瞻視山曰作什麼師咄之山曰老僧罪過在什麼處師曰兩重公

治

七

案便下參堂山曰這箇阿師稍似箇行脚人至來日上問訊山曰闍黎什麼處學得這箇虛頭來師曰全谿終不自謾山曰向後不得辜負老僧雪峯在德山作飯頭一日飯遲德山托鉢至法堂上峯矚飯中次見德山云這老漢鐘未鳴鼓未響托鉢向什麼處去德山便歸方丈峯舉似師師云大小德山不會末後向山問差侍者喚師至方丈問汝不肯老僧那師密啓其意德山至來日上堂與尋常不同師到僧堂前撫掌大笑云且喜得老漢會末後向他後天下人不柰何雖然如此也只得三年德山果三年後遷化問古帆未掛時如何荅後園驢喫草上堂謂眾曰吾嘗究涅槃經見三段文似衲僧說話又曰休休有僧禮

拜請益師曰經云吾教意如伊字三點第一向東方下一點點開諸菩薩眼第二向西方下一點點諸菩薩命根第三向上方下一點點諸菩薩頂此是第一段義又曰吾教意如摩醯首羅劈開面門豎亞一隻

眼此是第二段義又曰吾教意猶塗毒鼓擊一聲遠近聞者皆喪是第三段義時小岩上座問如何是塗毒鼓師以兩手按膝亞身曰韓信臨朝底問浩浩塵中如何辦主師曰銅沙鑼裏滿盛油問如何是道師曰破草鞋拋向湖裏著或問佛問法問道問禪者師皆作噓聲嘗謂眾曰老漢去時大吼一聲了去其後中原盜起眾皆辟地師端居自如一日賊大至責以無供餽遂刺刃焉師神色不動大叫一聲而終壽六

十有一後唐追謚清嚴大師有嗣法羅山

能世其高風云

治四
申代 改文德三月帝崩

配 昭宗曄懿第七子為君俊穎有興復志而外患已成內無賢佐雖有智勇而不能為

年三十八為朱全忠等弑于御幄葬和陵

在位十六年改龍紀

成 改大順○此下隨所在十三處附唐末并五代

世年 雷氏曰

西秦茂貞 茂貞號秦鳳翔三七

吳行密 揚吳淮南四主四六

吳越鏐 錢杭吳越五主八四

燕守光 守光僭燕一十九年

楚殷 馬楚湖南五主五七

蜀建 王建前蜀二主三五

荆季興 季興荆南五主五七

閩審知 王閩福建五主五五

南漢隱 南漢隱廣五主六七

蜀知祥 知祥後蜀二主四一

南唐昇 李唐江南三主三九

治四 九

殷延改 延改號殷建州三年

東漢曼 東漢崇原四主二八

西秦茂貞 字正臣本姓宋名文通深州博野人祖縉父瑤皆隸博野

軍為小校廣明中破巢功大僖幸與元賜姓李氏名茂貞明年天子歸宮封鳳翔節度進封隴西郡王自此封食河西有山南十四州地據鳳翔二

十七年同光二年卒矣

是年仰山惠寂禪師示寂韶州懷化人也
姓葉氏年十五欲出家父母不許後二載
師斷手二指跪致父母前誓求正法以答
劬勞遂依南華寺通禪師落髮未登具即

遊方初謁耽源已悟玄旨後參瀉山遂升
堂奧祐問曰汝是有主沙彌無主沙彌曰
有主曰在什麼處師從西過東立瀉知是
異人便垂開示師問如何是真佛住處瀉
曰以思無思之妙返思靈燄之無窮思盡

還源性相常住事理不二真佛如如師於
言下頓悟自此執侍十有五載凡有言句
皆為後世宗範一日師問瀉山曰和上浮
漚識近來靈未瀉山云我無來經五年也
仰曰若恁麼和上如今身前應普超三昧

頂瀉山云未在仰曰性地浮漚尚寧然燈
身前何故未瀉山云理則如是我未敢保
任仰曰如何是未敢保任處瀉山云汝莫
口解脫汝豈不聞安秀二師被則天試入
水始知有長人到這裏鐵佛也須汗出寐

子汝大須修行莫終日口密及領眾住王
莽山一日禪床陷入地中地神告以此山
不任和上居止東南有大仰山乃人間福
地遂遷止仰山示眾曰汝等諸人各自回
光返照莫記吾言汝無始劫來背明投暗

治世

干

妄想根深卒難頓拔所以假設方便奪汝
粗識如將黃葉止啼有什麼是處亦如人
將百種貨物與金寶作一鋪貨賣抵擬輕
重來機所以道石頭是真金鋪我這裏是
雜貨鋪有人來覓鼠糞我亦拈與他來覓

真金我亦拈與他時有僧問鼠糞即不要
請和上真金師云蓋鏃擬開口驢年亦未
會師云索喚則有交易不索喚則無我若
說禪宗身邊要一人相伴亦無豈况五百
七百眾耶我若東說西說則爭頭向前採

拾如將空拳誑小兒都無實處我今分明
向汝說聖邊事且莫將心湊泊但向己性
海如實而修不要三明六通何以故此是
聖末邊事如今且要識心達本但得其本
不愁其末他時後日自具去在若未得本

治世

正

縱饒將情學他亦不得豈不見瀉山和上
道凡聖情蓋體露真常事理不二即如如
佛師因歸瀉山省覲祐問子既稱善知識
爭辨得諸方來者知有不知有有師承無
師承是義學是玄學子試說看師曰惠寂
有驗處但見諸方僧來便豎起拂子問伊
諸方還說這箇不說又曰這箇且置諸方
老宿意作麼生祐嘆曰此是從上宗門爪
牙祐問大地衆生業識茫茫無本可據子
作麼生知他有之與無師曰惠寂有驗處

時有一僧從面前過師召云闍黎僧回首師曰和上這箇便是業識茫茫無本可據祐曰此是師子一滴乳能散六斛驢乳鄭愚相公問不斷煩惱而入涅槃時如何師豎起拂子公云入之一字不夢亦得師云

入之一字不爲相公師問雙峯師弟近日見處如何對曰據某甲見處實無一法可當情師曰汝解猶在境雙峯曰某甲只如此師兄如何師曰汝豈無能知無一法當情者爲山聞云窈子一句疑殺天下人僧

問禪宗頓悟畢竟入門的意如何師曰此意極難若是祖宗門下上根上智一聞千悟得大總持此根人難得其有根微智劣所以古德道着不安禪靜慮到這裏總須茫然僧曰除此格外還別有方便令學人

得入也無師曰別有別無令汝心不安汝是什麼處人曰幽州人曰汝還思彼處不曰常思師曰彼處樓臺林苑人馬駢闐汝反思思底還有許多般也無曰某甲到這裏一切不見有師曰汝解猶在境信位即

是人位即未是據汝所解只得一玄得坐披衣向後自看爲山一日復問師曰汝向後記得人不師曰若記只記見解爲曰何以如此師曰西竺般若多羅識二千年事至時毫髮不移曹溪亦識身後有難及至

治四

注

亦無爽今時還得不爲曰此是行通我是自宗通亦是學禪未問六通師曰某謂見解宗通語絕滲漏屬語密行解照用自辨清濁業屬意密某未齊曹溪與般若多羅不敢輒記爲山深然之先是師預示偈曰

吾年七十七老去是今日任性自浮沉兩
 手攀膝屈至是兩手抱膝而逝師之異迹
 及垂識記具存本山實錄

佛祖歷代通載卷第二十四

音釋

愆 方俱切 悅也
 灑 彌善切 出武都
 妥 湯果切 坐也
 筵 初救切 齊
 濡 乃豆切 木名 皮可染也
 吳 古迥切
 偁 齒陵切 與
 涪 字廉切 魚寒入水也
 斲 斲竹足切
 髻 漆音休也

卷

至

佛祖歷代通載卷第二十五

治五

嘉興路本祥符禪寺住持華亭念常集

壬子 改景福

寅甲 改乾寧

巳丁 ○吳行密字化源姓楊氏廬州合肥人

治五

家世微賤有膂力能舉千斤日行三

百里為本州步健破巢功大昭宗封

淮南王進封楚王梁祖封吳王卒是

年始封至梁祖二年據廬州十二年

壽五十四子渥據淮南

乾寧四年趙州從諗禪師示寂閱歲一百

二十師曹州人姓郝氏落髮未具戒便造

南泉泉一見深器之一日問如何是道泉

云平常心是道師曰還可趣向不曰擬向

即垂師曰不擬如何知是道泉云道不屬

知不屬不知知是妄覺不知是無記若真

達不疑之地猶如太虛廓然虛豁豈可強

是非也師於言下大悟自是周旋南泉之

門凡二十年次遍歷諸方後歸北地衆請

住趙州觀音古刹示衆曰如明珠在掌胡

采胡現漢來漢現老僧有時將一枝草作

丈六金身用有時把丈六金身作一枝草

用佛是煩惱煩惱是佛問曰未審佛是誰

家煩惱師曰與一切人煩惱僧云如何免

得師云用免作麼問師還入地獄不荅云

老僧未上入僧云大善知識為什麼却入

地獄師云若不入阿誰教化汝真定師王

公携諸子入院師坐而問曰大王會麼王

云不會師云自小持齋今已老見人無力

下禪床王公加禮而去一日示衆曰金佛

不度爐木佛不度火泥佛不度水真佛屋裏坐菩提涅槃真如佛性盡是貼体衣服亦名煩惱不問即無煩惱且實際理地什麼處著得一心不生萬法無咎汝但究理坐看三二十年若不會道截取老僧頭去

治五

夢幻空花何勞把握心若無異萬境一如既不從外得更拘執作什麼如羊相似拾物安向口裏老僧見藥山和上道有人問著便交合取狗口老僧亦交合却口師之玄言天下推為宗門妙唱云

戊午 改光化 ○聖胃集成 華岳玄偉禪師編次貞元己來宗師機錄

行于世

庚申 上與崔胤謀誅宦官 劉季述等以禁軍劫天子幽於少陽院

詔立太子 即帝位

辛酉 改天復 ○ 韓全誨等切帝幸鳳翔是年進錢鏐爵越王

雲居道膺禪師示寂師幽州玉田人叅洞山价公契悟宗旨价深可之曰此子已後千萬人把不住一日問曰昔南泉問講彌勒下生經僧云彌勒什麼時下生僧曰見在天官當來下生南泉云天上無彌勒地下

無彌勒師問只如天上無彌勒地下無彌勒未審誰與安名洞山直得禪床震動乃曰膺闍黎及結庵于後洞日感天厨奉供洞山勉令隨方接人遂登雲居學徒奔湊至一千五百衆嘗示衆曰古人云地獄未

治五

三

是苦若向此衣單下不明大事却是最若汝等既在這箇行流十分去九不較多也更著世子精彩便是上座不屈平生行脚不辜負叢林古人道欲得保任此事須向高高峰頂立深深海底行方有世子氣力

汝若大事未辦須履踐玄途又曰汝等師
僧家發言吐氣須有來由凡問事須識好
惡尊卑良賤信口無益傍家到處覓相似
語言所以尋常向兄弟道莫恠不相似恐
同學太多去第一莫將來不相似八十老
人出場屋不是小兒戲一言參差千里萬
里難為收攝直至敲骨打髓須有來由言語
如鉗夾鈎鎖相續不斷始得頭頭上具物
物上新可不是精得妙底事道汝知有的
人終不取次十度擬發言九度却休去五
什麼如此恐怕無利益體得的人心如臘
月扇口邊直得醜出不是汝強為任運如
此欲得恁麼事須是恁麼人既是恁麼人
何愁恁麼事學佛邊事是錯用心假饒解
得千經萬論講得天花落石點頭亦不干

自己事况乎其餘有何用處若將有限心
識作無限中用如將方木逗圓孔多少差
訛設使攢花簇錦事事及得盡一切事亦
只喚作了事人無過人終不喚作尊貴將
知尊貴邊著得什麼物不見從門入者非

寶棒上不成龍知麼又曰如好獵狗只解
尋有踪跡底忽遇羚羊掛角莫道跡氣亦
不識僧問羚羊掛角時如何師曰六六三
十六曰不會師云不見道無踪跡一僧在
房內看經師隔窻問開黎念者是什麼經對

治五

四

曰維摩經曰不問維摩經念者是什麼經
其僧有省師臨終前期五日為衆開最後
方便序出世始末衆皆愴然至時端坐而
化後唐謚曰弘覺禪師

甲改天祐正月朱全忠奉天子遷洛陽八
月殺之而立少子祝年十二

哀帝祝天祐二年○聖竟天○昭第九子
年十三軍國之政舉全忠年十七歲梁王
使劉勳善馬莽溫陳繼景在位三年
寅丙濮王紉昭之子少帝過時暴崩梁王與百
祐四年禪位于右唐十九帝不與凡二百
梁遇鳩而卒
九十年而朱溫篡之

五代

叙曰後梁朱氏篡唐閔五朝八姓十有三
君五十三載歐陽文忠公法春秋著為五
代史古所謂春秋作而亂臣賊子懼然自
秦漢而下禍起蕭牆變生肘腋君臣父子

之際所不忍願聞者奚更不懼之多乎予
嘗以唐新舊本紀叅校粗見文忠師仰春
秋畧例紀事褒貶之妙非他史所及因采
數端著新唐史本紀畧例一篇及得五代
史閱其自發述作之意與予言亦頗合然

舉春秋宗王之作裁正唐史可也五以之致
虛名盛禮而歆艷五代之君不幾於枉設
乎朱全忠弒昭宗滅唐祚雖王莽劉曜之
惡不足以比之及其有國父父子子更相
屠僂不殊犬豕之死正吾教善惡因果之

効也文忠箴視而不取特假春秋我魏位
號朝儀以貫之卒無一辭深誅痛責使後
世忠良閱之曷以泄胃中之不平乎荆國王
文公嘗歎惜文公不修晉書而修五代史
予之言蓋文公歎惜之意也至於李克用
石敬瑭劉知遠皆突厥沙陀夷狄之種朱
全忠郭威乃中國人反不若三夷狄近人
類也郭威代漢及養子世宗頗有聲然議
者驟見而未知詳夫

訂梁太祖溫改開平○僖宗賜姓全忠禪唐

之後更名冕字匡聖本宋州礪山午溝里人父曰誠以五經教之果篡唐祚年六十一為子友珪弑矣在位六年都汴

遷洛○雷氏曰梁祖朱溫庶人 永帝三主十七

吳越鏐字具美姓錢氏杭州臨安人 少無賴開散倍宗時為董昌

備將以弩射死黃巢先鋒斬首數百巢不取犯臨安昌以為都指揮昌亦叛鏐以狀聞昭宗昭以鏐為浙東招討使既下昌進封天下兵馬都元帥至梁進封吳越王後唐莊入洛賜王冊金印因稱吳越王壽八十一立杭 ○雷氏曰錢杭吳王 越五王

燕守光姓劉氏深州樂壽人父仁恭 事幽州李可有大勳烈光亦

如之八月自號大燕皇帝 改元應天立幽州十九年 ○雷氏曰守光僭燕 一十九年

戊 五月雪峰義存禪師示寂師泉州人姓曾氏十七落髮往幽州受具綿歷禪會緣契

治五

六

德山咸通中登象骨山雪峰剎院玄侶奔萃懿宗賜號真覺大師上堂僧問拈槌豎拂不當宗乘和尚如何指示師豎起拂子其僧抱頭而出師乃不顧道憇問只如古德豈不是以心傳心師曰兼不立文字語

句憇曰只如不立文字語句師如何傳師良久憇禮拜師曰更問我一轉豈不好憇曰就和上請一轉話頭師曰只恁麼唯別有商量曰和上恁麼即得長慶問從上諸聖傳受一路請師垂示師默然長慶禮拜

而退師莞尔而笑師有時謂眾曰堂堂密密地道憇出問曰是什麼堂堂密密師起立曰道什麼憇退步而立師垂語曰此事得恁麼尊貴得恁麼綿密密對曰某甲到來數年不問和上恁麼示誨師曰我向前

雖無如今已有莫有妨麼曰不敢如此和上不已而已師曰致使我如此怱從此信入因普請次師舉為山見色便見心語問怱還有過也無怱曰古人為什麼事師曰雖然如此要共汝商量曰恁麼即不知道

治五

七

怱鋤地去又嘗普請次師問皎然曰古人道誰知席帽下元是昔愁人古人意作麼生皎然側戴笠子曰這箇是什麼人語又問曰持經者能荷擔如來然乃捧師向禪床上著一日紹卿隨師經行次見芋葉動

師指動葉示之卿曰某甲怕怖師曰是汝屋裏底怕怖什麼紹卿從此開悟安國弘瑫叅師師曰甚處來曰江西師曰什麼處見達磨曰分明向和上道師曰道什麼瑫曰什麼處去來一日師見瑫忽擄住云盡大

地是解脫門把手教伊入不肯入曰和上恠弘瑫不得師曰雖然如此爭李背後許多師僧何太原乎上座叅師禮拜訖立於座右師才傾視乎便下看主事異日師見乎指日示之乎握手而出師曰汝不肯我

乎曰和上搖頭某甲擺尾什麼處不肯和上師曰到處也須諱却一日衆僧晚叅師在中庭卧乎曰五州管内只有這和上較與子師便起去師居閩川四十餘年法席之盛卓冠天下常不下一千五百衆臨終出遊藍田莫歸浴畢中夜示寂壽八十有七十一月玄沙師備禪師示寂師少為漁家子年甫三十始出家具戒習頭陀行與雪峰師資道契雪峰每歎曰備頭陀再來人也閱楞嚴經發明心地由是應機敏捷與

修多羅冥契諸方玄學者有所未決必從之請益師上堂時久衆謂不說法一時各歸師乃呵之曰看總是一樣底無一箇有智慧但見我開兩片皮盡來簇著覓言語意度是我真實為他却總不知看恁麼大

治五

八

難大難十方諸佛把汝向頂上著不敢錯候著一分子只道此事唯我能知會麼如今相紹繼盡道承釋迦我道釋迦與我同叅汝道叅阿誰會麼汝今欲得出他五蘊身田主宰但識取汝秘密金剛體古人向汝道圓成正徧周沙界我今少分為汝智者可以譬喻得解汝見此閻浮提日麼世間人所作興營養身活命種種作業莫非承他日光成立只如日體還有多般及心行麼還有不周遍處麼欲識此金剛體亦

如是只如今山河大地十方國土色空明暗及汝身心莫非盡承汝圓成威光所現直是天人群生類所作業次受生果報有性無情莫非承汝威光乃至諸佛成道果接物利生莫非盡承汝威光只如金剛體還

有凡夫諸佛麼有汝心行麼不可道無便當去汝既有如是奇特會麼努力珍重師初住梅溪後居玄沙一時天下叢林海衆皆望風欽服閩帥王公待以師禮學徒垂千人室戶不閉師應機接物垂二十年所

治五

九

演法要有大錄行于世沒年七十有五閩帥賜號宗一禪師

楚殷

字霸圖姓馬氏許州鄆陵人世為農家專梁征伐有功封為楚

王至末帝貞明丙子始建國雷氏

立郡州十四年壽七十九

曰馬楚湖南五十五七

蜀建 唐有光國姓王氏許州武陽人佐

有昂分之志昭宗遇弒少帝禪梁
舉哀表勸文武勸進遂立成都號
蜀十二年卒薄 ○雷氏曰王建前
七十二改武成

荆季興 字貽孫映州硤石人本名李
昌少為汴州李讓家童梁祖

初鎮宣武讓入貲養為子易姓朱
氏與因讓故得見梁祖祖見奇之
亦命為子因姓朱氏後拜宋州刺
史破青州徙穎陽防禦進封渤海
王後姓高氏唐莊開蜀有功封南
平王兵人冊之立荆南二十年壽
五十 雷氏曰辛與荆南
四十 吳渥 字承天蜜長子蜜病出鎮宣州
嗣立淮南一年壽二十三為溫

顯殺之○隆演字鴻源蜜次子溫
顯殺渥演遂即位十二年改年武
元壽二十四
卒弟溥又立

閩審知 字信通唐封福州觀察既卒知
代征伐有功昭宗進封郡王至
梁祖加拜為中書令封閩王遂立
福建十八年 雷氏曰王閩福建立
壽六十四

南岳山惟勁頭陀集光化以來出世宗師
機緣為續寶林傳

後貞明三年 雷氏曰南海隱廣
卒壽三十八

梁祖疾甚鄧王友珪左遷萊州刺史不行
乃微行詣左龍虎統軍韓勅謀入伏禁
中友珪僕夫馮廷鍔刺帝于寢殿矯詔
友珪權主軍國之務發喪即帝位初梁

南漢隱 姓劉氏上蔡人也其祖
海因家焉父謙為廣州牙將破巢為封
州刺史既卒州人表隱代之事唐勅烈
昭宗封為南海王天祐二年進封安南
郡護三年封南平王今梁又封南海王

末帝友貞一名瑱溫第三子聞友珪亂起
兵討之既殺友珪命趙鼎傳國寶至汴

元鳳

祖溫畧地於宋毫間偶與逆旅婦人野
合而生立末一年友貞貶為庶人改年

治五

十

末帝友貞一名瑱溫第三子聞友珪亂起
兵討之既殺友珪命趙鼎傳國寶至汴

丙癸

元鳳

迎王即位更名鎰且都汴蓋祖地矣唐

使皇甫麟滅之在位十年後稱乾化

紀政貞明

柄晉兵七萬來伐○遼主阿保機稱帝立國
號大契丹政元天贊遼之始也中國簡冊所不

載遠夷草昧無可考故其年代不可得而詳也其夕斡里為夷離中猶中國刺史主生而拓落多智雄健有膽畧好騎射鐵厚一寸而洞之夜寢則有光左右莫不驚諸部畏服之有宋相安至天祚為金滅之治國十一年

明州奉化縣布袋和尚者未詳氏族自稱名契此形裁腰腹感額瞠腹出語無定寢

卧隨處常以杖荷一布囊凡供身之具盡貯囊中入鄽肆聚落見物則乞或醢醢魚俎才接入口分少許投囊中時號長汀子布袋師也嘗雪中卧雪不露身人以此奇之或就人乞其貨則售示人吉凶必應期

治五

十一

四七〇

龍藏

無忒天將雨即著濕草屨途中驟行遇亢陽即曳高齒木履市橋上豎膝而眠居民以此驗知有一僧在師前行師乃拊僧背一下僧迴頭師曰乞我一文錢曰道得即與汝一文師放下布袋义手而立白鹿和

上問如何是布袋師便放下布袋又問如何是布袋下事師負之而去先保福和上問如何是佛法大意師放下布袋义手保福曰為只如此為更有向上事師負之而去師在街衢立有僧問和上在遮裏作什

麼師曰等箇人曰來也來也歸宗柔和上別云歸去來師曰汝不是遮箇人曰如何是遮箇人師曰乞我一文錢師有歌曰只箇心心心是佛十方世界最靈物縱橫妙用可憐生一切不如心真實騰騰自在無所為閑閑究

竟出家兒若觀目前真大道不見纖毫也
大奇萬法何殊心何異何勞更用尋經義
心王本自絕多知智者只明無學地非聖
非凡復若乎不疆分別聖情孤無價心珠
本圓淨凡是異相妄空呼人能弘道道分

明無量清高稱道情携錫若登故國路莫
愁諸處不聞聲又有偈曰一鉢千家飯孤
身萬里遊青目觀人少問路白雲頭梁貞
明二年丙子三月師將示滅於嶽林寺東
廊下端坐磐石而說偈曰彌勒真彌勒分

身千百億時時示時人時人自不識偈畢
安然而化其後他州有人見師亦負布袋
而行於是四衆競圖其像今嶽林寺大殿
東堂全身見存

丑丁

漢龔

初名崑隱之庶子生于外舍身
長七尺承父龔封南海王是年

庚戌

庚辰

建國號越二年更號漢壽五十四
卒立三十一年襲者蓋採周易飛
龍在天

之義爾

蜀衍

字化源建之第十一子母曰徐
賢妃以寵得立為太子建亡即
位荒淫自恣委政宦者改大
光立六年唐郭崇韜伐之

吳溥

年壽二十四子克不改號治十七
年唐昇滅之

己丑 改龍德

上聞李嗣源兵至令皇甫麟殺已嗣源兵

入城國亡

右朱梁二主共一十七年

晉李存勖滅之

後唐

姓李氏王土德都汴洛起太原

雷氏曰

唐武克用莊明

閱末四
主十五

武皇帝克用

世號朱耶出于突厥後自號
沙陀以朱耶為姓烈考朱耶
赤心以徐州功大懿宗賜姓李氏俾定
天下莊宗即位天祐五年薨葬陵厲門

莊宗存勖

太祖嫡子母曹后帝英武善戰
滅梁代之自梁祖二年立至同

甲

光三年四十三歲 崩葬河南雍陵 改同光

朝廷封李茂貞為秦王○高季興為南

平王

魏府與化存獎禪師詔入內庭帝問禪要
御賜馬一疋不慣墜馬傷足至次年示疾

治五

三

帝一日謂師曰朕收大梁得一顆無價明珠
未有人酌價師曰請陛下珠看帝以手
展開幞頭脚師曰君王之寶誰敢酌價師
化後勅謚廣濟大師塔曰通濟師嘗問僧
什麼處來曰崔禪處來師曰將得崔禪喝

來否曰不將得來師曰怎麼即不從崔禪
來僧便喝師遂打師示眾曰我只聞長廊
下也喝後架裏也喝諸子汝莫盲喝亂喝
直饒喝得與化向半天裏住卻撲下來氣
欲絕待與化蘇息起來向汝道未在何故

我未曾向紫羅帳裏撒真珠與汝諸人虛
空裏亂喝作什麼師勸克賓語具傳燈
朝廷遣周德威執劉守光至鴈門令存鴈
刺心血

吳溥祭祖已斷
之于市
涼於石頭城上建清
寺請悟空住持

前蜀改咸康來降勅孟知祥鎮
蜀前蜀二主共三十五年

錢鏐封吳越國王仍請署羣臣
百官詔許之

閩延翰字子逸審知長子同光四
年莊宗遇弒建國稱王稟
唐正朔
立一年

改天成明宗嗣源立世本夷狄無姓父電為
厲門步將生子邈倍

烈太祖克用養為子姓字名嗣源初帝
至鄴都軍賊大諱曰請令公帝河北石
敬瑭康義誠勸進嗣源乃令安重誨移
檄會兵軍勢大盛嗣源家據大梁時從馬
直都指麾使郭從謙不知睦王存人已
死欲奉之作亂莊宗中流矢殞于絳霄
殿廡下善友飲庶下樂器覆莊尸焚之
及嗣源即位拾莊宗骨石殯之時年已
六十矣每夕宮中焚香告天願早生聖
人為生民主在位八年後為臣朱弘昭

等殺之
弄徽陵

閻鏘先名延鈴審知次子初延稟
還建州臨決別云善繼先志無
煩老兄重來至長興二年與鏘
擊不勝為鏘殺之鏘好鬼神
道士劉守元以左道惑之建寶
帝后官居焉後改元天寶

帝為李倣殺之
改元天寶

亥丁 遼主德光名耀屈之機姓劉氏阿保

於大部落東牙帳未時黑雲覆
帳大光照耀有聲如雷及長雄
繼有大志精騎射平奚渤海二國
治廿一年於所居大部落建天
雄寺有契丹太祖像
存馬大赦改元天顯

丑己 荆從誨字遵聖與之長子立
二十一年壽五十八

賈原 改長興秦王李茂貞入朝去建國之制

楚希聲字若訥殺次子判內外
諸軍事殺卒立之三年

辰壬 楚希範字子矩殷之第四子兄弟
其聲範同母而生聲母袁氏色
美得龍而先立振葉官為道士
聲卒絕立改年應順

立十五年壽四十九
治五 十四

孟知祥是年封蜀王 ○初令雕九經印

板馮道
監造

梅檀瑞像自下二十一年復在江南

福州長慶惠稜禪師示寂杭之鹽官人姓

孫氏幼歲稟性淳淡年十三於蘇州通玄

寺出家登戒歷叅禪肆唐乾符五年入閩

中謁西院訪靈雲尚有凝滯乃之雪峰因

問從上諸聖傳受一路請垂指示峰默然

師設禮而退峰莞爾而笑異日雪峰謂師

曰我尋常向師僧道南山有一條鱉鼻蛇

治五

十五

汝諸人好看取對曰今日大有人喪身失

命峰然之師入方丈叅雪峰曰是什麼師

曰今日天晴好普請自此酌問未嘗爽於

玄旨乃述頌曰萬象之中獨露身唯人自

肯乃方親昔時謬向途中覓今日看如火

襄冰師來往雪峰二十九載至天祐三年
 受泉州刺史王延彬請住招慶後閩帥請
 居長樂府之西院奏額曰長慶號超覺大
 師上堂良久謂眾曰還有人相悉麼若不
 相悉欺謗兄弟去只今有什麼事莫要窒
 塞也無復是誰家屋裏事不肯當荷更待
 何時若是利根參學不到這裏來會麼如
 今有一般行脚人耳裏總滿也假饒收拾
 底還當諸人行脚事麼廣說具如傳燈錄
 師兩處開法徒眾一千五百化行閩越二

十七載後唐長興三年壬辰五月十七日
 歸寂壽七十有九臘六十

吳越錢傳瓘字文寶錢鏐長子從

羣臣請立九年
 閩改龍啓

閔帝存厚明宗第六子帝疾篤秦王從榮
宋王存厚一名從厚入權天維軍府事
帝祖秘喪六日群臣自鄴迎之即位于
樞前甲午改元應順帝從朱弘昭等言
從路王存珣鎮河東王不受命命兵討
之王愨眾而東帝奔魏州至衛依刺史
王弘贄潞王入謁太后命王即位廢閔
為鄂王遣弘贄子殿直密往鴆帝帝不
飲繼繼殺之後追諡閔帝在位五月

午甲

四月改清泰末帝存珣明宗養子本鎮州

世微賤母曰魏氏明宗為騎將過平山
掠得有子阿三已年十餘歲明養為已
子號存珣長能騎射封潞王即位二年
為石敬瑭外結契丹主攻之帝奉室自
焚壽五十一
在位二年

蜀孟知祥字實胤姓孟氏荆州龍岡

台五

六

磁州刺史其母王氏夢日月生于
太原後事唐封為蜀王明宗崩祥
乃立國號蜀改年明德立一
年六月有疾遂付子昶監國

是年二月功德司奏每年帝誕節諸州府
 奏薦僧尼欲立講經科禪定科持念科文
 章議論科以試其能不帝從奏出繫

紀許王之不逾月王遇害

蜀昶起立不效號治三十一名贊祥卒

石晉王金德雷氏曰丹主二姓三主

一十一年

丙改天福高祖敬瑭西夷自朱耶歸唐從本出

山陰後隨克用征伐有功官至洛州刺史生帝姓石不知因始明宗愛之以女妻之是為永安公主為太原節度唐室既亂末帝徙敬瑭鎮天平不行命兵討之石與桑維翰劉知遠等假兵契丹光破唐兵緣先父事光因乃滅唐築壇柳林即帝位改長興七年為天福元年十月兵至帝自焚十一月敬瑭入洛陽立八年崩壽五十一葬新安陵

閩昶乃殺李倣改元通文立四年

為延義子殺之

丁酉晉歲用金帛三十萬遺大遼

南唐昇字正倫徐州人世本微賤父禁唐亂不知所終有姊

治五

生

子庚 戊戌

蜀改年○大遼國號大遼
閩延曦一官十因出醉還連重遇

等使壯七馬上殺之立四年改元永隆漢度民萬一十人為僧

吳越王佐字右立權之子

南漢玢初名洪度玢之子耀拒龜

尤天後為道庠陳思潮等殺之

南漢晟初名洪熙既殺玢自立封思潮等為功臣改元乾和

立二十年酒太過卒壽三十九

甲辰改開運少帝重貴高祖猶子祖有六子皆

早卒高祖養帝為子故得立位後二年為契丹主耶律德光長驅過河入汴攻之帝出洛封負義侯送至和龍府不知何年卒在位三年繼之

右晉二主凡十一年繼之

南唐璟 昇長子立二十四年
改元保大壽六十四

是年舊唐史成劉煦撰授司空平章事 并載

佛祖異迹

江南上元縣一民暴死三日復甦詰唐主具奏入冥見先帝言為宋齊丘所悞殺和

州降卒千餘人寃訴伏汝歸語嗣君凡寺

觀鳴鐘可延久其聲吾受苦唯聞鐘則暫休或能為造一鐘尤善吾在位日嘗以于

闐國遺我玉天王像藏於瓦棺寺佛左膝人無知者汝以此為驗唐主遂詣瓦棺寺

佛膝得天王像感泣造一鐘於清涼寺鐫

其上曰薦烈祖考高皇帝脫幽出厄以玉像建塔葬蔣山 出法苑

殷延政 亦審知子延曦酒淫虐政

數貽書諫之曠怒遣杜建崇舉兵攻政為政敗之乃立建州改國號殷改年天德止三年

雷氏曰 延政號殷建州三年

契丹 怒帝不上表稱臣乃大舉兵入少帝迎於瀘州

正月遼主德光入晉不一年 獲民皆黥其面祖威李守

真宋彥筠降於契丹張彥澤斬關而入帝懼迎拜于門契丹不禮命左右執之彥澤傳遼主書與太后慰撫之降晉帝為負義侯安置黃龍府即慕容氏和龍

城也契丹御汴官受朝賀以國舅廢蕭翰留守汴以天時尚暑發大梁自

馬渡河盡驅百僚赴常山至灤城得疾至然胡林卒國人剖其腹實鹽數斗載謂之北晉人

漢 姓劉氏王 ○雷氏曰 漢祖知遠隱

水德都汴 年四 帝承祐二三

打高祖知遠後更名高 其先沙陀部人移居

農威重後與教塘同侍明宗為偏將及立石晉于太原以帝為侍衛親軍都虞

被俘乃國義舉二月即位於太原自稱漢王擁兵入汴殺許王與太妃乃晉

開運四年也

遼世宗立

天祿治五年

遼阮番名元欲太祖孫東丹王突欲之子改元

楚希廣

字德丕範同母弟既立三年後為兄奪兵伐而繼

改乾祐

○吳越侖

進思疑之廢囚于義和

院迎俶立

治五

配隱帝承佑

高祖二弟曰崇曰信崇子曰贊皆仕宦也高祖三子曰承訓承佑承勳嫡子訓亡諸子尚切以佑紹立

佑承勳嫡子訓亡諸子尚切以佑紹立

信任伯優疎遠大臣時年十八時李業等狀申於廣政殿因朝王章楊渌史弘

肇又使人殺郭威於鄴威乃舉兵犯宮帝出城南趙村為伶人郭允明

吳越王俶

思立之弟字文德胡進

荆保融

字德長諱第三子立

楚希萼

廣之兄殺廣而立明年隱

帝崩京師大亂萼遂臣于

李璟除封楚王以軍政事任弟

雲門文偃禪師示寂師姑蘇嘉興人姓張

氏初叅睦州蹤禪師州見來便閉却門師

三扣門問誰師云某甲州云作什麼師云

已事未明乞師指示州才開門師拶入州

擒住云速道速道師擬議州托開云秦時

轆轤鑽師從此悟入州即指師見雪峰師至

雪峰莊遇僧上山即教之云汝到山頭見

和上上堂眾才集便出握腕立地云這老

漢項上鐵枷何不脫却其僧如教致問峰

下座搗住云速道遠道僧無對峰云適來

不是你語僧云是某甲語峰云侍者將繩

棒來僧云某在莊上見一浙中上座教來

恁麼問峰云大眾去莊上迎取五百人善

知識來師上山才見雪峰便問因什麼得

到與麼地師乃低頭從此契合決擇久之

遍訪諸方晚游廣中靈樹知聖禪師久遲

師來比至亦率衆門迎命居第一座樹將
終遺書囑廣主請師繼踵住持師上堂僧
問如何是一代時教師云對一說問如何
是法眼師云普問如何是諸佛出身處師
云東山水上行問乞師指箇入路師云喫
粥喫飯問如何是透法身句師云北斗裏
藏身問如何是不掛唇吻一句師云合取
狗口問如何轉動即得不落階級曰南斗
七北斗八師乃云眼睫橫亘十方眉毛上
透乾坤下透黃泉須彌山塞却你咽喉還
有會處麼若會得拽取占波國與新羅國
鬪額又云盡乾坤一時將來著汝眼睫上
你諸人聞恁麼道不敢望你出來性燥把
老僧打一擱且緩緩子細看是有是無是
个什麼道理直饒向這裏明得若遇衲僧

門下好槌脚折汝若是箇人聞說道什麼
處有老宿出世便驀面唾汚我耳目汝若
不是箇脚手才聞人舉便當荷得早落第
二機又曰直得觸目無滯達得名身句身
一切法空山河大地是名名亦不可得喚
作三昧性海俱備猶是無風匝匝之波直
得忘知與覺覺即佛性矣喚作無事人更
須知有向上一竅在又曰彈指警咳揚眉
瞬目拈槌豎拂或作圓相盡是撩鈎搭索
佛法二字未曾道著道著即撒屎撒尿又
日光不透脫有兩般病一切處不明面前
有物是一又透得一切法空隱隱似有箇
物相似亦是光不透脫又法身亦有兩般
病得到法身為法執不忘已見猶存坐在
法身邊是一直饒透得法身去放過即不

注五

注

注五

二十

可子細檢點來有什麼氣息亦是病又曰
直得乾坤大地無纖毫過患猶是轉句不
見一色始是半提直得如此更須知有全
提時節師居靈樹久之遷韶陽雲門廣主
屢請入內問法待以師禮往來學徒不下

千人臨終以表辭廣主垂戒學徒端坐而
逝遺命塔全身於方丈後一十七年至宋
乾德三年雄武軍節度推官阮紹莊夢師
以拂子招之曰為吾寄語秀華宮使特進
李托奏請開塔吾久蔽塔中宜令暫出李

得其語即以奏聞尋有旨令韶州刺史同
詣雲門開塔果見師真容如生鬚髮皆長
李復上其事廣主迎真身赴闕留內庭供
養逾月送歸于塔謚大慈匡真宏明禪師
有法嗣澄遠焉

庚子十一月
郭威兵至上
右漢二主四年
郭威之

周德三主都汴
雷氏曰宗恭帝三王

亥辛
太祖威更名廣
邢州唐山人父簡事晉為

無拘年十八有權勇嘗殺人路徒因李
繼韜惜其勇而縱之後漢祖命為樞密
使隱帝聽李業諧遣供奉孟業齋密詔
殺帝帝乃舉兵隱出宿七里寨衆潰隱
回至玄化門劉錡在門上問隱左右兵
馬何在因射左右隱回營西北至趙村
為伶人郭允明射殺之帝迎劉昫于齊
立之未至兵上場道等擁帝而立太后
廢贊皇公以威監國受漢太后詔
即位出漢宮器碎於庭詔曰自今紛華
之物毋得入宮

治五
三

元廣順

帝嘗屢戒晉王曰我死當衣以紙衣
驗以瓦棺至甲寅正月卒在位三年改

遼穆宗璟番名兀律
太宗長子是

兀欲為燕王述執等統於新州
火神迎遂即位元應曆至戊
辰即宋太祖開寶元年九月為
虜人弒于黑山下治十八年

東漢吳姓劉氏漢祖母弟初名崇
年為太原守乾德四年立三

世尊示滅一千九百年矣

子壬汝州寶應南院顯禪師示寂師系河北人

嗣興化獎禪師上堂示眾曰赤肉團上壁

立千仞時有僧問赤肉團上壁立千仞豈

不是和上語師曰是其僧乃掀倒禪床南

院曰這瞎驢便棒又云諸方只具啐啄同

時眼不具啐啄同時用有僧便問如何是

啐啄同時用云作家不啐啄啐啄同時失

僧云此猶未是甲問處云汝問處作麼生

僧云失師乃打僧不肯後於雲門會下聞

二僧舉前因緣一僧云當時南院棒折那

僧聞此語忽然大悟方見南院答話處僧

却回汝州省觀值師遷化乃訪風穴穴認

得便問上座是當時問南院啐啄同時話
底麼僧云是穴云會也未僧云會也穴云
你當時作麼生會僧云某甲當時如燈影
中行相似穴云汝會也

北癸梅檀瑞像此下一百七十七年在汴京九

印板方成

甲世宗崇字茂先太祖猶子本姓崇氏亦唐

山後從姑養太祖家遂命為子官至澧州

節度使祖崩秘喪迎帝立於柩前威震

夷夏廢諸寺宇年三十而崩葬慶陵治六年改顯德趙匡

東漢承鈞是之次子去年夏崩遂

鴻臚卿在位十三年不改號

二月詔廢天下無勅額寺院凡三萬三百

三十六所存者二千七百所廢銅像為

錢時鎮州銅大悲像感應異常州之士

民願以錢貸制不許及毀其背群力皆
隋腕而死遂停其半○制出家者必俟
父母命郡國歲造僧帳凡死亡還俗者
以時關洛之僧帳自此始通監

丙辰詔築大梁城○詔華山隱士陳搏入見問

以飛昇黃白之術搏荅曰天子富有四
海不應問遣還山

丁巳東漢年改天會

戊午顯德五年七月十七清涼文益禪師示疾
江南國主親降候問越旬有五日沐浴辭

衆端坐而逝停龕三七顏貌如生公卿李
建勛而下素服奉全身建塔謚曰大法眼
禪師餘杭人姓魯氏初究教乘傍探儒典
游方遇羅漢琛禪師頓明大事久之卓庵
而居次歷江外至臨川州牧請住崇壽開

注五

注四

堂示衆曰諸人既盡在這裏山僧不可無
言與大衆舉一古人方便珍重便下座時
有僧出禮拜師曰好問著僧擬伸問師曰
長老未開堂不荅話有僧自長慶來師舉
先長慶偈問曰作麼生是萬象之中獨露
身僧舉一指師曰恁麼會又爭辯曰如和
尚尊意如何師曰喚什麼作萬象曰古人
不撥萬象師曰萬象之中獨露身說什麼
撥不撥僧豁然大悟述偈投誠自是諸方
會下存知解者翕然而至始則行行如也
師微以激發皆漸而服膺海參之衆常不
下千計上堂大衆立久師乃謂曰只如便
散去還有佛法也無試說看看若無又來這
裏作麼若有大市裏人聚處亦有何須到
這裏諸人各曾看還源觀百門義海華嚴

論涅槃經諸多冊子阿那箇教中有這箇時節若有試舉看莫是恁麼經裏有恁麼語是此時節麼有甚交涉所以微言滯於心首皆爲緣慮之場實際居於目前翻爲名相之境又作麼生得翻去若也翻去又

治五

三五

作麼生得正去還會麼莫只恁麼念冊子有什麼用處未幾道行聞於江表金陵國主重師之道迎居報恩號淨惠禪師次遷清涼朝夕開法諸方叢林咸仰風化致異域有慕其法者涉遠而至嗣子德韶國師

文遂江南國導師惠炬高麗國師傳化馬師調機順物斥滯磨昏凡舉古德三昧或呈解請益皆應病與藥隨根悟入者不可勝紀尋以韶國師等化旺東南遂朔法眼宗旨

杭州永明寺道潛禪師河中府人也姓武氏初謁臨川淨惠禪師一見異之便容入室一日淨惠問子於叅請外明什麼經師曰華嚴經惠曰總別同異成壞是何門攝屬師曰文在十地品中據理則世出世間一切法皆具六相惠曰空還具六相也無師憐然無對惠曰子却問吾師乃問空還具六相也無淨惠曰空師於是開悟踊躍禮謝曰子作麼生會師曰空淨惠然之異日因四衆士女入院淨惠問師曰律中道隔壁聞釵釧聲即名破戒見覩金銀合雜朱紫駢闐是破戒不是破戒師曰好箇入路惠曰子向後有五百羗徒而爲王侯所重在師尋禮謝辭駐錫於衢州古寺閱大藏經而已忠懿王命入府受菩薩戒署慈

化定慧禪師建大伽藍號慧日永明請居
之師曰欲請塔下羅漢銅像過新寺供養
王曰善予昨夢十六尊者乞隨師入寺何
昭應之若是仍於師號加應真二字師坐
永明大道場常五百衆師上堂曰佛法顯

治五

壬

然因什麼却不會去諸上座欲問佛法但
問取張三李四欲會世法則叅取古佛叢
林無事又立僧問至道無難借言顯道如
何是顯道之言師曰切忌揀擇問如何是
慧日祥光師曰此去報慈不遠曰恁麼則

親蒙照燭也師曰且喜沒交涉

午戌 春帝欲濟江南唐璟 大懼遣兵部陳覺非
奉表割江北十四州

地用周正
朔而降

荆保勗 字省躬諱之第十子在
位四年壽五十九矣

紀 趙太祖光胤 德節度使殿前知點
檢

六月世宗北伐病背癰糜潰而崩於道

恭帝崇訓世宗第四子七歲即位命宋太

祖趙光胤討河東軍情忽變有飛語云

不如扶點檢為天子遂立宋祖降封帝

為鄭王立不一年

右周三主凡十一年

治五

二十七

佛祖歷代通載卷第二十五

音釋

擗 勅 脈
 掌古疆渠脊力
 打獲也京骨佇
 也切 切也切
 臬 礪
 甲五文大
 之結石浪
 礙切 切
 也門珪
 煦 古古
 香呼文攜
 子句圭切
 切切瑫
 吹潤玉他
 也也名牢
 又也切

佛祖歷代通載卷第二十六

治六

嘉興路大中祥符禪寺住持華亭念常集

宋 雷氏曰宋朝祖宗真仁英神哲徽及少百六十六靖康

甲 庚太祖玄朗姓趙王火德都于汴初名光胤宣祖次子生于洛陽權武端愨

織度路如周祖以爲東西班首世祖命掌親軍遷殿前都點檢恭帝命征河東晚駐陳橋驛軍情忽變衆擁五之正月四日受禪丙子十月崩于萬歲殿葬永昌陵壽五十 改建隆○遼應曆十年是年十

二月詔於揚州城下戰地造寺賜額建隆賜田四頃命僧道暉主之初周廢佛寺三

萬三百所毀鎮州大悲像鑄錢世宗親秉鉞洞其膚不四年疽潰于膺帝偕太宗目擊其事因問神僧麻衣天下何時定麻曰甲子方大定仍對以三武廢教之禍帝深然之及即位屢建佛寺歲度八千僧出外

丙 詔誕聖節京師及天下命僧升座祝壽爲疏傳准 披剃 戊王 詔每年試童行通達經七軸者給祠部牒

荆高繼冲字成和融之子立一年降宋 ○南唐李煜立

亥 改乾德○慕容延釗伐荆降封冲武寧軍節度

十 甲 詔王全斌等伐蜀乙丑降于宋

寅 東漢繼恩其父薛釗劉旻愛其賢以氏生元何氏夫婦卒承鈞無子受以二子命鈞養之定王鈞養恩繼位九月爲侯

繼元姓何氏亦承鈞養子恩之同母弟郭無爲侯霸榮迎立之改年費運一十三年

卯三月五星聚奎○大教東被九百年矣
戊辰改開寶○遼景宗諱明記立更名賢世宗
治十年

己二月十六長春節詔四海僧上表入殿
者賜裁木試三學十餘條全通
判火各薦所知唯西街所薦是日入內

殿門下牒謂之簾
箭師號仍賜裁木

辛詔成都造金銀字佛經各一藏初戊辰九

兵部侍郎劉照古監造是年六
月十一日勅再造金字經一藏
壬詔雕佛經一藏計一十一封南漢銀恩茲
三萬板○侯○又遺陶教

下宋
齊丘

天台山德韶國師示寂師處州龍泉陳氏
母夜夢白光觸體因而有娠及誕元多奇
異年十五有楚僧勉令出家十七依本州
龍歸寺落髮十八納戒於信州開元後梁
開平中遊方詣投子山見大同禪師發心

之始也次謁龍牙疎山各有機緣歷五十
四員知識皆不契後之臨川謁淨惠益公
一見深器之師以徧叅但隨衆而已益上
堂僧問如何是曹源一滴水益云是曹源
一滴水師於座側豁然大悟平生疑滯渙

若冰釋遂以所悟聞于益益曰汝向後當
為國王師致祖道光吾不如也自是諸
方異唱古今玄鍵與之決擇不留微迹尋
遊天台觀智者顛禪師遺跡若舊復與智
者同姓時謂後身馬初止白沙吳越忠懿

治六

三

王以國王子刺台州嚮師之名延請問道
師謂之曰他日為霸主無忘佛恩後漢乾
祐元年王嗣位遣使迎之申弟子禮有傳
天台教義宗者屢懇于師曰智者之教年
祀遠慮多散落今新羅國其本甚備自

非和尚慈力其熟能致之乎師於是聞于忠懿王王遣使及齋師書往彼繕寫備足而回迄今盛行於江南師於般若開堂說法十二會語具傳燈嘗有偈示衆曰通玄峰頂不是人間心外無法滿目青山開寶

辛未華頂四峰忽摧聲震若雷師曰吾非久矣明年六月大星殞于峰頂林木變白師乃示寂於蓮華峰叅問如常二十八日集衆言別跏趺而逝壽八十二臘六十五後周恭帝崇訓卒

汝州風穴禪師示寂諱延沼僞唐乾寧三年十二月生於餘杭劉氏少魁壘有英氣於書無所不觀然無經世意父兄強之仕一至京師即東歸從開元寺智恭律師剃髮受具游講肆玩法華玄義修止觀定慧

宿師爭下之棄去游名山謁越州鏡清怱禪師機語不契北游襄河間寓止華嚴時僧守廓者自南院顯公所來華嚴升座曰若是臨濟德山高亭大愚鳥窠船子下兒孫不用如何若何便請單刀直入廓出衆

便喝華嚴亦喝廓又喝華嚴亦喝廓禮拜起指以顧衆曰這老漢一場敗缺喝一喝歸衆穴心竒之因結爲友遂默悟三玄旨要嘆曰臨濟用處如是耶廓使更見南院問曰入門須辯主端的請師分南院左拈

治六

四

其膝穴便喝院右拈其膝穴亦喝院曰左邊一拍且止右邊一拍作麼生穴云瞎院反取主杖穴笑云盲加瞎棒倒奪打和尚去南院倚主杖曰今日被黃面浙子鈍置穴云大似持鉢不得詐言不饑院曰子到

此問乎曰是何言歟院曰好問汝曰亦不可放過便禮拜南院喜賜之坐問所與遊者何人對曰襄州與廓侍者同夏院曰親見作家穴於是俯就弟子之列從容承稟日聞智證南院曰汝乘願力來荷大法非

偶然也問曰汝聞臨濟將終時語不曰聞曰臨濟云誰知吾正法眼藏向這瞎驢邊滅却渠平生如師子見即殺人及其將死何故屈膝安尾如此對曰密付將終全主即滅又問三聖如何亦無語乎曰親承入

室之真子不同門外之遊人院領之又問四種料簡語料簡何法對曰凡語不滯凡情即墮聖解學者大病先聖哀之為施方便如楔出楔曰如何是奪人不奪境曰新出紅爐金彈子遙破闍黎鏡面門又問如

五

五

何是奪境不奪人曰芻草乍分頭腦裂亂雲初綻影猶存又問如何是人境俱奪曰躡足進前須急急促鞭當鞅莫遲遲又問如何是人境俱不奪曰常憶江南三月裏鷓鴣啼處百花香又問曰臨濟有三句當

日有問如何是第一句濟云三要印開朱點窄未容擬議主賓存穴隨聲便喝又曰如何是第二句濟云妙解豈容無著問漚和爭赴截流機穴云未問已前錯又問曰如何是第三句濟曰但看棚頭弄傀儡抽

牽全藉裏頭人穴云明破即不堪於是南院以為可以支臨濟幸不孤負興化先師所以付託之意穴依止六年乃辭去後唐長興二年至汝水見草屋數椽依山如逃亡人家問田父此何所田父曰古風穴寺

世以律居僧物故又歲饑衆棄之而去餘
佛像鼓鐘耳穴云我居之可乎田父曰可
穴入留止日乞村落夜然松脂單丁者七
年檀信爲新之成叢林僞晉天福二年州
牧聞其風盡禮致之上元日開法嗣南院
僞漢乾祐二年牧移守郢州穴又避寇往
依之牧館于郡齋寇平汝州有宋太師者
施第爲寶坊號新寺迎穴居焉法席冠天
下學者自遠而至升座曰先師曰欲得親
切莫將問來問會麼問在荅處荅在問處
雖然如有時問不在荅處荅不在問處
汝若擬議老僧在汝脚根底大凡叅學眼
目直須臨機大用現前勿自拘於小節設
使言前薦得猶爲滯殼迷封向下精通未
免觸途狂見應是向來依他作解明昧兩

六

六

岐與汝一切掃却直教箇箇如師子兒吒
呀地對衆證據哮吼一聲辟立千仞誰敢
正眼覷著覷著即瞎却渠眼又曰若立一
塵家國興盛野老顛頰不立一塵家國喪
亡野老安貼於此明得闍黎無分全是老
僧於此不明老僧即是闍黎闍黎與老僧
無別亦能悟却天下人亦能瞎却天下人
欲識闍黎麼拊其左膝曰這裏是欲識老
僧麼拊右膝曰遮裏是于時莫有善其機
者僞周廣順元年賜寺名廣惠二十有二
年以宋開寶六年癸酉八月旦登座說偈
曰道在乘時須濟物遠方來慕自騰騰他
年有叟情相似日日香烟夜夜燈至十五
日跏趺而化前一日手書別檀越閱世七
十有八坐五十有九夏有得法上首住汝

州首山念禪師

成 卯詔曹彬等征南唐○遼改乾亨

亥 曹彬擒南唐主李煜歸封違命侯國除

杭州慧日永明智覺禪師示寂諱延壽餘

杭人姓王氏總角之歲歸心佛乘既冠不

治六

茹葷日唯一食持法華七行俱下纔六旬

悉能誦之感群羊跪聽年二十八為華亭

鎮將屬翠岩永明大師遷止龍冊寺大闡

玄化時吳越文穆王知師慕道乃從其志

放令出家禮翠岩為師執勞供眾都亡身

宰衣不繒縷食無重味野蔬衣襦以遣朝

夕尋徃天台天柱峰九旬習定有鳥類尺

鷄巢于衣褶中既謁韶國師一見深器之

密授玄旨仍謂師曰汝與元帥有緣他日

大興佛事初徃明州雪竇山學侶臻湊師

上堂曰雪竇這裏迅瀑千尋不停纖粟奇

岩萬仞無立足處汝等諸人向什麼處進

步時有僧問雪竇一徑如何履踐師云步

步寒花結言言徹底冰建隆元年忠懿王

請住靈隱山新寺為第一世明年復請住

永明大道場為第二世眾盈二千僧問如

何是永明旨師曰更添香著曰謝師指示

曰且喜沒交涉師有偈曰欲識永明旨門

前一湖水日照光明生風來波浪起居永

明十五年度弟子千七百人開寶七年入

天台山度戒萬餘人常與七眾受菩薩戒

夜施鬼神食朝放諸生類六時散花行道

餘力念法華經一萬三千部著宗鏡錄一

百卷詩偈賦詠凡千萬言高麗國王覽師

言教遣使齎書叙弟子禮奉金縷袈裟紫

晶數珠金澡灌等彼國僧三十六人親承
印記歸國各化一方開寶八年乙亥十二
月二十六日辰時焚香告衆跏趺而逝壽
七十二臘四十二明年建塔于大慈山焉
宋太宗賜額曰壽寧禪院云

洪

八

天下大元帥吳越國王錢俶製宗鏡錄序
文曰詳夫域中之教三正君臣親父子厚
人倫儒吾之師也寂兮寥兮視聽無得自
微妙升虛無以止乎乘風馭景君得之則
善建不拔人得之則延貺無窮道儒之師
也四諦十二因緣三明八解脫時習不忘
日修以得一登果地永達真常釋道之宗
也惟此三教並自心修宗鏡錄者智覺禪
師所撰也總乎百卷包盡微言我佛金口
所宣盈乎海藏蓋亦提携後學師之智慧

辯才演暢萬法明了一心禪際河游慧間
雲布數而稱大莫能盡紀聊爲小序以頌
宣行云爾

宋左朝請郎尚書禮部員外郎護軍楊傑
撰宗鏡錄後序云諸佛真語以心爲宗衆

生信道以宗爲鑑衆生界即諸佛界因迷
而爲衆生諸佛心是衆生心因悟而成諸
佛心如明鑑萬象歷然佛與衆生其猶影
像涅槃生死俱是強名鑑體寂而常照鑑
光照而常寂心佛衆生三無差別國初吳

治六

九

越永明智覺壽禪師證最上乘了第一義
洞究教典深達禪宗稟奉律儀廣行利益
因讀楞伽經云佛語心爲宗乃製斯錄於
無疑中起疑無問中設問爲不請友真大
導師擲龍宮之寶均施群生徹祖門之關

普容來者舉目而視有欲皆充信手而拈
 有疾皆愈蕩滌邪見指歸妙源所謂舉一
 心為宗照萬法為鑑矣若人以佛為鑑則
 知戒定慧為諸善之宗人天聲聞緣覺菩
 薩如來由此而出一切善類莫不信受若

以衆生為鑑則知貪嗔痴為諸惡之宗修
 羅傍生地獄鬼趣由此而出一切惡類莫
 不畏憚善惡雖異其宗則同迺鑑其心則
 知靈明湛寂廣大融通無為無住無修無
 證無塵可染無垢可磨為一切諸法之宗

矣初吳越忠懿王字之秘于教藏至元豐
 中皇弟魏端獻王鏐板分施名藍四方學
 者罕遇其本元祐六夏遊東都法雲道場
 始見錢唐新本尤為精詳乃吳人徐思恭
 請法涌禪師同永樂法真二三耆宿徧取

諸錄用三乘典籍賢聖教語校讀成就以
 廣流布其益甚博法涌知予喜閱是錄因
 請為序

子丙 太宗吳初名匡義宣第三子初太祖陳橋

安至道三年三月崩于萬歲殿葬永熙陵壽五十九 改太平興國

○部僧尼復
 試經科

吳越忠懿王錢俶以國賓宋○是年

月日有食之既

戊寅 帝製新譯三藏聖教序賜天竺三藏法師

天息災文曰大矣我我佛之教也化道群

十

迷聞揚宗性廣博宏辯英彥莫能究其旨
 精微妙說庸愚豈可度其源義理幽玄真
 空莫測包括萬象譬喻無垠總法網之紀
 綱演無際之正教拔四生之苦海譯三藏
 之秘言天地變化乎陰陽日月盈虧乎寒

暑大則說諸善惡細則比於河沙含識萬
端弗可盡述若窺像法如影隨形離六情
以長存歷千劫而可久須彌內藏於芥子
如來坦蕩於無邊達磨西來傳法東土宣
揚妙理順從指歸彼岸菩提愛河生滅用

行於五濁惡趣拯慧於三業途中經垂世
之無窮道無私而永泰雪山貝葉若銀臺
之耀目歲月烟蘿起香界之自遠巍巍罕
測杳杳難名所以道資十聖德被三賢至
道啓乎乾元衆妙生乎太易綜繁形類竅

鑿昏冥絕彼是非開茲蒙昧有西域法師
天息災等常持四忍早悟三空翻貝葉之
真詮續人天之聖教芳猷重啓偶運當時
潤五聲於文章暢四始於風律堂堂容止
穆穆輝華曠劫而昏墊重明玄門昭顯軌

範而宏光法妙法淨界騰音利益有情俱登十二
覺岸無所障礙救諸疲羸冥昧慈悲汗漫
物表柔懷貪很啓迪昏愚演小乘則聲聞
合其儀論大乘則正覺立其性含靈悟而
蒙福感教缺而重興幻化迷途火宅深喻

雖設其教不知者多善念生而福量潛臻惡
業興而勝緣皆陸調御四衆積行十方澍
華雨於金輪護恒河於玉闕有頂之風不
可壞無際之水不能漂澄寂湛然圓明清
潔之智慧性空無染實相解脫之因緣可

以離煩惱於心田可以得清涼於宇宙朕
慚非博學釋典微閑豈堪叙文以示來者
如糜螢燭火不足比於皎日將微蠹量海
豈能窮於深淵者哉

卯巳
北漢降封彭城公○止僧科

沙門贊寧隨錢王歸明姓高氏其先渤海人唐天祐中生於吳興之德清金鵝別墅出家杭之祥符習南山律著述毘尼時人謂之律虎文學日茂聲望日隆武肅諸王公族咸慕重之署為兩浙僧統賜號明義

宗文興國三年太宗聞其名召對滋福殿延問彌日改賜通惠詔修大宋高僧傳三十卷及詔撰三教聖賢事跡一百卷初補左街講經首座知西京教門事咸平初加右街僧錄又著內典集一百五十卷外學

集四十九卷內翰王禹偁作文集序極其贊美云至道二年示寂葬龍井塢焉

壬午舒州柯萼遇異僧於萬歲山以杖指松根使萼鑷之得瑞石篆文識聖朝國祚無疆萼進石于京師詔藏祕府○他日大士寶

治六誌降現禁中帝親聞緒言致祭鍾山賜號道林真覺菩薩○是年詔立譯經傳法院于東京如唐故事宰輔為譯經潤文設官分職西天中印土惹爛陀羅國密林寺天息災與法天施護譯經帝制前序詔普度

天下童行為僧不限有司常制自即位至是凡度一十七萬餘人

是年五月竄秦王廷美降涪陵縣公安置房州上嘗以傳國意訪之趙普普曰太祖已誤陛下豈容再誤耶廷美所以得罪則

普為之也盧多遜在朝握權常短趙普普惡之遂入覲觀變奏多遜謂陛下萬年之後當以天下與魏王魏王當還秦王陛下不當立太子俱坐大逆免死放歸田里咸以為冤秦王即太祖少子德芳也上遂南

遷二王尋殺之忽一日趙普見空有火一團一羔羊轉運其上拜曰普之罪也須臾光滅遂得疾命方士禱疾見烟焰中有朱牌金字書云魏王廷美士謝曰普言非其罪也有荅之曰杜太后遺言丞相寫誓書

冷六

十三

藏之金櫃石室而首發多遜之獄致主上

殺一弟一姪安可謂之無罪俄而普薨

遼聖宗名隆緒即位改統和

甲未

尋請歸華山

改雍熙○勅修泗洲塔○十月詔隱士陳搏賜帝夷先生

乙酉二月詔禁增置寺觀

丁亥益州青城香林院澄遠禪師示寂師生西

川漢州綿竹縣上官氏法嗣雲門偃禪師

初住西川導江縣迎祥寺天王院時謂水

精宮僧問美味醍醐因甚變成毒藥曰導

江紙問見色便見心時如何曰適來什麼處去來問心境俱亡時如何曰開眼坐睡師復住香林僧問北斗裏藏身意旨如何曰月似彎弓少雨多風問如何是室內一燈曰三人證龜成鳖問如何是衲衣下事

曰臘月火燒山問大衆雲集請師施設曰

三不待兩問如何是學人時中事曰恰恰

如何是玄曰今日來明日去問如何是玄

中立曰長連牀上

餘如傳燈

戊子改端拱○

賜西夏李繼偉姓名趙保忠銀夏綬宥五州使

唐貞改淳化詔撰三教聖賢事跡參政蘇易簡編次贊空僧統道士韓德純預焉

辛卯南安岩尊者示寂師諱自嚴生鄭氏泉州

同安人也年十一棄家依建興卧像寺僧

契緣為童子十七為大僧游方至廬陵謁

西峰耆宿雲豁豁乃清涼智明禪師高弟

雲門嫡孫也太宗嘗詔至闕館於北御園舍中習定久之懇之還山公依止五年密契心法辭去渡懷仁江有蛟每為行人害公為說偈誡之而蛟輒去過黃楊峽渴欲飲會溪涸公以杖搗之而水得父老來聚

治六

古

觀合爪以為神公遷去武平黃石岩多蛇虎公止住而蛇虎可使令四遠聞之大驚爭救事之民以兩賜男女禱者隨其欲應念而獲家畫其像飲食必祭隣寺僧死公不知法當告官便自焚之吏追捕坐庭中

問狀不荅索紙作偈曰雲外野僧死雲外野僧燒二法無差互菩提路不遙而字畫險勁如擘窠大篆吏大怒以為狂誕慢已去僧伽黎曝日中既得釋因以布帽其首而衣以白服公恨所說法聽者疑信半因

不語者六年岩寺當輸布而民歲代輸之公不忍折簡置布束中祈免吏張擘歐陽程者相碩怒甚追至問狀不荅以為妖火所著帽明鮮又索紙作偈曰一切慈忍力皆吾心所生王官若拘束佛法不流行自

是時亦語去游南康槃古山先是西竺波利尊者經始識曰却後當有白衣菩薩來興此山公住三年而成叢林異跡甚著如本傳所屬狀以聞詔佳之宰相王欽若大叅趙安仁已下皆獻詩公未嘗視置承塵

治六

古

上而已淳化辛卯正月初六日集眾曰吾此日生今正是時遂右脇卧而化閱世八十有二坐六十有五夏諡曰定光圓應禪師

首山念禪師萊州人生狄氏幼棄家得度

於南禪寺爲人簡重有精識行頭陀行日誦法華叢林畏敬之目以爲念法華至風穴隨衆作止無所忝扣然終疑教外有別傳之法不言也風穴每念大仰有識臨濟一宗至風而止懼當之熟視坐下堪任法道無如念者一日升座曰世尊以青蓮目頽迦葉正當是時且道箇什麼若言不說說又成埋沒先聖語未卒念便下去侍者進曰念法華無所言而去何也穴曰渠會也明日念與真上座俱詣方丈穴問真曰如何是世尊不說說真曰鷓鴣樹上鳴穴云汝作許多癡福何用乃顧念曰如何師曰動容揚古路不墮峭然機穴謂真曰何不看渠語又一日升座顧視大衆念便下去穴即歸方丈自是聲名重諸方首山在

汝州城外荒遠處而念居之終身焉登其門者皆叢林精練衲子念必勘驗之留者纔二十餘輩天下稱法席之冠必指首山嘗問僧不從人薦得的事試道看僧便喝曰好好相借問惡發作麼僧又喝念曰今日放過即不可僧擬議念喝之嘗謂衆曰佛法無多子只是汝輩自信不及若能自信千聖出頭來無奈汝何何故爲向汝面前無開口處只爲汝自信不及向外馳求所以到這裏假如便是釋迦佛也與汝三十棒然雖如是初機後學憑箇什麼道理且問汝輩還得與麼也未良久云若得與麼方名了事嘗作綱宗偈曰咄哉拙即君巧妙無人識打破鳳林關穿靴水上立咄哉巧女兒攬梭不解織看他聞鷄人水牛

也不識淳化三年十二月初四日留僧過
歲作偈曰吾今年邁六十七老病相依且
過日今朝記取明年事明年記著今年日
至次年十二月初四日升座辭衆曰諸子
謾波波過却幾恒河觀音指彌勒文殊不

柰何良久曰白銀世界金色身情與無情
共一真明暗盡時都不照日輪午後示全
身日午後泊然而化塔于首山嫡嗣汾陽
昭禪師餘如本傳

未改至道御制秘藏詮等○六月限僧尼額

戊真宗恒太宗第三子初名德昌又改元俤以軒轅為聖祖目曰昊天玉皇上

帝追封孔子曰至聖文宣王壽五十五崩于延慶殿改年咸平

帝製繼聖教序賜天竺三藏朝散大夫試
光祿卿明教大師法賢其辭曰高明肇分
三辰方乃序其始厚載初定萬彙於以發

浩六

七

平端清濁之體既彰善惡之源是顯然後
以文物立其教以正典化其俗利益之功
同歸於理於是乎像法來於西國真諦流
於中夏洞貫千古真實之理無以窮囊括
九圍玄妙之門莫能究言乎妄想則五蘊

皆空現乃真容則一毫圓滿廣大之教豈
能繼述者哉伏觀太宗皇帝法性周圓仁
慈普布化蠻貊則萬邦輻湊躋烝民於仁
壽之鄉崇教法則四海雲從惠蒼生於富
庶之域見尊經之浩汗設方便以救沉淪

知法界之恢宏行精進而攝懈怠乃擇其
邃宇校彼真文命天竺之高僧譯貝多之
佛語象管翻成於金字珠編復置於琅瑤
龍宮之聖藻惟新驚嶺之蕊蕩仰嘆繇是
三乘共貫四諦同圓盡苦空真正之言顯

秘密研精之義讀相相乎實相論空空乎
盡空華嚴之理合軌轍金仙之教同規矩
朕續嗣丕構恭臨寶圖常翼翼以撫兆民
每兢兢而守先訓以至釋典猶未精詳源
其幽深曷能探測有譯經西域僧法賢奏

章懇切致意專勤以先皇帝大闡真風高
傳佛日興前王之隆典振覺路之頽綱欲
旌天造之功庸用廣聖文之述作請予製
序繼聖教焉自聖考上仙追號固極息政
事之外何暇經心今已禪除思臻微與雖

幼承慈訓奈夙乏通才焉窮乎法海之津
涯莫造乎空門之閫域畧敷大意以徇輿
情蹄涔不足擬浴日之波尺筆豈能量昊
天之影聊述短序以紀聖功者焉

甲 改景德○東吳僧道源續開平以來宗師

治

六

機緣統集寶林聖賢等傳為傳燈錄三

十卷詰闕進呈帝覽之嘉賞勅翰林楊

億等刊正并撰序頒行天下

戊 改大中祥符○六月天書降太

乙 詔諸路置天慶觀○先是楊礪充襄王府

上真人服王者衣冠兼主南向前有案
置籍錄人姓名礪見已名居上因請示
休咎主人指一人曰此來和天尊異日
為汝主也礪問之天尊笑曰此去四十
年汝功成余名亦顯礪而志之及充襄
王府記室泰軍追而語諸人曰吾今見
尊王儀貌即來和天尊也上即位後
多奸神仙道家之術焉

丙 遼改開泰復號大契丹

甲 天竺三藏施法護譯佛吉祥等經二百餘
卷叅政趙安仁等潤文

乙 詔道釋藏經互相毀者刪去樞密王欽若

以化胡經乃古聖遺跡不可削○又詔

王欽若詳定羅天醮儀一十卷頒行

丁 改天禧○禁民棄父母而為僧道

巳帝於九月大會道釋于大安殿凡萬三千餘人先是建齋醮上

親臨賜以銀藥大錢

壬戌改乾興二月上崩○遼改年太平

杭州孤山智圓法師卒字無外自號中庸

子或稱潛夫生錢唐徐氏父母令入空門

治六

治九

八歲受具二十一聞奉先源清師傳天台

三觀之旨問辯凡二年而清歿遂居西湖

孤山學者歸之如市與處士林和靖為隣

友王欽若出撫錢唐慈雲遣使邀師同遊

之圓笑謂使者曰錢唐境上且駐却一僧

圓早癯瘵疾故又號病夫講道吟哦未嘗

倦預戒門人曰吾歿後母厚葬以罪我母

建塔以誣我母謁有位求銘以虛美我宜

以陶器二合而瘞之立石志名字年月而

已及亡門人如所戒斷所居岩以藏之不

屋而壇時乾興元年二月十七也壽四十

有七後十五年積雨山頽門人開視陶器

肉身不壞爪髮俱長脣微開露齒若珂貝

乃更襲新衣屑眾香散其上而重瘞之崇

寧三年賜諡法惠大師其所撰述般若經

遺教經疏各二卷瑞應經不思議法門經

無量義經普賢行法經彌陀經等疏及四

十二章經注各一卷首楞嚴經疏十卷又

撰闡義鈔三卷釋請觀音疏索隱記四卷釋光明句

刊正記釋觀經疏表微記一卷釋光明玄垂裕記十

卷釋淨名發源機要記二卷釋涅槃百非鈔

一卷釋涅槃三德指歸二十卷釋涅槃

顯性錄四卷釋金剛摭華鈔二卷釋圭峯

西資鈔一卷釋自造詒謀鈔一卷釋自造

谷響鈔五卷釋自造折重鈔一卷釋自造

若疎大論有
云折重令輕
正義一卷釋十不
閑居編五
十一卷雜著
皆假道適情為法行化之傍
贊云

佛祖歷代通載卷第二十六

卷六

于

音釋

怱 方俱切 木
也 怱也 出武都
也 充 乃豆切 木
也 充 乃豆切 木
也 充 乃豆切 木
字康切 魚
乘入水也 斲 斲也
斲也 斲也

妥 湯果切 初
坐也 切 膏
甞 齒陵切
與稱同 涖

佛祖歷代通載卷第二十七

治七

嘉興路大中祥符禪寺住持華亭念常集

仁宗禎

真宗第六子遺音即位上得皇子已晚始生日夜啼不止有道人能

止啼召入則曰莫叫莫叫何似當初莫笑帝即止蓋真宗嘗顧上帝祈嗣問羣仙誰當住者皆不答獨赤脚大仙一笑遂降為專在宮中好赤脚其驗也十二

治七

即位劉太后垂簾同聽政天治四十二年壽五十四葬於昭陵

改天聖元年○行崇天曆

子甲 是年汾陽善昭禪師示寂生俞氏太原人也器識沉邃不緣飾有大志於一切文字不由師訓自然通曉年十四父母俱喪孤

苦厭世相雜髮受具杖策遊方所至少留不喜觀覽或譏其不韻昭嘆曰是何言之陋哉從上先德行脚正以聖心未通馳求決擇爾不緣山水也師歷諸方見老宿七十一人皆妙得其家風尤喜論曹洞石門

徹禪師者蓋其派之魁奇者昭作五位偈示之曰五位參尋切要知纖毫變動即差違金剛透匣誰能曉唯有那吒第一機舉目便令三界靜振鈴還使九天歸正中妙挾通回互擬議鋒銚失却威徹拊掌稱善

然終疑臨濟兒孫別有奇處取後至首山問百丈卷席意旨如何曰龍袖拂開全體現昭曰師意如何曰象王行處絕狐踪於是大悟言下拜起而曰萬古碧潭空界月再三撈摭始應知有問者曰見何道理便爾自肯曰正是我放身命處服勤甚久辭去游湘衡間長沙太守張公茂宗以四名刹請昭擇之而居昭笑一夕遯去北抵襄沔寓止白馬太守劉公昌言聞之造謁以見晚為嘆時洞山谷隱皆虛席密議歸昭

太守請擇之昭以手擲揄曰我長行粥飯僧傳佛心宗非細職也前後八請堅臥不起淳化四年首山歿西河道俗千餘人協心削牘遣沙門契聰迎請住持汾州太平寺太子院昭閉關高枕聽排闥而入讓之

台十

二

曰佛法大事靜退小節風穴懼應識憂宗旨墜滅幸而有先師先師已弃世汝有力荷擔如來大法者今何時而欲安眠哉昭矍起握聰手曰非公不聞此語趨辨嚴吾行矣既至宴坐一榻足不越閫者三十年

天下道俗慕仰不敢名同曰汾州并汾地苦寒昭罷夜叅有梵僧振錫而至謂昭曰會中有大士六人柰何不說法言訖升空而去昭密記以偈曰胡僧金錫光請法到汾陽六人成大器勸請為敷揚時楚圓守

芝號上首藁林知名龍德府尹李侯與昭有舊虛承天致之使三反不赴使者受罰復至曰必欲得師俱往不然有死而已昭笑曰老病業已不出院借往當先後之何必俱耶使曰師諾則先後唯所擇昭令饌設且俶裝曰吾先行矣停箸而化閱世七十有八坐六十五夏

寅天聖四年賜天台教部入藏天竺寺思悟侍者焚軀為報國恩悟錢唐人初慈雲式公欲以智者教卷求入藏文穆王公

范七

三

將聞之朝悟曰非常事也小子將助之矣乃繪大悲像呪以擔曰事集焚軀報國會公薨悟誦呪益精是年得首克遂初志武為禪刻石焉 大陽禪師名警玄祥符中避國諱易稱警

延江夏張氏于其先蓋金陵人仲父爲沙門號智通住持崇孝延往依以爲師十九爲大僧聽圓覺了義經問講者何名圓覺曰圓以圓融有漏爲義覺以覺盡無餘爲義也延曰空諸有無何名圓覺講者嘆曰

是兒齒少而識卓如此我所何足以益之政如以穢食置寶器其可哉通知之使令遊方初謁鼎州梁山觀公問如何是無相道場觀指壁間觀音像曰此是吳處士畫延擬進語觀急索曰這箇是有相如何是無相底於是悟旨於言下拜起而侍觀曰何不道取一句子延曰道即不辭恐上紙墨觀笑曰他日此語上碑去在延獻偈曰我昔初機學道迷萬水千山覓見知明今辯古終難會直說無心轉更疑蒙師指

出秦時鏡照見父母未生時如今覺了何所得夜放烏鷄帶雪飛觀稱洞上之宗可倚矣延亦自負僑軫莫敢攀奉一時聲價籍甚觀歿辭塔出山至大陽謁堅禪師堅欣然讓法席使主之延受之咸平庚子歲

也示衆曰廓然去肯重去無所得心去平常心去離彼我心去然後方可所以古德道牽牛向溪東放不免納官家徭稅牽牛向溪西放不免納官家徭稅不如隨分納些些渠總不妨免致勞擾作麼生是隨分

遊記

四

納些些底道理但截斷兩頭有無諸法凡聖情盡體露真常事理不二即如如佛若能如此者法法無依平等大道萬有不繫隨處轉轍地更有何事延神觀竒偉有威重日常一食自以付受之重足不越限

脇不至席五十年年八十坐六十一夏嘆
無可以繼其法者以洞上旨訣寄葉縣省
公之子法遠使爲求法器傳續之天聖五
年七月十六日陞座辭衆又三日以偈寄
侍郎王曙曰吾年八十五修因至於此問
我歸何處頂相終難覩停筆而化

成四明延慶法智卒後於元豐三年冬其法
孫繼忠狀其行請文於宋清獻公趙 并撰
行業碑其畧曰師名知禮字約言金姓世
爲明州人梵相奇偉性恬而器閎初父母

禱佛求息夢神僧携一童遺曰此佛子羅
睺羅也既生以名焉毀齒出家十五落髮
受具二十從本郡寶雲通師傳天台教觀
始三日首座謂曰法界次第若當奉持禮
曰何謂法界座曰大總相法門圓融無碍

治七

五

者是也曰既圓融無碍何得有次第耶座
無語幾一月自講心經人皆屬聽而驚謂
教法之有賴矣居三年代通講銷義益闡
所學出住承天繼遷延慶道法大熾學徒
如林日本國師遺徒持二十問來詢法要

禮吞之咸臻其妙真宗久聞師名遣中使
至寺命修懺法厚有賜予歲大旱師馬遵
式等修光明爲禱而兩大洽所製指要妙
宗二鈔觀音品別行金光明諸記大悲懺
儀行于世翰林學士楊億駙馬李遵勗薦

以紫衣師號後於歲旦結光明懺七日爲
順寂之期至五日跌坐而逝實天聖六年
正月五日也享壽六十有九僧夏五十有
四云云

禩長水法師子璿嘉禾人初依洪敏師學楞

嚴至動靜之相了然不生有省聞瑯琊惠
覺道重當世趨至其門值其上堂致問曰
清淨本然云何忽生山河大地覺亢聲云
清淨本然云何忽生山河大地師豁然大
悟覺謂之曰汝宗不振久矣宜勵志扶持

以報佛恩師如教後住長水衆幾一千以
賢首宗旨述楞嚴經疏十卷行於世

中士 改明道 ○遼宗真立號興宗改景福

天竺慈雲法師遵式卒字知白葉氏台州
寧海人母王氏夢瞻明珠而生稍長不樂

隨兄為賈潛往東掖山出家年二十往禪
林受具明年習律學于守初式繼入國清
普賢像前燼一指誓傳天台之教雍熙初
來謁四明北面受業未幾智解秀出智者
諱日然頂終朝誓力行四三昧淳化初衆

治七

七

請居寶雲講未嘗歇靈異之迹具於本傳
明道元年十月十八日示疾不用醫藥唯
說法勉徒十日令請彌陀像以證其終至
夜脫然坐逝生年六十九夏五十明年仲
春四日徒衆奉遐榻葬于寺東月桂峯下

丙 ○放度天下三帳僧尼 ○遼改重熙

戊 改景祐 ○六月詔毀無額寺院

子 丙 ○詔選五十人童子習梵學

帝製天聖廣燈錄序賜護國將軍節度使
駙馬都尉李遵勗其辭曰唯大雄之闡教

也以清淨為宗慈悲救世解煩惱之苦縛
啓方便之化門安住雪山始階於西域飛
行漠殿遂通於東旦彼土得道何可勝言
此方承流於是乎在雖陰魔有以侮伐或
示神通而帝釋常加護持無虧實相自法

眼授記鞠多印心佛衣不傳逮六祖而頓
悟牛頭析派續千燈而罔窮繇斯慧炬益
繁法雲滋陰旁行梵學轉譯華音扣寂禪
關指迷覺路了達者至平離念超登者于
以忘筌爲無所不通之明處不可思議之

治七

七

首歷代聖帝明王且有爲之信向者矣我
太祖之乘錄也王法延乎住世我太宗之
握紀也妙供滿於諸天真宗皇帝密契菩
提之心深研善逝之旨能仁之化一兩晉
沾外護之心二纓喜捨朕嗣景祚子毓群

黎將以驅富壽之民居常奉調御之本不
冒基構雖祗席於蘿圖導引津梁每欽惟
於竺巒茲乃遵前王之道也其可忽諸天
聖廣燈錄者護國將軍節度使駙馬都尉
李遵勗之所編次也遵勗承榮外館受律

齋壇靡恃貴而驕矜頗澡心於夷曠竭積
順之志素趨求福之本因麗六根之情塵
別三乘之歸趣蹟其祖錄廣彼宗風采開
土之迅機集藜林之雅對粗裨於理咸屬
之篇嘗貢紺編來聞宸座且有勤請求錫

叙文朕既嘉乃誠重違其意載念薄伽之
旨諒有庇於生靈近戚之家又不嬰於我
惕良可嘉尚因賜之題豈徒然哉亦王者
溥濟萬物之源也其錄三十卷時景祐三
年四月賜序秋七月

有星數百西南流至
建東其光燭地累氣

此或地震裂泉涌水出如黑沙狀連年
不止
宋史

戊寅改寶元○元昊是年十二月僭號大夏改
年大慶

卯巳 秋八月禁以金箔飾佛像

辰庚 康定〇西夏入寇

巳辛 慶曆〇春二月京師兩藥

春正月初五慈明楚圖禪師示寂出全州

清相李氏少為書生年二十二依城南湘

治七

八

山隱靜寺得度母有賢行使之遊方公連

眉秀目頎然豐碩然忽繩墨所至為老宿

所呵以為少藜林公柴崖而笑曰龍象蹴

踏非驢所堪嘗橐骨董箱以竹杖荷之遊

襄沔間與守芝谷泉俱結伴入洛中聞汾

陽道望為天下冠決志親依時朝廷方問

罪河東路澤皆屯重兵多勸其無行公不

願渡大河登太行易服類廝養竄名火隊

中露眠草宿至龍州遂造汾陽昭公杜之

經二年未許入室公詣昭揣其志必罵詬

使令者或毀詆諸方及有所訓皆流俗鄙

事一夕訴曰自至法席已再夏不蒙指示

唯增世俗塵勞念歲月飄忽已事不明失

出家之利語未卒昭公熟視罵曰是惡知

識敢稗販我舉杖逐之擬伸救昭公掩其

口公大悟曰乃知臨濟道出常情服役七

年辭去依唐明高公及往見大年楊內翰

又見李都尉問答具本傳後移住興化沐

浴薛衆跣趺而逝閱世五十有四坐夏三

十有二

治七

九

未癸 十一月五星出東方司天監言注中國大

安黃河社
兩赤雪

申甲 〇元昊十二月詔冊昊為夏國主更名曩

宵

丙 楊岐方會禪師順寂生冷氏袁州宜春人

也少警敏滑稽談劇有味及冠不喜從事
筆硯窳名商稅掌課最坐不職當罰宵遁
立遊筠州九峯恍然如昔經行處眷不忍
去遂落髮爲大僧閱經聞法心融神會能
痛自折節依叅老宿慈明住南原輔之安

樂勤苦及迂道吾石霜會自請領監院事
非慈明之意衆論襍然稱善挾楮衾入典
金谷時時恣語摩佛慈明諸方得以爲當
慈明飯罷必山行禪者問道多失所在會
聞其出未遠即搥鼓集衆明遽還數曰少

藜林莫而陞座何從得此規繩會徐對曰
汾陽晚叅也何爲非規繩乎慈明無如之
何今藜林三八念誦罷猶叅者此其原也
辭之還九峯萍實道俗請住楊岐時九峯
長老勤公不知會驚曰會監寺亦能禪乎

會受帖問答罷乃曰更有問話者麼試出
來相見楊岐今日性命在汝諸人手裏一
任橫拖倒拽爲什麼如此大丈夫兒須是
對衆決擇莫背地裏似水底按葫蘆相似
當衆勘驗看有麼若無楊岐失利下座勤

把住曰今日且得箇同叅曰同叅底事作
麼生勤曰楊岐牽犁九峯拽杷曰正當與
麼時楊岐在前九峯在前勤無語托開曰
將謂同叅元來不是自是名聞諸方示衆
曰不見一法是大過患拈拄杖云穿過釋

注

十

迦老子鼻孔作麼生道得脫身一句向水
不洗水處道將一句來良久曰向道莫行
山下路果聞猿叫斷腸聲慶曆六年移住
潭州雲蓋以臨濟正脉付守端

于文潞公破具州王郎以不殺而增壽九十

三位極人臣之上矣

言法華者莫知其所從來初見之於景德寺七俱胝院梵相奇古直視不瞬口吻袞袞不可識相傳言誦法華經故以為名時獨無從多行市里褰裳而趨或舉手書空

佇立良久從屠沽游飲啖無所擇道俗咸目為狂僧丞相呂許公問佛法大意答曰本來無一物一味總成真僧問世有佛否對曰寺裏文殊有問師凡耶聖耶舉手曰我不在此住至和三年仁宗始不豫國嗣

未立天下寒心諫官范鎮首發大義乞擇宗室之賢者使攝儲貳以待皇嗣之生退居藩服不然典宿衛尹京邑以係天下之望并州通判司馬光亦以為言凡三上疏一留中二行中書上夜焚香默禱曰翌日

治七

士

化成殿具齋虔請法華大士俯臨無却清旦上道衣疑立以待俄馳奏言法華自右掖門徑趨將至寢殿侍衛呵止不可上笑曰朕請而來也有頃至輒升御榻跣趺而坐受供訖將去上曰朕以儲嗣未立大臣

咸以為言侵尋晚莫嗣息有無法華其一決之師索筆引紙連書曰十三十三凡數十行擲筆無他語皆莫測其意其後英宗登極乃濮安懿王第十三子方驗前言也嘉祐戊戌十一月二十三日將化謂人曰

我從無量劫來成就逝多國土分身揚化今南歸矣語畢右脇而寂

丑 皇祐〇九月儂智高亂於廣五年狄青平

之〇李觀字泰伯盱江人時稱大儒嘗著潛書力於排佛明教嵩公携所著輔教編

謁之辯明觀方留意讀佛書乃喟然曰吾輩議論尚未及一卷般若心經佛教豈易知耶心經乃唐太宗詔三藏立契所譯纔五十四句二百六十七字耳泰伯所言非其自肯安能爾哉范文正公以表薦于帝

嘗就門下除一官復差充太學說書未幾是年卒

浮山法遠禪師迂化鄭圃田人也出于王氏年十九遊并州見三交嵩公求出世法嵩曰汝當剃髮墮三寶數乃可授法遠曰法有僧俗乎嵩曰與其爲俗曷善爲僧僧則能續佛壽命故也於是斷髮受具謁汾陽昭公又謁汝海省公皆受記蒞天禧中游襄漢隋郢至大陽機語與明安延公相契延嘆曰吾老矣洞上一宗遂竟無人耶

以平生所著直裰皮履示之遠曰當爲持此衣履求人付之如何延許之曰他日果得人出吾偈爲證偈曰楊廣山前草憑君待價煇異苗蕃茂處深密固靈根其尾云得法者潛衆十年方可闡揚遠拜受辭去

依滁之瑯琊覺公應舒之太平興國寺請說法爲省公之學次住姑胥天平又住浮山既老退休於會聖岩遠玉骨插額目光外射狀如王孫凜然可畏初歐陽文忠公聞遠竒逸造其室未有以異之與客碁遠坐其旁歐收局請遠因碁說法乃鳴鼓升座曰若論此事如兩家着碁相似何謂也敵手知音當機不讓若是繼五饒三又通一路始得有一般底只解閉門作活不會奪角衝關硬節與虎口齊彰局破後徒勞

連幹所以道肥邊易得瘦肚難求思行則
往往失粘心簾而時時頭撞休誇國手謾
說神仙羸局輸籌即不問且道黑白未分
時一著落在什麼處良久曰從前十九路
迷悟幾多人文忠加歎久之遠偈語妙密

治七

十三

諸方服其工作三交嵩公讚曰黃金打作
鑰石筋白玉碾成象牙梳千手大悲拈不
動無言童子暗嗟吁又作明安玄公贊曰
黑狗爛銀蹄白象崑崙騎於斯二無碍木
馬火中嘶歿時已七十餘雅自稱柴石野

人餘如
本傳

皇祐二年正月詔大覺懷璉禪師住東都
淨因本漳州陳氏子嗣泐潭澄公嘗燕坐
室中見金蛇從地而出須臾隱去識者贊
為吉徵師嘗於廬山圓通掌記室初仁宗

聞圓通訥公名詔住淨因訥稱目疾不能
奉詔有旨令舉自代遂舉師先是仁廟閱
投子語至僧問如何是露地白牛投子連
叱乃有省製釋典頌十四章其首篇曰若
問主人公真寂合太空三頭并六臂臆月

正春風尋以賜璉璉和曰若問主人公澄
澄類碧空雲雷時鼓動天地盡和風既進
經乙夜之覽宣賜龍腦鉢璉謝恩罷捧鉢
曰吾法以壞色以瓦鐵食此鉢非法遂焚
之中使回奏皇情人悅久之奏頌乞歸山

曰六載皇都唱道機兩曾金殿奉天威青
山隱去欣何得滿篋唯將御頌歸上和曰
佛祖明明了上機上機全得始全威青山
般若如如體御頌收將什處歸再進頌謝
曰中使宣傳出禁闈再令臣住此禪扉青

山未許藏千拙白髮將何補萬機霄露息
輝方湛湛林泉情味苦依依堯仁況是如
天闊應任孤雲自在飛至治平中復上疏
丐歸山歛偈曰千簇雲山萬壑流歸心終
老此峯頭餘生願祝無疆壽一炷清香滿

治七

十四

石樓英廟付以劄子曰大覺禪師懷璉受
先帝聖眷累錫宸章屢貢款誠乞歸林下
今從所請俾遂閑心凡經過小可菴院隨
性住持或十方禪林不得逼抑堅請璉携
之東歸鮮有知者蘇翰林軾知杭州以書

問之曰承要作宸奎閣碑謹已撰成衰朽
廢學不知堪上石不見叅寥說禪師出京
日英廟賜手詔其畧云任性住持不知果
有不切請錄示全文欲添入此一節璉終
歲不出逮委順後獲於篋笥其不恭矐者

此

卯子世尊示滅二千年矣

寅壬雪竇顯禪師字隱之太平興國五年四月
八日生於遂州李氏幼精銳讀書知要下
筆敏速然雅志丘經父母不能奪依益州

普安院仁銑為師落髮受具出蜀浮沉荆
渚間歷年嘗典賓大陽與客論趙州宗旨
客曰法眼禪師嘗避造覺鐵背於金陵覺
趙州侍者也號稱明眼問曰趙州栢樹子
因緣記得不覺曰先師無此語莫謗先師

治七

十五

好法眼曰真獅子窟中來覺公言無此語
而法眼肯之其旨安在顯曰宗門抑揚那
有規轍乎時有苦行名韓大伯者貌寒瘦
侍其旁輒匿笑去客退顯數之曰我偶客
語爾乃敢揚笑笑何事對曰笑知客智眼

未正擇法不明顯曰豈有說乎對以偈曰
一兔橫身當古道蒼鷹繞見便生擒後來
獵犬無靈性空向枯椿舊處尋顯陰異之
結以為友北遊至復州北塔祚公香林之
嫡厚雲門之孫也祚遠皆蜀人知見高莫

能觀其機顯俊邁祚愛之遂留五年盡得
其道顯與學士曾公會厚善相值淮南問
顯何之曰將造錢唐絕西興登台鷹曾曰
靈隱天下勝處珊禪師吾故人以書薦顯
顯至靈隱三年陸沉衆中俄曾公奉使浙

西訪顯于靈隱無識之者堂僧千餘人使
吏檢床曆物色求之乃至曾問向所附書
顯袖納之曰公意勤然行脚人非督郵也
一曰然行脚人於世無求敢希薦達曾公大笑珊公以是許
之吳中翠峯虛席舉顯出世開法日顧視

大衆曰若論本分相見不必高陞此座乃
以手指曰諸人隨山僧手看無量佛土一
時現前各各于細觀瞻其或淫淡未分不
免拖泥帶水於是登座又環顧大衆曰人
天普集合發明何事豈可互分賓主馳騁

問荅便當宗乘去廣大門風威德自在輝
騰今古把定乾坤千聖只言自知五乘莫
能建立所以聲前悟旨猶迷顧鑑之端言
下知歸尚昧識情之表諸人要識真實相
為麼但得上無攀仰下絕已躬自然常光

治七

六

現前箇箇辟立千仞還辯明得也無未辯
辯取未明明取既辯明得便能截生死流
踞佛祖位妙圓超悟正在此時堪報不報
之恩以助無為之化後還明之雪竇宗風
大振天下龍蟠鳳逸衲子爭集號雲門中

興嘗經行植杖衆衲遠之忽問曰有問雲
門樹凋葉落時如何曰體露金風雲門答
者僧耶爲解說耶有宗上座曰待老漢有
悟處即說顯熱視驚曰非韓大伯乎曰老
漢瞥地也於是令搥鼓衆集顯曰今日雪

寶宗上座乃是昔年大陽韓大伯具大智
見晦迹韜光欲得發揚宗風幸願特升此
座宗遂陞座僧問劍未出匣時如何曰神
光射斗牛問出匣後如何曰千兵易得一
將難求僧退宗乃曰寶劍未出匣神光射
斗牛千兵雖易得一將實難求便下座一
衆大驚師敷揚宗旨妙語遍藜林皇祐四
年六月十日沐浴罷整衣側臥而化闍世
七十二坐五十夏建塔山中得法上首天
衣義懷禪師

神改至和 ○封孔愿衍聖公

華嚴道隆禪師不知何許人至和初遊京
師客景德寺日縱觀都市歸嘗二鼓謹門
者呵之不悛一夕還不得入卧于門之下
仁宗夢至景德寺門見龍蟠地驚覺中夜
遣中使往視之乃一僧熟睡已再甦撼之
驚覺問名字歸奏上問名道隆乃喜曰吉
徵也明日召至偏殿問宗旨隆奏對詳允
上大悅有旨館于大相國燒朱院王公貴
人爭先願見隆未盥漱戶外之屨滿矣上
以偈句相酬唱絡繹於道或入對留宿禁
中禮遇特厚賜號應制明悟禪師隆少時
事石門徹公親授洞山旨訣後謁廣慧璉
公慧方欲剃髮使隆將橈子來廣慧曰道
者我有橈子詩聽取詩曰放下便平穩後

因叙陳在石門所悟公案慧曰石門所示如百味瓊羞只是飽人不得後來有炷香不欲兩頭三緒為伊燒却故為蓮之嗣隆為人寬厚不矜伐以真慈普敬行心歿時年八十餘盛暑安坐七日手足柔和全身

建塔于寺之東廣如本傳

乙未 ○遼洪基道宗立興宗子也改年清寧

治四十六年

丙申 嘉祐元年

五年正月元日達觀曇穎禪師迂化生錢

唐丘氏年十三依龍興寺為大僧神情秀特於書無所不觀為詞章多出塵語十八九遊京師時歐陽文忠公在場屋穎識之游相樂也初謁大陽明安禪師問洞上持設偏正君臣意明何事安曰父母未生時

治七

五一六

十六

龍藏

事又問如何體會安曰夜半正明天曉不露穎固然棄去至石門謁聰禪師理明安之語曰師意如何聰曰大陽不道不是但口門窄滿口說未盡老僧則不與麼穎曰如何是父母未生事聰曰糞墜子又問如

何是夜半正明天曉不露聰曰牡丹繁下睡猶兒穎愈疑駭日扣之竟無得益自奮曰吾要以死究之不鮮終不出山聰一日見普請問曰今日運薪乎穎曰然運薪聰曰雲門嘗問人搬柴搬人如何會穎不能對聰因植杖於座笑曰此事如人學書點畫可做者工不者拙何故如此未忘法耳如有法執故自為斷續當筆忘手手忘心乃可也穎於是默契其旨良久曰如石頭曰執事元是迷契理亦非悟既曰契理

何謂非悟聰曰汝以此句爲藥語爲病語
穎曰是藥語聰呵曰汝乃以病爲藥又可
哉穎曰事如函得蓋理如箭直鋒妙寧有
加者而猶以爲病茲實未論聰曰借其妙
至是亦止明事理而已祖師意旨知識所

治

九

不能到矧事理乎故世尊曰理障碍正知
見事障能續生死穎恍如夢覺曰如何受
用聰曰語不離窠曰安能出蓋纏穎嘆曰
纔涉唇吻便落意思皆是死門終非活路
辭去過京師寓止駙馬都尉李端愿之園

日夕問道一時公卿多就見聞其議論隨
機開悟李公問曰地獄畢竟是有是無答
曰諸佛向無中說有眼見空花太尉向有
中覓無手攢水月堪笑眼前見牢獄不避
心外見天堂欲生殊不知忻怖在心善惡

成境太尉但了自心自然無惑曰心如何
了答曰善惡都莫思量又問不思量後心
歸何所穎曰且請太尉歸宅穎東遊初住
舒州香鑪峯移住潤州因聖太平之隱靜
明之雪竇又遷金山龍游寺嘉祐四年除

夕遣侍者持書別楊州刁景純學士曰明
且當行不暇相見厚自愛景純開書乃驚
曰當柰何復書決別而已中夜候吏報揚
州馳書船將及岸穎欣然遣搥鼓陞座叙
出世本末謝裨贊聚林者勸修勿怠曰吾

化當以賢監寺次補下座讀景純書畢大
衆擁步上方丈穎跣趺揮令各遠立良久
乃化閱世七十有二夏五十有三

○歐陽脩宋祁脩唐書成○脩又撰五代
史七十四卷將舊唐史所載釋道之事

並皆剛去惜哉

子庚

六月丞相曾公亮進新脩唐書二百五

十卷

天衣義懷禪師生陳氏温州樂清人世以漁為業母夢星墮于屋除而光照戶遂娠

治七

子

及生尤多奇兒稚坐父船尾漁得魚付懷懷不忍串之私投江中父怒笞詬甘甜之不介意長游京師依景德寺試經得度時有言法華者不測人也行市中拊懷背曰臨濟德山去初謁金鑿善禪師不契後

謁葉縣省公又不契東遊洞庭翠峯懷當營炊自汲澗折檐悟旨顯公印可以為奇辭去久無耗有僧自淮上來曰懷出世鐵佛矣顯使誦提唱之語辟如鴈過長空影沉寒水鴈無遺踪之意水無留影之心顯

激賞以為類已先使慰撫之乃敢通門人之禮諸方服其精識自鐵佛至天衣五遷法席皆荒涼處懷至必幻出樓觀晚以疾居池州杉山菴弟子智才住杭之佛日迎歸養待劑藥才如姑胥未還懷促其歸至

門而懷已別眾才問外塔已畢如何是畢竟事懷豎拳示之遂倒卧推枕而化世壽七十二坐四十六夏葬佛日山崇寧中勅諡振宗大師

卯癸

三月廿八日帝崩○歐陽文忠公昔官洛

金已

子

中一日遊嵩山却去僕吏放意而往至一山寺入門脩竹滿軒公休於殿陛旁有老僧閱經自若與語不甚顧答公心異之曰道人住山久如日甚久也又問誦何經曰法華經公曰古之高僧臨生

死之際類皆談笑脫去何道致之耶對曰定慧力耳又問今乃寂寥無有何哉老僧笑曰古之人念念在定慧臨終安得亂今之人念念在散亂臨終安得定文忠大驚不自知膝之屈也謝希深嘗

作文記其事林間

北京天鉢寺重元禪師出青州千乘縣孫氏法嗣天衣文潞公彥博出相鎮魏府請住本寺是夏別公示姪茶毘煙到成舍利公執瓶禱之煙入舍利填瓶公乃竭志內

典馬

甲辰

改治平英宗署

太祖孫僕安懿王名讓之子初名宗實仁宗無子立

為皇子賜名曙韓琦司馬光定策立之

三十三歲即位三十七歲崩在位四年
雲峯文悅禪師南昌人生於徐氏七歲剃髮於龍興寺短小粹美有精識年十九策

杖遊江淮至筠州大愚見屋老僧殘荒涼如傳舍芝自提笠日走市井暮歸閉關高枕悅無留意焉欲裝包發去將行而兩雨止芝陞座曰大家相聚喫菓齏喚作一莖蘆入地獄如箭射下座無他語悅大駭夜

造丈室芝曰來何所求曰求佛心法芝曰法輪不轉食輪先轉後生趣有色力何不為衆乞食我忍饑不暇暇為汝說法乎悅不違即請行及還移住西山翠岩悅又往依之夜詣丈室芝曰又欲求佛心法乎汝

拾七

五

不念乍住屋壁踈漏又寒雪我日夜望汝來為衆營炭我忍寒不能能為汝說法乎悅又不敢違入城化炭還時維那缺悅夜造丈室芝曰佛法不怕爛却堂司一職今以煩汝悅不得語而出明日鳴捷相堅請

悅有難色拜起欲棄去業已勤勞又因中止然恨芝不去心地坐後架架下東破桶盆自架而墮忽開悟頓見芝從前用處走搭伽梨上寢堂芝迎笑曰維那且喜大事了畢悅再拜汗下不及吐一詞而去服勤

八年而芝歿東游三吳所至藜林改觀雲竇顯禪師尤敬畏之每集眾茶橫設榻榻示禮異之南昌移文請住翠峯又遷雲峯嘉祐七年七月八日陞座辭眾說偈曰住世六十六年為僧五十九夏禪流若問旨歸鼻孔大頭向下遂泊然而化闍維得五

色舍利塔於禹溪之北余如傳燈三月午慧現西方庚申晨見于室小大如月長七尺許丁巳昏見于鼻如太白長丈有五尺壬午幸于畢如月至五日沒次年正月上崩于福寧殿矣未詔民間私造寺院屋宇及三十間者可賜

額曰壽聖悉存之
大教東被一千年矣

佛祖歷代通載卷第二十七

音釋

顛音藥厚以利切揄徒口切鬢許縛急禿
也也頰貌然佳也焯徒門切又也滁水直余切

治七

三

佛祖歷代通載卷第二十八

治八

嘉興路大中祥符禪寺住持華亭念常集

戊申神宗項母曰宣仁聖烈皇后高氏曹太后之甥也幼與英宗同鞠后時後為英宗配生帝自穎王為太子尋即位

三十八歲崩于福寧殿葬永裕陵

年熙寧是年地動非常

治八

遼國咸雍四年是年金主阿骨打生

知諫院錢公輔言遇歲飢河決粥祠部

以濟急從之

詳見年三月十六日圓通居訥禪師卒字中

敏出于蹇氏梓州中江人少而英持詩書

過目成誦年十一依漢州什邡竹林寺元

昉十七試法華得度受具於穎真律師以

講學冠兩川耆年多下之會有禪者自南

方還稱祖道被天下馬大師什邡人應般

若多羅識蜀之豪俊以經論聞者如亮公

而亮棄徒隱西山如鑒公而鑒焚疏鈔稱

滴水莫敵巨海訥撫然良久曰汝知之乎

曰我不能知子欲知之何惜一往訥於是

出蜀後遊廬山得法于榮禪師南康守程

師孟請住歸宗又遷圓通仁宗皇帝聞其

名皇祐初詔住京之淨因訥稱目疾不能

奉詔有旨令舉自代遂舉僧懷璉禪學精

深居其之右於是璉應詔引對問佛法大

意稱旨天下賢訥知人既老休居於寶積

岩無疾而化世壽六十有二坐四十有五

夏

明教契嵩禪師字仲靈藤州鐘津李氏子

也七歲出家既受具嘗戴觀音像誦其名

號一日十萬聲經傳雜書靡不博究得法

洞山聰公明道間從豫章西山歐陽氏昉

借其家藏之書讀於奉聖院遂以佛五戒十善通儒之五常著為原教篇是時歐陽文忠公慕韓昌黎排佛盱江李泰伯亦其流嵩乃携所業三謁泰伯以儒釋胎合且抗其說李愛其文之高理之勝因致書譽

嵩於歐陽既而居杭之靈隱撰正宗記定祖圖賈往京師經開封府投狀府尹王公素仲儀以劄子進之曰臣今有杭州靈隱寺僧契嵩經臣陳狀稱禪門傳法祖宗未甚分明教門淺學各執傳記古今多有爭

競故討論大藏備得禪門祖宗本末因撫繁撮要撰成傳法正宗記一十二卷并畫祖圖一面以正傳記謬誤兼著輔教篇印本一部三卷上陛下書一封並不干求恩澤乞臣繳進臣於釋教屢曾留心觀其筆

治八

二

削註述故非臆論頗亦精緻陛下萬機之暇深得法樂願賜聖覽如有可采乞降中書看詳特與編入大藏目錄取進止仁廟覽其書可其奏勅送中書丞相韓魏公叅政歐陽文忠公相與觀歎探經考證既無

訛謬於是朝廷旌以明教大師賜書入藏中書劄子有曰權知開封府王素奏杭州靈隱寺僧契嵩撰成傳法正宗記并輔教編三卷宜令傳法院於藏經收附傳法院准此由是名振海內已而東還屬蔡公襄

治八

三

為守延置佛日山居數年退老于靈隱永安精舍熙寧五年示寂闍維六根不壞者三日眼曰舌曰童真與頂骨數珠為五舍利紅白晶潔狀如大菽葬于永安之左白雲守端禪師示寂生衛之葛氏幼工翰

墨不喜處俗依茶陵郁山主剃髮年二十餘參顛禪師顛沒楊岐會公嗣居焉一見端竒之每與語終夕一日忽問上人受業師端曰茶陵郁和上曰吾聞其過溪自省作偈甚竒能記不端即誦曰我有明珠一

顆久被塵勞關鎖今朝塵盡光生照破山河萬朵會大笑起去端愕視左右通夕不寐明日求入室咨諭其事時方歲旦會曰汝見昨日昨夜狐者麼端曰見會曰汝一籌不及渠端又大駭曰何謂也會曰渠愛

人笑汝怕人笑端於言下大悟辭去游廬山圓通訥公見之自以爲不及舉住江州承天又讓席以居之而自處東堂端時年二十八自以前輩讓善叢林責已甚重故敬嚴臨衆以公滅私於是宗風大振未幾

訥公厭閒寂郡守至自陳客情太守惻然目端端笑唯唯而已明日升座曰昔法眼有偈曰難難難是遣情難淨盡圓明一顆寒方便遣情猶不是更除方便太無端大衆且道情作麼生遣喝一喝下座負包去

一衆大驚挽之不可遂渡江夏於五祖之閒房舒州小刹號法華住持者如籠中鳥不忘飛去舒守聞端高風欲以觀其人移文請居之端欣然杖策來衲子至無所容士大夫賢之及遷白雲海會升座顧視衆

治八

四

曰鼓聲未擊已前山僧未登座之際好箇古佛樣子若人向此薦得可謂古釋迦不前今彌勒不後更聽三寸舌頭帶出來底早已參差須有辯參差眼方救得完全乃曰更與汝老婆開口時末上一句正道着

舉步時末上一步正踏着為甚麼鼻孔不正為尋常見鼻孔頽了所以不肯放心今日勸諸人發却去良久曰一便下座其門風悄拔類此

丑癸 詔同天節日普度僧尼

法師惠辯字訥翁華亭傅氏號海月受業普照初遊學天竺明智一見竒之即盡心學教觀智將老命居第一座以代講後八年明智韶公俾繼主席翰林沈遵治杭任威見者多惶懼失據辯從容如平生遵異

之任以都僧正東坡時為通守作序以贈之曰錢唐佛僧之盛蓋甲天下道德才智之士與妄庸巧偽之人雜處其間號為難齊故僧正副之外別補都僧正一員簿書案牒奔走將迎之勞專責副正以下而都

治

五

師總領要畧實以解行表眾而已師既蒞職凡管内寺院虛席者即消日會諸刹及座下英俊開問義科場設棘圍糊名考校十問五中者為中選不及三者為降等然後隨院等差以次補名由是諸山仰之咸

以為則講授二十五年學者常及千人晚年倦于勤歸隱草堂熙寧六年七月十七日旦起盥濯告眾就別令掌跏趺而化初辯遺言須東坡至方闔龕四日坡至見跏趺如生其頂尚温坡盡敬而去

丁 荆國公王安石奏施金陵舊第為寺請真淨克文住持賜額曰保寧

戊 改元豐

庚 慈聖光獻太后是歲二月崩會京城千座法師于慶壽殿齋例賜棋服師名○制革

相國寺六十四院爲二禪八律詔宗本
禪師住惠林引對於延和殿問法

西辛吉州慶開禪師示窅出卓氏福州人也法
嗣南禪師茶毘烟至舍利遍布四十餘里
蘇子由爲銘

亥癸京城翽法雲寺成

舒州投子名義青本青社人李氏子也七
齡穎異去妙相寺出家十五試法華得度
爲大僧其師使習百法論嘆曰三祇途遠
自困何益哉入洛中聽華嚴五年反觀文

字一切如肉受串處處同其義味嘗講至
於法慧菩薩偈曰即心自性忽猛省曰法
離文字寧可講乎即棄去遊方至浮山時
圓鑑遠公退席居會聖岩夢得俊鷹鷲畜之
既覺而青適至遠以爲吉徵加意延禮之

治八

六

留止三年遠問外道問佛不問有言不問
無言時如何世尊默然汝如何會青擬進
語遠驚以手掩其口於是青開悟琴起遠
曰汝妙悟玄微耶對曰設有妙悟也須吐
却時有資侍者在旁曰青華嚴今日如病

得汗青回顧曰合取狗口汝更切切我即
便嘔服勤又三年浮山以大陽皮履布撮
付之曰代吾續洞上之風吾住世非久善
自護持毋留此間青遂辭出山閱大藏於
廬山惠日寺熙寧六年還龍舒道俗請住
白雲山海會寺計其得法之歲至此適幾
十年又八年移投子山道望日遠禪者日
增異苗蕃茂果符前識青平生不畜長物
弊衲楮衾而已初開山慈濟有記曰吾塔
若紅是吾再來邦人偶修飾其塔作瑪瑙

色未幾而青領院事山中素無水泉每以爲病忽有泉出山石間甘涼清潔郡守賀公名爲再來泉元豐六年四月末示微疾以書辭郡官諸禮越五月四日灌沐升座別衆罷寫偈曰兩處住山無可助道珍重

治八

七

諸人不須尋討遂泊然而化闍維收靈骨舍利塔于寺之西北三峯庵之後閱世五十有二坐夏三十有七無爲子楊傑爲贊其像曰一隻履兩牛皮金烏啼處木雞飛半夜賣油翁發笑白頭生得黑頭兒有得

法上首一名道楷禪師

子甲司馬光表進所編書賜名資治通鑑帝親製序授資政殿學士嘗作秀水真如華嚴法堂記曰壬辰歲夏四月僧清辨踵門來告曰清辨秀州真如草堂僧也真如故有

講堂痺狹不足以庥學者清辨與同術惠宗治而新之今高顯矣願得子之文刻諸石以諗來者光謝曰光文不足以辱石刻加平生不習佛書不知所以云者師其請諸他人曰清辨所不敢請也故維子之歸

而子又何辭光固辭不獲乃言曰師之爲是堂也其志何如曰清辨之爲是堂也屬堂中之人而告之曰二三子苟能究明吾佛之書或不能則將取於四方之能者皆伏謝不能然後相率抵精嚴寺迎沙門道

歡而師之又屬其徒而告之曰凡我二三子肇自今以及于後相與協力同志堂圯則扶子師缺則補之以至子金石可弊山淵可平而講肄之聲不可絕也光曰師之志則美矣抑光雖不習佛書亦嘗剽聞佛

之爲人矣夫佛蓋西域之賢者其爲人也清儉而寡欲慈惠而愛物故服弊補之衣食蔬糲之食若居野處斥妻屏子所以自奉甚約而憚於煩人也雖草木蟲魚不敢妄殺蓋欲與物並生而不相害也凡此之

治八

八

道皆以消繁其身不爲物累蓋中國於陵子仲焦先之徒近之矣聖人之德周賢者之德徧周者無不覆而末流之人猶未免棄本而背原况其偏者乎故後世之爲佛書者日遠而日訛莫不侈大其師之言而附益之以淫恠誣罔之辭以駭俗人而取世資厚自豐殖不知厭極故一衣之費或百金不若綺紈之爲愈也一飯之直或萬錢不若膾炙之爲省也高堂鉅室以自奉養佛之志豈如是哉天下事佛者莫不然

而吳人爲甚師之爲是堂將以明佛之道也是必深思於本原而勿放蕩於末流則斯堂爲益也豈其細哉

金國李屏山曰蘇軾作司馬光墓誌云公不喜佛曰其精微大抵不出於吾書其誕

吾不信嗟乎聰明之障人如此其甚耶同則以爲出於吾書異則以爲誕而不信適足以自障其聰慧而已聖人之道其相通也如有關雋其相合也如有符璽相距數千里如處一室相繼數萬世如在一席故

治八

九

孔子曰西方有聖人焉莊子曰萬世之後一遇大聖而知其解者是旦暮遇之也其精微處安得不同列子曰古者神聖之人先會鬼神魑魅次達八方人民未聚禽獸蟲蛾備知萬物情態悉解異類音聲其所

教訓無遺逸焉何誕之有孔子游方之內故六合之外存而不論鄒衍列禦寇莊周方外之士已無所不談矣顧不如佛書之縷縷也以非耳目所及光不敢信既非耳目所及吾敢不信耶郭璞日者也十年於晉室若合符券疑吾佛不能記百萬之多劫耶左慈術士也變形於魏都皆同物色疑吾佛不能示千百億之化身耶長房壺中之游人信之矣不信維摩丈室容三萬座與納須彌於芥子中之說乎邯鄲枕上之夢人信之矣不信多寶佛塔住五千劫耶度僧祇如彈指頃之說乎若俱不信不知光亦嘗有夢否瞑於一床栩栩少時也山川聚落森然可狀人物器皿何所不有俯仰酬酢於其間自成一世此特凡夫第

六分離識之所影現者耳其力如是况以如來大圓鏡智菩薩之幻三昧乎學者當自消息之母虛名所劫持也

丑乙

程顥明道先生門人蓋也神宗素聞其名數召見一日因與安石論事不合安石曰

公之學如上壁言難行也顥曰叅政之學如捉風李定劾其新法之初首為異論罷歸故官又坐獄逸囚責監汝州上即位召為宗正未行而卒顥與弟頤論學汝南周敦遂厭科舉之習慨然有求道之志謂孟

治八

十

軻沒而聖學不傳以興起斯文為已任其言曰道之不明異端害之也昔之害近而易知今之害深而難辨昔之惑人也乘其迷暗今之惑人也因其高明自謂窮神知化而不足以開物成務名為無不周遍而

其實則外於倫理雖云窮深極微而不可以入堯舜之道天下之學者非淺陋固滯則必入於此自道之不明也邪誕妖異之說競起塗生民之耳目溺天下於汚濁高才明智膠於見聞醉生夢死不自覺也是皆正路之藜蕪聖門之蔽塞闢之可以入道其教人自致知至于知止誠意至于平天下洒掃應對至於窮理盡性循循有序病世之學者捨近而趨遠處下而窺高所以輕自大而卒無得也○金國李屏山居士辨曰

程顥論學於周敦頤曰道之不明異端害人也古之害近而易知今之害深而難辨昔之或人也乘其迷暗今之或人也因其高明自謂之窮神知化而不足以開物成

治八

士

務名爲無不周徧而其實乖於倫理雖云窮深極微而不可以入堯舜之道天下之學者非淺陋固滯則必入於此悲夫諸儒排佛老之言無如此說之深且痛也吾讀周易知異端之不足恠讀莊子知異端之

皆可喜讀維摩經知其非異端也讀華嚴經始知無異端也周易曰夫道並行而不相悖或處或出或默或語殊塗而同歸一致而百慮雖有異端何足恠耶莊子曰不見天地之全古之人大體道術爲天下裂如耳目鼻口之不通楂梨橘柚之不同味雖不足以用天下可爲天下用恢詭譎恠道通爲一是異端皆可喜者維摩經曰諸邪見外道皆吾侍者六地菩薩乃作魔謗于佛毀於法不入衆數隨六師墮乃可

取食然無異端也華嚴經曰入法界品諸善知識阿僧祇數皆於無量劫行菩薩道國王長者居士僧尼婦人童女外道鬼神船師醫卜與粥香者無非法門畧見五十三種無厭足王之殘忍婆須密女之淫蕩勝熱仙人之刻苦聚沙童子之嬉劇大天之恠異主夜之幽陰皆有大解脫門此法界中無復有異端事道無古今害豈有深淺哉但恐迷暗者未必迷暗高明者自謂高明耳嘗試論之三聖人者同出於周如日月星辰之合於扶桑之上如江河淮漢之匯於尾閭之淵非偶然也其心則同其迹則異其道則一其教則三孔子游方之內其防民也深恐其眩于太高之說則蕩而無所歸故約之以名教老子游方之外

法入

士

其導世也切恐其昧于至微之辭則塞而無所入故示之以真理不無有少齟齬者此其徒之所以支離而不合也吾佛之書既東則不如此大包天地而有餘細入秋毫而無間假諸夢語戲此幻人五戒十善開人天道於鹿苑之中四禪八定建聲聞乘於鷲峯之下六度萬行種菩薩之因三身四智結如來之果登正覺於一刹那間度有情於阿僧祇劫豎窮三界橫徧十方轉法輪於彈指頃出經卷於微塵中律儀細細八萬四千妙覺重重單復十二陰補禮經素王之所未制徑開道學立聖之所難言教之大行誰不受賜如游魚之於大海出沒其中如飛鳥之於太虛縱橫皆是薰習肌骨如蒼蘆香灌注肝腸如甘露漿

翰墨文章亦游戲三昧道冠儒履皆菩薩
道場諸君之聰慧辨才亦必有所從來特
以他生之事而忘之耳况程氏之學出於
佛書何用故謗傷哉又字字以誠教人而
自出此語將以欺人則愚將以自欺則狂

惜哉窮性理之說既至於此而宵中猶有

此物真病至於膏肓者也夫吁

丙寅哲宗神宗第六子初為延安郡正神宗

視者輕殺之非仁君也十歲即位太后

高氏臨朝九年後歸政二十五歲崩葬

遼咸雍二十二年

無盡張商英以序送羽士蹇拱辰字翊之
往叅廬山照覺總禪師其文曰成都道士
蹇翊之來言於予曰吾鄉羽衣之族世相
與為婚姻娶妻生子與流俗無異拱辰因

觀道藏神仙傳記翻然覺悟當吾血氣剝
強視聽聰明嗶啞哇鳴順吾耳青黃赤白
炫吾目甘脆膏腴爽吾口馨香馥烈適吾
鼻滑澤纖柔佚吾體歡忻動蕩感吾意此
六寇者乘吾督亂晝夜與吾相親而未嘗

相釋也一旦吾之形耗而羸氣耗而衰精
耗而萎神耗而疲八風寒暑之所薄百邪
鬼祟之所欺陰鬼欲沉陽鬼欲飛則六寇
者曾莫吾代而天下之至苦吾獨當之房
闈之戀莫如婦血肉之恩莫如母拱辰於

是悉囊中之所有與之而謝去給以他事
出遊百里遂泛涪江下濮水歷縉雲出塗
山訪岑公之洞府瞻神女之祠觀而達於
渚官也將泛九江入廬山結茅於錦綉之
谷長嘯於香爐之頂撫陶石以遙想揖遠

溪以濯足蓋吾之術以性為基以命為依始乎有作終乎無為竊聞先生究離微之旨窮心迹之歸奏無絃之曲駕鐵牛之機故不遠而來見先生也當試為余言之余曰壯哉子之志乎難行能行難棄能棄吾

治八

古

弗及子矣余適有口疾不能答子吾有方外之侶曰常總居於東林必能決子之疑請將吾之說而往問焉

明 詔華大洪山靈峯寺為禪院

僧統義天王氏高麗國文宗仁孝王第四

子辭禁出家封祐世僧統元祐初入中國問道義天上表乞傳賢首教勅兩街舉可授法者以東京覺嚴誠禪師對誠舉錢唐惠因淨源以自代乃勅主客楊傑送至惠因受法諸刹迎餞如行人禮初至京師朝

畢勅禮部蘇軾館伴謁圓照本禪師示以宗旨至金山佛印坐納其禮楊傑驕問印曰義天異域僧耳若屈道徇俗諸方先失一隻眼何以示華夏師法乎朝廷聞之以為知體至惠因持華嚴疏鈔咨決所疑閱

歲而畢於是華嚴一宗文義逸而後傳及見天竺慈辨請問天台教觀之道後遊佛隴禮智者塔擔曰已傳慈辨教觀歸國敷揚頓賜冥護又見靈芝大智為說戒法請傳所著文還國及施金書華嚴三譯於惠

治八

十五

因今俗稱高麗寺建閣藏之

杭州晉水法師淨源十一月示寂晉江楊氏受華嚴於五臺承遷遷嘗注金師子章學合論于橫海明暉南還聽楞嚴圓覺起信於長水四方宿學推為義龍因省親于

泉請主清涼復遊吳住報恩觀音杭守沈
文通置賢首院於祥符以延之復主青鎮
密印寶閣華亭普照善住高麗僧統義天
杭海問道申弟子禮初華嚴一宗疏鈔久
矣散墜因義天持至咨決逸而復得左丞

蒲宗孟撫杭愍其苦志奏以惠因易禪爲

教命公主之義天還國以金書華嚴三譯

本一百八十卷以遺師爲主上祝壽

晉嚴觀一法師同譯六十卷唐實又難陀譯八十卷唐烏茶進本澄觀法師譯四十卷師

乃建大閣以奉安之時稱師爲中興教主

以此寺奉金書經故俗稱高麗寺塔舍利

于寺西北壽七十八先世泉之晋水人故

學者以晋水稱之實元祐三年也

蔣山贊元禪師字萬宗婺州義烏人雙林

傳大士遠孫也三歲出家七歲爲大僧性

重遲間靖寡言視之如鄙朴人然於傳記
無所不窺吐爲詞語多絕塵之韻特罕作
耳年十五游方至石霜謁慈明昉春破薪
泯泯混十年明移南岳又與俱及沒葬骨
於石霜植種八年乃去兄事蔣山心公心

沒以元繼其席舒王初丁太夫人憂讀經

山中與元游如昆仲問祖師意旨元不荅

王益扣之元曰公般若若有障三有近道之

質一兩生來恐純熟王曰願聞其說元曰

受氣剗大世緣深以剗大氣遭深世緣必

治八

去

以身任天下之重懷經濟之志用舍不能

必則心未平以未平之心持經世之志何

時能一念萬年哉又多怒而學問尚理於

道爲所知愚此其三也特視名利如脫髮

甘澹泊如頭陀此爲近道且當以教乘滋

治八

十七

茂之可也王再拜受教自熙寧之初王入對遂大用至再拜貴震天下無月無耗元未嘗發視客來無貴賤寒溫外無別語即斂目如入定客即去嘗饌僧俄報火廚庫且以潮音堂衆吐飯蒼黃蜂窠蟻鬧而元

啜啖自若高視屋梁食畢無所問又嘗出郭有狂人入寺手刃一僧即自殺尸相枕左右走報交武於道自白下門群從而歸元過尸處未嘗視登寢室危坐聽事者側立異元有以處之而斂目如平日於是稍

稍隱去卒不問元祐初曰吾欲還東吳促已辦嚴俄化王哭之慟塔于蔣山蘇老泉嘗作彭州圓覺院記其文曰人之居乎此也必有樂乎此也居斯樂不樂不居也居而不樂不樂而不去爲自欺且爲欺天盖君

子恥食其食而無其功恥服其服而不知其事故居而不樂吾有吐食脫服以逃天下之譏而已年天之畀我以形而使我以心馭也今日欲適秦明日欲適越天下誰我禦故居而不樂不樂而不去是其心且

不能馭其形而况能以馭他人哉自唐以來天下士大夫爭以排釋老爲言故其徒之欲求知於吾士大夫之間者徃徃自判其師以求容於吾而吾士大夫又喜其來而接之禮靈徹文暢之徒飲酒食肉以自

絕於其教嗚呼歸爾父母後爾室家而後吾許爾以叛爾師父子之不歸室家之不復而師之叛是不可以一日立于天下傳曰人臣無外交故季布之忠於楚也雖不如蕭韓之先覺而比丁公之貳則爲愈予

在京師彭州僧保聰來求識予甚勤及至蜀聞其自京師歸布衣蔬食以爲其徒先凡若干年而所居圓覺院大治一日爲子道其先師平潤事與其院之所以得名者請予爲記予佳聰之不以叛其師悅予也

故爲之記曰彭州龍興寺僧平潤講圓覺經有竒因以名院院始弊不葺潤之來始得隙地以作堂宇凡更二僧而至于保聰又合其隣之僧屋若干於其院以成是爲記

庚蘇軾以龍圖閣學士知杭州奏浚西湖際山爲岸杭人呼曰蘇公堤紹聖四年移謫儋州至元符三年六月歸自海外居常州軾謫黃州日築室東坡號居士靖國元年辛巳七月廿八日卒朝奉郎提舉成都玉

布八

十六

局觀嘗作佛印磨衲贊曰長老佛印大師了元游京師天子聞其名以高麗所貢磨衲賜之客有見而歎曰嗚呼善哉未嘗有也嘗試與子攝其齊衽循其鈎絡舉而振之則東盡嶠夷西及昧谷南被交趾北屬

幽都紛在吾箴孔線蹊之中矣佛印聽然而笑曰甚矣子言之陋也吾以法眼視之一一箴孔有無量世界一一世界滿中衆生所有毛孔所衣之衣箴孔線蹊悉爲世界如是展轉經八十反吾佛光明之所照

吾君聖德之所被如以大海注一毛竅如以大地塞一箴孔曾何嶠夷昧谷交趾幽都之足云乎當知此衲非大非小非短非長非重非輕非薄非厚非色非空一切世間折膠墮指此衲不寒爍石流金此衲不

熱五濁流浪劫火洞然此納不壞云何以有思唯心生下劣相於是蜀人蘇軾聞而讚之曰匣而藏之見衲而不見師衣而不匣見師而不見衲惟師與衲非一非兩眇而視之蟣虱龍象

治八

十九

法雲圓通法秀禪師秦州隴城人也生辛氏母夢僧癯甚鬚髮盡白託宿曰我麥積山僧也覺而娠先是麥積山有僧亡其名曰誦法華與應乾寺魯和上善嘗欲從之遊方魯老之既去緒語曰他日當尋我竹

鋪坡前鍊疆嶺下俄有兒生其所魯聞之往觀焉兒為一笑三歲願隨魯歸遂冒魯氏十九通經為大僧天骨峻拔軒昂萬僧中凜如畫講大經章分句拈機鋒不可觸京洛著聞倚圭峰鈔以詮量衆義然恨圭

峰學禪唯敬壯京元華嚴然恨元非講曰教盡佛意則如元公者不應非教禪非佛意則如圭峰者不應學禪然吾不信世尊教外以法私大迦葉乃罷講南游謂同學曰吾將窮其窟穴搜取其種類抹殺之以

報佛恩乃已耳初至隨州護國讀淨果禪師碑曰僧問報慈如何是佛性慈曰誰無又問淨果果曰誰有其僧因有悟秀大笑曰豈佛性敢有無之矧又曰因以有悟哉其氣拂膺去至無為鍊佛謁懷禪師懷貌

寒危坐涕垂沾裳秀易之懷收涕問座主講何經秀曰華嚴又問此經以何為宗曰以心為宗又問心以何為宗秀不能對懷曰毫釐有差天地懸隔秀退自失悚然乃敬服願留日夕受法久之乃證懷移池入

吳皆從之初出世淮之四面杖笠之外包具而已以至棲賢蔣山長蘆衆千人有全樹長老至登座衆因哂之無出問者於是秀出拜趨問如何是法秀自己全樹笑曰秀鑲面乃不識自己乎秀曰當局者迷一

治八

于

衆服其荷法心也異國大長公主建法雲寺成有詔秀爲開山第一祖開堂日神宗遣中使降香并磨衲仍傳聖語表朕親至之禮皇弟荆王致敬座下士大夫日夕問道時司馬光方登庸以吾法太盛方經營

之秀曰相公聰明人類英傑非因佛法不能爾遽忘願力乎溫公意少懈元祐五年八月卧疾詔醫官視之醫請候脉秀仰視曰汝何爲者也吾有疾當死耳求治之是以生爲可戀也平生生死夢三者無所揀

擇揮去之呼侍者更衣安坐說偈而化閱世六十四坐夏四十五

江州東林常總禪師生劍州尤溪施氏母夢男子頽然色如金握白芙蓉三柄以授之但一柄得餘委地覺而娠後誕三子伯

仲皆不育總其季也年十一依寶雲寺文兆法師出家又八年落髮詣建州大中寺契恩律師受具初至吉州禾山禪智材公材有人望延之不留聞南禪師之道依歸宗久之無所得而去歸宗火南遷石門南

治八

于

塔又往從之及南公自石門遷黃蘗積翠以至黃龍總皆在焉二十年之間凡七往返南佳其勤勞稱於衆總自負密記决志大掖濟社之宗洪州太守榮公備撰請住泐潭或謂馬祖再來也道俗爭先願見元

豐三年詔單江州東林律居爲禪觀文殿學士王公詔出南昌欲延寶覺心公心舉總自代總知宵遁去千餘里檄諸郡期必得之得於新淦殊山窮谷中遂應命其徒相謂曰遠公嘗有記曰吾滅七百年後有

肉身大士革吾道場今符其語矣總之名聞天子有詔住相國智海禪院總固稱山野老病不能奉詔然州郡敦遣急於星火其徒又相語曰聰明泉適自涸矣凡兩月而得旨如所乞就賜紫伽黎號廣惠其徒又相語曰聰明泉復湧沸矣元祐三年徐國王奏號照覺禪師總於衲子有大緣槌拂之下衆盈七百鼓席之盛近世所未有也六年八月示疾九月二十五日浴罷安坐而化十月八日全身葬于鴈明塔之東

世壽六十七坐四十九夏

荆門玉泉皓長老塔銘無盡居士譔畧云師姓王眉州丹稜縣圻頭鎮人天聖元年依大力院出家法名承皓明道二年普度爲僧景祐元年受戒慶曆二年遊方至復

州見杜塔思席禪師發明心要得遊戲如風大自在三昧製赤犢鼻書歷代祖師名而服之曰惟有文殊普賢猶較些子且書於帶上自是諸方以皓布視呼之惠南居黃龍設三關語以接物罕有契其機者師

治八

五

教一僧往南曰我手何似佛手荅曰不相似南曰我脚何似驢脚荅曰不較多南笑曰此非汝語誰教汝來僧以實告南曰我從來疑這漢熙寧間至襄陽爲谷隱首座有蜀僧依止師席師憐其年少有志稍誘

掖之僧亦効師製犢鼻浣而曝之師見之
曰我棍何故在此僧曰某甲棍也師曰具
何道理敢爾僧禮拜曰每蒙許與切所欣
慕師曰此豈戲論與汝半年當吐血死後
半年其僧嘔血死於鹿門山聞者異之元

豐二年四月予奉使京西南路聞師之名
致而見之問師法嗣何人師曰北塔問北
塔有何言句師曰爲伊不肯與人說遂請
師住郢州大陽時谷隱大喜曰我山中首
座出世盛集緇素請師升座以爲歆豔師
曰承皓住谷隱十年不曾飲谷隱一滴水
嚼谷隱一粒米汝若不會來大陽與汝說
携拄杖下座不顧而去居數月知荆南李
公審言轉運使孫公景脩同請住當陽王
泉景德禪院師機鋒孤峭學者不能湊泊

治八

三

人闕首座維那曰某人某人曾於某處立
僧爲禪衆所歸宜依諸方例請充師叱曰
杜杜又曰孟八郎孟八郎一日師從厨前過
見造晚麵問曰有客過耶對曰衆僧造藥
石師呼知事稱之曰吾昔叅禪爲人汲水

春米今見成米麵蒸炊造作與供諸佛菩
薩羅漢無異飽喫了並不留心叅學百般
想念五味馨香假作驢腸膳生羊骨鷲臙
餵飼八萬四千戶蟲開眼隨境攝合眼隨
夢轉不知主祿判官掠剽大王隨從汝抄
剗消鑿祿料簿教汝受苦有日在於是徒
衆不堪窳窳譖之於縣令曰長老不能安
衆惟上來下去點檢寒碎縣令召師至縣
責之曰大善知識不在方丈內端坐兩廊
下山門來去得許多師曰大通智勝佛十

劫坐道場佛法不現前不得成佛道長官以坐是佛耶坐殺佛去也長官茫然益敬禮之狗子在室中僧入請益師叱一聲狗出去師云狗子却會汝却不會至泉冬市四遠雲集師於廊下畫一圓相顧視大眾曰賤賣賤賣良久畫破曰自家買自家買冬至上堂曰畧運推移布毳赫赤莫笑不洗無來換替王大觀知荆南問如何是佛截斷脚跟又問如何是法師曰掀了腦蓋師有頂相自贊曰粥稀後坐床窄先卧耳曠愛聲高眼昏宜字大其應機答話隱顯不測大致若此玉泉寺宇廣大弊漏前後主者以營葺爲艱師曰吾與山有緣與僧無緣修今世寺待後世僧耳悉壞法堂方丈寢堂鐘

法

語

樓慈氏閣闢廟而鼎新之皆求予記其本末師住山無筆硯文字箱篋無兼衣囊錢元祐六年遣人至江西口白曰老病且死得百丈肅爲代可矣余以喻肅肅不顧往十二月二十八日示寂臨行門人迫以作頌師笑曰吾年八十一病死昇尸出兒郎齊著力一年三百六十日師滅時地三震會余移漕淮西召還諫省謫官金陵不復詳師後事今年十月被恩知洪州途次太平有德鴻者來謁泣言師之死鴻適歸閩中自閩聞訃奔詣玉泉師已葬於斗山下鴻營塔於始就緒念先師神交道契莫如公者故開闢數千里詣公求文銘師之塔予哀鴻不忘其師乃追掇緒餘而銘之曰

夫多
不錄

法師元淨字無象徐氏杭州於潛人客有過其舍者曰嘉氣上騰當生奇男既生左有肉起如袈裟條八十一日乃沒伯祖異之曰宿世沙門必使事佛八十一者殆其算歟及師之終果符其數十歲出家每見

治八

字五

講座輒曰願登此說法度人十二就學於慈雲不數年而齒高第後聞明智講止觀方便五緣曰淨名所謂一食施一切供養諸佛及諸賢聖然後可食此一方便也師悟曰今乃知色香味觸本具第一義諦因

泣下如雨自是遇物無非法界代講十五年杭守呂臻請住大悲閣嚴設戒律其徒畏愛臻為請錫紫衣辨才之號七年翰林沈遘撫杭仁宗嘉祐謂上竺本觀音道場以音聲為佛事者非禪那居乃請師居之此年始

禪鳥鑿山增室廣聚學徒教庠之盛冠於

二浙神宗熙寧三年杭守祖無擇坐獄于

馮李馮音醉地名今嘉興師以鑄鐘例被追辨幸得

釋寓止真如蘭若擬金鏡設問荅述圓事

理說發明祖意之妙元豐元年有利山門

施資之厚者倚權以奪之眾亦隨散逾年

其人以敗聞朝廷復昇師眾復集清獻趙公與師

為世外友為之贊曰師去天竺山空鬼哭

天竺師歸道場重輝東坡寄詩曰道人出山去山色如死灰白雲不解笑青松

有餘哀忽聞道人歸鳥語山容開云云三年復謝去居南山之龍井士庶爭為築室遂

成伽藍吳年太守鄧伯溫請居南屏明年復

歸龍井時靈山虛席師以慈雲師祖道場

俯就眾請及月餘定中見金甲神跪前曰

師於此無緣不宜久住既受冥告遂還龍

井元祐四年蘇軾治杭問師曰此山如師

道行者幾人曰沙門多密行非可盡識將

示寐乃入方圓庵秦觀記宴坐謝賓客止

言語飲食招參寥告之曰道替吾淨業將

成若七日無障吾願遂也七日出偈告衆

即右脇而化當元祐六年九月晦日也塔

治八

三六

成東坡命子由爲之銘

西癸

淨因道臻禪師字伯祥福州古田戴氏子

也幼不茹葷十四去上生院行頭陀行又

六年爲大僧閱大小經論置不讀曰此方

便說耳即持一鉢走江淮所叅知識甚多

而得旨決於浮山遠公江州承天虛席致

臻非所欲而游丹陽寓止因聖一日行江

上覓舟默計曰當隨所往信吾緣也問舟

師曰載我船尾可乎舟師笑曰師欲何之

我入汴船也臻曰吾行游京師因載之而

止謁淨因大覺璉公璉公使首衆僧於座

下及璉歸吳衆請以臻嗣焉開法之日英

宗遣中使降香賜紫方袍徽號京師四方

都會有萬好惡貴人達官日門填臻一日

之慈聖上仙神宗召至慶壽宮賜對其喜

設高廣座恣人問荅左右上下咸歎希有

權動宮殿賜與甚厚神宗悼佛法之微憫

名相之弊始即相國爲惠林智海二刹其

命立僧必自臻擇之宿老皆從風而靡神

宗上仙被詔至福寧殿說法詔道臻素有

德行可賜號淨照禪師元祐八年八月十

七日前語門人淨圓曰吾更三日行矣及

期沐浴更衣說偈已跏趺坐而寐閱世八

十坐六十有一夏臻性慈靖退似不能言

者居都城西隅衲子四十餘輩頽然不出

戶三十年如一日奉身甚約一布裙二十年不易用五幅綈掩脛不多為褱褶曰徒費耳無所嗜好乃能雪方丈之西壁請文與可掃墨竹謂人曰吾使游人見之心目清凉此君盖替我說法也嘗於慶壽宮說

法僧問慈聖仙游定歸何所臻曰水流元

在海月落不離天上悅以為能加敬焉黃

直預其像曰老希無齒即龍不吟干林片黑六合雲陰遠山作眉紅杏腮嫁與春風不用媒老婆三五少年日也解東塗西抹來

佛祖歷代通載卷第二十八

音釋

底都禮切哇於佳切於姑切於祇切禪徐材切痺卑利切翊呼羽切雁胡罪切育呼光切喔乙前切替莫送切僭丁諫切嶠牛俱切瘡其俱切也肉力殊切也也或作亮也也或作亮

佛祖歷代通載卷第二十九

治九

嘉興路大中祥符禪寺住持華亭念常集

甲改紹聖

乙 遼改壽昌 主洪基加號聖文神武全功大畧聰仁孝惠天祐皇帝

智海真如慕喆禪師出於臨川聞氏聞族

治九

寒喆又幼孤去依建昌永安圓覺律師為

童子試所習得度具戒為人剛簡有高識

以荷法為志律身甚嚴翠岩真禪師游方

時喆能識之真好暴所長以蓋人號真點

胸所至犯眾怒非笑之喆與之周旋二十

年雖群居不敢失禮真兩住刹喆陰相之

成法席有來學者且令見喆侍者謂人曰

二十年後喆其大作佛事真歿塔於西山

心喪三年乃去依黃蘗游湘中一鉢雲行

鳥飛去留為叢林重輕謝師直守潭州聞

其風而悅之不可致芳岳麓席虛盡禮迎

以為出世累月而後就俄遷大瀉眾二千指

無所約束人人自律唯粥罷受門弟子問

道謂之入室齋罷必會大眾茶諸方纔月

一再而喆講之無虛日放參罷喆自後作

使令者在側如路人晨香夕燈十有四年

夜禮禪持茅視殿廡燈火倦則以帔蒙首

假寐三聖堂初猶浴盡老不浴者十餘年

紹聖元年有詔住大相國寺智海禪院京

師士大夫想見風裁叢林以喆靜退畏闕

不敢必其來喆受詔欣然俱數衲子至解

包之日傾都來觀至謂一佛出世院窄而

僧日增無以容則相枕地卧有請限之者

喆曰僧佛祖所自出獸獸佛祖也安有

名為傳法而獸佛祖乎安得不祥之語哉

凡驗學者舉趙州洗鉢話上人如何會僧
擬對詰以手托之曰歇去自始至終未嘗
換機明年十月初八無疾而化

是年雲居元祐禪師卒王氏信之上饒人
年十三師事博山承天沙門齊晟二十四

范

二

得度具戒時南禪師在黃檗徃依之十餘
年智辨自將氣出流輩衆以是悅之少然
祐不卹也南歿去游湘中廬於衡岳馬祖
故基衲子追隨聲重荆楚間謝師直守潭
州欲禪道林之律居盡禮致祐爲第一世

祐欣然肯來道林蜂房蟻穴聞見層出像
設之多冠於湘西祐夷廓之爲虛堂爲禪
室以會四海之學者役夫不敢壞像設祐
自鋤棄諸江曰昔本不成今安得壞吾法
尚無凡情存聖解乎六年而殿閣崇成棄

之去游廬山南康太守陸公時請住玉澗
寺徐王聞其名奏賜紫袍祐作偈辭之曰
爲僧六十鬢先華無補空門號出家顧乞
封四禮部牒免辜廬老納袈裟人問其故
祐曰人主之恩而王者之施非敢辭以近

名也但以法未等耳王安上者舒王之弟
問法於祐以雲居延之祐曰爲攜此骨歸
葵峯頂耳登輿而去疾諸方死必塔者祐
曰山川有限僧死無窮它日塔將無所容
於是於開山宏覺塔之東作卯塔曰凡住

范

三

持者非生身不壞火浴兩舍利者皆以骨
石填于此其西又作卯塔曰凡僧化皆以
骨石填于此謂之三塔紹聖二年七月七
日夜集衆說偈而化世壽六十有六坐四
十有二夏

戊寅 改元符 西夏改永安

雲居佛印了元禪師字覺老生饒州浮梁林氏世業儒父祖皆不仕元生二歲琅琅誦論語諸家詩五歲誦三千首既長從師授五經畧通大義因讀首楞嚴經于竹林寺愛之盡捐舊學白父母求出家度生死禮寶積寺沙門日用試法華受具游廬山謁開先暹道者暹自負其號海上橫行俯視後進元與問荅捷給乃稱賞時年十九又謁圓通訥公訥曰骨格已似雪竇後來之俊也時書記懷璉方應詔以元繼其職江州承天虛席又以元當選郡將而少之訥曰元齒少而德壯雖萬耆衲不可折也於是爲開先之嗣時二十八矣自承天遷淮之斗方廬山之開先歸宗潤之金山焦

山江西之大仰又住雲居凡四十年間德化緇素縉紳之賢者多與之游東坡謫黃州廬山對岸元居歸宗訓酢妙句與烟雲爭麗及其在金山東坡釋還東吳次丹陽以書抵元曰不必出山當學趙州上等接

人元得書徑來坡迎笑問之元以偈答曰趙州當日少謙光不出山門見趙王爭似金山無量相大千都是一禪床坡抵掌稱善又嘗謂衆曰昔雲門說法如雲雨絕不喜人記錄其語見必罵逐曰汝口不用返

治元

四

記吾語異時稗販我去今室中對機錄皆香林明教以紙爲衣隨所聞即書之後世學者漁獵文字語言正如吹網欲滿非愚即狂時江浙叢林尚以文字爲禪之謂請益故元以是風之高麗僧統義天航海至

明州傳云棄王位出家上疏乞遍歷叢林
問法受道有詔朝奉郎楊傑次公館伴所
經吳中諸刹皆餞如王臣禮至金山元床
坐納其大展次公驚問故元曰義天亦異
國僧耳僧至叢林規繩如是不可易也衆
姓出家同名釋子自非買崔盧門閥相高
安問貴種次公曰卑之少徇時宜求異諸
方亦豈覺老心哉元曰不然屈道隨俗諸
方先失一隻眼何以示華夏師法乎朝廷
聞之以元爲知大體李公伯時爲元寫照
元曰必爲我作笑狀自爲贊曰李公天上
石麒麟傳得雲居道者真不爲拈花明大
事等閒開口笑何人泥牛謾向風前顛枯
木無端雪裏春對現堂堂俱不識太平時
代自由身元符元年正月初四日聽客語

澆

五

有會其心者軒渠一笑而化其令畫笑狀
非苟然也世壽六十七坐五十有二夏
圓照禪師諱宗本生於管氏常州無錫人
也體貌豐碩言無枝葉十九師事蘇州承
天永安道昇禪師昇道價重叢林歸之者
如雲本弊衣垢面探井曰典炊爨以供給
之夜則入室叅昇曰頭陀荷衆良苦亦疲
勞乎對曰若捨一法不名滿足菩提實欲
此生身證其敢言勞昇陰竒之又十年剃
髮受具服勤三年乃辭昇遊方遍叅至池
陽景德謁義懷禪師言下契悟衆未有知
者嘗爲侍者而喜寢鼻息齁齁聞者厭之
言於懷懷笑曰此子吾家精進幢也汝輩
它日當依賴之無多談衆乃驚懷退居吳
江壽聖部使者李公復圭過懷夜話曰瑞

光虛席願得有道衲子主之懷指本曰無逾此道人者耳既至寺集衆擊鼓鼓輒墮圓轉震響衆驚却有僧出呼曰此和尚法雷振地之祥也俄失僧所在自是法席日盛武林守陳公襄以承天興教二刹命師擇居蘇人留之益甚又以淨慈堅請移文喻道俗曰借師三年爲此邦植福不敢久占本嘖嘖曰誰不欲作福衆識其意聽赴之元豐五年神宗皇帝關相國寺六十四院爲八禪二律六中貴梁後政董其事驛召師主惠林既至上遣使問勞三日傳旨就寺之門爲士民演法翌日召對延和殿問道賜坐即盤足跏趺賜茶至舉盞長吸又蕩撼之上問受業何寺對曰承天永安上悅其真喻以方興禪宗宜善開導之旨

浼

六

既退上目送之謂左右曰真福慧僧也後帝登遐召入福寧殿說法以師嘗爲先帝所禮敬見之不勝哀悼以老乞歸林下勅任便雲遊所至不得抑令住持升座辭衆曰本是無家客那堪任便遊順風加櫓棹船子下揚州既出都城王公貴人送者車騎相屬師臨別誨之曰歲月不可把玩老病不與人期唯勤修勿怠是真相爲聞者莫不感涕其真慈善導若此高麗僧統義天以王子奉國命使于我朝聞師道譽請以弟子禮見師問其所得以華嚴經對師曰華嚴經三身佛報身說耶化身說耶法身說耶義天曰法身說本曰法身遍周沙界當時聽衆何處躡立義天茫然自夫欽服益加法道至本大盛老居靈岩閉門頽

然而四方從者相望於道不釋也元符二年十二月甲子將入滅沐浴而卧門弟子環擁請曰和尚道遍天下今日不可無偈幸強起安坐本熟視曰痴子我尋常尚懶作偈今日特地圖箇甚麼尋常要卧便卧

范

七

不可今日特地坐也索筆大書五字曰後事付守榮擲筆慙卧若熟睡然撼之已去矣門人塔全身於山中閱世八十坐五十二夏

庚黃龍寶覺禪師入寂出於鄔氏諱祖心南

稚始興人也少爲書生有聲年十九而盲目父母信以出家輒復見物乃往依龍山寺沙門惠全明年試經業而公獨獻詩得奏名剃髮繼住受業院不奉戒律且逢橫逆於是棄之入叢林謁雲峯悅公留三年

難其孤硬告悅將去悅曰必往依黃蘗南公公至黃蘗四年知有而機不發又辭而上雲峯會悅謝世因就止石霜無所叅決試閱傳燈至僧問多福曰如何是多福一叢竹福曰一莖兩莖斜三莖四莖曲此時

頓覺親見二師徑歸黃蘗方展坐具南公曰子入吾室矣公亦踴躍自喜即應曰大事本來如是和尚何用教人看語下語百計搜尋南公曰若不令汝如此究尋到無用心處自見自肯吾即埋沒汝也公從容游泳陸沉衆中時時往決雲門語向南公曰知是般事便休汝用許多工夫作麼公曰不然但有纖疑在不到無學安能七縱八橫天迴地轉哉南公肯之後使分座令接納來學南遷黃龍而化以公繼其席凡

十有二年然性真率不樂從事於務五求辭去乃得謝事閒居而學者益親謝景温師直守潭州虛大瀉以致公三辭不往又囑江西轉運判官彭汝礪器資請所以不赴長沙之意公曰頗見謝公不願領大瀉

浣

八

也馬祖百丈以前無住持事道人相尋於空閒寂寞之濱而已其後雖有住持王臣尊禮為天人師今則不然掛名官府如有戶籍之民直遣伍伯追呼之耳此豈可復為也師直聞之不敢以院事屈頗一見之

公至長沙師直願受法訓公為舉其綱其言光顯廣大如青天白日易識其畧曰三乘十二分教還同說食示人食味既因他說其食要在自己親嘗既自親嘗便能了知其味是甘是辛是鹹是淡達磨西來直

指人心見性成佛亦復如是真性既因文字而顯要在自己親見若能親見便能了知目前是真是妄是生是死既能了知真妄生死返觀一切語言文字皆是表顯之說都無實義如今不了病在甚處病在見

聞覺知為不如實知真際所詣認此見聞覺知為自所見殊不知此見聞覺知皆因前塵而有分成若無前塵境界即此見聞覺知還同龜毛兔角並無所歸師直聞所未聞公以生長極南少以宏法棲息山林

治九

九

方太平時代欲觀光京師以錢餘年乃至京師駙馬都尉王詵晉卿盡禮迎之庵於國門之外久之南還再游廬山嘗有偈曰不住唐朝寺間為宋地僧生涯三事衲故舊一枝藤乞食隨緣去逢山任意登相逢

莫相笑不是嶺南能可想公之標致也臆
既高益移庵深入棧絕學者又二十餘年
以元符三年十一月十六日中夜而歿閱
世七十有六坐夏五十有五

徽宗佖立神宗第十三子初封端王太后
向氏召李執謙立端王丞相章

悼曰端王浪子耳曾布長望見王在簾
下叱曰聽太后嚴分王出章悼惶恐失
措遂即位荒淫奢佚蔑直尚浮又寵道
士林靈素失道北遷降為天水郡王壽
五十五在位二十五年終於五國城 改建中靖國

遼天祚立諱延禧道之孫秦王元吉
于吹獵女真有禽曰海東青玉瓜
善捕天鷲一飛千里歲命其國人

窮取以獻人恣遂叛政和中童貫
與遼叛人馬植謀約女真攻遼天
祚逃于夾山擒之削封海濱王
送長白山東築城居之遂亡

女真太祖阿骨打後改名旻揚割太
師之長子世為酋

長是年舉
兵立國

禪門續燈錄成乃東京法雲佛國禪師惟

白集是年八月十五日上進帝為製序白
靖江人嗣圓通秀公其文曰昔釋迦如來
之出世也受然燈之記生淨飯王家分手
指乎天地而其機也已露游門觀於老死
而幻緣也頓寐及乎唱道鷄園騰芳驚嶺

無邊刹境遂現於一毫之端大千經卷畢
出於微塵之表西被竺土東流震旦編葉
而書則一時聖法雖傳於慶喜拈花而笑
則正法眼藏獨付於飲光自達磨西來實
為初祖其傳二三四七而至於曹溪於是

治九
雙林之道逾光一滴之流漫廣自南嶽青
原而下分為五宗各擅門風應機酬對雖
建立不同而會歸則一莫不箭鋒相拄鞭
影齊施接物利生啓悟多矣源派廣迤枝
葉扶疎而雲門臨濟二宗遂獨盛於天下

朕膺天寶命紹國大統恭惟藝祖闢度門於縣寓太宗闡秘義於敷天章聖傳燈於景德永昭廣燈於天聖皆宏暢真風協助神化以成無為之治者也於皇神考尤嚮空宗元豐三年詔於大相國寺初二禪闢

惠林於東序建智海於西廡壬戌之歲以越國大長公主及集慶軍節度觀察留後駙馬都尉張敦禮之請復建法雲禪寺於國之南於是祖席光輝叢林鼎盛天下襲方袍慕禪悅者雲集於上都矣今敦禮以其寺住持僧佛國禪師惟白探取上乘了第一義屢入中禁三登高座宣揚妙旨良愜至懷昔能仁說法華經放眉間白毫相光照東方萬八千世界而彌勒發問文殊決疑以謂日月燈明佛本光瑞如此持是

治元

十一

經者妙光法師得其證者普明如來今續燈之名蓋燈燈相續光光相入義有在於是矣意圓澄覺海本含叟於十方生滅空漚遂沉淪於三有因明立所由塵發知識妄相仍轉入諸趣良可悲也若回光內照發真歸元則是錄也直指性宗單傳心印可得於眉睫可薦於言前舉手而擎妙喜世界彈指而現莊嚴樓閣神通妙用真不可思議者也嘉於有衆締此勝緣俱離迷津偕之覺路斯朕之志已建中靖國元年

八月十五日賜敘

壬午 改年崇寧

鑄崇寧當三錢。詔天下軍州創崇寧寺。又改天寧替先號

甲申 是歲蘄州五祖山法演禪師示寂錦州巴

西鄧氏少落髮受具遊成都講席習百法唯識窺其奧置之曰膠柱安能鼓瑟乎即

日遊方所至無足當其意者抵浮山謁遠
錄公久之無所發明遠曰吾老矣白雲端
爐鞴不可失也演唯諾徑造白雲端曰川
彝直汝來也演琴而就列一日舉僧問南
泉摩尼珠語以問端端叱之演領悟汗流
被體乃獻投機頌云山前一片閒田地又
手叮嚀問祖翁幾度賣來還自買為憐松
竹引清風端頷之曰栗棘蓬禪屬子矣演
掌掌磨有僧視磨急轉指以問演此神通
耶法尔耶演褰衣旋磨一匝師嘗示眾云
古人道如鏡鑄像像成後鏡在什麼處眾
下語不契師作街坊自外來端舉似演演
前問訊曰也不爭多端笑曰須是道者始
得初住四面遷白雲上堂云汝等諸人見
老和上鼓動唇舌豎起拂子便作勝解及

活九

士

乎山禽聚集牛動尾巴却將作等閒殊不
知簷聲不斷前旬雨電影還連後夜雷又
云悟了同未悟歸家尋舊路一字是一字
一句是一句自小不脫空兩歲學移步湛
水生蓮華一年生一度又云賤賣檐板漢

貼秤麻三斤百千年滯貨何處著渾身張
丞相謂其應機接物孤峭徑直不犯刑削
其知言耶應世四十餘年晚住太平移東
山崇寧三年六月二十五日上堂辭眾時
山門有土木之工演躬自督役誠曰汝等
好作息吾不復來矣歸方丈淨髮澡浴旦
日吉祥而逝

金國移瑞像佛牙入內殿供養

金詔釋氏有濟神喻分者除削
之是年正月慧出西方其長亘
天

成丙 百乙

丁亥 大觀○慈感寺

吳興郡民邵宗益割蚌得
羅漢像歸於本寺後至建

炎間憲使楊應誠傳玩躍入
于溪漁人再獲建閣以藏之

巳 東都法雲大通禪師善本示寐生董氏漢

仲舒之後也其先家太康仲舒村太父琪
父温皆官于穎遂為穎人初母無子禱于

治九

十五

佛前誓曰得子必以事佛即蔬食乃娠生
而骨相秀異方晬而孤母育於叔祖玠之
家既長博學操履清修母亡哀毀過禮無
仕官意辟穀學道隱於筆工然氣剛不屈
沈默白眼公卿嘉祐八年與弟善思俱至

京籍名顯聖地葳院試所習為大僧其師
圓成律師惠楫者謂人曰本它日當有海
內名乃生我法中乎使聽習毘尼隨喜雜
華夜夢見童子如世所畫善財合掌導而
南既覺曰諸佛菩薩加被我矣其欲我南

詢諸友平時圓照道振吳中本逕造姑胥
謁瑞光圓照坐定特顧之本默契宗旨服
勤五年盡得其整頓提撕之綱研練差別
之智縱橫舒卷度越前規一時輩流無出
其右圓照倚之以大其家以季父事圓通

秀公秀住廬山棲堅出入卧內如寂子之
於東寺焉出世婆之雙林遷杭之淨慈繼
圓照之後食堂千餘口仰給於檀施供養
莊嚴之盛游者疑在諸天時號大小本也
哲宗聞其名詔住上都法雲賜號大通又

繼圓通之後王立孤峻儼臨清眾如萬山
環天柱讓其高寒然精粗與眾共未嘗以
言徇物以色餒人王公貴人施日填門住
八年請於朝願歸老於西湖之上詔可遂
東還庵龍小崇德杜門却掃與世相忘又

十年天下願見而不可得臨衆三十年未
嘗笑及閒居時抵掌笑或問其故曰不莊
敬何以率衆吾昔為叢林故強行之非性
實然也所至見畫佛菩薩行立之像不敢
坐伊蒲塞饌以魚蔬名者不食其真誠敬

治九 十四

事防心離過類如此大觀三年十一月甲
子屈三指謂左右曰止有三日而已果沒
有異禽翔鳴于庭而去塔全身于上方闕

世七十有五坐四十有五夏

庚五月停給僧尼度牒三年○六月以張商
寅英入相時火旱是夕大雨上書商霖二大

字以
賜之

辛卯 改政和 四月張良英罷祠
詔毀京師淫祠

遼改天慶

壬辰是年蔡京進太師楚國公京喜食鵝鴈籠
畜而烹之嘗夢鵝數千訴于前其一致詞

曰食君廩中粟充君箸下肉一羹數百命
生死猶轉轂看君壽千春禍福相倚伏京
甚畏之出魚溪
詩話

己亥

四月嘉州風折大樹有僧在定有司聞于
上詔令送至京師八月入內譯經院金總

時三藏鳴金磬出其定僧曰我東林遠法
師之弟惠持也西遊幾眉因入定于此三
藏因徐啓今欲何歸曰陳留即復入定徽
宗令繪像頒得天下仍製讚

治九

十五

是年四月王清昭陽宮成奉安道像上詣
宮行禮七年改玉清神霄宮時道教之盛
自道士徐知常始賜號冲虛先生徐守信
賜虛靜先生劉混康賜葆真觀妙冲和先
生後並贈太中大夫○十一月癸未郊上
縉大珪執元珪以道士百人執儀衛前導

置道階凡二十六等先生處士八字六字
四字二字視中大夫至將仕郎級重和初
別置道官自太虛大夫至金壇郎凡十六
等同文臣中大夫至迪功郎道職自冲和
殿待宸至疑神殿校經凡十一等侍宸同

待制檢籍同修撰校經同直閣皆給告身

出末

甲詔佛果禪師克勤住京師天寧○賜
永道法師號寶覺住左街香積院

女真是年始叛陷遼寧江府初遼主
天祚賞

罰借濫色禽俱荒女真東北與五
國為隣五國之東接大海出名鷹

自海東來者謂之海東青遼人酷
愛之歲歲求之女真至五國戰
而後得不勝其擾二年春天作如混同
江釣魚界外生女真首長在千里
外者以故事皆來會酒酣使諸首
歌舞為樂阿骨打獨不從天祚謂
樞密使蕭泰先曰阿骨打意氣雄
豪當以事誅之泰先曰殺之傷向
化之心阿骨打知其意即先舉兵
吞併隣近部族秋集女真諸部甲

私

遼天慶五年○金太祖阿骨打正月
一日即位
改年收國

馬二千犯混同江之寧江州時天
祥射鹿慶州秋山道渤海刺史高
仙壽討之為女真所敗失寧江州
有黑氣長數丈出自齊宮行一里
許貫於壇
隨出遊誌

政和五年黃龍死心禪師卒諱悟新生王
氏韶州曲江人魁岸黑面如梵僧狀依佛
陀院落髮以氣節蓋眾好面折人初謁棲
賢秀鐵面秀問上座甚處人曰廣南韶州
又問曾到雲門否新曰曾到又問曾到靈

治九

十六

樹否曰曾到秀曰如何是靈樹枝條新曰
長底自長短底自短秀曰廣南蠻莫亂說
新曰向北驢只恁麼拂袖而出秀器之而
新無留意乃之黃龍謁寶覺禪師談辨無
所抵悟覺曰若之技止此耶是固說食耳

詎能飽人耶新窘無以進從容白曰悟新到此弓折箭盡頭和上慈悲指箇安樂處寶覺曰一塵飛而翳天一芥墮而覆地安樂處正忌上座許多骨董直須死却無量劫來偷心乃可耳新趨出二日默坐下板

會知事插行者新聞杖聲忽大悟奮起忘納其屨趨方丈見寶覺自譽曰天下人總是學得底某甲是悟得底覺笑曰選佛得甲科何可當也新自是號為死心叟榜其居曰死心室蓋識悟也久之去游湘西是

時詰禪師領嶽簾往造馬詰問是凡是聖對曰非凡非聖詰曰是什麼新曰高著眼詰曰恁麼則南山起雲北山下雨曰是凡是聖詰曰爭柰頭上漫漫脚下漫漫新仰屋作虛聲詰曰氣急殺人曰恰是拂袖便

出新初住雲岩已而遷翠岩翠岩舊有淫祠鄉人攘禴酒蕝汪穢無虛日新誠知事毀之辭以不敢掇禍新怒曰使能作禍吾自當之乃躬自毀折俄有巨蟒盤卧內引首作吞噬之狀新叱之而遁新安寢無它

未幾再領雲岩建經藏太史黃廷堅為作記有以其親墓誌鏡於碑陰者新恚罵曰陵侮不避禍若是語未卒電光鱗屋雷擊自戶入折其碑陰中分之視之已成灰燼而藏記安然無損晚遷黃龍學者雲委屬疾退居晦堂夜叅豎起拂子云看看拂子病死心病拂子安死心安拂子穿却死心死心穿却拂子正當恁麼時喚作拂子又是死心喚作死心又是拂子畢竟喚作什麼良久云莫把是非來辯我浮生穿鑿不

相干有乞末後句者新與偈曰末後一句
子直須心路絕六根門既空萬法無生滅
於此徹其源不須求解脫生平愛罵人只
爲長快活十二月十三日晚叅說偈十五
日泊然坐逝茶毘得舍利五色閱世七十

二坐四十五夏

^甲政和六年錢唐靈芝寺律師元照字湛然
餘杭唐氏子少依祥符東菴惠鑑師學毘
尼及見神悟謙公講天台教觀博究群宗
以律爲本又從廣慈授菩薩戒戒光發現

頓漸律儀罔不兼備南山一宗蔚然大振
常披布伽黎杖錫持鉢乞食于市場無爲
贊之曰持鉢出持鉢歸佛言長在四威儀
初入鄺時人不識虛空當有鬼神知四主
郡席晚居靈芝三十年衆常數百掌言化

池

六

當世莫若講說垂將來莫若著書撰資持
濟緣行宗應法住法報恩諸記十六觀小
彌陀義疏及刪定律儀本芝園集若干卷
自號安忍子命諷普賢行願品趺坐而化
壽六十九夏五十有一

道士林靈素者温州人善妖術以雷公法
嘗往來不逞於宿亳淮泗間乞食諸寺僧
薄之至楚州與惠世相歐擊訟于官府倅
石仲問焉喜其辯捷輕後脫之置館中問
吐納燒煉蜚神之術七年正月仲携入京
因道士徐知常謁宰相蔡京京致見帝靈
素大言曰天上有神霄玉清府長生帝君
主之其弟青華帝君皆玉帝子次有左元
仙伯并書罰仙吏褚惠等八百餘官謂帝
即長生大帝君蔡京爲左元仙伯已即褚

惠帝忻然信之賜林金門羽客建通真宮以處之帝自號教主道君皇帝○二月詔改天下大寺為神霄玉清萬壽宮院為觀設長生青華帝君像置道學科未幾有期門之事矣○四月詔道錄院畧曰朕乃上

治九

十九

帝元子為大霄帝君憫中華被金狄之難教遂懇上帝願為人主令天下歸於正道卿等可上表冊朕為教主道君皇帝止用於教門上以釋教經六千卷內惡談毀詞詆謗道儒二教命近臣於道錄院看詳取索焚棄之

是年隆興府黃龍山靈源禪師遷窆名惟清生南州武寧陳氏方垂髻上學日誦千言吾伊上口有異僧過書肆見之引手熟視之大驚曰孤浦中有此兒耶告其父母聽

出家從之師事戒律師年十七為大僧聞延恩院耆宿法安見本色人上謁願留就學安曰汝苦海法舡也我尋常溝壑耳豈能藏哉黃龍心禪師是汝之師亟行無後時清至黃龍浪浪與眾作息問荅茫然不

知端倪夜擔諸佛前曰倘有省發願盡形壽以法為檀世世力弘大法初閱玄沙語倦而倚壁起經行步促遺履俯就之乃大悟以所悟告寶覺覺曰從緣入者永無退失然新得法空者多喜悅致散亂令就侍者房熟寐清丰神洞冰雪而趣識卓絕流輩龍圖徐禧德占太史黃庭堅皆師友之其見寶覺得記別乃安為之地矣張丞相商英初奉使江西高其為人厚禮致以居洪之觀音不赴又十年淮南使者朱京世

昌命住舒州太平乃赴衲子爭趨之嘗與
寂音論之曰今之學者未脫生死病在於
何偷心未死耳然非其罪為師者之罪也
如漢高帝給韓信而殺之信雖曰死其心
果死乎古之學者言在脫生死効在什處

治元 子

在偷心已死然非學者自能爾實為師者
鉗鎚妙密也如梁武帝御大殿見侯景不
動聲氣而景之心已枯竭無餘矣諸方所
說非不美屢要之如趙昌畫花逼真非真
花也其指法巧譬類此政和七年九月十

八日食罷淨髮安坐而逝

十一月汴京智海佛鑑禪師慧勲遷寐生

汪氏舒州人

戊戌改重和〇金改天輔元年

十一月上御寶錄宮度玉清神霄秘錄會

八百人凡天神降臨事蓋發端於王老志
而極於林靈素及為大會林講經據高座
上為設幄其側林所講無殊絕者雜以滑
稽喋語上下為大闕笑莫有君臣之禮矣
時道士有俸每一齋施動獲數十萬每一

宮觀給田亦不下數千頃皆外蓄妻子置
姪媵以膠青刷鬢美衣玉食者幾二萬人
一會殆費數萬緡貧下之人多買青衣服
中以赴日得一飫食而襯施三百謂之千
道會云云〇十一月有星如日徐徐南行而落光照人物與月

無異出 宋史

治元

子

十月女真阿骨打稱帝國號大金其初

首長本新羅人號完顏氏完顏猶漢言
王女真妻之以女生二子其長即胡來
也自此傳三人至楊哥大帥以至阿骨
打身長八尺貌雄偉沉毅寡言笑顧視
不常而有志有楊朴者遠東人也勸
阿骨打稱帝以其國產金故號大金遣

已改

宣和○西夏改元德○道法師等書諫

人請天祚求封冊天祚遣使備衣冕冊為東懷皇帝

佛號大覺金仙士餘為仙人道士僧稱德但道冠有微德冠無微凡法事稱故名者加之中罪羣臣諫者酷看誅之變風

大崩夫又以寺為官院為觀尋改女冠為女道尼為女德仍禁銅鏡卷像下書便令天下道士逐出本寺不令將帶衣鉢財物而便道士安心住坐○夏五都城水高十餘丈水未作前兩數日如傾及霽開封縣前茶肆人展起拭床榻諸君有大犬躡其傍皆明視之龍也其人驚乎而倒遂為作切兵眾取而食之都人繪之若世所畫龍鱗蒼黑色驢首而兩頰如魚頭色正綠項有角頭極長於

其際始分兩岐有聲如牛後十日水至詔林靈素禳水無驗泗州僧伽降現上命張士龍降後一夕五鼓西北有赤氣濟大士龍天犯紫宮北仰觀星皆若數十道巨天犯紫宮北仰觀星皆若隔十道巨天犯紫宮北仰觀星皆若數夕又作聲益大格且久其發更猛北又延及東南其聲亦不絕追曉方止

子庚

秋九月詔佛德士牒馳銅鏡塔像禁實覺

○冬十一月放林靈素歸温州死之宋史復僧釋氏舊名輪錢換大元年○春正月日有青忽青黑無光動若銀金而涌沸狀日傍有青黑正如水波周回旋轉將暮而相止時暈賊未

寅壬

平人多三月二十五日詔慈受懷深禪

林院生壽春夏氏夏六月黑青京畿忽有物如人或如犬其色黑不辨眉目夜出掠小兒傷食之如是三年乃息

遼延禧與女真大戰而敗上京東京攻敗之延禧與二子奔于不毛之地由洛陽入夾山復立于燕遼由

是分矣改元建福

是年丞相張無盡薨公諱商英字天覺年十九赴春闈抵向氏家向預夢神人報曰明日接相公凌晨公至向異之勞問勤腆厚贐其行後妻以女公果登第一日遊僧

舍見拂拭藏經梵夾肅粧公佛然曰吾孔
聖之書不及胡人之教夜坐書室吟哦至
三鼓向云夜深何不睡去公以前意對曰
正此著無佛論向云既無佛何用論之公
疑其言乃已後因訪一同列見佛經乃問
何書云維摩經公信手探閱至此病非地
大亦不離地大處嘆曰不意殊方乃有此
語公盡借歸讀之不厭向云可熟讀然後
著無佛論公遂留心禪宗因提刑河東至
汾謁大達國師塔及夢國師從容接引覺
而閱其語看至國師問馬祖西來心印祖
曰大德正開在且去國師去祖喚曰大德
國師回首祖曰是什麼公乃有省作偈曰
是什麼是什麼羅睺殿前燈是火不是阿
祖喚回泊被善才覩破毘嵐風急九天高

治九

三五

白鷺眼盲魚走過元祐六年奉使江左游
東林謁照覺總議論久之乃曰南昌諸山
誰可與語覺曰堯率悅玉溪喜公下車至
八月按部過分寧諸禪遊之公請俱就雲
岩陞堂有偈曰五老機緣共一方神鋒各
向袖中藏明朝老將登壇看便請橫戈戰
一場悅最後登座貫穿前列公大喜遂入
堯率抵擬瀑亭公問此是什麼悅曰擬瀑
亭公云挨轉竹筒水歸何處曰目前薦取
公佇思悅曰佛法不是這箇道理及夜話
次公云比看傳燈一千七百尊宿機緣唯
疑德山托鉢話悅曰若疑托鉢話其餘即
是心思意解何曾至大安樂境界乎公憤
然就榻至五鼓忽垂脚踢翻溺器乃省前
話即扣悅寢室謂悅曰已捉得賊了也悅

曰賊物在什麼處公扣門三下悅曰且寢
去來日相見翌日公投頌云鼓寐鐘沉托
鉢回岩頭一撥語如雷果然只得三年活
莫是遭他受記來悅於是焚香付之偈曰
等閒行處步步皆如雖居聲色寧滯有無

一心靡異萬法非殊休分體用莫擇精粗
臨機不礙應物無拘是非情盡凡聖皆除
誰得誰失何親何疎拈頭作尾指實爲虛
翻身魔界轉脚迷途了無逆順不犯工夫
仍囑曰參禪爲命根不斷依語生解如是
之法公已深悟然至極微細之處使人不
覺不知墮在區宇更宜著鞭公感激是歲
十一月悅歸寮公別悅未幾登右揆是夕
彗星滅父旱而雨唐子西作內前行一時
傳誦其詩曰內前車馬撥不開文德殿下

治九

三四

宣麻回紫微侍郎拜右相中使押赴文昌
臺旄頭昨夜光照牖是夕鋒鏑如禿帚明
日化爲甘雨來宅家喜得調元手周公禮
樂未要作致身姚宋亦不惡我聞二公拜
相年民間斗米三四錢明年當宣和辛丑

二月公奏諡號真寂遣使持文祭其塔其
畧曰余頃歲奉使江西按部西安相識龍
安山中抵掌夜話盡得未後大事正宗顯
決方以見晚爲嘆而師遽亦化去惜其福
不逮慧緣不勝壽喜其德不可掩故終必
有後思以發揮之爲特請於朝蒙恩追諡
真寂禪師於戲惟余與師神交道契故不
敢忘其平日激厲之志雖死生契闊之異
而蒙天子之殊恩則幸亦共之仰惟覺靈
祇此榮福宣和四年十一月黎明口占遺

表命子弟書之仍作偈曰幻質朝章八十
一漚生漚滅無人識撞破虛空歸去來鐵
牛入海無消息言訖取枕擲門聲如雷震
視之已逝矣

卯癸

金改天會元年

太宗吳乞買立乃太祖弟粘罕幹尚不等

治九

三五

立之滅遼遂有南併之志升皇帝都曰會寧府為中京帝於禁庭視都瑞光光中現佛即勅模像殿庭供養帝親掃洒每食跪獻累年無怠每歲設會齋僧萬餘

甲辰是時兩京河浙路京師災異疊見都城有
賣青菓男子孕而誕子尊母不能收易

七人始免而逃去又有酒肆號豐樂樓
酒保朱氏子其妻年四十餘忽生鬚髯
長僅六七寸疏秀甚美宛然一男子詔
度為女道士出宋史
禪林僧寶傳成沙門德洪撰字覺範初名

惠洪姓俞氏高安人少孤受學辯博能緝
文性簡亮年十三出家依三峯禪師十九
試經東都落髮受具聽宣祕律師講華嚴
經一旦不樂歸事真淨克文禪師七年盡
得其道始自放於湖湘之間荊州張丞相

聞其名請傳法於峽州天寧寺以二詩辭
焉已而杖策謁公公見之喜曰今世融鑿
也給事中朱彥知撫州以師住持北景德
寺久之謝去住持江寧府清涼寺坐為狂
僧誣告抵罪張丞相當國復度為僧易名

德洪數延入府中與論佛法有詔賜號寶
覺圓明一時權貴人爭致之門下執弟子
禮且將住持黃龍山矣會丞相去位制獄
窮治踪跡尚書郎趙鼎等皆坐貶官師竄
海南島上三年遇赦自便名猶在刑部雖

毀形壞服律身嚴甚所至長老避席莫敢
亢禮其同門友居谷山及其嗣法在諸山
者皆迎師居丈室學者歸之是時法禁與
黨人遊而師多所厚善誦習其文重得罪
不悔惟張丞相及侍郎鄒浩右師陳瓘尤

治九

三六

盡其力其在東都也或譏道人當交通權
貴耶師笑謂人曰是安知吾意大臣庶知
之故及於難及靖康初大除黨禁談者謂
師前日違衆趨義屢瀕於死既還僧籍宜
有以寵異之語聞執政欲上其事屬多故

不果明年師沒志汙不伸世以為恨壽五
十八膺三十九著論萬言皆有以輔教云

巳乙 金天會三年○遼保大五年

延禧奔
來山大

臣立其弟淳中燕京尋死又立其
妻蕭氏改元德興延禧附淳死詔
削其官爵降蕭氏為庶人初奔夾
山至是越漁陽嶺南走金兵擒之

封為海濱王踰年卒於長白山金
滅之國除右遼自阿保機以梁貞
明二年丙子建元神冊至延禧保
大乙巳共九主凡二百一十年

詔法師永道還京復僧形服六月奉旨住
持昭慶崇化禪寺七月御批右街顯聖寺
釋迦院特賜寶覺大師充廨舍仍行住持

師諱水道東潁沈丘毛氏子弱歲厭世相
往依承天寺南羅漢院真戒大師安恭學
出世法既納僧服趨京師業唯識百法通
之政和三年選補右街香積院住持賜紫
衣五年賜寶覺大師宣和元年改佛號師

治九

三七

與律師悟明華嚴師惠日相向泣曰佛法
至此幸生猶死也亟詣政府陳狀謂自漢
永平佛法入中國唯元魏宇文周唐會昌
曾廢佛我國家法堯准舜三武庸主安足
為法哉謂佛非中國之人不欲存其法於

中國乞放歸田里復士農之業德士之稱有死不敢奉詔不納翌日遂伏宣德門奏疏曰臣水道幸生神考潛封之地遭際陛下御寓之時三教鼎興萬方無事臣因棄士農之業削髮披緇講授佛書助揚聖時

無爲之化竊謂三教聖人壹是教人以為善但爲其徒者妄相睚眦致使時君惑焉蓋自三五以降朴散淳漓大道堙塞周之柱下史迺著書五千言發明道德將使斯民守雌保弱慈儉無爲反利於朴屬周道陵遲俗益浮僞而民莫之從也仲尼氏出益倡仁義之道修詩書定禮樂以拯世弊不幸而繼之以戰國處士橫議以仁義爲謬悠其視道德何如也漢興猶雜霸道孝文之賢議禮樂則謙讓未遑孝武窮兵讎

武海內大困於斯時也非吾佛之教應冥數而來則道德仁義幾乎熄矣原夫佛之書也苞羅精暢無所不統玄微深遠難得而測又明善惡報應通乎三世身滅而神不滅積善積惡各以其類報不待爵賞而

民自勸不待刑威而民自化其陰翊王度有功斯民豈小補云乎哉自漢以來惟元魏宇文周唐會昌嘗下廢佛之令其餘帝王罔不崇奉若我藝祖皇帝始受周禪首興佛教累遣僧徒徃西域益求其法太宗

治九

天

皇帝建譯場修隆典製祕藏詮述聖教序真宗皇帝製法音集崇釋氏論仁宗皇帝躬覽藏經撰寫天竺字日與大覺師懷璉賡歌質問心法英祖神考繼體守文哲宗皇帝在儲宮日神考不豫時讀佛經祈聖

躬永命使吾佛之道有一不出于正則曷足以致歷代帝王之崇奉哉雖遭前代之三廢然皆不旋踵而復其廢教之人率皆不旋踵而及於禍誰爲陛下謀乃赫然下廢佛之令臣甚爲陛下危之夫自漢以下

歷代帝王固無足爲陛下道者然我本朝之列聖豈皆不足爲陛下法哉陛下必欲道士之盛者宜嚴勅郡縣民之俊秀悉與保奏披戴不旬月之間道士自盛矣陛下舍此而不爲迺迫脇佛者之徒棄其所學

而從之傳曰以力服人者非心悅而誠服也以非心悅誠服之僧驅而內諸道士之中臣愚以爲道士之禍自此始矣未覩其爲盛也臣濫學於佛食宋之粟不容默已諫而獲罪實甘心焉書上帝大怒收付開

治九

三九

封獄當黥春陵監防卒謂此去萬里蛇霧毒人道人蔬食且不過中食甚非自全計宜茹葷血師嘖然曰死則死耳佛禁不可犯也春陵守一夕夢黥佛械而立迂下旦視事徧以告僚屬僚屬具對同夢頃之師

至而貌惟肖一府大驚議免師後辭以大君有命守益賢而免之居亾幾州人大疫師爲鑿池呪水飲者輒愈尋許自便建炎南渡廷臣薦師林堪恢復詔赴臨安勉反初服師力辭帝知師不可奪從容謂師先

帝惑於妖言毀卿形服朕欲爲卿去其黥涅可乎道對曰先皇墨寶不忍毀帝大笑撫道背曰卿到老倔疆遂賜名法道諡號寶覺圓通法濟大師俾住大中祥符寺國灾眚咸委師祈禱應若影嚮紹興二年詔

住廬山之東林從江州守臣請也明年師因道士循習近例班居僧上遂詣行在上疏曰緣崇寧大觀間道士王資息林靈素等叨冒資品紊亂朝綱由是道壓僧班切見靖康以來道士官資已行追毀乞依祖

宗舊制特賜改正禮部議故事惟宣德門肆赦道左餘並僧左奏著爲令先是靖康之亂嘗與律師悟明捨造三千化佛爲國永命其在祥符時方議經構而金人再陷臨安乘輿浮海道亦扈從至是乃移罷東

林勸施藏事十七年七月二十一日入窀于千佛閣新寺是日講筵法師百餘人以自恣來謁慰勞如平時遽謂法門安危醫公等是賴吾其逝矣索筆書偈合掌而逝闍維獲舍利無數弟子寶護建塔九里松

之原世壽六十二僧臘四十四魏國公張浚撰塔銘

淨慈止澗居簡禪師吊其塔文曰孟子稱大丈夫者富貴不能淫貧賤不能移威武不能屈公寄命螻蟻試身雷霆不奉明詔以改德士威武果能屈乎黥而流之爲道州徒九死之濱過午不食詠歌至化若出金石貧賤果能移乎削名刑籍復還舊物賜官分祿簡在帝心曰往欽哉去汝黥涅公念先帝不敢毀除帝曰此翁至老倔彊富貴果能淫乎方林靈素假道士服禍基播遷易緇於黃天下從之不則竊負而逃槁死林壑公則効忠比于尚冀其萬分之一如以杯土隄龍門之濤瀾聖恩寬洪不即誅戮

鄉使群起而拒吾知公獨不拒也非至
仁其孰能與於此哉蒙後公而生觀公
所成就奇偉峭絕真大丈夫事再拜右
繞辭而吊之曰黥可息乎身據鼎耳兮
息之則殞黥可去乎恩如春風兮去之

澆九

至

不忍一念之忍迄于蒙塵黍離闕庭塗

炭生靈髮天下僧又安足云邈哉道州

隻影問津一笑生還天清地寧眾獲斯

屈老臂獨信隱若敵國賢於長城蠹爾

靈素不典刑雖百粉兮痛奚以平九

里清陰蛻酪是舍草枯自春光奮不夜

後世何知婆婆其下其穎有泚兮其容

則赭油然而興起兮如聞伯夷之風者

丙午

欽宗桓即位

正月離不化京得金帛而退十二月再圍京城閏月城

皇六年遷族北還

改元靖康

佛祖歷代通載卷第二十九

音釋

詰智列切晟是政切閱扶月切左勳切火侯

也莊草切噉烏鳴切熬火舍切誥所臻切衆多

信其吉切墮欲追切禴胡外切古外

也正也鏡御切士鐵菰音茨汜許訖切抹

字會居子切綈曰痛昌飲切駭丑人切然笑觀

字會之隔爾爾一葉也痛人也駭然觀笑觀

岩

佛祖歷代通載卷第三十

治十

嘉興路弁祥符禪寺住持華亭念常集

南宋 姓趙氏 ○不輕曰 南渡高孝光 寧理度幼主

七宗百 三十四

打高宗構 母奉妃徽宗夢吳越武肅錢王入 室已而生帝封康王靖康初嘗出

治十

使幹離不軍是冬幹離不再來奉詔再
使耿南仲借行至相州民遮道請無往
至磁州守臣宗澤及磁人亦止之相州
守亦以蠟書言金人方遣騎物色康土
所在乃回相州揭榜召兵勤王有詔以
康王為大元帥汪伯彥議出相州北門渡河
兵入衛王從伯彥請進兵向京城伯彥
至大名聞京城陷請進兵向京城伯彥
不可請王移兵東河間守黃潛善亦領兵至
以為然遂東河間守黃潛善亦領兵至
進屯濟州探報張邦昌為金所立二帝
北行和昌迎元祐孟后聽政文武官吏
皆勤進邦昌下手書以迎光武之中興
外有曰漢家之厄十世宜光武之中興
獻公之子九人唯重耳之尚在遣使奉
表及以孟后書來邦昌繼至伏地慟哭
請死使人自河北窟來進道君手書曰
使可即真來救父母三勸哭拜受遂乾
即應天位

改建炎元年

金國天會五年

庚戌 上自正月至温之江心改額曰龍翔東軒

曰浴日宸翰輝暎○羊林靈素故居為

資福教寺○秦檜歸自金受撻粹意專

主和議○十二月金人冊劉預為帝國

號齊年改阜昌

亥辛 紹興元年○張浚妬能殺曲端盡失陝西

地

金國迎請栴檀瑞像到燕京建水陸

會七晝夜安奉於閔忠寺供養凡

住十二年

金熙宗立 名亶元名曷刺馬太祖嫡

孫宗浚之子治十四年完

癸乙 頽亮 弒之

西夏大德元年

法師蘇陀室利西竺人也特禮文殊于五
臺善闢咒術能通利神異頗多帝彌加重
時羽士蕭真人亦高士也技術難問皆爲
師伏於是稽首後違世已金國唐括相公
讚其真曰似似是是或云奇蘇陀室利西

治十

二

竺來遊一百八歲雪色連腮碧光溢臂內
蘊真慈外現可畏在閔宗朝連陰不霽特
詔登壇咒龍落地赭色伽黎后妃親製施
內藏財度僧起寺人半信疑佛陀波利借
路重來五峰遊禮我五佛冠冕殊何異圓

滿月面色非紅粹真人蕭生遙瞻拜跪
紹興五年八月五日圓悟禪師示寂諱克
勤字無着彭州崇寧駱氏子依妙寂院自
省落髮受具游成都從圓明敏行大師學
經論窺其奧以爲不足恃謁照覺勝公問

心法久之出關見真如詰公頗有省時慶
藏主衆推飽叅尤善洞下宗旨師從之盡
其要嘗謁東林照覺頃之謂慶曰東林平
實而已往見太平演道者師恃豪辯與之
爭鋒演曰是可以敵主死乎他日涅槃堂

孤光獨照時自驗看以不合辭去抵蘇州
定慧疾病幾死因念疇昔所叅俱無驗獨
老演不吾欺會病間即日束包而返演喜
其再來容爲侍者值潛使陳君入山問法
演誦小艷詩云頻呼小玉元無事只要檀

治

三

郎認得聲師侍側忽大悟即以告演演誥
之師曰今日真喪目前機也演喜曰吾宗
有汝自茲高枕矣師因以是事語佛鑑勲
勲未之信師曰昔云高巖打鐵火星爆吾
指頭初謂建立語今乃果然勲愕然無對

時佛眼禪師尚少師每事必旁發之二公後皆大徹由是演門二勤一遠聲價藉甚叢林謂之三傑演遷五祖師執寺務方建東厨當庭有嘉樹演曰樹子縱礙不可伐師伐之演震怒舉杖遂師師走辟忽猛省

曰此臨濟用處耳遂接其杖曰老賊我識得你也演大笑而去自爾命分座說法崇寧初以母老歸蜀出世昭覺久之謝去於荊州見丞相張無盡談華嚴要妙逞辭婉雅玄旨通貫無盡不覺前席師曰此真境

與宗門旨趣何如無盡曰當不別師曰有甚交涉無盡意不平師徐曰古云不見一色始是半提更知有全提時節若透徹方見德山臨濟用處無盡翻然悟曰固嘗疑雪竇大冶精金之語今方知渠無摸索處

師嘗有頌云頂門直下轟霹靂針出膏肓必死疾偶與丞相意會無盡喜曰每懼祖道寢微今所謂見方袍管夷吾也澧州刺史請住夾山未幾遷湘西道林初潭帥周公因提舉劉直孺願見師至是皮相之不

甚為禮及見開堂提唱妙絕意表始增敬焉政和末有旨移金陵蔣山法道大振僧問如何是實際理地曰何不向未問已前薦取僧曰未問已前如何薦師曰相隨來也進云快便難逢更借一問曰忘前失

治十

四

後進云若論此事如擊石火只如未相見時如何師曰三千里外亦逢渠曰恁麼則聲色外與師相見荅曰穿却鼻孔問忠臣不畏死故能立天下之大名勇士不顧生故能立天下之大事未審衲僧家又作麼

生師曰威震寰區未爲分外曰恁麼則坐斷十方辟立千仞師曰看箭問不落因果不昧因果是同是別師曰兩箇金剛圈曰馮山撼門三下又作麼生師曰不是同途者知音不舉來嘗示衆云恁麼恁麼雙明

不恁麼不恁麼雙暗不恁麼中却恁麼暗裏隱明恁麼中却不恁麼明中隱暗只如和座子撥却許多建立恁麼犯手傷鋒且道喚作什麼到這裏高而無上深而無底旁盡虛空際中極隣虛塵淨鞞鞞赤洒洒

是箇無底鉢盂無影杖子熊耳山前少林峯下老胡九年冷湫湫地守這間家具深雪之中直得情忘意遣理盡見除方有一箇承當且道雙明雙暗雙放雙收是建立是平常總不與麼也未是極則處且作麼

治十

五

生是極則處肇開華嶽連天秀放出黃河輓底流宣和中 詔住東都天寧 太上在康邸屢請宣揚有偈云至簡至易至尊至貴徃來千聖頂顛頭世出世間不思議然是時 欽宗在東宮師對 太上預有

至尊之識建炎改元宰相李伯紀表住金山 駕幸維揚有詔徵見顧問西竺道要對曰陛下以孝心理天下西竺法以一心統萬殊真俗雖異一心初無間然 太上大悅賜號圓悟禪師乞雲居山歸老 朝

廷厚贖其行至雲居之明年復歸于蜀太師王伯紹迎居昭覺紹興五年八月五日示疾將終侍者持筆求頌書曰已徹無功不必留頌聊示應緣珍重珍重擲筆而化春秋七十有三坐五十五夏謚真覺禪師

塔曰寂照

丙五月收免丁錢

○徽宗凶聞至以乙卯四月崩

平江虎丘隆禪師入寂諱紹隆和州含山縣人生時岐嶷九歲出家依縣之佛惠院又六歲削髮受具又五歲而束包曳杖然

有四方之志首謁長蘆淨照禪師叅扣之間影響有得因閱圓悟勤禪師語撫卷歎曰想醉生液雖未能澆腸沃胃要且使人慶快第恨未親聆警效爾於是欲訪之至寶峯謁湛堂準禪師準曰如何是行脚事

師露膏示之曰和上驗看準即打師約住曰且莫盲枷瞎棒準大笑因留年餘乃謁死心於黃龍心問曰是恁麼僧師曰行脚僧心曰是何村僧行甚驢脚馬脚師曰廣南蠻道恁麼何不高聲道心喜曰却有衲

治十

六

僧氣息師乃喝退而叅堂度一夏心甚器之每歎曰再來人也死心機鋒橫出諸方吞焰非上上根莫能當而於師重稱賞衆皆側目已而趨夾山見圓悟道龍牙山遇泐潭乾之法子蜜禪師相與甚厚每研推

古今至投合處撫掌軒渠或若佯狂議者謂今之爲仰寒拾也久之辭去遂至夾山會圓悟移道林師從焉一日入室圓悟引教云見見之時見非是見見猶離見見不能及豎拳曰還見麼師曰見悟曰頭上安

頭師於此有省悟復曰見箇恁麼曰竹密不妨流水過悟肯之自此與圓悟形景上下又二十年斧搜鑿索盡得圓悟之祕師以二親垂白歸寓鄉郡褒禪寺蓋修摩耶忉利故事也繼受請住城西之開聖寺四

衆翕然歸仰建炎之亂盜起淮上乃南渡
宣城士庶素欽師名爲結廬銅峯下適彰
教虛席郡守李尚書光延師居之道化益
振四年而遷虎丘時圓悟以時未平泛峽
歸蜀曩之同叅輻輳川犇一時後生望山

淳

七

而趨師每登座從容示露一味平等隨根
所應皆愜其欲故圓悟之道復大播東南
諸方謂圓悟如在也居三年感微疾白衆
曰當以第一座宗達承院事衆請於郡從
之事既索筆大書伽陀曰無法可說是名

說法所以佛法無有剩語珍重擲筆坐逝
實紹興六年丙辰歲五月甲午八日乙亥
也建塔于山之陽凡住世六十年坐四十
五夏

金廢劉預齊滅

戊秦檜爲右相晏敦復遜
而而有憂色曰奸人相矣○金天眷元年

己詔諸軍州建報恩光孝奉徽宗香火

庚西夏仁宗拓跋仁孝立

辛是年秦檜張浚謀殺岳飛岳雲○張九成

論入惠升座有神臂予之語秦○登徑山
檜東國謂議朝廷竄師街焉○金改

皇統

壬行經界田糧○韋太后歸自金○停給僧

道度牒

金國英悼太子生日詔海惠太師于

上京官側勅造大儲慶寺普度僧

尼百萬大救天下

癸

金詔海惠清慧二禪師住儲慶寺迎

瑞像於本寺積慶閣中供養

翻譯名義平江景德法雲編次荆溪周敦

義作序

子甲 丑乙

西夏元慶元年

金海慧遷化帝偕后親奉舍利五處

立塔特謚佛覺佑國大禪師

丙寅 正月詔毀淫祠○秦檜經界兩浙四川等

處

治十

金復賜清惠佛智護國大師號登國

師座特賜金襴大衣及所用珍異

其欽敬古所未有帝后親奉接足

禮授

卯丁

金國與蒙國議和○蒙國自稱祖元

皇帝

辰戊

佛智端裕禪師入窠師吳越錢氏之齋嗣

圓悟初住鄧之丹霞遷住虎丘次徑山蒼

居於西華秀峯勅住建康保寧移萬壽又

遷閩之延沙壽山西禪被旨補靈隱秋又

己巳

赴明之育王其法嗣淨慈水庵一等

金國完顏亮立太祖孫初名李烈殺主自立遷燕

後南征駐於汴至江上為諸酋弒於龜山寺 改年天德

○西夏改天盛

紹興十九年牧庵忠禪師遷化名法忠姓

姚四明鄞縣人母夢異僧求寓止而娠既

誕紫帶繞身自幼性專靜告雙親出家依

郡中崇教院道英授經業年十九試所業

得度即預講肆究天台教旨於疏義入微

亦頗自負一日暴所習於禪者為其折困

治十

九

因有疑於禪宗趨天童交禪師以求決

焉及於交言下知有機不發交使其南詢

造閩之雪峯與需禪師語復不契聞佛眼

遠禪寺居淮西龍門於是出蜀兼程至彼

造次不忘提撕其未至處適縱步水磨歛

睹牌額書法輪常轉師於是礙膺之疑泮然冰釋遂說偈曰轉大法輪目前包裹更問如何水推石磨而作圓相呈佛眼眼曰其中事作麼生師曰澗下水長流眼曰必竟如何師曰水推石磨眼曰歸堂歌去切不得舉着後五日來却向汝道一句子曰這一句子也不消得佛眼爲之解頤師遂作禮尋碎佛眼度九江登廬阜露眠草宿蛇虎爲隣山舒水緩處會意則居焉偶晦昏道傍有枯木數圍經野燒之餘尚存尋尺內空且絮師兀然其中逾旬決遠邇傳觀者甚衆師不欲顯異留偈紀之曰誰將三昧真空火蒸却一株煩惱薪只有大根元不動更無枝葉撼風塵過去謁湛堂準禪師於泐潭酌酢敏捷準大奇之斯時黃

龍法杜鼎盛預結夏制限其來者然死心道貌德威鮮敢撻其鋒嘗持劍夜造室曰聞老和上懼生死是不死心擬對師以劍揮之死心引頸師擲劍于地作舞而退至相西親圓悟于道林悟深器之既而放浪衡嶽眷車轍靈岩之有恠石有如卧牛師結茅其傍故榜牧庵樓遲二十餘年外形骸而自適或連宵而不寐或累日而忘澹髮長不剪衣弊不易天下禪侶雅稱爲忠道者四方衲子不以承顏爲不足一時

治十

十

士夫無不聞風而欣慕樞密柳公仲古鎮長沙以法輪起師從於衆望師掉頭不顧復以勝業虛席必欲迎致檄諸禪勸請師聞而宵遁追蹤至定明蘭若搥鼓于堂致師子座緇素羅拜踰時不已師慨然說偈

曰咄哉黃面老將法付王臣林下無心客
 官差逼殺人昔聞其言今見其事下座曳
 杖趨勝業領住持事給事馮公濟川撰開
 堂疏有曰佛眼磨頭悟法輪之常轉死心
 室內持慧劍以相揮時為師之實錄師既
 應世以荷負宗教為已任亦不恡去留故
 自勝業遷南木雲蓋公安大瀉五刹復赴
 豫章師李吉甫請住黃龍太尉邢公孝揚
 施金為造壽塔於寺東之薌源纔畢工而
 方丈後山白光上騰群鵲飛鳴師顧之笑
 曰吾將行矣索筆書偈曰六十六年遊夢
 幻中浩歌歸去撒手長空書畢復謂眾曰
 後事可依靈源清禪師遺範言訖瞑目而
 寂

碑

金廢度僧道

治十

土

太平九月上謂大臣曰緣不度僧常住多有絕

產令戶部撥以贍學出宋史○世尊示滅

二千一百年矣

太皇后韋氏高宗母也建宗先顯孝禪寺於杭

之高亭山詔真歇清了禪師開山為第一

代未幾示寂塔于寺中師左綿雍氏嗣丹

霞淳公嘗作無盡燈記曰東平打破鏡已

三百餘年龍潭吹滅燈復四百餘載後代

子孫迷於正眼以謂鏡破燈滅而不知行

住坐卧放大光明燈未曾滅也見聞覺知

虛鑑萬像鏡未曾破也燈雖無景能照生

死長夜鏡雖無臺能辯生死魔惑鏡與燈

光光常寂明與鑑幻幻皆如照之無窮則

曰無盡燈鑑之無窮則曰無盡鏡日用不

昧昭昭於心目之間但衆生迷而不知故

有修多羅教開如幻方便設如幻道場度如幻衆生作如幻佛事譬如東南西北上下四維中點一燈外安十鏡以十鏡喻十法界一燈况一真心一真心則理不可分十法界則事有萬狀然則理外無事鏡外

無燈雖鏡鏡中有無窮燈無窮燈唯一燈也事中有無盡理無盡理惟一理也以一理能成差別事故則事事無礙由一燈全照差別鏡故則鏡鏡交參一鏡不動而能遍能容能攝能入一事不壞而即彼即

此即一即多主伴融通重重無盡悲夫衆生居一切塵中而不知塵塵皆毘盧遮那無盡利海普賢示一毛孔而不知一一毛孔含衆生三昧色身然則一切衆生日用在普賢毛孔中毘盧光明內慈氏樓閣中

治十

十一

出沒文殊紐乃上往來念念中與諸佛同出世證菩提轉法輪入滅度如鏡與鏡如燈與燈一切一時普融無碍誠謂不可思議解脫法門非大心衆生無以臻於此境或問即今日用見聞覺知畢竟是燈耶非

燈耶是鏡耶非鏡耶答曰鏡燈燈鏡本無差大地山河眼裏花黃葉飄飄滿庭際一聲砧杵落誰家

是年改孤山寺為延祥四聖觀遷圓法師塔葬北山瑪瑙坡○大惠移梅陽

酉癸

金改貞元正月張燈○史人王中孚倡金真教談

馬丘劉和之今尚存

碑宋自秦檜專國士大夫名望者悉屏之遠方齷齪委靡不振之徒一言契合即登政府仍止除一廳謂之伴拜稍出一語

斥而去之不異奴隸皆褫其職名閣其
恩數猶庶官

乙 雲卧紀談羅湖野錄成十月感山沙門曉
瑩撰字仲温法嗣太惠杲禪師

丙 六月有星晝隕○金改正隆元年○詔大
惠復

活十
為僧住持
阿育王

丁 八月詔收諸路給餘僧牒上曰佛法朕亦
未嘗有意絕之正恐僧徒多則不耕者

宋
史

明州天童宏智禪師正覺十月遷窆姓李

氏母趙隰州人誕師之夕光出於屋人皆
異之七歲誦書日數千言通五經父宗道
令出家得度於同郡淨明寺本宗受具於
晉州慈雲寺智瓊十八歲出游方訣其祖
曰若不發明大事誓不歸矣至晉絳間或

以無憑沮師邑尹見師英俊因以所執扇
示之曰為我下一轉語師即援筆書偈其
上尹大喜為請憑以行渡河之洛謁成枯
木於汝州時丹霞淳道價方盛乃造馬問
如何是空劫已前自己覺云井底蝦蟆吞

却月三更不借夜明簾霞曰未更道覺
擬議霞打一拂子云又道不借覺忽悟作
禮霞云何不道取一句覺曰某甲今日失
錢遭罪霞曰未暇打你且去時年二十三
矣霞退居唐州大乘亦從馬宣和二年霞

遷大洪為掌記室三年遷首座時金粟智
雪竇宗保福悟鳳山釗皆叅隨之復分座
於圓通照闡提席下真歇住長蘆招居板
首時衆踰千七百見其秉拂提唱皆服之
出世泗洲普照嗣法丹霞矣比先分寺之

半為神霄宮而又兩淮薦饑齋廚空乏二時所須雜以菽麥既至命純以秬庫僧辭不給已而檀施填委徽宗南幸覺領眾起居見寺僧千餘填擁道左威儀整肅異之有旨召公面受聖語還其故寺之半建炎

治十

古

初往舒之太平又遷江之圓通能仁謝事遊雲居謁圓悟會長蘆虛席大眾必欲得師圓悟與安文郡王勉其行入寺未幾時大寇李在抄掠境上領眾入寺眾懼解散公安坐堂上以善語化之在等稽首敬服

麾退其兵餽金贍眾一方咸賴以安建炎三年渡浙江至明州禮補陀道由天童適其關主眾見師來密白郡帥始辟而後從未幾虜人犯境僧徒逃散公獨遲其來虜至登嶺以望若有所見遂斂兵而退秋毫

無犯人歎以為神助焉九月被旨住靈隱將行四眾踴慕百鳥哀鳴十月有旨再還天童前後垂三十年寺屋幾千間無不新者紹興二十七年秋九月別郡帥諸檀是月七日還山飯客如常八日辰巳索浴更

衣端坐索筆作大惠書屬以後事又書偈

曰夢幻空花六十七年白鳥烟沒秋水天

連擲筆而逝詔諡宏智禪師塔曰妙光

六月有星書墮八月地震○詔育王大惠再住徑山

七月翰林李燾進皇朝百官表宋史

治十

古

初行會子○十二月欽宗崩于五國城

詔復給僧牒市軍儲

金世宗立

名雍初名褒封楚王太祖孫海陵王亮既背盟南伐

以帝守京因自立都燕帝仁厚慈儉不嗜兵國內安治在位二十九

年人謂改年大定

大教東被一千一百年矣

午孝宗睿即位初名伯琮太祖七世孫也母

張氏生於秀州有嘉禾之瑞在位二十

七年壽六十八矣

金國移都燕京勅建大慶壽寺成詔

請玄冥禪師顓公開山第一代勅

皇子燕王降香賜錢二萬沃田二

十頃

未改隆興元年是年六月十三日天童應庵

禪師曇華遷窆姓江氏薪之黃梅人生而

奇傑骨目聳秀童稚便厭世故具決定志

津濟群品年十七出家於邑之東禪明年

為大僧又明年杖錫參方首謁隨州水南

退和上染指法味迺上雲居圓悟禪師一

見拊勞痛與提策以為法故服勞難事趨

走唯恐居後會悟入蜀指似往見彰教隆

于宣隆其子也隆移虎丘師實為先馳未

半載間通徹大法頓明圓悟為人處未幾

禮辭遊諸方初分座於處之連雲處守遂

以妙嚴請師出世繼住衢之明果薪之德

章饒之報恩薦福婺之寶林報恩江之東

林建康之蔣山平江之萬壽兩住南康歸

宗末乃住今天童皆緇白欽慕同辭公舉

處處開大施門垂手未悟遠近奔湊如水

赴壑師於普說小叅問答勘辯之屬皆從

治十

六

容暇豫曲盡善巧而室中機辯搯縱殺活

尤號明妙師初有發明即與此庵時號元

布袋者同行反覆博約日益深奧及從此

庵於護國相得權甚此庵云亡意於師不

無所屬而開堂嗣法不忘虎丘與近世眩

於名聞率於利養燒香不原所得者異矣
每於住持泛應虛受雖料理建置小物細
故動爲無窮計未嘗苟且纖毫不可於意
即翩然竟去莫能回奪嘗自言衲僧家着
草鞋住院何至如蚯蚓戀窟勵勉徒衆不
許放逸事事必身率之其將示疾也猶掛
牌入室至夜分他日多類此將終或以辭
世偈爲請師曰吾嘗笑諸方所爲而自爲
之耶區區處院事纖悉不遺奄然趺坐而化
春秋六十一夏臘四十三

是年徑山杲禪師入寐諱宗杲宣州寧國
奚氏子幼警敏有英氣年十三始入鄉校
一日與同窓戲謔以硯投之悞中先生帽
償金而去乃曰讀世書局若究出世法乎
即詣東山惠雲院出家先是元豐戊午院

治十

七

塑釋迦像有異人丁生者語寺僧曰立像
一紀當生一導師大興宗教若像有難是
人方來像毀則是人亦有難崇寧甲申有
盜穴像腹取其所藏師以是歲適至事惠
齊爲師明年落髮受具繇是智辯自將凌
跨流輩閱故雲門錄恍若舊習聞老宿紹
理久依天衣懷公亟往謁與聞靈寶奧
旨趨寶峰湛堂準禪師見師風神爽邁特
加器重使之執侍指以入道捷徑師橫機
無所讓準訶之曰汝未曾悟病在意識領
解則爲所知障時李彭商老叅道於準師
適有語曰道湏神悟妙在心空體之不假
於聰明得之頓超於聞見李歎賞曰何必
讀四庫書然後爲學哉因此爲方外交準
將入滅師問孰可依後準以圓悟勤公語

之已而重趼荆渚謁無盡居士張公請銘
準塔公道望傾天下師登其門承顏接辭
綽有餘裕公稱譽之為名庵曰妙喜字以
曇晦歸寶峰訖其事復見無盡從容問曰
居士謂我禪何如公曰子禪逸格矣師曰

宗杲實未自肯在公曰行見川勤可也於
是佩服其言放浪襄漢會大陽微禪師密
授曹洞宗旨尋游東都宣和六年圓悟禪
師被旨都下天寧師自慶曰天賜我得見
此老不孤湛堂張公指南之意遂造天寧

及聆其陞堂法要迥異平日所聞即傾心
依附閱四旬圓悟舉僧問雲門如何是諸
佛出身處門云東山水上行若有人問天
寧只向道薰風自南來殿閣生微涼師於
言下豁然頓悟圓悟大喜遷師擇木堂以

治十

大

治十

大

古今差別因緣密加研練一日圓悟飯超
然居士趙公師預坐忽忘舉筋圓悟顧師
而語超然曰是子叅得黃楊木禪也師既
為所激乘間扣曰聞和上嘗問五祖話不
知記其荅否圓悟曰向問有句無句如藤

倚樹作麼生五祖云描也描不成畫也畫
不就又問樹倒藤枯時如何五祖云相隨
來也師廓然脫去知見玄妙圓悟深可之
使掌記室著臨濟正宗記畀焉分座令接
納繇是以竹篋應機施設電閃星飛不容

擬議叢林浩然歸重右丞呂公舜徒秦錫
佛日之彌虜人犯順欲名僧十數北去師
為所挾會天竺密三藏日與論義密尤敬
服尋得自便趨吳門虎丘聞圓悟遷雲居
欲往省覲道金陵待制韓公子蒼與語喜

之以書聞樞密徐公師川曰頃見妙喜辯
惠出流輩又能道諸公之事業衮衮不勌
實僧中杞梓也抵雲居爲衆第一座譏訶
佛祖辯博無礙圓悟亦讓其雄會世擾攘
入雲居之西結庵于古雲門寺基因以爲

治十

十九

名閱二十年辟地湖湘轉仰山邂逅竹庵
珪禪師相與還雲門著頌古百餘篇久之
游七閩居海上洋嶼師憫諸方學者困於
默照作辯邪正說以救其弊泉南給事江
公創庵小溪延請師居緇素篤於道者畢

集未半年發明大事者數十人昂需思岳
彌光道謙遵璫悟本等皆在焉一日叅政
李公漢老聞舉庭栢話有省師可之及公
疾革作偈寄彌光有添將法力荷雲門之
句師平居絕無應世意圓悟在蜀聞之囑

丞相張公德遠曰杲首座不出無可支臨
濟法道者公尋還朝適徑山虛席必欲致
師師幡然起赴開法于臨安府治唱圓悟
之道說法竟侍郎馮公濟川問曰師嘗言
不作這蟲豸今日爲恁麼敗闕師曰盡大

地是箇杲上座你作麼生見公無語及居
徑山四方佳衲子靡然全集至一千七百
師無他約束容其自律發明已見率常有
之上堂問答具在本錄時惠雲院忘丁生之識
毀釋迦故像而新之實紹興辛酉夏五月

也師於是月坐與張厚善者逢掖編置衡
州廖通直李繹爲結茅園中師既拘文不
與衆俱率令散處花藥開福伊山時容其
受道門庭益峻乃哀先德機緣間與拈提
離爲三帙目曰正法眼藏前叅政李公大

發時居鍾津翰林汪公彥章稅駕零陵數
通書問道當軸者滋不悅移師梅州其地
荒僻瘴癘藥物不具學徒百餘羸糧從之
閱六稔斃者過半師以道處之怡然由是
居民向化至繪師像飲食必祀焉者有之

治平

辛

乙亥冬蒙恩北還明年春復僧伽黎尋領
朝命住明州育王山逾年有旨改住徑山
天下宿衲復集如初時上潛藩雅聞師名
遣內都監詣山問佛法大意師陞堂有偈
云豁開頂門眼照徹大千界既為法中王

於法得自在仍作頌獻曰大根大器大力
量荷擔大事不尋常一毛頭上通消息徧
界明明不覆蔽上嘉美久之建邸立復遣
內知客入山供養五百應真請師說法親
書妙喜庵大字并製贊寵寄曰生滅不滅

常住不住圓覺空明隨物現處師陞堂有
偈曰十方法界至人口法界所有即其舌
只憑此口與舌頭祝吾君壽無間歇億萬
斯年注福源如海滉漾永不竭師子窟內
產後猊鷲驚驚定出丹山穴為瑞為祥遍九

垓草木昆虫皆懽悅稽首不可思議事喻
如衆星拱明月故今宣揚妙伽陀第一義
中真實說師春秋高求解寺任辛巳春得
旨退居院之明月堂然宏法為人老而不
勅上即位特賜號大惠禪師隆興建元自

治平

辛

恣前一夕有星殞于院之西流光赫然有
聲如雷師示微疾八月九日學徒問僕師
勉以宏道徐遣之曰吾翌日始行至五鼓
親書遺奏侍僧固請留頌為寫四句擲筆
就寢湛然而逝壽七十有五塔全身於堂

之後

淳祐間晉陵尤焞彌貳卿嘗題大惠語大
惠說法後橫踔勵如孫吳之用兵而廣闊
弘深不可涯涘如大海水魚龍飲者莫不
取足今舉平昔聞見二則朱文公少年不
樂讀時文因聽一尊宿說禪直指本心遂
悟昭昭靈靈一着十八歲請舉時從劉屏
山屏山意其必留心舉業暨搜其篋只大
惠語錄一帙爾次年登科故公平生深知
禪學骨髓透脫關鍵此上根利器於此取
尼者也焞早得於潘子善文云爾因取語
錄讀之至老不敢釋手往在春陵永嘉徐
棘卿瑄亦貶是邦未幾忽遷象臺憂愁涕
泣焞授以所携本徐卿亟取讀之達旦不
寐次日欣悅忘憂與昨日負然二人也遂

携以去手抄一本乃見還後三年徐没于

貶所臨終始同游戲不疾沐浴而逝此書

之靈驗如此蓋焞之親覩也云云

詔蔣山大禪了明禪師繼席徑山師秀州

陸氏嗣大惠化楊和王姑胥莊田供衆歲

收二萬斛常住由是豐足

甲沙門祖秀號石室撰隆興佛運通論成行

于世

乙乾道元年

丙詔靈隱道昌禪師住淨慈

三

戊詔上竺若訥講師於四月八日選五十僧

入內觀堂行金光明三昧祈福邦家

金國十月一日詔顛禪師於東京翔

清安禪寺度僧五百作般瑟于吡

會

丑 普庵禪師入寂名印肅袁州宜春余氏子
六歲夢一僧點其心曰汝他日當自省既
覺以意曰母視之當心有一點紅瑩大似
世之櫻珠父母因此許從壽隆院賢公出
家年三十七落髮越明年受戒師容貌魁

奇智性巧慧賢器之勉讀法華師曰嘗聞
諸佛元旨必貴了悟于心數墨巡行無益
於事遂辭師游湖湘謁大滙牧庵忠公因
問萬法歸一一歸何處忠公豎起拂子師
遂有省後歸受業院紹興癸酉間有隣寺

慈化者衆請住持無常住師布衾紙衣晨
粥暮食禪室外唯閱華嚴經論一日大悟
徧體汗流喜曰我今親契華嚴境界遂述
頌曰捏不成團撥不開何須南嶽又天台
六根門首無人用惹得胡僧特地來自後

治十

三三

發為言句動悟幽顯有不期然而然者一
日忽有僧名道存冒雪至師目之喜曰此
迺吾不請之友矣遂相與寂坐交相問答
或笑或喝僧曰師再來人也非久當大興
吾教迺指雪書頌而行至斯慕向者衆師
乃隨宜為說或書偈與之有病患者折草
為藥與之即愈或有疫毒人迹不相往來
者與之頌咸得十全至於祈禳兩賜伐恠
木毀淫祠靈應非一由是鼎新或問師修
何行而得此師當空畫云還會麼云不會
師云止止不須說其峻機多類此忽一日
索筆書頌於方丈西壁云乍雨乍晴寶象
明東西南北亂雲深失珠無限人遭劫幻
應權機為汝清○枯木救度復示衆曰諸
佛不出世亦無有涅槃入吾室者必能元

契矣善自護持無令退失索浴更衣跣跡而寐時乾道五年七月二十一日也世壽五十五僧臘二十八奉全身于塔焉是年金國慶壽尊禪師塔于嵩山其文略曰諱教亨號虛明濟州任城王氏子先有

汴京慈濟寺僧福安山居任城有年矣齋于芒山村倚樹而化見夢于女弟馮自彭村浮圖乘白馬而下曰我生於西陳村王光道家馮語其母及其子其夢正同詰旦至光道家師母劉夜夢安公來求寄宿是日師果生焉拳右拇指似不能伸瞬而未笑同業福廣福堅聞之來謁徑問安兄無恙師熟視良久伸指而笑常獨卧空室其母聞人誦摩訶般若波羅蜜驚顧襁褓師猶躡屨及晬試以經卷酒杯遽拾經卷少

第十 三四
長不如葷血唯見僧行造門輒喜從之故一時皆呼以馮山主芒山村碑之於石七歲出家禮本州崇覺院圓公爲師十三受具足戒遇苦瓜先生相之曰此兒必領僧萬指十五游方聞鄭州普照寶公法席之勝

自汴梁發足是夜寶公夢慶雲如金芙蓉繽紛亂墜以告人曰吾十年無夢矣此何祥也翌日師來寶公心獨異之師朝夕叅扣未有所入他日以事往睢陽宿趙渡忽馬上憶擊板因緣有省凝情不散將抵河津同行德滿驚曰師兄此河津也師下馬悲喜交集至于墮涕歸以語寶公公曰此僵卧人似欲轉動猶未印可曰曾看日面佛公案否師笑曰見時已念得寶公笑曰我只教人叅諸方掉下底禪但再叅去定

有自得力處一日師因雲堂靜坐忽聞板聲霍然親證呈頌曰日月面星流電轉若更遲疑面門着箭咄寶公遂記前曰吾謬汝不得也諸方知師得法懇求出世師亦知緣至輒往應命五坐道場嵩山之戒

治十

王五

壇韶山之雲門鄭州之普照林溪之大覺嵩山之法王左丞相夾谷清臣請師住中都潭柘歸隱缺門復駐錫于濟州之普照方丈後叢樹蔚鬱中有一株亭亭然高丈餘群鴉以次來巢其上下十二級如浮圖

狀象賀曰和上佛法將大振乎不十數日奉章朝旨主慶壽寺三年退居缺門知河南府國公石抹仲溫以少林虛席請師繼之居無何師復引去徜徉嵩山間者數年忽覺四大絃緩杜門堅坐謝絕賓客其嗣

香山江延師于西堂慈雲海復乞侍奉至興定己卯秋七月十日謂眾曰汝輩各宜着力索筆書頌其末後句云嘔一三三四五六七堅坐不動而逝享年七十僧夏五十有八闍維焰如蓮花開合牙齒目睛不灰舍利無算師自兒時額有圓珠至是爆然飛去收靈骨建塔焉

庚庚

金國世宗真儀皇后出家為尼建垂慶寺度尼百人賜田二百頃○西

夏乾祐元年

卯辛 乾道七年正月二十日靈隱瞻堂惠遠禪師奉詔見選德殿師奏曰臣生西蜀眉山遊方逾四十年在山間恭聞陛下即位以來日應萬機道冠千古覆護教法契合龍天是謂以佛心而治天下臣嗣法佛果圓

悟禪師上曰圓悟是誰奏曰臣之師名克勤太上皇帝駐蹕維揚時賜號也上曰恨昔不見其杲老如何奏曰與臣同出圓悟之門上賜坐上問曰如何免得生死奏曰不悟大乘道終不能免上曰如何得悟曰

淨

王六

本有之性但以歲月磨之無不悟者上曰悟後如何曰悟了始知陛下所問與臣所奏悉皆不是上曰一切處不是如何奏曰脫體現前了無毫髮可見之相上大悅師復奏曰古德道無所是是菩提上曰即心

即佛如何曰目前無法陛下喚恁麼作心上曰如何是心師正身又手而立曰只者是上笑徐問德山臨濟機緣師具奏之復奏曰悟後千句萬句乃至一大藏教只是一句上曰是那一句奏曰好語不出門上

曰不與萬法爲侶可參乎奏曰老龐致此一問驚天動地驅山塞海超古今脫是非離言說絕依倚如陛下至尊至貴大道本然上曰得道者誰奏曰學道之人隨其器量淺深驗在意表得底人他亦自知時節

學佛者衆機緣亦廣恐勞聖聽不敢具奏遂謝恩下殿上曰後更要說話在奏曰謹領聖訓乙未正月帝製原道論其文曰朕觀韓愈原道因言佛老之相混三教之相初五入寐絀未有能辯之者且文繁而理迂揆聖人

治十

王七

之用心則未昭然矣何則釋氏專窮性命棄外形骸不着名相而於世事自不相關又何與禮樂仁義然尚立戒曰不殺不淫不盜不飲酒不妄語夫不殺仁也不淫禮也不盜義也不飲酒智也不妄語信也如

此於仲尼何遠乎夫子從容中道聖人也
 所為孰非仁義又烏得而名焉譬如天地
 運行陰陽循環之無端豈有意春夏秋冬
 之別哉此聖人強名之耳亦猶禮樂仁義
 之別以設教治世不得不然也因其強名
 揆而求之則道也道也者仁義禮樂之宗
 也仁義禮樂固道之用也彼楊雄謂老氏
 槌仁義滅禮樂今迹老子之書其所寶者
 三曰慈曰儉曰不敢為天下先孔子曰溫
 良恭儉讓又唯仁為大老子之所謂慈豈
 非仁之大者耶曰不敢為天下先豈非遜
 之大者耶至其會道則互相遍舉所貴者
 清淨寧一而於孔聖果背馳乎蓋三教未
 流昧者執之自為異耳夫佛老絕念無為
 修心身而已矣孔子教以治天下者特所

施不同耳譬猶耒耜而織機杼而耕後世
 徒紛紛而惑固失其理或曰當如之何去
 其惑哉曰以佛修心以老治身以儒治世
 斯可也唯聖人為能同之不可不論也
 帝嘗於選德殿製觀音讚賜上竺刻於石
 其詞曰猗歟大士本自圓通示有言說為
 世之宗明照無二等觀以慈隨感即應妙
 不可思

壬辰正月駕幸靈隱八月七日詔靈隱徑山天

竺集內觀堂齋宣靈隱惠遠入東閣賜

治十

二十六

坐咨論法要十月三十特賜遠號佛海

禪師

甲午詔賜內帑二萬緡付上竺建藏殿賜經一

藏命皇太子書殿榜曰法輪寶藏

未乙 淳熙○詔賜上竺白雲堂印
 靈隱直指堂印

申丙 特旨福州東禪刊天台宗教部同大藏流

通

子庚 金國大定二十年正月勅建仰山棲

隱禪寺今大都西山命玄冥顛公開山

賜田設會度僧萬人

卯癸 淳熙九年二月十九日沙門可觀卒字宜

翁華亭戚氏年十六具戒依南屏精微師

聞車溪擇卿聲振江浙負笈從之一日聞

舉唱般若窳窳忽有悟入如服一杯降氣

湯王惠覺有橫山命師偕行讀指要至若

不謂寶鐵床非苦變易非遷歎曰語言文

字皆糠粃耳建炎初主嘉禾壽聖遷當湖

德藏居閱世堂為楞嚴補注嘗以祥符延

閱兩載以疾反當湖南林一室蕭然人不

堪之則曰松嵐山月此我無盡衣鉢也乾

治十

九

道七年丞相魏杞出鎮姑蘇請主北禪入

門適當九日指座云甯中一寸灰已冷頭

上千莖雪未消老步只宜平地去不知何

事又登高魏公擊節不已淳熙七年皇子

魏王牧四明諱愷謚惠憲王孝宗次子用月堂遺書之

薦請主延慶時已八十九歲抵行在所而

聞王薨師在天竺受請曰王旨如生豈當

有辭遂行至南湖眾見行李窳窳莫不歎

服不二載復歸當湖竹庵無疾而逝壽九

十一大惠先沒二十年矣

卯癸 帝註圓覺經三月遣中使賚賜徑山住持

寶印刊行

辰甲 金大定二十四年二月大長公主降

錢三百萬建昊天寺給田百頃每

歲度僧尼十人

宋遣致仕黃門侍郎宇文虛中別號龍溪

居士奉使

金國詔請留仕翰林承旨對越談論
 多引儒書證成釋理累贈金帛受
 以給貧囊無挑藥金朝儀禮皆公
 定制壽一百八歲無疾跏趺援筆
 朗吟而往詞曰去國匆匆幾度年
 公私無事兩忻然當時議論何能
 固今日機關別有緣萬事已從前
 世訂英名留付好人傳孤身不作
 往來計須信宵中別有天

音釋

鄧 縣音銀 需 音俱切 頤 以之切 絜 公節切
 櫻 結也 薌 許良切 禡 丑禮切 餽 音匱
 揜 所漸切 躡 魚見故 燭 余六切 瑒 音秀
 徇 市羊切 徊 紕 式出切 耜 詳以切 瑒 音秀
 徇 猶徘徊也 紕 緜也 耜 耒也

佛祖歷代通載卷第三十一

本一

嘉興路大中祥符禪寺侍華亭念常集

光宗^{庚戌} 禛 孝宗第五子年四十四自東京受禪尊孝宗為壽皇在位五年

改年 紹熙

金國章宗璟立 顯宗九恭子九恭未立而卒帝以皇太孫

本一

即位荒于酒色 大金之業隳焉 改年 明昌

大朝太祖成吉思皇帝是年起兵

是年十二月布衣王孝禮言今年冬至日

影表當在十九日壬午而會元曆乃在

二十日癸未係差一日乞將修內作所

掌銅表主付太史局則驗從之

金國明昌四年詔請萬松長老於禁

庭升座帝親迎禮聞未聞法開悟感

慨親奉錦綺大僧祇支詣座授施后

妃貴戚羅拜拱跪各施珍愛以奉供

養建普度會施利異常連日祥雲連

綿天際從此年豐謳歌滿路每歲設

齋常感祥瑞 萬松洞下宗入 章宗駕遊燕之

仰山御題有金色界中兜率境碧蓮

花裏梵王宮之句 ○ 十月殺世宗第六子九昭

宋光宗禪位于太子是為寧宗

金允蹈子愛王大辨是年正月舉五

國城叛求

大朝兵援金兵屢敗金亡之始也

淨慈肯堂彥充禪師 於潛盛氏子法嗣東林萬庵顏公

夔府卧龍破庵祖先禪師 廣安王氏

徑山癡絕道冲禪師 武信長江荀氏

宋寧宗立名擴 光長子初封嘉王孝宗廟光疾甚知樞密院事

趙汝愚密建翼戴之議知憲聖太皇太后后以宗社為憂將白事而難其人
有知閣門事韓侂胄者埒之曾孫而
太皇女弟之子也乃因以入白太皇

垂簾引嘉
王入即位
○兩
改年慶元
之○白虹貫日

金國改年承安
十一月二十三日
大赦度僧千員

金境內大旱山東盜起○特詔萬松

住仰山升堂有偈曰蓮宮特作梵

才一

宮修聖境還須聖駕遊雨過水澄

禽泛子霞明山靜錦蒙頭成湯也

展恢天網呂望稀垂浸月鈞試問

風光甚時節黃金世界桂花秋

愛王合大兵陷金上都圍和龍

酉辛
宋改嘉泰○入曠○金改泰和○耶律德壽

拔擊

成壬
靈隱松源禪師八寂名崇岳生於慶州龍

泉吳氏自幼卓犖不凡處群兒中未嘗嬉

宕稍長聞出世法慕向之年二十三棄家

衣掃塔服受五戒於大明寺首造靈石妙
公繼見大惠杲禪師於徑山久之大惠升
堂稱蔣山應庵華公為人徑捷師聞之不
待且而行既至入室未契退愈自奮勵終
夜自舉狗子無佛性話豁然有得即以扣

應庵應庵舉世尊有密語迦葉不覆藏師

云鈍置和尚應庵厲聲一喝自是朝夕咨

請應庵大喜以為法器說偈勸使祝髮棟

梁吾道隆興二年師始得度於臨安西湖

白蓮精舍自是徧歷江浙諸大老之門罕

本一

三

當其意迺浮海入閩見乾元木庵永公一

日辭木庵木庵舉有句無句如藤倚樹師

云裂破木庵云瑯琊道好一堆爛柴擲師

云矢上加尖如是應酬數反木庵云吾兄

下語老僧不能過其如未在他日拂柄在

手爲人不得驗人不得師云爲人者使博地凡夫一超入聖域固難矣驗人者打向面前過不待開口已知渠骨髓何難之有木庵舉手云明明向汝道開口不在舌頭上後當自知逾年見密庵於衢州之西山

隨問即答密庵微笑曰黃楊禪爾師切於明道至忘寢食密庵移蔣山華嚴徑山皆從之會密庵入室次問傍僧不是心不是佛不是物師侍側豁然大悟乃曰今日方會木庵道開口不在舌頭上自是機辨從

橫鋒不可觸密庵又迂靈隱遂命師爲第一座旋出世於平江澄照爲密庵嗣徒江陰之光孝無爲之治父饒之薦福明之香山平江之虎丘慶元三年靈隱虛席被旨補處居六年法道盛行得法者衆而師有

棲遯之志即上章乞罷住持事上察其誠許之退居東庵俄屬微疾猶不少廢倡道忽親作書別諸公卿且垂二則語以驗學者曰有力量人因甚擡脚不起開口不在舌頭上及貽書嗣法香山光睦雲居善開

囑以大法因書偈曰來無所來去無所去瞥轉玄關佛祖罔措啾昧而寂實嘉泰二年八月四日也得年七十有一坐夏四十奉全身塔于北高峯之原

嘉泰三年金國於是始定以土德王承宋

蓋不數遼人云

徑山佛照德光禪師入寂諱德光姓彭氏臨江新喻人父術母來夢異僧入室驚寤有娠既生乃祖曰吾家世積德乃生此兒必光吾門因是命名年九歲寇擾辟地於

來之木平寺有妙應大師伯華善相曰是子伏犀貫頂出家必作法門梁棟時師年十歲遽失怙恃伯父循伯母萬盲而教之年二十有一聞人誦金剛經忽然通解歸伯母曰適聞誦經身心歡喜世間萬事真

如夢幻力懇出家族不能奪遂散家貲第存度牒僧具餘悉以予其族詣同邑光化禪院主僧足庵處雜髮遂携師入闕足庵寓福之西禪謂之曰是行爲子擇所依東禪月庵善果具衲僧眼子依之時復省吾

足矣一見月庵遽問不落有無中如何露消息師云不落有無中分明露消息月庵云是什麼消息師便喝庵云未在更道師云我留口喫飯在即令叅堂是時老宿多在闕中如妙湛佛心圓覺望重叢林師悉

叅扣徧歷五十餘員善知識末後見大惠於育王舉喚作竹篋則觸不喚作竹篋則背不得向舉處承當不得向意根下卜度速道速道師云杜撰長老如麻似粟惠云你是第幾箇師云今日捉敗者老賊次年

佛涅槃日因頂謁次自念佛常住法身何有生滅頭未至地忽然契悟遽告大惠惠云你者回徹也惠再主徑山拉以偕往閱夏暫至蒋山省應庵菴稱賞不已謂人曰光兄頃出我一頭地乃移書與李侍郎浩

曰光兄一自徑山老對印可如虎挿翅留月餘而歸大惠說偈以頂相付師曰有德必有光其光無間隔名實要相稱非青黃赤白云云乾道丁亥李侍郎分符天台與師論道相契以鴻福延之及迂郡之天寧

本一

五

衲子雲集淳熙三年詔住靈隱寺遣使降香開堂恩寵優渥是冬召對便殿問佛法大意師敷奏直截帝大說留禁中觀堂五宿兩賜御頌特賜佛照禪師之號又承聖問釋迦入山修道六年而成所成者何事

奏云將謂陛下忘却四年冬召問華嚴法界師奏簡切上悅親洒宸翰獎諭因進宗門直指一篇七年育王虛席露章乞老得請東歸又承聖問圓覺四病冬召見便殿紹熙改元孝宗御重華官召見奏對逾時四年被旨往徑山抗奏辭免孝宗曰欲速相見郡將堅請不容辭二月望宣見于重華自後兩賜聖問應機而答天顏皆悅慶元元年春復請老祈懇再三詔從之師在觀堂也駕時時臨幸與以小輦侍衛二十

本一

六

餘人至則促席而坐或起行並立歡如平生所賜御札刻之琬琰奏對語錄詔令刊行每有召對宣賜無時中貴私自謂金王器用繒綵計緡三萬之多師叩頭力辭不受上益嘉之暨歸寺有所宣賜不容辭師亦不妄用初思陵駐蹕會稽有旨許置產師謂育王產簿不足贍衆遂以所賜及王臣長者所施之資置田歲增谷五千國史陸游爲記其事師創數椽以自處號曰東庵掩關自娛接人不倦時許衲子入室嘉泰癸亥三月告衆曰吾世緣將盡至十日詢問左右曰今日月半也對曰然又二日索紙作遺書與平昔所厚者二十早集衆叙別皆法門之首要無半語及他事索浴更衣大書云八十三年彌天罪過末後殷

勤盡情說破跌坐而逝弟子塔全身於庵
後僧鵬六十請謚于朝勅謚普惠宗覺大
禪師塔曰圓照嘉泰四年金國學士元遺
山裕之撰紫微觀記文曰東平左副元帥
趙侯之太夫人既老矣即棄家爲全真師

本

七

師鄆州人普惠大師張志剛居冠氏之洞
清庵庵之制初亦甚陋乞名于丘尊師改
號紫微觀趙侯爲之起殿閣立堂宇至于
齋厨庫廡所以奉其親于家者無不備歲
癸巳九月落成請予記其事予爲之說云

古之隱君子及學道之士多居山林木食
澗飲槁項黃馘自放于方之外若涪翁河
上丈人之流後世或附之黃老家數以爲
列仙陶隱居寇謙之以來此風故在也杜
光庭在蜀以周靈王太子晉爲王建鼻祖

乃踵開元故事進崇玉宸君以配混元上
德之號置階品立範儀號稱神仙官府虛
荒誕幻莫可致詰二三百十年之間至宣政
之季而其蔽極黃冠之流官給命書有散
郎與大夫之目循歷資級無別省寺凡真

報之所警後福之所開則視棄門所前有
者而例舉之始欲爲高而終爲高所庫始
欲爲恠則終爲恠所溺其徒有高識遠引
者亦厭而去之故自放于方之外者猶一
二見馬貞元正隆以來又有全真家之教

咸陽人王中孚倡之譚馬立劉諸人和之
本于淵靜之說而無黃冠襪檜之妄參以
禪定之說而無頭陀縛律之苦耕田鑿井
從身以自養推有餘以及之人視世間擾
擾者差若省便然故墮窳之人翕然從之

南際淮北至朔漠西向秦東向海山林城市廬舍相望什百爲偶甲乙授受牢不可破上之亦嘗懼其有張角斗米之變著令以止絕之當時將相大臣有爲主張者故已絕而復存稍微而更熾五七十年以來

本一

八

蓋不可復動矣貞祐喪亂之後蕩然無紀綱文章蚩蚩之民靡所趣向爲之教者獨是家而已今河朔之人什二爲所陷沒無淵靜之習無禪定之業所謂舉桑門以自例者則兼有之望宣政之季厭而去之

事且不可見况附于黃老家數以爲列仙者其可得乎嗚呼先哲王之道中邦之政掃地之日外矣是家何爲者乃人敬而家事之殆攻劫爭奪之際天之神道設教以珥勇鬪嗜殺者之心耶抑三綱五常將遂

堙沒顛倒錯亂人與物胥而爲一也不然則盛衰消長有數存焉于其間亦難于爲言也已侯名天錫字受之崇儒重道出于天性雖在軍旅而文史未嘗去手嘗與奉天楊煥然讀徂徠石君言鑑至論釋老家

慨然以爲知言决非湯爲風俗所移者是觀之作特以養志云

屏山李居士鳴道集說序居士年二十有九闕復性書知李習之亦二十有九參藥山而退著書大發感嘆日抵萬松深攻亟

本一

九

擊退而著書會三聖人理性蘊奧之妙要終指歸佛祖而已江左道學倡於伊川昆季和之者十有餘家涉獵釋老膚淺一二著鳴道集食我園榘不見好音竊香掩鼻於聖言助長摠苗於世典飾游辭稱語錄

敬禪惠如敬誠誣謗聖人聾瞽學者噫憑
虛氣任私情一讚一毀獨去獨取其如天
下後世何屏山哀矜作鳴道集說郭萬世
之見聞正天下之性命張無盡謂大孔聖
者莫如莊周屏山擴充渺無涯涘豈直不
叛于名教其發輝孔聖幽隱不揚之道將
攀附游龍駿騷乎吾佛所列五乘教中人
天乘之俗諦疆隅矣張無盡又謂小孔聖
者莫如孔安國鳴道諸儒又自貶屈附韓
歐之隘黨其計孰愈乎尊孔聖與釋老鼎
峙也耶諸方宗匠借引屏山爲入幕之賓
鳴道諸儒鑽仰藩垣莫窺戶牖輒肆浮議
不亦僭乎余忝歷宗門堂室之與懇爲保
證固非師心昧誠之黨如謂不然報惟嚮
影耳屏山臨終出此書付敬昂臣曰此吾

末後把交之作也子其祕之當有賞音者
昂臣聞余購屏山書甚切不遠三數百里
徒步之燕獻的藁于萬松老師轉致於余
余覽而感泣者累日昔余嘗見鳴道集甚
不平之欲爲書糾其無謬而未暇豈意屏

山先我着鞭遂爲序引以鍼江左書生膏
肓之病爲中原之士大夫有斯疾者亦可
發藥矣甲午冬十有五日中書湛然居士
移刺楚才晉卿序

迂叟曰或問釋老有取乎曰有曰何取曰

本一

十

釋取其空老取其無爲自然捨是無取
也空取其無利欲心無爲自然取其因
任耳

屏山曰釋氏之所謂空不空也老氏之所
無爲無不爲也其理自然無可取舍故

莊子曰無益損乎其真般若曰不增不減彼以愛惡之念起是非之見豈學釋老者乎取其無利欲心即利欲心取其因任即是有為非自然矣

橫渠曰浮圖必謂死生轉流非得道不免謂之悟道自其說熾傳中國雖英才間氣生則溺耳目恬習之事長則師世儒崇尚之言遂真然被驅謂聖人可不修而至大道可不學而知故未識聖人心已謂不必求其跡未見君子志已謂不

必事其文此人倫所以不察庶物所以不明治所以忽德所以亂異言滿耳上無禮以防其偽下無學以稽其弊詖媮邪遁之辭翕然並興一出于佛氏之門者千五百年自非獨立不懼精一自信

本一
有大過人之才可以正立其間與之較是非計得失乎

屏山曰自孔孟云亡儒者不談大道一千五百年矣豈浮圖氏之罪耶至於近代始以佛書訓釋老莊浸及語孟詩書大

易豈非諸君子所悟之道亦從此入乎張子幡然爲反噬之說其亦弗仁甚矣謂聖人不修而至大道不學而知夫子自道也歟詖媮邪遁之辭亦將有所歸矣所謂有大過人之才者王氏父子蘇

氏兄弟是也負心如此寧可計較是非於得失乎政坐爲死生心所流轉耳

明道曰佛學只是以生死恐動人可恠一千年來無一人覺此是被他恐動也聖賢以生死爲本分事無可懼故不論死

生佛爲怕死生故只管說不休本是利
心上得來故學者亦以利心信之莊生
云不怛化者意亦如此楊墨今已無道
家之說其害終小唯佛學人人談之彌
湯滔天其害無涯傳燈千七百人敢道

無一人達者有一人得易實之理須尋
一尺布帛裹頭而死必不肯胡服削髮
而終

屏山曰聖人原始反終知死生之說豈不
論生死乎程子之不論生死正如小兒
夜間不敢說鬼病人諱死其證難醫者
也害人而利我者楊朱也利人而害我
者墨翟也學道者既利於我又利於人
何害之有至於聖人無一毫利心豈無
利物之心乎故物亦利之此天理也聖

本一
十三
人之道或出或處或嘿或語殊塗而同
歸百慮而一致故並行而不相悖程子
必欲八荒之外盡圓冠而方履乎

明道曰佛學大槩是絕倫類世上不容有
此理又其言待要出世出那裏云其迹
須要出家要脫世網學之者不過似佛
佛一懶胡耳他本是箇枯槁山林自私
而已若只如此不過世上少這一箇人
却又要周徧決無此理彼言世網只爲
此秉彛又殄滅不得當忠孝仁義之際
處於不得已只和這些秉彛都哨煞得
盡然後爲道如人耳目口鼻既有此氣
須有此識聲色飲食喜怒哀樂性之自
然必盡絕爲得天真是喪天真也又曰
若盡爲佛天下却都沒箇人去裏

屏山曰嗟乎程氏竊聞小乘教相語不能盡信畧取其說而反攻之烏知維摩華嚴之密旨誤認阿羅漢爲佛而不知其然遽加詬罵是豈識文殊普賢之祕行哉圓教大士知衆生本空而度脫衆生

本一

三

知國土本淨而莊嚴國土不以世間法礙出世法不以出世法壞世間法以世間法即出世法以出世法即世間法八萬四千塵勞煩惱即八萬四千清涼解脫又豈止觀音之三十二應善財之五

十三叅耶衆生念念常有佛成正覺仁者自生分別耳但無我相人相衆生相壽者相何妨居士身長者身宰官身乎吾聞謗佛毀法中有冥權大悲闡提逆行魔說程氏豈其人耶不然則非利根

衆生爲世智辯聰所障具足無間業報哀哉弗可悔也

伊川曰禪家之言性猶太陽之下置器耳其間方圓小大不同特欲傾此于彼耳然在太陽幾時動又其學者善遁若人

語以此理必曰我無修無證

屏山曰此語出於徐鉉誤讀首楞嚴經佛言五陰之識如頻伽瓶盛空以餉他方空無出入遂爲禪學豈知佛以此喻識情虛妄本無來去其如來藏妙真如性

正太陽元無動靜無修而修無證而證但盡識情即如來藏妙真如性非遁辭也

伊川曰或謂佛之道是也其迹非也然吾攻其迹耳其道吾不知也使其不合於

先王顧不願學也如其合於先王則求之六經足矣奚必佛

屏山曰伊川之意欲相忘於江湖耳吾謂不若卷百川而匯於大壑則無涯涘也欲攻其迹不過如韓子之說云山谷道

人既奪其說矣語在南康軍開先禪院本一記古

伊川曰看華嚴經不如看一艮卦

屏山曰程子以艮其所為止於其所當止疑釋氏正如死灰槁木而止耳故經出

鄙語顧豈知華嚴圓教之旨一法若有昆盧墮於塵勞萬法若無普賢失其境界豎說之則五十七聖位於一彈指如海印頓現橫說之則五十三法門在一毛端如帝網相羅德雲曾過於別峯普

眼不知其正位逝多園林迦葉不聞彌勒樓閣善財能入向非此書之至學道者墮於無為之坑談玄者入於邪見之境則老莊內聖外王之說孔孟上達下學之意皆掃地矣

伊川曰至忙者無如禪客行住坐卧無不

在道便是常忙

屏山曰君子無終食之間違仁亦忙乎哉

以敬字為主則忙矣

伊川曰佛家印證甚好笑豈有我曉得這

箇道理却信他人本一

屏山曰自印證為得聖人之傳尤可笑我

雖自曉其如人不信耶本一

上蔡曰學佛者欲免輪回是利心私而已矣此心有止而太虛無盡必為輪回推

之於始何所付受其終何時間斷且天下人物各有數矣

屏山曰佛說輪迴愛為根本有愛我者亦愛涅槃不知愛者真生死故何利心之有彼圓覺性非作非止非任非滅無始

無終無能無所豈有間斷哉故眾生本來成佛生死涅槃猶如昨夢夢中人物豈有數乎上蔡夢中之人猶作夢語不識圓覺認為太虛悲夫

上蔡曰人死時氣盡也予問明道有鬼神

否明道曰道無你怎生信道有你但去尋討看橫渠云這箇是天地間妙用這裏有妙理於若有若無之間須斷直得去不是鶻突自家要有便有要無便無始得鬼神在虛空中辟塞滿觸目皆是

為他是天地間妙用祖考精神便是自家精神

屏山曰明道之說出於未能事人焉能事鬼橫渠之說出於精氣為物游魂為變是故知鬼神之情狀上蔡之說出於盛

我鬼神之德洋洋乎如在其上在其左右三子各得聖人之一偏耳竟墮於或有或無若有若無之間不各鶻突予觀聖人之言各有所主大抵有生有死或異或同無生無死非同非異人即有形

本

其

之鬼鬼即無形之人有心即有無心即無耳聖人復生不易吾言矣

元城曰孔子佛之言相為終始孔子之言母意母必母固母我佛之言曰無我無人無眾生無壽者其言次第若出一人

但孔子以三綱五常為道故色色空空之說微開其端令人自得爾孔子之心佛心也假若天下無三綱五常則禍亂又作人無噍類矣豈佛之心乎故儒釋道其心皆一門庭施設不同耳如州縣官不事事郡縣大亂禮佛誦經坐禪以為學佛可乎

屏山曰元城之論固盡善矣惜哉未嘗見華嚴圓教之旨佛先以五戒十善開人天乘後以六度萬行行菩薩道三綱五常盡在其中矣故善財五十三參比丘無數人耳觀音三十二應示現宰官居士長者等身豈肯以出世法壞世間法哉梁武帝造寺度僧持戒捨身嘗為達磨所笑跋摩尊者謂宋文帝王者學佛

本一

七

不同匹夫省刑罰則民壽薄賦歛則國富其為齋戒不亦大乎惜一禽之命輟半日之食匹天之齋戒爾此儒者學佛不龜手之藥也

本一

七

元城曰所謂禪一字於六經中亦有此理佛易其名達磨西來此話大行佛法到今果弊矣只認色相若渠不來佛法之滅久矣又上根聰悟多喜其說故其說流通某之南遷雖平日於吾儒及老先生活得力然亦不可謂於此事不得力世間事有大於死生者乎此事獨一味理會生死有箇見處則於貴賤禍福輕矣老先生極通曉但不言耳蓋此事極繫利害若常論則人以為平生只談佛法所謂五經者不能曉生死說矣故為儒

者不可談蓋爲孔子地也又下根之人
謂寂寞枯槁乃是佛法至於三綱五常
不肯用意又其下者泥於報應因果之
說不修人事政教錯亂生靈塗炭其禍
蓋不可勝言者故某平生何曾言亦本

於老先生之戒也

屏山曰元城之說爲佛者慮盡矣爲儒者
慮似未盡也佛書精微幽隱之妙佛者
未必盡知皆儒者發之耳今已章章然
矣或秘而不傳其合於吾書者人將謂

五經之中初無此理吾聖人真不知有
此事其利害亦非細也吾欲盡發其祕
使天下後世共知六經之中有禪吾聖
人已爲佛也其爲孔子地不亦大乎彼
以寂寞枯槁爲佛法以報應因果廢人

本
事或至亂天下者正以儒者不讀其書
爲所欺耳今儒者盡發其祕維摩敗根
之議破落空之偏見般若施身之戒攻
着相之愚夫上無蕭衍之禍下無王縉
之惑矣雖極口而談著書而辨其亦可

也學者其熟思之

龜山曰聖人以爲尋常事者莊周則夸言
之乃律家呵佛罵祖之類如逍遙遊乃
子思之所謂無入而不自得養生主乃
孟子所謂行其所無事而已曲譬廣喻

此張大其說耳

屏山曰楊子見處甚高知禪者有力於佛
則知莊子有力於聖人矣曲譬廣喻張
大儒者之說儒者反疾之何也

龜山曰儒佛深處所差抄忽耳見儒者之

道分明則佛在其下矣今之學者曰儒者之道在其下是不知吾道之大也爲佛者既不讀儒書儒者又自小然則道何由明哉

屏山曰儒佛之軒輊者不唯佛者不讀儒

本一

十九

書之過亦儒者不讀佛書之病也吾讀首楞嚴經知儒在佛之下又誦阿含等經知佛似在儒下至讀華嚴經無佛無儒無大無小無高無下能佛能儒能大能小存泯自在矣

南軒曰天命之全體流行無間貫乎古今通乎萬物者衆人自昧之而是理也何嘗間斷而聖人盡之亦非有所增益也爲釋氏之見則以爲萬法皆吾心所起是昧乎太極本然之全體而反爲自利

自私是亦人心而已非識道心者也

屏山曰張氏之所謂天命之全體釋氏之所謂心也其言全出於佛老無毫髮異矣雖然疑萬法非心所爲而歸之太極是不知太極爲何物如父出而忘其家

見其子而不識與劉儀同何異哉蓋以情識卜度雖言道心而不知耳反謂佛自私於人心惑矣

晦庵曰性固不能不動然無所不有然不能不動其無所不有者曷嘗有虧欠哉

釋氏之病錯認精神鬼鬼爲性果能見性不可謂之妄見既曰妄見不可言性之本空此等立語未瑩恐亦是見得未分明也

屏山曰性無動靜亦無虧成釋氏有語學

道之人不識真只爲從來認識伸豈以精神寬寬爲性哉不見性空謂之妄見見性空矣豈妄見耶見見之時見猶非見豈不分明恐未分明朱子之語蓋未瑩耳

本一

于

晦庵曰切病近世學者不知聖門實學之根本次第而溺於佛老之說妄意天地萬物人倫日用之外別有一物空虛之妙不可測度其心懸懸然徼倖一見此物以爲極致未嘗不墮於此者

屏山曰天地萬物人倫日用皆形而下者形而上者誰之言歟朱子耄而荒矣偶忘此言以爲佛老之說吾恐夫子之道亦將掃地矣雖然不可不辨佛之所謂色即是空老子之所謂同謂之玄者豈

別有一物乎朱子劃而爲二是墮於此而不自知耳

安正忘筌曰得失之報冥冥之中固未必無司之者聖人尤探其蹟乃畧此而不論唯聖人超形數而用形數與造物者

游賢者皆未足以超出而免此姑就所得之報耳可以爲大戒又曰儒釋二家歸宿相似設施相遠故功用全殊此雖運動樞機財成天地終不駭異三靈被德以彼所長施於中國猶軒車適越冠

本一

于

冕之胡決非所宜儒者但當以皇極經世乃反一無迹而超數超形何至甘爲無用之學哉

屏山曰論至於此儒佛之說爲一家其功用之殊但或出或處或默或語便生分

別以爲同異者何也至如劉子翬之洞
達張九成之精深呂伯恭之通融張敬
夫之醇正朱元晦之峻潔皆近代之偉
人也想見方寸之地既虛而明四通六
闢千變萬化其知見只以夢幻死生操
履只以塵垢富貴皆學聖人而未至者
其論佛老也實與而文不與陽擠而陰
助之盖有微意存焉唱千古之絕學掃
末流之塵迹將行其說於世政自不得
不爾如胡寅者詬訾不已嘻其甚矣豈

非翻着祖師衣倒用如來印者邪語在
駁崇正辨吾恐白面書生輩不知諸老
先生之心借以爲口實則三聖人之道
幾何不化而爲異端也伊川之學今自
江東浸淫而北矣縉紳之士負高明之

資者皆甘心焉子亦出入於其中幾三
十年嘗欲箋註其得失而未暇也今以
承乏於秋闈考經學數十餘日乘閒漫
筆於小藁意者撒潘籬於大方之家匪
淵谷於聖學之海藐諸子膏中之祕發

此書言外之機道冠儒履同入解脫法
門翰墨文章皆是神通遊戲姑以自洗
其心耳或傳於人將有佛然而怒惘然
而疑疑然而思釋然而悟啞然而笑者
必曰此翁亦可憐矣

本一

二十三

僕與諸君子生於異代非元豐元祐之黨
同爲儒者無黃冠緇衣之私所以嘔出肺
肝苦相訂正止以三聖人之教不絕如髮
互相矛盾痛入心骨欲以區區之力尚鼎
足而不至於顛仆耳或又挾其衆也譁而

攻僕則曷覆矣悲夫雖然僕非好辨也恐三聖人之道支離而不合亦不得已耳如膚有瘡疣膏而肉之地有坑塹實而土之豈抉其肉而出其土哉僕與諸君子不同者盡在此編矣此編之外凡鳴道集所載

及諸君子所著大易書詩中庸大學春秋語孟孝經之說洗人欲而白天理剗伯業而扶王道發心學於言語文字之外索日用於應對洒掃之中治性則以誠為地修身則以敬為門大道自善而求聖人自學

而至嗣千古之絕學立一家之成說宋之諸儒皆不及也唐漢諸儒亦不及也駸駸乎與孟軻氏並駕矣其論議時有詭激蓋冥機耳皆荀卿子之徒歟此其所以前儒唱之後儒和之跛而望之躡而從之天下

後世將盡歸之可謂素傑之士乎學者有志於道先讀諸君子之書始知僕嘗用力乎其中如見僕之此編又以藉口病諸君子之書是以瑕而舍玉以噎而廢食不唯僕得罪於諸君子亦非僕所望於學者吁

諸儒鳴道集二百一十七種之見解是皆迷真失性執相循名起鬪諍之端結惑業之咎蓋不達以法性融通者也屏山居士深明至理憫其瞽智眼於昏衢析而論之以救末學之蔽使摩詰棗栢

再世亦無以加矣姑錄一十九篇附于通載之左

天竺三藏呬哈囉悉利幢記

尚書右丞右轄文獻耶律

康撰東丹王七世孫三藏沙門呬哈囉悉利本北印

度末光達國人住雞足山誦諸佛密語有

大神力能祛疾病伏猛呼召風雨輒効皇
統與其從父弟三摩耶悉利等七人來至
我上請遊清涼山禮文殊朝命納之既遊
清涼又遊靈岩禮觀音像旋遶必千匝而
後已匝必作禮禮必盡敬無間日日受稻
飯一杯座有賓客分與必徧自食其餘數
粒必結齋始至濟南建文殊真容寺留三
磨耶主之至棣又建三學寺大定五年四
月二十三日示寂於三學年六十一僧夏
則未聞也

佛光道悟禪師俗姓冠氏陝右蘭州人生
而有齒年十六自欲出家父母不聽乃不
食數日許之祝髮後二年自臨洮歸於鸞
子店宿夜夢梵僧喚覺適聞馬嘶豁然大
悟歸家喜不自勝吟唱云見也羅見也羅

徧虛空只一箇告其母曰我拾得一物其
母於囊橐中尋索不見問是何物師曰我
自無始以來不見了底物其母不省他日
欲游諸方鄉人送者求頌有水流須到海
鶴出白雲頭之句至熊耳果遇白雲禪師
海公先是人問海何不擇法嗣海亦作頌
有芝蘭秀發獨出西秦之語比師之至夜
聞空中人言來日接郭相公黎明海呼僧
行令持香花接我關西弟子寺乃唐郭子
儀建今渠自来住持也既至一言相契徑
付衣盂寺前嘗有剽而殺人者來告急師
呼衆擒之曰即汝是賊尋得其巢穴賊衆
請命師與其要言而釋之路不拾遺者數
十年人以此益信師之前身汾陽王也大
定二十四年白雲既沒師開堂出世拈香

於鄭州之普照復駐錫于三鄉竹閣庵時
着白衣跨牛橫笛游於洛川人莫之測嘗
謂人曰道我是凡向聖位裏去道我是聖
向凡位裏去道我不是聖不是凡才向毘
盧頂上有些行履處泰和五年結夏於臨

本一

王五

洩之大勢寺開圓覺經升座偶曰此席止
講得一半去在至五月十二日晚叅翌日
早盥嗽畢呼侍者我病也尋藥去侍者之
未及門師已卧逝方丈上有五色雲如寶
盖中有紅光如日者三春秋五十有五僧

臘三十有九

資壽尼無着禪師入寂師諱妙總姓蘇氏
父中大夫象先南徐丞相實大父也年甫
十五忽念曰吾生身何來死復何去良久
脫然有得初不以爲意長適毘陵許氏不

膠世故志慕空宗以禪寂爲進修時惠嚴
圓公嗣圓照佚居普門乃扣以出世間法
機感相契次見關西智寂室光真歇了問
荅如流咸敬異之偶夫壽源官嘉禾大惠
至郡源具飯以迎師出禮拜無一言大惠

退謂給事馮公濟川曰許司理閣中曾見
神見鬼但未遇本分鉗鎚如萬斛舟置之
絕潢斷港莫能轉動馮曰何言之易耶惠
曰它若回頭定須別也次日道俗請惠說
法師與會惠痛抵諸方異見邪解聽者駭
顧師獨喜見眉睫間既下座師請道號惠
以無着號之且示以偈盡道山僧愛罵人
未曾罵着一箇漢只有無着罵不動恰似
秦時轆轤鑽既罵不動爲什麼似轆轤鑽
具眼者辨越明年師登徑山隨衆坐夏濟

川亦在焉惠上堂舉石頭恁麼不恁麼總不得語馮曰么會得也惠徵之馮着語曰恁麼也得蘇盧薩婆訶不恁麼也不得悉哩薩婆訶恁麼不恁麼總不得蘇盧悉哩薩婆訶惠舉馮語似師師曰人謂郭象註

本一
本六

莊子却是莊子註郭象惠雖異其言但嘿而不顧且欲激其迷到忽一日正危坐間豁然大悟洞見大惠委曲相為處不覺撫掌厲聲曰這老賊老賊遂呈頌云驀然築着鼻頭伎倆冰消瓦解達磨何必西來二祖枉施三拜更問如何若何一隊草賊大敗惠亦以偈印之汝既悟活祖師意一刀兩段直下了臨機一一任天真世出世間無剩少我作此偈為證明四聖六凡盡驚擾碧眼胡僧猶未曉時萬庵顏公首眾與

一千七百衲子咸以偈餞其歸且賀法門之得人也馮公猶未之信舟過無錫問師岩頭為渡子時婆生七子話徑山稱道人會得作如何會師云已上所供並是詣實仍以偈明之有以禮部僧牒無着師號為

施者師說偈受之祝髮披緇克遂初志紹興壬午年也時張公安國守具門資壽虛席張盡禮迎請乃開堂於萬壽寺拈香為大惠之嗣提唱具於語錄乾道六年七月十四日集眾說偈畢撼之則已去矣平七

本一
本七

十六全身葬於無錫軍將山東紹定庚寅閏二月未迂葬於平江虎丘之東北庵曰達本奉塔藏之

本二 宋改開禧○金泰和五年

佛祖歷代通載卷第三十一

音釋

環俱永切 拜音 郟丁禮切 窳俞經切 疊諸
 泉貌飛 滙去為切 棟音弟 棟可食 似
 水澤也 李子似

佛祖歷代通載卷第三十二

本二

嘉興路大中祥符禪寺住持華亭念常集

大元

太祖應天啓運聖武皇帝是年征西夏明年大會于幹難河建九游之白旗共上

尊號曰

成吉思皇帝都和林 觀夫

聖人出世威靈氣焰自天佑之膺命立極超今邁古且以鳳凰在殼渥洼墮地猶自絕類離倫矧我

太祖皇帝慶九五飛龍之位乎故其丕祚

鴻休與

天地相為終始也

西夏拓跋失都兒忽乾順小子仁

友之子乃仁宗姪也是年五月

寅丙

立在此六年

宋吳曦僭位於蜀凡三十八日而安

丙誅之

宋改嘉定○瑞像計二千二百年矣

金國東海侯立改年大安名允濟世

宗第七子意宗無嗣羣臣奉遺詔

立之後為紇石烈執中所弒在位

四年

梅檀瑞像至金國十二年十月迎赴上

京禁庭供養 罷試經科

大蒙古國號始建

西夏神宗拓跋湏蕃邸立改年光

定夏人因大兵以金人不救恨

之遂叛

金改重慶 大兵至燕京

申壬

安南主李龍翰卒子吳昆立其國
後為江南陳日照所有而傳其
子威晃

金國宣宗名珣章宗庶兄執中弑東

海王而迎立之以東海至寧元年

本二

二

九月即位改年貞祐在位十二年

○八月大兵攻燕京

嘉定六年十二月八日天竺北峯講師入
窈名宗印字元實生監官陳氏年十五具
戒謁竹菴觀公明教觀之旨凡諸祖格言

必誦滿千遍資教空延居座首嘗著宗極
論事理各立一性之旨印設九難宗極為
之義負通守蘇珙觀不二門以文雖簡而
昧其說印撮示機要珙即領解白帥座請
居正覺颺風飄蕩僅存藏殿印守死不去

風為之止未久珙亦召還要印偕行曰盍
西還相與弘贊居東二十七年至是復反
浙右貳上竺講止觀深砭學者支離名相
之病圍座挾策主者以得士為忌去隱雷
峯毛氏庵問道者沓至杜氏建普光一區

具禮迎之禪講並行法道益盛適德藏來

請印曰肆業之地思報久矣歷遷超果圓

通北禪道德之譽既行土木之績亦就海

空英辭靈山舉以自代詔可學徒五百咸

服其道宿弊為之一革寧宗聞名召對便

本二

三

殿上說錫號惠行法師以營觀室行化吳
中至松江謂其徒曰吾化緣畢此乃右脇
而化

成甲

金於四月遷汴求與大國和親○錦
帥張智以郡降尋叛自號遼西王

改年大安討平之○克燕京

亥 世祖生於八月○大兵破潼關

丙 二月日蝕○川東西地震○黎州山崩

丁 金改興定七月日食金兵犯光州李

寅 珣等禦之漣水弓手李全自北歸即

李鉄鎗也詔以為京東路總管

禪宗聯燈錄成

庚 辰 辛 巳 金國五月日食

壬 午 大兵自回鶻征西夏

癸 未 西夏拓跋德仁是年九月立改年

乾定

金國改元光九月日食○宋行經界

田糧

乙 酉 宋理宗昀立改寶慶元年初名與苜榮

王希瓚之子太祖十世孫也寧宗子

多而不育鞠宗室子詢立為太子薨
初皇從弟沂靖惠王柄無子嘗以宗
室子賜名貴和為之後及失太子詢
遂立貴和為皇子賜名竑封濟國公
竑惠而輕嘗疾史彌遠專權謂異日

不可容彌遠聞而惡之故陰為之計
與苜幼不好弄羣兒聚嬉輒獨登高
坐不動長上指以語兒曰汝曹不効
此人恰一大王相似羣兒每羅拜其
下遂有趙大王之號彌遠物色得之

本二

四

嘗取應得舉矣特旨補官竑既為寧
宗子遂以與苜為沂王後賜名貴誠
除邵州防禦使寧宗大漸乃白中宮
以貴誠為皇子改名昀宣遺詔即位
進竑為濟陽郡王出判寧國府恭聖

楊后聽政事定然後徹簾壽六十一

金國改正大名守緒宣宗第三子

性寬仁和嗜書博學是年立至癸

巳年歸德府絕糧六月奔蔡八月

南北兵夾攻甲午正月禪位於後

主麟閉閣自經國亡

西夏拓跋德仁七月卒次清平郡

王立在位一年

成丙

丁亥太祖以丙戌春至西夏一歲盡克其城是

年十月廿七滅夏 上年六十矣西夏

凡一十二主始繼遷以太平興國壬午

起兵夏臺訖今寶慶丁亥國滅共二百

四十六年元昊於景祐甲戌自翔偽朔

僭帝號者一百九十四年

宋改紹定元年

子戊

辛卯 太宗皇帝即位

壬辰 太祖次四子統王師破汁金主遷蔡金臣

崔立降大朝遣使過宋議夾攻金

癸巳 金改天興

甲午 宋改端平元年○滅金右金九主一百

二十三年

乙未 抄數中原戶計 ○宋天狗星墜淮安軍

金棠縣其聲如雷三州之人皆聞之

及觀則為紅色碎石或以為兵戈之

兆○詔集議出度牒收四介會子

丙申 分封諸王上親總兵征回回國歸附○宋

失四川

丁酉 宋改嘉熙

己亥 詔諭高麗○宋十月虹見

庚子 宋京師地震白氣亘天旱蝗江浙福建

旱都城大荒饑者棄食於路市中殺人以賣日未晡路無行者

辛丑 二月三日大赦天下○宋改淳祐

丙午 定宗皇帝即位

庚戌 大朝滅遼東高麗

辛亥 憲宗皇帝即位

世尊示滅二千二百年矣

癸丑 宋改寶祐元年○大兵伐川蜀

丙辰 抄數遼東戶計○宋撥官誥度牒收換楮

弊燬之

丁巳 有元慶壽海雲大士遷化名印簡山西之

嵐谷寧遠人俗宋氏微子之後父慈善信

服鄉里里人稱為虛靜先生母金源王氏

祖世奉佛不仕師生於金之泰和壬戌十

二月望人品恢偉童幼神悟七歲親授以

本三

六

本三

六

孝經開宗明義章乃曰開者何宗明者何義親驚異知非塵勞中人携見傳戒顏公顏欲觀其根氣授以草庵歌至壞與不壞主元在師問曰主在何處顏曰何主也師曰離壞不壞者曰此客也師曰主鬻顏吟

吟而已乃得禮中觀沼公為師八歲受三歸五八十善戒法師方十一蒙豫王恩賜納具有洪彥上座問師曰子今受大戒了緣何作小僧師曰緣僧小故戒說大也試問上座戒老耶小耶曰我身則老語未終師大聲曰休生分別一日上座教僧去師背上拍一下待回首乃豎指示之僧如教拍師背師便豎一指僧回舉似上座座奇之師年十二中觀聽師叅問誨之曰汝所欲者文字語言耳向去皆心之唯身心若

枯木死灰今時及盡功用純熟悟解真實
大死一場休有餘氣到那時節瞥然自肯
方與吾相見師受教習定一日扶中觀行
觀曰法燈禪師道看他家事忙且道承誰
力汝作麼生會師將中觀手一掣觀曰這

本三

七

野狐精師曰嗒嗒觀曰更湏別叅師年十
三時成吉思皇帝征伐天下師在寧遠於
城陷之際稠人中親面聖顏俾師歛髻師
告曰若從國儀則失僧相也蒙旨如故自
此僧有不同俗民之異也師年十八天兵

再下太師國王領兵取嵐城四衆逃難解
散師侍中觀如故觀曰吾迫桑榆汝方富
有春秋今此玉石俱焚子宜逃生去師泣
曰因果無差死生有命安可離師而求脫
免乎縱或得脫亦非仁子之心也老人察

師誠確囑師曰子向去朔漠有大因緣吾
與子俱北渡矣明日城降有清樂元帥史
公天澤義州元帥李公七哥者見師氣宇
非常問曰爾是何人師曰我沙門也史曰
食肉否師曰何肉史曰人肉師曰人非獸

也虎豹尚不相食况人乎史曰今日兵刃
之下爾亦能不傷乎師曰必仗其外護者
公喜甚李帥問曰爾既爲僧禪耶教耶師
曰禪教乃僧之羽翼也如國之用人必須
文武兼濟李曰然則必也從何而住師曰

二俱不住李曰爾何人也師曰佛師復曰
吾親教中觀亦在於此二公見師年幼無
所畏懼應對不凡即與往見中觀二公聞
中觀教誨諄諄乃大喜曰果然有是父有
是子也於是禮中觀爲師與師結爲金石

友國王將中觀及師分撥直隸成吉思皇帝載中觀于黃犢輕車師親執御日營採汲經年至赤城舍於郎中張公宅使臣太速不花并麻賴傳成吉思皇帝聖旨道與摩花理國王你使人來說底老長老小長

查

入

老實是告天的人好與衣糧養活者教做頭兒多收拾那般人在意告天不揀阿誰休欺負交達里罕行者是時國王奉詔大加恩賜延居興安香泉院國王署中觀慈雲正覺大禪師師寂照英悟大師所需皆

官給小長老之名自此始十九中觀將示寐有羽客楊至慎求頌老人俾執筆代書偈曰七十三年如掣電臨行爲君通一線泥牛飛過海東來天上人間尋不見客曰師幾時行老人曰三日後時五月廿七日

也至六月初一果無疾而寐師哀毀過禮闡維收頂骨舍利供養建塔於府之西北隅師罄所有爲設齋唯乞食看塔一夜聞空中有聲召師名師瞥然有省乃遷入三峯道院復聞人告曰大事將成行矣母滯

此黎明策杖之燕過松鋪值雨宿于岩下因擊火大悟自捫面曰今日始知眉橫鼻直信道天下老和上不寐語明日至景州見本無玄和上問從何所來師曰雲收幽谷曰何處去師曰月照長松玄點首曰孟

本三

九

八即便恁麼去也師諾諾趨出過洵州遇宿儒張子真問上人何不安住師曰河裏無魚市上取先是中觀臨終時師問中觀曰某甲當依何人了此大事觀囑曰賀八千去師既入燕至大慶壽寺乃省前識於

是徑謁中和老人璋公中和先一夕夢一異僧策杖徑趨方丈踞師子座既明謂知客曰今日但有旦過當令來見老僧及晚師至引見中和笑曰此衲子乃夜來所夢者師便問曰某甲不來而來作麼生相見

壽曰叅須實叅悟須實悟莫打野裡師曰某甲因擎火迸散乃知眉橫鼻直壽曰吾此處別師曰如何表信壽曰牙是一口骨耳是兩邊皮師曰將謂別有壽曰錯師喝曰草賊大敗壽休去次日壽舉臨濟兩堂首座齊下喝僧問濟還有賓主也無濟曰賓主歷然汝作麼生會師曰打破秦時鏡磨尖上古錐龍飛霄漢外何勞更下槌壽曰汝只得其機不得其用師便掀禪床壽曰路途之樂終未到家師與一掌曰精靈

千載野狐魅看破如今不直錢壽打一拂子曰汝只得其用不得其體師進前曰青山聳寒色月照一溪雲壽曰汝只得其體不得其智師曰流水自西東落花無向背壽曰汝雖善語言三昧要且沒交涉師豎

起拳復拍一拍當時丈室震動壽曰如是如是師拂袖便出明日命師掌書記自此中和復以向上鉗槌差別關捷種種辯驗師以無礙辯才應答皆契其悟解精明度越前輩壽一日謂師曰汝今已到大安樂

本二

十

之地宜善護持吾有如來正法眼藏祖師涅槃妙心密付於汝母令湮沒師掩耳而出即以衣頌授師頌曰天地同根無異殊家山何處不逢渠吾今付與空玉印萬法光輝總一如出世住興州仁智歷遷涿陽

之興國興安永慶以至大慶壽寺皆太師國王及諸重臣之命師於室中以四無依語勸學者語具本傳辛卯十一月受合罕皇帝宣賜師稱心自在行一日於廊下逢數僧師問第一僧曰那裏去僧云賞花去

師便打問第二僧那裏去云禮佛去師亦打問第三僧那裏去云那裏去師亦打問第四僧那裏去僧無語師亦打問第五僧那裏去僧云覓和上去師云覓他作麼僧云待打與一頓師云將什麼來打僧云不

將棒來打師連打四下云這掠虛漢衆皆走師召云諸上座衆回首師云是什麼乙未朝廷差扎忽篤侍讀選試經僧道萬松長老嘆曰自國朝革命之來沙門久廢講席看讀殊少乃同禪教諸老宿請師董其

事師從容對曰諸師當以斯激勵衆僧習應試經典主上必有深意我觀今日沙門少護戒律學不盡禮身遠於道故天龍亡衛而感朝廷勵其考試也三寶加被必不辜聖詔遂與華使相見之後其處置法度

悉從師議厦里丞相以忽都護大官人言問師曰今奉聖旨差官試經識字者可爲僧不識字者悉令歸俗師曰山僧不曾看經一字不識丞相曰既不識字如何做長老師曰方今大官人還識字也無干時外鎮諸侯皆在聞師之言皆大驚異丞相復曰必竟如何師曰若人了知此事通明佛法應知世法即是佛法道情豈異人情古之人亦有起于負販者立大功名于世載于史冊千載之下凜然生氣况今聖明天

子在上如日月之照臨考試僧道如經童之舉豈可以賢良方正同科國家宜以興修萬善敬奉三寶以奉上天永延國祚可也我等沙門之用舍何足道哉丞相以是言告于大官人乃從而奏聞由是雖考試

亦無退落者蒙聖旨悉依太祖皇帝存濟聽僧如故丙申有司欲印識人臂師力白于忽都護大官人曰人非馬也既皆歸服國朝天下之大四海之廣縱復逃散亦何所歸豈可同畜獸而印識哉由是印臂之

法遂止初孔聖之後襲封衍聖公元措者渡河復曲阜廟林之祀時公持東平嚴公書謁師師以襲封事為言於大官人師為其言曰孔子善稽古典以大中至正之道三綱五常之禮性命禍福之原君臣父子

夫婦之道治國齊家平天下正心誠意之本自孔子至此襲封衍聖公凡五十一代凡有國者使之襲承祀事未嘗有缺大官聞是言乃大敬信於是從師所言命復襲其爵以繼其祀事師復以顏孟相傳孔子

之道令其子孫不絕及習周孔儒業者為言亦皆獲免其差役之賦使之服勤其教為國家之用三十六丁酉正月太祖皇帝二皇后以光天鎮國大士號奉師己亥冬師再起復主大慶壽寺壬寅護必烈大王請師赴帳下問佛法大意師初示以人天因果之教次以種種法要開其心地王生信心求授菩提心戒時秉忠書記為侍即劉太保也復問佛法中有安天下之法否師曰包含法界子育四生其事大備於佛

法境中此四大洲如大地中一微塵許况
一四海乎若論社稷安危在生民之休戚
休戚安危皆在乎政亦在乎天在天在人
皆不離心而人不知天之與人是其問別
法於何行故分其天也人也我釋迦氏之

本三

十三

法於廟堂之論在王法正論品理固昭然
非難非易唯恐王不能盡行也又宜求天
下大賢碩儒問以古今治亂興亡之事當
有所聞也王又問三教何教爲尊何法最
勝何人爲上師曰諸聖之中吾佛最勝諸

法之中佛法最真居人之中唯僧無詐故
三教中佛教居其上古來之式也由是太
后遵祖皇聖旨僧居上首仙人不得在僧
之前王以珠襖金錦無縫大衣奉以師禮
王固留師師固辭將別王問佛法此去如

何受持師曰信心難生善心難發今已發
生務要護持專一不忘元受苦提心戒不
見三寶有過恒念百姓不安善撫綏明賞
罰執政無私任賢納諫一切時中常行方
便皆佛法也師既辭行有一惡少年肆言

訛謗以佛法不足信王聞之乃召其人訓
以大人之言復以刑法罪之專使白師師
回啓曰明鏡當臺妍醜自現神鋒在掌賞
罰無私若以正念現前邪見外魔殺之可
矣然王者當以仁恕存心乃可王益敬焉

甲辰護必烈大王以珠笠奉師乙巳奉六
皇后旨於五臺爲國祈福丙午奉六皇后
詔師起至中途值風疾作回奏得旨還燕
丁未貴由皇帝即位頒詔命師統僧賜白
金萬兩師於昊天寺建大會爲國祈福太

子合賴察請師入和林延居太平興國禪寺尊師之禮非常辛亥蒙哥皇帝即位頒降恩詔顧遇優渥命師復領天下僧事蠲免差役悉依舊制丙辰正月奉聖旨建會於昊天寺初二日於會中忽患風恙半身

本二

十四

不舉至夏初稍愈是月旭威烈大王差蒙古萬宣差以金柱杖金縷袈裟段并令旨奉師求法語七月師會諸勤舊抄所長物見數令主後事丁巳夏說偈畢師云汝等少誼吾欲偃息侍僧急呼主事人至師吉

祥泊然而逝矣即後四月初四日也世壽五十有六茶毘獲舍利無筭欽承護必烈大主令旨建塔於大慶壽寺之側諡佛日圓明大師望臨濟為十六世
干戊 詔釋道辨析化胡經○上大駕南征

紀九月大兵自澣黃州渡江征宋歲貢而退

上游于
釣魚山

宋改開慶元年

申庚 大元世祖聖德神功文武皇帝即位尊臨寶床統御寰區四海混同萬邦入貢建立

制度條理紀綱為子孫萬世成法寬仁愛人深信因果不言自信不化自行聖君之德蕩蕩乎民無能名焉

宋改景定元年○大朝遣郝經通好○

五月十九

本三

十五

建元中統廿七日大赦普度僧尼

酉辛 行中統鈔法平章王以道奏

制開平府號上都○宋買公田始自浙

子甲 至元元年城燕建都八月十六改元大赦

天下設會度僧詔請

國師扮彌達發思八登座授秘密戒○是年八月拜光祿大夫太保參領中書省事

制
長生天氣力裏皇帝聖旨咨爾劉秉忠氣副以直學富而文雖晦迹於空門每潛心

於聖道朕居藩邸實賓僚側聞高誼餘

二十年出從遐方幾數萬里迨予嗣服須

汝計安不先正名何以壓衆宜崇師位兼

總政機可特授光祿大夫太保參領中書

省事卿其勉輔朕躬率先乃屬察朝夕之

勤惰審議論之是非凡有施爲並聽裁決

佇看成績別示寵章准此中統五年八月

日

丑乙

宋改咸淳元年度宗即位初名孟啓福
王與芮之子理宗之猶子也理宗子

多而不育鞠孟啓於宮中改名孜又

改名祺立爲皇子封忠王已而建儲

改名璿

寅丙 大教東被已一千二百年矣

辰戊 大兵圍襄陽時呂文煥告急宋遣高連范

文虎赴援大兵於要害處連珠劄寨不得

通○宋十月日食

巳巳 帝師發思巴制蒙古字成二月頒行天下

庚午 宋之常州立尚書六部○宋大旱○至元

七年詔請膽巴金剛上師住持仁王寺普

本三

本六

度僧員

大元帝師苾芻發思巴說根本有部出家

授近圓羯磨儀軌親制序文曰原夫瞻部

嘉運至四佛釋迦文如來遺教利見也大

元御世第五主憲天述道仁文義武太光

孝皇帝登極也天資福惠諦信內乘普使萬邦咸歸一化雖敷天垂拱而至治無垠眷支那弘道而在躬不息欲以自佛相承師資繼踵迄今不替正戒儀軌爲拳拳從善之行人俾一一恒持於淨戒精練三業堅守四儀此寔聖皇匡正佛法之睿旨也昔因善逝與人天衆普說聲聞上教一切有部別解脫經依此採拾未得令得律儀方便羯磨儀軌此乃聖光德師之總集也始從天竺次屆西番爰有洞達五明法王大士薩思迦扮底達名稱普聞上足苾芻發思巴乃吾門法主大元帝師道德恢隆行位叵測授茲儀軌行布中原令通解三藏比丘住思觀演說正本翻譯人善三國聲明辯才無礙舍伊畢國翰林丞旨彈壓

孫傳華文譯主生緣北庭都護府解二種音法辭通辯諸路釋門總統合台薩哩都通暨翰林學士安藏總以諸國言詮奉詔譯成儀式序本帝師親製繪爲華迹以編陳始末粗彰聊記歲月時庚午至元七年

冬至後二日序

耕 大元國號十一月始建○興蒙古學校○

宋大饑

成甲 西癸 詔諭呂文煥○二月大兵破樊城呂文煥以襄陽降勅命伯顏丞相伐宋○三月宋

主崩太子立四歲

是年八月故光祿大夫太保贈太傅儀同三司文貞劉公薨翰林學士嘉議大夫知制誥兼修國史王磐奉勅撰神道碑銘并序其文曰耕莘非求進之地而伊尹阿衡

鈞渭非巧宦之途太公同載漢張良志從赤松而高祖得之以輔成帝業唐李泌好仙術而肅宗用之以佐定中興蓋天下之士惟自重者可與有爲而輕進者必非令器是以古之明王取士不以悅媚易親者爲可佳而以閒遠高潔難致者爲可貴聖天子之用太保劉公其審是道歟公以高潔之資慕空寂之教輕富貴如浮雲等功名於夢幻曷曾有一毫榮利之念動於心乎聖天子邂逅一見即挽而留之待以腹心契如魚水深謀密畫雖耆宿貴近不得預聞者悉與公叅決焉此其精誠胥會志意交孚與夫涓濱之同載商巴之阿衡蓋異世而同符矣公諱秉忠字仲晦瑞州劉李村人先世仕遼多顯貴金初曾大父

嘗任邢州節度副使秩滿身還鄉里留其家於邢故自公大父以下遂爲邢人馬大父諱澤資性倜儻爲鄉間所重父諱潤仕本朝歷邢州錄事鉅鹿內丘兩縣提領俱有惠愛公風骨秀異志氣英爽不羈家貧年十七爲邢臺節度使府令史以養其親幹敏精潔諸老吏咸服其能一日因按讀事有不愜意投筆歎曰吾家奕世衣冠今吾乃汨沒爲刀筆吏乎丈夫不得志於世間當求出世間事耳即棄去隱於武安山岩谷間草衣木食以求其志天寧寺虛照禪師聞之遣其徒招致與披剃爲僧仍以公知經書工翰墨命掌書記後遊雲中住南堂寺值海雲禪師被召北覲過雲中聞公博學多藝能求相見既見約公俱行公

不可海雲固要之不得已遂行既至謁今
上於潛邸一見應對稱旨自是屢承顧問
及海雲南還公懇求奔喪上賜黃金百兩
仍遣使送至邢州公持服營葬事起墳於
賈村葬其祖父母父母服闋被召復還和

本三

十九

林公獻書陳時事所宜者數十條凡萬餘
言率皆尊主庇民之事上嘉納之甲寅歲
從上征雲南已未歲從上伐宋揚羅渡濟
江圍鄂州上神武英斷每臨戰陣前無堅
敵而中心仁愛公嘗讚之以天地好生爲

德佛氏以慈悲濟物爲心方便救護所全
活者不可勝計庚申歲春上正位宸極創
定朝儀立官制改元建號一切所當施設
時物之宜皆公所草定中統五年秋八月
改至元元年翰林學士承旨王鄂奏言書

記劉秉忠效忠藩邸積有歲年叅帷幄之
密謀定社稷之大計忠勤勞績宜被褒崇
今聖明寓極萬物維新秉忠猶以野服散
號蕭條間寂守其初心深所未安宜與正
其衣冠崇以顯秩實遂衆望上覽奏欣然

嘉納即日命有司備禮冊授公光祿大夫
位太保叅領中書省事選聘侍講學士竇
默次女爲夫人賜第於奉先坊給少府官
籍監人戶甚衆公齋居蔬食終日澹然與
平昔畧不少異至元十一年扈從至上都

居南屏山之精舍秋八月壬戌之夜儼然
端坐無疾而薨享年五十有九訃聞上嗟
悼不已謂羣臣曰秉忠三十餘年小心慎
密不避艱危事有可不言無隱情又其陰
陽術數之精占事知來若合符契惟朕知

之他人莫得預聞也遣禮部侍郎趙秉溫
護其喪還大都以冬十月壬申葬斂營葬
一切所須皆出內帑十二年春正月詔贈
太傅儀同三司下太常議諡曰文貞仍命
翰林學士王磐撰碑文字臣磐欽惟國家

本三

三

列聖相承咸以武功戡定禍亂龍韜豹畧
鷹揚虎視豐功偉績之臣其當紀名汗簡
畫像凌烟者不為不多若夫輔佐聖天子
開文明之治立太平之基光守成之業者
實惟太傅劉公為稱首聖天子方在潛邸
士之所以涉遠道冒風霜而至者往往有
所陳訴祈請千慕進用惟公獨無所求間
燕之際每承顧問輒推薦南州人物可備
器使者宜見錄用由是弓旌之所招蒲輪
之所迂耆儒碩德奇材異能之士茅拔茹

連致無虛月逮今三十年間揚歷朝省班布
郡縣贊維新之化成治安之功者皆公平
昔推薦之餘也其識度之宏遠推此一節
而論亦可見其髮髯矣又自幼好學至老
不衰通曉音律精算數善推步仰觀占候

六壬遁甲易經象數邵氏皇極之書靡不
周知初丁太夫人憂毀瘠骨立衣一弊綿
裘三歲不易及錄事公卒雖身從天竺之
教而服食貶損容貌哀戚與循禮典而執
通喪者蓋無少異也晚娶無子以猶子簡

本三

三

璋為嗣弟秉恕今為順天路總管臣磐謹
按中書左丞張文謙所作行狀次第其行
事之實而系以銘辭銘曰大元五葉聖運
隆昌爰有異人出佐時康不坐官府不趨
朝行褐衣蔬食禪寂倘佯謀謨幃幄竭

忠良指陳成敗開闔陰陽淵慮婉畫鬼神
莫量扶日上天照臨萬方萬方仰德百靈
効祥庭陳玉帛路走梯航朝儀整肅濟濟
蹒蹒羣賢來集庶政允咸大綱一舉衆目
斯張治定功成聖眷彌彰崇資岌秩師表

侯王肇造皇家元勳是當良平佐漢房杜
興唐公不自多愈隆謙光見善必舉有能
必揚陸行滯阻與爲橋梁川泛艱厄與爲
帆槳寒而求衣煥之裘裳饑而求食飫之
腴肪門庭桃李爛煬芬芳人感公德銘刻

肝腸公施於人過即遺忘公之仁賢宜享
遐年胡爲一朝蟬蛻而仙燕都南原盧溝
北喚佳城鬱鬱有墳歸然地固重泉松栢
參天石爛松枯芳名永傳
贈儀同三司太傅諡文貞制

長生天氣力裏大福廕護助裏皇帝聖旨
臣以忠孝而事上貴輸獻納之誠上以禮
義而遇臣思篤始終之愛視死之日猶生
之年故光祿大夫太保劉秉忠學窺天人
識貫今古遠冲而有守安靜而無華昔侍

潛藩稔聞高論適當三接之際懇上萬言
之書蓋將舉天下而措諸安以戒爲人主
者過於殺朕嗣服而伊始卿盡力以居多
盖得卿實契於朕心而獨朕悉知於卿意
事皆有驗人匪他求周旋三十年不避其

本二

王二

難剴切數百奏各中其理共成庶政方圖
任於舊人誰謂旻天不憇遺於一老興言
及此何日忘之載惟台輔之尊厥有泉扃
之賁是用錫之綸命峻一品之華階遂以
衮衣躡三槐之正位復加顯號允答殊勳

惟爾英靈識予哀寵可贈儀同三司太傅

諡文貞准此至元十二年二月

亥乙 至元十二年詔諭兩淮州縣新附

宋改德祐幼主濕立度之子母全后謝

太皇后臨朝○六月朔宋日食之既

子丙 大元天兵臨境舉國歸附正月十八日幼主謝太皇后全

后朝京封幼主瀧國公全后為居於正

智寺先是陳宜中張世傑奉益王衛王

如永嘉與蘇劉義遇共圖興復五月益

王即位於福州改景炎十一月王世孫

引兵過三山宜中奉二

王南行十二月至廣州○詔安歸附軍

民○九月十一日大赦

五丁 右宋前後共十六主凡三百十七年

府

十二月大兵逼廣州宜中奉二王抵肇慶
勅令瀛國公往脫思麻路習學梵書西番

字經○建大聖萬安寺

本二 十五年正月旦設會齋僧大赦玉泉等五

老蒙恩得度三月宜中奉益王由海道

復入廣四月望日崩

十七日衛王即位於啗川改祥興六月

世傑奉衛王至屋山○次年正月大兵

攻屋山八月宜中

入占城至落鶴園

庚 十七年二月宜中奉衛王自落鶴經占城

歷死未幾二廣皆歸一統六月新

曆成賜名授時明年始頒行天下

大元帝師癸思八是年示寂翰林學士王

磐等奉勅述行狀曰皇天之下一人之上

開教宣文輔治大聖至德普覺真智佑國

如意大寶法王西天佛子大元帝師班彌

怛拔思癸帝師乃土波國人也生時諸種
瑞應具詳家譜初土波有國師禪怛囉乞
荅具大威神累葉相傳其國王世師尊之
凡十七代而至薩師加哇即師之伯父也

廼禮伯父爲師秘密伽陀一二千言過目成誦七歲演法辯博縱橫猶不自足復遍咨名宿勾玄索隱盡通三藏癸丑師年十五世祖皇帝龍德淵潛師知真命有歸馳駟徑詣王府世祖宮闈東宮皆兼受戒法

特加尊禮戊午師二十歲釋道訂正化胡經憲宗皇帝詔師剖析是非道不能荅自棄其學上大悅庚申師年二十二歲世祖皇帝登極建元中統尊爲國師授以玉印任中原法主統天下教門辭帝西歸未甚

月召還庚午師年三十一歲時至元七年詔制大元國字師獨運摹畫作成稱旨即頒行朝省郡縣遵用迄爲一代典章升號帝師大寶法王更賜玉印統領諸國釋教旋又西歸甲戌師年三十六歲時至元十

本二

壬酉

一年皇上專使召之歲杪抵京王公宰輔士庶離城一舍結大香壇設大淨供香花幢蓋大樂仙音羅拜迎之所經衢陌皆結五綵翼其兩傍萬衆瞻禮若一佛出世時則天兵飛渡長江竟成一統雖主聖臣賢

所致亦師陰相之力也爲真金皇太子說器世界等彰所知論尋又力辭西歸皇上堅留之不可庚辰師年四十二歲時至元十七年十一月二十二日示寂上聞不勝震悼追懷舊德連建大宰堵波于京師寶藏真身舍利輪奐金碧無儔

至元十八年十月二十日僧道二家辯析特奉

聖旨長生天氣力裏大福廢護助裏皇帝聖旨道與中書省樞密院御史臺隨路宣

慰司按察司達魯花赤管民官管軍站人
匠等官并衆先生每在前蒙哥皇帝聖旨
裏戊午年和上先生每折證佛法先生每
輪底上頭教十七箇先生剃頭做了和上
將先生每說謊做來的化胡等經并印板

本二

三五

教燒燬了者隨路觀院裏畫着的石碑鐫
着底八十一化圖盡行燒毀了者麼道如
今都功德使司奏隨路先生每將合毀的
經文印板至今藏着却不曾毀了更保定
真定太原平陽河中府王祖師庵頭關西
等處有道藏經板這般奏的上頭教張平
章張左丞焦尚書泉總統忽都于思翰林
院衆學士中書省客省使都魯省宣使苦
速丁淵僧錄真藏僧判衆講主長老等張
天師祁真人李真人杜真人衆先生每一

同於長春宮內分揀去來如今張平章等
衆人回奏這先生家藏經除道德經是老
子真實經旨其餘皆後人造作演說多有
詆毀釋教偷竊佛語更有收入陰陽醫藥
諸子等書徃徃改易名號傳註訛舛失其
本真偽造符呪妄言佩之令人商賈倍利
夫妻和合有如鴛鴦子嗣蕃息男壽女貞
誑惑萬民非止一端意欲貪圖財利誘說
妻女其有教人非望佩符在臂男爲君相
女爲后妃入水不溺入火不焚刀劍不能
傷害等語及令張天師祁真人李真人杜
真人試之於火皆求哀請命自稱偽妄不
敢試驗今擬得除老子道德經外隨路但
有道儀說謊經文并印板盡宜焚去又據
祁真人李真人杜真人等奏告據道藏經

內除老子道德經外但係後人捏合不實文字情願盡行燒毀了俺也乾淨唯奏今後先生每依着老子道德經裏行者如有愛佛經的做和上去者若不願為僧娶妻為民者除道德經外說謊做來的道藏經

本二

三六

文并印板盡行燒毀了者今差諸路釋教泉總統中書省客省使都魯前去聖旨到日不以是何官吏先生道姑秀才軍民人匠鷹房打捕諸色人等應有收藏道家一切經文本處達魯花赤管民官添氣力用心拘刷見數分曉分付差去官眼同焚毀更觀院裏畫着的石鐫着的八十一化圖畫行除毀了者自宣諭已後如有隱匿道家一切說謊捏合毀謗釋教偷竊佛語窺圖財利誘說妻女此誑惑百姓符咒文字及

道○家大小經文若所在官司不添氣力拘刷與隱藏之人一體要罪過者外民間諸子醫藥等書自有板本不在禁限准此至元十八年十二月二十日
佛祖歷代通載卷第三十二

佛祖歷代通載卷第三十三

本三

嘉興路大中祥符禪寺住持華亭念常集

壬十九年八月賜文天祥死持年四十七歲矣○甲申正月六

日大赦

乙二十二年十二月安童丞相復職

聖旨焚毀諸路偽道藏經之碑翰林院臣

唐方楊文郁王構趙與李謙閻復李

鑄李監王盤奉勅撰正奉大夫樞

密副使臣商提奉勅書光祿大夫

中書左丞相監修國史臣耶律鑄奉

勅篆額

至元二十一年三月初三日詔遣資德大

夫總制院使兼領功德使司事相哥論翰

林院戊午僧道持論及至元十八年十月

二十日焚毀道藏偽經始末可書其事於

石臣監等謹按釋總統合合薩哩所錄事

迹昔在憲宗皇帝朝道家者流出一書曰

老君化胡成佛經及八十一化圖鏤板傳

布其言鄙陋誕妄意在輕蔑釋門而自重

其教屬賓大師蘭麻總統少林長老福裕

以其事奏聞時上居潛邸憲宗有旨令僧

道二家同詣上所辯析二家自約道勝則

僧冠首而為道僧勝則道削髮而為僧僧

問道曰汝書為論化胡成佛且佛是何義

道對曰佛者覺也覺天覺地覺陰覺陽覺

仁覺義之謂也僧曰是殆不然所謂覺者

自覺覺他覺行圓滿三覺圓明故號佛陀

豈特覺天地陰陽仁義而已耶是時上特

語近侍曰吾亦先知仁義是孔子之語謂

佛為覺仁覺義其說非也道士又持史記

諸書以進欲出多說僥倖取勝帝師板的
達發合師八曰此是何書道曰前代帝王
之書上曰汝今持論教法何用攀援前代
帝王帝師曰我天竺亦有此書汝聞之乎
對曰未也帝師曰我爲汝說天竺頻婆羅

本三

二

王贊佛偈曰天上天下無如佛十方世界
亦無比世間所有我盡見一切無有如佛
者當其說是語時老子安在道者不能對
帝師又問汝史記有化胡之說否曰無又
問老子所傳何經曰道德經曰此外更有
何經曰無道德經中有化胡事否曰無帝
師曰史記中既無道德經中又無其爲僞
妄明矣道者辭屈尚書姚樞曰道者負矣
上命如約行罰遣近臣脫歡將道者樊志
應等十有七人詣龍光寺削髮爲僧焚僞

經四十五部天下佛寺爲道流所據者二
百三十七樞至是悉命歸之道教提點甘
志泉所據吉祥院其一也據而弗歸至元
十七年夏四月僧人復爲徵理長春宮道
流謀害僧錄廣淵聚徒持挺毆擊僧衆自

焚廩舍誣廣淵遣僧人縱火且聲言焚米
三千九百餘石他物稱是事達中書省辯
其誣甘志泉王志真款伏詔遣樞密副史
孛羅及諸大臣覆按無異詞志泉志真就
誅剽取流竄凡十人仍徵所聲言米物如

本三

三

其數歸之僧衆有道家僞經尚存爲言者
聞諸皇太子十八年九月都功德使司脫
因小演赤奏台往年所焚道家僞經板本
化圖多隱匿未毀其道箴諸書類皆詆毀
釋教剽竊佛語宜皆甄別於是上命樞密

副史與前中書左丞文謙秘書監友直釋教總統合台薩哩太常卿忽都于思中書省客省使都魯在京僧錄司教禪諸僧及臣等詣長春宮無極殿借正一天師張宗演全真掌教祁志誠大道掌教李德和杜

福春暨諸道流考證真偽翻閱兼旬雖卷帙數千究其本末惟道德二篇爲老子所著餘悉漢張道陵後魏寇謙之唐吳筠杜光庭宋王欽若輩撰造演說鑿空架虛罔有根據詆毀釋教以妄自尊崇復愛慕其言而竊爲已有假陰陽術數以示其奧哀諸子醫藥以誇其博往往改易名號傳註訛舛失其本真文所載符咒妄謂佩之令人商賈倍利子嗣蕃息伉儷諧和如鴛鴦之有偶將以媒淫亂而規財賄至有教人

非望佩符在臂則男爲君相女爲后妃入水不溺入火不焚刀劍不能傷害之語其偽妄駁雜如此留之徒以誑惑愚俗自道德經外宜悉焚去臣等同辭以聞上曰道家經文傳訛踵謬非一日矣若遽焚之其徒未必心服彼言水火不能焚溺可姑以是端試之俟其不驗焚之未晚也遂命樞密副使李羅守司徒和禮霍孫等諭張宗演祁志誠李德和杜福春等俾各推擇一人佩符入火自試其術四人者奏言此皆

本三

四

誕妄之說臣等入火必爲灰燼實不敢試但乞焚去道藏庶幾燥雪臣等上可其奏遂詔諭天下道家諸經可留道德二篇其餘文字及板本化圖一切焚毀隱匿者罪之民間刊布諸子醫藥等書不在禁限今

後道家者流其一遵老子之法如嗜佛者
削髮爲僧不願爲僧者聽其爲民乃以十
月壬子集百官于憫忠寺焚道藏偽經雜
書遣使諸路俾遵行之臣盤等聞老氏之
爲道也以清淨爲宗無爲爲本謙冲以處

已損抑以下人非有貪欲好勝之事厥後
枝分派列徒屬寔盛襲訛成偽誇誕百出
清淨一變而爲污穢無爲一變無所不爲
如漢之文成五利致身求僊恍惚誕幻帛
書飯牛之詐黃金可成之妄一旦敗露爲

武帝所誅三張之徒以鬼道惑衆倡亂天
下爲皇甫嵩曹魏所滅宋王浮昔居上清
寶籙宮與女冠爲姦林靈素自稱神宵紫
府僊卿攘大水不驗並爲徽宗誅竄而死
迨金末年復有麻被先生鐵笠李二人以

姦謀秘計出入時貴之門肆爲淫污之行
咸受顯戮歷代以來若此之類不可勝數
追惟禍亂之源姦宄之本率皆假符籙以
神其教託偽經以警其俗橫肆巧誣倡爲
詭狀詆毀聖教寇攘內典固已悖老氏不

爭不盜之禁矣及陷刑辟皆是孽自內作
悞將誰咎哉且夫釋氏之教宏闊勝大非
他教所擬倫歷百千世聖帝明王莫不尊
崇東冒扶桑西極昧谷冰天桂海山河大
地昆蟲草木胎郊濕化有情無情百千萬
類皆依佛蔭生息動止於天地之間故天
上天下惟佛爲尊超出乎有生之表歸極
乎無碍之真智周三界神妙諸方澤及大
千功用不宰其大有如此者慈航所至無
溺不援法雨所霑有生皆潤憫世人之沉

淪幻海顛覆迷津展轉多生流連累劫將
使之脫凡企聖蠲弊崇真故神光破沉晦
之門大覺指無生之路其仁有如此何意
狂謀輒形妬忌雖積毀銷骨衆照漂山法
體圓成初無小玷譬如盲人之毀日月何

傷日月之明井蛙之小河海奚損河海之
大多見其不知量也欽惟聖天子識超四
諦道慕三乘叅無象之真空傳法王之心
印所以尊崇之禮皈向之誠矯百僞以從
真黜群邪而歸正有不容不嚴者焉况乎
筆墨勸媯妖術誤世恣爲欺誑鼓蕩群愚
若不大爲改革則邪說肆行枉道惑衆其
如天下後世何凡天下之理有善有惡有
正有邪有真有僞常混然而同處雜然而
並行自非稟上聖之資誕生知之性智出

庶物明照群情則紅紫之亂朱注淫之變
雅是孰得而辯明之哉由是言之聖天子
匡濟真圖翼扶大法之功至矣絜諸聖不
可有加矣予以鑿含靈之耳目開正途之
荒穢使般若之光永乎無際劫遍滿恒河

沙界延洪聖壽於無疆衍縣儲君之福利
鼎祚於億萬年之久者庸有既乎是可迷
也臣 磐等敬爲之書以貽後人俾爲老氏
之學者有所警焉

大元至元辯僞錄隨函序翰林直學士奉
訓大夫知制誥同脩國史臣張伯淳撰天無
私覆地無私載日月無私照辯僞錄之所
云良有以也洪惟聖朝繼天立極論道經
邦以佛心子育萬方以正法澤被四海至
元辛卯之歲孟春大雲峯長老邁吉祥欽

奉

皇帝明命撰述至元辯偽錄奏對天顏睿
覽頒行入藏流通原其所自乙卯間道士
丘處機李志常等毀西京天城夫子廟爲
文城觀毀滅釋迦佛像白玉觀音舍利寶

李

七

塔謀占梵刹四百八十二所傳襲王浮偽
語老子八十一化圖惑亂臣佐時少林裕
長老率師德詣闕陳奏先朝蒙哥皇帝王
音宣諭登殿辯對化胡真偽聖躬臨朝親
證李志常等義墮辭屈奉旨焚偽經罷道
爲僧者十七人還佛寺三十七所黨占餘
寺流弊益甚丁巳秋少林復奏續奉綸旨
爲經再焚僧復其業者二百三十七所由
乙卯而辛酉凡九春而其徒竄匿未悛邪
說諂行屏處猶妄驚瀆聖情由是至元十

八年冬欽奉王音頒降天下除道德經外
其餘說謊經文盡行燒毀道士愛佛經者
爲僧不爲僧者娶妻爲民當是時也江南
釋教都總統永福楊大師璉真佳大弘聖
化自至元二十二春至二十四春凡三載

恢復佛寺三十餘所如四聖觀者昔孤山
寺也道士胡提點等舍邪歸正罷道爲僧
者奚啻七八百人挂冠於上永福帝師殿
之梁洪間典故如南嶽山之券爲事偽者
戒試嘗考之自大教西來漢明帝迎摩騰
竺法蘭二師於洛陽五嶽道士褚善信等
上表譏毀佛法當時築壇以佛道二經焚
之道經悉爲灰燼佛經放光無損尊者踊
身作十八變有狐非獅子類燈非日月明
之至言道士爲僧者不可勝數如寇謙之

矯妄崔浩惑魏太武而崔浩卒以族誅曇
謨最之挫屈姜斌斌流於馬邑齊曇顯之
愧陸修靜唐總章元年法明辯化胡之偽
勅搜聚天下化胡經抑嘗火其書矣由古
而今歷代帝王之制斯可忽諸蓋世尊等

本三

視三界衆生猶如一子弃背大覺是子背
其父也子背其父是自昧其所天也且師
老子者道德二篇以清虛澹泊絕世弃聖
立其宗隱居以求其志儵然無爲爾今盜
名之徒鼓嘯黨援假立冠褐峻侈官觀苟

世利養豈老氏之用心哉况老氏謂大辯
若訥大巧若拙辯者不善善者不辯勿矜
勿伐抱一爲天下式而占毀佛寺竊經扇
化胡之偽是若拙若訥歟是善者不辯歟
師老子而違其術亦復違其自宗矣若嫡

師於老子者則弗爲也過歸末流爾雖然
麒麟之於走獸鳳凰之於飛鳥蘭蕙之於
薰蕕梅檀之於穢壤則世未有舍鳳凰麒
麟之瑞蘭蕙梅檀之馨而恆走獸飛鳥之
常薰蕕穢壤之垢者人心天理愛惡之所

同也柰何菽麥未析而甘事於僞妄不實
之教復矜誕其浮辭侮慢大覺訕毀至聖
而弗憚三途之淪溺乎斯辯僞錄之正名
教造理淵奧排難精明凜乎抗凌雲之勁
操坦然履王道之正塗而隄備後世之溺

本三

九

於巨浸者其爲言也至矣蓋有僞則辯無
僞則無辯豈好辯哉弘四無碍之辯者邁
公之德歟言之者無罪聞之者足以戒故
我皇金言喻辭曰譬如五指皆從掌出佛
門如掌餘皆如指信乎王言如絲其出如

綸明逾日月堅逾金石爲萬世之龜鑑則
斯錄豈小補哉

辨僞錄序蓋聞五運未形元無人物之號
三才既立乃叙尊卑之名肇分六爻始畫
八卦而有書契定乎訓章鳳篆龜圖金滕

玉字百家之異轍萬卷之分區雖理究乎
精微言殫乎物範紀情括性未出乎域中
原始要終詎該於化內况乎法身無相高
超於象帝之先真諦絕稱迥出乎思議之
表英猷茂實代有人焉如意者俗姓呼之

氏太原人也世傳纓冕累葉播遷代郡因
爲家焉九歲落紺隨師請業玉離荆岫價
重之德彌彰桂生幽岩馨香之風遠迤阿
師內窮三藏之奧外覈九流之源名冠於
中華聲聞於朝野運談天之口施不世之

才郁郁間綺錦之文雄雄聳凌雲之氣班
馬之珠玉未可同年顧陸之文章寧堪並
駕至若莊生墨生之學黃老李老之書三
清謗道之文十異九迷之錄混元隱月之
秘靈寶赤書之儀煥若宵膺明猶拍掌加

以禪叅於五派傍閱於群書既有雄才特
專著述運思之外汲引無窮挫邪則有吼
石之功扶正則具鞭屍之德固以才侔安
遠學邁生融實覺海之龍鱗迺佛門之柱
礎切見全真道士者丘處機李志常史志

本二

+

經令狐璋等學業庸淺識慮非長並爲鄙
辭排毀正法擊茲布鼓竊比雷門使中下
之流咸生邪見欽奉薛禪聖明皇帝發大
悲心愍其盲瞽恐墮泥犁勅令製斯論耳
震蕩法海摧彼詞鋒碧雞之銳竟馳黃馬

之駿爭鴛狀鴻爐之焚織翼猶炎日之煉
輕冰負勝之儔於斯可見暫歸慈定已破
魔軍至元十八年十月二十日復欽奉先
皇帝聖旨勅令天下偽經一時焚盡由是
佛日重暉於碧漢法雲廣布於閻浮右如

意所作文賦注解四經序韓文別傳性海
賦等在世已傳然茲論五卷二百餘紙窮
釋老之淵源分邪正之優劣蓋唱彌高而
和彌寡深可媿焉余文慚綺麗學匪通圓
觀斯論之嘉言欽吾皇之鴻護不勝手舞

勉為斯引輒以藤綆聯彼珪璋庶博雅君
子詳其致云爾大雲峯住持襲祖沙門雪
谿野老貴吉祥述

大都道者山雲峯禪寺住持如意祥邁長
老奉勅撰辯偽錄五卷其畧云妄立天尊

本三

十一

偽此云道者萬化之父母自然之極尊於
一也真一之氣化生之後歷九十九萬億
九十九萬億九十九萬歲乃化生三氣相
上乃虛皇天尊又歷如三歲數乃生中三
氣三合成德乃生老即元始天尊也又
歷如上歲數乃生三氣三合成德共生
太上即太上道君也自後又一氣復生三
氣每氣相去八十一萬億八十一萬歲三

合成德共生李老君雖四聖相次各不相
因謂之獨化老君生後乃生玉運謂太易
大初太始太素太極○老君混沌之祖宗
天地之父母故能分布清濁開闢乾坤
辯曰蓋聞龍圖鳥篆之文龜書科斗之典
玉版玉謀之記金滕金匱之書秦漢魏晉
之章宋齊梁陳之簡記事記史直筆直言

靡覩虛皇之名不聞元始之號安有手執
玉圭身掛黃褐頂垂皓髮頭戴金冠別號
天尊高拱三清之上獨稱教主統御九華
之宮縱有天尊之名並是偷竊佛語古經
稱佛名為天尊不關道君之事竊他美稱

妄自尊嚴取信通人斯言謬矣案列子及易鈞命訣皆云天地未生之前有太易有太初有太始有太素有太極說者咸云太易者未見氣也太初者氣之始也太始者形之始也太素者質之始也太極者質形

已具混沌未分也太極之後乃生兩儀謂之天地夫名從實生實從名起名實既著其道乃行太易之前杳然空洞漠漠漠漠本絕音容何得謾張九氣妄生四人虛上生虛似敲空而求嚮僞中起僞如趁影之尋蹤豈不思既立其名須有其體既立其體須有氏族且道虛皇元始誰人所生氏族何起居在何處若有源系出在何書若無來由即是虛設又空洞之前本無歲數今標歲數愈見虛張蓋數目起於伏羲甲

子唱乎皇帝本三將今記古顛倒何多且上之三尊爲有形耶爲無形耶若是有形不在太易之上爰從父母而生須有年代時處姓氏名字前云三氣共德而生則是以氣生氣與氣不殊何有形名若是無形本無

名位下第七化乃云老君以上皇元年九月二日出遊西河遇元始天尊乘八景玉輿駕九色玄龍群仙導從手把華幡師子白鶴嘯歌邕邕同會西河之上授老君洞玄玉符此是誰耶進退兩求並無準的則知海棗虛談有名無實彫冰鏤雪枉廢詞章山海之所不收大荒之所不載庸愚巧飾何足信哉老君衰周之柱史誑云混沌之祖宗避周亂而過函關妄云天地之父母既自語之相戾何函矢之相攻掩耳偷

鈴欲隱彌露道德章云吾有三寶寶而持之一曰慈二曰儉三曰不敢為天下先老君獻胡王妻子與胡兵格戰何有慈乎乘玉衡之輿坐金闕之內披九色離羅之衣廢九光偃鶴之蓋何有儉乎生於無始起

本三

十三

於無因為萬道之先作元氣之祖觀混沌之未判視清濁之未分為帝王之師作天地之母何有不敢為天下先乎遼陽高憲字仲常遊東京白鶴觀見三清像指其右曰此何像也觀主對曰老君像曰何代人

曰周定王時又指左曰此何像也主曰道君像曰此何代人主倉惶未荅憲指中尊曰且饒這元始天尊聞者傳以為笑

創立劫運年號偽第三化云始則太虛之氣其氣相擊往來亂射經百億萬氣之後其氣方慢往來流下旋自然之氣此偷佛書世界初成風輪下旋

之事也又號彌羅萬梵之氣不經九萬九千九百九十九億萬之後結吉祥之氣成一聖人自號元始天王同時生五行之數乃生道君時劫號赤明年亦號赤明同老君劫號清運年號上皇時生八公又五運太易太初等老君乃以陰陽二氣結為混沌而分布天辯曰蓋聞班固律歷之地萬物始備矣

志史記天官之書皇甫謐之帝年陶隱居之帝紀未聞五運之前先有年號三氣之內虛立劫名既清濁之未形只是洪濛一氣何有老君元始五老九天雖竊佛主劫之名而不曉成壞之數梵云劫波此云時分時雖長短皆立劫名錯謬梵言迷惑體相釋教未來此劫但有劫殺劫賊故許慎說文云以兵憐人曰劫又魯將曹沫劫桓公於壇上求所侵地此則逼奪名劫豈有劫運之言乎今陳此言妄竊見矣夫名位

既有年號斯張將以率領萬方整齊四海
混同九有同一車書天子至尊得建年號
無名位者不敢立馬孔子雖然剛書定禮
分辨君臣以無貴位止號素王矧乎老聃
周之柱史臣子之列而草竊帝王妄建年

本三

十四

號哉况軒皇之前本無甲子黃帝臣大漢
武之代始建年號武帝始將古標古亦何
偽乎或曰老子生於天地之前別立年號
有何乖違答曰既在天地之上乃是太易
之前世界未形君臣無跡杳然空寂唯一

溟濛建立年號統領誰人乎明知偷佛莊
嚴賢劫星宿之意而立此延康赤明青蓮
之目彼明三世此約一時正同山羗偷王
衣物迷惑顛倒上下失次爾下云老子生
於天崗李谷字曰光明則在三皇之後何

得老君以陰陽二氣結為混沌而分布天

地耶首尾兩端穿鑿見矣

開分三界偽第五化云天地有形之大者

地之父母故能分布清濁開闢天地運去
元始三氣而成天上為三清三境即始氣
為玉清境元氣為上清境玄氣為太清境
又以三清之氣各生三氣合成九氣而為

九天第一爵單天第二上神壽無量壽天

第三梵藍須延天第四寂然堯術天第五

波羅尼密不橋樂天第六洞玄化應聳天

第七靈化梵輔天第八高虛清明天第九

無想無愛天此之九天各生三氣每氣為

一天合二十七天通此九天為三十六天

則三界四民上極三清是其數也初下六

天為欲界一太黃天二太暉天三清明天

四玄胎界一元明天六七曜天次一十

天為色界一虛無天二太極天三赤明天

四榮華天五曜明天六皇始天七靈明天

八端靖天九光明天十極瑤天十一元

十五太安天十六無思天十七阮樂天

八曇摩天次四為無色界一霄度天二

元同三天妙成天四禁上天此二天

名為三界此上又四名為種人天此

融天二五隆天三梵度天四賈爽天此

天起出三界又云三度天為三境最上

太赤天二曰出餘天三曰清微天最上曰

大羅天包羅諸天極高無一去都玉京鎮
於其上三尊所處焉又太霄隱書云大道
君治在五十五重無極太羅天中玉京之
十七寶玄臺金林玉機金童玉女之所侍
衛住居在三十三
二天三界之外

辨曰詳夫虵軀伏牛首炎之書龍師吳太鳳
紀少之典談天鄒論天黃之詰括地地輿

地圖之圖甘氏星經張衡靈憲不說三清

之號匪聞大羅之名並是依傍佛經改頭
換尾採他名相粧綴已書且道教之宗源
起黃帝而老子洎子列子莊周鶡冠尹文
派為道教諸子所談並無說天之事唯是

張道陵所集靈寶經中始說三十二天效
佛神呪而作蜜言自後道書互相鼓唱空
枝引蔓唯誑下俗佛教未來云何不說釋
經廣布始唱斯名明名修靜增加三張妄
闡狗偷鼠盜何足貴乎爾雅之立四號約

於四時太玄之說九天准於九有不似道
家虛加數目天本定體何有少多今各說
不同顯知妄立案佛經三界三業所感總
二十八欲界有六色界十八無色有四具
勝妙欲名為欲界形色超絕名為色界根

識兩忘名無色界越此而去名出生死捨
分段之後身絕形名而無寄安有玄都之
境玉京之山金童玉女交雜之事瓊輿碧
帳之飾妄竊不真於斯見矣試問道士三
界從何而來何功所感釋名辨相全不能

本三

夫

知且道宗極致惟盡升天靈寶幽微祗會
羽化難逃四相詎免五衰汎業浪以漂沉
隨生死而輪轉縱茫茫之業識積浩浩之
苦源長往不歸良可歎息鬱頭藍弗是其
驗歟

隨代為帝王師偽第十一化云老君在伏
經教伏義人倫畫八卦在祝融時號唐
譯子說按摩通精大成子太一元精經
為器在神農時號大成子太一元精經
教以播種五穀採和諸藥在黃帝時號隨
成子說以抱神守靜之道在少昊時號隨
應于說在敬經教以鳥官為理分布九屬
以統百司在顓頊時號赤精子說微言帝
審時號錄圓子說黃庖紀帝堯時號務成

子說宣化經帝舜時號尹壽子說通玄經
 七十卷又說道德經八千三百卷夏禹時
 號真行子說元始經六十卷殷湯時號錫
 則子說長生經二十卷周文王時號變邑
 子說赤精經教以仁孝之道乃至上古
 之君皆受教於老子然後造作群物也
 辨曰夫賢之與聖名位不同古哲今人出
 處各異莊周云萬世之後一遇大聖猶且

暮遇之此明聖人出世表瑞協祥應千年
 之期膺適時之運孤標特秀迥出常流故
 得帝王師之諸侯禮重萬載一遇尚為旦
 暮豈有隨代而出現乎夫李耳者退靜之
 士史記稱為隱君子也避亂過關葬於槐

里潛身柱下本是人臣位不躡於上階名
 未廁於台輔何乃擢君聖地為帝王師論
 諛不經駭人耳目培塿要齊於嵩華孰肯
 憑焉潢潦擬廣於滄溟終難信矣豈有開
 闢之後萬億餘年中間別無一人拔萃唯

有老子為帝王師于三墳五典八索九丘
 孔子春秋丘明國語百家異說九流雜談
 並無老子為師之語唯是後代無知道士
 妄撰斯言欲使老子獨高群聖美則美矣
 偽且偽焉且伏羲神農皆有聖德軒皇堯

舜並號明君或幼而能言或生知妙道詎
 假老子教之然後造作群物乎況書傳所
 紀古史所明燧人鑽火伏羲畫卦炎帝播
 耨女媧造篁黃帝作官室軒冕樂有咸池
 顓頊作六英堯有大章舜有大韶及作圍

碁禹有大夏湯有大漢文王有辟雍武王
 有下武鯨作城郭蚩尤作兵器岐伯造醫
 俞附脉經伶倫制律隸首作筭容成作曆
 大橈造甲子奚仲作車曹胡作衣伯余作
 裳於則作履共鼓作舟楫巨揮作弓夷牟
 作矢黃雍父作杵白孟莊子作鋸趙武靈
 王作靴蘇威公作箎暴辛作墳后稷之孫
 叔均作犁蒙恬作筆蔡倫作紙夏昆吾氏
 作瓦此皆各有其主群書所明何得自矜
 覽為我造又周易繫辭孔子所述列明古
 帝製造之事如云包羲氏之王天下也觀
 像於天俯察於地近取諸身遠取諸物始
 畫八卦以通神明之德以類萬物之情作
 結繩而為網罟以畋以漁蓋取諸離神農
 氏為耜為耒以利天下日中為市交易有

無乃至黃帝堯舜垂衣裳而天下治蓋取
 諸乾坤如此歷陳法易造物不言老子所
 造也竊功業標為己能銜名自高君子不
 忍又云老子在堯時為務成子者案後漢
 應劭風俗通云東方朔是太白星精黃帝
 時為風后堯時為務成子周時為老聃在
 越時為范蠡在齊為鴟子此則務成子乃
 東方朔非干老子明矣何得妄加鈎引稱
 老子為人師乎案魯哀公問於子夏曰五
 帝三皇皆有師乎子夏曰有臣聞皇帝學
 乎太真顛頊學乎綠圖帝學乎赤松子
 堯學乎尹壽舜學乎務成跖禹學乎西王
 國湯學乎威子伯文王學乎鉸時子斯武
 王學乎郭政周公學乎太公呂望上之所
 叙文極分明而言老子隨代為帝王師何

出言之狂悖哉巧言如簧顏之厚矣且老子衰周杜史史有明文本是人臣返為上古帝王之師履冠戴履何顛狂之甚乎又上文云上古之君皆受教於老子則桀紂之不作幽厲之無道秦皇之凶暴王莽之

李

十九

篡逆亦老子之所教也既然如是則老子為悖逆之魁首巨猾之元匠不忠不孝老子之所生不義不仁老子之所主為人師者不亦慚乎老君既說隨代為師而秦漢之下至於金朝偏無一現乎今既無矣古亦虛焉且漢文恭儉孝武英明孝明達禮樂之情孝章優儒雅之道魏文帝風流文藻晉世祖明達寬仁宋文帝致治昇平梁武帝文武兼備隋高祖混同四海唐太宗混一車書此時不俟老子之化而皆金聲

玉振則知牽合巧會枉廢詞章祇可狂於閭閻難可信於達士嫫母加粉見者愈嗤隣女效顰鄉人不貴

老子出靈寶三洞偽第九化云太上老君以中皇九年三月一日於玉清天金闕上官撰集靈篇以為寶經三百卷符圖七千章玉訣九千篇老君

於上三皇時出為萬太法師又號玄中法師當龍漢元年授上一皇洞真經一十二部以無極之道下教人間其時人壽九萬歲於中三皇時號有古先生當赤明元年授中三皇洞玄經一十二部行無上正真之道以化於人其時人壽六萬歲於下三皇時出為師號金闕帝君當開皇元年授下三皇洞神經出十二部以太平之道化人其時人壽一萬八千歲天洞真洞玄洞神名一十二部合為三十六部尊經也

辨曰夫仲尼入夢十翼之道始宣伯陽過關二篇之教方闡有名為萬物之始無名為天地之先混微妙而同玄驚寵辱而一致谷神不死久視長生挫銳解紛謙卑自牧此老氏之旨也自餘教典皆是偽書制

雜凡流唯尚誇競採傍佛語換體安名擬
三界而立三清做三大而立三洞虛勞紙
墨妄飾詞章何以知之漢時張道陵造靈
寶經王褒造洞玄經吳時葛孝先造上清
經晉時王浮造明威化胡經鮑靜造三皇

本三

辛

經後改為三清經齊朝陳顯明造六十四
真步虛經梁時陶弘景造太清經隋末輔
惠祥改涅槃為長安經後事發被誅案甄
鸞笑道論云道家妄注諸子三百五十卷
為道經如此詳之代代穿鑿人人妄制採

他佛教標為道書或言仙洞飛來或言老
子再現群賢不覩道士獨傳欺誦時君不
懼朝憲故唐琳法師對太宗皇帝云若據
肅溫衆議道家止有道德二篇如依漢明
校量便應七百餘卷約葛洪神仙之說僅

有一千准脩靜所上目中過前九十又檢
玄都目錄轉復彌多既其先後不同顯知
後人妄制增加卷軸添足篇章依傍佛經
改頭換尾或道名山自出時唱仙洞飛來
何乃黃領獨知英賢罕覩典籍不記書史

無聞試問當今道士推勘後出之經為是
老子別陳為是天尊更說若也更說應有
時方師資傳授為是何年何月何邦何代
若在天上說何人傳來若在西域而談
何人譯出如其有據容可流行若也妄言

本一

壬

理須焚剪又漢晉之代僧號道士冠謙得
志僭冒其名今稱法師愈為矯節法師之
號源出佛經萬卷百家本無此語且為法
之師名為法師法即是師名為法師名義
不知妄安已號按賢劫已來有三佛出初

佛出時人壽六萬歲第二佛出時人壽四萬第三佛出人壽二萬何乃改彼三皇妄合其數又前說云上三氣中而有龍漢赤明之號是時五運尚無但唯一氣何有三皇之君人壽之數乎上古縱有五龍四姓

九頭十紀亦無三皇建立年號試問龍漢赤明上皇開皇誰君之年乎若言有說史無明文若言無憑不可妄立扣其兩端竟無一是又伏羲之前文字未有何出三洞靈寶之篇乎又十二部名源出佛經一代

時教類分十二道家名義不知何以妄著已典如琢美玉擬作醜窰雖受劬勞智者見誚

遊化九天偽第二十六化云是時老君於青羊大會引尹喜冉冉升空初至第一天見波利天帝乘九光元靈之輿陸七元交晨之蓋建五色攝魔之飾金

童玉女九萬人迎老君入大有官請問自然之道如是摩夷天梵賢天化應天不嬌樂天堯率天頌延天禪善天辭卑天隨處天帝皆與天童玉女迎禮老君請問法要所到天堂皆設瓊漿碧醴丹液派薰蘭羞八徹靈芝珠果

辨曰昔我世尊初成正覺不離道樹而赴諸天一身不分而遍一切即多而一即一而多猶如素月流空影分衆水大塊噫氣萬竅怒號大小咸周遠近無隔無心頓應豈止九天伯陽周之柱史尹喜函谷關吏身居下位難等聖蹤欲為已德蓋善竊者鬼神不覺既為人知非是好手離欲而獲

本三

三三

輕舉禪定而感神通老子既無此功何以升於天上昔列子居鄭夫妻相忘耳目不分儵然絕寄心凝形釋骨肉都融然後身如槁葉隨風東西萬里湏臾過旬乃返而莊周譏云猶有所待矧乎老耳不絕妻子

老子之子名宗宗之子名
注注之子名官侍魏文侯

未逮形亡過關
乘薄傘之車道經垂有身之患詎可升天
履霧駕鶴乘雲擬効牟尼矜為已勝且布
施而獲大福持戒而感生天汝尚不達斯
由安能為天說法欲界本六妄云九天初

禪純男而云玉女勾虛闡偽巧說多端且
初禪已上禪悅為食定生喜樂捨念清淨
何用瓊漿碧醴蘭羞八徹乎將謂天上同
於人間羨酒肉之薰羶爭魚臭之穢濁喻
乎鴟耽死鼠便為鳳凰同喰盜聽不真請

杜臆說窮鄉多恠曲學多辨斯言信乎

偷佛經教偽第三十化云胡王具太上徒

之起火起衝天老君放身光明火中為王說
金光明經胡王益怒納之大鑊煮之三日
老君鑊湯之中蓮華涌出坐蓮花上說涅
槃經又云老君使尹喜為佛與胡王為師
懺悔三業六根五逆十惡乃
說五戒十善并四十二章經

辨曰夫麒麟闢而日月虧鯨鯢死而彗星
現銅山崩而洛鍾應葭灰缺而月暈殘蓋
感應之道交故機教之相扣人心渴仰法
雨芳菲沃彼情塵開他蒙昧故孔子曰不
憤不啓不悱不發此明待問而說也况乎

聖人設教權變多方豈使他人起怒自受
焚溺全無憚懼強與他言豈知虛往實歸
之道哉刻刻字樣巧合經名既坐火焰上
說金光明經坐蓮華上說蓮花經則道德
二篇坐於道路而說洞玄三部元在水洞

而談此既不然彼云何爾且金光明性相
通顯法華經破權歸實涅槃經明佛性真
常四十二章群經集出不窮根蒂盜聽妄
談唯口起羞出何容易難惑上智只誑下
愚又上經既是老子所陳道士應宜依而

學佛何乃合氣爲道專諷靈寶試問三經
文明何義道藏既不收攝道士又不通明
偷大聖之至詮爲老君之極唱正符涅槃
盜牛之喻又同瞽者悞入金穴雖得其寶
未知何用又曰懺悔三業至年月齋法若

如是者道士應通且問懺悔是何語言今
此懺悔爲事懺耶爲理懺耶約功德門而
滅罪邪約逆生死心而滅罪耶能懺之心
宜有幾種所懺之罪何處安排懺悔二字
由尚罕知則三業六根五逆十惡戒善之
軌年月齋名決不曉達若是老子所說道
士應合備知既然一字不通顯知偷佛妄
說此同竊賊人物被主認者猶不招承更
生拒辨焚經火板方乃慚惶君子悔前不
至如此

老君結氣成字偽第八化云聖紀經云太
從元始天尊於中央大福堂國說靈寶十
部妙經出法度人又於東極大浮黎國出
法度人以紫筆書於空青之林又於南極
禪羅世界以火煉真文瑩發字形又於西極
衛羅世界北極鬱單國皆由法度人老君
以五方真氣之精結成寶字大方一丈八
角垂芒爲雲篆之形飛鳥之狀以立文章
又云墳典自我而出經籍自我而生也

辨曰夫子字之聿興爰從上古伏羲氏之
王天下也始畫八卦造書契以代結繩之
政由是文藉生焉故有青丘紫府三皇刻
石之文綠檢黃繩六甲靈蜚之字後有蒼
頡因而增制大篆起於史籀小篆興於李
斯飛白創於蔡邕隸書變於程邈秦書八
體漢字六形瘦金堆金垂雲垂露蔡葉龍
爪顏體坡書皆循古以增成近代而改制
豈假真氣而結何關老子傳來掩竊他能
銜費已德放舒白眼不取清流上云龍漢

起於初氣何有老子而生既言紫筆書林
乃在蒙恬之後牽今引古欺我賢人孔安
國云伏羲神農黃帝之書謂之三墳言大
道也少昊顓頊高辛唐虞之書謂之五典
言常道也易則三聖方定詩則群英之言

本三

三五

春秋孔子所修禮則周公所定爾雅周公
所纂國語丘明所述劉熙釋名許慎說字
埤蒼廣雅桂苑珠叢顧野王之玉篇陸法
言之切韻各有源系非干老聃而言墳典
自我而出經籍自我而生荒唐謬談侮弄

明哲亦猶相如上林說盧橘夏熟楊雄甘
泉賦玉樹冬菁聽其言則洋洋美耳究其
事則杳杳空傳矧乎國名虛設妄採他書
大福堂改大堂而取名東浮黎彷彿扶桑而
立號南禪黎華重黎而標字西衛羅竊於

迎維羅衛壯方全收鬱單越名十州所不
收神異所不攝地理無所紀括地絕形名
空闡五車了無一實偷鈴掩耳斯之謂與
佛祖歷代通載卷第三十二

音釋

嫫莫胡切母 鵠何葛切鳥似 始鳥合切 鴈
胡鄙醜也 濩胡郭切 牽挾遠步也
農古切九 濩煮也 牽切車牽也

佛祖歷代通載卷第三十四

本四

嘉興路大中祥符禪寺住持華亭念常集

周文王時為柱下史偽第九第十九化云

君為炎色子時帝紂荒虐天下塗炭乃乘飛颯之輪風伯前驅彭祖駢乘降於岐山之陽西伯揖之拜為守藏吏武王克商遷為柱下史作赤精經教文王以仁義之道

本四

作璇璣經以授周公成王康王之代世為柱下史昭王時有黑氣之祥老君以八天隱文授昭王玉不用後感膠船之難

辯曰蓋聞九頭五龍之紀重瞳四乳文王

之書金秦火漢之文黃魏白晉之典不聞

文王師於老子璇璣訓於周公但云文王

師於太公武王師於姬旦群書具載先儒

盛談何乃違戾百家別張毛目蓬心瞽唱

昧目生靈夫欲聖人者宜務其實無稽之

談自招世誚彙史記別傳老子生於定王

之世與孔子相接何乃妄為西伯之時乎

既是聖人見紂荒淫宜盡力規諫匡其不逮而乃高乘飛輪棄而遠遁為忠臣者固若是乎昔日過關雇徐甲而為御乘薄傘之車今則乘飛颯輪風伯前驅彭祖駢乘何自高之不經乎况彭祖此時已歿風伯

不肯前驅文王自公劉以來世積仁孝美化行乎江漢仁慈及於行葦何待赤精之教哉周公制禮作樂代臨天下設金縢而表誓製周禮而流規何用璇璣之教乎昭王時號明君史無黑氣之變妄改白虹之

兆而云黑氣之言授以隱文又成孟浪之說前云老君為九天教主金闕帝君建七曜之冠披九色之帔乘八景玉輿駕五色神龍金闕之中坐玉帳之內仙童左奉王女右陪萬聖擁隨千靈翊從老子既有如

此高貴之位而不肯居返就守藏之職屈身為臣侍君之傍立柱之下晨趨暮拜端笏搢紳捨喬木之高遷投幽谷之賤地翻上倒下以何謬哉燮色之號周書之所不載金闕帝君爰從道士虛張有名無實孰

本四

二

肯傳信哉風求影種電尋根此之謂與若以昭王不信故感膠船之難者秦皇求仙親臨海上凌波涉險冀遇神仙虛想安期之名不觀羨門之面沙丘道死鮑臭薰人漢武好仙身著羽人之衣口飲天表之露

縱藥大之詭說信少君之詐術而身入茂陵竟無一補魏太武任寇謙之說建靜輪天宮費竭人勞終感癘疾周武帝口服丹藥身服黃衣熱發晉陽失音而死唐武宗師趙歸真餌金丹藥會昌不滿早致崩亡

近宋上皇信林靈素遊月宮誦太極之章佩驅邪之劔而亡國破家身死東韓此之數君皆傾誠一志望享千年而邁患彌留竟無一驗譏以膠船之難不亦妄求人過乎幸人有災君子不為也

前後老君降生不同偽第十

第一化云老君生在三氣之中第六化云老君姓李諱弘元曜靈字光明以上和七年歲在庚辰九月三日甲子卯時始育於北玄玉國天岡靈鏡山幸谷之間玄靈聖母既誕之夕有二日出於東方九龍吐水月妃散花日童揚彩年五歲體道凝真二十而始有金娉玉顏棄家離親超迹風塵後感元始下教授以爵儀太章太洞真

本四

三

經說微天帝玉清君以瓊輿下迎賜丹壘符書為上清金闕後聖帝以清濁元年七月一號無上老于神玉精降太元玉女千三百云老君以清漢元年寄九天飛玄玉女八十一號高上老于第九日降元素玉女七清漢元甲午九月九日化云老于以殷十八年陽甲庚寅歲建午月入於玄妙王

女口中八一年至武丁九年庚寅歲一
月十五日生蓮花九龍吐水具七十二相
行九步好左手指天右手指地曰天上天
八十一道獨尊我當闢揚無上道法普度一
下唯云李靈飛得修生之道真妻天水尹
切又瀨鄉畫寢見太上從天而下化為玄
氏吞而有娠八十一生而皓首曰老子
指李為姓

辯曰夫星流貫昴實標文命之祥電繞樞
星是顯軒皇之慶虹流華渚少昊於是膺
期星冠月輪顯頊以之應瑞赤龍晡暖言
旌帝堯雲屯鬱蒸實徵漢祖此則聖人神
異譜牒具詳未聞老子初生三日共出九
步周行月妃散花日童揚彩之事且星隕
如雨日有蝕之春秋書之以為異事李耳
若有徵瑞孔子何以不記乎且魯陽揮戈
而返日淮南子有景公善言而退熒劉向
新文
貳師拔劍而泉流前漢書中耿恭拜井而水出

後漢荀有奇相書為美談老既無文事必
虛唱倚他大聖取為神奇夫聖人現相雖
有多途託化誕生事無兩體世尊百億化
身大千世界一時頓顯化緣事訖便入涅
槃老子隨代降生以何大謬乎本是李耳

妄改其諱李伯陽而云光明隱其本名而
加美號史記真文一詞不錄道書偽說百
種粧填前之兩化說在太易之前後之十
重紀在伏犧之後尋虛撫偽誑惑後人前
說五歲疑真二十八道後則八十一歲生

本四

四

而皓首自語矛盾何待他攻亳州瀨鄉實
而不認北玄玉國虛而妄傳聃耳蓬頭謬
說七十二相野合懷胎謠云周行九步採
他釋瑞而為老奇將此薰蕕亂彼蘭芷北
玄玉國山海之所不紀天岡李谷地里之

所匪詳王儉百家木尉王儉譜弗聞玉女之

名何姓氏苑罕說玄妙之族案道士賈善

翔高道傳序云伯陽起迹於姬周既云起

迹於姬周則是老子不在商也明知陽甲

之時本無李耳衰周之際始見老聃胡曾

雄戈戟亂如麻四海無人得坐家老氏却

思天竺住便將徐甲過流沙斯則周末時

人明避亂入秦死葬槐里秦佚弔之三號

而出斯良證也何更疑哉史記本傳莫知

所終化胡浪語云過流沙將如來降誕之

禎合老子過關之氣汝雖巧會偽說孰憑

案燉煌實錄云周桓王二十九年幸閑豫

庭與羣臣對論古今王曰老聃父何如人

也天水太守索綏對曰老聃父姓韓名虔

字元卑癘跛下賤胎則無耳一目不明孤

單乞貸年六十二無妻與隣人益壽氏宅

本四

五

上牧猪老婢子曰精敷野合懷胎八十一

年而生老子生時皓首故曰老君此本實

跡蔽而不傳偷竊他能欲張老聖家有弊

帚享之千金斯言信與

三番作佛偽第十一第三十四化云老君

為佛汝當師之即使尹喜變身為佛與胡

人為師令作桑門授以浮圖之法說四十

二章經又云老君至舍衛國自化作佛坐

七寶座身長百千丈徧滿虛空又云老

君將欲再整釋教以周莊王九年乃於楚

天命煩陀王老君弟子乘月精託陰天竺

摩耶夫人胎至十月八月日右脇降生

後入雪山修行六年道成類佛陀衆號未

命昇賈奕天為善惠仙人

辯曰夫根深果茂源遠流長虎嘯風生龍

吟霧起聖人利見皆有深源昔植善因今

感妙果我佛世尊三無數劫積行累功六

度無捨而求菩提棄身命如恒河沙捐國

城如微塵數莊嚴世界誘掖群生然後應

然燈記補迦葉位下生中印託化王宮七步周行指天地而獨貴三十二相映日月而爭輝四王捧足出塵寰六年行滿而成道現身百億國土說法四十九年播聲教於人天摧外道於雙樹化緣事畢却返無

爲應物適時如是示現何待老子始化尹喜變身掩他神功矜爲已勝佛生周昭之代老降之王之朝世隔一十七帝年經三百餘祀化已滿於天下教已滿於龍宮家仰仁慈之風國遵釋氏之範豈假李耳重

整煩陀再現援前著後誣誑庸愚昔日過關雇徐甲而爲從奚有天人侍衛乎乘鹿柴車何有七寶之座乎廣顛聃耳焉有萬丈之身乎狡佞不經欺賢調聖鯤化爲鵬蓋緣自變蛇蛻爲雉匪假他功此皆物理

本四

六

自然陰陽感召待時而發非他使然老子自是凡人身爲臣子何能別生神聖更使尹喜作佛昧自心靈瞎他眼目悖禮慢聖殃報拔舌善惠仙人將登八地遇然燈佛受無生記此乃世尊往昔之號既然成佛

功成果滿化緣事畢入於涅槃遷神常樂之鄉永入無爲之境豈可作佛事畢更作善惠仙人將後著前一何錯亂妄竊不真壞人視聽夫上天雖樂終是輪迴不免三災之殃難逃五衰之苦聖人超出生死苦

樂兩忘高超三界之津獨步六塵之表何返歸天上却入囂塵雜污我聖人欺謗我大覺此同棄天子之尊嚴慕廝養之賤後捨華堂之廣履悅鄙屋之茅簷汝欣賈奕之榮我耻糞土之辱隋大臣楚國公楊素

行經樓觀見壁間畫像問道士曰此何圖也道士對曰老子化胡成佛圖素曰承聞老子化胡胡人不受老子變身作佛胡人方受是則佛能化胡道不能化何言老子化胡也道士不能加答善哉楊素之言此

本四

七

通人之論也若胡人不先知有佛詎肯受佛之化乎以此考之則印土先有佛矣而言尹喜作佛老子始變何欺吾門之深乎

樓觀尹喜故宅在關之南今道士居之仍在

冒名僭聖偽第十二第四十八化云商太宰問夫子曰夫子聖

人歟孔子對曰聖則丘何敢焉然則丘博學多識者也太宰曰三王聖者歟孔子曰五帝三王善任智勇者聖則丘善任仁義者聖則丘弗知太宰曰三皇聖者歟孔子曰三皇善任時者聖則丘弗知太宰曰三皇聖者歟孔子曰三皇則孰者為聖孔子曰立容有闕曰丘聞西方之人有聖者焉不治而亂不亂而言而信不化而自志經云孔子在魯老子在周為聖人也史志經云孔子在魯老子在周

以魯望周之洛陽故在西方蓋指老子為西方聖人也孔子問禮之時先有猶龍之歎故此指老子也

辯曰夫自銜自媒婦女之醜行不矜不伐聖人之深能是以舜美禹功嘉有勲而弗競孔稱孟反孟之猶退厚而居薄由是美

譽播於千秋謙光輝於四海上之所引具

見列子仲尼篇中古今通論以謂此夫子

推佛為西方大聖人之語也唐林法師對太宗之表張

丞相作護法論皆引此文佛西方聖人也未聞老子在周孔子

在魯故指老子為西方聖人竊名冒聖欺

我何多僭聖人者不仁言乖理者非智且道源之祖肇起黃帝非干老子老子師容成子演五千文縱然說聖不能趕於軒轅既三皇五帝孔子不推為聖返指老子而為聖人不亦過乎蓋我世尊功圓萬行果

證十身流光徧於刹塵分身應於沙界不
可以人事測不可以處所求實三界之大
師是四生之慈父寰中獨步為王中之法
王出世獨尊為聖中之大聖故能高拱覺
場威行萬國縱使周公之制禮作樂孔子

本四

八

之述易剛詩卜偃之文章端木之言語馬
遷之辯博葛洪之該通輔嗣之玄談左慈
之神化並驅馳於域內言未涉於大方可
為善世之高流難作出塵之聖者案天竺
聖方群賢所聚過去諸佛共生於彼范曄

漢書云後漢西域傳史論文其土則殷乎中土玉燭

和暢靈聖之所降集賢懿之所挺生故古

昔賢能時有往者老子西昇經云聞道竺

乾今改為開道竺乾有古皇先生善入無為不始

不終永存綿綿是以西行又古本化胡經

云我生何以晚泥洹一何早不見釋迦文
心中空懊惱此則老子自指於佛為西方
聖人也又黃帝夢遊華胥之國其國在弁
州之西王邵注云此指西方天竺也周穆
王時聞西方有大聖人出世心甚懼之乃

使造父乘驊騮八駿西上崑崙觀日所沒
以厭其氣又西極有化人來能返天易地
聖力無方千變萬化不可窮極穆王敬之
若神築中天臺以居之化人引穆王神遊
斯須之間已如數載又穆王五十二年如

本四

九

來示滅西方有白虹十二道南北通貫連
夜不滅王問太史扈多是何祥也扈多對
曰西方有大聖人衰相現爾穆王喜曰朕
常懼於彼今無憂矣此則竺乾勝方聖人
居彼故得賢王西求化人東來也又張騫

奉使西窮河源至於大夏聞雪山南有身
毒國其人奉浮圖不殺罰乘象而戰身毒
即今印度也此則仁慈之風詳於漢史明
也上之所引咸指印度以為西方佛生於
彼故指佛為西方聖人豈說洛陽以為西

方老子為聖人也又云孔子先有猶龍之
歎故此聖德指老子者意欲將孔子一期
問禮之事便為老子弟子孔子曰吾無常
師主善為師三人行必有我師焉故學琴
於師襄問樂於萇弘問官於郊子入太廟

每事問有問稼曰吾不如老農有問圃曰
吾不如老圃此明孔子虛懷納善汲汲於
道爾豈有一事便為師焉蓋當時老子為
守歲更掌周公之禮典故孔子問之若以
問禮便為孔子之師則老農老圃亦孔子

之師哉必不然美沽名術世求為人師君
子不為也

合氣為道偽十三 第一十三化云老子以
十二日至函關尹喜既見邀歸本第說道
德經二篇五千餘言尹喜扣頭曰願授其
泥洹泥洹者善乃為解道德之要曰道者謂
泥洹泥洹者天德也理在人頭中紫氣下

降下至丹田名堵謂脾也脾者中黃太一
也黃氣徘徊理中宮萬物之母者謂丹田
也丹田在肚中居下元中半夜之時一氣
下降周旋三宮同出而異名者謂精也一
日精二曰汗三曰血四曰液故曰異名玄
之又玄者謂左右腎也眾妙之門道可玄
者謂朝食美也非常道者謂暮為屎此依
張道陵解道陵如非常道者謂暮為屎此依
與腹也難易相成謂精與氣也此老子授
尹真節要也又授尹喜神丹經金液經及

八煉九還丹伏火之訣其方云○金液還
丹仙華流高飛雲翔登天丘赤黃之氣成
須臾當得雌雄分亂珠可以騰變致行厨
靈童玉女我為夫出入無間天同符真精
凝霜善沉浮汝其珍必來游又授九兩
之名及歌曰○圓三五寸一分四八兩
寸唇長二尺厚薄均腹三齊坐垂溫陰在
上陽下奔首尾武中聞文始七十終三旬
輪翼人子虛官得安存去來游不出門

辨曰夫道貴清淨德尚無爲恬憺內持謙卑自牧不依此道別唱多端唯以行氣運功而爲修養失道德之淳粹乖自然之妙門虛設巧言妄加穿鑿保丹田爲至道守兩腎爲重玄鄙穢僉浮誑詭間里王喬羨門之輩非好此方白石赤松之流不依此道丹經煉訣不見延年服餌食芝罕曾久視周武服丹至啞啞唐武服丹而早亡悞他多少賢良不守樂天之旨既道德真訣理極於此則道藏餘文不足貴也今之道士更騁淺術或有扶鸞而亂書祗貪夜飲或有驅邪而斷鬼誑人除凶或有拘環墻而內守此謂坐馳或有惜言語而不行此謂痴默或有熊經而鳥引擬彭祖而齊肩或有飲氣而息神効龜鶴而老壽或有運

精而上腦謂挽河車或固丹田而內封謂之保養或有合氣而爲道父子聚塵或有奪精而採神男女混雜扣齒謂之天鼓嚙津謂之醴泉呼男根爲金菜只圖強勁呼女竅爲玉戶潛隱醜名呼童女爲真人呼

交構爲龍虎嬰兒姪女鉛汞丹爐故曰開命門抱真人嬰兒回龍虎戲三五七九天羅地網故張道陵黃書云男女有和合之法三五七九交接之道其道真訣在於丹田丹田者玉門也唯以禁忌爲急不許泄於道路道路者屎孔也又道家內朝律云禮法男女至朔望日朝師入私房詣師立功德陰陽並進日夜六時當立功德不得夫內侍之序不得貪外道失中御之道不得抄前排後失次第之序亦不得嫌醜愛

美又云朔望之際侍師私房情意相親男女交接使四目兩鼻上下相當兩口兩舌彼此相對陰陽既接精氣遂通故老子云我師教我金丹經使我專心養玉莖三五七九還陰精呼吸玉池入玄冥行道平等

昇太清此等歌訣義皆如是將斯媿媒以為真修不思歸根復命之言維行合氣鄙薄之術以此求道枉陷人倫以此超昇終身巨得以斯滅罪罪不可亡以斯消災災不可退以斯求福福不可生以斯出家家

不可出何異蒸砂作飯虛受劬勞鏡裏尋真終無所獲嗚呼棄驪珠而拾礫幹憂鼎而羨糠自悞悞他死沉苦海哀哉哀哉

偷佛神化偽十四第四十二化老子入摩竭國現希有相以化其王立浮圖教名清淨佛號耒摩尼至舍衛國自化作神從天而降天人侍衛現身長

百千萬丈又至罽賓降胡王及王子火不能燒鏤不能煮水不能溺胡兵百萬弓矢驚戰一時摧落飛電八衝聲如霹靂人馬擊大山至拘薩羅降伏九十六種外道至迦夷羅國左手把日右手把月歲於頭中又至于闍於南渠山裂海逆流山川空行空而人下拜禮老君謂胡王曰此吾弟子與

汝為師又留神鉢令得法味又於毘摩城地變金色放九色神光徧照塵沙國土即有赤靈真人中黃丈人太一真君九宮六丁八卦神君青龍白虎散花玉女浮雲而至老君坐七寶座燒百合香奏鈞天樂又作佛及鉢於毘摩城却升天去老君入於蔥嶺降大毒龍徧歷五天於耆闍山獨木樹下化玉座與王說浮圖度來門三千五百人受以戒律又六十六化云于闐國毘

摩城伽藍是老君化胡成佛之處中有石幢刻記其事云東方聖人號老君來化我國下引八學上議證其事跡

辨曰案後漢西域傳三國志魏隋書西域志合一百卷成西域志並紀西天五印有佛聖跡或幢或柱咸勒其事不說老君曾

留名字初張騫西來始傳浮圖之號至於
今代國使往還無慮百人並不見老君西
化之說古谷皇帝西征盡海所到之地唯
有佛僧行近西北海有一國土城中佛塔
森然若林彼國君王唯是和上又唐王玄

本四

十三

策奉使西行至摩竭陀國於耆闍崛山及
佛成道處咸述碑銘讚佛聖化未聞說有
老君之事上之銘贊在王玄策傳中又湛然居士扈從
太祖西征于闐及可弗义國越天山過雪
嶺風化具詳亦未知有老子之事即今煦

烈大皇帝親弟鎮守西域在尋思于西
南雪山之西使命往還來往不絕除親諮
詢老化 並云無聞則老子神異道書偽
出既非通論何足信哉○欽奉
聖旨禁斷道藏偽經下項見者便宜收取

化胡經王洋撰 猶龍傳

聖紀經

西昇經 出塞經

九天經

赤書經 上清經

南斗經

玉緯經 紀勝賦

辨仙論梁晨

訖邪論 三破論

明真辨偽論

太上寶錄 十山論

青陽宮記

玄九內傳 帝王師錄

三天列記

十異九迷論傅奕呂玄卿

歷代應現圖

佛道先後論

欽道明證論唐貞半千

輔正除邪論吳筠

辟邪歸正論杜光庭

十二虛無經

藏天隱月經

赤書度命經

樓觀先生內傳

謗道釋經林靈素杜光庭撰造破大藏經

三教根源圖李大

歷代帝王崇道記

高上老子內傳

靈寶二十四生經

混元生三清經

五公問虛無經 混元皇帝實錄

聖旨就大都大憫忠寺焚燒道藏偽經除
道德經外盡行燒毀遂命大都報恩禪寺
林泉倫長老下火謝恩畢拈香云佛心天
子憫衆生恐墮三途邪見坑箇裏了無偏

本四

十四

黨處就中朱紫要分明所以道聖鑑無私
天機莫測既來頌德敢不酌恩此香端為
祝延

大元世主當今皇帝聖躬萬歲萬歲萬萬
歲伏願金輪與法輪同轉福越三祇舜日

共佛日齊明壽延億劫次舉火云憶昔當
年明帝時曾憑烈焰辨妍媸大元天子續
洪範顯正摧邪誰不知嗟乎道教陰蠹佛
書自古至今造訛捏偽盜竊釋經言句圖
謀貝葉題名謗毀如來賊誣先聖醜辭惡

語何可言哉無蒂狂談實難徧舉始自張
陵杜撰不遵老氏玄言謬作醮書兼集靈
寶詐道從空而得妄言太上親傳用三張
鬼法以詐惑愚夫設五運神符而魘奸匹
婦以此觀之葛孝炆徒搜要妙陶洪景謾

述浮辭杜光庭白拈巧偷劫賊無異陸修
靜外好裏弱說客何殊若非喫苦不甘爭
肯說長道短飽靜被誅猶可王浮招報非
輕傳奕姜斌不堪齒錄張生焦革何足言
論寇謙之口舌瀾翻損他利已林靈素機

本四

十五

謀諂詐敗國亡家毀人祖考定遭一時之
辱滅賢良考必招三世之殃因果無差報
應有準嗚呼悲法琳不遇而遭貶嗟道世
雖再而難為致令釋子傷心幸得皇天開
眼恭惟我大元世主聖明皇帝陛下闢邪

歸正去偽存真恐衆生永墮迷津令萬姓咸登覺路雪冤已竟感謝皇恩粉骨碎身莫能酌報遂以火炬打一圓相云諸仁者只如三洞靈文還能證此火光三昧也無若也於斯會得家有北斗經枉教人口不

安寧其或未然後從此灰飛烟滅後任伊到處覓天尊急着眼看至元十八年十月二十日大都報恩禪寺林泉長老從倫奉勅下火 ○對道士持論師德一十七名

燕京

圓福寺長老從超 奉福寺長老德亨

藥師院長老從倫 法寶寺長老圓胤

資聖寺統攝至温 大名府長老明津

薊州

甘泉山長老本璉 上方寺長老道雲

灤州 開覺寺長老祥邁
北京 傳教寺講主了詢
大名府 法華寺講主慶規
龍門縣 抗講主行育
大都

延壽寺講主道壽 仰山寺律主相叡

資福寺講主善朗

絳州 唯識講主趙珪 蜀川講主元一餘如本論

丁亥閏二月詔行至元鈔以一准中統之五
戌正月二十一日大赦

本四

去

至元二十五年正月十九日江淮釋教都總統楊輦真迦集江南禪教朝觀登對宣上竺出班聖旨問講何經答云法華經次問仙林講何經奏云百法論即就退位而立引問徑山雲峯和上云禪以何為宗奏

本四

十七

對云禪也者淨智妙圓體本空寂

泉總統譯云再

說復秦云非見聞覺知之所可知非思量

分別之所能解又傳聖旨令更說復秦云

禪之為宗西天四七唐土二三自迦葉付

之阿難阿難傳之商那和修商那和修傳

之優波毘多由是展轉而至二十八祖菩

提達磨菩提達磨即東土之初祖也祖得

法後大破六宗之邪望東震旦國有大乘

根氣航海而來見梁皇一語不契遂折蘆

渡江至少林山中面壁九年得二祖神光

斷臂立雪祖問當何所求光云我心未寧

乞師安心祖云將心來與汝安光云覓心

了不可得祖云與汝安心竟光得傳心法

後傳之三祖三祖傳之四祖四祖傳之五

祖五祖本一栽松道者四祖云汝已年老

可再來吾當忍死以待五祖遂至濁港江

頭見一女問投宿而受孕托生謂之黃梅

無姓兒既而傳法於五祖黃梅法席七百

高僧獨神秀上座為上首祖以傳衣法時

至令各述一偈秀即書壁間云身是菩提

樹心如明鏡臺時時常拂拭莫待惹塵埃

五祖云此偈亦未見性蓋其尚滯名相未

脫知解正在學地傳聖旨云再舉一遍復

舉畢又奏云盧行者時在碓坊為眾負舂

五祖已知其素有悟門盧行者本不識字

遂倩人書一偈於壁間秀師所書偈側云

菩提本無樹明鏡亦非臺本來無一物何

處惹塵埃乃開柝云老盧此偈至本來無

一物處即是空諸所有徹法源底五祖即

於夜半密付其衣法盧得衣鉢宵遁至大

庾嶺頭爲明上座追及盧即置衣鉢於石上云不可以力爭明乃盡其神力鉢不能舉明乃云本爲法來非爲衣也祖云不思善不思惡正恁麼時如何是明上座本來面目當下大悟秀歸河北自稱六祖然而

知解未亡猶滯名相故流於相宗是以教盛西北能受正傳於曹溪是以禪盛東南謂之南能北秀此教禪所由分也自是曹溪傳之南岳懷讓讓本觀音大士分身讓傳之馬祖謂之馬駒踏殺天下人馬祖傳

之百丈於侍立舉掛拂處親遭一喝當下悟去直得三日耳聾百丈對黃蘗舉此一喝黃蘗不覺吐舌亦於言下洞明此喝之旨後臨濟至於黃蘗三度問佛法大意三遭六十痛棒後於大愚席下舉前話云過

在什麼處愚云黃蘗得與麼老婆心切相爲更覓過在濟大悟遂於大愚肋下築三拳愚云汝師黃蘗非干我事臨濟歸黃蘗便與三掌自是流通此喝謂之臨濟入門便喝此喝之所由生也所謂德山棒者即

周金剛

泉總統又傳

聖旨云如何是周金剛

奏云德山本姓周爲金剛經座主滿車載疏鈔遊南方直欲樓破魔子窟宅當恁麼時甚生氣槩於途中遇賣油糍婆子買油糍點心婆云汝是講金剛經座主經中有一

段義若吞得白喫油糍不要錢遂問過去心不可得現在心不可得未來心不可得三心中點那箇心座主無對古云假饒講得干經論一句臨機下口難信知不能徹法源底則滿車之疏皆長語也後見龍潭

於侍立次遇夜深辭去見外面黑潭遂度
紙燭與之德山方接得潭便吹滅當下大
悟次日示衆云窮諸玄辯若一毫置於太
虛竭世樞機似一滴投於巨壑自是據條
白捧佛來也打祖來也打此無他恐後人

本四

九

滯於名相凡有所問至支離處便與一棒
此棒之所由生也所謂德山入門便棒臨
濟入門便喝夫棒喝者豈徒施也哉奏至
此遂奏云臣僧不敢多談恐瀆聖聰傳聖
旨但說不要怕又非姦偷屠販之事遂進

奏云釋迦牟尼世尊初生下時周行七步
目顧四方一只手指天一只手指地云天上天
下唯我獨尊所謂獨尊者非為金輪王位
之尊所可尊者我也道也法也心也正欲
恭奏
雲門大師一棒公案以為佛祖雪屈時靈
隱長老淨伏牽衣云勿舉此話遂轉語云

四十九年三百餘會所說之法無非觀根
逗教如一兩普沾三草二木各隨其根器
之大小而為之發機末後始云從鹿野苑終
至跋提河於是二中間未嘗談一字既是
四十九年說法因甚麼不談一字正恐後
人滯於名相不離加解所謂不談一字者
熾然常說以無說之說是名真說又於靈
山會上百萬衆前拈起一枝花普示大衆
獨有迦葉破顏微笑世尊云吾有正法眼
藏涅槃妙心分付摩訶大迦葉謂之教外
別傳傳此心也印此法也達磨西來不立
文字直指人心見性成佛傳此心也印此
法也奉聖訓垂問云那講主看他長老所
說教外別傳底是耶非耶上竺出對云是
是又仙林出云南方衆生多是說謊所以

達磨西來不立文字正恐伶俐的說謊貪着語言文字故有直指之語又奉聖旨宣進榻前同仙林賜坐謝恩畢就坐傳聖旨云持論仙林云始從康野苑終至跋提河於是二中間未嘗談一字既是不談一字

本四

三

五千餘卷自何而來荅云一代時教如標月指了知所標畢竟非月林云汝禪宗得法有多少人荅云從上佛祖天下老和上盡恒河沙莫窮其數林云即今是誰荅云當面蹉過林云在什麼處荅云舍元殿上更覓長安林無語又傳聖旨令泉總統問那講主問底是甚言語林荅問他禪宗得道多少人他云恒河沙數又傳聖旨汝講主家莫看面皮何得向遠遠說來林遂問如何是禪荅以手打一圓相林云何得動

手動脚荅云只這一圈子便透不過說甚千經萬論林無語又奉聖旨云俺也知你是上乘法但得法底人入水不溺入火不燒於熱油鍋中教坐汝還敢麼荅云不敢奉聖旨爲甚不敢奏云此是神通三昧我

此法中無如是事又傳聖旨如何都無輸贏林云道不敢便是輸遂斥林云不妨會得好林無語乃體聖意奏云夫禪之與教本一體也禪乃佛之心教乃佛之語因佛語而見佛心譬之百川異流同歸於海到

本四

三

海則無異味又如我萬萬歲皇帝坐鎮山河天下一統四夷百蠻隨方而至必從順成門外而入到得黃金殿上親觀黃金面皮方謂到家若是教家只依語言文字未達玄旨猶是順成門外人又如禪家未得

徹證未得頓悟亦在順成門外謂之到家
亦未可也皇情大悅遂以龍袖西拂即謝
恩下殿奉御領歸寢殿賜食

佛祖歷代通載卷第三十四

音釋

曄為輒切 | 弁於檢切 蓋也 塵於尤切 煦
震電貌 呼句切 温也 潤也

佛祖歷代通載卷第三十五

本五

嘉興路大中祥符禪寺住持華亭念常集

正月抄數戶計○庚寅九月日大赦

五月廿三日詔改按察司曰肅政廉訪司

十月二十二日大赦

本五

至元三十年杭州徑山雲峯和上示寂師

名妙高福之長溪人父諱鼎家世業儒母

阮夢池上嬰兒合爪坐蓮華心手捧得之

覺而生師因名夢池神采秀徹嗜書力學

尤耽釋典固請學出世法父母以夢故不

能奪俾從吳中雲夢澤公受具戒師銳意

求道首叅癡絕冲冲曰此兒語纏纏有緒

吾宗瑚璉也尋又見無準於徑山準尤器

愛擬以侍職處師嘆曰懷安敗名吾不徧

叅諸方不止也遂之育王見偃溪即請入

侍室掌職藏鑰一日溪舉譬如牛過窓櫺

頭角四蹄俱過了因甚尾巴過不得師劃

然有省荅曰鯨吞海水盡露出珊瑚枝偃

溪可之會師遷南屏携師與俱尋住宜興

大蘆遂為嫡嗣遷保安江陰教忠雲川何

山雲衲四來三堂皆溢蔣山虛次直指僉

議無以易師朝旨從之歷十有三載衆踰

五百德祐乙亥寺被兵革軍士有迫師求

金者師曰此但有寺有僧無金與汝俄以

刃擬師師延頸曰欲殺即殺吾頭非汝矚

刀石碎氣雍容了無怖畏軍士感動擲刃

玄丞相伯顏公見師加敬舍牛百齋糧五

百寺賴以濟顏公又戒諸將此老非常人

比宜異目待之以故寺得無恙至元庚辰

雙徑延請師懇辭再三乃前寺罹回祿草

創纔什一師悉力興建且捐衣孟自為僧
堂眾寮不十年悉復舊觀戊子春魔事忽
作教徒譖毀禪宗師聞之嘆曰此宗門大
事吾當忍死以爭之遂拉一二同列趨京
有旨大集教禪廷辨上問禪以何為宗師

本五

二

奏淨智妙圓體本空寂非見聞覺知思慮
分別所能到宣問再三師歷舉西天四七
東土二三達磨諸祖南能北秀德山臨濟
棒喝因緣大抵教是佛語禪是佛心正法
眼藏涅槃妙心趣寂上乘孰過於禪詞指

明辯餘二千言又宣進榻前與仙林諸教
徒返復論難林問禪宗得法幾人師云從
上佛祖天下老和上盡恒河沙莫窮其數
林云只這是誰師云含元殿上更覓長安
又問如何是禪師打一圓相林不省師曰

只這一圈透不過說甚千經萬論林辭屈
上大說眾喙乃熄禪宗按堵如初陞辭南
歸示眾云我本深藏岩竇隱遯過時不謂
日照天臨難逃至化又云衲帔蒙頭萬事
休此時山僧都不會徑山輪奐甫備延燎

復盡師謂眾曰吾負此山債耳遂竭力再
建匯殿坡為池它屋皆易置佳處五年而
成癸巳六月初小叅訓飭學者十七日書
偈而逝師生於嘉定己卯二月十七日壽
七十五臘五十九葬於寺西之居頂庵

本五

三

甲至元三十一年上崩

世祖皇帝潛龍時出征西國好生為任迷
徑遇僧開途受記由是光宅天下統御萬
邦大弘密乘尊隆三寶
帝潛龍時命忠書記叩六丁之靈求治國

之道出征江南書記奏云飛龍之時已至
可速回轅上然之猶是富有天下

帝問帝師云施食至少何能普濟無量幽
冥帝師云佛法真言力猶如飲馬珠

帝迎梅檀瑞像歸內宮安奉萬歲山仁智

殿爲見世之寶

帝嘗問帝師云脩寺建塔有何功德帝師
云福蔭大千由是建仁王護國寺以鎮國
焉

帝命帝師齋竟天雨花繽紛而下帝云

何故有此祥瑞帝師云陛下心花內發天
雨花讚歎

帝命伯顏丞相攻取江南不克遂問膽巴
師父云護神云何不出氣力奏云人不使
不去佛不請不說帝遂求請不日而宋降

定光佛塔毫光發現

帝命開視內有舍利光耀人目由是重建
寶塔

蜀僧元一遊西天回朝

帝帝問云西天佛有麼元一奏云當今東

土生民主何異西天悉達多

元一以西天琢成玉石佛像獻

帝帝寶之於萬歲山供養

元一以西天貝多葉經獻

帝帝貯以七寶函嚴加信仰

本五

四

忠書記僧中之傑

帝命以三奇之道爲輔出號施令帝加信

任封爲太保

元一自西天持佛如來鍤鉢獻

帝帝悅寶之以鎮庫藏

帝與帝師坐次一亢二僧侍側帝云何不
遊戲三昧亢以一年小云從小至大爲次
一遂云海青身至小天鵝身至大海青徹
天飛天鵝生懼怕亢云猪狔身至小象王
身至大象見狔來欺擲向大千界帝師云
我以大千界化爲一釜竈煮你四件物大
小都容了帝大悅

帝問元一云孔老徒衆何以至少如來徒
衆何以至多元一奏云富嫌千口少貧恨
一身多

帝問揀壇主云何處有佛揀奏云我皇即
是佛帝云朕如何是佛揀云殺活在於手
乾坤掌上平

帝問彌陀和上云和上住在何處奏云住
在我王神州帝云恁麼則時時見彌陀

本五

五

帝問僧元一云和上還涉世緣麼奏云不
知法故犯知法了應無

帝問帝師云僧中還有通古今事底麼時
有因和上奏云法自漢明帝至以火辯真
僞帝云古今事且置今再以火辯真僞時
如何因奏云我皇有護法之心此經爭得
焚燒帝悅其言

帝誕生太子詔海雲國師摩頂立名奏云
世間最尊貴無越於真金

帝命東宮圍場齋帝師作懺悔帝師云衆

生度脫盡仁王悲願深

帝設資戒大會隨處放光帝問帝師云光
從何處來帝師回奏云感應道交佛光應
現

帝命皇后娘娘鎮國寺行香后問衆僧云

諸處放光此處何無言訖定光塔上毫光
燭天終日不散

帝以衆綵女圍繞帝師帝問云還也動心
麼帝師云目前雖可看爭奈老僧何帝大
悅

帝問淵總統還有眷屬無回奏云終日不
曾離又問還食酒肉無淵奏云鉢孟常染
腥膻味帝云好老實人

新築京城監築者謀毀海雲國師塔兩雉
相合奏

帝欲去其塔帝云海雲高僧築城圍之貴
僧之德千古不磨

帝一日曰栴檀瑞像現世佛寶當建大刹
安奉庶一切人俱得瞻禮乃建大聖壽萬
安寺

本五

六

帝命寫金字藏經卷軸前圖像未定帝云
此經是釋迦佛說止盡說主庶看讀者知
有所自

帝詔遍天下每一歲中行布施度僧讀大
藏經隨處放光現瑞禎祥不一

帝詔講華嚴大德於京城大寺開演彰顯
如來之富貴

帝設大會七處放光顯示華嚴七處之玄
旨

帝問衆臣僚每日還不放閑也無衆臣僚
無對帝乃袖中出數珠示之內外百官皆
歸至善

釋迦如來住世七十九年

帝至七十九歲乃云與佛同壽不爲夭矣
帝詔十高僧內殿供養帝端居不動諸大

德亦復默然帝乃云此是真實功德

帝詔僧大內念經行香侍臣奏云僧多有
不識字或乃云但教舒展拭去塵埃亦有
功德糠禪背杖戒身見

帝帝問曰此杖何爲回奏云身有過失以

本五

七

杖責之帝曰過失在心鞭身何益與其責

身莫若責心

帝見僧有過不加王法止令閱教懺悔

帝詔東昌大師演教帝大悅賜以寶玉拄

杖

帝平宋已彼境教不流通天下揀選教僧

三十員往彼說法利生由是直南教道大

興

帝建大聖壽萬安寺帝制四方各射一箭
以爲界至

帝大內皆以真言梵字爲嚴飾表行住坐
卧不離捨佛法也

帝賜講人紅僧衣令說法人與佛齊等
蜀僧圓證見

帝帝問汝何所習回奏云幼明三奇長習

佛乘上悅賜以碧玉香鼎命崇香火

帝萬機之暇自奉施食持數珠而課誦

帝建大聖壽萬安寺成兩廊擬塑佛像監

脩官聞奏帝云不須塑泥佛只教活佛住

帝禦北征護神現身陣前怨敵自退

廣濟大師皇宮親侍日久禮誦不輟

帝深賞讚賜以放光佛像命敬侍供養

帝問相士山水士奏云善惡由山水所主

帝問太行山如何相士奏云出姦盜帝云

何以夫子在彼生帝召僧圓證問云此人

山水說得是麼證回奏云善政治天下天下人皆善山水之說臣僧未曉帝大悅

舍羅薩張大師志慕出家

帝從其請落髮爲僧賜七寶數珠命供日課

本五

帝詔蜀僧圓證明六神之術上曰髡髮恐無靈驗回奏云此六者天地日月水火之神菩提場中各說偈讚佛得大解脫門爲華嚴之嚴衛僧人昭事神必欽依髡髮無傷帝然之

帝詔元一與道士持論元一攻其竊釋孔之言上悅

帝問僧佛牙真僞僧無對帝云真僞自分明諸人什錯解

帝命僧念無量壽王陀羅尼經能念者賜

疋帛稱賞

帝召東宮云海雲是汝師居住金田宜加

崇飾由是鼎新慶壽大刹

帝出郊狩南花園云此處宜建梵刹段相依命脩造出狩回駕寺已周圓

帝顯正摧邪命除道德經外餘皆焚毀以絕其妄宰臣奏分揀道藏檢出馬湘詩云樹連滄海水連雲昔有殷周李老君人說是非皆不定五千言外更無文符合上意龍顏大悅制焚之

本五

帝頒行玉音詔昊天講主云聞朕在世誠

約學徒究明佛法母令滅滅

峩峩普賢道場缺大藏經

命張大師徑從驛騎遙相迎送佛法流通福單西蜀上都道士等奏與釋教定邪正

帝云勝負如何賞罰道士云義墮者斬首

帝曰不然義墮者削髮爲僧

宋主以王位來歸學佛脩行

帝大悅命削髮爲僧寶焉

聖安寶長老送瑞像至內心不之悅

帝云此是皇家佛汝心何懊惱帝面與三

十二錠白金以表三十二相也

宋太后削髮爲尼誦經脩道

帝深加敬仰四事供養

帝宣宋室二宮人至皆祝髮爲尼帝云三

寶中人也命歸山學佛脩行供送衣糧

帝設無遮會詔信講主說總聖名目帝云

即號無遮云何有數

宋主毳衣圓頂

帝命往西土討究大乘明即佛理

帝以金爲泥命僧儒繕寫大藏經一藏貯以七寶琅瑤流傳萬世

帝設資戒大會避使長爲僧之人使見認得欲取帝叱云已爲佛弟子誰復能爲主天竺進鉢

帝取食前瓊味碎置鉢中內外侍從數滿千人各賜一粒普令得沾如來鉢中之禪悅

帝至香山山半有泉問僧此泉足僧用否僧回奏云日供一千僧流注尚無竭賜白

本五

十

金一錠命築亭蓋覆貴其利濟

宋鎮庫梅檀方圓丈餘

帝曰鎮庫無益刻爲佛像利益人天

帝駕至香山栗園其栗方熟左右從駕萬人餘帝誠偷云此爲三寶物一箇不容拈

僧衆遠迎

帝駕帝曰往日僧人三詔不起今日僧人云何遠迎僧無對

帝設大會闍黎佛聲嚮亮帝曰如是佛音聲多少衆生生善心乃賜白金一錠

弘法寺藏經板歷年久遠

命諸山師德校正訛謬再新嚴飾補足以傳無窮

帝一日云三人護法二已去了惟朕一人當今佛法愈隆愈盛

帝命逸林上師譯藥師壇法儀軌爲天下

消八苦之災增無量之壽

帝設十萬僧會命十師對御說法賜白金十錠玉拄杖十條

外邦貢佛舍利

本五

十一

帝云不獨朕一人得福乃於南城彰義門高建門塔普令往來皆得頂戴

帝命高僧重整大藏分大小乘再標芳號徧布天下

帝一統天下外邦他國皆歸至化帝印大藏三十六藏遣使分賜皆令得瞻佛日

帝命帝師云去佛遙遠僧戒全虧可選諸路高僧賜紅黃大衣傳授薩婆多部大戒帝云菩薩戒本但解法師語者皆得傳受乃印造一千部流通散施普令大地衆生

皆奉如來寶戒

帝問揀壇主云何處爲最上福田四奏云清涼帝云真佛境界乃建五大寺爲世福田

帝於五臺運工建寺有澗無水興工之日

段張泌澗覓水突然涌出給濟不乏

臣佐奏以天下僧尼一例同民

帝問民籍若干府庫若干奏云不知上曰
輔相治道固宜用心此乃不理而急於冷
菜餽餽之僧人其事乃上

帝聞五教義帝云頓教即心是佛諸佛境
界凡夫不脩如何得到

帝見西僧經教與漢僧經教音韻不同疑
其有異命兩土名德對辯一一無差帝曰
積年疑滯今日決開故有法寶勸同

帝以佛教為心厭化胡偽造歷代斷除莫
之遏絕嚴行天下焚毀無遺

釋迦如來真身舍利寶塔統御刹中計一
十九所各頒錢帛廣加嚴飾大陳供養
帝嘗召群臣云朕以本覺無二真心治天

本五

十三

下國家如觀海東青取天鵝心無二故

帝每齋日以南天竺佛盃置七寶瓊羞澄

湛觀心廣脩供養

帝自有四海天下寺院田產二稅盡行蠲
免普令緇侶安心辦道

天下寺院山林樹木徧諭玉音嚴加護持
毋令斫伐以嚴佛如來之境界

帝以俗制於僧失其崇敬徧諭天下各主
綱維主掌教門護持佛法

臣下聞奏有俗僧人宜令同民帝令脩補
寺院以遮其過

帝主領天下頒降聖旨諭一切僧人不棟
甚麼差發休當遵依釋迦牟尼佛道子行
持

阿合麻丞相奏天下僧尼頗多混濫精通

佛法可允為僧無知無聞宜令例俗瞻巴

師父奏云多人祝壽好多人生怒好

帝云多人祝壽好其事乃止

帝靈駕經宣德現大圓光周徧天界合境

僧俗悉皆瞻禮蓋顯古佛示現之作用耳

本五

三

已上百段念常讚曰華嚴云菩薩住初地

出弘教集作大功德王以法化衆生慈心無損害統

領閻浮提化行靡不及皆令住大捨成就

佛智慧若欲廣分別億劫不能盡今觀弘

教集載

世祖皇帝實錄百餘篇字字句句以弘教

為已任如有云朕以本覺無二真心治天

下國家如觀海東青取天鵝心無二故由

此論之萬機之暇不離念佛念法念僧苟

非

大聖慈念群生特垂化迹能如是邪使唐

虞再世亦無以加矣猗歎盛哉敬錄于前

以曉來學云

成宗完者篤欽明廣孝皇帝即位於甲午

四月十五

改元貞元年

丁酉二月廿七大德

庚辰正月遣使問民疾苦

癸卯三月三日大赦

大德六年九月一日五臺山大萬聖祐國

寺真覺國師歿師諱文才字仲華楊氏其

先弘農人高曾以來世官壠坻父靜義金

季為清水主簿遂家焉少孤事母孝於書

無所不讀性理之學尤其邃也故約而為

守蔚而成文辭氣雅健如古作者為人沈

厚若素不讀書者至與士君子談接其辭
辯其事詳其理盡出入經史滔滔然若河
漢之決莫窺其涘其講授經論得旨言外
不屑屑於名數嘗曰學貴宗通言欲會意
以意逆志爲得之矣語言文字糟粕之餘

本五

十四

也豈有餘味哉彼狃於文字味其糟粕徒
騁知見以記問自多殊不知支離其知穿
鑿其見愈惑多岐不能冥會於道聽其說
適足以熟耳而已豈能開人慧目乎所著
懸談詳畧五卷肇論畧疏三卷惠燈集二

卷皆內據佛經外援儒老託譬取類其辭
質而不華簡而詣取其達而已隱居成紀
築室樹松將以終老然以行修乎邇德加
乎遠雖自韜晦其道愈彰人尊其德不敢
名以松堂稱之佛教之興始於洛陽白馬

寺故稱釋源其宗主歿詔以師繼之世祖
嘗以五臺絕境欲爲佛寺而未果也成宗
以繼志之孝作而成之賜名大萬聖佑國
寺以爲名山大寺非海內之望不能尸之
詔求其人於帝師迦羅斯巴會師自洛陽來

見帝師喜曰佑國寺得其人矣詔師以釋
源宗主蕪居佑國師見帝師以辭曰某以
何德猥蒙恩寵其居白馬已爲過分安能
復居佑聖願選有德者爲之幸怜其誠以
聞於上帝師不可曰此上命也上於此事

本五

十五

用心至焉非汝其誰與居此吾教所繫汝
其勉之居歲餘大德六年將如洛陽道真
定館于某寺疾作九月一日歿年六十有
二火後獲舍利者數百粒其徒歸葬於五
臺東山之麓

卯癸三月十六日詔定職罪條例爲十二章及
增給朝官月俸外任公田祿米等○八月
六日太原
平陽地震

大德七年膽巴金剛上師歿師名功嘉葛
刺思此云普喜名聞又名膽巴此云微妙
西番突甘斯旦麻人幼孤依季父聞經止
啼知其非凡遣侍法王上師試以梵呪隨
誦如流曰此子宿積聰慧異日當與衆生
作大饒益年十二訓以前名自是經科呪
式壇法明方靡不洞貫年二十四講演大
喜樂本續等文四衆悅服上師令巴至西
天竺國參禮古達麻室利習梵典盡得其
傳初世祖居潛邸聞西國有綽理哲瓦道
德願見之遂徃西涼遣使請於廓丹大王
王謂使者曰師已入滅有姪發思巴此云
聖壽年方十六深通佛法請以應命至都

旬日即乞西還上召問曰師之佛法比赫
如何曰赫之佛法如大海水吾所得者以
指點水於舌而已問答允稱上喜曰師年
雖少種性不凡願爲朕留當求戒法尋禮
爲師巴入中國詔居五臺壽寧壬申留京
師王公咸稟妙戒初天兵南下襄城居民
禱真武降筆云有大黑神領兵西北方來
吾亦當避於是列城望風款附兵不血刃
至於破常州多見黑神出入其家民罔知
故實乃摩訶葛刺神也此云大黑蓋師祖
本五
父七世事神甚謹隨禱而應此助國之驗
六
也乙亥師具以聞有旨建神廟於涿之陽
結構橫麗神像威嚴凡水旱蝗疫民禱嚮
應辛巳歲師得道藏化胡經并八十一化
圖幻惑妄誕師乃嘆曰以邪惑正如此者

遂奏聞召教禪大德及翰林承制等詣長春宮辯證辨偽錄明詔下諸路除道德經外其餘偽文盡令焚毀至壬午師力乞西歸上不能留初相哥受師戒繼爲帝師門人屢有言其豪橫自肆者師責而不悛由是御之逮登相位懼師讜直必言于上乃先入巧言譖師故有是請首於雲中次至西夏以及臨澠求法益衆未幾權臣復譖令歸本國師至故里閱六寒暑己丑相哥遣使傳召還都於聖安寺安置四月赴省聽旨令往潮州師忻然引侍僧昔監藏子身乘驛即日南向及出都門雷雨冥晦由汴涉江泊于閩廣所至州城俱沾戒法八月抵潮陽館于開元寺有樞使月的迷失奉旨南征初不知佛其妻得奇疾醫禱無驗聞

師之道禮請至再師臨其家盡取其巫覡繪像焚之以所持數珠加患者身驚泣乃甦旦曰夢中見一黑惡形人釋我而去使軍中得報喜甚遂能勝敵由是傾心佛化師謂門人曰潮乃大顛韓子論道之處宜建刹利生因得城南淨樂寺故基將求材未知其計寺先有河斷流既久庚寅五月大雨傾注河流暴溢適有良材泛集充斥見者驚詫咸謂鬼輸神運焉樞使董工興創殿宇既完師手塑梵像齋萬僧以慶贊之嘗謂昔監藏曰吾不久有他往宜速成此寺後師還都奏田二十頃賜額寶積焉未幾召還相哥已伏誅矣癸巳夏五上患股召師於內殿建觀音獅子吼道場七日而愈施白金五十錠叙及相哥譖師之語

本五

十七

師以宿業爲對宰臣莫不駭服上謂師曰師昔勸朕五臺建寺令遣侍臣伯顏司天監蘇和卿等相視山形以圖呈師師曰此非小緣陛下發心寺即成就未幾上宴駕甲午四月成宗皇帝踐祚遣使召師師至

慶賀畢奏曰昔成吉思皇帝有國之日疆土未廣尚不徵僧道稅糧今日四海混同萬邦入貢豈因微利而棄成規倘蠲其賦則身安志專庶可勤脩報國上曰師與丞相完澤商議奏曰此謀出於中書省官自非聖裁他議何益上良久曰明日月旦就大安閣釋迦舍利像前脩設好事師宜早至翌日師登內閣次帝師坐令必閣赤朗宣勅旨顧問師曰今已免和上稅糧心歡喜否師起謝曰天下僧人咸沾聖澤元貞

本五

十八

乙未四月奉詔住大護國仁王寺勅太府具駕前儀仗百官護送寺乃昭睿順聖皇后所建其嚴好若天宮內苑移下人間是年遣使詔師問曰海都軍馬犯西番界師於佛事中能退降否奏曰但禱摩訶葛刺

自然有驗復問曰於何處建壇對曰高梁河西北甕山有寺僻靜可習禪觀勅省府供給嚴護令丞相荅失蠻上親染宸翰云這勾當怎生用心師理會者師的勾當朕理會得也於是建曼拏羅依法作觀未幾捷報至上大悅壬寅春二月帝幸柳林邁疾遣使召云師如想朕願師一來師至幸所就行殿脩觀法七晝夜聖體乃瘳勅天下僧寺普閱藏經仍降香幣等施即大赦天下上曰賴師攝護朕體已安即解頸七

寶牌為施皇后亦解寶珠瓔珞施之并施尚乘車輦驛馬白玉鞍轡金曼荅喇黃白金各一錠官幣十八疋御前校尉十人為師前導三月二十四日大駕北巡命師象與行駕前道過雲州龍門師謂徒眾曰此

本五

十九

地龍物所都或興風雨恐驚乘輿汝等密持神咒以待之至暮雷電果作四野震怖獨行殿一境無虞至上都近臣咸謝曰龍門之恐賴師以安癸卯夏師示疾上遣御醫候視師笑曰色身有限藥豈能留五月

十八日師問左右今正何時對曰日當午矣師即斂容端坐面西而逝上聞悲悼不勝賜沉檀衆香就上都慶安寺結塔茶毘王及四衆莫不哀惻是月二十九日勅丞相荅失蠻開視焚塔見師頂骨不壞舍利

不計其數輪珠坐氈如故回奏加歎勅大都留守率承應伎樂迎舍利歸葬仁王寺之慶安塔為世壽七十有四僧臘六十二祕密之教彼土以大持金剛為始祖累傳至師益顯故有金剛上師之號焉

戊申武宗曲律仁惠宣孝皇帝即位改至大

月廿五日大赦瑞像計二千三百年矣

酉配造至大銀鈔十月詔鑄大元通寶錢及至大通寶小錢十月十七日大赦

至大二年內翰趙孟頫奉

勅撰臨濟正宗之碑

佛法大智慧破一切有以大圓覺攝一切空以大慈悲度一切眾始於不言而至於無所不言無所不言而至於無言夫道非言不傳傳而不以言則道在言語之外矣是為佛法最上上乘如以薪傳火薪盡而

火不窮也故世尊拈花迦葉微笑一咲之
項超然獨得尚何可以言語求哉自摩訶
迦葉廿八傳而為菩提達磨始入中國居
嵩山少林寺面壁坐者九年達磨六傳而
為能十傳為臨濟臨濟生于曹州遊學

本五

于

江右事黃檗問佛法的的大意檗便打如
是三問三度被打辭往大愚理前話云不
知過在甚麼處愚曰黃檗恁麼老婆為汝
得徹困猶覓過在師言下大悟歸鎮州築
室滹沱河之上今臨濟院是也因號臨濟

大師師之於道得大究竟繇臨濟而上至
於諸佛諸佛之下至於臨濟前聖後聖無
間然矣直指示人機若發失學者聞之耳
目盡喪表裏無據自能後禪分為五唯師
所傳號為正宗一傳為興化獎再傳為南

院顯三傳為風穴沼四傳為首山念又五
傳為五祖演演傳天目齊齊傳懶牛和和
傳竹林寶寶傳竹林安安傳海西堂容菴
容菴傳中和璋璋傳海雲大宗師簡公海
雲性與道合心與法冥細無不入大無不

包師住臨濟院能系祖傳以正道統佛法
蓋至此而中興焉當

世祖聖德神功文武皇帝在潛邸數屈至
尊請問道要雖其言往復紬繹而獨以慈
愛不殺為本師之大弟子二人曰可菴朗

本五

于

贖菴儼朗公度華菴滿及太傅劉文貞儼
公度西雲大宗師安公師以文貞公機智
弘達使事

世祖皇帝當是時君臣相得策定天下深
功厚德祖於元元卒為佐命之臣皆自此

賢之也

元貞元年

成宗有詔迎西雲住天都大慶壽寺進承清問經歷三朝發揚玄言得諸佛智懸判三乘如一二數由是臨濟之道愈擴而大

今皇帝欽承

祖武獨明妙心刻玉爲印以賜西雲其文曰臨濟正宗之印特加師榮祿大夫大司空領臨濟一宗事仍詔立碑臨濟院且命臣孟頫爲文稱揚佛祖之道以示不朽臣

孟頫既叙其所傳授又系之銘銘曰佛有正法覺明妙心二十八傳至于少林赫赫少林師我震旦使爲佛種不缺而斷傳十世後而得臨濟爲道坦然如指而示又十六世是爲海雲坐祖道場能紹厥聞維我

世祖誕膺天命威震九有維佛是敬聞師之名若古賢聖嘗進一言深入聖聽不殺之仁其利甚弘俾大弟子爲帝股肱至西雲公能嗣其業據獅子座爲衆演說聞者讚歎信者鄉風得者如寶悟者如空

今皇帝聖深契道要曰臨濟宗繫爾能紹即心即佛時廼世守傳不以言而以心受皇帝萬年正法永傳尚迪後人勿昧其原勅賜乞台薩里神道碑趙子昂爲文其略曰

本五

三三

太祖皇帝既受天命略定西北諸國回鶻最疆最先附遂詔其主亦都護第五子與諸皇子約爲兄弟寵異冠諸國自是有一才一藝者畢效於朝至元大德間在位之臣非有攻城戰野之功斬將搃旗之勇而

道包儒釋學際天人寄天子之腹心繫生民之休戚者惟趙國文定公而已

今上皇帝臨御之七年始行褒卹之典於是贈公祖父官爵勲封越明年復賜碑墓道命臣孟頫爲之文當

世祖時公爲平章政事臣爲兵部郎中趨走省闈識公爲舊承言論政知公爲詳敢不祇奉

明詔公諱乞台薩里早受浮圖法於智全未利可吾坡地沙圓通辨悟當時咸推讓

之累贈純誠守正功臣太保儀同三司上柱國追封趙國公諡通敏又從國師八思馬學密乘不數月盡通其書旁達諸國及漢語二世祖知其材俾習漢文書領之遂通諸經史百家若陰陽曆數圖緯方技之

說靡不精詰本五會國師西還携與俱歲餘乞歸省師送之曰以汝之學非爲我佛弟子者我敢受汝琴耶勉事聖君相泣而別比至闕師已上書薦之王三

裕宗得名入宿衛日以筆札侍左右至元二十年冬有二僧西來見自言知天象上名通象胥者數輩與語莫能解有脫烈者言公可使立名與語僧乃屈謝不如上大悅明年夏擢朝列大夫左侍儀奉御秋置集賢館命公領集賢公請以司徒撒里蠻領之乃以公爲中順大夫集賢館學士兼太史院事明年夏遷嘉議大夫明年春升集賢大學士中奉大夫明年春進資德大夫尚書右丞並兼太史院事冬拜榮祿大夫平章政事兼集賢大學士太史院使廿

八年乞解機務以爲集賢大學士三十年
加領太史院事自初授官至是凡八遷並
兼左侍儀奉御明年

世祖登遐

裕聖皇后命公師翰林集賢太常禮官備

禮冊立

成宗即皇帝位明年春以翊戴功加守司
徒大德三年復拜平章政事十一年春
成宗宴駕哀慟成疾秋八月十有七日薨
于大都發祥里第季六十三以是月日葬

城西南岡子原

勅賜佛國普安溫禪師塔銘侍書奎章閣
虞集撰其略曰師諱至溫字其五一號全
一邢州郝氏子也幼聰敏異常兒年六歲
其母携之至龐馬村見寂照和尚於淨土

本五

千四

院寂照曰汝其爲釋氏乎師心許之會寂
照避亂去隱遼西廼禮寂照弟子辨菴訥
而祝髮焉無還富公主淨土泣衆甚嚴師
不以爲忤庚寅之歲無還開法萬壽師與
十僧同往佐之萬松某公以青州辨公宗
旨開示法要門庭高廣四方尊之師見萬
松始以才氣過人稍不容於衆然而博記
多聞論辨無礙百家諸子之言多所涉獵
又善草書有顛素之遺法年才十有五爲
萬松侍者凡萬松偈頌法語一聞輒了之
遂得法焉常以侍者代應對談鋒之利不
可犯時人已深期之故太保劉文貞公長
師一歲少時相好也劉公厭世故思學道
師勸之爲僧同叅西京寶勝明公既而爲
世祖知遇侍幃幄爲謀臣薦師可大用得

召見與語大悅將授以官弗受曰天下佛法流通臣僧之願富貴非所望也留王庭多有贊益居三歲遣還出賜金資日用不計其費時

憲宗命海雲主釋教

本五

詔天下作資戒會師持

圭

旨宣布中外而輔成之

世祖征雲南還劉公請承制錫師號曰佛國普安大禪師總攝關西五路河南南京等路太原府路邢洛磁懷孟等州僧尼之事刻印以賜師銳意衛教凡僧之田廬見侵於豪富及他教者皆力歸之馳駟四出周於所履必獲其志乃已自其門人或勸之少憩弗懈也

憲宗末年僧道士有諍各爲違言以相危

上命聚訟於和林剖決真僞師從少林諸師辨之道士義墮剃鬚髮者十七人道宮之復爲者以千百計中統建元釋教大盛僧衆賴之甚思師之功焉而師遂納印辭職每歲官賜金脩寺之外世味泊如也至

元丁卯五月二十二日以疾終於桓州之天宮寺西向右脇而化當暑儀形如生更有異香三日火浴之心舌牙不壞衆庶指其地深數尺猶得舍利云世壽五十一僧臘四十臣聞

世祖皇帝聖度如天善馭豪傑自在潛邸至於混一海內天下之人材大小畢至以足其任使故其功業之盛巍巍然赫赫然三代而下帝王未有或之及也浮圖氏以寐滅爲宗而材器文辨如溫公亦豈

常人之流哉敢叙而表之以見夫興王之
運其人如此銘曰維昔世皇始理開平作
其潛藩有宮有城顧瞻東隅泉甘土厚蜿
蜒來止屬垣負阜命建仁祠龍光是名權
輿來尸僧有豪英氣如虹霓辨若風雨縱

橫凌厲莫敢余侮

本五

本六

世皇有為群策是稽名見從容出其端倪
善其利器俾反初服報德不囷屹若孤鶴
林林釋徒稟教以居孰為紛更入主出孥
天子有命存完去馭我馳我驅立折其角

燕趙之間至於陝關我田我廬匪歸匪艱
世皇御一民用寧一而釋之門既據既息
時龍光師燕居弗馳散其緒餘為書為詩
詩揚宗風書縱逸趣沛將有述棄而遽去
維時名僧至於公卿有諫有辭失之若驚

垂八十年英標如在誰知表之嗣者七代
義舉有聞天子喜之史臣屬辭以係遐思
歲正月行使歷代舊錢○十月十八日大赦
大師魯國忠武王木華黎身長七尺虎首
虬鬚黑面多謀略雄勇冠一時與博爾朮

博爾忽赤老温俱以忠勇佐

太祖時號掇里班曲律猶漢言四傑也

太祖行次東印度

鐵門關侍衛者見一獸羸形馬尾綠色而

獨角能為人言汝曰軍宜早迴

本五

本七

上怪問耶律晉卿楚才奏曰此獸名角觶
音端日行一萬八千里解四夷語是惡殺之
象蓋上天遣之以告陛下願承天心有此
數國人命寔陛下無疆之福即日下詔班

師右出本朝切臣事略

佛祖歷代通載卷第三十五

音釋

彘子私切
 小也
 數也
 狃女久切
 狀也
 也也
 狃乃都切
 水也
 諫丑切
 知也
 儼呼切
 利也
 餃小官切
 與也
 酸同切
 也也
 餡中裏肉切
 餅也
 猗於宜切

佛祖歷代通載卷第三十六

本六

嘉興路大中祥符禪寺住持華亭念常集

亥辛 正月五日以上年十一月廿三日郊祀大

赦○三月十八日登極大赦賜高年帛○

四月禁使新舊銅錢及至大銀鈔

革罷僧道衙門

本六

論曰望五位以升階轉二衣而就果者上
乘菩薩也以四向一坐而證成三生百劫
而彰號者緣覺聲聞也聖賢品級教有明
文唯妙悟自心入佛知見者千聖尚不為

何階級之有大教東被三百五十餘年後
魏以趙郡沙門法果為沙門統供施之不
足又官品之遂授輔國宜城子忠信侯尋
進公爵曰安城封官自果始也梁以惠超
為壽光殿學士後周選僧道中學問優贍

者充通道觀學士仍改服色隨以彥琮為
翻經館學士唐中宗神龍二年造聖善寺
成惠範惠珎法藏大行會寂元璧仁方崇
先進國九人加五品並朝散大夫蓋以營
像修造之功也尋加惠範正議大夫上庸
郡公寺主至銀青光祿大夫俸料房閣已
上同職官給玄宗卜平內難僧清潤封官
三品醫寧王疾愈僧賜緋袍代宗加不空
三藏至開府儀同三司肅國公食邑三千
戶辭讓數四不允空曰吾以法濟世不意
垂死濫污封爵故秩唯空為極矣宋金兩
朝南北殊風而封釋官秩頗存典故然猶
遵律印信未聞迨我皇元世祖皇帝混一
海宇條綱制度一出睿思謂以俗制於僧
殊失崇敬諭天下設立宣政院僧錄僧正

都綱司錫以印信行移各路主掌教門護持教法賴聖子天不負佛囑也然而稗販之流好爵縻賢恃其所貴而貴之奔走伺候處污不羞以敲朴喧囂牒訴倥偬爲得志不奪不厭致有囊加巴僧錄枉取栲栳

本六

二

山僧錢罔佛律行可謂師子身虫也仁宋皇帝居儲宮日目繫其蔽降旨除宣政院外一例革之是亦不負靈山付囑也於戲朝廷尚行於爵秩釋子乃競於官階官階無盡期貪愛無滿分胡不養其妻子跪拜君親

何異織女七襄牽牛負輓者耶識達於此無取焉盛矣乎不空粉澤大教有功猶媿濫汚今何人而欲假名器哉

子仁宗文英武章皇帝○十月廿九日以諸王入覲大赦改皇慶

丑癸十月十八日詔科場以經義取士

甲正月廿二日改延祐大赦○十一月遣使經理江西

浙湖廣田糧

弘教佛智三藏法師入寂公積寧氏諱沙囉巴觀照事上師著栗赫學佛氏法善吐

番文字頗得祕密之要世祖皇帝嘗受教於帝師發思巴詔師譯語辭致明辨允愜聖衷詔賜大辯廣智法師河西之人尊其道而不敢名止稱其氏至呼其子弟皆曰此積寧法師家其爲見重如此公昆弟四

本六

三

人公其季也總州之歲依帝師發思巴羅染爲僧學諸部灌頂之法時有上士名刺温卜以焰晏得迦密乘之要見稱於世帝師命公往學此法温卜以公器偉識高非流輩比悉以祕要授之於是王公大人凡

有志茲道者皆於公師而受焉帝師迦羅思巴幹即哩以公之能薦之世祖詔譯諸祕要俾傳於世時僧司雖盛風紀寢蔽所在官吏既不能干城遺法抗禦外侮返爲諸僧之害桂蠹乘癰雖欲去之莫能盡也

頽波所激江南尤甚朝廷久選能者欲使正之以白帝師僉謂諸色之人豈無能者必以爲識時務孰與公賢以詔授江浙等處釋教總統既至削去煩苛務從寬大其人安之既而改授福建等處釋教總統以其氣之正數與同列乖迕而不合公謂天下何事况教門乎蓋吾人之庸自擾之耳夫設官愈多則事愈煩今諸僧之苦蓋事煩而官多也十羊九牧其爲苛擾可勝言哉建言罷之以聞詔罷諸路總所議者稱

其高公既得請迺遁迹壠坻築室種樹蓋將終焉至大中以皇太子令召至京師詔授光祿大夫司徒仁宗皇帝龍德淵潛之日嘗問法於公知公之賢既踐天位眷遇益隆詔給廩既館於慶壽寺詔公所譯皆

板行之公幼而穎悟諸國語言皆不學而能自爲兒人皆以爲必成大器既長果能樹立致位三公雖以德藝抑亦遭遇於時也其始爲佛誦其言觀其義既涉其涯遂厲於深爲人好賢愛能尤能取諸人以爲

本六

四

善談論之除發其端已得過半之思故其所有皆以好問而致是以名勝之流皆從之游以師友相處延祐元年十月五日歿年五十有六其始疾也詔賜中統鈔萬緡俾求醫藥太尉潘王往脈疾焉既歿又賜

鈔萬緡以給葬事遣使驛送其喪歸葬故里門弟子相與建塔以表其藏壽安山雲麓洪公作銘有謂佛法之傳必資翻譯故譯梵爲華或敵對名物或唯以義必博通經論善兩方之言始能爲之是以道安嘗

謂翻譯微言有五失本三不易故非能者不足以有爲也所以傳列十科翻譯居首者豈非以其爲之難功之大乎予嘗以詔與京邑諸公校讐藏典歷觀自古翻譯之家以義譯經如秦之羅什譯論唐之奘公十數人之作所謂禹吾無間然矣其餘或指義曖昧或文辭踈拙夫義之曖昧蓋譯者之未盡文或踈拙潤色之失也因思安公之言以謂以彌天之高尚稱不易今之譯者何其易哉自季葉以來譯場久廢能

本六

五

者蓋寡豈意人物凋殘之際乃見公乎觀其所譯可謂能者哉

秦州普覺法師卒教自隋唐之後傳者各宗其說遂派而爲三由止觀之門觀假而悟空觀空而趣中以入於實相者爲天台宗會緣入實即俗而明真者爲賢者宗窮萬有之數昭一性之立有空殊致而同歸乎中道者爲慈恩宗師爲慈恩宗者也姓趙氏諱英辯垂髫爲驅烏甫弱冠資二百五十戒二十有五得傳於栢林潭公爲座主凡爲僧六十有一年年六十有八延祐元年六月庚戌終於景福寺煥異景於易篲之夕標竒迹於火葬之餘以其年月日塔於普覺寺之後師爲性真純如美玉含璞雖不加雕繪而人自愛重之至於悍卒

武夫亦能敬其人謂無佛之世足為佛也
每得錢蔽悉以剏佛祠食守道之侶故君
子高其風

卯乙

三月遣使宣撫問民疾苦○平寧都冠○十一月廿七日以星芒大赦天下

辰丙

禮公哥羅古羅思監蔽班蔽卜為帝師
勅建梅檀瑞像殿記翰林承旨程鉅夫撰
文曰蓋聞道非有象作易者必擬諸形容
法本皆空度世者暫資於色相謂如指空
為鏡不若以鏡而喻空即樹占風將使識
風而忘樹是以雙林付囑舍利以凡聖而
偏分千幅經行足跡亘古今而常在非炫
神通於幻境實開方便於迷津所謂由自
以會心即心而即佛者也梅檀瑞像者佛
之真像也其猶萬影沉江如如不異孤光

本六

六

透隙一一皆圓夫豈擇地而容蓋以隨緣
而應望梅林而止渴靡不同沾泛竹葉以
言歸誰堪共載惟我聖天子道躋先聖慈
等覺皇祝長樂之春秋恒依佛地企如來
之歲月坐閱人天爰命集賢大學士李術
及教禪耆德叙具本末乃釋迦如來淨鉢
王太子生於甲寅四月八日是為成周昭
王二十四年既生七日佛母摩耶夫人往
生忉利至四十二年太子棄位出家修道
穆王三年癸未道成八年辛卯思報母恩
遂升忉利天為母說法優闡王自以久失
瞻仰欲見無從乃刻梅檀為像目捷連慮
有缺陋謬躬以神力攝三十二匠升忉利
天諦觀相好三返乃得其真既成國王臣
民奉之猶真佛焉及佛自忉利天復至人

間王率臣庶同往迎佛此像騰步空中向
佛稽首佛爲摩頂授記曰我滅度千年之
後汝從震旦廣利人天由是西土一千二
百八十五年龜茲六十八年涼州十四年
長安一十七年江南一百七十三年淮南

本六

七

三百六十七年復至江南二十一年汴梁
一百七十七年北至燕京居今聖安寺十
二年北至上京大儲慶寺二十年南還燕
宮內殿居五十四年大元丁丑歲三月燕
宮火尚書石抹公迎還聖安寺居今五十

九年而當世祖皇帝至元十二年乙亥遣
大臣孛羅等四衆備法駕仗衛音伎奉迎
萬壽山仁智殿丁丑建大聖萬安寺二十
六年己丑自仁智殿奉迎於寺之後殿世
祖躬臨大作佛事計自優闐王造像之歲

至今詔述延祐三年丙辰凡二千三百有
七年噫四大海中頓覺業風之息一彈指
頃不知賢劫之過嘉與含靈從茲安隱於
是集賢大學士臣顥以所述上聞有旨授
臣鉅夫爲之記夫謹奉詔言曰古之聖人

教民報本追遠之道而於祭祀之禮廣則
木爲之主祭則孫爲之尸後也乃有像設
焉而不知其所由始由斯觀之其原於西
域之俗也與夫佛爲世出世間之尊又何
竢於贊述然欲知佛之爲佛固不在於色
相而況於其侶色相者乎然苟不自其似
而求之又將無所措其歸向之心是故法
身無相必假相以表真至道絕言亦因言
階妙若於粗者猶拳拳而怠焉則其進也
殆庶幾乎陛下考百王之度酌群言之蘊

上以悖孝下以施仁斬於厚天下者無所不用其極至於軌仁於善以輔政教之所不逮亦因天下之心而為之而非若彼內祠祕祝者之為也夫以金石之桿堅猶未能必可大令以一木之為而綿歷若此然

本六

八

而佛之自衛固甚周而人之保之也抑豈一手足之功哉嗟夫遡延二千有奇至於陛下然後發德音經紀鴻烈非緩也熙明之治至是而始隆雖典祀之外猶必以斯文文之也然則化之漸被者廣矣不其盛與記洛陽之伽藍筆多慚於董史頌西方之無量壽共祝於堯年莫測真如徒欣聖際謹記是年封普庵禪師加號其詔曰上天眷命皇帝聖旨朕聞佛氏以空寂為宗則凡學所遵者寧欲建名號殊稱謂以示

天下後世哉而國家非此無以昭尊德樂道之意也朕自即位以來聞袁州路南泉山慈化禪寺普庵寂感妙濟真覺昭眈大德惠慶禪師紹臨濟之緒超華嚴之境德映當代澤被方來其道甚尊顯心切慕之

既累錫大謚唯塔號未稱可加定光之塔曰定光靈瑞之塔者主者施行

丁正月十日大赦

勅加東林遠法師號妙覺寂光宏辨大師都省咨文

京都崇恩福元謙講主卒公諱德謙姓楊氏寧州定平人幼為勤策從僧讀佛氏書

本六

九

長時周游秦洛汴汝諮訪先德學苾芻之道又逾河而北觀風齊魏燕趙之郊初受般若於邠州寧公瑞應於原州忠公又受幽贊於好時仙公圓覺於乾陵一公後受唯識俱舍等論於陝州頊公首楞嚴四分

律疏於陽夏聞公凡六經四論一律皆辭
宏旨奧窮三藏之蘊而數公並以識法解
義馳聲四遠公皆親熏而炙之躋其堂而
噬其臠故年未逾立已有盛名於時後至
京師受華嚴圓頓之宗於故大司徒萬安

壇主棟公之門棟以公博學多能甚器重
之初以詔居萬寧寺後又以詔居崇恩寺
萬寧成宗所勅崇恩武宗所勅也兩居大
寺前後一紀道德簡於宸衷流聲洋於海
隅未嘗以寵遇顯榮爲之志而改其素嘗

語人曰畦衣之士抗塵世表苟不媿於朝
聞夕死可矣尚何慕於外哉自以重居官
寺久佩恩榮而浮圖之道恬退爲高乃以
讓其弟子退居幽僻謝絕人事括囊一室
以樂其道延祐四年正月廿八日終於隱

所世壽五十有一爲僧四十三夏宰臣以
聞皇太后賜錫五千緡賻葬敕有司備儀
衛集京畿諸寺幡蓋鼓樂以送之火後獲
舍利數十顆其徒建塔於南城之南
京城大普慶寺實相圓明光教律師入寂

師諱法聞嚴氏陝西人按姓氏畧嚴與莊
皆芋姓楚莊王之裔以諡爲氏避漢明諱
改氏爲嚴公年七歲從禪德輝公學十有
五雜染爲僧年二十受具戒於是游汴汝
河洛歷諸講肆研究教乘從大德溫公學

本六

十

法華般若唯識因明及四分律溫以公任
重道遠克振吾宗託以弘傳之寄嘗對佛
像灼肌然指庸表克誠刺血書經以彰重
法遂隱於臺山不踰閭者六載讀藏教五
千卷者三番是以業進行修身藏名著帝

師亦憐命公講說般若指授因明之要因顧謂其徒曰孰謂漢地乃有此僧耶三輔之人勸輝致書勗以兼善毋忘鄉梓請歸長安公以弟子於師義猶君父父師之命敢不敬承况父母之邦鄉里之義可遂忘

乎迺抗策而西既至耆老皆驩呼而言曰吾鄉之人得所師而承教矣尋以安西王命居城南之義善寺唐初神僧杜順示迹之地也邠岐涇渭四序講筵不絕從而學者蓋千數焉天子聞之徵至關庭詔居大原教寺授榮祿大夫大司徒未幾詔居大普慶寺加開府儀同三司大司徒銀章一品賜遼世金書戒本求戒者皆從公而師受焉王公大臣皆仰止高風猶景星鳳凰之瑞於明時也延祐四年三月廿四日加

本六

士

跌而逝以聞上惻然久之賜幣數萬緡以葬詔大臣護喪有司備儀衛旌蓋送之世壽五十八戒鵬四十三弟子奉遺骨舍利建塔焉

特賜三藏佑聖國師達益巴入寂佛法流於中國久矣三乘之教風靡九州其道至馬唐宋間始聞有秘密之法典籍雖存猶未顯行於世國初其道始盛西鄙統元中天子以大薩思迦法師有聖人之道尊爲帝師於是秘密之法日麗乎中天波漸於四海精其法者皆致重於天朝敬慕於殊俗故佛氏之舊一變於齊魯國師名達益巴少爲苾芻凡事帝師十有三年出而從入而侍聽言論於左右觀道德於前後陶熏滋久鬱成美器凡大小乘律論及秘密

經籍部以十數皆耳於口授目於手示得乎理之所歸行之所趣帝師西還送至臨洮以久勞侍從弗堪暖涉之勤見留於洮師留是十有九年依大士綽思吉翫卜覆所既聞受所未傳切蹉琢磨於是義逾精

道益明矣是以譽延兩京道重三朝事二聖於潛竭勤逾紀從屬車往返二都雖兩夕風朝恒在宮壺逮武宗踐祚上處春闈眷藩邸之舊錫賚以千萬計初師在臨洮秦人請居古佛寺至是乞歸以所賜大厥宇謀老汝上未幾以太后詔徵還兩宮之賜眎前有加錫金印駝紐封號弘法普濟三藏大師延祐五年八月十六日化于京師年七十有三以聞上惻焉興歎久之兩宮賜幣以葬皇太子遣使致奠勅有司備

儀衛送之都門之外諡佑聖國師給乘騎歸葬成紀焉

是年六月再立行宣政院參用常選職官紀勅建大永福寺即青塔寺○一月朔日食

京師大寶集寺妙文講主卒姓孫氏蔚州

人妙文諱也九歲爲浮圖年十有八畦服游學暖涉雲朔之墟觀風燕趙之邦二十一預苾芻戒抵京師依大德明公學圓頓之道陸沉于衆者積年三十有二以衆勸請之殷乃始赤服陞猊就傳明之列其涵

養冲挹無欲速成名不躁進求達類如此四十有八居薊之雲泉勤儉節用老者懷其德少者嚴其教故衆睦而寺治比再稔廩有餘粟歲荒以賑饑民薊人稱焉世祖聞其道召見之顧謂侍臣曰福德僧也詔

居寶集時禪學寢微教乘益盛性相二宗皆以大乘並驅海內相學之流囿於名數滯於殊途蔽情執之見惑圓頓之旨師獨大弘方等振以圓宗使守株於文字者有以盪滌情塵融通寂照是以龍象蹴踏競

本六

十三

附一乘之駕馬年逾八十益倦于勤以寺任諸弟子退居逸老專念佛三昧延祐六年 月 日卒年八十有三告終之日誠弟子高聲唱佛名遽起跏趺結三昧印泊然長逝塔于平則門外

庚 正月朔日有食之

三月十一日登極大赦

辛 英宗格堅皇帝 改年至治

詔各路立帝師殿追諡曰

皇天之下 人之上開教宣文輔治大聖

至德普覺真智祐國如意大寶法王西天佛子大元帝師班彌怛拔思發是年勅建帝師殿碑 光祿大夫大司徒大永福寺住持釋源宗主法洪 奉 勅撰翰林學士趙孟頫書叅議中書省事臣

元明善篆額

古之君天下者皆有師惟其道之所存不以類也故趙以圖澄為師秦以羅什為師夫二君之師其人也以其知足以圖國言足以興邦德足以範世道足以參天地贊

化育故尊而事之非以方伎而然也皇元啓運北天奄荒區夏世祖皇帝奮神武之威致混一之績思所以去殺勝殘濟生民於仁壽者莫大釋氏故崇其教以敦其化本以帝師拔思發有聖人之道屈萬乘之

尊畫師敬之節諮諏至道之要以施於仁政是以德加於四海澤洽於無外窮島絕嶼之國卉服魑結之氓莫不草靡於化風駿奔而効命白雉來遠夷之貢火浣獻殊域之琛豈若前代直羈縻之而已焉其政

本六

十四

治之隆而仁覆之遠固元首之明股肱之良有以致之然而啓沃天衷克弘王度寔賴帝師之助焉皇上重離繼明應乾承統以爲法位久曠道統將微以師猶子之子公哥祿魯斯監贊嗣帝師位俾修其法歛時五福祐我家邦有河西僧高沙刺巴建言於朝以爲孔子以修述文教之功世享廟祀而光帝師德俟將聖師表一人製表字書以資文治之用迪聖慮以致於變之化其功大且遠矣而封號未追廟享不及豈

國家崇德報功之道哉大臣以聞詔郡國建祠宇歲時致享師薩思迦人族欵氏祖朶栗赤當吐藩之盛相其君伯西海後十餘世皆以學德爲國宗範師生八歲誦經數十萬言又能約通大義國人以爲聖故

稱拔思發長而學富五明故又稱班彌怛其所師而學焉友而問焉者數十人皆有盛名於時故其所有注不可涯矣其所撰述皆辭嚴義偉制如佛經國人家傳口誦寶而畜之夫敏者怠於博學貴者恥於下

本六

十五

問才高而位重則矜已而驕物此人之恒也師以生知之明爲天子師可謂敏且貴矣而乃博學無厭下詢遺老人有一法不遠千里而求之雖硜硜之諒佼佼之庸苟有可取無遺焉負絕世之材材莫大焉處

帝師之位位莫重焉而乃孜孜於道循循誘物惟恐德之不修道之不弘未嘗以多能自聖而有滿盈之色曠若空谷靜若深淵遠若雲霞重若丘山豈非至德其孰能與於此哉其道之所被德之所及猶杲日

麗乎天明無不照陽和煦於物氣無不浹其高如天不可階而升也其大如海不可航而涉也以不言而民信不勸而物從所過者化所存者神匪天縱之將聖孰能與於此哉故天子法天地尚德右功之道著

皇王之盛典崇廟享之報宜乎龜趺螭首刻頌遺烈昭示無極洪以狂斐猥承明詔序而銘之其銘曰佛道弘大洋海無際滔天沃日並育萬類於彼將聖象罔得一推厥緒餘以匡王國烈烈皇祖草昧天造奠

是南紀功格蒼昊天錫睿哲俾翊我后敦彼薄俗化于仁厚汪濊漏泉波及無外航濟梯阻萬邦咸會群邪鴟揚維鳩之競式遏詭類率俾吾正赳赳武夫蚩蚩鄙德訓所及風振草靡惟月之恒惟日之升惟

師之道罔或不承樂清廉惟時享之有偉

其貌惟時仰之莫高匪山莫深匪淵刻銘頌烈永世無遷

五臺山大普寧寺弘教大師性講主卒公諱了性號大林武氏惟古因生賜姓胙土

本六

六

命氏公之先莫詳世系然考之命氏之原武子姓其後邑于宋宋武公之後以諡爲氏公少好學聰獻之性殆天啓之依耆德安公爲浮圖既登具歷諸講庠探賸經論研精祕奧始遇真覺國師啓悟初心既而

周游閩陝河洛歷汴汝唐鄧放予襄漢尋幽覽勝以博其趣所至必訪其人詢至道之要其所師而學者如栢林潭公關輔懷公南陽茲公皆以義學著稱及歸復見真覺於壠坻逾見墻仞之高堂堂之奧乃曰

佛法司南其在茲乎後從真覺至臺山真覺歿北游燕薊晦迹魏闕之下悠悠如處江海之上與世若相忘焉然以懷璧之美被褐而莫掩名既喧於衆口聲遂聞於九重會萬寧既建詔公居之至大中太后勅

寺臺山寺曰普寧以茲擅天下之勝佳持之寄非海內之望莫能勝之故以命公公居此山十有餘年而歿公爲人剛毅頗負氣節不能俛仰隨世嬪悅於人雖居官寺未嘗至城府造權貴之門或謂公少和氣

本六

七

公曰予以一芥苾芻天子不以人之微處之大寺惟竭誠夙夜匪懈圖以報國而已夫何求哉必有臧倉毀鬲之言蓋亦營營青蠅止于棘樊耳顧予命之不遭道之不行納履而去之何往而不得於道乎時國

家尊寵西僧其徒甚盛出入騎從擬迹王公其人赤毳我冠岸然自居諸名德輩莫不爲之致禮或磬折而前握衣接足丐其按頂謂之攝受公獨長揖而已或謂公傲公曰吾敢慢於人耶吾聞君子愛人以禮何可苟屈其節而巽于床自取卑辱乎且吾於道於彼何求哉彼以其勢自大而倨吾苟爲之屈焉非諂則佞也焉有君子而爲佞諂之行哉識者壯其氣以謂如佛印元公之遇高麗王子可謂識大體而得乎

禮矣至治元年九月三日歿於普寧寺既
火化以舍利塔于竹林之墟

壬戌故榮祿大夫司徒大玉山普安寺住持幻
堂嚴講主卒公康氏成紀人諱寶嚴字士
威號幻堂父某以罹喪亂棄俗爲僧昆弟

六人公其季也少以邁往之氣不樂處俗
與其弟金雜染從佛求出世之道每逢名
德啟講必往聽而問焉嘗謂學而不思思
而不學君子所憂雖通其說而不通其宗
是學而不思也豈稱達者哉况文字之學

守株象迹惑於多岐馬能涉同歸之海造
圓頓之奧乎聽其說固辯矣觀其所得則
未也於是既問而學之以博其趣而益致
其思焉是其所以造詣蓋得之繫表故其
講說深有宗通理味後嗣真覺國師傳賢

本六

十六

首宗教以師承既高見解益明其方寸之
地湛如止水瑩若明鏡物我相形輒影見
於中雖以天資之高而德器之美抑亦師
友玉琢蘭薰而致及真覺以詔居大白馬
寺公與金從至洛汭及居大萬聖佑國寺

又從至臺山真覺歿詔以公繼其位後公
以太后詔居大普安寺詔以金繼公居佑
國寺公於至治二年七月某日歿年五十
有一詔復以金居普安寺金以公之喪葬
東封谷之口建塔以脩祀事焉

亥癸

至治三年八月十四日天目山中峯卒勅
謚普應國師法雲之塔奎章學士虞集奉
勅撰銘其畧云天目之山有師子岩高峯
妙禪師居之設死關以辨決叅學之士望
崖而退者衆矣得一人曰本公是爲中峯

和上師生有異徵為童兒嬉戲必為佛事
稍長閱經教然指臂求佛甚切晝夜彌勵
困則首觸柱以自儆期必得乃已及入死
關密叩心要誦金剛經至荷擔如來阿耨
多羅三藐三菩提處恍然開悟自謂所證

本六

十九

未極勵精勤苦咨訣無怠及觀流泉乃大
發明師亦闕而不聞自是說法無碍高峯
將戢化權遂書真贖屬諸師云我相不思
議佛祖莫能視獨許不肖兒見得半邊鼻
其授受不虛若此著書若干卷行于世仁

宗皇帝聞而聘之不至製金紋伽黎衣賜
之號之佛慈圓照廣惠禪師賜師子院名
曰正宗禪寺云師諱明本宋景定癸亥
歲生錢塘孫氏年六十一僧臘三十五化
於其山之東岡

是年四月賜瀛國公合尊死河西○詔僧
儒金書藏經○八月四日上崩

子甲改泰定

剡帝師公哥羅於十月某日涅槃○九月十
賊四日即位年改致和為天曆元年○禮公哥羅

亦中納思監城城下文國公為師是
年革行宣政院設立十六處廣教總管

府以
攝僧

已勅建崇禧萬壽寺於蔣山

續改至順元年○詔改建康為集慶路○勅

建大龍翔集慶寺

軒亦輦真班皇帝九月即位

大都妙善寺比丘尼舍藍藍八哈石卒師
諱舍藍藍高昌人其地隸北庭其地好佛
故為苾芻者多太祖皇帝龍飛漠北其王
率所部以從帝嘉其義處之諸國君長之

上待以子壻之禮海都之叛國人南徙師始八歲從其親至京師入侍中宮真懿順聖皇后愛其明敏恩顧尤厚成宗之世事皇太后於西宮以待從既久勤勞之多詔禮帝師迦羅斯巴幹即兒為師薤染為尼

去

子

服用之物皆取給於官又眡官官例繼以既廩武宗繼統仁宗以太弟監國師朝夕於太后之側入而侍出而從所言必聽所諫必從瞻寵之隆猶子姪焉內而妃主外而王公皆敬以師禮稱曰八哈石北人之

稱八哈石猶漢人之稱師也仁宗之世師以桑榆晚景自謂出入宮掖數十餘年凡歷四朝事三后寵榮兼至志願足矣數請靜退居於宮外求至道以酬罔極太后弗聽力辭弗已詔居妙善寺以時入見賜予

之物不可勝紀師以其物勅寺於京師曰妙善又建寺於臺山曰普明各置佛經一藏恒業有差又以黃金繕寫番字藏經般若八千頌五護陀羅尼十餘部及漢字華嚴楞嚴畏元字法花金光明等經二部又

於西山重修龍泉寺建層閣於蓮池於吐番五大寺高昌國梅檀佛寺京師萬安等皆貯鈔幣以給然燈續明之費又製僧伽黎衣數百施番漢諸國之僧其書寫佛經凡用金數萬兩勅寺施捨所用幣數以萬

本六

主

計其積而能散施予不吝期積福於來生必至於佛地者皆人所不能也英宗之明以其有靜退之高眷遇尤至每稱之賢以為知幾文宗即位今皇太后居中宮以皇妣魯國太長公主愛重於師有兄弟之義

尤加敬焉至順三年二月廿一日歿年六十四葬南城之陽賜號真淨妙惠大師臨壇大德律師汝公卒姓張氏諱惠汝歸德之偃武人也驅烏之歲依者宿鉅公為浮圖二十而進具從大德温公受菩薩戒嗣法壇主恩公既而行業日隆道益著從學者益眾佛制凡為苾芻雖大節不虧而細行必謹非法不服非時不食居處動作皆有軌則所以戒昏墮而防逸德也公齋戒既嚴護衣惟謹雞鳴而興坐以待旦乾乾終日惟佛是念雖道行旅宿三衣一鉢必與身俱制行雖高而無矯飾之節操存雖固而無詭徼之迹是以言而人莫不信動而人莫不敬兩河之間三監舊邑從化者蓋以萬數緇素相率而求戒法者憧憧

接跡於途承一訓言莫不懽心感戴說法數十餘年升壇授戒四十餘會大臣接以師敬之禮至順三年十一月廿二日歿年七十有三
 醮今上皇帝萬萬歲 六月初八日登寶位

改元統元年禮請公哥兒監滅班滅卜為

帝師

梅檀瑞像自周穆王庚寅

世尊示滅自周穆王甫

大教東被最漢明帝戊辰

本六

先統年計

辛酉二千四年

辛酉二千十二年

辛酉二千六十六年

字二

佛祖歷代通載卷第三十六

音釋

癰 於容切 癰腫也
 五 十 磁 錢 音 兩 切
 日 唯 錢 貫 九 切
 定 古 交 切
 切 影 切
 戒 也
 澱 水 呼 活 切
 水 澱 活 切
 疥 日 在 故 切
 日 在 故 切
 福 肉 說 文 也
 做 口 小 切
 時 諸 以 時 畦 胡 圭
 時 止 二 切
 時 口 切
 畦 耕 切
 胡 切
 圭 切



百丈清規

大智壽聖禪寺住持 臣僧德輝奉勅重編
大龍翔集慶寺住持 臣僧大訢奉勅校正



清刻龍藏佛說法變相圖

勅修百丈清規

本七

禮部尚書臣胡澂等謹

題為重刊清規事禮科抄出江西南昌府

奉新縣百丈山大智壽聖禪寺住持僧

忠智奏本寺自唐時佛祖大智懷海禪

本七

師垂訓名曰百丈清規至元間僧德輝

重新編刊通行天下叢林僧徒循規遵

守洪武拾伍年肆月貳拾伍日節該奉

太祖高皇帝聖旨榜例諸山僧人不入清規

者以法繩之欽此欽遵永樂拾年伍月

初三日節該奉

太宗文皇帝聖旨榜例僧人務要遵依

舊制各務祖風謹守清規嚴潔身心永樂二

十二年十壹月貳拾柒日該僧錄司官奏僧

衆多中間有等不守規矩合無依清規

整治節該奉

仁宗昭皇帝聖旨照依清規料治他欽此除
欽遵外近因本寺清規書板年遠無存

欽蒙

皇上洪恩普度天下僧行仍住原額寺院熏

脩香火祝延

聖壽臣切見後學僧徒多有未見清規體例

罔知軌度不諳戒律甚辱祖風深為未

便臣依原體式重寫刊完雖有歷朝序

文年代已遠誠恐僧徒視為常事不行

遵守今將重刊清規印集壹本開坐具

本親齋謹 奏伏望

聖恩憐憫教門乞

勅賜清規序文刊圓成書

頒行天下叢林寺院住持首僧督眾講

習各慕祖風嚴持戒律庶俾僧徒無

傷風化正統柒年貳月拾貳日該通

政使司右通政李錫等官於

奉天門奏奉

聖旨禮部知道欽此欽遵抄出到部叅照住

持僧忠智奏稱重刊百丈清規乞

賜序文壹節合無行移翰林院撰述惟復聽

令本僧自行請人述作緣奉

欽依禮部知道事理未敢擅便謹題請

旨正統柒年貳月拾玖日禮部尚書胡濙等

官於

奉天門題奏奉

聖旨序着翰林院撰欽此除外遵依施行

正統柒年肆月拾柒日

長生天氣力裏

大福蔭護助裏

皇帝聖旨行中書省行御史臺行宣政院官

人每根底宣慰司廉訪司官人每根

底軍官每根底軍人每根底城子裏

達魯花赤官人每根底往來的使臣

每根底百姓每根底衆和尚每根底

宣諭的

聖旨

成吉思皇帝

月闍台皇帝

本七

薩禪皇帝

完者篤篤皇帝

普顏篤篤皇帝

忽都篤篤皇帝

亦輦真班皇帝聖旨裏和尚也里可温先生

曲律皇帝

格堅皇帝

札牙篤篤皇帝

每不揀甚麼差發休當告

天祝壽者麼道說有來如今依着在先

聖旨體例裏不揀甚麼差發休當告

天與

咱每祝壽者麼道

札牙篤篤皇帝教起蓋大龍翔集慶寺的時分

依着清規體例行者麼道曾行

聖旨有來江西龍興路百丈大智覺照禪師

在先立來的清規體例近年以來各

寺裏將那清規體例增減不一了有

如今教百丈山大智壽聖禪寺住持

德輝長老重新編了教大龍翔集慶

寺笑隱長老為頭揀選有本事的和

尚好生校正歸一者將那各寺裏增

減來的不一的清規休教行依着這

校正歸一的清規體例定體行者麼
道執把的

聖旨與了也這的每寺院房舍裏使臣每休
安下者鋪馬祇應休拿者稅糧休納
者但屬寺家水土園林人口頭疋碾
磨店鋪解典庫浴堂竹園山場河泊
船隻等不揀是誰休奪要者休尙氣
力者這般

宣諭了呵別了的人每要罪過者更這的
每有

本七

四

聖旨麼道做沒體例勾當呵他每更不怕那
聖旨

元統三年猪兒年七月十八
日上都有時分寫來

皇帝聖旨裏

帝師公哥兒監藏班藏卜法旨行中書省

行御史臺行宣政院官人每根底宣

慰司廉訪司官人每根底軍官每根

底軍人每根底城子裏達魯花赤官

人每根底徃來使臣每根底本地面

官人每根底百姓每根底衆和尚每

根底

省諭的

法旨

札牙篤皇帝盖大龍翔集慶寺的時分教依

着百丈清規體例行了

聖旨有來這清規是百丈大智覺照禪師五

百年前立來的如今

上位加與弘宗妙行師號更爲各寺裏近年

將那清規增減不一教百丈山德輝

長老重新編了教龍翔寺笑隱長老
校正歸一定體行的執把

聖旨與了也

皇帝為教門的上頭教依着這校正歸一的
清規體例定體行者麼道是要天下

衆和尚每得濟的一般您衆和尚每

體着

皇帝聖心興隆

三寶好生遵守清規修行辦道專與

上位祈

福祝

壽報答

聖恩弘揚

佛法者不揀是誰休別了者見了

法旨別了的人每不怕那甚麼

法旨

鼠兒年四月十一日大都大寺
裏有時分寫來

皇帝聖旨裏行宣政院准

宣政院咨據僧子仲狀告係江西道

龍興路百丈山大智壽聖禪寺知事

僧元統三年七月十八日本寺住持

德輝長老欽受

御寶

聖旨節該江西龍興路百丈大智覺照禪師

在先立來的清規體例近年以來各

寺裏將那清規體例增減不一了有

如今教百丈山大智壽聖禪寺住持

德輝長老重新編了教大龍翔集慶

寺笑隱長老為頭揀選有本事的和

尚好生校正歸一者將那各寺裏增減來的不一的清規休教行依着這校正歸一的清規體例定體行者麼道執把的

聖旨與了也欽此除欽遵外緣係各省開讀

事理欽錄

聖旨全文連前告乞施行得此照得元統三年五月初七日阿察赤性薛第二日

三吉怛

納鉢裏有時分對脫別台平章闊兒吉思

平章阿魯灰院使舉里學士等不蘭

奚大司徒根底撒迪中丞傳奉

聖旨江西龍興路裏有的百丈大智覺照禪師在先立來的清規體例近年各寺裏將那清規體例增減了有如今教

百丈寺裏住持德輝長老重新編了教大龍翔集慶寺笑隱長老為頭揀選有本事的和尚好生校正歸一與定體執把行的

聖旨更百丈大智覺照禪師根底加與弘宗

妙行師號宣政院行文書與詞頭

宣命者麼道

聖旨了也欽此除詞頭

宣命具呈

中書省照詳外據

聖旨移付蒙古房就行翰林院欽依

頒降外今據見告當院除外欽錄

聖旨全文在前合行咨請照驗遍行合屬欽依施行准此除外欽錄全文在前使院合下仰照驗欽依施行須議劄付

者

右劄付百丈山大智壽聖禪寺德

輝長老准此

蒙古字一行

至元二年 月 日

勅修百丈清規目錄

大智壽聖禪寺住持巨僧繼奉勅重編

大龍翔集慶寺住持巨僧大新奉勅校正

卷上

祝釐章第一

聖節

景命四齋日祝讚

且望殿祝讚

每日祝讚

千秋節

善月

報恩章第二

國忌

祈禱

祈晴 祈雨 祈雪
遣蝗 日蝕 月蝕

報本章第三

佛降誕

佛成道涅槃

帝師涅槃

尊祖章第四

本七

八

達磨忌

百丈忌

開山歷代祖忌

嗣法師忌

住持章第五

住持日用

普說
念誦
肅眾
為行者普說
迎待尊宿
施主請陞座齋僧
受嗣法念願點
嗣法師遺書至

晚參
告香

普說

念誦

肅眾

為行者普說

迎待尊宿

施主請陞座齋僧

受嗣法念願點

嗣法師遺書至

入室

巡察

訓童行

受法水

請新住持

發專使

受請陞座

山門管待新命并專使新命辭眾上堂茶湯

西堂頭首受請

專使特為受請入煎點山門管待受請人并專使

受請人辭眾陞座茶湯

當代住持受請

專使特為新命煎點

受請人陞座

受請人辭眾

入院

山門請新命齋
山門特為新命茶湯

開堂祝壽
當晚小參

為建寺檀越座
留請兩序
交割碇基什物
受兩序勸舊前案

管侍專使
報謝出入

退院

遷化

入舍龍
請資司執事

請主喪
孝服

佛事

核合龍

掛真樂哀奠茶湯

祭次

茶毘

唱水

下遺書

議舉住持

卷下

兩序章第六

西序頭首

前堂首座
書記
知容
知殿
木鉢侍者
聖僧侍者

後堂首座
知殿
知浴
侍者
湯藥侍者

對靈小參奠茶湯念誦啟經
出喪掛真奠茶湯
全身入塔
靈骨入塔
管待喪及喪前執事人

東序知事

都監寺
典座

維那
瓦歲

副寺

列職雜務

寮元
延壽堂主
化主
磨主

寮主副寮
淨頭
圍主
水頭

炭頭

諸莊監收

花主

請立僧首座

請名德首座

兩序進退

掛鉢時請知事

侍者進退

寮舍交割什物

方丈特為新舊兩序湯

堂司特為新舊侍者湯茶

庫司特為新舊兩序湯礫

堂司送舊首座都寺鉢位

方丈管待新舊兩序 方丈特為新首座茶

新首座特為後堂大眾茶

住持垂訪頭首點茶

兩序交代茶
入寮出寮茶

頭首就僧堂點茶

兩序出班上香

大眾章第七

本七

沙彌得度

登壇受戒

辦道具

三衣 坐具 拂子

偏衫 數珠

裙 淨瓶

直履 濾水囊

鉢 磨刀

錫杖

新戒叅堂

十

護戒

遊方叅請

大相看

小掛搭歸堂 諸方名勝掛搭

拋香相看

方丈持為新掛搭茶

庫司頭首附見

坐禪儀

大掛搭歸堂

西堂首座掛搭 法眷辦事掛搭

謝掛搭

坐禪

坐叅

大坐叅

赴齋粥

普請

龜鏡文

亡僧

抄割衣鉢 送亡

請佛事 茶毗

估衣 白表

大夜念誦 入塔

版帳式

節臘章第八

夏前出草單

新掛搭人點入寮茶

本七

出圖帳

楞嚴會

方丈小座湯

庫司四節特為首座

四節乘拂

請益

赴茶湯

日用軌範

病僧念誦

眾寮結解特為眾湯

附建散 楞嚴

戒臘牌

四節土地堂念誦

結制禮儀

方丈四節特為首座眾茶

庫司四節特為首座茶

前堂四節特為後堂茶

旦望巡堂茶

方丈點行堂茶

庫司頭首點行堂茶

月分須知

法器章第九

鐘 大鐘 僧堂鐘

版

木魚

椎

磬

鏡 鈸

鼓

法鼓 浴鼓 茶鼓 更鼓

齊鼓 普請鼓

附著

百丈祖師塔銘

百丈山天下師表閣記

古清規序

崇寧清規序

咸淳清規序

至大清規序

日用寒暄文

勅脩百丈清規目錄畢

勅修百丈清規卷第一

大智壽聖禪寺住持巨僧德輝奉勅書編

大龍翔集慶寺住持巨僧大新奉勅校正

祝釐章第一

人之所貴在明道故自古聖君崇吾西方聖

人之教不以世禮待吾徒尊其道也欽惟

國朝優遇尤至特蠲賦役使安厥居而期以

悉力于道

聖恩廣博天地莫窮必也悟明佛性以歸乎

至善發揮妙用以超乎至神導民於無為之

本七

十二

化躋世於仁壽之域以是報

君斯吾徒所當盡心也其見諸日用則朝夕

必祝一飮不忘而存夫軌度焉

聖節

欽遇

聖節必先啓建金剛無量壽道場一月日僧

行不給假示敬也啓建之先一日堂司備榜

張于三門之右及上殿經單後式見俱用黃紙

書之輪差僧簿依戒次各書雙字名維那五先

日袖紙帶堂司行者詣書記察通報書記出接維那觸禮

一拜稟云啓建聖節煩製疏語如舊記缺則

語見書記製畢具草先呈住持親送堂司觸

禮一拜荅先禮也維那用黃紙書疏帶行僕

捧盤祇爐燭香合上方丈請住持僉疏炷香

觸禮一拜稟云啓建聖節請僉訖行者就覆

住持來早殿上啓建諷經仍報諸寮掛諷經

牌燒香侍者覆住持來早上堂至五更住持

行香回再覆粥罷上堂令客頭掛上堂牌維

那於僧堂早粥遍食推後再鳴椎一下云大白

衆粥罷聞鐘聲各具威儀詣大佛復鳴椎一

寶殿啓建天壽聖節謹白

本七

十三

下往住持前問訊從首座板起巡堂一匝出外堂下間至上間歸內堂中間問訊而出粥後少停待大殿排香燭茶湯饒鍤手爐俱辦堂司行者報方丈客頭先覆住持次覆侍者鳴方丈板三下鳴鼓堂司行者預鳴衆寮前板三下集衆坐堂如尋常坐禪向內坐鼓鳴則轉身向外坐頭首先集堂外候鼓鳴即入堂首座後入就坐西堂勤舊蒙堂諸寮並外堂坐住持於鼓初鳴出寢堂坐侍者問訊東立行者問訊西立轉鼓侍者往法座左側立候衆集頭首下床聖僧前問訊領衆出堂至法座前列一行問訊歸西序立大衆鴈列于後若不候頭首至先自立定非法也其行堂亦於鼓鳴時鳴板三下叅頭領衆行者列庫堂前相對排立候轉鼓知事出則問訊隨其

後待西序歸位畢亦列一行座前問訊上首居後都寺引歸東序立定衆行者列知事後稍離遠立侍侍者入請住持出行者問訊住持至法座前行者趨近知事後立冬月則衆去帽問訊住持和南登座侍者隨上法座以香合蓋盛香捧上住持拈香祝壽畢侍者接香以左手插爐中右手拈從香一炷畧問訊下座歸班待住持斂衣趺坐侍者先末班引過座下列一行問訊燒香侍者引班歸位次首座領班出列座前問訊大衆同問訊知事轉班列座前問訊行者隨問訊西堂東堂出座下問訊侍者登座左手上香轉身提坐具問訊謂之代衆請法退立座側問答罷陳白事意云某月某日欽遇天壽聖節某寺預於某月某日啓建金剛無量壽道場一月日逐日輪僧上殿披閱金文今展開修住持臣僧某陞于此座奉揚聖誥第一義河集洪因端為祝

本

古

延聖壽萬安者說法竟白云下座各具威儀諸大佛殿啓建天壽聖節謹白

此日座下雖有官員亦不得叙謝蓋尊君也

鳴大鐘及僧堂前鐘集眾列殿上向佛排立

住持上茶湯上首知事迺上燒香侍者就佛

座前下茶湯畢住持歸位立定行者鳴鈸維

那轉身爐前揖住持上香燒香侍者捧香合

次東堂西堂出班上香如有大方諸山住持

兩序前次兩序對出向佛問訊上香畢兩兩

相朝轉身歸位大眾同展三拜兩序分班對

立住持就跪知客跪進手爐侍者跪進香合

維那白佛宣疏畢知客跪接爐住持收坐具

維那舉楞嚴呪回向云誦誦祕章所萃洪因

帝聖壽萬安金剛衆散每日堂司行者將輪

差僧簿預先一日請住持頭首衆僧各書

雙字名僉押量衆多少依戒具寫差單排定

日分周而復始仍列經目對揭殿內柱上至

日各務嚴肅鳴大鐘上殿當次僧負須具威

儀香合禮佛歸位看經庫司嚴設香燭備點

心維那燒香點湯照拂至晚鳴大鐘下殿堂

司行者直殿行者常加伺候毋令怠慢如官

本七

十五

負入山拈香鳴鐘集眾諷無量壽呪舉藥師

誦畢回向云某處某官八山拜手拈香僧衆

今上皇帝聖壽萬節內遇三、八日佛殿念

誦至日齋罷堂司行者覆住持兩序諸寮掛

念誦牌報衆參前巡廊鳴板集眾向佛排立

住持至鳴大板三下次鳴大鐘燒香歸位維

那出班念誦云皇風永扇帝道遐昌佛日增

淨法身毘盧遮那佛十誦訖回向云上來念

誦所集洪因端為祝延今上皇帝聖壽萬

或住持赴郡縣都道場所歸時鳴鐘集眾門

迎詣方丈問訊

聖節啓散古規所載堂僧堂司給由暫到
客司給由隨身照證蓋徃時僧道歲一供
帳納免丁錢官給由爲憑故遊方道具度
牒之外有每歲免丁由有何處坐夏由有
啓散聖節以備徵詰各亦畏慎今雖不用
存其事以見古也

黃榜式

某州某府某寺
某月某日欽遇
天壽聖節本寺預於本月某日恭祝
大佛寶殿修葺
金剛無量壽道場一月口送口輪僧上殿披閱真詮宣持密禪
祈禱
洪因端爲祝延
今上皇帝聖壽萬歲萬歲萬歲
右共推
佛日洞明
隨天昭祐
某年某月 日都監寺臣僧某謹言
住持臣僧某

經單式

今具經文品目于后
大方廣佛華嚴經
大佛頂萬行首楞嚴經
大乘妙法蓮華經
大方廣圓覺修多羅了義經
大乘金剛般若波羅密經
大仁王護國經
右具如前
本月 日納維臣僧 某 具
本七 十六

差單式

今具逐日輪僧上殿名員于后 用白紙書
某日 住持臣僧 某甲首座 某甲書記
某甲威主 某甲知客 某甲西堂
某日 某甲稱呼 某甲上座 某甲都寺
右具如前
本月 日堂司 某 具

疏語建啓右伏以 覆燾無私乾坤孰測其高
厚 照臨有赫日月莫喻其光華知 贊仰
之徒勞欲 補報而無極惟託鈞陶之內義
重 四恩故竭 忠愛之心虔恭 三祝
斗樞電繞龍象筵開帝網百億山河咸歸

聖量華藏三千世界益衍 不圖少盡洎埃
匪懈朝夕欽願 夔龍登用 景星耀而泰
階平 麟鳳呈祥 聖人作而萬物覩謹疏
散滿優鉢羅花瑞世 同佛降生 闍浮提
樹連陰與天齊壽故 毓夙成之 齋質克

承不顯之 聖謨 大哉乾至哉乾 體

乾居正 會其極歸其極 建極立中爰以

吾道之大同有裨 聖時之至治山林鐘

鼓樂 化日之舒長草木昆蟲被 膏澤之

滌漉 祥開震夙 頌祝華封欽願 垂拱

本七

七

無為天地位而萬物育 鈞陶有象陰陽理

而四時平 壽考萬年 本支百世

景命四齋日祝讚

景命好日月旦月望初八廿三四齋日隔宿
堂司行者報衆掛諷經牌次早鐘絕後鳴僧

堂前鐘集衆登殿維那舉楞嚴呪唱藥師誦

嘆佛畢回向云 某日令辰某州某寺住持傳

趨寶殿誦大佛頂萬行首楞嚴神呪稱揚

聖誦所萃洪因祝延今上皇帝聖壽萬安

金剛無量壽佛 仁王菩薩云云

旦望藏殿祝讚

旦望古來轉藏祝壽今則必先侵晨登殿

御座前祝讚於禮為恭或粥罷陞座罷鳴鐘

集衆往藏殿維那舉云 摩訶般若 衆當默念

住持領衆合掌繞藏行道三匝多衆則一匝

立定維那舉大悲呪回向云 大圓照中有華

道絕明言三光電卷而實相涵六合奮奔而

湛然寂不思議海難盡讚揚某州某寺住持

傳法臣僧某月某日今辰謹集合山僧衆恭

敬殿繞旋行道稱念摩訶佛母聖號運轉天

官法寶輪藏諷誦大悲闍滿神呪所萃洪因

端為祝延今上皇帝聖壽萬安金剛無量

壽佛仁王菩薩摩訶

每日祝讚

齋粥二時下堂僧眾必須登殿維那舉無量

壽呪三遍回向云祝延今上皇帝聖壽萬

安金剛無量書佛云云

千秋節

至期堂司行者隔宿報眾掛諷經牌次早鳴

僧堂鐘集眾登殿維那舉楞嚴呪畢白佛齊四

口回向云某道某路某寺某月某日敬遇同恭趨寶殿諷誦大佛頂萬行首楞嚴神呪稱揚聖蹟所萃良因敬祝皇太子睿筭千秋線下伏願日重輪月重輝照臨海宇山如樂河如帶鞏固邦基金剛無量壽佛云云

善月

本七

六

正五九為善月預先一日維那令堂司行者覆住持報庫司掛善月牌于殿門前具經單輪差僧簿每日鳴大鐘登殿看經祝贊終月而畢

始由隋開皇三年詔天下正五九并六齋

日各寺建祈禱道場不得殺生命取葷經中有毘沙門天王每歲巡按四大部洲正五九月治南瞻部洲故禁屠宰而唐之藩鎮每上任必犒士卒不下數萬人須大烹宰故以正五九不上官為禁殺也而俗以

為忌者非

祝釐章終

報恩章第二

國有禘祫四時之祭所以昭功德隆本始重繼嗣也

聖朝崇佛

世祖而下咸各建寺謂由佛應身以御天下化儀既終復歸佛位在京官寺於是設聖容具佛壇場月以五祭設奠展禮如生而致夫羹墻之思洪惟聖化所被與佛之教

本七

九

流于無垠而吾徒沐恩波濡 聖澤可不知
所自而思所報效焉

國忌

上賓日屆期隔宿庫司報堂司令行者覆住
持兩序報衆掛諷經牌就法座上安 御座

用黃紙寫 聖牒牌位嚴設香花燈燭几筵

供養至期鳴僧堂鐘集衆候住持至上香上

茶湯維那舉楞嚴呪諷誦畢回向云 某州某寺住持

傳法臣僧某某月某日恭遇 某聖聖忌之辰謹集合山僧衆誦大佛頂萬行首楞嚴神呪稱揚聖蹟祈萃殊利資嚴聖駕伏願神遊入極想雲車風馬來臨位證中天受于殿

瓊樓快樂十方三世云云

祈禱

凡有祈禱須如法嚴治壇場鋪陳供養住持
專心加謹僧衆各務整肅知事內外提督應
辦大小寮舍巡警齋潔或有官員拈香恭勤

迎送預期庫司稟覆住持先付意旨維那知
會堂司行者報衆掛祈禱牌齋粥二時鳴鐘
集衆諷經或看藏經或四大部經或三日五
日七日隨時而行如祈晴祈雨則輪僧十員
廿員或三五十員分作幾引接續諷誦每引
諷大悲呪消災呪大雲呪各三七遍謂之不
斷輪終日諷誦必期感應方可滿散懺謝其
疏意各列于后

祈晴 切見淫雨為戾物用不成百川橫流
民無寧處蓋衆生共業所感惟上天覆燾無
私由是謹發誠心啓建祈晴道場每日命僧
諷誦經呪仰扣諸聖所冀祈求晴霽速賜感
彰伏願掃頑雲於四野陰沴潛消麗杲日於
中天容光必照俾五行各順其序而萬彙悉
遂其生

本七

干

本七

下

祈雨 切見亢陽為灾百物就槁匪上天之
 降罰由下民之多愆惟諸佛開慈悲之門而
 神呪有祈禳之應由是謹發誠心啓建祈雨
 道場每日命僧諷誦經呪仰扣諸聖所冀祈
 求雨澤速賜感通伏願拯生靈於塗炭厥維

艱哉起雲龍于山川俾霖霖矣庶茲多稼亦
 乃有秋

祈雪 切見時冬恒温恐生物之疵癘維天
 降雪淨下土之侵氛庸致辨香之誠願集六
 花之瑞由是謹發誠心啓建祈雪道場每日

命僧諷誦經呪仰扣諸聖所冀祈求雨雪速
 賜感通伏願彤雲千里潤澤八荒六府三事
 用修草木咸若二氣五行順序神人以和
 遣蝗 切見飛蝗蔽天惟凶荒之可慮遺孽
 入地恐滋蔓之難圖匪假神功之驅除雖極

人力而罔措由是謹發誠心啓建遣蝗道場
 每日命僧諷誦經呪仰扣諸聖所冀驅遣蟲
 蝗速賜消殄伏願滌之風雨掃種類以無遺
 投之江河隨業感而自化民安其業物遂其
 生

本七

三

日蝕 此日而食占五紀之威乖畏天之威
 虞六沴之將作故徇民情而救護盍依佛力
 以禱禳由是謹發誠心命僧諷誦經呪用伸
 救護所冀日精速賜還光伏願五色開而黃
 道明照臨下土羣陰消而陽德盛昭回于天

月蝕 月耀陰精而主夜所賴照臨天示咎
 徵于下民於焉薄食既戒既懼以禱以禳由
 是謹發誠心命僧諷誦經呪用伸救護所冀
 月華速賜還明伏願妖墓滅跡清光現大地
 山河顧免長生萬象納廣寒官殿

報恩章終

勅修百丈清規卷第一

音釋

您 尼錦切 版 布眼切 飢 扶挽切 趙 藏但切
走也 犒 苦到切 診 藉也 食 也 散
餉軍也 不 閻計也 利 也 水

勅修百丈清規卷第二

本八

大智壽聖禪寺住持 臣僧德輝奉 勅重編

大龍翔集慶寺住持 臣僧大訥奉 勅校正

報本章第三

性者人之大本也振天地而莫知其始窮萬

本六

世而莫知其終佛與衆生均有是性悟之而
登妙覺迷之而流浪生死從劫至劫六道異
趣業報展轉無有窮已所賴聖訓洋洋堪作
依怙吾徒忝形服預法系遵其行之為律宣
其言之為教傳其心之為禪而循吾所謂大

本者以同夫佛之全體妙用始可稱佛子而
續慧命也其於諱日追悼豈世禮哉

佛降誕

先期堂司率衆財送庫司營供養請製疏僉
疏聖節禮同至日庫司嚴設花亭中置佛降生像

於香湯盆內安二小杓佛前敷陳供養畢住

持上堂祝香云佛誕今辰某寺住持遺教遠

本師釋迦如來大和尚上孫比丘某甲虔焚寶香供養

衆生念念諸佛出現于世酬慈蔭所與法界

次跌座云四月八日恭遇本師釋迦如來大

花燈燭茶果瓊蓋以伸供養住持遺教遠孫香

比丘某甲陞于此座舉唱宗乘所集殊勲上比

酬慈蔭下與法界衆次說法竟白云下座各具威儀

生同伸希有之慶佛誕經謹白下座領衆同到殿上向佛排立

定住持上香三拜不收坐具進前上湯進食

請客侍者迺上燒香侍者捧置干几畢復位

三拜再上香下觀點茶又三拜收坐具維那

揖班上香大眾展拜住持跪爐維那白佛云

一月在天影涵衆水一佛出世各生一華白毫舒而三界明甘露洒而四生潤宣疏

畢舉唱浴佛偈云我今灌沐諸如來淨智莊

垢同證如行道浴佛將畢舉楞嚴呪回向云來淨法身行功德回向真如實際莊嚴無上佛

果菩提四恩等報三有齊資法界有情同圓

種智十方三世一切佛云云

疏語 大海湛然獨聽 潮音之震蕩太虛

廓爾惟瞻 景緯之橫陳由 本大而迹彰

抑 時至而機應 俾羣靈咸成正覺 從

五濁示現降生 脫珎服著垢衣 委身以

徇舍化城登寶所 携手同歸 初度重臨

大恩莫報 伏願 扇真風於末世 揭

慧日於中天無佛無魔法法宜揚王偈非

垢非淨塵塵灌沐 金軀

佛成道涅槃

先期堂司率眾財送庫司管供養請製疏餘

疏禮同住持上堂祝香云佛成道日某寺住

某甲奉為法界眾生慶發寶香供養本師釋

迦如來大和尚上酬慈蔭次與法界眾同

成 正 次 跌 坐 云 臘 月 八 日 恭 遇 本 師 釋 迦 如

眾嚴備香花燈燭茶果和尙成道之辰率比丘

遠教遠孫比丘某甲陞于此座舉唱宗乘所持

集珠勳上酬慈蔭普頌法界眾生發明自己

次說法竟白云 大佛殿誦經謹白 下座領眾

殿上展拜跪爐維那白佛云 正覺山前觀明

界內揚慧宣疏畢諷經回向涅槃日住持先

於佛殿拈香祝聖諷經畢次第上堂祝香云

佛涅槃日某寺住持遺教遠孫比丘某甲慶

藝寶香供養本師釋迦如來大和尚上誦慈

常住法輪再轉一切有情悟無生忍 次 跌

坐云 二月十五日恭遇本師釋迦如來大和

燔燭茶果珠羞以伸供養住持遺教遠孫比

丘某甲陞于此座舉揚涅槃妙心 下座各具

上酌慈蔭普頌法界 說法竟白云 威儀請大

眾生同圓種智者 三

佛殿下座領眾殿上展拜跪爐維那白佛

經謹白 下座領眾殿上展拜跪爐維那白佛

云 淨法界身本無出沒 宣疏畢諷經回向並

同前 疏語成無量劫來成佛豈假進修眾生日用

不知 示以先覺覺自覺他而成 覺道世

出世間而稱 世尊闡一代之化儀 遵先
佛之遺軌 坐菩提樹魔官隱而無光 現
優鉢花法輪熾然常轉故始喻初日之先照
而 未示拈花之正傳 圓極真常則空有
俱亡聖凡夢幻 埏埴萬化則今古一瞬天

地豪芒願末裔之何知誦 遺言而有惕伏
願色空明暗咸宜 微妙法音蠢動含靈共
證 智慧德相涅槃各赴羣機 法華之囑
累授記 力制後學 遺教之扶律談常矧
拈花得旨付法正傳而落葉歸根畢吾能

事囿於化者終於盡順世無常寓諸幻而返
諸真是名窳滅然 神珠恒照於濁垢而
寶月不避於汙流 大定無方 常住恒河
沙劫 圓機普應 示現千百億身願世相
之難忘臨 諱日而增慕伏願 闢末流之

邪見 回季運之澆漓定慧兼修長如 正
法住世 天魔率化 皆為外護宗綱
佛生中印土姓刹帝利氏瞿曇梵語瞿曇
華言甘蔗其始祖王仙為獵人射死血入
地生甘蔗二本日炙開一生男號甘蔗王

一生女善賢妃生子作轉輪王以日炙又
名日種傳七百世至淨飯王佛以累劫功
行滿足從兜率天降神王官摩耶夫人腹
胎於周昭王二十六年甲寅歲四月八日
生名薩婆悉達七日母喪賴姨母摩訶波

本八

四

闍波提乳養至二十五歲喻城往跋伽仙
林中取劍斷髮脫身寶衣從獵師貿袈裟
為比丘復北度恒河至伽闍山靜坐六年
苦行二食一麻一米以續精氣復自念若
以羸身而取道者彼外道則言自餓是涅

槃因乃浴于尼連河受牧女乳糜釋提桓
因以吉祥草敷坐跏趺于上魔王領兵欲
加迫害百計不能少撓作禮悔罪而去二
月八日明星出時豁然大悟得無上道成
最正覺世相傳以臘月八日或謂周正建于或別有據時年三十

歲矣於摩竭提國阿蘭若菩提場中演說
華嚴小機未入如聾如瘖於三七日觀樹
思惟寧入涅槃梵天帝釋殷勤三請乃詣
鹿苑以三乘教轉大法輪先為憍陳如等
五人說四諦十二因緣六度等教歷十二

年時佛四十二歲至方等會上淘汰弟子
漸已開泰於是彈偏擊小歎大褒圓說維
摩楞伽楞嚴般若大乘等經又三十年時
佛七十二歲說法華經以諸弟子皆可任
重授記作佛方暢本懷又八年為穆王五

本八

五

十三年壬申歲時佛七十九歲佛先往忉
利天為母說法優填王戀慕鑄金為像聞
佛下降金像來迎佛姨母摩訶波闍波提
五百比丘尼舍利弗目捷連七萬阿羅漢
等不忍見佛涅槃同時入滅菩薩四衆天

人八部鳥獸諸王悉集獨受純陀最後之
供為諸比丘說無常苦空復言無上正法
悉已付囑摩訶迦葉當為汝等作大依止
猶如如來又以阿難在娑羅林外為魔所
嬈乃勅文殊云阿難吾弟給事我來二十

餘年聞法具足如水注器欲令受持是涅槃
經文殊奉旨召阿難歸佛言有梵志須
跋陀羅年百二十未捨憍慢汝可告之如
來中夜當般涅槃即與同至聞佛說法得
阿羅漢乃告大眾自我得道度憍陳如最

後度須跋陀羅吾事究竟二月十五日中夜復伸告誡汝等比丘於我滅後當尊波羅提本又是汝大師如我住世無異也於七寶床右脇而卧寂然無聲便般涅槃阿那律升切利天告摩耶夫人自天而下世

尊起為說法開慰復語阿難當知為後世不孝衆生故從金棺出問訊於母時迦葉與五百弟子自耆闍崛山奔至悲哽作禮復現雙足千輻輪相天人各持香薪至茶毗所化火自焚七日乃盡衆收舍利滿八

金壘阿闍世王與八國王及帝釋諸天龍王共爭舍利大臣優波吉諫止宜共分之即分為三一諸天一龍五一分八王而闍王得入萬四千數以紫金函盛於五恒河中作塔藏之

本八

六

帝師涅槃

至日法座上敬安牌位如法鋪設嚴備香花燈燭茶果珍羞供養維那請製疏僉疏佛涅槃同隔宿令堂司行者報衆掛諷經牌正日鳴鐘集衆向座鴈立候住持至上香上湯上食下

覲上茶禮拜畢拈香有法語維那揖班上香大衆普同禮拜住持跪爐宣疏舉呪回向云

上來諷經功德奉為 皇天之下一人之土開教宣文輔治大聖至德普覺真智佑國如意大寶法王 西天佛子大元帝師 上酌慈蔭十方三世一切諸佛云云
疏語 天啓 有元篤生 輔治之 大聖

道尊無上實為 宣文之 法王密贊

化基陰翊 王度 吐辭為經 舉足為法

位居 千佛之中 博厚配地 高明配

天 尊極 一人之上 維茲 聖忌益仰

恩光伏願 重駕願輪 贊四海同文之

治化 卷言像季 振千古正法之宗綱

帝師拔合斯八法號惠幢賢吉祥土波國人也已亥歲四月十三日降生父曰峻南紺藏初土波有國師禪恒羅吉達得正知見具大威神累葉相傳道行殊勝其國王

本八

七

世師尊之凡十七代而至薩斯加哇即師之伯父也師天資素高復禮伯父為師秘密伽陀微妙章句一二千言過目成誦七歲演法辯博縱橫年十有五歲在癸丑世祖皇帝龍德淵潛師灼知真命有歸馳騎

徑詣王府

上與中闈東宮皆秉受戒法特加尊禮閱六

載庚申

世祖聿登大寶建元中統遂尊為國師授以玉印任中原法主統領天下釋教始令僧俗

分司四年辭 帝西歸未朞月趣召來還至

元七年庚午有 旨制大元國宇師獨運摹畫不日而成深愜 聖意即詔頒行朝省郡縣悉皆遵用迄為一代典章升號 帝師大寶法王更賜玉印旋又西歸十一年 上復

專使召至尋又力辭還山 上堅留之不可

十七年十一月廿二日入滅 上聞不勝震

悼追懷連建大率堵波于京師寶藏真身舍

利輪奐金碧古今無儔見翰林學士王磐等奉勅所撰碑後

升號 皇天之下 一人之上開教宣文輔

治大聖至德普覺真智佑國如意大寶法王

西天佛子 大元帝師

報本章終

尊祖章第四

人各祀其祖重其形生之始也形生始於愛

然形有時而化愛有時而盡惟性之靈然不
昧者不恃生而存不借亡而亡故佛教人必
明性而後之學者復膠於文言不得其指歸
猶醫之善方書而廢藥石何益哉及吾祖達
磨至示以直指之道而人始廓然見夫自性

本八

八

之妙不求文字不資語默而得於聲歎聲色
之外則吾徒之傳祖道嗣祖位者如火之薪
水之器無古今之間毫髮之異不猶重於形
生之始乎後百丈大智禪師又作清規以居
吾徒而禪林於是乎始海會端公謂宜祀達
磨於中百丈陪于右而各寺之開山祖配焉
見於祖堂綱紀序云

達磨忌

先期堂司率眾財營供養請製疏佛誼 龢同
隔宿如法鋪設法堂座上掛真中間嚴設祭

筵爐瓶香几上間設禪椅拂子梳架法衣設
榻者 下間設椅子經案爐瓶香燭經卷堂司
非也 行者報眾掛諷經牌當晚諷經并覆來日半
齋各具威儀散忌諷經參前鳴僧堂鐘集眾
候住持至鳴鼓獻特為湯住持上香三拜不

收坐具上湯退身三拜再進前問訊揖湯復

位三拜收坐具鳴鼓三下行者鳴手磬維那

出班念誦云切以宗傳直指悉借潤於餘波

大衆念清淨法身咒 回向云上衆念誦功德

盧遮那佛十號云云 回向云上衆念誦功德

本八

九

下眾散或請就坐藥石昏鐘鳴再鳴僧堂鐘

集眾住持上香維那舉楞嚴咒畢回向云淨

界身本無出沒大悲願力示有去來仰與慈
悲俯垂昭鑒今月初五日伏值初祖菩提達
磨圓覺大師大和尚示寂之辰率比丘眾營
備香饌以伸供養諷誦大佛頂萬行首楞嚴
神呪所集殊勳上酌慈應伏願羣機有賴攝
場少室之家風妙智無窮成就大乘之根器

十方三世次叅頭領衆行者排列喝叅禮拜
一切云云諷經人僕排列叅拜次日早住持上香禮拜
上湯上粥座下側坐陪食粥罷住持上香上
茶維那舉大悲呪畢回向上來諷經功德奉
圓覺大師本和尙上時半齋鳴僧堂鐘集衆
慈庵十方三世云云

向祖排立住持上香三拜不收坐具進爐前
上湯上食請客侍者供迺俟燒香侍者就祖
位側捧置几上退就位三拜仍進前燒香下
颺畢三拜收坐具鳴鼓講特爲茶如湯畢住
持拈香有法語行者鳴鈸維那出班揖住持

上香侍者捧香合次東堂西堂兩序出班上
香大眾同展三拜維那白云淨法界身本無
出沒大悲願力宣疏住持跪爐次舉楞嚴呪畢回向來上
去來諷經功德奉爲初祖菩提達磨圓覺大
師大和尚上時慈庵十方三世云云次行
者諷經疏語 大哉正傳 紹覺皇之宗裔

靡然無聖 破義學之膏盲百川到海迫絕
異流 杲日麗天罄無側影 指人心而成
佛成佛同心 契妙道以忘言忘言見道有
大功於世教宜 廣振於宗風 現濁世
優曇華實爲鼻祖 取神州大乘器盡入殼

中適逢 瘞履之辰爰效采蘋之薦伏願
信衣表 佛祖之重 力任千鈞 一花開

天地之春芳聯萬世

祖師南天竺國香至王第三子也姓刹帝
利本名菩提多羅後遇二十七祖般若多

本八

十

羅尊者知師密跡因試令與二兄辯所施
寶珠發明心要既而尊者謂白汝於諸法
已得通量夫達磨者通大之義也宜名達
磨因改名菩提達磨師乃告尊者曰我既
得法當往何國而作佛事願垂開示尊者

曰汝雖得法未可遠遊且止南天待吾滅
後六十七載當往震旦設大法藥直接上
根慎勿速行衰於日下梁普通八年丁未
歲九月二十一日至南海廣州刺史蕭昂
表聞武帝帝遣使詔迎十月一日至金陵

與帝語不契是月十九日渡江北十一月
二十三日居于洛陽當魏孝明太和十年
也寓止于嵩山少林寺面壁而坐終日默
然人莫之測謂之壁觀婆羅門至太和十
九年丙辰歲十月五日端居而逝其年十
二月二十八日葬熊耳山起塔於定林寺

唐諡圓覺大師塔曰空觀
百丈忌

先期堂司率眾財管供養至日隔宿如法鋪
設法堂座上掛真嚴設中間祭筵上下間凡

本八

十一

案供具當晚諷經正日散忌特為茶湯拈香
宜疏出班上香大衆展拜並同達但無念誦
初夜回向云淨法界身本無出沒大慈願力
示有去來仰真慈悲俯垂照鑒
正月十七日伏值百丈大智覺照弘宗妙行
禪師大和尚示寂之辰率比丘眾營備香爇
以伸供養諷誦大佛頂萬行首楞嚴神呪所
集殊勲上酌慈應伏願曇花再現重開覺花

之春慧日長明永燭昏衢
之夜十方三世一切云云

疏語 一言為 天下法 中矩中規 萬

世知 師道尊 有綱有紀以儼叢林禮樂

之盛見 法筵龍象之多 華梵同文 富

擬名渠天祿 經律相濟 嚴如金科玉條

有布武堂上之儀非綿蕞野外之禮 即

此用離此用 語脫重玄 出於機入於機

理窮眾妙宜配 禪祖以陪祀蓋遵 諱

日而營齋伏願 帝釋精進勝幢 制諸魔

外 濟北陰涼大樹 蔭滿閭浮

師福州長樂人王氏子壯歲離塵三學該練屬馬祖闡化江西法席之盛若大珠南泉歸宗號法龍象而師為上首暨祖示寂泐潭師繼之以眾委湊無所容欲辭去道過新吳憇止車輪峰下有甘貞游暢願施

地延居已而眾復至遂建寺為大招提焉元和九年正月十七日師歸寂彬林不藝而燎靈溪方春而涸四眾悲慘葬于大雄峯先是有異人司馬頭陀者為擇葬地曰傍連三峯未窮其妙法王居之天下師表

而世以為信然云唐長慶元年勅謚大智禪師塔曰大寶勝輪

宋大觀元年加謚覺照塔曰慧聚大元元統三年加謚弘宗妙行禪師

開山歷代祖忌

開山忌及道行崇重功被山門者隔宿鋪設法堂上禮儀百文或無疏庫司備供養若歷代忌不具疏不獻特為茶湯屆期堂司預報庫司備供養請牌位就法座西首鋪設粥罷集眾住待兩序一行排立維那出揖班上香

本八

十二

畢歸位同展三拜侍者班尾拜

至大規云有處就祖堂下

食一位風舉大悲呪回向云寶明空海港死經非禮也生遊誠之波大寂定門融今古去來之相仰真慈俯垂昭鑿山門今月某日伏值前生當山第幾代某號某禪師示寂之辰營備珍羞以伸供養比丘眾誦誦大悲神咒所集殊勳增崇滿位伏願慧日重輝耀祖空光明之種靈或鄉人或根再藥回少林花木之春云云

江湖舉呪回向云上末輒經功德奉為某號大和尚增崇品位十方三世云或有依觀則舉楞嚴呪回向同前

嗣法師忌

先德唯激揚宗乘發明自己開示後學知有授受以報恩也如巴陵三轉語為雲門作忌

先輩深有意焉然尊師重道禮不可廢先期
 住持出已財送庫司辦祭設供隔宿就法堂
 如法排辦堂司行者報衆掛諷經牌當晚諷
 楞嚴呪鄉人法眷舉大悲呪次行者諷經回
 向並同次早住持上粥粥罷大衆諷大悲呪

鄉人法眷舉呪半齋散忌諷經住持上食講
 特爲茶拈香達磨兩序上香大衆同拜蓋在

皆曰參學故也齋時住持入堂燒香展拜歸位衣鉢
 侍者行觀時有就法堂齋畢就座點茶燒

香侍者行禮若講特爲伴真湯齋羅方大客

序晚間對真相伴喫湯排照牌位列座右住
 持揖就座燒香上湯并下相伴人湯退身如
 香晨拜起身問訊謝相伴鳴鼓三下退座如
 有三五人西堂則分作兩座第一座西堂喫
 湯住持行禮第二座兩序喫湯侍者何禮或
 無西堂則已之諷經羅備湯果預請兩序勤
 舊如法眷尊長同門兄弟皆當請之小師
 師孫不可同席坐定住持起上香上湯畢侍
 者燒香
 行湯果

尊祖章終

住持章第五

佛教入中國四百年而達磨至又八傳而至
 百丈唯以道相授受或岩居穴處或寄律寺
 未有住持之名百丈以禪宗寢盛上而君相

王公下而儒老百姓皆嚮風問道有徒實蕃
 非崇其位則師法不嚴始奉其師爲住持而

尊之曰長老如天竺之稱舍利弗須菩提以
 齒德俱尊也作廣堂以居其衆設兩序以分

其職而制度粲然矣至於作務猶與衆均其

勞常曰一日不作一日不食烏有庾廩之富

與僕之安哉故始由衆所推既而命之官而

猶辭聘不赴者後則貴鬻豪奪視若奇貨然

苟非其人一寺廢蕩又遺黨於後至數十年

蔓不可圖而往往傳其冥報之慘有不忍聞

者可不戒且懼乎

住持日用

上堂 凡旦望侍者隔宿稟住持云來晨祝
聖上堂次早再稟分付客頭行者掛上堂
牌報衆粥罷不鳴下堂鐘三下俟鋪法座畢

本八

十四

堂司行者覆首座鳴衆寮前板大衆坐堂方
丈行者覆住持次覆侍者鳴鼓兩序領僧行
至座前問訊分班對立侍者請住持出登座
拈香祝壽詳具祝
禮章 跌坐開發學者激揚此道
若有客併叙序謝多則具目子恐有遺忘侍

者提起或有諸山住持名德西堂座右設位
官客對座設位知禮尊法
則不坐也 五叅上堂兩序至
座下徑歸班立住持登座不拈香餘如
前式 若尊
宿相訪特爲上堂或引座舉揚施主請陞座
不拘時也

古之學者蓋爲決疑故有問答初不滯於
語言近日號名禪客多昧因果增長惡習
以爲戲劇譁然喧笑甚失觀瞻况舉揚宗
乘端祝 聖壽若有官客及名德相過少
致敘陳而今時衲子例責過褒敘謝殊乖

法式如說山門事務則方丈會茶議論毋
談雜事使衆厭聽

晚叅 凡集衆開示皆謂之叅古人匡徒使
之朝夕咨扣無時而不激揚此道故每晚必
叅則在晡時至今叢林坐叅猶旦望五叅陞

本八

十五

座將聽法時大衆坐堂也詳具祝
禮章 若住持至
晚不叅則堂司行者稟命住持覆首座鳴僧
堂鐘三下謂放叅鐘也如住持入院或官員
檀越入山或受人特請或謂亡者開示或四
節臘則移於昏鐘鳴而謂之小叅可以叙世

禮曰家教者是也然亦不鳴放叅鐘謂猶有叅也

小叅 小叅初無定所看衆多少或就寢堂或就法堂至日午後侍者覆住持云今晚令小叅客頭行者報衆掛小叅牌當晚不鳴放叅鐘

昏鐘鳴時行者覆住持鳴鼓一通衆集兩序

歸位住持登座與五叅上堂同提綱敘謝委曲詳盡

然後舉古結座如四節說請頭首秉拂及講

免禮儀詳略使衆通知下座客頭行者喝請

云方丈和尚請西堂兩班單寮耆舊蒙堂侍者禪客即今就寢堂獻湯庫司預

備湯果送上方丈

昔汾陽昭禪師住汾州太子院以并汾地

苦寒故罷夜叅有異比丘振錫而至謂師

曰會中有大士六人奈何不說法言訖昇

空而去師密記以偈曰胡僧金錫光爲法

到汾陽六人成大器勸請爲敷揚時楚圓守芝號上首楚圓即慈明也後住石霜鉢罷常山行時楊岐會公爲監寺闕其出過鼓集衆慈明遽還怒數曰暮而升座何從得此規繩會徐對曰汾州晚叅何爲非規

繩乎慈明領之

告香 每夏前告香新歸堂者推叅頭一人

維那和會定同衆詣侍司稟云新掛搭兄弟

欲求和尚告香普說敢煩侍者咨稟答云爲容

候覆却當相報如住持允從即報堂司出告香圖爲式

本八

十六

後量衆多少列作幾行分東西兩邊面向法

座而立依戒排列預集衆習儀堂司行者率

衆錢買香大小三片及紙作圖之費付叅頭

收至日侍者令客頭於寢堂或法堂鋪設果

恩椅子須用香几三隻燭臺三對當椅前一

字間列外設小拜席堂司行者預逐一報衆

掛告香牌侍者預出小榜貼法堂柱上云奉

頤和尚慈旨名德西堂首座並免告香侍司某謹白至日粥罷諸寮各

鳴板三下衆集依圖位立各備小香合坐具

叅頭同維那侍者入請住持出叅頭歸位同

衆問訊進前云請和尚住持就座副叅迦大

香一片與叅頭同衆問訊挿香各大展三拜

收坐具復同問訊叅頭進椅側問訊稟云某

為生死事大無常迅速伏望和尚慈悲開示因緣住持舉話三則隨

下語歸位問訊挿香一片復同衆就位叉手

而立東西各三人出班東第一第二人過東

爐前第三人過中爐前西第一第二人過西爐

前第三人過中爐前兩兩炷香問訊然後東

三人過東西三人過西以次如前而進徐步

行各巡接班尾三三叉手出班合掌歸位俟

本

十七

各炷香畢次第趨至元位同衆三拜不收坐

具叅頭進云某等蒙和尚慈悲開允下情不勝感激之至復位同

衆三拜進云即日時令謹時共惟堂頭和尚尊候起居萬福復位同

衆三拜收坐具行者鳴鼓五下兩序轉身序

立座前叅頭立西序下其告香人東西轉身

依位對立勤舊蒙堂已告香者立于後普說

竟仍齊向法座立叅頭挿香同衆三拜免則

觸禮進云某等宿生慶幸獲蒙和尚慈悲開示下情不勝感激之至普同

問訊而退叅頭領衆法堂下問謝維那侍者

觸禮一拜次大衆謝叅頭觸禮一拜請客侍

者預依戒次具茶狀備卓袱筆硯告香罷列

法堂下間請茶各僉名請首座光伴齋退鳴

鼓衆歸位立兩侍者行禮與常特為茶同當晚方丈

請叅頭維那侍者藥石首座光伴次早請叅

頭茶半齋請叅頭維那侍者點心若大衆均

入據室坐侍者問訊班左立行者問訊班右立頭首領衆達磨前各炷香三拜聯接而至室前後至者依次炷香展拜接排而立次第相趨不許攙先亂序侍者燒香問訊出外捐首座入入先左足仍以左手香進前問訊

本六

十九

至禪椅右側立聽舉話或下語或不下語隨意過禪椅左問訊退步觸禮一拜舉左足出揖次人入一出一入相向問訊聯接不絕若首座是大方西堂或名德入燒香住持當下座揖讓送出遇陞堂白衆特免此亦近代循襲之儀若占

德當機佛祖不讓寧講世禮顧師家何如耳只後堂領衆暫到皆

當入室侍者居衆後入室畢炷香大展三拜行者挿香三拜住持復出達磨前炷香大展三拜而退

念誦 古規初三十三廿三初八十八廿八

今止行初八十八廿八堂司依戒次寫圖式見後至日僧堂前灑掃午後堂司行者報衆掛念誦牌至叅前檢點僧堂及諸殿堂香燭完備覆住持兩序先鳴方丈板照堂板次巡廊鳴板住持出緩鳴大板三下衆集依圖立定暫

到於侍者下肩立侍者隨住持到祖堂土地堂大殿燒香禮拜鳴大鐘兩序預集堂外大板鳴方歸圖位住持入堂供頭鳴堂前鐘七下聖僧前燒香侍者捧香合書狀侍者徑歸位請客侍者即往西序問訊請湯巡過次請

東序就歸位住持出堂外中立燒香侍者隨出歸位維那先離位至門首向往住持立合掌念誦上八中八云皇風永扇帝道遐昌佛日增輝法輪常轉伽藍土地護法護人十方檀那增福增慧為如大衆默上緣念清淨法身毘盧遮那佛云念每一號堂前輕應鐘一聲念畢疊一聲下

儀生歡喜故

蕭衆 大藏經內載宋翰林學士楊億推原百丈立規之意略曰或有假號竊邢混于清衆別致喧撓之事即當維那檢舉抽下本位掛塔擯令出院者貴安清衆也或彼有所犯即以柱杖杖之集衆燒衣鉢道具遣逐偏門而出者示耻辱也詳此一條制有四益一不污清衆生恭敬故二不毀僧形循佛制故三不擾公門省獄訟故四不泄于外護宗綱故然百丈創規折衷佛律五篇七聚弘範三界梵檀擯治自恣舉過以肅其衆國朝累聖戒飭僧徒嚴遵佛制除刑名重罪例屬有司外若僧人自相干犯當以清規律之若鬪諍犯分若污行縱逸若侵漁常住若私竊錢物宜從家訓毋揚外醜蓋悉稱釋氏准俗同親恪

守祖規隨事懲戒重則集衆箠擯輕則罰錢

罰香油而榜示之如關係錢物則責狀追

陪惟平惟允使自悔艾古規繩頌云盜財并

色污僧倫速遣離又云犯重焚衣鉢應當集

清衆容留即改羣又云衆人山藤聊示耻驅

偏門大慧禪師住育王時榜示堂司僧爭無

明決非好僧有理無理並皆出院或議有理

而亦擯疑若未當蓋僧當忍辱若執有理而

爭者即是無明故同擯之息諍於未萌也

訓童行 凡旦望五叅上堂罷叅頭行者令

本八

三二

喝食行者報各局務行堂前掛牌報衆昏鐘

鳴行堂前鳴板三下集衆行者先佛殿次祖

堂僧堂前前堂寮叅方上寢堂排立叅頭入

方丈請住持出就坐叅頭進前插香退身歸

位緩聲喝云叅衆低聲同云不齊禮三拜屏

息拱聽規誨畢又三拜叅頭喝云重衆齊低

本八

三十三

聲和問訊而退如住持他緣則喝食行者喝
云奉方丈慈 衆云審不次長聲喝云放衆云
齊問訊退

爲行者普說 參頭預詣侍司挿香禮拜稟
侍者咨覆住持如允所請參頭即鳴行堂前

板集衆排立寢堂參頭隨侍者入請住持出

據坐參頭同衆問訊進前挿香退身歸位緩

聲喝云審不衆低聲和畢同禮九拜參頭進云

其等久思和尚示誨 伏望慈悲開示因緣轉身問訊而退次日行

堂掛普說牌報衆設座香几燭臺參頭報衆

請兩序立班副參領衆門迎兩序入堂參頭

堂主詣侍司同請住持下行堂衆迎入據坐

侍者問訊側立兩序問訊畢侍者燒香請法

參頭領衆鴈立挿香喝參三拜退分東西序

後鴈立拱聽開示畢參頭領衆如前排立三

拜即出門外右立揖送住持兩序然後隨至
寢堂挿大香一片九拜而退次詣侍司挿香

三拜參頭副參同住兩序前一拜謝

受法衣 專使送法衣至先相看知客通意

同上侍司煩通覆方丈或即相接或在來早

侍者預令客頭報請兩序至專使挿香如常

禮相看謝茶畢再挿香兩展三禮免則觸禮

詞云某人和尚法衣 以袈裟托呈法衣信物

然後入座兩序光伴茶罷獻湯湯罷兩序同

送安下侍者引巡察別日上堂法座左邊設

住持位專使大展三拜捧衣迺上住持接衣

有法語披衣陞座或嗣法師已遷化法堂右

間設靈几下座致祭諷經如遺書至之禮見

後

迎待尊宿 尊宿相訪須預掛接尊宿牌鳴

鐘集衆門迎彼若尚簡則潛入寺住持必於
寢堂具香燭相接仍令鳴僧堂鐘客頭報首
座領衆插香問訊畢衆退兩序勤舊就陪坐
燒香喫茶罷侍者方插香禮拜帶侍者行
者人僕轎從叅拜方丈執局及叅頭領衆行
者人僕轎番以次叅拜侍者復燒香點湯湯
罷兩序勤舊同送客位客頭令備轎住持同
引巡察報禮侍者隨侍若以下諸山則侍者
引巡察請客侍者具狀詣客位插香拜請特
為湯稟云方丈拜請和尚今晚就寢堂
特為獻湯伏望慈悲降重稟訖

呈狀式見後畢客頭覆云請和尚湯罷
就座藥石寢堂釘

掛帳幕排照牌設特為光伴位鳴鼓行禮揖

坐揖香勸湯湯罷藥石並同常特為禮客頭

詣客位請云方丈請和尚
今晚湯果仍請兩序光伴侍

者覆來早上堂致謝次早請湯侍者燒香行

本八

二四

者問訊僕從聲喏住持相陪喫粥罷請茶
侍者再稟上堂座右設位半齋點心如大尊
宿則首座衆頭首稟住持勸請為衆開示法
要住持先到客位陳意若允首座具狀兩序
大衆同詣客位插香拜請次請住持引座報
衆掛牌法座前左右排位至時鳴鼓住持同
下法堂位前立住持先引座與常上堂同下
座兩序詣尊宿前問訊尊宿往往住持前問訊
歸中普問訊登座侍者兩序出班問訊住持
問訊說法畢下座住持前問訊普與大衆問
訊住持兩序大衆隨詣客位插香拜謝請客
侍者具狀請特為管待山門置食備贖方丈
備貼觀行禮與常特為同若諸山平交斟酌
中禮可也若法眷尊長至先講諸山相見禮
送客位請居中座住持插香禮拜講法眷禮

方丈內坐當讓中位迎送如前禮獻湯躬行
 禮客力辭侍者行禮若嗣法辦事法妖相訪
 當躬至方丈住持即令鳴僧堂鐘集眾人事
 先請住持中坐行弟子法眷禮次講諸山禮
 接送同前但特為湯管待不具狀請客侍者

本八

十五

炷香陳請又看年臘高低臨時通變請湯請
管待請
陞座各有
狀式見後

當寺住持比丘某
晚就寢堂點湯特為伏望
垂降重謹狀 年 月 日 具
當寺住持比丘某
日就寢堂聊備水飯伏望
位狀 年 月 日 具
右某輒以今
尊慈特

垂降重謹狀 年 月 日 具
當寺首座比丘某
日拜請舉揚宗旨開示後學伏望
尊慈俯垂開允謹狀 年 月 日 具
某處堂頭和尚禪師
狀請 具位 謹封

施主請陞座齋僧 施主到門知客接見引

上方丈獻茶湯送安下處若官貴大施主當
 鳴鐘集眾門迎送安下處定施主却請知事
 商議同上方丈炷香拜請陞座至日鋪設法
 座座前設施主位掛上堂牌報眾鳴鼓集眾
 知客同施主上方丈請住持須備手爐燈檠

鏡鉢如儀迎至座前登座入座施主座前設
 拜知客揖引入位聽法但受禮坐
則慢法也下座拜謝
 若齋僧須與知事議定齋料用費維那具僧
 行數目觀資隨數均依僧堂內設施主位與
 住持分手齋畢知事陪施主僧堂前少立待

首座領眾出堂致謝次住持知事到客位謝
 或有寄錢齋僧住持責付知事須當盡數營
 辦供觀慎勿互用當思因果歷然

人天寶鑑云湖南雲蓋山智禪師夜坐丈
 室忽聞焦灼氣枷鎖聲即而視之迺有荷

火枷者火猶起滅不停枷尾倚於門闡智
驚問曰汝為誰苦至斯極耶荷枷者對曰
前住當山守顯也不合互將檀越供僧物
造僧堂故受此苦智曰作何方便可免顯
曰望為佑直僧堂填設僧供可免爾智以

本八

二六

已貴如其言為償之一夕夢顯謝曰賴師
力獲免地獄苦生人天中三生後復得為
僧今門闡燒痕猶存然顯公以供僧物作
僧堂皆僧受用尚受互用之報若此今敲
林撥無因果非唯互用甚至竊常住為已有

者宜何如哉

受嗣法人煎點 若法嗣到寺煎點令帶行
知事到庫司會計營辦合用錢物送納隔宿
先到侍司咨稟通覆詣方丈挿香展拜免則
觸禮請云 來晨就雲堂聊具菲供 伏望慈悲特垂降重 令客頭請

兩序單寮諸寮掛煎點牌至日僧堂住持位
嚴設數陳及卓袱襯幣之具火板鳴大眾赴
室煎點人隨住持入堂揖坐轉身聖僧前燒
香叉手往住持前問訊轉聖僧後出住持引
手揖煎點人坐位居知客板頭行者喝云 大請

衆下 行食徧煎點人起燒香下覲問訊住持
及行衆覲厨司方鳴齋板就行飯鉢訖眾收
鉢退住持卓煎點人燒香往住持前問訊從
聖僧後出爐前問訊鳴鐘行茶徧往住持前
勸茶復從聖僧後出進住持前展坐具云 此

本

二七

薄禮肩廣特辱降重下情不勝感激之至 二展寒溫觸禮三拜送
住持出煎點人復歸堂燒香上下問問訊以
謝光伴復中問訊鳴鐘收盞次詣方丈謝降
重住持隨到客位致謝若諸山煎點候齋辦
請住持同赴堂揖住持坐住持當免行禮揖

煎點人歸位待行食徧起燒香往往住持前問
 訊下觀俵衆人觀燒光伴香歸位伴食茶禮
 講否隨宜斟酌嗣法師遺書至 專使持書
 到寺 禮儀詳見下遺書篇 方丈開書兩序先慰住持法
 堂中間設祭座前拈香有法語舉哀三拜上

湯復三拜進食下觀鳴鼓講特爲禮三拜上

茶鳴鼓三下退座收坐具維那舉楞嚴呪回

向 與嗣法師忌同 兩序四寮江湖鄉人法眷小師辦

事皆有祭住持居靈几之左 如有諸山及座下西堂法眷與

師爲行輩者上祭則住持同 祭畢諷大悲呪

專便各拜以下則不各拜

回向云 上來 願經功德奉爲某寺某號大和

尚增崇品位十方三世一切佛云云

首座領衆慰住持云 法門不幸令師和尚遷化後學失依不勝悲悼

尚與堪忍力行此道

勅修百丈清規卷第二

音釋

闕 口濫切視也 闕 音茲切果息 妖 弋質切

望也臨也 屏 音樹門外也 妖 淫妖也

勅修百丈清規卷第三

本九

大智壽聖禪寺住持巨僧德輝奉

勅重編

大龍翔集慶寺住持臣僧大訢奉

勅校正

請新任持

發專使 凡十方寺院住持虛席必聞於所

本九

司伺公命下庫司會兩序勤舊茶議發專使

修書 頭首知事勤舊 製疏 山門諸 茶湯榜 署 請書記為之如缺書記擇能文字者分為

之用絹素寫榜所請專使或上首知事或勤

舊或西堂首座或以次頭首充之若非知事

充專使亦須以下知事一人同去掌財議事

具須知一冊該寫本寺應有田產物業及迎

接儀從一切畢備山門管待專使一行人從

至起程日詣諸寮相別鳴僧堂鐘集眾門送

三門下釘掛帳設向裏設位講茶湯禮請兩

序勤舊光伴如上首知事去則下首知事行

禮如頭首勤舊去則上首知事行禮揖坐燒香揖香歸位相伴喫茶再起燒香揖香歸位相伴喫湯收盞專使起謝上轎當代住持受請 專使到彼寺先見知客同到庫司接送安下次見頭首及諸寮詣侍司詳稟來歷侍者通覆住持候可否如允請然後令鋪設卓袱安疏帖報兩序至入請住持出專使問訊請跌 住持中立專使插香大展三拜進前云 某崇山門使令攀屈尊嚴得奉慈顏下情不勝感激之至 又三拜詞云 時令謹時共惟新命堂頭 復三拜收坐具住 大和尚尊候起居萬福 且 膺請命有玷宗風 專使持各答一拜詞云 且 屢遠來不勝多感專使呈疏帖書問住持接置几上開書疏看過侍者揖坐 專使於住持對面坐西堂 喫茶畢同兩序送客位堂司行者鳴僧堂鐘大眾詣方

丈作賀庫司備香首座知事各挿香初展詞
法門多幸伏審榮遷歡動再展云即日時
叢林下情不勝喜躍之至令謹時
共惟新命某處堂上大觸禮三拜任持荅一
和尚尊候起居萬福
拜詞云過自揆疎謬偶膺此選衆散知客引專
使巡察畢次第呈納本寺須知儀從什物當

本九

二

晚特為湯藥石至夜湯果皆請兩序勤舊光
 伴庫司排辦

受請陞座 受請已次日陞座侍者分付行
 者預於法座下右邊排列疏帖設位專使預
 稟維那請宣疏帖人侍者覆住持鳴鼓如常

上堂式住持出至位立進香卓專使燒香呈
 疏帖每呈一疏則專使燒香遞上住持逐一
 拈各有法語宣畢專使仍炷香兩展三拜或
 觸禮或免在住持意退卓住持登座提綱叙
 謝結座

專使特為新命煎點 專使先與新命議定
 齋觀輕重合宜兩序勤舊鄉人法眷辦事貼
 觀齋料等費專使親送納庫司置辦至日專
 使詣方丈挿香拜請初展云令辰午刻就雲
望慈悲降重下情再展云即日時令謹時共
不勝戰汗之至惟新命堂頭大和

尚尊候起

居萬福 觸禮三拜任持荅一拜兩序單寮

係方丈客頭同專使行者一一詣寮稟請掛
 煎點牌報衆於僧堂內鋪設主席西堂板頭
 排專使位茶湯榜張于堂外兩側至齋時專
 使僧堂前伺候住持入堂問訊歸位揖坐歸

本九

三

中問訊揖衆坐聖僧前燒香次上下間次堂
 外燒香仍歸堂內住持前上下間及外堂問
 訊仍歸中問訊行食徧燒香下住持觀次行
 大眾觀畢歸位伴齋俟折水出鳴鼓專使再
 起燒香行禮同前行茶徧瓶出如前問訊收

住持蓋專使行禮初展云

其聊備蔬飯伏蒙慈悲降重下情不勝感激

二展叙寒溫觸禮三拜送住持出再

歸堂燒香大展三拜巡堂一匝并堂外復歸

內堂中間問訊收蓋鳴鼓三下退座專使隨

上方丈致謝次詣庫司謝辦齋再詣方丈請

住持至晚藥石至夜湯果皆請兩序勤舊光

伴

山門管待新命并專使 庫司會議管待供

觀如儀上首知事隔日詣新命前插香拜請

次詣客位稟請專使令庫司客頭請兩序勤

舊光伴弊觀當如禮不可輕蔑詞語行禮並

與特為禮同寢堂中敷住持高座專使附位

于右兩序如常列左右勤舊對面位侍者知

事下位遠接僕從管待外當支犒勞所至住

持多因遷赴他山僧行懷其宿憤動致唇吻

傳之官負士庶因一人無知而使一寺蒙其

惡名老成耆宿外護隣峯當戒戢之然為住

持者凡事留遺愛可也

新命辭眾上堂茶湯 至起離日專使詣諸

寮別新命上堂致謝兩序勤舊大眾下座鳴

鼓三下向法座立普與大眾觸禮三拜從西

廊出鳴大鐘諸法器大眾門送行僕門外排

立山門首預釘掛帳設中敷高座向內首座

向外攝居士位西堂勤舊分手光伴東西序

兩邊朝坐上首知事行禮揖坐揖香歸位點

本九

茶收盞再起燒香揖香歸位點湯湯罷起謝

上轎兩序勤舊備轎遠送住持當力免之鳴

大鐘住持轎遠方止西堂頭首受請

專使到寺先見知客同到侍司引見方丈插

香展拜相看茶罷送客位次詣諸寮人事畢

稟侍者同詣方丈咨稟云

某寺今請其人住持

住持報

兩序勤舊同往受請人寮中敷陳疏帖書問

專使挿香行禮與請當代同如不允衆為勸

請受請後住持請新命及兩序勤舊茶送新

命歸客位次第受賀巡察人事晚請新命專

使特為湯藥石湯果兩序光伴受請人陞座

名德西堂前堂專使當隔宿懷香詣方丈觸

禮三拜詞云拜請和尚來日為新命和尚引座次日粥罷法

座右邊排列椅卓卓上安疏帖座右亦設住

持椅子鳴鼓集衆住持出陞座與五叅禮同

令請客侍者請新命跌坐褒羨新命為法而

出勸請舉揚慰衆渴仰舉話有無不拘

松源為掩室引座笑庵為松源引座皆不舉話石橋下為簡堂引座息庵為復庵引座皆舉話

座住持歸座左向外而立專使同知客侍者

往新命前問訊畢新命出住持前問訊次與

本九

五

兩序大眾問訊若新命是嗣法弟子住持付

法衣有法語披衣了進前請住持跌坐大展

三拜不收坐具進詞云早蒙陶鑄仰媿先宗來請既勤難逃公命

下情無任又三拜進詞云即日時令謹時共惶懼之至

又三拜收坐具進前問訊住持答

云斯道所寄一絲九鬥不忝當仁惟與保任却歸座右立專使

度疏帖各有法語若非法嗣即出座前與住

持問訊次與兩序大眾問訊徑歸座右拈衣

拈疏帖有法語專使先稟維那請宣疏帖人

宣畢指座有法語登座垂語問答提綱叙謝

結座下座到住持前兩展三禮初展詞云叨

請命有玷宗風仰蒙玉住持答云喜慶人天

成下情不勝感激之至即日時令謹時共惟

佛日之光下情再展云堂頭和尚尊候起居

多觸禮三拜或講或免隨住持意次與兩序

大眾問訊知客侍者引巡察致謝如嗣法者

下座先至住持前大展三拜退與大眾問訊
然後巡謝同前如以次頭首西堂臨時又在
住持斟酌講行

專使特為受請人煎點 專使詣新命前議
定方丈引座覲資眾覲宣疏帖人及兩序勤

舊江湖鄉人法眷等貼覲至日粥罷專使懷

香詣方丈觸禮拜請云 今晨午刻就雲堂備

伏望慈悲 俯垂降重 復詣新命前拜請同前禮方丈客

頭同專使行者請諸寮各掛煎點牌於僧堂
內住持對面設新命位堂外知客板頭設專

使位其茶湯榜張于堂外兩傍至齋時覆新

命到僧堂前俟住持同入堂問訊專使隨入

堂先揖住持歸位次揖新命歸位燒香行禮

並同前下食行覲茶畢先收新命盞專使進

前兩展三禮送新命出後門專使入住持前

本九

六

兩展三禮送住持出前門復歸堂炷香大展
三拜巡堂一匝并外堂歸中問訊收盞鳴鼓
三下退座當晚湯果藥石光伴同前

山門管待受請人并專使 就寢堂敷設住
持主位新命對面中位左設專使位兩序勤

舊光伴左右位下覲行禮同前受請人辭眾

陞座茶湯 受請人令侍者同專使預詣方

丈稟借法座上堂辭眾座不敷設左設住持

位鳴鼓集眾住持出歸位受請人徑往住持

前問訊次與大眾和南陞座舉揚畢下座先

辭住持觸禮三拜次向法座立辭眾普同觸

禮三拜門首向裏中設特位講茶湯兩序勤

舊光伴上首知事行禮與當代同鳴大鐘送

以次西堂頭首則無辭眾上堂臨行先同專

使上方丈插香觸禮三拜稟辭次巡察辭別

山門首茶湯禮同前

入院

古人腰包頂笠到山門首下笠入門炷香有法語就僧堂前解包屏處濯足取衣披搭入堂炷香聖僧前大展三拜叅隨人同拜掛搭

本九

七

已到佛殿拈香有法語大展三拜次土地堂祖堂炷香各有法語入方丈據室有法語次第開堂祝

聖今時新命到來當看安下處近遠近則首座領眾往迎遠則兩序勤舊而已專使預當計稟住持必先發批免眾遠迎若安下處近當辦湯果兩序勤舊光伴擇日入院庫司一

香舉法語大展三拜鳴僧堂鐘大眾先歸鉢位立定新命入堂炷香叅隨人同展三拜維那當面問訊引巡堂一匝叅隨人先出兩序送新命歸鉢位觸禮三拜次至土地堂祖堂炷香各有法語入方丈據室侍者進前炷香

問訊側立候舉法語畢行者進卓筆硯知事

具狀式見後備拌袂捧呈寺印新命看封付知

事開封新命視篆訖就狀上先僉押次題日

子使印於上知事收狀衣鉢侍者收印退卓

住持起身知事全班進列上首插香兩展三

禮初展詞云慈蒙和尚光據法筵至再展詞云

即日時令謹時共惟新命堂觸禮三拜諸山

及頭首勤舊進前插香受香不草賀畢客頭行

者喝云請諸山兩班勤湯罷請官客諸山點

心若前代住持別遷未赴或退居東堂未據

室前講交代禮新命受草賀了鳴僧堂鐘領
眾躬送前代歸寮對觸禮一拜次首座大眾
作賀行僕皆當參拜

呈寺

當寺庫司比丘 某甲
寺印一顆

印狀

右謹申納
新命堂頭和尚伏候 慈旨 年月日具位狀

山門請新命齋 上首知事候據室後人事

稍畢備梓袂爐燭具狀後見懷香詣方丈請

齋兩展三禮初展云午刻就雲堂備蔬鉢祇
迎伏望尊慈特垂降重

下情不勝
戰汗之至再展叙寒溫觸禮三拜住持各一

拜知事呈狀方丈客頭收庫司客頭鋪設僧

堂內住持位行禮與特為管待同

齋

當寺庫司比丘 某甲 右某甲取午刻就雲堂備
蔬鉢祇迎伏望 尊慈特垂 降重

狀

可漏子狀請 新命云云尊座前 具位 某甲狀
年 月 日 具位 某甲狀 謹封

開堂祝壽 古之開堂朝命下或差官敦請

或部使者或郡縣遣幣禮請就某寺或本寺

官給錢料設齋開堂各官自有請疏及茶湯
等榜見諸名公文集近來開堂多是各寺自
備至時入院侍者分付行者鋪設法座報眾
掛上堂牌具寫官負諸山名目預呈住持於
座右設位鋪卓袂爐燭排列疏帖預先和會

維那宣公文首座宣山門疏以次頭首或諸

山江湖名勝宣其餘疏及預請諸山一人白

椎座前對面排官負位侍者覆方丈鳴鼓眾

集侍者同專使入請住持出鏡鈹幡花挑燈

迎引至法堂位前立如受請時未拈衣當舉

本九

九

法語披衣畢專使進前插香行禮初展云即

伏蒙和尚光據法筵
下情不勝感激之至再展叙寒溫畢觸禮三

拜住持各一拜先呈公文舉法語畢接付維

那宣白次山門諸山江湖疏一一遞上有法

語分送宣讀若見任官請開堂有疏親自捧

迺有法語宣畢拍法座有法語登座拈香祝
聖次拈帝師省院臺憲郡縣文武官僚香侍
者逐一度香惟法嗣香住持懷中拈出自插
爐中斂衣趺坐侍者燒香下座問訊兩序出
班問訊畢侍者再登座燒香問訊禮與旦望

上堂同諸山住持送入院者亦出問訊住持

當令侍者請官負坐諸山上首出白椎鳴椎

一下云法筵龍象衆住持垂語問答提綱叙

謝官負諸山云此日開堂端為祝專使兩序

勤舊略提過詳在小叅時叙陳結座白椎人

復鳴椎一下白云諦觀法王法下座先受官

負作賀畢知事接送客位客頭行者即進爐

燭一字排列座前專使插香兩展三禮畢堂

司行者唱云諸山次唱云西堂展禮唱云知

事兩展三禮又唱云皆座大勤舊蒙堂前資

諸寮齊插香同大眾兩展三禮畢莊庫菴塔
法眷鄉人暫到展賀畢據座侍者小師插香
大展三拜次執局行者插香禮拜次叅頭領
衆行者插香禮拜次直廳轎番莊甲作頭老
郎人僕叅拜畢住持即往客位致謝官負諸

山次第巡察諸寮當陳香几爐燭坐位各具

威儀於寮外伺住持至寮主先於門前下首

立迎入請趺坐插香住持答香畧叙寒温致

謝送出蒙堂前資衆寮皆列門外下首同迎

同送

本九

十

山門特為新命茶湯 茶湯榜預張僧堂前

上下間庫司仍具請狀後式見備梓杖爐燭詣

方丈插香拜請免則觸禮稟云齋退就雲堂

望慈悲稟訖呈狀隨令客頭請兩序勤舊大

衆光伴掛點茶湯牌報衆僧堂內鋪設住持位

近時有齋時聞長板鳴知事入堂炷香展拜
巡堂一匝請茶然特為住持陳賀古規亦無
巡堂請大衆之禮免之為當

齋退鳴鼓集衆知事揖住持
入堂歸位揖坐燒香一炷住持前揖香從聖
僧後轉歸中間訊立行茶遍瓶出住持前
揖茶退身聖僧後右出炷香展三拜起引全

班至住持前兩展三禮送出復歸堂燒香上
下間問訊收盞退座湯與茶禮同但無送住
持出堂湯罷就座藥石

狀 當寺庫司比丘 其 右其敬取令展 禮 就堂
點茶用伸陳 賀之儀伏望 尊慈特垂 降重
年月 日具 位 狀
式 可漏子同齋狀式

當晚小叅 齋罷侍者覆住持云 今晚 小叅 令客
頭報衆掛小叅牌具寫專使兩序勤舊蒙堂
前資諸寮莊庫菴塔暫到入院侍者禪客叅
隨或有相送官客諸山留宿者逐一條列預
用呈稟昏鐘鳴侍者覆方丈鳴板後鳴鼓一

本九 十一

通衆集兩序歸位立定住持出登座垂語問
答提綱畢叙謝行者秉燭侍者呈日子庶得
詳盡下座客頭行者喝云 方丈和尚請諸山
和尚兩班西堂勤
舊蒙堂侍者禪客
即今就寢堂獻湯 知事送官客歸客位湯
果

為建寺檀越陞座 知事須隔宿覆住持次
早侍者令客頭掛上堂牌報衆庫司差人嚴
設祠堂供養粥罷特為上堂陳白事意畢說
法下座集衆詣祠堂炷香點茶湯上供維那
舉經回向

管待專使 知事預稟住持議專使宣疏帖
人觀資輕重方丈備貼觀須令合節至日寢
堂釘掛鋪設位次請兩序勤舊光伴設特為
位請客侍者躬請其餘人則方丈客頭稟請
禮與常特為同

留請兩序 兩序伺管待專使畢約詣方丈
 咨稟告退住持未可遽從侍者令客頭行者
 備湯具梓袱爐燭住持帶侍者詣庫司諸寮
 勉留客頭先報迎住持入分手坐侍者燒香
 點湯盞禮勸留若職過滿亦須寬耐候住持
 稍暇再稟辭退

報謝出入 凡官負禮越諸山相送入院者
 禮應報謝郡縣官府亦合參見如居山林遠
 出令行者傳語庫司首座維那知會出久則
 知事探伺歸期令堂司掛接和尚牌報眾鳴

鐘門迎住持先令傳語免之即往佛殿土地
 堂燒香首座領眾至方丈問訊眾退留兩序
 勤舊獻湯而散侍者方丈執局行者插香禮
 拜次參頭領眾行者禮拜畢住持須巡察報
 禮若在城附郭朝莫出入無時不必講行或

密回方丈兩序勤舊皆當詣方丈問起居無
 準和尚住徑山日化緣多出入每闌齋粥時
 徑歸僧堂伴眾食畢方丈客頭候聖僧侍者
 鳴下堂椎大眾將下地喝云大眾少立方丈和尚巡堂住
 持燒香巡堂一匝出堂又喝云和尚傳語大眾不煩訪及

兩序勤舊亦當詣方丈問訊

交割砧基什物 入院後須會兩序勤舊茶
 詳細詢問山門事務砧基契書什物逐一
 對交割計筭財穀簿書分明關防作幣務在
 詳審

受兩序勤舊煎點 至日首座知事勤舊詣
 方丈插香拜請住持次請侍者小師鋪設住
 持寢堂中位兩序勤舊位如常坐侍者帶行
 小師問訊住持畢兩序勤舊未坐至時首座
 請住持出揖坐行禮若免只燒香進前問訊

下職首座知事勤舊為首三人問訊歸位坐
食畢首座起身燒香如免禮則就坐喫茶諸
山道舊及辦事法眷小師等請寢堂煎點禮
同但煎點人設位高下臨時斟酌

退院

本九

十三

住持如年老有疾或心力疲倦或緣不順自
宜知退常住錢物須要簿書分明方丈什物
點對交割具單目一樣兩本住持兩序勤舊
僉押用寺記印住持庫司各收一本為照公
請一人看守方丈至退日上堂叙謝辭眾下

座過鼓三下而退若留本寺居東堂相繼住
持者須當盡禮温存宋理宗以靈隱寺菜園
為閻妃建寺住山癡絕冲公即日退院躬荷
包笠往遊廬山遣使留之不回高風千古孰
能繼之

遷化

示疾覺沈重預請兩序勤舊點對封收衣鉢
行李就留方丈差公謹行僕看守以俟佑唱
或有標撥俵散物件須要平允毋令恩怨不
均致後爭競若衣鉢微薄務從儉簡遺戒小
師不得披麻慟哭請首座主喪一切佛事並
免但舉無常偈云亡僧津送母費常住母勞
大眾若住持有功山門寺眾念其遺愛或衣
鉢稍豐富當如儀講行喪禮有官負檀越諸山
法眷遺書即當遣送

遺

某寺住持某世緣報謝風燭石停珥有隨身衣鉢檀信施
利非常住物煩兩序抄割端請 某人主行喪事餘條
眾僧看經行喪母致繁多侵用常住幸察此
意伏希 悉及 年 月 日住山 某押

囑

遺 尊宿

早奉 遊從奈合離之有數繼承推挽遂覺
勉於微緣電露我空 雲山益渺敢祈 保

書 鄰封

之法 眷

式 可漏子

護以 壽斯文拜禱不備
 住山無補每依 鄰辟之光夢境元空幸謝
 世緣之幻莫措 面別惟切心馳與 佛日
 以流輝俾 宗風而益振伏惟 珍重
 叨監住山有媿 同門之友因循抱疾將為異
 世之人敬奉手書聊伸 面別光昭 先
 師之令德道在 吾屬之方行無任傾動伏
 惟 珍重

書拜 某人稱呼 某寺比丘 某 謹封
 本九 十四

入龕 初示寂侍者即令客頭行者下僧堂

報眾鳴椎一下白云 堂頭和尚傳語大眾又

鳴椎一下次報諸寮堂司行者鳴僧堂鐘集

眾上方丈吊慰罷首座同兩序勤舊商議發

訃狀 式見後 報諸山發書請人主喪須諸山名

德隣封老成茲法眷尊長茲只本寺首座如

有遺命遵行舉請小師侍者親隨人安排洗

浴着衣淨髮入龕遺偈貼龕左維那領小師

炷香請首座入龕佛事安排寢堂置龕爐燭

几筵供養至時鳴僧堂鐘集眾舉佛事已維

那出念誦云 切以冥權妙密示化迹於人天

堂頭和尚 敬然智月光收萬項之波凡集

心式副十方之威瞻願無地披志有歸是

真徒讚揚聖號為如上緣念 舉大悲呪回向

清淨法身 盧遮那佛云 堂頭和尚 再舉

云 上來念誦 經功德奉為堂頭和尚 當

楞嚴呪回向云 增崇品位十方三世云

夜集眾念誦云 白大眾堂頭和尚已歸真寂

逸為如上緣念 清淨 回向同前二時上粥飯

三時上茶湯大眾諷經見職維那回向同前

近時風俗薄惡僧輩求克莊庫執事不得或

盜竊常住住持依公擯罰惡徒不責已過惟

懷憤恨一聞遷化若快其志惡言罵詈甚至

椎擊棺龕搶奪衣物逞其凶橫主喪者宿諸

山檀越官貴士庶叅學交遊當為外護人誰

無死况是座下叅徒犯者必擯逐懲治主喪

執事若能預申戒飭早令峻格化惡於未萌

本九

十五

尤全外觀之美

狀

某寺喪司比丘 某 右某山門不幸 堂頭和尚
今月某日遽爾歸真謹以訃聞謹狀

式

可滿子 訃告 某處堂頭和尚禪師 具位 謹對
年 月 日某寺喪司比丘 某狀

請主喪 主喪人至鳴大鐘集眾門迎至龕
前炷香首座大眾問訊眾散兩序勤舊送客

位插香展禮主喪人居主位首座分手座定

躬起燒香復位獻茶小師即列前插香大展

三拜方丈執局及叅頭領眾行者相次插香

禮拜後方丈僕從叅拜罷獻湯送兩序出庫

司備點心兩序光伴次第巡察凡主喪者須

老成名德如圓悟為開福寧和尚主喪接月

菴果公以嗣其法可為標格

請喪司職事 主喪人巡察罷兩序勤舊小

師隨到客位呈衣鉢簿遺墨等物會茶議請

喪司職事 書記維那知 并一切佛事 資次 以

次議請除舉哀小叅二佛事係主喪人為之

分孝服 恆重 如無布絹隨宜折錢俵之主喪

人須與首座計會所遺衣鉢多少默作三分

一分准喪司孝服諷經燈燭之費一分歸常

住陪貼供養一分俵大眾看經并佛事板帳

等用主喪人須存公正不可徇私帶行僧行

不得干預執役每日諷經俵餽奠茶湯不拘

兩序勤舊各請一人掌財庶絕浮議聖僧侍

者把帳喪司公差庫子客頭茶頭一行人管

辦事請見職維那同議見職知客接外客喪

本九

司合千人僕排單揭示

十六

孝服 侍者小師 麻布 兩序 帗布 主喪及法

眷尊長 生布 勤舊辦事鄉人法眷諸

山 生絹 檀越 生絹 方丈行者 麻布

眾行者 帗布 方丈人僕作頭 麻布

幹莊客諸僕

麻布

佛事

入龕 移龕 鎖龕 法堂掛真

舉哀 奠茶湯 對靈小參 奠茶

湯 起龕 山門首真亭掛真 奠

茶湯 秉炬 安骨 提衣 起骨

入塔 入祖堂 全身入塔 撒土

如衣鉢豐厚每日奠茶湯添轉龕轉骨等佛事

移龕 入龕三日揜龕鋪設法堂上間掛幃

幃設床座梳架動用器具陳列如事生之禮

中間法座上掛真安位牌廣列祭筵用生絹

幃幃以備上祭下間置龕用麻布幃幕前列

几案爐瓶素花香燭不絕二時上茶湯粥飯

供養諷經仍備挑燈鏡鉢花幡鳴僧堂鐘集

衆請移龕佛事罷移龕下法堂請鎖龕佛事

掛真舉哀奠茶湯 移龕就法堂鎖龕已請

掛真佛事畢如有親書遺言侍者捧呈主喪

人及首座大眾云堂頭和尚臨終遺言呈似首座大眾主喪人

躬接遞與首座以所書香爐上熏授維那讀

過喪司行者貼法堂中間上手幃上主喪白

云堂頭和尚歸窆理合舉哀舉佛事罷舉哀三聲大眾同

哭小師列幕下哀泣舉奠茶湯佛事小師列

真前禮拜歸幃下主喪炷香禮真兩序勤舊

大眾以次炷香禮真小師真左荅拜主喪人

幕下吊慰小師隨禮主喪人三拜次慰兩序

大眾云法門不幸堂頭和尚遽戰化權敢與大眾力為維持後事首座荅

云尚類和尚力賜主張兩序大眾慰小師云山門不幸和尚歸真

且望節哀小師夜守龕幃喪司列排祭次見

貼法堂下間幕上凡祭文皆喪司書記為之

每日或兩次三次上祭無拘蓋檀越諸山來

有先後隨時若法眷門人上祭到門知客接

已即報喪司隨送孝服然後上祭所有賻儀
用餘當歸常住補搗諸山人從支費喪司集
兩序勤舊將抄劄衣鉢議從遺囑留送外估
定新舊短長價直高下庶免唱衣臨時紛紜
對靈小叅奠茶湯念誦致祭 喪司維那同

小師懷香詣客位拜請主喪人大夜對靈小
叅預設座候昏鐘鳴鳴鼓集眾兩序座下問
訊如常主喪人用帶行侍者燒香無則聖僧
侍者代之小叅下座小師羅拜致謝首座領
眾龕前上香立定請奠茶湯佛事畢山門維

那念誦云白大家堂頭和尚入般涅槃是日
樂眾等當勤精進如救頭然但念無常慎勿
放逸恭慕大眾肅詣龕幃誦持萬德洪名奉
為增崇品位仰憑大眾念清舉大悲咒畢回
淨法身毘盧遮那佛云奉為新示寂堂頭
向云上來念誦經功德奉為新示寂堂頭
於生死尚波接羣迷於善提彼岸再畢山門
勞大眾念十方三世一切諸佛云

知客舉楞嚴咒上來誦經功德奉為新示寂
位十方三世堂頭和尚大夜之次增崇品
一切云云 次第一一上祭末舉大悲咒向
同行僕叅拜諷經畢喪司行者唱云請首坐
前座湯 眾散小師方丈行僕終夜守靈
果 祭次 知事 頭首 主喪 西堂

勤舊 蒙堂 江湖 前資 老宿
眾寮 辦事 舊侍者 鄉人 法
眷 諸菴塔 小師 師孫 方丈
行者 六局行者 行堂 方丈僕
轎番 老郎 莊甲 火客 修造

局 諸色作頭

出喪掛真奠茶湯 庫司喪司相關提調喪
儀香亭真亭幢幡唄樂龕前傘椅湯爐挑燈
竹篋柱杖拂子香合法衣等物小師隨龕後
鳴大鐘諸法器送喪起龕念誦云金棺目舉
遷拘尸之

大城幢旛插空赴茶毘之盛禮仰憑大眾稱
念洪名用表攀連上資覺路念清淨法身毘
盧遮那佛云云若全身入喪司維那進燒香
塔則云赴難提之盛禮
引小師拜請起龕佛事龕至山門首請奠亭
掛真奠茶湯俱有佛事兩序大眾門列俟龕
出已山門維那向內合掌中立舉往生咒或

本九 十九

四聖號大眾齊念主喪領眾兩兩分出左右
俵散雪柳齊步並行毋得挨肩交語各懷悲
感都寺押喪喪司維那知客聖僧侍者俵行
喪觀

茶毗 喪至涅槃臺喪司維那俟都寺上香

茶了進前燒香引小師拜請秉炬佛事山門
維那念誦云是日則有新示寂堂頭和尚化
拘尸性火自焚於此日仰憑大眾資助覺靈
南無西方極樂世界大慈大悲阿彌陀佛十
念眾和畢上來稱揚聖號恭贊化儀體格先
宗峻機不容於佛祖用開後學悲心仍攝於
人天救幻化之一百骸入火光之三昧茶舉大
頃一奠香藝一爐頂戴奉行和南聖眾

悲呪回向云上來念誦諷經功德奉為堂頭
三世一山門知客舉楞嚴呪回向同前次鄉
切云云
人舉經大眾同諷畢首座領眾歸寺赴齋小
師鄉人法眷守化收骨齋罷鳴僧堂鐘集眾
仍備儀從迎骨回寢堂安奉請安骨佛事掛

真供養諷經二時上粥飯三時上茶湯或十

日半月大眾諷經靈骨入塔則止

全身入塔 龕至塔所都寺上香茶畢喪司

維那進燒香引小師拜請入塔佛事畢山門

維那念誦云切以雙趺示相紹靈鷲之遺規
隻履顯宗表少林之垂範全機

隱顯盛法始終仰憑大眾資助覺靈南無西
方極樂世界大慈大悲阿彌陀佛十念畢上
來稱揚十念資助往生惟願慧鏡無邊慈雲
廣布四生界內示不生不滅之因六趣道中
藝一爐頂戴奉行和南聖眾 其舉經諷誦
次第並與涅槃臺同但回向則云入塔候掩
壙一切畢備然後請撒土佛事迎真回寢堂

供養主喪炷香禮真次諸山兩序大衆小師

禮真畢小師插香大展三拜謝主喪次兩序

大衆謝主喪詞云山門不幸先堂頭和尚主

喪谷云仰荷匡扶主喪同喪司一行人巡察

致謝次小師巡察拜謝山門維那送見職侍

本九

二下

者侍真侍者歸衆寮每日三時上茶湯集衆

諷經俟迎牌位入祖堂則止或待新任持至

方入祖堂有佛事

唱衣 至期僧堂前或法堂上下間設大衆

坐位中間向裏橫安長卓置筆硯大磬其上

鳴僧堂鐘集衆首座與主喪分手兩序大衆

次第而坐喪司維那知客聖僧侍者向主喪

位坐維那念誦云留衣表信乃列祖之垂規

今茲估唱用表無常仰憑大衆畢開籠出衣

鉢依號排席上請提衣佛事畢維那鳴磬一

下白云夫唱衣之法蓋稟常規新舊短長自

若法衣多添留遺囑次第呈衣維那拈唱喪

司合千人貴在公心主行維那定價打磬行

者瞻顧前後唱定名字知客寫名上單侍者

依名發標習衣畢結定鈔數主喪僉單交鈔

取衣不得徇私減價主喪力主其事今多作

闌拈甚息喧爭其法用小片紙以千字文次

第書字號每一號作三段寫於上仍用印記

關防量衆多少與喪司合千人封定至期呈

過主喪兩序首座開封知客分俵堂司行者

本九

二下

捧盤隨侍者侍者剪取其半置盤內畢以盤

置首座側安水盆於下抖勻維那拈衣唱價

訖首座臨時呼一童行信手拈盤中半闌遞

與首座開看字號分曉說與堂司行者喝某

字號衆人各開所執半闌字號同者即應如

不願唱此號衣物則不應三唱不應首座以半闔投水盆中再令撮起半闔復唱起應者堂司行者往收半號到首座處對同報與維那稱云某物唱與某人鳴磬一下知客上單侍者發標供頭行者遞與唱得人衣物仍舊

入籠次第唱畢維那鳴磬一下回向云上來

念誦功德奉為示寂堂頭和尚增崇品位十方三世云云眾散各自照價

持標取衣三日後不取者依價出賣造單帳

唱衣古法 見大衆章

單式 堂頭和尚示寂謹具衣物估唱鈔

數收支于後

一收鈔若干 係某件唱到

一收鈔若干 係某項收到

一收鈔若干 係某項用度

一收鈔若干 係某項支使

逐一列寫

已上共收鈔若干

共支鈔若干

除支外見管鈔若干 准齋七追修僧行經費用

右具如前

年月日喪司行者某具

呈 把帳執事人兩序典喪各書名餘押

靈骨入塔 至期隔宿准備儀從正日鳴鐘

眾集都寺上香畢請起骨佛事送至塔所請

入塔佛事其舉經諷誦回向並與全身入塔

語同迎真歸寢堂供養及謝主喪人等禮並

本九

三三

同

下遺書 喪事畢主夜請侍者辦事人充專

使分路馳送諸山法眷檀越官負遺書唯尊

宿相見下語須擇能事人充專使至彼寺首

到客司相見知客引見侍司預備梓杖盛書

物侍者詣方丈通覆住持當即相接令請兩

序同開書專使進前問訊云請和尚若住持

垂語須下語挿香展禮住持免則觸禮如常

相看燒香喫茶罷待兩序至專使起爐前謝

茶再挿大香一片展禮稟云某處和尚某月某日歸寂遺書

遺物今即呈書物住持云法門衰落兩序進

問訊首座分手就坐專使住持對面退一位

坐茶罷起身住持白云法門不幸某處和尚歸寂不勝哀感侍

者備書剪托書物侍者度書與住持接就爐

上熏付侍者送與維那行者度剪開緘宣讀

已侍者揖專使上住持對面位坐面堂權趨

讓侍者燒香點湯送專使歸安下處先住持

問訊次侍者兩序問訊知客引巡察先庫司

次頭首寮單寮蒙堂四寮侍者稟請特為湯

湯罷藥石至晚湯果大方遺書至兩序光伴

本九

二十三

以次兩序上首維那侍者光伴請書記作祭

文方丈祭文或住持自作江湖法眷辦事皆

當備香致祭侍者一一提點次早方丈請茶

法堂下間設靈几排祭侍者覆上堂行者報

眾掛上堂牌座下備桌袱盛書物座左排住

持位鳴鼓眾集住持出法座下位前立鼓絕

進香桌知客引專使住持前行禮挿香初展

云輒持遠墨仰讀尊慈再展云即日時令謹

下情不勝惶恐之至起居多福觸禮三拜呈遺書住持接書爐上

熏付侍者遞維那宣讀專使問訊住持畢歸

知客班後立住持陞座下座詣靈几前炷香

點湯上祭點茶展拜專使座右還拜維那出

班揖住持燒香侍者搥香合兩序上香畢住

持兩序展拜維那宣祭文住持復展拜專使

答拜舉楞嚴呪回向云七未編經功德奉為

某處和尚增崇品位

十方三世云云兩序四寮江湖辦事鄉人皆致祭專使恭拜以下法眷小師辦事專使不恭拜畢舉大悲呪回向專使出靈前兩展三禮謝住持免則觸禮次巡察致謝然後山門管待專使請兩序光伴若前住持本寺一併入祖堂

諷經了就便迎牌到祖堂住持拈香安牌有法語安已專使即拜謝住持若當代入祖堂寢堂安骨諷經三日待新任持入祖堂或無遺書遺物與當代住持其徒自爲入祖堂者初到寺見侍者引見住持挿香展拜相看燒

香喫茶起身稟意畢送安下處次到頭首庫司單寮蒙堂諸處相看擬日辦供儀觀法堂致祭諷經牌入祖堂住持有法語禮與前同管待主喪及喪司執事人山門當備供轎高下一一如儀仍請兩序勤舊光伴首座攝

本九居主席就方丈坐排照牌都寺行禮與常持爲同茶畢鳴鐘集衆門送主喪人

議舉住持

兩序勤舊就庫司會茶議請補處住持仍請江湖名勝大衆公同選舉須擇宗眼明白德劭年高行止廉潔堪服衆望者又當合諸山輿論然後列名僉狀保申所司請之若住持得人法道尊重寺門有光爲勤舊知事者不可以鄉人法眷阿黨傳會不擇才德惟從賄賂致有樹黨徇私互相攙奪寺院廢湯職此之由切宜慎之切宜慎之

明教大師曰教謂住持者何謂也住持也者謂藉人持其法使之永住而不泯也夫戒定慧者持法之具也僧園物務者持法之資也法也者大聖之道也資與具待其

人而後舉善其具不善其資不可也善其資而不善其具不可也皆善則可以持而住之也昔靈山住持大迦葉統之竹林住持以身子尸之故聖人之教盛聖人之法長存聖人既隱其世數相失茫然又乎吾人傲倖乃以住持名之勢之利之天下相習沓焉紛然幾乎成風成俗也聖人不復出其軌爲之正外衛者不視不擇欲吾聖人之風不衰聖人之法益昌不可得也悲夫吾何望也

本九

于五

住持章終

勅修百丈清規卷第三

音釋

抹 音拈
 也 義同
 闔 亂鳩二音
 取也
 賻 扶句切以財助喪也
 墮 苦誘切空也穴

勅修百丈清規卷第四

本十

大智壽聖禪寺住持臣僧德燿奉 勅重編

大龍翔集慶寺住持臣僧大新奉 勅校正

兩序章第六

兩序之設為衆辦事而因以提綱唱道黼黻

本十

宗猷至若司帑庾歷庶務世出世法無不閑習然後據位稱師臨衆馭物則全體備用所謂成已而成人者也古猶東西易位而交職之不以班資崇卑為謙今歧而二之非也甚而黨鬪強弱異勢至不相容者有矣惟主者申祖訓以戒之欲其無爭必慎擇所任使各當其職人無間言可也

西序頭首

前堂首座 表率叢林人天眼目分座說法開鑿後昆坐禪領衆謹守條章齋粥精粗勉

諭執事僧行失儀依規示罰老病亡歿垂恤送終凡衆之事皆得舉行如衣有領如網有綱也雖大方尊宿若住持能以禮致之亦請充此職謂之退位為人如文殊為七佛師猶助釋迦揚化為衆上首吾宗睦州於黃檗雲

門於靈樹光照前烈詒訓後來名位之重可輕任耶

祖庭事苑云首座即古之上座梵語悉替那此云上座一耆年二貴族三先受戒及證道果今禪門所謂首座者必擇其已事

已辦衆所服從德業兼修者充之

後堂首座 位居後板輔贊宗風軌則莊端為衆模範蓋以衆多故分前後齋粥二時過堂及坐禪則後門出入如缺前堂住持別日上堂白衆請轉前板挿單唱食其坐禪坐叅

只衆寮前第三下板即入堂不必鳴首座寮
前板餘行事悉與前堂同

書記 即古規之書狀也職掌文翰凡山門
榜疏書問祈禱詞語悉屬之蓋古之名宿多
奉朝廷徵召及名山大刹凡奉

本十

二

聖旨勅黃住持者即具謝表示寐有遺表或
所賜所問俱奉表進而住持專柄大法無事
文字取元戎幕府署記室叅軍之名於禪林
特請書記以職之猶存書狀列於侍者使司
方丈私下書問曰內記云而名之著者自黃

龍南公始又東山演祖以是職命佛眼遠公
欲以名激之使兼通外典助其法海波瀾而
先大慧亦嘗充之凡居斯職者宜以三大老
爲則可也

知藏 職掌經藏兼通義學凡看經者初入

經堂先白堂主同到藏司相看送歸按位對
觸禮一拜此古規也今各僧看經多就衆寮
而藏殿無設几案者然充其名當盡其職函
帙目錄常加點對缺者補完蒸潤者焙拭殘
斷者粘綴若大衆披閱則藏主置簿照堂司

所排經單列名逐函交付看畢照簿交收入
藏庶無散失推原吾宗既曰教外別傳猶命
僧專司其藏者何也以佛之所言所行爲教
律而僧有不遵佛之言行乎特吾之所證所
得不溺於文字而超乎言行之表以見夫自

本十

三

性之妙焉又祖之意欲吾徒徧探諸部與外
之百氏期以折衝外侮應變無窮所謂不即
不離者是也後以衆多列東西藏
知客 職典賓客凡官員檀越尊宿諸方名
德之士相過者香茶迎待隨令行者通報方

丈然後引上相見仍照管安下去處如以次人客只就客同相款或欲詣方丈庫司諸寮相訪令行者引往其旦過寮床帳什物燈油柴炭常令齊整新到須加溫存維那在假則攝其行事僧堂前檢點行益客僧粥飯遇亡

僧同侍者把帳暫到死主其喪雪竇在大陽禪月在石霜皆典此職毋忽

知浴 凡遇開浴齋前掛開浴牌寒月五日一浴暑天每日淋汗鋪設浴室掛手巾出面盆拖鞋腳布叅頭差行者直浴齋罷浴頭覆維那首座住持畢鳴鼓三下浴聖桶內皆着少湯燒香禮拜想請聖浴次第巡廊鳴板三下徧鳴鼓第一通僧衆入浴第二通末頭首入浴第三通行者入浴此時住持方入以屏風遮隔而浴第四通人力入浴監作行者知

事居未浴就彈壓之併點視令息竈中火及炭煤水洒乾淨有餘柴搬於遠處其入浴資次當刊揭浴室外今時謂住持殿頭首後浴住持有故欲同頭首先浴則不用設屏障不入小閣內只頭首板頭解衣室內掛小板芳釘小牌書云鳴板一聲添湯二聲添水三聲則止以此為節

如施主設浴則課經回向能妙觸宣明成佛子住則功不浪施矣

知殿 掌諸殿堂香燈時時拂拭塵埃嚴潔几案或遇風起須息爐內香火及結起幡腳防願使勿近燈燭施主香錢不得互用佛誕

本十

四

日浴佛煎湯供大眾四齋日開殿門以便往來瞻禮

侍者燒香書侍者之職最為近密觀道德於

伏請客

前後聽教誨於朝夕親炙叅扣期法道底于大成而禮節常宜恭謹慶喜之侍瞿曇香林

之侍雲門佛祖重寄其可忽諸

凡住持上堂小叅普說開室念誦放叅節臘特為通覆相看掛搭燒香行禮記錄法語燒香侍者職之 凡住持往復書問製作文字先具草呈如闕書記山門一應文翰書狀侍

者職之 凡住持應接賓客管待尊宿節臘特為具狀行禮請客侍者職之或維那知客俱不赴衆或在假其行事三侍者皆當攝之或云書狀不當干涉餘事無據若住持久出則歸衆行立暫出則不離班位

衣鉢侍者班不立先輩多以叢林老成之士為之蓋能納忠救過羅致人才內外庶事通變圓融庶幾上下雍肅如密菴有如侍者而得松源世其家東叟得昇首座而家法益嚴今諸方往往任後生晚輩甚致敗德悞事可不

慎歟

湯藥侍者班立朝暮供奉方丈湯藥左右應接佐助衣鉢侍者撫恤近事行僕或暫缺侍者客至通覆燒香或缺人回向皆宜攝行須擇年壯謹愿者充之

聖僧侍者班不立班在衆後行道堂外貴有道心齋粥二時上供鳴下堂推朝夕交點被位中夜剔燈同維那交收亡僧唱衣錢住持遷化把帳頭首秉拂則為燒香或代鳴推念佛職滿在本山當預侍者名退耕斷橋二老在衆時常充此職以能結衆緣而勵志于道也

東序知事

都監寺 古規惟設監院後因寺廣衆多添都寺以總庶務早暮勤事香火應接官員施主會計簿書出納錢穀常令歲計有餘尊主

愛衆凡事必會議稟住持方行訓誨行僕不
妄鞭撻設當懲戒擯罰亦須稟議量情示警
毋縱威暴激變起訟差設莊庫職務必須公
平毋用私黨致怨上下昔叢林盛時多請西
堂首座書記以充此職而都監寺亦充首座

書記否則必臘高歷事廉能公謹素為衆服
者充之既無取於公而道福殊勝上下美留
雖連年不易或數請再充又何傷焉故所在
單寮勤舊不滿五六人副寺以下非歷三次
不歸前資監寺非三次不歸蒙堂都寺非三
次不得居單寮再請出充者公界封鑰元房
以避嫌疑齋粥二時必赴堂則行僕行益自
然整肅如楊岐之輔慈明石窻之輔宏智可
為法則

僧史曰知事三綱者若網罟之巨繩提之

則百目正矣本十梵語摩摩帝此云寺主即今
之監寺也又大集經云僧物難掌我聽二
種人掌三寶物一阿羅漢二須陀洹更復
二種一能持淨戒識知業報者二畏後世
罪有諸慙愧者

維那 綱維衆僧曲盡調攝堂僧掛搭辨度
牒真偽衆有爭競遺失為辨析和會戒臘資
次床曆圖帳凡僧事內外無不掌之舉唱回
向以聲音為佛事病僧亡僧尤當究心每日
二時赴堂堂前鐘鳴離位入堂聖僧前左手
上香退兩步半問訊合掌而入推邊立先看
逐日回看神示名位鐘鼓絕鳴推一下衆展
鉢已再鳴推一下合掌默回向當日神示左
手按砧舉云仰憑大眾念清淨法身毘盧
遮那佛圓滿報身十號云云右
手鳴椎高不過五寸聲絕方下推急緩合度

俟首座唱食至第三句將畢轉身退至立僧板頭立俟行食徧進前鳴椎一下合掌至聖僧前問訊出堂歸鉢位若施主齋僧行觀徧食椎後從聖僧後轉左邊朝首座問訊復鳴椎一下而出爲請施財也或有他緣或暫假

本

七

出入將戒臘簿假簿堂司須知簿親送過客司令攝之

寄歸傳云維那華梵兼舉也維是綱維華言也那是梵語羯磨陀那刪去三字從畧此云悅衆也又十誦律云以僧房中無人

知時打鍵巨寒切 椎音 又無人塗治掃洒講堂食處無人相續鋪床衆亂時無人彈壓等佛令立維那又聲論翻爲次第謂知僧事之次第也

副寺 古規曰庫頭今諸寺稱櫃頭北方稱

財帛其實皆此一職蓋副貳都監寺分勞也掌常住金穀錢帛米麥出入隨時上曆收管支用令庫子每日具收支若干僉定飛單呈方丈謂之日單或十日一次結筭謂之旬單一月一結一年通結有無見管謂之日黃總

簿外有米麩五味各簿皆當考筭凡常住財物雖毫末並是十方衆僧有分如非寺門外護官員檀越賓客迎送慶吊合行人事並不可假名支破侵漁其上下庫子須擇有心力能書筭守已廉謹者爲之病僧今用供給之物即時應付如倉庫踈漏雀鼠侵耗米麥蒸潤一切物色頓放守護有不如法者並須及時照管處置

典座 職掌大衆齋粥一切供養務在精潔物料調和檢束局務護惜常住不得暴殄訓

衆行者循守規矩行益普請不得怠慢撫恤園夫栽種及時均俵同利二時就厨下粥飯食不異衆粥飯上桶先望僧堂焚香設拜然後發過堂

直歲 職掌一切作務凡殿堂寮舍之損漏

本十

者常加整葺動用什物常閱其數役作人力稽其工程黜其游墮毋縱浮食蠹財害公田園莊舍碾磨碓坊頭疋舟車火燭盜賊巡護防警差撥使令賞罰惟當並宜公勤勞逸必均如大修造則添人同掌之

列職雜務

寮元 掌衆寮之經文什物茶湯柴炭請給供需洒掃浣濯淨髮梳巾之類每日粥罷令茶頭行者門外候衆至鳴板三下大衆歸寮寮長分手寮主副寮對面左右位副寮出燒

香歸位茶頭喝云豁大衆和南遇旦望點湯鳴板集衆燒香行湯如常禮寮主副寮 凡安衆處寮元照戒次自下而上請充之寫定名字預貼牌上十日一替佐寮元辦事旦暮僧衆歸堂巡視經案或有遺忘什物者眼同

收拾付還及交點本寮什物提調香燈茶湯毋容外人止宿及寄賣物件猶預定望寮一名使以次挨補副寮若寮主遇滿從維那請交代副寮遇滿從寮元請交代延壽堂主看視病僧湯藥油燭炭火粥食五味常備供

本十

九

須公界倘缺若自己豐裕結緣應付或勸化施主措辦床席衣被狼籍穢汚為其洗浣毋生憎嫌八福田中直病為第一也

淨頭 掃地裝香換籌洗厠燒湯添水須是及時稍有狼籍隨即淨治手巾淨桶點檢添

換凡供此職皆是自發道心將交替時堂司預出小榜云下次淨頭缺人如願結緣者收榜白堂司然後覆住持請充之

化主 凡安眾處常住租入有限必籍化主勸化檀越隨力施與添助供眾其或恒產足

用不必多往干求取厭也

園主 不憚勤苦以身率先栽種菜蔬及時灌溉供給堂厨母使缺乏

磨主 兼主碓坊米麩供眾極有關係須擇有道心人諳曉春磨等事者充之

水頭 五更燒湯供大眾盥盥手中面盆燈燭牙藥母令缺少冬月烘焙手中須早起鋪排勿致臨時動眾念

炭頭 預備柴炭以禦寒事或化施主或出公界須令足用

莊主 視田界至修理莊舍提督農務撫安莊佃此少事故隨時消弭事關大體申寺定奪近時叢林凋弊百出而莊中尤甚畧舉其三諸方通害初爭莊職安能徧及構怨住持上下不睦一也一充其職離寺相遠靡所不

為致爭起訟供眾錢糧盡皆耗費復積逋負以累于後因而紀綱不振莊佃生侮租課不還其弊二也縱使老成能事充之而州縣應酬吏胥管幹鄉都職役鄰里富豪皆合追陪既啓其端稍有不及便生罅隙雖不明支而

本

十

巧立除破公私無益故莊中之費或半於寺其弊三也只如大家業產巨富不聞分遣子弟徧居莊所蓋耕種有佃提督則有甲幹收租之時自有監收僧行此外縱有輸納修圩俵糧等項只臨時分委勤舊知事限期使辦

事畢旋歸非唯省費有補常住而消禍未萌
公私攸濟今諸方之廢如逃亡家住持勤舊
能恤念寺門欲擄費救弊汰除濫冗請自此
始其初例有當重難而應充莊職者別議酬
補之

諸莊監收 古規初無莊主監收近代方立
此名此名一立其弊百出為住持私任匪人
者有之因利徇者有之為勤舊執事人連
年佔充者有之托勢求充者有之樹黨分充
者有之角力爭充者有之蠹公害私不可枚

舉雖欲匡救末如之何倘得廉正勤舊輔佐
住持公選區用或對眾闡拈之充充此職者
當克己為念奉眾為心毋苛取佃戶毋虧損
常住則自他俱利矣

請立僧首座

其事嚴重不可輕舉如大方西堂名德首座
行解素為眾所推服者委曲陳情如有允意
特為上堂言此間多眾宜得當人相與建之
法幢開大爐鞴山中幸有某人知見高明慧
命所寄少刻下座同兩序大眾拜請為眾開

室伏望慈悲特垂開允下座方丈行者以梓

袂盛入室普說二牌即於座下同大眾拜請

詞云 大眾傾心久思示誨 伏望慈悲特賜開允受請人隨詣方丈

炷香觸禮拜謝詞云 某甲幸獲依棲貴國歲 拙既蒙見舉不敢有違

答云 佛法寄重 仰祈垂情謝已堂司行者鳴僧堂鐘大

眾同送歸寮住持對觸禮一拜送出次與天
眾問訊維那詣寮議請侍者一人掛普說牌
預鋪設照堂禪椅拂子拄杖爐燭鳴鼓一通
眾集立定立僧歸位維那出班燒香同大眾
再下拜申請立僧跌座兩序問訊住持問訊

立僧普說竟維那同大眾再下拜伸謝立僧

即懷香詣方丈致謝兩展三禮詞云既蒙使

承當慈悲包仍往庫司諸寮舍問訊方丈備

草飯請特為湯藥石至晚湯果兩序光伴立

僧侍者預席次日住持請僧堂持為茶請客

侍者具於榜式見請寮插香拜請禮與特為

新首座同立僧當特為首座大眾茶與前堂

特為後堂大眾禮同別日方丈管待請兩序

光伴

請名德首座

住持須預稟露如有乞意方丈先請茶兩序

光伴即鳴鼓陞座更不報衆住持委曲致懇

下座與大眾同伸拜請鳴鐘送歸寮茶湯管

待禮與前同進退不混兩序無交代也

榜

堂頌和尚今晨齋退就雲堂點茶特為
新命首座耶旌陳賀之儀仍請

式

兩序進退

本十
諸知事
大眾同垂
今月
日侍司
某敬白

頭首務擇才德相當者為之而近之庸流責
以飲食延接為事使守貧抱道之士愈甘退
藏叢林何由歆艷住持當革其弊可也知事

古規只列監院維那典座直歲庫頭五員而
已職滿鳴椎白衆告退歸堂隨衆初無單寮
榻位故叢林鼎盛近來諸方大小勤舊動至
百數僕役倍之而僧堂間無一人泰定間脫
歡丞相領行宣政院分上中下三等寺院額

定歲請知事員數正為此也宜遵行之凡職
事將滿預請方丈稟退如擇進退日定住持
令行者報兩序知當晚昏鐘鳴舊知事一班
請方丈插香告稟觸禮一拜納庫記鑰匙而
退就中或有再留者住持隨送到庫司侍者

燒香點湯勉留次早五更鐘鳴頭首一班懷香詣方丈觸禮一拜告退或有留者亦同前禮點湯留之住持以擇定人名目子并西堂勤舊令客頭行者請粥罷會茶其舊知事一班候僧堂行粥徧從後門入上首鳴椎一下

云白大衆某等昨蒙堂頭和尚慈旨令歸庫司今來心力疲倦告退歸堂隨衆謹白

再鳴椎一下從聖僧左出住持前兩展三禮

初展云某等昨蒙甄錄自愧匪才下情無任愧悚之至再展叙寒温

畢觸禮三拜退身從聖僧右出聖僧前大展三拜轉身從首座板起巡堂一匝中間問訊

而退粥罷行者守請新人至寢堂獻茶畢住

持躬起燒香一炷歸位白云前兩序告退此務不可缺人拜

請某人充知事某人充頭首逐一標名白訖住持出就爐前立侍

者揖請新人至住持前對觸禮一拜新知事

同進前兩展三禮初展云某等乍入叢林諸事生疎過蒙使令

下情不勝恐懼之至再展云即日時令謹時共惟堂頭和尚尊候起居多福觸禮三拜住持吞一拜新頭首進前兩展三禮致詞同前轉位獻湯咸淳規揖坐揖香揖湯晚有特焉此可免講不講在住持意湯罷謝禮或展或免供頭鳴僧堂鐘大衆歸鉢位立定住持入堂先送

前堂首座以次頭首隨歸鉢位各觸禮一拜

次送後堂對觸禮一拜新知事一班預立於

西堂板頭住持歸位維那往往住持前問訊側

立如維那已退則知客侍者代行禮住持付目子與之當面

問訊從聖僧後轉鳴椎一下云白大衆前知事告退此務

不可缺人適奉堂頭和尚慈旨請某人某職某人充某職職謹白復鳴椎一

下侍者即揖請新知事一班往往住持前觸禮

一拜維那白云請知事訖又鳴椎一下知事一班

兩展三禮致詞並與前同知事轉聖僧後右出聖僧

前排立大展三拜維那引巡堂一匝歸中間

訊橫退過西堂板頭立堂司行者喝云大眾禮

新知普同觸禮一拜畢又喝云新知事禮普

同觸禮一拜畢又喝云大眾送新知供頭行

者鳴僧堂鐘住持送入對觸禮一拜送住持

出與舊人交代互轉身對觸禮一拜送舊人

本十

出侍者先賀次頭首領眾賀畢行者喝云大眾

送新首再鳴鐘送賀畢喝云大眾送新維又

鳴鐘送賀畢逐一喝云兩班勸舊送新後堂

歸送賀交代禮並同前又各喝云大眾送舊

歸亦鳴鐘送賀畢各喝云兩班勸舊送以次

堂前禮亦如前送住持出寮主先相接交互

轉身對觸禮一拜不送出然後受賀俱畢新

舊人各懷香即詣方丈拜謝新人香係庫司

備謝畢新舊人同巡察方丈請半齋點心齋

時草飯仍請西堂勤舊光伴列職雜務待請

兩序了別日詣堂司告退次第擇人交替

掛鉢時請知事

有處住持不先和會默擇人定預分付堂司

行者於僧堂早粥罷掛鉢時喝云大眾少立

維那入聖僧前燒香巡堂一匝至住持前問

訊側立住持付所請人名自子接訖當面問

訊從聖僧後轉鳴椎一下云白大眾適奉堂

某知事逐一白訖侍者揖請新人至住持前

受職與前禮同曰方丈會茶請頭首禮並同

前

本十

侍者進退

本十

請兩序畢舊侍者隨住持上方丈咨稟云某

久侍和尚今欲告退插香大展三拜而退住

持批下堂司請新侍者維那令行者照批請

仍請寮元勸請同就堂司茶揖入燒香點茶

畢起身再燒香入云通奉堂頭和尚慈旨令請某甲上座充某侍者

逐一白訖揖受請人進前普觸禮一拜轉位

維那行禮揖坐揖香歸位坐獻湯畢引上方

丈住持出維那進前稟云通奉慈旨令請某

禮拜住持據坐新侍者挿香大展三拜畢維

那送歸寮對觸禮一拜侍者送出却與舊人

交代頭首禮同咸淳規載亦有住持自送侍者歸寮侍者當觸禮一拜送

出至大規載若名德之士住持躬送入寮對觸禮一拜維那攸賀而已勿視為常

方丈行者直廳轎番拜賀堂司行者引新舊侍

者同巡察畢新侍者再上方丈炷香拜謝舊

侍者早晚伺同新侍者方丈問訊三日後住

持批下堂司送歸衆寮與維那交互對觸禮

一拜送維那出次與寮元問訊畢仍上方丈

炷香拜謝聖僧侍者係維那擇人和會充職

後引上方丈禮拜隨例茶湯點心管待

寮舍交割什物

寮舍什物常住置辦不易往往職事人視為

傳舍臨進退時鄉人各自搬移蕩然一空使

新入寮者茫無所措未免具數到庫司需索

不至因此上下唇吻不安設若應副重費常

住庫司當置總簿具寫諸寮什物住持知事

僉定仍分置小簿付諸寮兩相對同新舊相

泐交割損者公界修補缺者本寮賠償將進

退數日前副寺帶行者費簿到各寮預先點

對分曉責在本寮人僕毋得走失違者賠償

本十

十六

或有增添數目隨即同附簿庶可稽考也

方丈特為新舊兩序湯

請客侍者令客頭行者備梓袱爐燭詣新舊

前堂首座處炷香觸禮一拜稟云堂頭和尚

寮堂特為獻湯次新舊都寺前炷香無拜詞語同前

以次新舊兩序令客頭請弁請勤舊光伴釘掛寢堂鋪設坐位光伴分手新頭首一出新知事二出舊頭首出舊知事四出餘勤舊預光伴者列主伴兩邊西序居左東序居右燒香侍者預排照牌至時鳴鼓客集同請客侍者行禮小座湯禮同至晚湯果次日粥罷請新舊人茶庫司亦請茶然不及赴方丈茶罷却往致謝半齋庫司點心仍提調送舊人粥飯三日

堂司特為新舊侍者茶湯

草飯罷維那令堂司行者請新舊侍者弁聖僧侍者叅前就寮獻湯堂司設位排照牌請寮元光伴鳴寮前板接入揖坐禮與庫司同當在方丈特為湯之先庶不相妨行禮候方丈特為新首座茶罷則堂司亦請新舊侍者特為

茶次日當專致謝

庫司特為新舊兩序湯藥石

草飯罷令客頭行者備盤袱爐燭上首知事請新舊首座舊都寺處炷香詞云今晚方丈湯罷就庫司特為獻湯伏望降重客頭隨後請云湯罷就坐藥石及請新

舊大小職事仍請西堂勤舊光伴設位排照牌位分四出新頭首一出舊頭首二出舊知事三出莊庫四出新知事亦依班排位獨維那就座光伴勤舊如方丈排位候方丈湯罷庫司鳴板各依照牌立定都寺巡座揖坐畢燒香揖香依坐位出頭巡問訊歸中燒光伴香歸位坐進湯湯罷起身出詣爐前謝湯畢抽衣就坐藥石

堂司送舊首座都寺鉢位

維那於兩序進退三日後未開靜時分付堂

司行者引人力挑燈請舊首座都寺就堂司
獻湯維那接入炷香喫湯畢白云清職既滿山門禮合
延送鉢位引至僧堂從後門入先送首座次送都
寺歸各板頭各觸禮一拜當日掛鉢赴堂

方丈管待新舊兩序

住持特為上堂一一標名叙謝畢新舊人就
座下拜謝請客侍者令客頭行者備伴袱爐
燭香合詣新舊首座都寺前炷香陳請云方丈
和尚午刻請就寢堂管待客頭請以次新舊人并勤舊光
伴寢堂設位排照牌客集報住持出接各入

座依照牌立定燒香侍者與請客侍者巡揖
坐畢燒香進卓侍者一班列住持前問訊入
位行湯下食畢至行飯時燒香侍者離位燒
香下颺飯畢退卓鳴鼓講茶禮與特為鳴鼓湯禮同
三下退座新舊人兩展三禮拜謝本十

方丈特為新首座茶

管待了次早燒香侍者覆住持令客頭行者
備伴袱爐燭香合請客侍者寫茶榜式見前
座同詣首座寮炷香觸禮一拜稟云堂頭和尚
伏望降重客頭報眾掛點茶牌仍請知事

大眾光伴排照牌侍者行禮並與四節特為

趨住持前行禮初展云此日持蒙煎無禮意

至再展叙寒温畢觸禮三拜首座從聖僧後

右出堂前住持相送復位執蓋侍者燒光伴

香畢收蓋鳴鼓三下退座首座仍於法堂下

間候住持謝茶

新首座特為後堂大眾茶無後堂則

方丈特為茶了次早新首座懷香詣方丈拜

請云齋退特為後堂首座大眾就具狀式見

雲堂點茶伏望慈悲降重

備盤袱爐燭詣後堂首座寮炷香拜請云今晨
齋退就雲堂點茶特為伏望降重呈納狀訖特為人令本寮
茶頭遞付供頭貼僧堂前下間封皮粘狀前
次令堂司行者報眾掛點茶牌長板鳴僧堂
內巡請茶鳴鼓集眾行禮並與常持為禮同

狀

前堂首座比丘 某 有某今晨齋退就 雲堂點
茶一中特為 後堂首座大眾仍請 諸知事同垂
光降 今月 具位 某 狀
可漏于 狀請 後堂首座大眾 具位 某謹封

式

住持垂訪頭首點茶

茶湯禮畢住持齋罷往諸頭首寮點茶從容
溫存點檢缺乏隨令庫司措辦

兩序交代茶

同方丈特為新首座茶畢次第新職事具威
儀懷香躬詣各受代人處插香對觸禮一拜
請云齋退拜屈尊 重就寮獻茶隨令茶頭請兩序各一人
東西序勤舊各一人光伴西序請茶則知事
分手坐於同列頭

首中請肩下 一人光伴如肩上人赴坐位相
妨東序請茶則頭首分手坐如維那位居東
副寺一人赴寮中向內設特為位主席分
手位左右光伴人位齋退鳴寮前板接受特
為人次接光伴人入位揖坐燒香揖香燒光
伴香入座下茶茶畢受代人起將光請香插

爐中觸禮拜謝而退次日令堂司行者請交
代點心名勝一人光伴前堂首座則請西堂
勤舊各一人光伴若庫司一班請西堂勤舊
頭首光伴庫司釘掛向裏設特為位在右排
光伴位頭首與主席分手同序隨班位次日

點心坐位同前西序止於知客東序止於維
那凡侍者交代茶與點心當請維那光伴該
行禮 皆同近時點心因而請客請鄉曲非禮也

入寮出寮茶

入蒙堂者白寮主掛點茶牌牌左小紙貼云

其拜請合寮尊 齋罷備香燭普同問訊揖寮

主居士位點茶人居賓位畧坐起身燒香問

訊復坐點茶收盞寮主起爐前相謝 自蒙

堂出充頭首者點交代茶畢別日令茶頭報

寮主掛點茶牌齋退鳴寮中小板點茶人門

本十

下

外右立揖衆入爐前問訊寮主主位點茶人

分手位畧坐起身燒香問訊復坐獻茶了寮

主與衆起身爐前致謝送點茶人出 自衆

寮出充頭首者令茶頭預報寮主掛點茶牌

齋退鳴板先到衆寮門外右立揖衆入位立

定問訊揖坐進中間上下間燒香復中間上

下間問訊仍中央問訊寮元揖點茶人對面

位坐行茶畢寮元出爐前致謝送出 入衆

寮者點茶禮與出寮茶同但寮元寮長分賓主位自

不可入位坐

頭首就僧堂點茶

伺點出寮茶畢具茶榜式見後令茶頭貼僧堂

前下間具威儀請方丈請茶諸寮掛點茶牌

報請預令供頭燒湯出盞庫司備茶燭齋畢

就坐點茶頭首入堂炷香行茶與且望禮同

榜

式

其寮舍欲隘不敢坐 邀令寮齋退就寮堂點茶一
中伏望 衆慈同坐 降重 今月日具位某拜請
本山辦事禪師 江湖名勝禪師
御曲道舊禪師 合堂尊衆禪師

兩序出班上香

凡出班上香行香鳴鈸維那出爐前向外偏

立揖住持上香侍者次揖兩序相朝而出轉

本十

二十一

身問訊住持謂之然後上香若聖節佛祖嗣

香問即有立班西堂當先上香或謂首座已

出世當先上香者非蓋必與都寺同出班故

西序章終

大眾章七

歸虛之水鄧林之末以聚者衆也今夫大方
 居衆千百倒廩而炊赭山而爨亦其所聚也
 而四方之來如歸若已所固有者果何爲哉
 蓋佛以人之流轉三界出沒生死惟明道悟
 性以超于妙覺則群生異類咸資其善而訓
 其徒以肖己爲然故人人待其徒猶待其師
 雖摩肩接踵而至惟恐奉之不及不以其衆
 而少怠也不然則有以尺地斗粟而相訟者
 多矣豈其獨愚甘委其貲以廣吾居輟其殮
 以食吾徒吾徒之食于斯居于斯果何爲哉
 果何爲哉

勅修百丈清規卷第四

音釋

黼 方字切白與
 黻 黑相雜也
 黻 方物切黑
 頰 荒佩切
 飧 洗面也
 澆飯也

勅修百丈清規卷第五

於一

大智壽聖禪寺住持臣僧德輝奉

勅重編

大龍翔集慶寺住持臣僧大新奉

勅校正

沙彌得度

凡行者初受度牒以梓杖托呈本師兩序各

於一

處插香禮三拜選日設旛剃頭

按律選處設座今於露地

香水洒之周匝七尺四角懸旛今時多大殿須向佛或相對設座若法堂中須設像花香燭如儀今僧堂中為衆多便床坐也先稟維那和會戒師并作

梵閣梨引請閣梨選日既定則隔宿剃頭頂

心留髮名曰周羅梵語周羅此云小結也

設戒師座凡與住

持分手几上安香燭手爐戒尺設作梵閣梨

座几于聖僧右與戒師對几上安磬聖僧案

前置袈裟直裰度牒於上自行堂鳴鈸引剃

頭人出土地堂祖堂佛殿各處炷香禮三拜

序立僧堂前鳴鐘集衆頭首住持俱入堂訖

戒師二閣梨始入堂大展三拜各歸位大衆

齊坐定引請閣梨至戒師前大展三拜胡跪

合掌戒師問云僧集答云已問云和合否答云

和戒師云僧今和合答云頭受戒戒師云

爾引請收坐具起鳴手磬引剃頭人入堂聖

僧前三拜次戒師前三拜了就跪作梵閣梨

鳴大磬作梵云神仙五通人作者於呪術為

立禁戒半月半月說以何梵云何於此經

說戒利益稽首禮諸佛云何究竟到彼岸

願佛開微密作梵訖復白云為剃頭受戒者

廣為衆生說作梵訖復白云戒香

說戒師起座大衆俱立戒師秉爐白云戒香

定香慧香解脫香解脫知見香光明雲臺遍

法界供養十方無量佛十方無量法十方無

量僧見聞普熏證寂滅一切衆生亦如是即

將今晨剃頭受戒開啓功德先願

皇帝萬歲臣統千秋天下太平法輪常轉伽

藍土地增益威光護法護人無諸難事十方
施主福慧莊嚴合道場人身心安樂師長父
母道業超隆剃頭沙彌修行無障三途八難
咸脫苦輪九有四生俱登覺岸仰憑大眾念
清淨法身毗盧遮那佛云云十號畢 大眾復坐引請秉爐敷沙

彌云請師言句汝合自陳汝若不能隨復唱我聲道凡稱某甲處當稱自己名

念云大德一心念 我某甲 今請大德

為剃頭受戒阿闍梨 願大德 為我作剃

頭受戒阿闍梨 我依大德故 得剃頭受

戒 慈愍故 剃頭人禮一拜再稱慈愍故

禮二拜三稱慈愍故禮三拜就胡跪合掌戒

師云善男子沙彌嚧戒師云心源湛寂法海

淵深迷之者永劫沉淪悟之者當處解脫欲

傳妙道無越出家放曠喻如虛空清淨同於

皎月修行緣具道果非遙始從剋念之功畢

證無為之地所以大覺世尊捨金輪之寶位
子夜踰城脫珎御之龍衣青山斷髮容鵲巢
於頂上掛蛛網於眉間修寂滅而證真常斷
塵勞而成正覺三世諸佛不說在家成道歷
代祖師阿誰行染度人所以佛佛授手祖祖

相傳不染世緣方成法器故得天魔拱手外

道歸心上酬四重之恩下濟羣生之苦所以

云流轉三界中恩愛不能捨棄恩入無為真

是報恩者出家之後禮越常情不拜君王不

拜父母汝今可離此座想念國王水土之恩

父母生成之德於一專精拜辭後不拜也沙彌就

禮一拜引請鳴手磬引出堂外望北三拜謝

恩復三拜謝父母恩即更僧衣引入聖僧前

三拜轉戒師前一拜胡跪合掌戒師用淨瓶

灌頂以指滴水於頂上執刀剃頭仍舉偈衆

同誦云善哉大丈夫能了世無常三誦訖沙

彌退禮一拜引請領沙彌至本師前胡跪合

掌本師執刀云最後一結謂之周羅唯師一

汝今計否荅云爾可有垂示法語仍舉落髮偈云形毀

守志節割愛辭所親出家私聖道誓度一切人三舉大眾同聲和沙

彌就禮三拜仍胡跪合掌本師持袈裟亦有

垂示法語付袈裟置沙彌頂上復舉偈云大哉

解脫服無相禍田衣披三舉眾亦同聲和畢

沙彌披袈裟禮本師三拜禮聖僧三拜禮戒

師三拜胡跪合掌戒師云善男子法如大海

漸入漸深汝既出家當先受三皈五戒方得

近事大僧次受沙彌十戒乃可同僧利養事

在專誠不得慢易我今為汝召請三寶證明

佛事秉爐云 一心奉請 無邊佛寶 海

藏經文土地三賢 五果四向 同垂感降

共作證明 三請訖乃云善男子欲求皈

戒先當懺滌愆瑕如人浣衣然後加色汝今

至誠隨我懺悔舉云我昔所造諸惡業皆由

之所生一切三舉眾三和沙彌三拜胡跪合

掌戒師云善男子法既淨治身口意業今當

皈依佛法僧寶乃舉唱云 皈依佛 皈依

法 皈依僧 皈依佛無上尊 皈依法離

欲尊 皈依僧眾中尊 皈依佛竟 皈依

法竟 皈依僧竟 如來至真等正覺 是

我大師 我今皈依 從今以往 稱佛為

師 更不皈依邪魔外道 慈愍故沙彌隨

聲念眾皆和自皈依佛起至慈愍故通誦三

三疊每誦一遍沙彌隨禮一拜二遍二拜三

遍三拜就胡跪合掌戒師云善男子汝既捨

邪歸正戒已周圓若欲識相護持應受五戒

不殺生

不偷盜

盡形壽

不婬欲

是五戒相汝能持不答云能持

不妄語

不飲酒

上來五支淨戒一一不得犯汝能持不答云

能持是事如是持沙彌三拜胡跪合掌戒師

云善男子五戒為入道之初因出三途之元

首次受沙彌十戒形備法儀此稱勤策依師

而住受利同僧是為應法沙彌應當頂受

不殺生

不偷盜

不婬欲

不妄語

不飲酒

盡形壽

於

是沙彌戒相汝能持不答云能持

五

不坐臥高廣大床

不花鬘瓔珞香油塗身

不歌舞作倡故往觀聽

不捉金銀錢寶

不非時食

上來十支淨戒一一不得犯汝能持不答云

能持是事如是持沙彌三拜胡跪合掌善男

子汝今受戒之後當須頂戴奉持不得違犯

所持戒律供養三寶勤種福田於和尚阿闍

梨一如法教於上中下座心常恭敬精進行

道報父母恩衣取蔽形不以文彩食取支命

不得嗜味花香脂粉無以近身好色邪聲一

無視聽徐言持正勿宣人短倘有爭者兩說

和合男女有別草木無傷非賢不友非聖不

和合男女有別草木無傷非賢不友非聖不

宗法服應器常與人俱非時不食非法不言
 精勤思義温故知新坐則禪思起則諷誦閉
 三惡道關涅槃門於比丘法中增長正業菩
 提心而不退般若智以長明廣化衆生祈成
 正覺用心如此真佛弟子沙彌禮三拜胡跪
 合掌戒師起身秉爐回向云上來剃頭受戒
 功德奉祝護法天龍伽藍真宰各展威靈安
 僧護法堂頭和尚常爲苦海之津梁執事高
 人永作法門之柱石合堂清衆同乘般若之
 舟剃頭沙彌共至菩提之岸四恩總報三有
 齊資法界有情同圓種智十方三世一切諸
 佛諸尊菩薩摩訶薩摩訶般若波羅蜜戒師
 仍就坐作梵闍梨鳴磬云處世界如虛空如
 蓮花不着水心清淨超於彼稽首禮無上尊

佛得菩提道心常不退

於

六

皈依法 薩般若 得大總持門

僧息諍論 同入和合海

上來剃頭受戒功德無限殊勝良因散周沙
 界和南聖衆

引請闍梨候作梵闍梨舉處世界如虛空時

即鳴手磬引沙彌禮戒師三拜轉身禮聖僧

三拜畢問訊出堂外下手立戒師二闍梨聖

僧前大展三拜而出堂司行者鳴堂前鐘三

下住持出堂大衆下床首座領衆隨詣方丈

禮賀如衆多住持當就法堂上受賀客頭行

者仍預排列香燭爐瓶罌愚椅子伺候先戒

師二闍梨行禮初展云蒙差授戒 勉強祇承 人事荒疎 有淹尊重

下情不勝 惶恐之至住持荅云沙彌剃頭 有勞神用再展叙寒温

畢觸禮三拜住持荅一拜次首座大衆進前

挿香或展或觸禮或免次侍者小師挿香大

展三拜不收坐具進云

沙彌得度舉眾同懽

欣躍之至又三拜進叙寒温退三拜收坐具次沙

彌挿香大展三拜不收坐具進云

其筆勿圓頂相幸時

田衣不受塵勞永離愛

又三拜進云即日時

綢下情不勝欣感之至

退三拜收坐具住持巡

寮報禮沙彌一二詣寮禮謝祇就沙彌寮安

下俟他時登壇受戒謝戒詞云其等獲登戒品盪厠僧倫

仰荷庇席特此拜謝荅云宿承佛記僧戒圓成堅忍受持力扶宗教

新戒參堂

得度受沙彌戒已覆住持於何日叅堂次稟

首座維那至期早粥遍食惟後新戒叅頭領

眾入堂聖僧前列問訊挿香大展三拜不收

坐具進云某等獲願僧倫攀附清眾此日叅堂下情不勝戰汗之至又三

拜進云即日時令謹時恭惟堂頭本師大和尚首座尊眾大禪師尊快起居多福

退三拜收坐具轉身住持前列問訊從首座

板起巡堂至外堂復歸內堂中間問訊而出
然後歸堂挿單隨眾禪誦

登壇受戒

三世諸佛皆曰出家成道歷代祖師傳佛心
印盡是沙門蓋以嚴淨毗尼方能弘範三界

然則叅禪問道戒律為先若不離過防非何

以成佛作祖受戒之法應備三衣鉢具并新

淨衣物如無新者浣染令淨入壇受戒一心

專注慎勿異緣像佛形儀具佛戒律得佛受

用此非小事豈可輕心若借借衣鉢雖登壇

受戒並不得戒若不曾受一生為無戒之人

濫厠空門虛消信施既受聲聞戒應受菩薩

戒此入法之漸也

護戒

受戒之後常應守護寧有法死不無法生如

小乘四分律云四波羅夷十三僧伽婆尸沙
二不定三十尼薩耆九十波逸提四波羅提
提舍左一百眾學七滅諍大乘梵網經十重
四十八輕並須讀誦通利善知持犯開遮但
依金口聖言莫擅隨於庸輩如不應食謂酒
葷腥

也慈非蒜薤園荳曰葷
諸肉味曰腥並不應食不非時食如非粥餅
二時皆非
並宜服禁財色之禍甚於毒蛇尤當遠離

慈念眾生猶如赤子語言真實心口相應讀
誦大乘資發行願尸羅清淨佛法現前皮之
不存毛將安付故經云精進持淨戒猶如護

明珠

辦道具

將入叢林先辦道具中阿含經云所蓄物可
資身者即是增長善法之具菩薩戒經云資
生順道之具

三衣 蓋法衣有三也一僧伽黎即大
衣也二鬱
多羅僧即七
條也三安陁會即五條也此是三衣
也若呼七條偏衫裙
為三衣 又三品大衣上品二十五條二十三
者非也條十七條十五條下品
條十三條十一條九條 田衣緣起僧祇律云
佛住帝釋石窟前見稻田畦畔分明語阿難

云過去諸佛衣相如是從今依此作衣相增
輝記云田畦貯水生長嘉苗以養形命法衣
之田潤以四利之水增其三善之苗以養法
身慧命也

坐具 梵云尼師壇此云隨坐衣根本毗柰

耶云尼師但那唐言坐具五分律云為護身

護衣護僧床褥故蓄坐具僧祇云律應量作

長佛二揲手廣一揲手半佛一揲手長二尺
四寸此合長四尺

八十廣三
八六寸

偏衫 古僧衣律制只有僧祇支此云覆膊
衣亦名袴

腋此長覆左膊及右腋蓋襯三衣故即天竺之儀也竺道祖魏錄云魏宮人見僧袒一肘不以爲善乃作偏袒縫於僧祇支上相從因名偏衫今開眷接領者是蓋魏遺制也裙西域記云泥縛些羅些桑唐言裙諸律

舊譯或云涅槃僧或云泥洹僧或譯爲內衣

或云圖衣圖音船即貯米圓器似圖而無蓋取圓義故云

直裰相傳前輩見僧有偏衫而無裙有裙而無偏衫遂合二衣爲直裰然普化索木直裰大陽傳革履布裰古亦有矣

鉢梵云鉢多羅此云應量器今略云鉢又呼云鉢盂即華梵兼名佛本行集經云北天竺有二商主一名帝利富婆二名跋利迦奉世尊妙酪密揣世尊思惟往昔諸佛悉皆受持鉢器我今當以何器受商主食時四天王

疾共持四金鉢奉上世尊不受以出家人不合蓄此彼四天王更將四銀鉢玻璃鉢瑠璃鉢赤珠鉢瑪瑙鉢磲鉢奉上悉皆不受時北方毗沙門天王告三天王言我念往昔青色諸天將四石器來奉我等可用受食時別

有一天子名毗盧遮那白言仁等慎勿於此石器受食但供養如來當有如來號釋迦牟尼出世宜將此四石鉢奉彼如來時四天王共將四石鉢奉佛世尊念四天王以信淨心奉我四鉢若我於一人邊受餘各有恨我

今總受四鉢持作一鉢次第相重安置左手右手按下合成一鉢外有四唇而說偈言我昔功德諸果滿以發哀愍清淨心是故今四天王清淨牢固施我鉢錫杖梵云隙棄羅此云錫杖錫杖經云佛

告比丘應受持錫杖過去未來現在諸佛皆執故又名智杖又名德杖彰顯智行功德本故迦葉白佛何名錫杖佛言錫者輕也依倚是杖除煩惱出三界故錫明也得智明故錫醒也醒悟苦空三界結究故錫疏也謂持者與五欲疏斷故二股六環是迦葉佛製四股十二環是釋迦佛製

拄杖 十誦律云佛聽蓄杖其積用鐵為堅牢故斯蓋行李之善助也又毘奈耶云佛聽蓄拄杖有二因緣一為老瘦無力二為病苦嬰身故

拂子 律云比丘患草虫聽作拂子僧祇云佛聽作線拂列氎拂芒拂樹皮拂若猫牛尾馬尾并金銀裝柄者皆不可執
數珠 牟尼曼陀羅經云梵語鉢塞莫梁云

數珠系念修業之具也木棊子經云昔有國王名波流黎白佛言我國邊小我常不安法藏深廣不得遍行願示法要佛言若欲滅煩惱當貫木棊子一百八箇常自隨身志心稱南無佛陀南無達摩南無僧伽名乃過一子如是漸次乃過至千萬能滿二十萬遍身心不亂捨命得生炎摩天若滿百萬遍當除百八結業獲常樂果王言我當奉行
淨瓶 梵語拈埵迦此云餅常貯水隨身以用淨手寄歸傳云軍遲有二若慈瓦者是淨用若銅鐵者是觸用

瀘水囊 增輝記云為器雖小其功甚大為護生命故中華僧鮮有受持准律標示根本百一羯磨云水羅有五種一方羅用絹三尺或二尺隨時大小作絹須細密不透者若二法瓶隨用疎絹薄紗紵布者無護生之意

也三軍遲以綳繫口以繩懸四酌水羅五衣

角羅言衣角者非袈裟角也但取密綳一方

襟手或繫瓶口或安鉢盂中瀝水用也

慈覺大師蹟公集經律凡三十一偈文多不

錄末謂世云瀝羅難安多象宗蹟崇寧元年

於洪濟院厨前井邊安大水檻上近檻唇別

安小檻穿角傍出下安瀝羅傾水之時全無

迸溢亦五大衆沾足浴院後架做此僧行東

司亦皆瀝水出家之本道也後住長蘆諸井

瀝水二十餘處常住若不瀝水罪歸主執之

人普冀勉而行之

戒刀 僧史略云戒刀皆是道具表斷一切

惡故

裝包

古者戴笠笠內安經文茶具之類衣被束前後包插祠部筒戒刀今則頂包裝包之法用

於一

十二

於一

十三

青布袱二條先以一條收拾衣被之屬仍用

油單裹於外復用一條重包於外四角結定

用小鎖鎖之仍繫包鈎於上度牒有袋懸曾

前袈裟以帕子縛定入腰包繫於前下裳鞋

襪有袋繫於後右手携拄杖途中雲水相逢

彼此叉手朝揖而過如遊山到處將及門下

包捧入且過安歇處解包取鞋襪濯足更衣

搭袈裟與知客相看

遊方叅請

稟辭師長慕有道尊宿處依棲求掛搭准釋云此

丘有法有食處應住有法無食處亦應住無法有食處不應住古規首到客

司相看次往堂司掛搭送單位經案定然後

到侍司通覆請方丈禮拜今時遊方掛搭初

到且過推熟於叢林能事者一人為叅頭領

眾至客司具威儀列門首右白云暫到口相看知客

即接入詞云即日恭惟知賓尊長禪師尊候下情不勝起居多福又欽此舉復奉瞻際感激之至答云山門多幸特荷遠臨揖坐燒香喫茶略

詢來歷即起謝茶歸且過知客尋往回禮於

頭接入普同問訊知客詞云移刻恭惟諸位起居多福適承降重特此答云禮合拜看候拜謝下情不勝感激之至答云何動降重參

頭自送出門若欲禮拜住持則放參後詣侍司相看如前禮起身稟云其等侍來禮拜和尚敢勞侍者通覆

侍者揖再坐詳詢來由或鄉人法眷辦事分明侍者云且回安下處容某通覆即上方丈咨覆如允

次早鐘鳴侍者令客頭報相看如未暇侍者挑燈詣安下處報禮善言安慰相看之禮粥

罷參頭領眾詣寢堂候住持出侍者接入參頭進前云請和尚轉身左手插香退身同眾

初展云某等久聞道風此日獲奉時令謹時恭惟堂頭大和尙尊候起居多福觸禮三拜如入室弟

子法眷則云慈確別插香行禮就座侍者燒香喫茶住持明鄉里名諱及夏在何處各須實答不可多語起身爐前謝云重承降住持送出參頭云和尚隨至侍司致謝云神用

訊接入詞云移刻恭惟堂頭大和尚尊候起蒙降重下情不勝感激之至住持云安下不便眾送出參

頭轉上手接待侍者入同眾問訊云移刻恭惟道體起居多福禮合諸寮拜看侍者云山門返辱降重下情不勝感激之至侍者云多幸持荷遠臨報謝今遊方者多不入且過到處

輒尋鄉曲頭首寮舍安泊古禮漸至無間住持遇名勝相看就送客位回禮上座相看就

法堂下間迎伺住持回禮免煩降重而五山大方則不回禮半齋請點心當晚持為湯披

衣赴住持接入爐前通寒溫就坐侍者燒香

揖湯湯罷起就爐前謝湯須兩展三禮抽衣就坐藥石如住持不暇請頭首代相陪時當自起燒香住持自伴湯乃盡禮也次日粥罷請茶叅頭領眾排立寢堂前候住持至即趨前問訊云經宿恭惟堂頭和尚尊候起居多福某某等重承寵呼下情不勝感激

於一入座侍者燒香喫茶起至爐前兩展三禮謝茶初展云某某等重承煎點特此拜謝下情不勝感激之至再展云

十四即日時令謹時恭惟堂頭和尚尊候起居多福送出兩三步如求掛搭叅頭領眾回身進住持前稟云某某等生死事大無常迅速久聞道風特來依附伏望慈悲收錄稟

訖不伺允否即普觸禮一拜云謝和尚掛搭當先掛搭叅頭其餘不拘早晚不擇處所各知進退伺候住持求住方丈近事人毋得呵禁如

允仍觸禮一拜就求帖子到侍司附名云適方丈慈旨令就上寮附名侍者次第發榜頭下堂司維那

令行者請新到喫茶畢出度牒上床曆詳具大掛候送歸堂或有故出入須守堂儀半月方可請假古云請假遊山者常將半月期過期重掛搭依舊守堂儀如迫師長父母疾病喪死者不在此限

凡寢堂中必設叅椅示尊師道也新到相看住持當居中位令其插香展禮側坐受茶於禮無損今北方猶行之所時新學沙彌才方入眾便與大方宿德分坐抗禮視為故常循習成弊至於獵等犯分以啓外

於二悔師道蕩然能尊師則尊法尊法則叢林紀綱振矣若西域諸師其徒奉之猶君父之尊惟恐不及可為法也

大相看大方多眾又尊宿嚴重無汎常數見之禮新

到須候人多各預詣侍司附名作一起相看
 侍者稟定或九月初或冬前年節衆推辦事
 名勝或熟於叢林者爲叅頭至日領衆至寢
 堂排立侍者請住持出叅頭進云請和尚住
 持垂語叅頭下語已退步同衆問訊挿香展
 禮次謝侍者次早赴方丈茶求掛搭候發榜
 式見下堂司送歸堂並與前同住持併在謝
 掛搭時回禮

榜式 奉 方丈慈育掛搭 一僧某甲上座 某甲上座
 今月 日侍司 某 報

大掛塔歸堂

堂司承侍司報榜即令行者請新到茶各懷
 度牒叅頭預備小香合準歸堂時用領衆詣
 堂司對觸禮一拜叙寒温入座受茶畢起稟
 云其等適奉方丈慈旨令 依附左右伏望甄錄 維那荅云 多幸喜
 衆叅頭與衆各取度牒遞付維那仍對觸禮

一拜逐一上床曆訖付還只留叅頭度牒行
 者喝云請衆首座 歸堂掛搭叅頭領衆前門右手入堂
 至聖僧前排立叅頭燒香同衆大展三拜巡
 堂一匝自上堂至下堂仍如前排立問訊從
 班尾先移步退聖僧板頭立維那入堂燒香
 上間立堂司行者用盤袱托度牒維那付還
 叅頭同衆對觸禮一拜叅頭送維那出齋前
 前門叅頭不出門限維那發諸寮報榜式見
 行者引至衆寮鳴內板三下寮主相接入門
 對觸禮一拜叙寒温畢分手坐獻空盞便起
 身於香爐前問訊謝畢云其等適奉方丈慈
 左右敢 望慈悲 寮主云 茲來多幸且 喜同守寂寥 即各觸禮一拜
 新掛塔人轉東邊寮主轉西邊又觸禮一拜
 寮主引掛塔人排列朝觀音問訊引巡寮一
 匝復朝觀音問訊而退不須送出行者引見

於一 十六

左 右 答云 且多生緣熟且喜同居 受送人轉主位揖侍者入

問訊送出與兩序問訊畢即懷香詣方丈拜

謝榻位堂司行者引至庫司諸頭首寮回禮

或方丈發榜頭煩首座請送則首座令堂司

行者請知事一人維那侍者及受送人同至

寮首座燒香獻茶白住持發批山門相送之

意送入門時首座居主位代住持觸禮一拜

受送人歸主位首座轉居客位與知事維那

同問訊餘禮並同前

法眷辦事掛搭 不拘時訪侍者說來歷通

覆任持挿香展禮若以下法眷曾執侍者住

持皆當受禮隨職名高下延送同前

拋香相看

新到或迫緣故來不及時或止掛搭不得通

覆不拘處所纔迎見住持即拋香于前云暫

於一

丈

禮拜觸禮一拜隨自收香伺求掛搭如住持

許容則侍司發榜下堂司禮同前若圖帳已

定則詣堂司稟添名入圖或人多列戒次後

謝掛搭

古規掛搭歸堂者即時謝掛搭後以冬節歲

節夏前三次謝掛搭自佛照和尚由育王赴

徑山權孤雲為入院侍者時佛照以禮繁併

在夏前近時衲子到處坐席未溫移單東西

多致不謝掛搭既曰經冬過夏折中當在冬

前夏前兩期報謝侍者先期取堂司戒臘簿

檢看新掛搭戒臘在上者一人為叅頭一人

為副叅 舊以諸方侍者為叅頭往往以寺門

高下爭競不安原夫侍者皆在眾寮

掛搭既曰隨眾當依戒臘依戒佛制也况諸

圖帳及眾寮戒臘牌不以名字分高下一遵

佛制二免爭競三得眾和 叅頭當具小圖習

同居惟住持力主行之 儀三人一引每引一人為小叅頭須詳記詞

語進退折旋合度免致臨時參差堂司行者

具名數率香錢寫小榜云新歸堂首座各率錢若干買香謝掛

搭堂司行貼衆寮前收香錢足交侍者納某取覆

方丈就稟擬定何日謝掛搭出榜報衆云歸新

堂凡弟來日粥罷詣方丈謝掛搭至日

今月 日 侍司 某報

就寢堂或法堂設住持位排列香几鑪瓶燭

臺侍者付大香一片與參頭交副參收領衆

依圖位排立參頭隨同侍者請住持出歸位

立參頭同衆齊問訊畢參頭進住持前稟云

請和尚退左足側轉身於香几右手空處出

行過復位齊問訊畢副參袖中取香捧遞參

頭接藏懷中小問訊又手進爐前左手插香

仍從空處過復位齊問訊本引三人一展坐

具住持展手約免之即收起參頭進前云某

宿生慶幸獲遂依棲仍如前退身香几右手

轉歸位問訊再展坐具住持復如前約免收

坐具再進前云即日時令謹時恭惟堂頭和尚尊候起居多福仍如

前轉歸位問訊觸禮三拜住持答一拜第一

引問訊過左邊接班尾次第三人趨上詞禮

並同參頭立於侍者下肩伺各各禮畢副參

趨到初立處參頭歸元位領衆齊問訊而退

副參領衆先行參頭居末至衆寮門外下手

立副參引衆從右邊入寮內下間旋轉量衆

多寡不拘行數副參趨向前接聯參頭肩次

伺住持至與衆俱迎問訊轉入寮內衆當前

後相顧成行進退步趨參頭轉身至爐前對

觸禮一拜詞云移刻恭惟堂頭和尚尊候起居多福某等重荷收錄禮合

拜謝茲蒙降尊下衆同送出參頭門外轉上

手立副參仍引衆旋轉居上間出聯參頭肩

次揖侍者入詞云某等多幸獲依左右茲沐降重不勝感激之至參

頭一人送侍者出次揖兩序入對觸禮一拜

詞云即刻恭惟座元都總諸位禪師尊候多福某等獲遂依附迺承降重下情不勝

感激至叅頭送兩序出復歸上間立副叅引眾

自觀音後轉出爐前仍顧班尾俱立定對叅

頭觸禮一拜詞云某等適間甚勞神用特此拜謝其儀亦當

預習當日侵早方丈客頭堂司行者各寫回

禮榜帖眾寮前方丈榜貼上間兩序榜貼下

間式見後

榜堂頭和尚謝罷回禮新歸堂首座 今月

式

頭首知事粥罷回禮新歸堂首座 今月

式

日客頭行者 某 承准 日堂司行者 某 拜罷

方丈特為新掛搭茶

庫司頭首附見

請客侍者照戒臘雙字名寫茶狀式見後至日

侵晨洗面時備卓子筆硯列照堂請客於名

下書云某甲謹拜尊命如掛搭諸方名勝亦依戒寫

入茶狀內隔日方丈客頭先持狀請僉名侍

者令客頭依戒列名寫特為牌或作四出六

出首座光伴諸方名勝必與住持對面位若

有異議則於名勝內推戒最高者坐之叅頭

與光伴對面位蓋受送者先謝榻位此同赴

茶耳至日齋罷鳴鼓集眾侍者揖入住持相

接問訊次與光伴人問訊各依照牌歸位立

定燒香侍者請客侍者分左右位頭行禮巡

揖坐揖香揖茶燒光伴香鳴鼓退座並與四

節小座湯禮同受特為人引眾排立謝茶初

展云某等此日重蒙煎點特此拜謝下情不勝感激之至再展云即日

謹時恭惟堂頭和退身觸禮三拜而退次日

庫司客頭行者依戒單字名具茶狀列眾寮

前請僉名書云某甲謹拜尊命庫堂排位首座光伴

鳴庫堂板上首知事與維那行禮又次日首

座眾頭首具狀請僉同前照堂排位都寺光

伴鳴鼎堂板全班行禮或四人六人分巡問訊如三人五人首座燒香只居中立古法三日講行今諸方多併作一日就方丈借座及鼓頭首知事空住持一位互為主伴位次行禮並同但謝茶必當齊離位轉身問訊致謝近習只位頭起謝非禮也

茶 新掛搭 某甲上座列名 堂頭和尚今晨齋退就寢堂點茶 特為伏布 雲集 今月 日 侍司某某拜請 庫司頭首則云 新掛搭 某甲上座列名 右某某等今晨齋退就庫司點茶中 特為伏望 眾慈同垂

狀 降重 今月 日庫司比在某等拜請 頭首當列名止於知客執鼎堂餘同前

式 坐禪

每日粥罷堂司行者先覆首座僧堂前眾寮前俱掛坐禪牌報眾令供頭僧堂內裝香點燈先鳴眾寮前板一聲大眾歸堂向裏坐次第俱集覆眾頭首鳴板第二聲候入堂少緩鳴板第三聲副寮閉眾寮門鳴首座寮前板三聲初聲出門二聲約到半途三聲入堂首

座聖僧前燒香巡堂自下間至上間一匝就歸被位坐次覆住持鳴方丈板三聲住持入堂燒香巡堂自上間至下間一匝歸位坐定久之僧眾方可次第起身抽解又須看上下肩起止急緩免見成連單位空缺或有留被

在堂不隨眾者或有暫來隨眾留袈裟在被

位於外放逸者皆當檢舉懲罰頭首大眾並

從出入板往來唯前堂首座許從住持前出

入堂司行者候齋次第覆首座放禪轉從聖

僧後右出撐簾下牌輕撼作聲住持頭首出

於 堂堂司行者右邊側立伺候問訊或山門有

迎接祈禱普請看誦送以及眾寮淨髮洗衣

則不坐禪亦不坐叅叅後坐禪如常住持首

座仍巡堂堂中有直堂牌刻云 輪次直堂周而後始住山

押兩照依被位資次每日五更鐘絕後交下

次人終日看守或有開櫃挿單下鉢抽被者皆當白直堂人知至放叅鐘鳴時交付聖僧侍者看管至晚則衆僧皆守被位矣牌則在次早交過近時直堂成羣相陪分俵果核聚談戲笑習以爲常惱亂禪寂住持首座力戒違者示罰

坐禪儀

夫學般若菩薩起大悲心發弘誓願精修三昧誓度衆生不爲一身獨求解脫放捨諸緣休息萬念身心一如動靜無間量其飲食調

其睡眠於閒靜處厚敷坐物結跏趺坐或半跏趺以左掌安右掌上兩大拇指相拄正身端坐令耳與肩對鼻與臍對舌拄上腭唇齒相着目須微開免致昏睡若得禪定其力最勝古習定高僧坐常開目法雲圓通禪師呵

人閉目坐禪謂黑山鬼窟有深旨矣一切善惡都莫思量念起即覺常覺不昧不昏不散萬年一念非斷非常此坐禪之要術也坐禪乃安樂法門而人多致疾者蓋不得其要得其要則自然四大輕安精神爽利法味資神寂而常照寤寐一致生死一如但辦肯心必不相賺然恐道高魔盛逆順萬端若能正念現前一切不能留礙如楞嚴經天台止觀圭峯修證儀具明魔事皆自心生非由外有定慧力勝魔障自消矣若欲出定徐徐動身安詳而起不得卒暴出定之後常作方便護持定力諸脩行中禪定爲最若不安禪靜慮三界流轉觸境茫然所以道探珠宜靜浪動水取應難定水澄清心珠自現故圓覺經云無碍清淨慧智依禪定生法華經云在於閒處

脩攝其心安住不動如須彌山是知超凡越
聖必假靜緣坐脫立亡須憑定力一生取辦
尚恐蹉跎況乃遷延將何敵業幸諸禪友三
復斯文自利利他同成正覺

勅修百大清規卷第五

音釋

借子夜切猫莫包切音
丨與也毛貓牛也

勅修百丈清規卷第六

於二

大智壽聖禪寺住持巨僧德輝奉

勅重編

大龍翔集慶寺住持巨僧大新奉

勅校正

坐叅

齋罷堂司行者覆首座僧堂衆寮前各掛坐

於二

叅牌將晡時僧堂內裝香點燈鳴衆寮前板

先一聲大衆入堂二聲以次頭首入三聲首

座入不鳴首座寮前板若却覆住持鳴方丈

板與坐禪同有處不披袈裟非法也堂司行

者候晚粥熟覆首座云放轉聖僧後右出下

牌鳴堂前鐘三下衆就位普同和南住持頭

首次第出堂衆下床各出半單前輩住持頭

首亦同歸衆寮藥石蓋古者每晚必叅住持

以求開示故率衆齊集坐待鼓鳴而徃叅之

名曰坐叅因汾州地寒昭公罷之遂有放叅

之說

大坐叅

今時叢林有多衆處猶特講晚叅以存古意
謂之大坐叅與常坐叅同但首座入堂不燒
香便歸位待住持入堂坐定堂司行者鳴首

座寮前板三下大衆轉身向外坐首座下地

從後門出復轉從前門入聖僧前燒香如常

巡堂歸被位坐少定若住持晚叅則不鳴堂

前鐘方丈容頭鳴法鼓三下住持出堂首座

領衆隨至法堂或寢堂住持據座侍者兩序

東西堂各出班問訊開示畢衆散歸寮藥石

若不晚叅則堂司行者進首座前問訊云堂

和尚今轉聖僧後右出令喝食行者中立問

訊長聲喝云放鳴堂前鐘三下大衆下地普

同和南首座先出堂次住持出頭首出衆各

出全單歸衆寮藥石若講行時須講一叅一
免使後學知之每日如有緣故不坐叅時供
頭行者代首座出半單與大衆同至晚衆寮
前鳴板三下衆出寮歸堂昏鐘鳴如居城市則候鼓鳴
頭首入堂首座待鐘鳴入燒香巡堂次住持

於二

二

入燒香巡堂候定鐘鳴住持出堂次頭首出
如坐再請禪住持後門入歸位不巡堂頭首
隨衆或抽解者即歸被位更深住持出聞首
座開枕響衆方偃息在道兄弟不以此拘次
早三下板鳴衆起聖僧侍者牽堂內手巾轆

轆驚酣眠者起洗面衆歸堂已首座入燒香
巡堂次住持入燒香巡堂四鼓鳴住持出鐘
鳴首座出以次頭首與大衆暫從後門出換
衣換頭袖抽解即歸守被位或首座再入堂
巡被位鐘絕開靜板鳴衆方摺被惟首座被

係供頭摺衆各隨意出堂禮念亦兼修也

請益

凡欲請益者先稟侍者通覆住持某甲上座
今晚欲詣方丈請益如允所請定鐘後詣侍
司候方丈秉燭裝香侍者引入住持前問訊

挿香大展九拜收坐具進云

某為生死事大無常迅速伏望

和尚慈悲

肅恭側立諦聽垂誨畢進前挿香

大展九拜謂之謝因緣免則觸禮次詣侍司
致謝

赴齋粥

於二

三

早晨聞開靜板後齋時候巡火板鳴先歸鉢
位入堂時聖僧前問訊訖合掌歸位上床時
問訊隣位先以右手斂左邊衣袖腋下壓定
復以左手斂右邊衣袖然後兩手按床兩足
撥鞋入床下先縮左足次收右足竦身上床

近裏一尺許正坐敷袈裟蓋膝上不得露內

衣不得垂衣床緣詳見日用軌範都監寺維那直歲

侍者等位在外堂上間知客知浴知殿化主

堂主等位在外堂下間古規每日住持赴堂

早粥時先於堂外坐待堂前鳴鐘即入堂大

衆齋下床普同問訊就坐近時諸方位持大

鐘鳴時先入堂坐至堂前鐘鳴方下地普同

問訊只遇五但望講行一次新入衆者不知

所自先輩嘗議下床問訊者謂諸寮與大衆

普同問訊也以此論之凡有衆處必當日

早晨下床問訊為尤

赴茶湯

凡住持兩序特為茶湯禮數勤重不宜慢易

既受請已依時候赴先看照牌明記位次免

致臨時倉遑如有病患內迫不及赴者托同

赴人曰知惟住持茶湯不可免慢不赴者不可共住

普請

普請之法蓋上下均力也凡安衆處有必合

資衆力而辦者庫司先稟住持次令行者傳

語首座維那分付堂司行者報衆掛普請牌

仍用小片紙書貼牌上云某特某處或聞木魚或

聞鼓聲各持絆膊搭左臂上趨普請處宣力

除守寮直堂老病外並宜齊赴當思古人一

日不作一日不食之誠

於三

四

日用軌範

無量壽禪師述序曰脫塵離俗圓頂方袍大

率經歷叢林切要洞明規矩舉措未諳法度

動止不合律儀縱有善友良朋詎肯深錐痛

割循習成弊改革固難致令叢席荒涼轉使

人心懈怠屢見尋常目前過患遂集百丈成
現楷模原始要終從朝至暮要免頭頭敗闕
直須一一遵行然後敢言究已明心了生達
死世間法即是出世間法行脚人可貽未行
脚人庶幾不負出家身心抑亦同報佛祖恩
德謹列于后

入眾之法睡不在人前起不落人後五更鐘
未鳴輕輕擡身先起將枕头安脚下未要拗
恐驚隣單抖擻精神將身端坐不得扇風令
人動念覺困來將被推脚後取手中轉身下

地巾搭左手念偈云從朝寅且直至暮一切衆生自回互若於脚下
設身形願汝即今生淨土輕手揭簾出後架不得拖鞋咳
嗽作聲古云揭簾須垂後手出堂切忌拖鞋輕手取盆洗面
湯不宜多右手蘸齒藥揩左邊左手蘸揩右
邊不可再蘸恐牙宜口氣過人漱口須低頭

於二

五

吐水以手引下直腰吐水恐濺隣桶不得洗
頭有四件自他不利一汚桶二感巾三枯髮四損眼不得鼻
內作聲不得噴水撲面不得高聲嘔吐不得
以唾涕汚面桶古云五更洗面水為修行嘔吐拖鞋宜堂括衆拭
面不得爭扯手巾不得以巾拭頭用鼻須攤

於三

五

掛或焙火上在上堂左足先入在下堂右足
先入上被位眠單收一半坐定若換直綴須
將新者覆上抽去舊綴不得露白不得扇風
若欲燒香禮拜宜於鐘鳴時將袈裟藏袖內
出後門外披平常亦離被位披袈裟合掌頂

戴想念偈云善哉解脫服無相攝田衣我今頂戴受世世常得披卷悉陀耶
袈裟不得以領勾袈裟摺了亦當問訊而去
如殿堂禮拜不得占中央妨住持人來不得
出聲念佛不得行禮拜人頭邊過須行後面

空處五更鐘鳴想念偈云

頤此鐘聲起法界鐵圍幽暗悉皆聞

三途雖苦羅刀輪一切衆生成正覺住持并首座坐堂時不得

從前門出入開小靜方摺被拗枕子摺被之法先尋兩角以手理伸向前先摺一半次摺身前一半不得橫占隣單亦不得抖擻作聲

不得以被扇風或歸衆寮喫湯藥或茶堂經

行次第歸鉢位以上肩順轉謂左肩也若前門從

南頰入不得行北頰并中央蓋尊住持也木

魚響不得入堂或令行者取鉢堂外坐或歸衆寮打給入堂歸鉢位須低頭問訊上中下

座若已先坐上中下座來須合掌古云不敬上中

下座婆羅門聞木魚後長板鳴下鉢搗身正

起立定然後轉身亦要順上肩合掌方取鉢一手解鈎左手提鉢轉身令正蹲身放鉢免將腰背撞入堂前鐘鳴下床為迎住持入堂

大衆普同問訊不得以手左右搖曳下床時

須近前問訊莫令袈裟搭床緣仍須低細上

床不得頓身取鉢安座前聞椎聲想念偈云

佛生迦毘羅成道摩締施說法波羅奈入滅拘竭羅展鉢之法先合掌想念偈云如來應量器我今得數展願共一切衆等三輪空寂然後解

袂帕展淨中覆膝帕摺轉三角莫令出單外

先展鉢單仰左手取鉢安單上以兩手大拇

指迸取鑽子從小次第展不得敲磕作聲仍

護第四第五指為觸指不得用鉢拭摺令小并匙筋袋近身橫放入則先匙出則先筋手

把處為淨頭向上肩鉢刷安第二鑽子縫中

出半寸許盛生飴不得以匙筋出生飴不過

七粒太少為慳食凡受食則用出生或不食却不可就桶杓內撮飴出生維那念佛合掌手指不得叅差須當膏高低得所不得以

手托口邊古云參差合筆不當自兩手交加

聲泥氣兩手捧鉢受食想念偈云若受食時

法喜充滿或多或少則以右手起上之聞禪悅為食

食惟看上下肩以面相朝揖食不得正面以

手搖曳兩邊揖罷作五觀想念云一計功多

於三七少量彼果

處二竹已德行念鉢應供三防心離過食等

為宗四正事良藥為瘵形枯五為成道業政

應受次出生想念偈云汝等鬼神衆我今施

神切鬼喫食之法不得將口就食不得將食就

口取鉢放鉢并匙筋不得有聲不得咳嗽不

得擗鼻噴嚏若自噴嚏當以衣袖掩鼻不得

抓頭恐風屑落隣單鉢中不得以手挑牙不

得嚼鉢啜羹作聲不得鉢中央挑鉢不得大

搏食不得張口待食不得遺落鉢食不得手

把散鉢食如有菜滓安鉢後屏處不得以風

扇隣位如自已怕風即白維那於堂外坐不

得以手枕膝上隨量受食不得請折不得將

頭鉢盛濕食不得將羹汁於頭鉢內淘鉢喫

不得挑菜頭鉢內和鉢喫食時須看上下肩

不得太緩未再請不得刷鉢盂不得吮鉢刷

作聲食未至不得坐煩惱古云欲歎四顧起

津咳嗽頻攪粥啜羹包洗鉢以頭鉢盛水次

第洗鑽子不得頭鉢內洗匙筋并鑽子仍屈

第四第五指不得盥漱作聲不得吐水鉢中

不得先以熟水洗鉢未折鉢水不得先收蓋

膝中不得以膝巾拭汗不得以餘水瀝地上

折水想念偈云我此洗鉢水如天甘露味施

與鬼神衆悉令得飽滿收鉢以兩手大指迸定次第而入復

畢合掌想念念食畢偈云鉢食已訖色力充康

轉果示在念一寮前板鳴歸寮問訊不歸位

為輕侮大眾入問歸位如僧堂之法立定候

寮主燒香畢問訊上下若有茶就座不得垂衣不得聚頭笑語不得隻手揖人不得包藏茶末古云登床冥坐不得垂衣隻手揖人是購案道人切茶罷或看經不得長展經謂三毛交頭接耳

於二

八

不得背靠板頭看經古云出聲持誦少乘稠人背靠板頭輕欺

六須預先出寮莫待打坐禪板若抽脫古例

披五條即掛絡也以淨巾搭左手解條繫笏竿上

脫五條直掇令齊整以手巾繫定作記認不得笑語不得在外催促右手提水入廁換鞋

不得參差安淨桶在前鳴指三下驚散糞鬼

蹲身令正不得努氣作聲不得涕唾不得隔壁共人語話古云戶高只合輕彈指人擁那堪亂作聲入廁用籌分觸

淨出時履忌縱橫不得以水澆兩邊左手洗淨護大

指第二第三指不得多用籌子古云浴湯少使籌子

括休有者使了以水洗之安廁邊空處人多則妨眾不宜長久淨桶安舊處以乾手安內衣入袴以乾手開門左手提桶出不得濕手拏門扇并門頰上右手挑灰後挑土不得以濕手拏灰土不得吐唾和泥洗手然後用皂角

洗至肘前須一一念咒按大藏纓絡經云夫

登溷者不念此咒假使以十恒河水洗至金剛際亦不能淨凡登殿堂瞻禮並無利益奉

勸受持每誦七徧是故鬼神常相拱護入廁

唵根魯施耶安訶洗淨唵賀囊密耶安訶淨手唵主加囉耶安訶淨

身唵室利曳於二去穢唵岐折囉暴九末用水盥漱

律中小遺亦洗淨仍嚼楊枝歸堂坐禪火板

未鳴不得先歸寮齋前不得洗衣粥前齋前

放參後不得開函櫃如有急切白主事人寮

中白寮主僧堂白聖僧侍者齋罷不得僧堂

內聚頭說話不得在僧堂中看經看冊子不得上下間行道穿堂直過不得席上穿錢不得牀上垂腳坐床前一尺為三淨頭一展鉢二安袈裟三頭所向不得床上行不得跪膝開函櫃不得腳踏床緣下地草履五條遊山

不得經行佛殿法堂古云山莫踐法堂四五

者不得赤脚着僧鞋不得把手共行說世諦

是非古云別了雙親素本師訪尋知識擬何為不曾說着宗門事白首無成過

不得殿堂倚靠闌干不得猖狂急走古云

誰在行須緩步習馬勝之威儀誰要低聲學波離之軌範不得佛殿閑行古

云無事不須登佛殿等關其向塔中行不出掃地添香水縱有河沙福也傾齋後

乘洗衣服不得褻袒不得傾瓶湯泡衣竹竿

熨斗使了安元處洗腳板鳴不得爭奪腳桶

有瘡疥則隨後洗或屏處洗之各行方便免

動眾念莫待打板次第歸堂坐叅了各出半

單下地講大放叅首座寮前板鳴即時轉身

向外須當及時赴堂板鳴後不得入堂亦不

得堂外立住持首座出堂開單下床問訊歸

寮藥石各就案位不得先起盛食不得高聲

呼索粥飢鹽醋之類食罷出寮不得出三門

不得入小寮不得褻袒歸僧堂并廊下行不

得候打板出寮昏鐘鳴即合掌默念偈云鐘

聲煩惱輕智慧長菩提生離地獄由火坑願成佛度眾生須先歸單位坐

禪不得床上抓頭不得床上弄數珠作聲不

得與鄰單語話鄰單生疎當以善言誘喻不

得生嫌惡心打定鐘後不得於前門出入候

首座開枕後困重者就寢睡須右脇不得仰

卧仰為屍睡覆為淫睡多惡夢以被中裹袈

裟安枕前今人多安腳後於理不便如開浴

浴具携右手入下間門內問訊歸空處揖左

右人畢先以五條手巾掛笄竿上展浴袱取出浴具放一邊解上衣未卸直裰先脫下面裙裳以腳布圍身方可繫浴裙將裈袴捲摺安袱內次第脫直裰與五條作一處將手巾繫之古云三通鼓響入室時其所脫衣作一

柵覆轉方換拖鞋不得赤腳入浴須於下間

空處待次而浴不得占頭首老宿坐處謂上也

不得以湯水濺人身上不得桶內泡腳不得

室內小遺不得架腳桶上不得笑語不得槽

上揩腳不得肩水不得起身襪桶澆身上前

後有人須當遮護腳布不得離身有腳不入

桶者不得多用湯或有瘡或洗灸瘡或使疥

藥宜後入浴不得攙先不得以兩邊公界手

巾拭頭面公界手中係着衣後淨手拭之以

披五條也出浴揖左右上床面壁少坐先着

卷二

十一

上衣并直裰都遮了下地却着下裳解浴裙以腳布摺浴裙內恐濕浴袱手中携左手揖左右出看設浴施主名字隨意課誦經咒回向寒月向火先坐爐圈上然後轉身正坐揖上下肩不得弄香匙火筋不得撥火飛灰不

得聚頭說話不得煨點心等物不得炙鞋焙

褻烘衣裳不得攬起直裰露袴口不得吐唾

并彈垢膩於火內如前所集一日事件眾中

威儀非敢聞於老成聊以誘於初學升堂入

室小叅諷經念誦巡察解結人事裝包頂笠

送亡唱衣應係微細軌則清規既已具載尊

宿各有明文不再備陳徒為贅語

龜鏡文

慈覺大師蹟公述夫兩桂垂陰一華現瑞自爾叢林之設要之本為眾僧是以開示眾僧

故有長老表儀衆僧故有首座荷負衆僧故有監院調和衆僧故有維那供養衆僧故有典座爲衆僧作務故有直歲爲衆僧出納故有庫頭爲衆僧典輸墨故有書狀爲衆僧守護聖教故有藏主爲衆僧迎待檀越故有知

客爲衆僧請召故有侍者爲衆僧守護衣鉢故有寮主爲衆僧供侍湯藥故有堂主爲衆僧浣濯故有浴主水頭爲衆僧禦寒故有炭頭爐頭爲衆僧乞丐故有街坊化主爲衆僧執勞故有園頭磨頭莊主爲衆僧滌除故有

淨頭爲衆僧給侍故有淨人所以行道之緣十方備足資身之具百色現成萬事無憂一心爲道世間尊貴物外優閑清淨無爲衆僧爲最迴念多人之力寧不知恩報恩晨叅暮請不舍寸陰所以報長老也尊卑有序舉止

林二

十三

安詳所以報首座也外遵法令內守規繩所以報監院也六和共聚水乳相參所以報維那也爲成道業故應受此食所以報典座也安處僧房護惜什物所以報直歲也常住之物一毫無犯所以報庫頭也手不把筆如救

頭然所以報書狀也明窓淨案古教照心所以報藏主也韜光晦迹不事追陪所以報知客也居必有常請必先到所以報侍者也一瓶一鉢處衆如山所以報寮主也寧心病苦粥藥隨宜所以報堂主也輕徐靜默不昧水因所以報浴主水頭也緘言拱手退已讓人所以報炭頭爐頭也忖已德行全缺應供所以報街坊化主也計功多少量彼來處所以報園頭磨頭莊主也酌水運籌知慙識愧所以報淨頭也寬而易從簡而易事所以報淨

人也是以叢林之下道業惟新上上之機一生取辦中流之士長養聖胎至如未悟心源時中亦不虛棄是真僧寶爲世福田近爲末世之津梁畢證二嚴之極果若或叢林不治法輪不轉非長老所以爲衆也三業不調四

於二

十三

儀不肅非首座所以率衆也容衆之量不寬愛衆之心不厚非監院所以護衆也修行者不安敗羣者不去非維那所以悅衆也六味不精三德不給非典座所以奉衆也寮舍不修什物不備非直歲所以安衆也畜積常住

減剋衆僧非庫頭所以瞻衆也書狀不工文字殘裂非書狀所以飾衆也几案不嚴喧煩不息非藏主所以待衆也憎貧愛富重俗輕僧非知客所以贊衆也禮貌不恭尊卑失序非侍者所以命衆也打疊不勤守護不謹非

寮主所以居衆也不閑供侍惱亂病人非堂主所以恤衆也湯水不足寒暖失宜非浴室水頭所以浣衆也預備不前衆人動念非爐頭炭頭所以向衆也臨財不公宣力不盡非街坊化主所以供衆也地有遺利人無全功非園頭磨頭莊主所以代衆也懶惰併除諸緣不具非淨頭所以事衆也禁之不止命之不行非淨人所以順衆也如其衆僧輕師慢法取性隨緣非所以報長老也坐卧參差去就乖角非所以報首座也意輕王法不顧叢林非所以報監院也上下不和鬪諍堅固非所以報維那也貪婪羨膳毀訾簞食非所以報典座也居處受用不思後人非所以報直歲也多貪利養不恤常住非所以報庫頭也事持筆硯馳騁文章非所以報書狀也慢易

金文看尋外典非所以報藏主也追陪俗士交結貴人非所以報知客也遺忘召請久坐衆僧非所以報侍者也以已方人慢藏誨盜非所以報寮主也多嗔少喜不順病緣非所以報堂主也桶杓作聲用水無節非所以報

於二

十四

浴主水頭也身利溫暖有妨衆人非所以報爐頭炭頭也不念修行安然受供非所以報街坊化主也飽食終日無所用心非所以報園頭磨頭莊主也涕唾墻壁狼籍東司非所以報淨頭也專尚威儀宿無善教非所以報淨人也蓋以旋風千匝尚有不周但知舍短從長共辦出家之事所冀獅子窟中盡成獅子旃檀林下純是旃檀令斯後五百年再觀靈山一會然則法門興廢繫在僧徒僧是福田所應奉重僧重則法重僧輕則法輕內護

既嚴外護必謹設使粥鉢主人一期王化叢林執事偶爾當權常宜敬待同袍不得妄自尊大若也貢高我慢私事公酬萬事無常豈能長保一朝歸衆何面相看因果無差恐難迴避僧為佛子應供無殊天上人間咸所恭

敬二時粥飯理合精豐四事供需毋令缺少世尊二千年遺蔭蓋覆兒孫白毫光一分功德受用不盡但知奉衆不可憂貧僧無凡聖通會十方既曰招提悉皆有分豈可妄生分別輕厭客僧且過察三朝權住盡禮供奉僧

於二

十五

堂前暫爾求齋等心供養俗客尚猶照管僧家忍不逢迎若無有限之心自有無窮之福僧門和合上下同心互有短長迺相蓋覆家中醜惡莫使外聞雖然於事無傷畢竟減人瞻仰譬如獅子身中蟲自食獅子身中肉非

天魔外道所能壞也若欲道風不墜

佛日長明壯祖域之光輝補

皇朝之聖化願以斯文為龜鏡焉

病僧念誦

凡有病僧鄉人道舊對病者榻前排列香燭

佛像念誦贊佛云

水澄秋月現懸禱福田生
注有佛菩提是真皈依處

今晨則為在病比丘某甲釋多生之冤對懺
緊切之愆尤特運至誠仰投清泉稱揚聖號
蕩滌深殃仰憑尊衆念清 回向云 伏願一心
淨法身毘盧十號云 回向云 清淨四大
輕安壽命與惡命延及色身等法身 如病重
堅固再勞尊衆念十方三世云云 阿彌陀佛
為十念阿彌陀佛念時先白贊云 真金色相佛

好端嚴無等倫白素宛轉五須弥紺目澄清
四大海光中化佛無數德化普薩衆亦無造
四十八願度衆生此品咸令登彼岸今晨則
為在病比丘某甲釋多生之冤對懺累劫之
愆尤特運至誠仰投清泉稱揚聖號蕩滌深
殃仰憑尊衆念南無阿彌陀佛一百聲觀世
音菩薩大勢至菩薩清 回向云 伏願在病比
淨大海衆菩薩各十聲 回向云 某甲諸綠
未盡早遂輕安大命難逃 當念佛時衆宜攝
徑生安養十方三世云云

心清淨不得雜念攀緣

口

抱病僧某右某本貫某州某姓幾
歲給到某處度牒為僧某年到某
寺掛搭今未抱病恐風火不定所
有隨身行李台煩公界抄割死後
望依煎林清規津送

詞 亡僧

年 月 日抱病僧 某甲口詞

抄割衣鉢 凡有僧病革直病者即白延壽

堂主稟維那請封行李堂司行者覆首座頭

首知事侍者同到病人前抄寫口詞直病者

同執事人收拾經櫃函櫃衣物抄割具單見

數一一封鎖外須留裝亡衣服 直綴掛絡內
外衣裳數珠

於二

十六

香合脚絆鞋機淨
髮巾收骨綿子等合用之物併作一處包留

延壽堂主同直病者收掌或病者不能分付

維那首座力當主行無行李者亦須盡禮津

送單帳鎖匙封押納首座處所封行李首座

維那知客侍者四寮人力擡歸堂司若單寮

勤舊行李多者封起只留本房庫司差人看

守亡僧非生前預聞住持兩序勤舊及無親

書不可擅自遺囑衣物大川和尚住淨慈時首座維那偽作亡僧

遺囑衣物如病僧瞋自延壽堂主即報維那

令堂司行者報燒湯覆首座知客侍者庫司

差人擡龕浴船安排浴亡浴畢淨髮拭浴衣

被酌量俵浴亡人手中與淨髮人維那提督

着衣入龕置延壽堂中鋪設椅卓位牌牌上

書云新圓寂某甲上座覺靈或西堂則書前住某寺某講某禪師之靈餘隨職粉呼

之備香燈供養現前僧眾諷大悲咒回向安

位夜點長明燈堂司行者預造雪柳幡花直

靈行者每日上粥針知事三時上茶湯燒香

齋粥殿堂諷經罷及放參罷堂司行者即鳴

手磬前引首座領眾至龕前住持燒香畢維

那舉大悲咒回向云上承輿經功德奉為新圖齊某甲上座莊嚴報

地十方三次鄉人舉呪鄉長出燒香每日三

時禮同除公界回向稱雙字名餘只稱單字

名回向同前如遇旦望及景命日免諷經未

可出喪請佛事秉炬必請住持舉佛事

其餘鎖龕起龕起骨入塔佛事維那稟首座

商量依資次輪請頭首為之仍用小片白紙

寫帖子云新圓寂某甲上座某州人秉炬

若亡者是西堂單寮勤

舊衣鉢稍豐則添奠茶湯轉龕轉骨等佛事

輪請單寮西堂首座及本山江湖名勝維那

備盤袱爐燭香一片帶行者詣方丈插香觸

禮一拜稟云某甲上座國齊某日呈納帖子

而退請頭首禮同堂司置佛事簿以備稽考

輪請

估衣維那分付堂司行者請住持兩序侍

者就堂司或就照堂對眾呈過包籠開封出衣物排地上席內逐件提起呈過維那估直首座折中知客侍者上單排字號就記價直在下依號寫標貼衣物上入籠仍隨號依價逐件別寫長標以備唱衣時用方丈兩序諸

寮舍並不許以公用為名分去物件常住果有必得用者依價於抽分錢內准或亡僧衣鉢稍豐當放低估價利眾以薦冥福

大夜念誦 來早出喪隔日午後堂司行者覆住持兩序報眾掛念誦牌預報庫司造祭

食差人鋪排祭筵鄉人法眷作祭文納庫司錢回祭備小香三片上祭用若亡僧是大方名德正堂單寮勤舊有功山門住持兩序有祭維那讀祭文放參罷鳴僧堂鐘集眾龕前念誦知事先燒香上茶湯住持至燒香居東

於二

六八

序上首立維那出燒香請鎖龕佛事受請人出班燒香退身問訊次住持前問訊轉東序前問訊巡至班末問訊次西序前問訊然後與大眾普同問訊從西序末過若見職頭首各依本位空處過至龕右側立堂司行者以

梓托鎖候舉佛事畢行者以鎖鎖龕畢住持

復位維那出几前左邊揖住持兩序上香畢

維那向龕念誦云切以生死交謝寒暑迭遷波傳大海是日則有新圓寂某甲上座生緣既盡大夢俄遷了諸行之無常乃寂滅而為樂恭奠大眾肅請龕轉誦諸聖之洪名薦清

菟於淨土仰憑大眾念清淨法身毘盧云云

舉大悲咒回向云上來念誦輒給功德奉為超淨域業謝塵勞進開上品之花佛授一知生之記甬勞大慈念十方三世一切諸佛為

客平舉楞嚴咒回向云上來誦經功德奉為嚴報地十方住持仍歸東序上首立江湖道三世云云

舊鄉人法眷次第設祭末舉大悲咒回向與

知客同

送亡 凡出喪庫司預分付監作行者辦柴
化亡差撥行僕鏡鉢鼓樂幡花香燭擡龕喪
儀一切齊備堂司行者隔宿覆住持兩序掛
送亡牌次早行粥遍食椎後再鳴椎一下云

白大衆粥罷普請送亡除守
祭直堂外並當齊赴謹白 又鳴椎一下出

聖僧前問訊次住持前問訊畢從首座板起
巡堂一匝至外堂歸內堂問訊而出如遇

聖節內不可白椎堂司行者徑覆住持兩序
粥罷報堂云 請首座大衆聞鐘
聲延壽堂誦經 鳴僧堂鐘衆

集維那念誦宜畧緊念云 欲舉靈龕赴茶毘
之盛札仰憑大衆

論者聖之洪名用表難達上資
覺於念清淨法身且塵遮那 佛畢住持轉東
序上首立維那出燒香請起龕佛事舉畢行
者鳴鉢擡龕出山門首若真茶湯轉龕龕則
向裏安排香几首座領衆兩行排立維那炷

香請佛事候舉佛事而行如不轉龕徑出門
外維那向裏合掌而立舉往生咒大衆同念
兩兩次第合掌而出各執雪柳行者掛立門
外低頭合掌待揖僧衆行盡亦隨後送維那
隨龕都寺押喪

茶毘 喪至涅槃臺知事燒香上茶次住持

上香歸位維那出燒香請住持秉炬佛事直
歲問訊度火把候舉佛事畢維那向龕念誦

云 是日則有新圓寂某甲上座既隨緣而願
寂乃依法以茶毘焚百年弘道之身如一
路涅槃之徑仰憑尊衆資助覺靈南無西方
極樂世界大慈大悲阿彌陀佛十尊罷上

稱揚十念資助往生惟願慧鏡分輝真風款
彩菩提園裏開敷覺意之花法性海中蕩滌
塵心之垢茶傾三真香爨口事候念茶傾香
一爐奉送靈程和南聖衆 知事候念茶傾香
奠時躬出傾奠表山門禮維那就行之非禮
也舉大悲咒回向云 上求念願願經功德奉
為新圓寂某甲上座茶
毘之次莊嚴報地十
方三世一切云云 知客平舉楞嚴咒回向

同前但無念誦二字鄉人法眷諷經回向同亦

唱衣 茶毘後堂司行者覆住持兩序侍者

齋罷僧堂前唱衣仍報衆掛唱衣牌候齋下

堂排辦僧堂前住持首座分手位兩序對坐

入門向裏橫安卓幾卓上仍安筆硯磬剪掛

於二 二十

絡合用什物地上鋪席俱畢堂司行者覆住

持兩序侍者鳴鐘集衆維那知客侍者同入

室歸位向裏列坐堂司行者供頭喝食衆行

者一行排列向住持兩序問訊轉身向維那

知客侍者問訊畢扛包籠住持兩序前巡呈

封記於首座處請鎖匙呈過開取衣物照字

號次第排席上空籠向內側安維那起身鳴

磬一下念誦云浮雲散而影不留殘燭盡而

仰憑大衆奉為某甲上座資助覺靈往十號

畢鳴磬一下云短長自宜照願聲數斷後不

許翻悔 謹白再鳴磬一下拈度牒於亡僧名字上

橫剪破云亡僧本名度牒鳴磬一下付與行

者捧呈兩序維那解袈裟安磬中却換掛絡

堂司行者依次第拈衣物呈過遞與維那提

起云某號某物一唱若干如估一貫則從一

伯唱起堂司行者接聲唱衆中應聲次第唱

到一貫維那即鳴磬一下云一打與一貫餘號並同

或同聲應同價者行者喝住云破雙再唱起鳴

磬為度堂司行者問定某人名字知客寫名

上單侍者照名發標付貼供行者遞與唱得

於二 于

人供頭行者仍收衣物入籠一一唱畢鳴磬

一下回向云某甲上來唱衣念誦功德奉為國寂

念十方三世云近來為息喧亂多作闔拈法見住

衣物過三日不取者昭價出賣造板帳

增輝記云佛制分衣意令在者見其亡物

分與衆僧作是思惟後既如斯我還若此
因其對治息貪求故今不省察翻於唱衣
時爭價喧呼愚之甚也

入塔 茶毘後執事人鄉曲法眷同收骨以
綿裹袂包函貯封定迎歸延壽堂位牌上去新字三

時諷經第三日午後出板帳於僧堂前令衆

通知如不合或式及有侵欺許以禮覆上下
嚴實改正若無實迹不得奈第違者合
擯罰為住持及執事者須公出板帳畢堂司
廉平允以身率先服衆可也

行者預報衆掛送灰牌至期鳴鐘集請起骨
佛事送至塔所請入塔佛事入畢知事封塔

維那舉大悲咒回向云上末經功德奉為
圓寂某上座入塔之
次莊嚴報地知客平舉楞嚴呪鄉人諷經回
向並同十方云

勅修百丈清規卷第六

音釋

勅於巧切手 鎮符分切 笮下浪切 梓音祭
註也折也 音文 衣架

於三

二十二

勅修百丈清規卷第七

於三

大智壽聖禪寺住持巨僧德輝奉 勅重編

大龍翔集慶寺住持巨僧大新奉 勅校正

板帳式

今具估唱亡僧某甲稱呼衣鉢鈔收支下項

一收鈔壹千貫文 係唱衣鉢收對或別有收鈔名目逐

支鈔玖拾壹貫文 係板帳 開具內壹拾伍

貫文 回龕

三貫文 回祭

參貫文 設粥

壹貫文 龕前燈油 拾貫文 筆紙造筆

壹貫文 淨發 貳貫伍伯文 移龕

伍伯文 燒浴 貳貫文 浴亡

壹貫文 直靈上 伍伯文 庫司客頭

伍伯文 粥飯 伍伯文 報造祭

祭釘掛筵

碗管計出

伍伯文 庫子出 伍伯文 監廚

伍伯文 庫司茶頭 伍伯文 撥行者

貳貫文 堂司行 伍伯文 撥行者

伍伯文 方文聽叫 拾貫文 行堂力

壹貫文 貼堂廊板 貳貫文 四寮茶

壹拾伍貫文 龕 壹貫文 打

參貫文 樂鼓 參貫文 扛香卓

伍伯文 儀雪柳 壹貫文 亡化

參貫文 方丈一 壹貫文 四寮人

伍伯文 貼堂司 伍伯文 唱堂司行者

伍伯文 貼堂司 伍伯文 唱堂司行者

伍伯文 貼堂司 伍伯文 唱堂司行者

伍伯文 者操行 伍伯文 骨

壹貫文 西 壹貫文 塔直 共支行

支鈔貳伯柒拾貫文 保板帳支行外二七

行支

支鈔壹佰叁拾伍貫文 佛事 開具內貳拾

貫 乘炬

壹拾貫 貼佛事

肆拾貫 鎖龕起龕

貳拾貫 貼佛事

叁拾貫 維那山頭佛事

壹拾伍貫 貼佛事

共支行

支鈔壹拾伍貫文 首座未喪都寺押喪

行 件支

支鈔貳貫文 知客舉經侍者收唱衣錢貳貫直歲

度火把 壹貫

支鈔壹拾伍貫文 方丈兩序堂司行者抄

方丈雙分計 一件支行

支鈔貳拾貫文 方丈兩序餘單方丈

支鈔肆伯肆拾肆貫伍伯文 係依衆經

僧方丈雙分僧衆約四百員各壹貫文
堂司行者隨僧觀在假并暫到約七十
九人半分各伍
伯文共支行

除支外見管鈔伍伯文 收堂司公用

右具如前 年 月 日 堂司行者 某 具

把帳

侍者 某押
知客 某押

直歲 知殿

典座 知浴

副寺 藏主

維那 藏主

副寺 書記

於三

監寺 首座

都寺 首座 某押 兩序並同

住持 押

板帳之設蓋古者凡立成式必書諸板示不可移易也故叢林亡僧有板帳焉凡僧

亡以其所有衣物對眾估唱懲貪積也估唱得錢必照板帳支用外其錢作三七抽分歸常住百貫抽去拾貫不滿百貫則不抽分餘則均俵僧眾經資一伯則佛事壹貫方丈倍之以壹千貫為率條列于前約其成式多則增而

上之少則降而殺之臨時又量眾隨宜以

斟酌之或勤蓄有田地米穀房舍床榻卓

則排日依觀經看經添奠茶湯轉念骨等佛事

大衆章終

節臘章第八

僧不序齒而序臘以別俗也西域三時以一時為安居出入有禁止凡禪誦行坐依受戒先後為次而制以九旬策勳于道以三旬營資身之具使內外均養身心俱安也尅期進修不捨寸陰護惜生命行蕪慈忍旨哉聖訓

萬世永遵而五竺地廣暑寒霖潦氣候之弗齊故結制有以四月五月十二月然皆始以十六日所謂兩安居者因地隨時惟適之安或曰坐夏或曰坐臘戒臘之義始此如言驗蠟人冰以坐臘之人驗其行猶冰潔或謂埋

蠟人於地以驗所修之成虧者類淫巫俚語庸非相傳之訛耶且吾所修證聖不能窺豈外物可測其進退哉今禪林結制以四月望解以七月望者若先一日講行禮儀而期內得專志於道故略繁文亦隨方毗尼或議不

於三

四

如法而不知其得法外意也中土以冬為一陽之始歲為四序之端物時維新人情胥慶禮貴同俗化在隨宜故以結解冬年為四大節周旋規矩聳觀龍象之筵主賓唱酬兼聞獅子之吼禮文秩秩猗歟盛哉

夏前出草單

叢林以三月初一日出草單見後方丈止掛
搭堂司依戒臘牌寫僧數令行者先呈首座
次呈住持兩序掛僧堂前備卓子列筆硯于
下凡三日皆齋後出或有差悞請自改正蓋

防初上床曆一時恐有錯亂又衆多或致漏
落將寫圖帳故先具草單各當自看本名戒
次高下近來好爭作鬧者往往恃強挾私爭
較名字是非互相塗抹喧譁撓衆犯者合擯
果有冒名越戒者惟者詳稟維那
首座覆住持處置

草單式

戒次朱書
名字墨書

清衆戒臘威音王戒陳如尊者

堂頭和尚至元幾戒元貞幾戒

某甲上座某甲上座大德幾戒

至大幾戒某甲上座某甲上座
右具如前恐有差悞請自改正伏幸衆
悉今日堂司某具

新掛搭人點入寮茶

於三

五

新掛搭人入寮後照列納陪寮錢若干候寮
元輪排當在何日掛點茶牌報衆書云今寮
齊遊
某甲上座某甲上座列須各備小香合
寫或三人六人九人為度

具威儀預列衆寮前右邊立候衆下堂茶頭
即鳴寮前板衆至揖迎歸位立定點茶人列
一行問訊揖坐坐畢分進中爐上下間爐前
燒香人多不過九人則三三進前退步轉身
須相照顧詳緩列一行問訊仍分進爐前問
訊退仍一行列問訊而立謂之揖香鳴寮內
小板二下行茶遍瓶須從穿堂入仍如前問

訊復退作一行問訊謂之揖茶鳴小板一下
收盞衆起立定寮元出爐前對點茶人代衆
謝茶衆人就位同時合掌謝畢寮元復位點
茶人復一行列問訊再各分進爐前問訊謂
之謝衆臨仍退作一行問訊鳴寮前板三下

諷經牌報眾寮元洒掃眾寮預具狀見後貼寮前下間請合寮尊眾特為湯鋪設照牌觀音前設供養上下間排香爐燭臺預煎湯寮元親送方丈令茶頭分送諸寮俱畢鳴寮内小板光講小座湯亦設照牌特為寮主副寮楞嚴頭行瓶盞人請寮長光伴揖坐燒香揖香歸位坐行湯畢方鳴寮前板寮長大眾入座請維那侍者光伴與寮元分手位寮長對面位大眾依戒四案位寮主副寮分案行禮

於三

七

皆巡問訊入座揖坐燒香揖香鳴寮内板二下行湯遍揖湯又鳴板一下收盞畢寮長進爐前謝湯畢鳥寮前板三下退座兩序入寮首座都寺各燒香歸班位立寮元於門外右立伺迎住持入燒香立定寮元於西序班末後立出燒香禮拜楞嚴頭舉咒回向畢寮元送住持出七月十二日禮同

狀式


守寮比丘 某 右某於今晚就寮煎湯一中侍為合寮尊眾聯誼 某制之儀伏望 眾慈同垂光降護持 今月 日守寮比丘 某 狀可馮子狀請 合寮尊眾禪師 中寮比丘某謹狀

楞嚴會

四月十三日啟建堂司預照大眾戒牒寫圖見後浴佛日諸圖帳俱同出鋪殿前請書記製疏語維那先期擇有音聲者為楞嚴頭引詣方丈庫司問訊皆請點心維那光伴至期寫普回向偈偈見後乃真貼殿内左右柱上有處見成刻牌則掛牌堂司行者隔宿報眾云來晨粥罷各俱威儀詣大殿啟建楞嚴會就掛諸寮諷經牌次日粥罷候殿上排辦畢覆兩序次覆住持自眾寮前鳴板起巡廊鳴遍鳴方丈板住持出鳴庫堂前大板三下鳴大鐘僧堂鐘殿鐘住持至佛前燒香上茶湯畢歸位行者鳴鈸維那揖住持兩序出班燒香大眾無拜此舊謂大眾同晨三拜住持晚爐並與聖節佛誕禮同不知何所祖述原夫大眾拜與住持跪爐宜疏者以祝聖壽報佛恩當嚴其禮以示特重楞嚴會乃祈保安居於禮可殺不

仍作梵音唱念經首序引畢方舉呪畢唱
 摩訶衆和畢維那回向云上來諷經功德回向真如實際莊嚴
 無上佛果菩提四恩總報三有齊資法每日
 粥罷少歇伺衆更衣堂司行者覆兩序次覆
 住持然後巡廊鳴板各三下徧住持出則鳴

大板三下不出則不鳴鳴僧堂鐘數鐘不鳴
 大鐘集衆諷咒畢楞嚴頭舉普回向偈大衆
 同聲念如遇旦望則祝 聖壽係維那回向
 至七月念十三日滿散禮同但楞嚴頭唱
念呪尼之末章維那回向而散



普 上未現前比丘衆 諷誦楞嚴秘密呪
 回向護法衆龍天 土地伽藍諸聖造
 三塗八難俱離苦 四恩三有盡沾恩
 國界安寧兵革銷 風調雨順民康樂
 大眾熏修希勝進 十地頓超無難事
 山門鎮靜絕非摩 檀信皈依增福慧
 十方三世一切佛 一切菩薩摩訶薩
 摩訶般若波羅密

偈 疏語 金由淬礪之精其鋒莫挫鏡假鍊磨

之瑩則照不昏故 先聖顯抑揚之機 爲
 衆生破微細之感摩登慶喜 妙協冥權
 世尊文殊特彰化軌 闡一代教觀則有觀
 有教 示密因修證而無證無修 明直見
 而息諸塵空花無蒂 居正定以制羣動止
 水不波顧末裔之何知誦 遺言而自警伏
 願促恒河沙劫爲一念無聞長期會十方刹
 土以同居咸成 正覺 滿 瞻此林園宛爾
 祇桓精舍 現前海衆儼然 一會靈山
 括大千於微塵 融三際於當念屬休夏

之自恣無犯無持總萬象以交叅孰凡孰聖
人人妙覺刹刹毘盧 示現千百億身 超
越五十七位以指喻指之非指指亦俱亡似
空藏空而合空空寧可餉 爲憐幼穉 特
獎愚蒙導 遺教以受持賴 安居之無障
伏願奢摩寂靜具足諸塵勞門 大用繁興
等入首楞嚴定

戒臘牌

堂司侍司衆寮預依戒臘寫造至十四日午
後堂司牌列僧堂前上間侍司牌列法堂下
間衆寮牌列寮內各備香几爐燭供養大衆
各炷香展拜畢仍各收牌掛起

方丈小座湯

四節講行按古有三座湯第一座分二出特
爲東堂西堂請首座光伴第二座分四出頭

首一出知亭二出西序勤舊三出東序勤舊
四出西堂光伴第三座位多分六出本山辦
事諸方辦事隨職高下分坐職同者次之首
座光伴侍司預備草圖呈方丈議定至日依
名書照牌午後備卓袱作一二三座陳列寢

堂下間東西堂前堂首座都寺係請客侍者
各詣寮觸禮拜請云堂頭和尚請今晚就寢
堂特爲獻湯餘頭首辦事名勝方丈客頭行
者請云方丈和尚叅前請就寢堂特爲獻湯
寢堂釘掛排位秉燭裝香畢客頭行者覆侍

於三

十

者次覆方丈鳴鼓初座客集侍者揖引至住
持前問訊依照牌入位立定燒香侍者請客
侍者分往特爲人前巡問訊揖坐已復位並
立燒香侍者進前燒香仍歸位與請客侍者
同時轉身分巡問訊揖香候鳴板二下行湯

遍仍巡揖湯畢燒香侍者進燒光伴香鳴板
一下收盞鳴鼓五下退座三座行禮並同策
林以茶湯為盛禮近來多因爭位次高下遂
寢不講住持當力行之江湖老成當力從吏
之庶將來知所矜式云

小 筓 一 筓 三 一 筓 三 出 一
座 一 二 三
圖 座 一 二 座 日 二 座 日 長 二

四節土地堂念誦

凡遇節先一日午後土地堂嚴設供養排香

燭臺凡爐瓶堂司行者報眾掛念誦牌巡廊
鳴板與三八同眾集相對為立住持先祖堂
次大殿炷香三拜鳴大板三下鳴大鐘住持
至大眾俛首合掌為迎住持燒香歸位行者
侍者隨後只當以手而過鳴鈸維那出揖班上香畢念誦回向見後

四節念誦

於三
切以薰風扇野炎帝司方當法王禁足之辰乃釋子
護生之日恭哀大眾肅詣靈祠誦持萬德洪名回向
合堂真宰所祈加護得遂安居仰憑大眾念云云
切以金風扇野白帝司方當覺皇解制之辰是法歲
周圓之日九旬無難一眾咸安誦持萬德洪名仰恭
合堂真宰仰憑大眾念云云
切以時臨亞歲節屆書堂當一陽來復之辰乃萬榮
發生之始恭哀大眾肅詣靈祠誦持萬德洪名回向
合堂真宰仰憑大眾念云云
切以化工密運歲曆云周咸忻四序之安將啓三陽

回向

之慶恭哀大眾肅詣靈祠誦持萬德洪名回向合堂
真宰仰憑大眾念云云
上來念誦功德回向當山土地 列位 護伽藍神合
堂真宰所冀神功叶贊發揮有利之勳梵苑超隆永錫無
私之慶再勞尊眾念十方三世一切云云四節並同

庫司四節特為首座大眾湯

念誦罷就僧堂講禮都寺預於齋退具湯榜

見後即令客頭行者備梓袱爐燭詣前堂首
座前插香觸禮一拜稟云今晚就雲堂特為
望慈悲特以榜呈納首座隨令本寮茶頭遞
番光降付供頭貼僧堂前下間庫司客頭隨覆云拜
湯罷就都寺懷香詣方丈觸禮一拜請云晚今

就雲堂特為首座大眾點湯仍分付客頭請
伏望和尚慈悲特垂降重
勤舊蒙堂諸寮各掛點湯牌逐一請已僧堂
前列照牌設首座與住持對面位上下間安
大眾位差行者專直特為人念誦畢即鳴齋
鼓一通大眾歸鉢位頭首一班齊歸前板都

寺隨入揖首座離位却揖以次頭首進板首
隨送首座歸位從聖僧後右出堂外迎住持
入堂供頭緩鳴堂前鐘七下送住持入位仍
往首座前揖坐仍如前出從首座板起巡堂
一匝外堂上下間歸堂中立問訊眾坐進前

燒香次上下間外堂歸香合安元處即往特
為人前問訊右出住持前問訊仍巡問訊一
匝及外堂歸堂中間訊側立鳴堂前鐘二下
先進特為人與住持湯次行大眾湯遍瓶出
往特為人前問訊右出聖僧前大展三拜仍

於三

十三

巡堂一匝出外堂巡畢引全班入住持前行
禮初展云此日粗湯特沐慈悲降再展云即日
時今謹時恭惟堂頭退觸禮三拜畢轉身引
和尙尊候起居多福
從聖僧後轉右出堂前排立首座隨出對觸
禮一拜謝湯復從上間入特為位都寺復歸

於三

十三

中燒香為藥石破而退堂司行者喝云請大眾行

者進住持特為人卓大眾展鉢頭首不下鉢

行藥石食畢鳴鼓三下退座方丈預出免人

事榜云某節並就來日法堂上人事例免到

貼僧堂上間不鳴放參鐘各卿曲依所出

四節並同惟冬節湯罷行糞果方行藥石

湯庫司今晚就雲堂點湯一中特為

榜首座大眾聊茲某節之儀伏望

結制禮儀

至日五更兩序大小勤舊江湖辦事鄉曲法

今月 日 庫司比立某等敬白

眷小師皆當詣方丈插香展禮若見僧堂前出免人事榜則不必往侍者覆方丈令行者

報眾掛上堂牌粥罷住持說法畢詳白行禮

始末云下座先與西堂人事觸禮一拜次與

諸庫司人事觸禮三拜首座歸僧堂前上問

於三

十三

後堂領大眾歸僧堂下間與首座入堂內立

三拜畢依念誦圖立首座領眾三拜巡堂一

定首座離位聖僧前燒香如展三拜巡堂一

次知事入堂燒香大長三拜巡堂一匝至聖

僧板頭排立行者喝云知事禮謝大眾觸禮

三拜不出堂住持入堂燒香大長三拜巡堂

一匝歸位行者喝云大長三拜巡堂

普觸禮三拜又喝云大長三拜巡堂

同作禮觸禮三拜次第巡察下座行者即進

香燭臺几爐執作一字排列畢西堂進前人事次知事進插香初展云此際安居後奉中

願無再展云即日益夏禪時恭惟堂退觸禮

難事再展云頭和尚尊候起居多福

三拜住持答一拜次首座領眾插香勤舊諸寮皆隨後次第插香展禮致詞並與前同眾

退住持跌座侍者小師插香展拜次參頭領

眾行者插香禮拜次作頭領老郎諸直廳轎

番人僕等參拜首座領眾詣庫司人事觸禮

三拜後堂首座領眾歸僧堂前下間立定前

堂首座居上間堂司行者喝云大眾與首座對

觸禮三拜畢依念誦圖立首座領眾巡入堂

內歸位立侍者暫到巡半堂侍者於聖僧龕

後立暫到向侍者立定首座離位進聖僧前

燒香大長三拜巡堂一匝復位喝云首座禮

謝大眾對觸禮三拜畢知事入燒香展拜巡

堂畢排立聖僧板頭喝云知事禮謝大眾對觸禮三

拜畢不出堂住持入堂燒香展拜巡堂歸位

小師輩必當迴避從後門喝云堂頭和尚與

出候講禮畢復位與茶

普觸禮三拜喝云大眾普觸禮三拜舊規載

堂後住持入堂則不曾答得知事禮蓋禮無

不答者近希叟和尚一山和尚皆如此講行

識者知事退身出堂外侍者暫到隨後出大
眾就坐侍者歸中問訊揖坐進中鑪上下間
至外堂燒香香合安元處退身當中問訊上
下間外堂問訊了歸中立鳴鐘二下行茶徧
瓶出復如前問訊中立鳴鐘一下收盞鳴鐘

於三

十四

三下出堂眾散住持次第巡察各寮嚴設坐
椅香几於門外候住持從東廊第一寮巡起
至各寮香几前寮主同眾插香云此日禮當拜賀送住持數步復側立香
几之右合掌問訊待眾行盡就隨其末次第

巡過各寮人隨後接巡至法堂上住持於香
几內中立大眾三人一引問訊而過巡至本
寮香几之側各各依次合掌立定一一巡徧
而散四節並同

四節秉拂

住持小參時白云未晨齋退煩都寺維那侍
請秉拂為次日齋退燒香侍者即令客頭行
者携主杖牌拂人僕捧杵袂爐燭約都寺維
那同詣各頭首寮炷香觸禮一拜稟云方丈
此拜請今晚為眾秉拂一一請已首座約

同受請頭首帶行者將牌拂主丈隨詣方丈
稟辭住持當力勸勉送出首座轉身就稟云
尊命既嚴不容辭却敢借法座伏望慈悲
古未秉拂多別設座今習為常後昆無聞
次就燒香侍者處借法鼓秉拂人令茶頭行
者請聖僧侍者禪客燒香獻茶畢云今晚秉拂

於三

十五

侍者燒香復令行者僧堂前掛秉拂牌方丈
請秉拂人藥石免赴當送徃堂司行者排辦
法座左手敷罽愚設住持位昏鐘鳴時行者
覆秉拂人次覆住持鳴鼓一通眾集小參禮
同住持出徑歸位立定都寺維那侍者同徃

秉拂人前問訊秉拂人往往持前問訊次知
事前問訊巡至班末次至同班前問訊亦巡
至班末即舉手與大眾普同問訊登座坐定
秉拂侍者同方丈侍者出座下問訊兩序西
堂次第問訊住持問訊秉拂人當起身仍就

座云

侍者請堂頭和尚跌坐

秉拂侍者至住持前問訊

轉身登座燒香提坐具問訊叉手側立秉拂
人索語問答了提綱叙謝方丈及兩序勤舊
諸察大眾畢舉方丈小叅公案或拈或頌畢
下座住持前問訊復元位以次秉拂人並如

前禮秉拂罷方丈客頭唱請湯果如小叅時
秉拂人即懷香同詣方丈拜謝就坐湯果次
日方丈請茶如都寺辦齋併請茶半齋點心
別日上堂叙謝管待或請立班西堂在第二
夜秉拂住持小叅時先委曲勸請舉揚隨意

拈頌公案遞相激揚此道近時叙謝循襲繁
贅使人厭聽取誚識者蓋秉拂以法為施苟
徇時儀但總標名或畧提過足矣

方丈四節特為首座大眾茶

至日粥罷請客侍者寫茶榜見後備拌袱鑪

燭詣寮炷香觸禮請云

堂頭和尚今晨齋退就雲堂點茶特為伏

望降以榜呈納貼僧堂前上間客頭行者請
以次頭首諸寮及請知事光伴掛點茶牌長
板鳴請客侍者入堂聖僧前燒香一炷大展
三拜巡堂一匝至中間訊而退謂之巡堂請

於三

十六

茶堂前排特為照牌首座與住持對面上首
知事與住持分手位維那次之以次知事與
受特為人分手位鳴鼓集眾燒香侍者行禮
並與庫司特為湯禮同首座至住持前謝茶兩展三禮
初展云茲者特蒙煎點下再展云即日時今
情不勝感激之至謹時恭惟

堂頭和尚尊候起居多福退觸禮三拜住持每一展則約止之至觸禮則荅一拜首座轉身從聖僧後右出住持畧送復位侍者燒光伴香鳴鐘收盃鳴鼓退座亦同前首座先往法堂候住持拜謝免則問訊

榜 堂頭和尚今晨齋退就雲堂點茶一中特為首座大眾聊旌某節之儀仍請諸知事同垂光伴 今月 日侍司 某敬白

庫司四節特為首座大眾茶

遇節之次日粥罷庫司具茶榜與湯同請茶報眾掛牌長板鳴入堂請茶與侍者同齋退排

照牌設位鳴鼓集眾揖坐揖香揖茶巡堂問訊住持前行禮致詞並同湯禮

前堂四節特為後堂大眾茶

遇節之第三日首座具茶狀見後詣後堂首座寮及詣方丈請茶講行禮儀次第並與庫

於三 七

司特為茶同但添設知事位次 於三 七

茶 前堂首座比丘某右某啓取今晨齋退就點茶一中特為後堂首座大眾聊旌某節之儀仍請諸知事同垂光伴今月 日具位某狀可漏子 洪請 後堂首座大眾 具位 謹封

旦望巡堂茶

住持上堂說法竟白云 下座巡堂 契茶 大眾至僧堂

前依念誦圖立次第巡入堂內暫到與侍者

隨眾巡至聖僧龕後暫到向龕與侍者對面

而立大眾巡徧立定鳴堂前鐘七下住持入

堂燒香巡堂一匝歸位知事堂排列聖僧前

問訊轉身住持前問訊從首座板起巡堂一

匝暫到及侍者隨知事後出燒香侍者就居

中問訊揖坐候眾坐定進前燒香及上下堂

外堂先下間次上間香合安元處爐前逐一

問訊揖香畢歸元位鳴鐘二下行茶瓶出復

如前問訊揖茶而退鳴鐘一下收盃鳴鐘三

下住持出堂首座大眾次第而出或迫他緣
或住持暫不赴眾則粥罷就座喫茶侍者行
禮同前

方丈點行堂茶

節臘僧堂茶罷侍者同客頭至行堂點茶客

頭預報叅頭掛點茶牌報眾燒湯出盞請典
座光伴方丈預送茶侍者至庫司典座接入
叅頭堂主領眾行者門迎侍者居主位代住
持也典座右位侍者出中燒香一炷復位以
手揖眾坐喫茶畢典座送出叅頭堂主門送
即詣方丈謝茶

庫司頭首點行堂茶

庫司候方丈點茶罷知事請行堂點茶知事
居主位典座分手行禮與方丈侍者同送出
門喝云叅頭大眾請庫司客頭報云知事侍
庫司謝茶語免謝

於三

六

茶頭首候點僧堂茶見兩序章罷合堂司行者報

叅頭掛牌報眾請典座光伴行禮與庫司同出門喝謝

鳴先亦同

月分須知

正月 初一日有處四五月大眾行道諷經

祈保次具門狀官員檀越諸山賀歲十七日百丈忌

二月 初一日僧堂內閉爐或山寺高寒毋

拘十五日 佛涅槃

三月 初一日堂司出草單清明日祖堂諸

祖塔諸檀越祠庫司預報洒掃嚴備供養集

眾諷經此月出榜禁約山林茶筍

四月 初一日鑽且過初四五間佛誕浴

佛庫司預造黑鉢方丈請大眾夏前點心十

三日建楞嚴會十五日結制候天氣僧堂內下暖簾上涼簾

五月 端午日早晨知事僧堂內燒香點茗

蒲茶住持上堂次第建青苗會堂司預出諸
寮看經誦經單直歲點檢諸處整漏疏浚溝
渠方丈詣諸寮諸庵塔各作一日點茶溫存
僧堂內掛帳

六月 初一日隆暑首座免鳴坐禪板入伏

於三

堂司提調晒薦炭頭或庫司打炭團

十九

七月 初旬堂司預出孟蘭盆會諸寮看誦經
單預率衆財辦斛食供養十三日散楞嚴會
十五日解制當晚設孟蘭盆會諷經施食
八月 初一日開旦過知客預晒寮內薦簾

此月修補本色衲子未遽起單僧堂收帳

九月 初一日首座復鳴坐禪板堂司提調
糊僧堂窓下涼簾上暖簾重陽日早晨知事
燒香點茶奠茶住持上堂許方來相看

十月 初一日開爐方丈大相看 達磨忌
初五日

十一月 二十二日 帝師忌冬至庫司預
辦糍果此月或進退職事或在歲節方丈請
大衆冬前點心

十二月 初八日 佛成道庫司預造紅糟
歲終結呈諸色簿書節臘章終

勅修百丈清規卷第七

勅修百丈清規卷第八

於四

大智壽聖禪寺住持巨僧德輝奉

勅重編

大龍翔集慶寺住持巨僧大新奉

勅校正

法器章第九

上古之世有化而無教化不足而禮樂作焉

於四

擊壤之歌不如九成之奏窪樽之飲不若五齊之醇然文生於質貴乎本也吾天竺聖人最初示化謂人人妙覺本無凡聖物物全真寧有淨穢無假修證不涉功用而昧者茫然自失若聾瞶焉於是隨機設教擊犍椎以集

衆演之爲三藏修之爲禪定迄于四十九年而化儀終矣梵語犍椎凡瓦木銅鐵之有聲者若鐘磬鐃鼓椎板螺貝鼓林至今倣其制而用之于以警昏怠肅教令導幽滯而和神人也若夫大定常應大用常寂聞非有聞覺

亦非覺以考以擊玄風載揚無思無爲化日自永雍雍乎仁壽之域清泰之都矣

鐘

大鐘鼓林號今資始也曉擊則破長夜警昏睡眠暮擊則覺昏衢疏冥昧引杵宜緩揚聲欲

長凡三通各三十六下總一百八下起止三

下稍緊鳴鐘行者想念偈云

頌此鐘聲起法界鐵圍幽暗悉

皆聞聞應清淨證圓通一切衆生成正覺仍稱觀世音菩薩名號

隨號扣擊其利甚大遇

聖節看經上殿下殿三八念誦佛誕成道涅槃建散楞嚴會諷經齋粥過堂人定時各一

十八下如接送官員住持尊宿不以數限庫司主之

僧堂鐘凡集衆則擊之遇住持每

赴衆入堂時鳴七下齋粥下堂時放參時旦

望巡堂與茶下床時各三下

住持或不赴堂或在假則不鳴

堂前念誦時念佛一聲輕鳴一下末疊一下
堂司主之 殿鐘住持朝暮行香時鳴七下
凡集衆上殿必與僧堂鐘相應接擊之知殿
主之

感通傳云拘留孫佛於乾竺修多羅院造

青石鐘於日出時有諸化佛與日俱出密
說顯演十二部經聞法證聖不可勝數增
一阿舍經云若打鐘時一切惡道諸苦並
皆停止又金陵志云民有暴死入冥司見
有五木縲械者告之曰吾南唐先主也以

宋齊丘之誤殺和州降者致此每聞鐘聲
暫息吾苦仗汝歸白嗣君爲吾造鐘民還
具聞後主因造大鐘於清涼寺鐫曰薦烈
祖孝高皇帝脫幽出厄

版

大版齋粥二時長擊三通木魚後三下疊疊
擊之謂之長版念誦楞嚴會徹戒火燭各鳴
三下報更則隨更次第擊之方丈庫司首座
寮及諸寮各有小版開靜時皆長擊之報衆
時各鳴二下衆寮內外各有版外版每日大

衆問訊時三下坐禪坐叅時各三下候衆歸
堂次第鳴之點茶湯時長擊之內版掛搭歸
寮時三下茶湯行盞二下收盞一下退座三
下小座湯長擊之

木魚

於四

三

齋粥二時長擊三通普請僧衆長擊一通普
請行者二通

相傳云魚晝夜常醒刻木象形擊之所以
警昏惰也

椎

齋粥二時僧堂內開鉢念佛唱食遍食施財
 白衆皆鳴之維那主之下堂時聖僧侍者鳴
 之知事告退時請知事時亦鳴之住持入院
 開堂將說法時諸山上首鳴之謂之白椎也
 世尊一日陞座大衆集定文殊白椎云諦

觀法王法法王法如是世尊使下座

磬

大殿早暮住持知事行香時大衆看誦經呪
 時直殿者鳴之唱衣時維那鳴之行者披剃
 時作梵閣黎鳴之小手磬堂司行者常隨身

遇衆諷誦鳴之爲起止之節

鏡鈸

凡維那揖住持兩序出班上香時藏殿祝贊
 轉輪時行者鳴之遇迎引送亡時行者披剃
 大衆行道接新住持入院時皆鳴之

鼓

法鼓凡住持上堂小叅普說入室並較手之擊
 鼓之法上堂時三通先輕敲鼓磔二下然後
重手徐徐擊之使其緊

慢相叅輕重相應音聲和暢起復連環隱隱
轟轟若春雷之震蟄第一通延聲長擊少歇
轉第二通連聲稍促更不歇聲就轉第三通
一向纏聲擊之候住持益座畢方歇聲雙椎

進打小叅一通普說五下入室三下皆當緩

擊 茶鼓長擊一通侍司主之 齋鼓三通

如上堂時但節會稍促而已 普請鼓長擊

一通 更鼓早晚平擊三通餘隨更次擊庫

司主之 浴鼓四通次第候衆擊其詳見知
浴章

浴

四

浴主之已上宜各有常度毋令失准若新住
 持入院諸法器一齊俱鳴

金光明經云信相菩薩夜夢金鼓其狀殊

大其明普照喻如日光光中得充十方諸

佛衆寶樹下坐琉璃座百千眷屬圍繞而

爲說法一人似婆羅門以杓擊鼓出大音
聲其聲演說懺悔偈頌信相菩薩從夢寤
已至於佛所以其夢中所見金鼓及懺悔
偈向如來說又楞嚴經云阿難汝更聽此
祇陀園中食辦擊鼓衆集撞鐘鐘鼓音聲

前後相續於意云何此等爲是聲來耳邊
耳往聲處

法器章終

唐洪州百丈山故懷海禪師塔銘并序

將仕郎守殿中侍御史陳詡撰

守信州司戶參軍員外置同正員武

翊黃書

星躔斗次山形鷲立桑門上首曰懷海禪師
室於斯塔於斯付大法於斯其門弟子懼陵

於四

五

谷遷貨日時失紀託於儒者銘以表之西方
教行于中國以彼之六度視我之五常過惡
遷善殊途同轍唯禪那一宗度越生死大智
慧者方得之自雞足達于曹溪紀牒詳矣曹
溪傳衡嶽觀音臺懷讓和上觀音傳江西道

一和上

詔謚爲大寂禪師大寂傳大師

中土相承凡九代矣大師太原王氏福州長
樂縣人遠祖以永嘉喪亂徙于閩隅大師以
大事因緣生於像季託孕而薰羶自去將誕
而神異聿來成童而靈聖表識非夫宿植德

本曷以臻此落髮於西山慧照和尚進具於
衡山法朝律師既而歎曰將滌妄源必遊法
海豈惟必證亦假言詮遂詣廬江閱浮槎經
藏不窺庭宇者積年既師大寐盡得心印言
簡理精貌和神峻睹即生敬居常自卑善不

近名故先師碑文獨晦其稱號行同於衆故門人力役必等其艱勞然親兩忘故棄遺舊里賢愚一貫故普授來學常以三身無住萬行皆空邪正並捐源流齊泯用此教旨作人表式前佛所說斯爲頓門大寂之徒多諸龍

象或名聞萬乘入依京輦或化洽一方各安郡國唯大師好尚幽隱棲止雲松遺名而德稱益高獨往而學徒彌盛其有徧探講肆歷抵禪關滯着未祛空有猶閱靡不緘葢萬里取決一言疑網雲張智刃冰斷由是齊魯燕

代荆吳閩蜀望影星奔聆聲颺至當其饑渴快得安隱超然懸解時有其人大師初居石門依大寂之塔次補師位重宣上法後以衆所歸集意在遐深百丈山碣立一隅人煙四絕將欲卜築必俟檀那伊補塞游暢甘貞請

施家山願爲鄉導庵廬環遠供施苻積衆又踰於石門然以地靈境遠頗有終焉之志元和九年正月十七日證滅於禪床報齡六十六僧臘四十七以其年四月廿二日奉全身窆于西峯據婆沙論文用淨行婆羅門葬法

遵遺旨也先時白光去室金錫鳴空靈溪方春而涸流杉燎竟夕以通照妙德潛感于何不有門人法正等嘗所稟奉皆得調柔迺相發揮不墜付囑他年紹續自當流布門人談叙永懷師恩光崇塔宇封土累石力竭心瘁

門人神行梵雲結集徵言纂成語本凡今學者不踐門闕奉以爲師法焉初閩越靈謁律師一川教宗三學歸仰嘗以佛性有無響風發問大師寓書以釋之今與語本並流于後學詡從事于江西府備嘗大師之法味故不

讓衆多之託其文曰 梵雄設教有權有實
未得頓門皆爲暗室祖師戾止方傳秘密如
彼重昏忽懸白日一其唯此大士弘紹正宗雖
修妙行不住真空無假方便豈俟磨龍若恬然
返本萬境圓通其二百千人衆盡祛病熱彼皆

於四

七

有得我實無說心本不生形同示滅此土灰
燼他方水月三其法傳人代塔閉山原杉松日
暗寺塔猶存藹藹學徒無非及門唯能覺照
是報師恩四其元和十三年十月三日建
碑側大衆同記五事至今猶存可爲鑑戒并

錄于左 大師遷化後未請院主日衆議釐
革山門久遠事宜都五件一塔院常請一大
僧及令一沙彌洒掃 一地界內不得置尼
臺尼墳塔及容俗人居止 一應有依止
及童行出家悉令依院主一人僧衆並不得

各受 一臺外及諸處不得置莊園田地
一住山徒衆不得內外私置錢穀 欲清其
流在澄其本後來紹續永願尊崇 立碑日
大衆同記

百丈山大智壽聖禪寺天下師表閣記
菩提達磨大師後八葉有大比丘居洪之百
丈山人稱之曰百丈禪師

今天子始命因其舊謚大智覺照者加以弘
宗妙行之號寺以壽聖名則故額也山去郡
治三百里其未置寺時林壑深阻巖徑峭絕

樵蘇之跡所不通有司馬頭陀者善爲宮宅
地形之術覩其山勢斗拔與夫岡巒首尾之
起伏知爲吉壤所留鈴記有曰法王居之天
下師表禪師之來式符其言東陽德輝以禪
師十八代孫嗣住是山既新作演法之堂且

增創重屋其上以妥禪師遺像榜其楹間曰
天下師表之閣云初文宗皇帝入踐

天位即金陵潛邸造寺曰龍翔集慶詔開山
大訖領其徒而以禪師所制清規爲日用動
作威儀之節願其書行世已久後人率以臆

於四

見互有損益自爲矛盾靡所折衷輝與訢學
同師而柄法於祖庭大懼夫來者傳疑莫知
適從無以壹諸方之觀聽爰走京師欲有請
而釐正之今御史大夫撒迪時執法中臺爲
言于

上得召見有旨令輝譔次舊聞以授訢使
擇習於師說者共考定而頒行爲叢林法仍
加錫禪師以今號褒顯而風厲焉輝奉

璽書將南還以閣之成未及有所紀述諭于
潛曰願叙其構興之端原歸而刻諸潛竊觀

遂古聖賢乘時繼作弛張迭用循環不窮所
以通其變也佛之爲教必先戒律諸部之義
小大畢陳種種開遮唯以一事去聖逾遠局
爲專門名數滋多道日斯隱是故達磨不階
方便直示心源律相宛然無能留礙世降俗

未誕勝真離馳騁外緣成邪慢想是故百丈
弘放軌範輔律而行調護攝持在事皆理蓋
佛之道以達磨而明佛之事以百丈而備通
變之妙存乎其人厥後達磨之傳派別爲五
而出於禪師者二它師於四所倡殊宗異旨雖各

九

名其家至於安處徒衆未有不取法於禪師
者然則天下師表之言良可徵不誣也粵自
中土君臣知尊佛法光昭崇極莫越於今輝
遭值
聖時蒙被

帝力用克發揚先訓紹隆宗風俾與

國家相為悠久永永無已不特今之天下以
為師表盡未來際咸有依承潛是用謹志之
而於其經度之勤營締之美有不暇論也閭
為屋以間計者五其崇百有二十尺三其崇

之一以為其修三其修以為其廣以至順元
年夏六月庀工冬十月訖事實輝住山之明
年而輝入對以元統三年夏五月

命下則其明年春二月也承直郎國子博士
黃潛記翰林侍 制奉議大夫兼 國史院

編修官揭傒斯書翰林侍 講學士通奉大
夫知 制誥同修 國史知 經筵事張起
巖篆前榮祿大夫御史中丞趙世安光祿大
夫江南諸道行御史大夫易釋董阿同立石
古清規序

翰林學士朝散大夫行 司諫知
制誥同修國史判史館事上柱國
南陽郡開國侯食邑一千一百戶
賜紫金魚袋楊億述

百丈大智禪師以禪宗肇自少室至曹溪以
來多居律寺雖列別院然於說法住持未合
規度故常爾介懷乃曰佛祖之道欲誕布化
元異來際不泯者豈當與諸部阿笈摩教為
隨行耶或曰瑜伽論瓔珞經是大乘戒律胡
不依隨哉師曰吾所宗非局大小乘非異大

小乘當博約折中設於制範務其宜也於是
創意別立禪居凡具道眼者有可尊之德號
曰長老如西域道高臘長呼須菩提等之謂
也即為化主即處於方丈同淨名之室非私
寢之室也不立佛殿唯樹法堂者表佛祖親

囑受當代爲尊也所哀學衆無多少無高下盡入僧堂依夏次安排設長連床施拋架掛搭道具卧必斜枕牀脅右脇吉祥睡者以其坐禪既久畧偃息而已具四威儀也除入室請益任學者勤怠或上或下不拘常準其闔

院大衆朝參夕聚長老上堂陞座主事徒衆爲立側聆賓主問酬激揚宗要者示依法而住也齋粥隨宜一時均徧者務于節儉表法食雙運也行普請法上下均力也置十務謂之寮舍每用首領一人管多人營事令各司

其局也或有假號竊形混于清衆別致喧撓之事即當維那檢舉抽下本位掛搭擯令出院者貴安清衆也或彼有所犯即以拄杖杖之集衆燒衣鉢道具遣逐從偏門而出者示耻辱也詳此一條制有四益一不汙清衆生

於四

十一

恭信故二不毀僧形循佛制故三不擾公門省獄訟故四不泄於外護宗綱故四來同居聖凡孰辨且如來應世尚有六群之黨況今像未豈得全無但見一僧有過便雷例譏誚殊不知輕衆壞法其損甚大今禪門若稍無

妨害者宜依百丈叢林規式量事區分且立法防姦不爲賢士然寧可有格而無犯不可有犯而無教惟大智禪師護法之益其大矣哉禪門獨行自此老始清規大要徧示後學令不忘本也其諸軌度集詳備焉億幸叨睿

旨刪定傳燈成書圖進因爲序引昔景德改元歲次甲辰良月吉日書

崇寧清規序

夫禪門事例雖無兩樣毘尼衲子家風別是一般規範若也途中受用自然格外清高如

於四

十一

其觸向面墻實謂滅人瞻敬是以僉謀開士
遍撫諸方凡有補於見聞悉備陳於綱目噫
少林消息已是剜肉成瘡百丈規繩可謂新
條特地而况叢林蔓衍轉見不堪加之法令
滋彰事更多矣然而莊嚴保社建立法幢佛

事門中闕一不可亦猶菩薩三聚聲聞七篇
豈立法之貴繁蓋隨機而設教初機後學莫
善參詳上德高流幸垂證據崇寧二年八月
十五日真定府十方洪濟禪院住持傳法慈
覺大師宗疇序

咸淳清規序

叢林規範百丈大智禪師已詳但時代濶遠
後人有從簡便遂至循習雖諸方或有不同
然亦未嘗違其大節也余處衆時往往見朋
輩抄錄叢林日用清規互有虧闕後因暇日

於四
十二
悉假諸本參其異存其同而會焉親手繕寫
頗爲詳備目曰叢林校定清規總要釐爲上
下卷庶便觀覽吾氏之有清規猶儒家之有
禮經禮者從宜因時損益此書之所以繼大
智而作也是皆前輩宿德先後共相講究紀

錄愚不敢私以所聞所見而增減之如前所
謂參其異存其同而會焉爾耳觀者幸勿病
諸咸淳十年甲戌歲結制前一日后湖北丘
惟勉書于寄玩軒
至大清規序

禮於世爲大經而人情之節文也沿革損益
以趨時故古今之人情得綱常制度以揆道
故天地之大經在且吾聖人以波羅提木叉
爲壽命而百丈清規由是而出此固叢林禮
法之大經也然自唐抵今殆五百載風俗屢

變人情不同則公革損益之說可得已哉近者大川笑翁二祖唱道南北山日用軌則盛於當代至元戊寅依石林和尚於南屏猶得見其遺風餘烈及友雲明西堂出所藏抄本究心訪問編集成帙始此書之作或以爲僧

於四

十三

受戒首之或以住持入院首之壬午依覺菴先師於承天朝夕扣問因得以祝

聖如來降誕二儀冠其前其餘門分類聚釐十卷然猶未敢以傳學者丙戌夏留雪竇千峯琬西堂論其詳丁亥春溪西澤和尚正其舛得於見聞稔矣而尚以未身行之爲媿壬辰夏首衆雙徑小座湯有位次高下之爭諸方往往廢而不舉愚以西堂一出首座再出都寺三出後堂四出藏主維那知客侍者隨職爲位請於雲峯伯父力行焉訖事無敢謀

者元貞乙未備員永嘉天寧大德庚子補番陽永福乙巳主廬山東林皆行之無易庶幾人情爲折中然視古之清規不幾於繁縟乎蓋由桴土鼓不可作於笙鏞間知之秋汙樽抔飲不可施於犧象駢羅之日目曰禪林備

用清規備而不用之謂也知我罪我其惟春秋至大辛亥秋廬山東林式咸書

勅脩百丈清規叙

天曆至順間

文宗皇帝建大龍翔集慶寺於金陵寺成以

十方僧居之有

旨行百丈清規元統三年乙亥秋七月

今上皇帝申

前朝之命若曰近年叢林清規往往增損不一於是特勅百丈山大智壽聖禪寺住持德